

《摩訶般若波羅蜜經》卷 1 〈1 序品¹〉冠科²

《摩訶般若波羅蜜經》卷 1 (大正 08, 217a3-221a20):

甲一、序分

乙一、通序

丙一、聞法時處³

如是我聞：

一時佛⁴住王舍城耆闍崛山中，

丙二、聞持之伴

丁一、聲聞眾

戊一、比丘眾

己一、舉類明數⁵

共摩訶比丘僧大數五千分，

己二、明位歎德⁶

皆是阿羅漢——諸漏已盡，無復煩惱，心得好解脫、慧得好解脫，其⁷心調柔軟，摩訶那伽，所作已辦⁸，棄擔能擔，逮得己利，盡諸有結，正智已⁹得解脫，

己三、簡學比丘¹⁰

¹ 自序品第一至遠離品第二十四。梵. *Abhisamayālaṅkāraṅusāreṇa saṃsodhitāyāṃ Sarvākārajñatādhikāraḥ Subhuti-Parivataḥ Prathamah.*, (摩訶般若波羅蜜經)+序【聖】(大正 08, 217d, n.3)。

² 妙境法師，《摩訶般若波羅蜜經》冠科(上冊)，pp.1-23。

³ 對照《大智度論》卷 1 〈1 序品〉(大正 25, 62c17)~《大智度論》卷 3 〈1 序品〉(大正 25, 76c13)。

⁴ 佛=婆伽婆【宋】【元】【明】【宮】(大正 08, 217d, n.4)。

⁵ 對照《大智度論》卷 3 〈1 序品〉(大正 25, 79b24-80a28)。

⁶ 對照《大智度論》卷 3 〈1 序品〉(大正 25, 80b3-82b16)。

⁷ [其]—【宋】【元】【明】【宮】【聖】(大正 08, 217d, n.5)。

⁸ 辦=辨【聖】(大正 08, 217d, n.6)。

⁹ 正智已=以正智【宋】【元】【明】【宮】(大正 08, 217d, n.7)。

¹⁰ 對照《大智度論》卷 3 〈1 序品〉(大正 25, 83a16)。

2 《摩訶般若波羅蜜經》卷 1

唯¹¹阿難在學地，得須陀洹。

戊二、餘三眾¹²

復有¹³五百比丘尼、優婆塞、優婆夷等，皆得¹⁴聖諦。

丁二、菩薩眾

戊一、明位歎德

己一、舉名¹⁵

復有菩薩摩訶薩——

己二、讚德

庚一、得諸功德¹⁶

皆得陀羅尼及諸三昧，行空、無相、無作¹⁷，已得等忍，得無闕¹⁸陀羅尼，悉是五通，言必信受，無復懈怠，已捨利養、名聞，說法無所¹⁹悵望，度深法忍，得無畏力，過諸魔事²⁰，一切業障悉得解脫，巧²¹說因緣法。

庚二、於無數劫發大誓願，說法巧出²²

從阿僧祇劫以²³來，發大誓願。顏色和悅，常先問訊，所語²⁴不麁。於大眾中而²⁵無所畏。無數億劫說法巧出。

¹¹ 唯+ (除)【元】(大正 08, 217d, n.8)。

¹² 對照《大智度論》卷 3〈1 序品〉(大正 25, 84a28)。

¹³ [復有] - 【聖】(大正 08, 217d, n.9)。

¹⁴ 得=見【宋】【元】【明】【宮】(大正 08, 217d, n.10)。

¹⁵ 對照《大智度論》卷 4〈1 序品〉(大正 25, 84c12)~《大智度論》卷 5〈1 序品〉(大正 25, 95b29)。

¹⁶ 對照《大智度論》卷 5〈1 序品〉(大正 25, 95c1-100c10)。

¹⁷ 作=得【元】【宮】(大正 08, 217d, n.11)。

¹⁸ 闕=礙【宋】【元】【明】【宮】【聖】(大正 08, 217d, n.12)。

¹⁹ 悵=希【宋】【明】【宮】(大正 08, 217d, n.13)。

²⁰ 事=行【宋】【明】【宮】(大正 08, 217d, n.14)。

²¹ 巧=善【宋】【明】【宮】(大正 08, 217d, n.15)。

²² 對照《大智度論》卷 5〈1 序品〉(大正 25, 100c11-101b23)。

²³ 以=已【元】(大正 08, 217d, n.16)。

²⁴ 語=言【宋】【元】【明】【宮】(大正 08, 217d, n.17)。

²⁵ 而=得【宋】【元】【明】【宮】(大正 08, 217d, n.18)。

庚三、解諸法空如十喻²⁶

解了諸法：如幻、如焰、如水中月、如虛空、如響、如捷²⁷闍婆城、如夢、如影、如鏡中像、如化。

庚四、度生無礙²⁸

得無闕無所畏。悉知眾生心行所趣，以微妙慧而度脫之。意無罣²⁹闕，大忍成就，如實巧度。

庚五、常念諸佛與佛土³⁰

願受無量諸佛國土³¹。念無量國土，諸佛三昧常現在前。能請無量諸佛。

庚六、斷惑與得諸三昧³²

能斷種種見、纏及諸煩惱。遊戲出生百千三昧。

己三、結讚³³

諸菩薩³⁴如是等種種無量功德成就。

戊二、列名總結³⁵

其名曰：颯³⁶陀婆羅菩薩，罽³⁷那³⁸伽羅菩薩，導師菩薩，那羅達菩薩，星得菩薩，水天菩薩，主天菩薩，大³⁹意菩薩，益意菩薩，增意菩薩，不虛見菩薩，善進菩薩，勢勝菩薩，常勲⁴⁰菩薩，不捨精進菩薩，日藏

²⁶ 對照《大智度論》卷 6 〈1 序品〉(大正 25, 101c2-105c18)。

²⁷ 捷=乾【宋】【元】【明】【宮】【聖】(大正 08, 217d, n.19)。

²⁸ 對照《大智度論》卷 6 〈1 序品〉(大正 25, 105c19-108a19)。

²⁹ 罣=絳【宋】【宮】(大正 08, 217d, n.20)。

³⁰ 對照《大智度論》卷 7 〈1 序品〉(大正 25, 108a22-110a10)。

³¹ 國土=世界【宋】【元】【明】【宮】下同(大正 08, 217d, n.21)。

³² 對照《大智度論》卷 7 〈1 序品〉(大正 25, 110a11-c17)。

³³ 對照《大智度論》卷 7 〈1 序品〉(大正 25, 110c18-20)。

³⁴ [諸菩薩]—【聖】(大正 08, 217d, n.22)。

³⁵ 對照《大智度論》卷 7 〈1 序品〉(大正 25, 110c21-111a21)。

³⁶ 颯=跋【宋】【明】【宮】(大正 08, 217d, n.23)。

³⁷ 罽=刺【元】(大正 08, 217d, n.24)。

³⁸ 那+(那)【宋】【元】【明】【宮】【聖】(大正 08, 217d, n.25)。

³⁹ 大=天【宋】【宮】(大正 08, 217d, n.26)。

⁴⁰ 勲=勤【宋】【元】【明】(大正 08, 217d, n.27)。

菩薩，不缺意菩薩，觀世音菩薩，文殊師利菩薩，執寶印菩薩，常舉手菩薩，彌勒⁴¹菩薩。如是等無量⁴²百⁴³千萬億那由他諸菩薩摩訶薩，一切菩薩皆是補處紹尊位者。

乙二、別序

丙一、入三昧王三昧四番放光瑞

丁一、周身肢節放光

戊一、入三昧王三昧，一切三昧悉入其中⁴⁴

爾時，世尊自敷師子座，結跏趺坐，直身繫念在前，入三昧王三昧，一切三昧悉入其中。

戊二、從三昧起，以天眼觀世界，舉身微笑⁴⁵

是時，世尊從三昧安詳而起，以天眼觀視世界，舉身⁴⁶微笑。

戊三、出身分光⁴⁷

從足下千輻相輪中，放六百萬億光明。足十指、兩踝、兩躄、兩膝、兩髀、腰、脊、腹、脇⁴⁸、背、臍⁴⁹、心、胸⁵⁰、德字、肩、臂、手十指、項、口、四十齒、鼻兩⁵¹孔、兩眼、兩耳、白毫相、肉髻，各各放六百萬億光明。

從是諸光出大光明，遍照三千大千國土。從三千大千國土，遍照東方如恒河沙等諸佛國土，南西北方、四維、上下亦復如是。若有眾生遇斯光者，必得阿耨多羅三藐三菩提。

光明出過東方如恒河沙等諸佛國土，南西北方、四維、上下亦復如是。

⁴¹ 彌勒=慈氏【宋】【元】【明】【宮】(大正 08, 217d, n.28)。

⁴² 量=數【宋】【明】【宮】(大正 08, 217d, n.29)。

⁴³ [百]—【聖】(大正 08, 217d, n.30)。

⁴⁴ 對照《大智度論》卷 7〈1 序品〉(大正 25, 111a23-112b7)。

⁴⁵ 對照《大智度論》卷 7〈1 序品〉(大正 25, 112b8-113a8)。

⁴⁶ 身=體【宋】【宮】(大正 08, 217d, n.31)。

⁴⁷ 對照《大智度論》卷 7〈1 序品〉(大正 25, 113a9-114b19)。

⁴⁸ [脇]—【聖】(大正 08, 217d, n.32)。

⁴⁹ 臍=齊【宋】【宮】(大正 08, 217d, n.33)。

⁵⁰ 胸=匈【宋】【宮】(大正 08, 217d, n.34)。

⁵¹ 鼻兩=兩鼻【宋】【明】【宮】(大正 08, 217d, n.35)。

丁二、舉身毛孔放光⁵²

爾時，世尊舉身毛孔皆亦微笑而放諸光，遍照三千大千國土，復至十方如恒河沙等諸佛國土。若有眾生遇斯光者，必得⁵³阿耨多羅三藐三菩提。

丁三、放常光照十方界⁵⁴

爾時，世尊以⁵⁵常光明遍照三千大千國土，亦至東方如恒河沙等諸佛國土，乃至十方亦復如是。若有眾生遇斯光者，必得阿耨多羅三藐三菩提。

丁四、舌根放光化佛說法⁵⁶

爾時，世尊出廣長舌相，遍覆三千大千國土，熙⁵⁷怡微笑。從其舌根放無量千萬億光，是一一光化成千葉金色寶花。是諸花上，皆有化佛結跏趺坐，說六波羅蜜；眾生聞者，必得阿耨多羅三藐三菩提。復至十方如恒河沙等諸佛國土，皆亦如是。

丙二、入師子遊戲三昧六種震動瑞

丁一、以神通力令地六種震動⁵⁸

爾時，世尊故在師子座，入師子遊戲三昧，以神通力感動三千大千國土，六種震動。東踊⁵⁹西沒，西踊東沒；南踊北沒，北踊南沒；邊踊中沒，中踊邊沒。

丁二、以六種震動利樂眾生

戊一、眾生和悅⁶⁰

地皆柔軟，令眾生和悅。

戊二、三惡八難得生欲界天⁶¹

⁵² 對照《大智度論》卷 7 〈1 序品〉(大正 25, 114b20-114c1)。

⁵³ 得=至【聖】下同(大正 08, 217d, n.36)。

⁵⁴ 對照《大智度論》卷 8 〈1 序品〉(大正 25, 114c11-115a3)。

⁵⁵ 以=放【宋】【明】【宮】(大正 08, 217d, n.37)。

⁵⁶ 對照《大智度論》卷 8 〈1 序品〉(大正 25, 115a4-116c6)。

⁵⁷ 熙=嘻【宮】*，=嬉【聖】(大正 08, 217d, n.38)。

⁵⁸ 對照《大智度論》卷 8 〈1 序品〉(大正 25, 116c7-117b10)。

⁵⁹ 踊=涌【宋】【元】【明】【宮】(大正 08, 217d, n.39)。

⁶⁰ 對照《大智度論》卷 8 〈1 序品〉(大正 25, 117b11-26)。

是三千大千國土中地獄、餓鬼、畜生及八難處，即時解脫，得生天上，從四天王天處乃至他化自在天處⁶²。

戊三、天人自識宿命而至佛所⁶³

是諸天人自識宿命，皆大歡喜，來詣佛所，頭面禮佛足，却住一面。

丁三、十方如恒河沙等世界皆如是⁶⁴

如是十方如恒河沙等國土，地皆六種震動；一切地獄、餓鬼、畜生及八難處，即時解脫，得生天上，齊第六天。

丁四、令一切眾生盲者得視，乃至形殘者得具足⁶⁵

爾時，三⁶⁶千大千國土，眾生盲者得視，聾者得聽，瘂者能⁶⁷言，狂者得正，亂者得定，裸者得衣，飢渴者得飽滿，病者得愈，形殘者得具足。

丁五、一切眾生皆得等心相視，等行戒定慧，不憍眾生⁶⁸

一切眾生皆得等心相視：如父如母、如兄如弟、如姊如妹，亦如親族及善知識。是時，眾生等行十善業道，淨修梵行，無諸瑕穢，恬然快樂，譬如比丘入第三禪；皆得好慧，持戒⁶⁹自守，不憍⁷⁰眾生。

丙三、十方世界眾供養瑞

丁一、此方世界眾供養⁷¹

戊一、現尊特身⁷²

爾時，世尊在師子座上坐，於三千大千國土中，其德特尊，光明色像

⁶¹ 對照《大智度論》卷 8〈1 序品〉(大正 25, 117b27-118a7)。

⁶² [處] — 【聖】(大正 8, 217d, n.40)。

⁶³ 對照《大智度論》卷 8〈1 序品〉(大正 25, 118a8-b3)。

⁶⁴ 對照《大智度論》卷 8〈1 序品〉(大正 25, 118b4-17)。

⁶⁵ 對照《大智度論》卷 8〈1 序品〉(大正 25, 118b18-120a29)。

⁶⁶ (此)+三【宋】【明】【宮】(大正 08, 217d, n.41)。

⁶⁷ 能=得【明】(大正 08, 217d, n.42)。

⁶⁸ 對照《大智度論》卷 8〈1 序品〉(大正 25, 120b1-121b12)。

⁶⁹ 戒=誠【宋】【宮】(大正 08, 217d, n.43)。

⁷⁰ 憍=擾【宋】【宮】(大正 08, 217d, n.44)。

⁷¹ 對照《大智度論》卷 9〈1 序品〉(大正 25, 121b21-124a9)。

⁷² 對照《大智度論》卷 9〈1 序品〉(大正 25, 121b21-122b16)。

威德巍巍，遍至十方如恒河沙等諸佛國土。譬如須彌山王光色殊特，眾山無能及者。

戊二、示現常身

己一、佛示常身，諸天、人、非人眾集⁷³

爾時，世尊以常身示此三千大千國土一切眾生。

是時首陀會天、梵眾天、他化自在天、化⁷⁴樂天、兜率陀天、夜摩天、三十三天、四天王天，及三千大千國土人與非人，以諸天花、天瓔珞、天澤香、天末香，天青蓮花、赤蓮花、白蓮花、紅蓮花、天樹葉香，持詣佛所。

己二、供佛現瑞⁷⁵

是諸天花乃至天樹葉香以散佛上。所散寶花，於此三千大千國土上，在虛空中化成大臺。是花臺邊垂諸瓔珞，雜色花蓋，五色繽紛。是諸花蓋、瓔珞遍滿三千大千世界。以是花蓋、瓔珞嚴飾故，此三千大千國土皆作金色，及十方如恒河沙等諸佛國土，皆亦如是。

己三、眾生各見佛在其前說法⁷⁶

爾時，三千大千國土及十方眾生各各自念：「佛獨為我說法，不為餘人。」

戊三、放光令見⁷⁷

爾時，世尊在師子座熙怡微笑，光從口出，遍照三千大千國土。以此光故，此間三千大千國土中眾生皆見東方如恒河沙等諸佛及僧，彼間如恒河沙等國土中眾生亦見此間三千大千國土中釋迦牟尼佛及諸大眾；南西北方、四維、上下亦復如是。

丁二、他方世界眾供養

戊一、舉東方佛世界眾

⁷³ 對照《大智度論》卷 9 〈1 序品〉(大正 25, 122b17-123b5)。

⁷⁴ 化+(自)【元】(大正 08, 218d, n.1)。

⁷⁵ 對照《大智度論》卷 9 〈1 序品〉(大正 25, 123b6-29)。

⁷⁶ 對照《大智度論》卷 9 〈1 序品〉(大正 25, 123c1-10)。

⁷⁷ 對照《大智度論》卷 9 〈1 序品〉(大正 25, 123c11-124a9)。

⁷⁸ 牟尼=文【宋】【宮】【聖】(大正 08, 218d, n.2)。

己一、寶積佛正為菩薩說般若⁷⁹

是⁸⁰時，東方過如恒河沙等諸佛國土⁸¹，其國⁸²最在邊，國⁸³名多寶⁸⁴，佛號寶積⁸⁵，今現在為諸菩薩摩訶薩說般若波羅蜜。

己二、普明菩薩睹瑞疑問⁸⁶

彼⁸⁷國⁸⁸有菩薩，名曰普明⁸⁹。見大光明，見地大動，又見佛身。到寶積佛所，白佛言：「世尊！今何因緣⁹⁰有此光明照於世間⁹¹，地大震動，又⁹²見佛身？」

己三、寶積佛釋疑⁹³

寶積佛報普明言：「善男子！西方度如恒河沙等國⁹⁴，有世界名娑婆⁹⁵，佛號釋迦牟尼⁹⁶，今⁹⁷現在欲為諸菩薩摩訶薩說般若波羅蜜，是其神力。」

己四、普明菩薩欲來⁹⁸

是時，普明菩薩白寶積佛言：「世尊！我今當往見釋迦牟尼佛，禮拜、供養；及見彼諸菩薩摩訶薩紹尊位者，皆得陀羅尼及諸三昧，於諸三昧

⁷⁹ 對照《大智度論》卷 9〈1 序品〉(大正 25, 124a10-127a18)。

⁸⁰ 是=爾【宋】【元】【明】(大正 08, 218d, n.3)。

⁸¹ [土]—【聖】(大正 08, 218d, n.4)。

⁸² 國=界【宋】【宮】，=世界【元】【明】(大正 08, 218d, n.5)。

⁸³ 國=世界【宋】【元】【明】【宮】(大正 08, 218d, n.6)。

⁸⁴ 多寶 Ratnāvāt.(大正 08, 218d, n.7)。

⁸⁵ 寶積 Ratnākara.(大正 08, 218d, n.8)。

⁸⁶ 對照《大智度論》卷 9〈1 序品〉(大正 25, 127a19-b13)。

⁸⁷ (爾時)+彼【宮】(大正 08, 218d, n.9)。

⁸⁸ 國=界【宋】【元】【明】【宮】(大正 08, 218d, n.10)。

⁸⁹ 普明 Samantarasmin.(大正 08, 218d, n.11)。

⁹⁰ (何)+緣【宮】(大正 08, 218d, n.12)。

⁹¹ 於世間=諸世界【宋】【元】【明】【宮】(大正 08, 218d, n.13)。

⁹² 又=及【宋】【明】【宮】(大正 08, 218d, n.14)。

⁹³ 對照《大智度論》卷 10〈1 序品〉(大正 25, 127b23-128a13)。

⁹⁴ 國=諸國世界【宋】【元】【明】【宮】(大正 08, 218d, n.15)。

⁹⁵ 娑+(是中有)【宋】【元】【明】【宮】(大正 08, 218d, n.16)。

⁹⁶ 牟尼=文【宮】【聖】(大正 08, 218d, n.17)。

⁹⁷ 今=令【宋】(大正 08, 218d, n.18)。

⁹⁸ 對照《大智度論》卷 10〈1 序品〉(大正 25, 128a14-c1)。

而得自在。」

己五、寶積佛聽許⁹⁹

佛告普明：「欲往隨意，宜知是時。」

爾時，寶積佛以千葉金色蓮花與普明菩薩而告之曰：「善男子！汝以此花散釋迦牟尼佛上。生彼娑婆國¹⁰⁰中諸菩薩，難勝難及，汝當一心以¹⁰¹遊彼國。」

己六、齋供而至¹⁰²

爾時，普明菩薩從寶積佛受千葉金色光明¹⁰³蓮花，與無數出家、在家菩薩，及諸童男、童女，俱共¹⁰⁴發引。皆供養、恭敬、尊重讚歎東方諸佛。持諸花、香、瓔珞、澤香、末香¹⁰⁵、塗香、衣服、幢¹⁰⁶蓋，向釋迦牟尼佛所。

到已，頭面禮佛足，一面立。白佛言：「世尊¹⁰⁷！寶積如來致問世尊：『少惱、少患、起居輕利、氣力安樂不？』又以此千葉金色蓮花，供養世尊。」

己七、釋迦佛受供已，轉供養東方世界諸佛¹⁰⁸

爾時，釋迦牟尼佛受是千葉金色蓮花，以散東方如恒河沙等諸國土中佛。

所散寶¹¹⁰花，滿東方如恒河沙等諸佛國土。

一一花上皆有菩¹¹¹薩，結跏趺坐，說六波羅蜜；聞此法者¹¹²，必至阿

⁹⁹ 對照《大智度論》卷 10 〈1 序品〉(大正 25, 128c2-130a19)。

¹⁰⁰ 國=世界【宋】【元】【明】【宮】(大正 08, 218d, n.19)。

¹⁰¹ 〔以〕—【宋】【元】【明】【宮】(大正 08, 218d, n.20)。

¹⁰² 對照《大智度論》卷 10 〈1 序品〉(大正 25, 130a20-131c12)。

¹⁰³ 〔光明〕—【宋】【元】【明】【宮】(大正 08, 218d, n.21)。

¹⁰⁴ 共=時【宋】【明】【宮】(大正 08, 218d, n.22)。

¹⁰⁵ 末香=末香燒香【元】【明】【宮】(大正 08, 218d, n.23)。

¹⁰⁶ 幢=幡【宋】【元】，=旛【明】(大正 08, 218d, n.24)。

¹⁰⁷ 〔世尊〕—【宋】【元】【明】【宮】(大正 08, 218d, n.25)。

¹⁰⁸ 對照《大智度論》卷 10 〈1 序品〉(大正 25, 131c13-132c25)。

¹⁰⁹ 牟=文【宋】【宮】【聖】(大正 08, 218d, n.26)。

¹¹⁰ 寶=蓮【宋】【元】【明】【宮】(大正 08, 218d, n.27)。

耨多羅三藐三菩提。

己八、餘諸菩薩及童男、童女供養釋迦如來¹¹³

諸出家、在家菩薩及諸童男、童女，頭面禮釋迦牟尼佛足，各以供養具，供養恭敬，尊重讚歎釋迦牟尼佛。

是諸出家、在家菩薩及諸童男、童女，各各以善根福德力故，得供養釋迦牟尼佛、多陀阿伽度、阿羅訶、三藐三佛陀。

戊二、例餘世界眾¹¹⁴

南方度如恒河沙等諸佛國土，其國最在邊，國名離一切憂¹¹⁵，佛號無憂德，菩薩名離憂¹¹⁶。

西方度如恒河沙等諸佛國土，其國最在邊，國名滅惡¹¹⁷，佛號寶山¹¹⁸，菩薩名儀意¹¹⁹。

北方度如恒河沙等諸佛國土，其國最在邊，國名勝¹²⁰，佛號勝王¹²¹，菩薩名德勝¹²²。

下方度如恒河沙等諸佛國土，其國最在邊，國名善，佛號善德，菩薩名花上。

上方度如恒河沙等諸佛國土，其國最在邊，國名喜，佛號喜德，菩薩名德喜。

¹¹¹ (化)+善【宋】【元】【明】【宮】(大正 08, 218d, n.28)。

¹¹² 聞此法者必=若有聞者必【宋】【明】【宮】，=若聞此法者【元】(大正 08, 218d, n.29)。

¹¹³ 對照《大智度論》卷 10〈1 序品〉(大正 25, 132c25-133b2)。

¹¹⁴ 對照《大智度論》卷 10〈1 序品〉(大正 25, 133b3-134b23)。

¹¹⁵ 離一切憂 Sarvaśokāvagata.(大正 08, 218d, n.30)。

¹¹⁶ 離憂 Vigatāśoka.(大正 08, 218d, n.31)。

¹¹⁷ 滅惡 Upaśānta.(大正 08, 218d, n.32)。

¹¹⁸ 寶山 Ratnārci.(大正 08, 218d, n.33)。

¹¹⁹ 儀意 Cāritramati, 儀=義【宋】【元】【明】【宮】(大正 08, 218d, n.34)。

¹²⁰ 勝 Jaya.(大正 08, 218d, n.35)。

¹²¹ 勝王 Jayendra.(大正 08, 218d, n.36)。

¹²² 德勝 Jayadatta.(大正 08, 218d, n.37)。

如是一切，皆如東方。

爾時，是¹²³三千大千國土，皆成為寶，花遍覆地¹²⁴，懸繒幡蓋，香樹花樹，皆悉莊嚴。譬如花積世界、普花佛國¹²⁵，妙德菩薩、善住意菩薩，及餘大威神諸菩薩，皆在彼住。

甲二、正宗分

乙一、般若道

丙一、正明實相般若

丁一、就法門明般若

戊一、顯正

己一、為三根人三周說般若體

庚一、佛對舍利弗為上根人略說般若

辛一、廣讚勸學

壬一、佛廣讚般若勸菩薩學

癸一、總明¹²⁶

爾時，佛知一切世界，若天世界¹²⁷、若魔世界、若梵世界，若沙門、婆羅門及¹²⁸天、若韃¹²⁹闍婆、人、阿修羅等，及諸菩薩摩訶薩紹尊位者，一切皆集¹³⁰。佛知眾會已集¹³¹，佛告舍利弗：「菩薩摩訶薩欲以一切種智¹³²知一切法，當習行般若波羅蜜！」

癸二、別明

子一、偏約自利明

¹²³ 是=此【宋】【元】【明】【宮】(大正 08, 218d, n.38)。

¹²⁴ 覆地=覆其地【宋】【元】【明】【宮】(大正 08, 218d, n.39)。

¹²⁵ 佛國=世界【宋】【元】【明】【宮】(大正 08, 218d, n.40)。

¹²⁶ 對照《大智度論》卷 10〈1 序品〉(大正 25, 134b24)~《大智度論》卷 11〈1 序品〉(大正 25, 138c8)。

¹²⁷ 〔世界〕—【宋】【明】【宮】【聖】(大正 08, 218d, n.41)。

¹²⁸ 及=若【宋】【元】【明】【宮】(大正 08, 218d, n.42)。

¹²⁹ 韃=乾【宋】【元】【明】【宮】(大正 08, 218d, n.43)。

¹³⁰ 〔一切皆集〕—【聖】(大正 08, 218d, n.44)。以上大般若第二會第一品。梵. iti Nidānam.(大正 08, 218d, n.45)。

¹³¹ 〔佛知眾會已集〕六字—【元】【聖】(大正 08, 218d, n.46)。

¹³² 〔智〕—【宋】【元】【明】【宮】(大正 08, 218d, n.47)。

丑一、具足因行當學般若

寅一、舍利弗問¹³³

舍利弗白佛言：「世尊！菩薩摩訶薩云何欲以一切種智知一切法，當習行般若波羅蜜？」

寅二、佛分別答

卯一、具足六波羅蜜¹³⁴

佛告舍利弗：「菩薩摩訶薩以不住法，住般若波羅蜜中。以無所捨法，應具足檀¹³⁵那波羅蜜，施者、受者及財物不可得故；罪、不罪不可得故，應具足尸羅¹³⁶波羅蜜；心不動故，應具足羸提¹³⁷波羅蜜；身心精進不懈怠故，應具足毘梨耶¹³⁸波羅蜜；不亂不味故，應具足禪那¹³⁹波羅蜜；於一切法不著故，應具足般若波羅蜜。」

卯二、具足三十七道品¹⁴⁰

菩薩摩訶薩以不住法，住般若波羅蜜中，不生故，應具足四念處、四正勤、四如意足、五根、五力、七覺分、八聖道分；

卯三、具足種種定法

辰一、空三昧等八種定法¹⁴¹

空三昧、無相三昧、無作三昧，四禪，四無量心，四無色定，八背捨，八勝處，九次第定，十一切處；

辰二、九相¹⁴²

¹³³ 對照《大智度論》卷 11〈1 序品〉(大正 25, 138c9-139a21)。

¹³⁴ 對照《大智度論》卷 11〈1 序品〉(大正 25, 139a24)~《大智度論》卷 18〈1 序品〉(大正 25, 197b10)。

¹³⁵ Dāna.(大正 08, 218d, n.48)。

¹³⁶ Śīla.(大正 08, 218d, n.49)。

¹³⁷ Kṣānti.(大正 08, 219d, n.1)。

¹³⁸ Vīrya.(大正 08, 219d, n.2)。

¹³⁹ 禪那 Dhyāna,〔那〕—【元】【聖】(大正 08, 219d, n.3)。

¹⁴⁰ 對照《大智度論》卷 19〈1 序品〉(大正 25, 197b19-205c22)。

¹⁴¹ 對照《大智度論》卷 20〈1 序品〉(大正 25, 206a8)~《大智度論》卷 21〈1 序品〉(大正 25, 217a4)。

¹⁴² 對照《大智度論》卷 21〈1 序品〉(大正 25, 217a5-218c18)。

九相¹⁴³——脹相、壞相、血塗相、膿爛相、青相、噉相、散相、骨相、燒相；

辰三、八念¹⁴⁴

念佛、念法、念僧、念戒、念捨、念天、念入出息、念死；

辰四、十想¹⁴⁵

十想——無常想、苦想、無我想、食不淨想、一切世間不可樂想、死想、不淨想、斷想、離欲想、盡想；

卯四、具足十一智¹⁴⁶

十一智——法智、比智、他心智、世智、苦智、集智、滅智、道智、盡智、無生智、如實智；

卯五、具足有覺有觀等三三昧¹⁴⁷

三三昧——有覺有觀三昧、無覺有觀三昧、無覺無觀三昧；

卯六、具足三無漏根¹⁴⁸

三根——未知欲知根、知根、知己根。」

丑二、圓滿果德當學般若¹⁴⁹

「舍利弗！菩薩摩訶薩欲遍知佛十力、四無所畏、四無闕¹⁵⁰智、十八不共法、大慈大悲，當習行般若波羅蜜！

菩薩摩訶薩欲具足道慧，當習行般若波羅蜜！

菩薩摩訶薩¹⁵¹欲以道慧，具足道種慧，當習行般若波羅蜜！

¹⁴³ 相=想【宋】*【元】*【明】*(大正 08，219d，n.4)。

¹⁴⁴ 對照《大智度論》卷 21〈1 序品〉(大正 25，218c19)~《大智度論》卷 22〈1 序品〉(大正 25，228c25)。

¹⁴⁵ 對照《大智度論》卷 23〈1 序品〉(大正 25，229a2-232c15)。

¹⁴⁶ 對照《大智度論》卷 23〈1 序品〉(大正 25，232c18-234a14)。

¹⁴⁷ 對照《大智度論》卷 23〈1 序品〉(大正 25，234a15-b25)。

¹⁴⁸ 對照《大智度論》卷 23〈1 序品〉(大正 25，234b26-235a19)。

¹⁴⁹ 對照《大智度論》卷 24〈1 序品〉(大正 25，235a28)~《大智度論》卷 27〈1 序品〉(大正 25，262a16)。

¹⁵⁰ 闕=礙【宋】【元】【明】【宮】【聖】(大正 08，219d，n.5)。

¹⁵¹ 〔菩薩…薩〕二十三字—【聖】(大正 08，219d，n.6)。

〔菩薩摩訶薩〕—【宋】【元】【明】【宮】*(大正 08，219d，n.7)。

欲以道種慧具足一切智，當習行般若波羅蜜！
欲以一切智具足一切種智，當習行般若波羅蜜！
欲以一切種智斷煩惱習，當習行般若波羅蜜！
舍利弗！菩薩摩訶薩應如是學般若波羅蜜。」

丑三、欲超二乘當學般若

寅一、上菩薩位，過二乘地，住阿鞞跋致地¹⁵²

「復次，舍利弗！菩薩摩訶薩欲上菩薩位，當學般若波羅蜜！
欲過聲聞、辟支佛地¹⁵³，住阿惟越致¹⁵⁴地，當學般若波羅蜜！

寅二、住六神通，知眾生趣向，勝二乘智，得諸陀羅尼、三昧門¹⁵⁵

菩薩摩訶薩欲住六神通，當學般若波羅蜜！
欲知一切眾生意所趣向，當學般若波羅蜜！
菩薩摩訶薩欲勝一切聲聞、辟支佛智慧，當學般若波羅蜜！
欲得諸陀羅尼門、諸三昧門，當學般若波羅蜜！

寅三、以隨喜心過二乘功德¹⁵⁶

一切求聲聞、辟支佛人布施時¹⁵⁷，欲以隨喜心過其上者¹⁵⁸，當學般若波羅蜜！

一切求聲聞、辟支佛人持戒時¹⁵⁹，欲以隨喜心過其上者，當學般若波羅蜜！

一切求聲聞、辟支佛人三昧、智慧、解脫、解脫知見，欲以隨喜心過其上者，當學般若波羅蜜！

一切求聲聞、辟支佛人諸禪、定、解脫、三昧，欲以隨喜心過其上者，當學般若波羅蜜！

¹⁵² 對照《大智度論》卷 27〈1 序品〉(大正 25, 262a17-264a12)。

¹⁵³ 地+(欲)【宋】【元】【明】【宮】(大正 08, 219d, n.8)。

¹⁵⁴ 阿惟越致 Avinivarta, 惟越=鞞跋【宋】【元】【明】【宮】*(大正 08, 219d, n.9)。

¹⁵⁵ 對照《大智度論》卷 28〈1 序品〉(大正 25, 264a21-269b26)。

¹⁵⁶ 對照《大智度論》卷 28〈1 序品〉(大正 25, 269b27)~《大智度論》卷 29〈1 序品〉(大正 25, 271a6)。

¹⁵⁷ [時] - 【宋】【元】【明】【宮】(大正 08, 219d, n.10)。

¹⁵⁸ [者] - 【宮】*(大正 08, 219d, n.11)。

¹⁵⁹ 時=者【宋】，[時] - 【元】【明】【宮】(大正 08, 219d, n.12)。

寅四、行少施等，以方便力迴向，得無量功德¹⁶⁰

菩薩摩訶薩¹⁶¹行少施、少戒、少忍、少進、少禪、少智，欲以方便力迴向故而得無量無邊功德者，當學般若波羅蜜！

丑四、成就眾德當學般若¹⁶²

寅一、行前五度¹⁶³

菩薩摩訶薩欲行檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜，當學般若波羅蜜！

寅二、具足佛身相好¹⁶⁴

菩薩摩訶薩欲使世世身體與佛相似，欲具足三十二相、八十隨形好，當學般若波羅蜜！

寅三、生菩薩家、得童真地、不離諸佛¹⁶⁵

欲生菩薩家、欲得童真¹⁶⁶地、欲得不離諸佛者¹⁶⁷，當學般若波羅蜜！

寅四、以諸善根供養諸佛¹⁶⁸

欲以諸善根供養諸佛，恭敬、尊重、讚歎、隨意成就，當學般若波羅蜜！

寅五、滿一切眾生所願物資¹⁶⁹

欲滿一切眾生所願，飲食、衣服、臥具、塗香、車乘、房舍、床榻、燈燭等，當學般若波羅蜜！」

寅六、使眾生立於六波羅蜜¹⁷⁰

¹⁶⁰ 對照《大智度論》卷 29 〈1 序品〉(大正 25, 271a8-272b21)。

¹⁶¹ 薩+(欲)【元】(大正 08, 219d, n.13)。

¹⁶² 對照《大智度論》卷 29 〈1 序品〉(大正 25, 272b22)~《大智度論》卷 32 〈1 序品〉(大正 25, 299a21)。

¹⁶³ 對照《大智度論》卷 29 〈1 序品〉(大正 25, 272b22-273a9)。

¹⁶⁴ 對照《大智度論》卷 29 〈1 序品〉(大正 25, 273a10-275a5)。

¹⁶⁵ 對照《大智度論》卷 29 〈1 序品〉(大正 25, 275a6-276b20)。

¹⁶⁶ 童真=鳩摩羅伽【宋】【元】【明】【宮】【聖】(大正 08, 219d, n.14)。

¹⁶⁷ [者]—【元】【明】(大正 08, 219d, n.15)。

¹⁶⁸ 對照《大智度論》卷 30 〈1 序品〉(大正 25, 276b28-277b9)。

¹⁶⁹ 對照《大智度論》卷 30 〈1 序品〉(大正 25, 277b10-279b1)。

¹⁷⁰ 對照《大智度論》卷 30 〈1 序品〉(大正 25, 279b2-282a20)。

復次，舍利弗！菩薩摩訶薩欲使如恒河沙等¹⁷¹國土眾生，立於檀那波羅蜜、立於尸羅¹⁷²、羸提、毘梨耶、禪那、般若波羅蜜，當學般若波羅蜜！

寅七、殖一善根於佛福田中，至成佛而不盡¹⁷³

欲植¹⁷⁴一善根於佛福田中，至得阿耨多羅三藐三菩提不盡者¹⁷⁵，當學般若波羅蜜！

寅八、諸佛稱讚己名¹⁷⁶

復次，舍利弗！菩薩摩訶薩欲令十方諸佛稱讚其名，當學般若波羅蜜！

寅九、一發意，速疾至十方如恒河沙等世界¹⁷⁷

復次，舍利弗！菩薩摩訶薩欲一發意，到十方如恒河沙等諸佛國土，當學般若波羅蜜！

寅十、一音演說，十方恒沙世界普聞¹⁷⁸

復次，舍利弗！菩薩摩訶薩欲發¹⁷⁹一音，使十方如恒河沙等諸佛國¹⁸⁰土聞聲，當學般若波羅蜜！

寅十一、使諸佛世界不斷¹⁸¹

復次，舍利弗！菩薩¹⁸²欲使諸佛國土不斷者，當學般若波羅蜜。

寅十二、住十八空¹⁸³

¹⁷¹ 等+(諸佛)【宋】【元】【明】【宮】(大正 08, 219d, n.16)。

¹⁷² 羅+(波羅蜜)【宋】【元】【明】【宮】(大正 08, 219d, n.17)。

¹⁷³ 對照《大智度論》卷 30〈1 序品〉(大正 25, 282a21-c14)。

¹⁷⁴ 植=殖【宋】【元】【明】【宮】【聖】(大正 08, 219d, n.18)。

¹⁷⁵ [者]—【明】【宮】(大正 08, 219d, n.19)。

¹⁷⁶ 對照《大智度論》卷 30〈1 序品〉(大正 25, 282c17-283c10)。

¹⁷⁷ 對照《大智度論》卷 30〈1 序品〉(大正 25, 283c11-284a11)。

¹⁷⁸ 對照《大智度論》卷 30〈1 序品〉(大正 25, 284a12-b19)。

¹⁷⁹ 發一=一發【宋】【明】【宮】，=發發【元】(大正 08, 219d, n.20)。

¹⁸⁰ [國]—【聖】(大正 08, 219d, n.21)。

¹⁸¹ 對照《大智度論》卷 30〈1 序品〉(大正 25, 284b20-285a28)。

¹⁸² 薩+(摩訶薩)【宋】【元】【明】【宮】*(大正 08, 219d, n.22)。

¹⁸³ 對照《大智度論》卷 31〈1 序品〉(大正 25, 285b1-296b3)。

復次，舍利弗！菩薩摩訶薩欲住內空、外空、內外空、空空、大空、第一義空、有為空、無為空、畢竟空、無始空、散空、性空、自相空、諸法空、不可¹⁸⁴得空、無法空、有法空、無法有法空，當學般若波羅蜜！

寅十三、知四緣¹⁸⁵

菩薩摩訶薩欲知諸法因緣、次第緣、緣緣、增上緣，當學般若波羅蜜！

寅十四、知如、法性、實際¹⁸⁶

復次，舍利弗！菩薩摩訶薩欲知諸法如、法¹⁸⁷性、實¹⁸⁸際，當學般若波羅蜜！舍利弗！菩薩摩訶薩應如是住般若波羅蜜。

丑五、具大神力當學般若

寅一、於四大現希有事¹⁸⁹

復次，舍利弗！菩薩摩訶薩欲數知三千大千國土中大地諸山微塵，當學般若波羅蜜！

菩薩摩訶薩析一毛為百分，欲以一分毛盡舉三千大千國土中大海、江河、池泉諸水，而不燒水性，當學般若波羅蜜！

三千大千國土中諸火一時皆然，譬如劫盡燒時；菩薩摩訶薩欲一吹令滅者¹⁹⁰，當學般若波羅蜜！

三千大千國土中諸大風起，欲吹破三千大千國土及諸須彌山，如摧腐草；菩薩摩訶薩欲以一指，障其風力令不起者，當學般若波羅蜜！

寅二、一結加趺坐遍滿三千世界虛空¹⁹¹

菩薩摩訶薩欲一結跏趺坐，遍滿¹⁹²三千大千國土¹⁹³虛空，當學般若波

¹⁸⁴ 不可=無所【宋】【明】【宮】(大正 08, 219d, n.23)。

¹⁸⁵ 對照《大智度論》卷 32〈1 序品〉(大正 25, 296b11-297b21)。

¹⁸⁶ 對照《大智度論》卷 32〈1 序品〉(大正 25, 297b22-299a21)。

¹⁸⁷ (諸法)+法【宋】【元】【明】【宮】(大正 08, 219d, n.24)。

¹⁸⁸ (諸法)+實【宋】【元】【明】【宮】(大正 08, 219d, n.25)。

¹⁸⁹ 對照《大智度論》卷 32〈1 序品〉(大正 25, 299a22-300a19)。

¹⁹⁰ [者]—【宋】【元】【明】【宮】(大正 08, 219d, n.26)。

¹⁹¹ 對照《大智度論》卷 32〈1 序品〉(大正 25, 300a20-b4)。

¹⁹² 遍滿=能令遍滿【宋】，=能令悉滿【明】【宮】，=悉滿【元】(大正 08, 219d, n.27)。

¹⁹³ 土+(中)【宋】【元】【明】【宮】(大正 08, 219d, n.28)。

羅蜜！

寅三、以一毛舉須彌山等，過着他方無量世界¹⁹⁴

菩薩摩訶薩欲以一毛舉三千大千國土中諸須彌山王，擲過他方無量阿僧祇諸佛國土，不燒¹⁹⁵眾生，（當學般若波羅蜜！）¹⁹⁶

寅四、以一食一衣一香等供養諸佛及僧¹⁹⁷

欲以一食供養十方各如恒河沙等諸佛及僧，當學般若波羅蜜！

欲以一衣花香、瓔珞、末香、塗香、燒香、燈燭、幢幡、花蓋等，供養諸佛及僧，當學般若波羅蜜！

子二、遍約利他明

丑一、使一切眾生悉具五分法身及聲聞四果¹⁹⁸

復次，舍利弗！菩薩摩訶薩欲使十方各如恒河沙等國土中眾生，悉具於戒、三昧、智慧、解脫、解脫知見，令得須陀洹果、斯陀含果、阿那含果、阿羅漢果，乃至令得無餘涅槃，當學般若波羅蜜！

丑二、布施得大果報，乃至佛道等¹⁹⁹

復次，舍利弗！菩薩摩訶薩行般若波羅蜜布施時，應如²⁰⁰是分別：

『如是布施得大果報；如是布施得生剎利大姓、婆羅門大姓、居士大家；如是布施得生四天王天處、三十三天、夜摩天、兜率陀天、化樂²⁰¹天、他化自在天；因是布施得入初禪、二禪、三禪、四禪、無邊空處、無邊識處、無所有處、非有想非無想處；因是布施得²⁰²生八聖道分；因是布施能得須陀洹道乃至佛道。』當學般若波羅蜜！

丑三、菩薩布施時，以慧方便力故，能具足六波羅蜜²⁰³

¹⁹⁴ 對照《大智度論》卷 32〈1 序品〉（大正 25，300b5-22）。

¹⁹⁵ 燒=擾【宋】【宮】（大正 08，220d，n.1）。

¹⁹⁶ 生+（當學般若波羅蜜）【明】（大正 08，220d，n.2）。

¹⁹⁷ 對照《大智度論》卷 32〈1 序品〉（大正 25，300b22-c19）。

¹⁹⁸ 對照《大智度論》卷 32〈1 序品〉（大正 25，300c20-301a18）。

¹⁹⁹ 對照《大智度論》卷 32〈1 序品〉（大正 25，301a19-302a5）。

²⁰⁰ 如=作【宋】【元】【明】【宮】（大正 08，220d，n.3）。

²⁰¹（自）+樂【宋】【元】【明】【宮】（大正 08，220d，n.4）。

²⁰² 得=能【宋】【元】【明】【宮】（大正 08，220d，n.5）。

²⁰³ 對照《大智度論》卷 32〈1 序品〉（大正 25，302a6-b5）。

復次，舍利弗！菩薩摩訶薩行般若波羅蜜布施時，以慧方便力故，能具足檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜。」

舍利弗白佛言：「世尊！菩薩摩訶薩云何布施時，以慧方便力故，具足檀那波羅蜜乃至般若波羅蜜？」

佛告舍利弗：「施人²⁰⁴、受人、財物不可得故，能具足檀那²⁰⁵波羅蜜；罪不罪不可得²⁰⁶故，具足尸羅波羅蜜；心不動故，具足羼提波羅蜜；身心精進不懈怠故，具足毘梨耶波羅蜜；不亂不味²⁰⁷故，具足禪那波羅蜜；知一切法不可得故，具足般若波羅蜜。」

子三、約得佛果明

丑一、自他圓滿當學般若²⁰⁸

寅一、得三世諸佛功德²⁰⁹

復次，舍利弗！菩薩摩訶薩欲得過去、未來、現在諸佛功德，當學般若波羅蜜！

寅二、到彼岸

卯一、到有為、無為法彼岸²¹⁰

復次，舍利弗！菩薩摩訶薩欲到有為、無為法彼岸，當學般若波羅蜜！

卯二、知三世諸法如、法相、無生際²¹¹

菩薩摩訶薩欲知過去、未來、現在諸法如、法²¹²相、無生際者，當學般若波羅蜜！

²⁰⁴ 人=者【宋】【元】【明】【宮】*(大正 08, 220d, n.6)。

²⁰⁵ [那]—【聖】(大正 08, 220d, n.7)。

²⁰⁶ 可得=著【宋】【明】【宮】(大正 08, 220d, n.8)。

²⁰⁷ 味=昧【明】(大正 08, 220d, n.9)。

²⁰⁸ 對照《大智度論》卷 32〈1 序品〉(大正 25, 302b6)~《大智度論》卷 34〈1 序品〉(大正 25, 309c23)。

²⁰⁹ 對照《大智度論》卷 32〈1 序品〉(大正 25, 302b6-c10)。

²¹⁰ 對照《大智度論》卷 33〈1 序品〉(大正 25, 302c14-24)。

²¹¹ 對照《大智度論》卷 33〈1 序品〉(大正 25, 302c25-303a22)。

²¹² (諸法)+法【宋】【元】【明】【宮】(大正 08, 220d, n.10)。

卯三、在一切聲聞、辟支佛前，欲給侍諸佛等²¹³

復次，舍利弗！菩薩摩訶薩欲在一切聲聞、辟支佛前，欲給侍²¹⁴諸佛，欲為諸佛內眷屬，欲得大眷屬，欲得菩薩眷屬，欲淨報大施，當學般若波羅蜜！

卯四、不起六蔽心²¹⁵

復次，舍利弗！菩薩摩訶薩欲不起慳心、破戒心、瞋恚心、懈怠心、亂心、癡心者²¹⁶，當學般若波羅蜜！

卯五、立眾生於六福處²¹⁷

復次，舍利弗！菩薩摩訶薩欲使一切眾生立於布施福處、持戒福處、修定福處、勸導福處，欲令眾生立於財福、法福者²¹⁸，當學般若波羅蜜！

卯六、得五眼²¹⁹

復次，舍利弗！菩薩摩訶薩欲得五眼，當學般若波羅蜜！何等五眼？肉眼、天眼²²⁰、慧眼、法眼、佛眼。

卯七、以天眼見佛、天耳聞法，知佛心念²²¹

菩薩摩訶薩欲以天眼見十方如恒河沙等國土中諸佛，欲以天耳聞十方諸佛所說法，欲知諸佛心，當學般若波羅蜜！

卯八、聞十方諸佛所說法而不忘失²²²

欲聞十方諸佛所說法，聞已，乃至阿耨多羅三藐三菩提不忘者，當學般若波羅蜜！

寅三、於十方世界自利利他

²¹³ 對照《大智度論》卷 33〈1 序品〉(大正 25, 303a23-c23)。

²¹⁴ 侍=待【聖】(大正 08, 220d, n.11)。

²¹⁵ 對照《大智度論》卷 33〈1 序品〉(大正 25, 303c24-304b6)。

²¹⁶ [者]—【宋】【元】【明】【宮】*(大正 08, 220d, n.12)。

²¹⁷ 對照《大智度論》卷 33〈1 序品〉(大正 25, 304b7-305c16)。

²¹⁸ 者=處【宋】【元】【明】【宮】(大正 08, 220d, n.13)。

²¹⁹ 對照《大智度論》卷 33〈1 序品〉(大正 25, 305c17-306a8)。

²²⁰ 肉眼天眼=天眼肉眼【宋】【宮】(大正 08, 220d, n.14)。

²²¹ 對照《大智度論》卷 33〈1 序品〉(大正 25, 306a9-b4)。

²²² 對照《大智度論》卷 33〈1 序品〉(大正 25, 306b5-18)。

卯一、見三世十方諸佛國²²³

復次，舍利弗！菩薩摩訶薩欲見過去、未來諸佛國土，及見現在十方諸佛國土，當學般若波羅蜜！

卯二、聽聞讀誦受持佛說十二部經²²⁴

復次，舍利弗！菩薩摩訶薩欲聞十方諸佛所說十二部經——修多羅²²⁵、祇夜²²⁶、受記經²²⁷、伽陀²²⁸、憂陀那²²⁹、因緣經²³⁰、阿波陀那²³¹、如是語經²³²、本生經²³³、方廣經²³⁴、未曾有經²³⁵、論議經²³⁶，諸聲聞等聞與不聞，盡欲誦受持者²³⁷，當學般若波羅蜜！

卯三、聽聞信持三世諸佛法，自行、為他²³⁸

十方如恒河沙等世界中，諸佛所說法，已說、今說、當說；聞已，欲一切信持，自行亦為他²³⁹人說，當學般若波羅蜜！

復次，舍利弗！菩薩摩訶薩，過去諸佛已說²⁴⁰、未來諸佛當說，欲聞，聞已，自利亦利他人，當學般若波羅蜜！

²²³ 對照《大智度論》卷 33 〈1 序品〉(大正 25, 306b21-c15)。

²²⁴ 對照《大智度論》卷 33 〈1 序品〉(大正 25, 306c16-308b17)。

²²⁵ 修多羅 Sūtra, 多羅=妬路【宋】【明】【宮】，多羅=多路【元】(大正 08, 220d, n.15)。

²²⁶ Geya. (大正 08, 220d, n.16)。

²²⁷ 受記經 Vyākaraṇa. (大正 08, 220d, n.17)。

²²⁸ Gāthā. (大正 08, 220d, n.18)。

²²⁹ 憂陀那 Udāna, 憂=優【宋】【元】【明】【宮】(大正 08, 220d, n.19)。

²³⁰ 因緣經 Nidāna. (大正 08, 220d, n.20)。

²³¹ Avadāna. (大正 08, 220d, n.21)。

²³² 如是語經 Itivṛttaka. (大正 08, 220d, n.22)。

²³³ 本生經 Jātaka(大正 08, 220d, n.23)。

²³⁴ 方廣經 Vaipulya, 〔方〕—【宋】【元】【明】【宮】【聖】(大正 08, 220d, n.24)。

²³⁵ 未曾有經 Adbhutadharma. (大正 08, 220d, n.25)。

²³⁶ 論議經 Upadeśa. (大正 08, 220d, n.26)。

²³⁷ 〔者〕—【元】【明】【宮】(大正 08, 220d, n.27)。

²³⁸ 對照《大智度論》卷 34 〈1 序品〉(大正 25, 308b26-c19)。

²³⁹ 〔他〕—【元】(大正 08, 220d, n.28)。

²⁴⁰ 已說=說已【宋】【元】【明】【宮】【聖】(大正 08, 220d, n.29)。

卯四、持光明普照一切世界²⁴¹

十方如恒河沙等諸²⁴²世界中間闇處、日月所不照處，欲持光明普照者，當學般若波羅蜜！

卯五、於無三寶名世界，令一切眾生皆得正見、聞三寶音²⁴³

十方如恒河沙等世界中，無有佛名、法名、僧名，欲使一切眾生皆得正見聞三寶名者²⁴⁴，當學般若波羅蜜！

卯六、令眾生諸根完具、衣食無缺²⁴⁵

菩薩摩訶薩欲令十方如恒河沙等諸世界中眾生，以我力故，盲者得視、聾者得聽、狂者得念、裸者得衣、飢渴者得飽滿，當學般若波羅蜜！

卯七、令三惡道轉得人身²⁴⁶

復次，舍利弗！菩薩摩訶薩若欲令十方如恒河沙等世界中眾生，諸在三惡趣者，以我力故，皆得人身，當學般若波羅蜜！

卯八、令眾生得五分法身、三乘道果²⁴⁷

欲令十方如恒河沙等世界中眾生，以我力故，立於戒、三昧、智慧、解脫、解脫知見，令得須陀洹果乃至阿耨多羅三藐三菩提，當學般若波羅蜜！

丑二、得佛威儀當學般若²⁴⁸

復次，舍利弗！菩薩摩訶薩欲學諸佛威儀者²⁴⁹，當學般若波羅蜜！

菩薩摩訶薩欲得如象王視觀，當學般若波羅蜜！

菩薩作是願：『使我行時離地四指、足不²⁵⁰蹈地，我當共四天王天乃至阿迦尼吒天，無量千萬億諸天眾，圍遶恭敬，至菩提樹下。』當學般

²⁴¹ 對照《大智度論》卷 34〈1 序品〉(大正 25, 308c20-309a20)。

²⁴² 諸+(佛)【宋】【元】【明】【宮】(大正 08, 220d, n.30)。

²⁴³ 對照《大智度論》卷 34〈1 序品〉(大正 25, 309a21-b3)。

²⁴⁴ 名者=者【宋】【明】，=音者【元】【聖】，=音【宮】(大正 08, 220d, n.31)。

²⁴⁵ 對照《大智度論》卷 34〈1 序品〉(大正 25, 309b4-18)。

²⁴⁶ 對照《大智度論》卷 34〈1 序品〉(大正 25, 309b19-c16)。

²⁴⁷ 對照《大智度論》卷 34〈1 序品〉(大正 25, 309c17-23)。

²⁴⁸ 對照《大智度論》卷 34〈1 序品〉(大正 25, 309c24-311a8)。

²⁴⁹ 〔者〕—【元】【明】【宮】(大正 08, 220d, n.32)。

²⁵⁰ 不=下【宮】(大正 08, 220d, n.33)。

若波羅蜜！

『我當於菩提樹下坐，四天王天乃至阿迦尼吒天，以天衣為座。』當學般若波羅蜜！

『我得阿耨多羅三藐三菩提時，行住坐臥處，欲使悉為金剛。』當學般若波羅蜜！

丑三、成熟眾生當學般若²⁵¹

寅一、出家日即成佛，即是日轉法輪度眾生等²⁵²

復次，舍利弗！菩薩摩訶薩欲²⁵³出家日即成阿耨多羅三藐三菩提，即是²⁵⁴日轉法輪。轉法輪²⁵⁵時，無量阿僧祇眾生遠塵離垢，諸法中得法眼淨；無量阿僧祇眾生一切法不受故，諸漏心得解脫；無量阿僧祇眾生，於阿耨多羅三藐三菩提得不退轉，當學般若波羅蜜！

寅二、無量聲聞僧，一聞法即得阿羅漢²⁵⁶

我得阿耨多羅三藐三菩提時，以無量阿僧祇聲聞為僧，我一說法時，便於座上盡得阿羅漢，當學般若波羅蜜！

寅三、無量菩薩僧，一聞法即得阿鞞跋致²⁵⁷

我當以無量阿僧祇菩薩摩訶薩²⁵⁸為僧，我一說法時，無量阿僧祇菩薩皆得阿惟越致。

寅四、壽命無量、光明具足²⁵⁹

欲得壽命無量、光明具足，當學般若波羅蜜！

丑四、嚴淨佛土當學般若

寅一、佛土無三惡道²⁶⁰

²⁵¹ 對照《大智度論》卷 34 〈1 序品〉(大正 25, 311a9-312b21)。

²⁵² 對照《大智度論》卷 34 〈1 序品〉(大正 25, 311a9-b18)。

²⁵³ (若)+欲【宋】【元】【明】【宮】(大正 08, 220d, n.34)。

²⁵⁴ [是] - 【聖】(大正 08, 221d, n.1)。

²⁵⁵ [法輪] - 【聖】(大正 08, 221d, n.2)。

²⁵⁶ 對照《大智度論》卷 34 〈1 序品〉(大正 25, 311b19-c6)。

²⁵⁷ 對照《大智度論》卷 34 〈1 序品〉(大正 25, 311c7-17)。

²⁵⁸ [摩訶薩] - 【宋】【元】【明】【宮】(大正 08, 221d, n.3)。

²⁵⁹ 對照《大智度論》卷 34 〈1 序品〉(大正 25, 311c18-312b21)。

²⁶⁰ 對照《大智度論》卷 34 〈1 序品〉(大正 25, 312b22-c28)。

我成阿耨多羅三藐三菩提時，世界中無婬欲、瞋恚、愚癡，亦無三毒之名。一切眾生成就如是智慧：善施、善戒、善定、善梵行、善不燒眾生，當學般若波羅蜜！

寅二、般涅槃後，法無滅盡²⁶¹

使我般涅槃後，法無滅盡，亦無滅盡之名，當學般若波羅蜜！

寅三、眾生聞名必得無上菩提²⁶²

我得阿耨多羅三藐三菩提時，十方如恒河沙等世界中眾生聞我名者，必得阿耨多羅三藐三菩提。欲得如是等功德者，當學般若波羅蜜！」

²⁶¹ 對照《大智度論》卷 34〈1 序品〉(大正 25, 312c29-313a20)。

²⁶² 對照《大智度論》卷 34〈1 序品〉(大正 25, 313a21-314b17)。

《摩訶般若波羅蜜經¹》卷 1 〈2 奉鉢品〉冠科²

《摩訶般若波羅蜜經》卷 1 (大正 08, 221a22-c10):

壬二、讚菩薩功德成就諸天歡喜

癸一、四天王奉四鉢³

佛告舍利弗：「若菩薩摩訶薩行般若波羅蜜，能作是功德，是時四天王皆大歡喜，意念言：『我等當以四鉢奉上菩薩，如前天王奉先佛鉢。』」

癸二、諸天給侍供養⁴

三十三天乃至他化自在天亦皆歡喜，意念言：『我等當給侍供養菩薩，減損阿修羅種，增益諸天眾。』

癸三、諸天請轉法輪

三千大千國土，四天王天乃至阿迦尼吒天皆大歡喜，意念言：『我等當請是菩薩轉⁵法輪。』

癸四、為作親族知識⁶

舍利弗！是菩薩摩訶薩行般若波羅蜜，增益六波羅蜜時，諸善男子、善女人各各歡喜，念⁷言：『我等當為是人作父母、妻子、親族、知識。』

癸五、令離淫欲

子一、標⁸

爾時，四天王天乃至阿迦尼吒天皆大歡喜，各自念言：『我等當作方便，令是菩薩離於淫欲，從初發意常作童真，莫使與色欲共會；

子二、釋

¹ 卷第二首【聖】，〔摩訶…經〕八字—【明】*(大正 08, 221d, n.5)。

² 妙境法師，《摩訶般若波羅蜜經》冠科(上冊)，pp.24-26。

³ 對照《大智度論》卷 35 〈2 報應品〉(大正 25, 314b25-315b15)。

⁴ 對照《大智度論》卷 35 〈2 報應品〉(大正 25, 315b17-c7)。

⁵ 轉+(於)【宋】【元】【明】【宮】(大正 08, 221d, n.6)。

⁶ 對照《大智度論》卷 35 〈2 報應品〉(大正 25, 315c8-317a9)。

⁷ (意)+念【宋】【元】【明】【宮】(大正 08, 221d, n.7)。

⁸ 對照《大智度論》卷 35 〈2 報應品〉(大正 25, 317a10-b14)。

丑一、受欲者有障

若受五欲，障生梵天，何況阿耨多羅三藐三菩提！」

丑二、斷欲者有得

以是故，舍利弗！菩薩摩訶薩斷⁹婬欲出家者，應得阿耨多羅三藐三菩提，非不斷。」

丑三、除疑

寅一、舍利弗問¹⁰

舍利弗白佛言：「世尊！菩薩摩訶薩要當有父母、妻子、親族、知識耶？」

寅二、佛分別答

卯一、有親族知識

佛告舍利弗：「或有菩薩有父母、妻子、親族、知識；

卯二、從初發心修童真行

或有菩薩從初發心斷婬欲，修童真行，乃至得阿耨多羅三藐三菩提，不犯色欲；

卯三、方便受欲

辰一、正說

或有菩薩方便力故，受五欲已，出家得阿耨多羅三藐三菩提。

辰二、舉譬¹¹

譬如幻師、若幻¹²弟子，善知幻法，幻作五欲，於中共相娛樂。於汝意云何？是人於此五欲，頗有¹³實受不？」

舍利弗言：「不也！世尊！」

辰三、合譬

佛告舍利弗：「菩薩摩訶薩以方便力故化作五欲，於中受樂，成就眾

⁹ 斷+（於）【宋】【元】【明】【宮】（大正 08，221d，n.8）。

¹⁰ 對照《大智度論》卷 35〈2 報應品〉（大正 25，317b15-28）。

¹¹ 對照《大智度論》卷 35〈2 報應品〉（大正 25，317b29-318a7）。

¹² 幻+（師）【宋】【元】【明】【宮】（大正 08，221d，n.9）。

¹³ 〔有〕－【元】（大正 08，221d，n.10）。

生，亦復如是。是菩薩摩訶薩不染於欲，種種因緣，毀訾¹⁴五欲：欲為熾然，欲為穢惡，欲為毀壞，欲為如怨！是故，舍利弗！當知菩薩為眾生故受五欲¹⁵。」

辛二、正說般若

壬一、依二門修二行

癸一、依第一義門修智慧行

子一、開宗明行般若相

丑一、正示般若相行相

寅一、約二空說般若明所觀空

卯一、明觀生法二空¹⁶

舍利弗白佛言：「菩薩摩訶薩云何應行般若波羅蜜？」

佛告舍利弗：「菩薩摩訶薩行般若波羅蜜時，不見菩薩，不見菩薩字，不見般若波羅蜜，亦不見我行般若波羅蜜，亦不見我不行般若波羅蜜。

何以故？菩薩、菩薩字性空，空中無色，無受、想、行、識；離色亦無空，離受、想、行、識亦無空。色即是空，空即是色；受……想……行……，識即是空，空即是識¹⁷。何以故？舍利弗！但有名字故，謂為菩提；但有名字故，謂為菩薩；但有名字故，謂為空。

所以者何？諸法實性，無生、無滅、無垢、無淨故。

菩薩摩訶薩如是行，亦不見生，亦不見滅，亦不見垢，亦不見淨。何以故？名字是因緣和合作法，但分別憶想假名說。

卯二、結明不著

是故菩薩摩訶薩行般若波羅蜜時，不見一切名字，不見故不著。」

¹⁴ 毀訾=訾毀【宋】【明】【宮】，=毀訾【元】(大正 08，221d，n.11)。

¹⁵ 以上大般若第二會第二歡喜品終。梵. iti Uktaś citta-utpāda.(大正 08，221d，n.12)。

¹⁶ 對照《大智度論》卷 35 〈2 報應品〉(大正 25，318a8-319b4)。

¹⁷ (色即…識)十九字=(空即是色色即是空空即是受想行識受想行識即是空)。廿二字【宋】【元】【明】【宮】(大正 08，221d，n.13)。

《摩訶般若波羅蜜經》卷 1 〈3 習應品〉冠科¹

《摩訶般若波羅蜜經》卷 1 (大正 08, 221c11-225a17):

寅二、約二空說般若明能觀空²

卯一、勸思惟生法二空

佛告舍利弗：「菩薩摩訶薩行般若波羅蜜時，應如是思惟：『菩薩但有字³，佛亦但有字，般若波羅蜜亦但有字；色但有字，受、想、行、識亦但有字。』」

卯二、舉況

舍利弗！如我但有字，一切我常不可得，眾生⁴、壽者、命者、生者、養育、眾數、人、作者、使作者、起者、使起者、受者、使受者、知者、見者，是一切皆不可得；不可得空故，但以名字說。

卯三、合況

菩薩摩訶薩亦如是行般若波羅蜜，不見我、不見眾生，乃至不見知者、見者，所說名字亦不可見。」

丑二、歎菩薩勝二乘⁵

寅一、菩薩行不可得空方便外用故勝

卯一、正明

菩薩摩訶薩作如是行般若波羅蜜，除佛智慧，過一切聲聞、辟支佛上，用不可得空故。所以者何？是菩薩摩訶薩諸名字法、名字所著處亦不可得故。舍利弗！菩薩摩訶薩能如是行，為行般若波羅蜜。

卯二、舉喻格量優劣

辰一、總格量

巳一、闍浮

¹ 妙境法師，《摩訶般若波羅蜜經》冠科(上冊)，pp.27-45。

² 對照《大智度論》卷 35 〈3 習相應品〉(大正 25, 319b6-c21)。

³ 名字 Nāma mātra, [名] - 【宋】【元】【明】【宮】(大正 08, 221d, n.15)。

⁴ (如)+眾【宋】【元】【明】【宮】(大正 08, 221d, n.16)。

⁵ 對照《大智度論》卷 35 〈3 習相應品〉(大正 25, 319c22-320b19)。

譬如滿閻浮提竹、麻、稻、茅⁶，諸比丘其數如是，智慧如舍利弗、目犍⁷連等，欲比菩薩行般若波羅蜜智慧，百分不及一，千分、百千億⁸分乃至算數譬喻所不能及。何以故？菩薩摩訶薩用智慧度脫一切眾生故。

巳二、三千

⁹舍利弗！置滿閻浮提如舍利弗、目連等，若滿三千大千世界¹⁰如舍利弗、目犍連等。

巳三、十方

復置是事，若滿十方如恒河沙等世界如舍利弗、目連等智慧，欲比菩薩行般若波羅蜜智慧，百分不及一，千分、百千分乃至算數譬喻所不能及。

辰二、別格量

巳一、正格量¹¹

復次，舍利弗！菩薩摩訶薩行般若波羅蜜一日修智慧，出過一切聲聞、辟支佛上。」

巳二、舍利弗問¹²

午一、總明眾聖智同

舍利弗白佛言：「世尊！聲聞所有智慧——若須陀洹、斯陀含、阿那含、阿羅漢，辟支佛智慧，佛智慧，是諸眾智無有差別、不相違背、無生、性空。

午二、明性空無異

若法不相違背、無生、性空，是法無有別異；

午三、問勝劣

⁶ 麻稻茅＝葦甘蔗稻麻叢林【宋】【明】【宮】，＝葦稻麻【元】(大正 08，221d，n.17)。

⁷ [犍] - 【宋】【元】【明】【宮】(大正 08，221d，n.18)。

⁸ [億] - 【元】(大正 08，221d，n.19)。

⁹ 對照《大智度論》卷 35〈3 習相應品〉(大正 25，320b20-c13)。

¹⁰ 國土＝佛界【宋】【明】【宮】，＝世界【元】(大正 08，222d，n.2)。

¹¹ 對照《大智度論》卷 35〈3 習相應品〉(大正 25，320c14-20)。

¹² 對照《大智度論》卷 35〈3 習相應品〉(大正 25，320c21-321b5)。

云何世尊言：『菩薩摩訶薩行般若波羅蜜一日修智慧，出過聲聞、辟支佛上』？」

巳三、佛答

午一、明二乘劣

未一、明無修行度眾生事¹³

佛告舍利弗：「於汝意云何？菩薩摩訶薩行般若波羅蜜一日修智慧，心念：『我行道慧益一切眾生，當以一切種智知一切法，度一切眾生。』諸聲聞、辟支佛智慧，為有是事不？」

舍利弗言：「不也！世尊！」

未二、明無修行度眾生念¹⁴

「舍利弗！於汝意云何？諸聲聞、辟支佛頗有是念：『我等當得阿耨多羅三藐三菩提，度一切眾生，令得無餘涅槃』不？」

舍利弗言：「不也！世尊！」

佛告舍利弗：「以是因緣故，當知諸聲聞、辟支佛智慧，欲比菩薩摩訶薩智慧，百分不及一，千分、百千分乃至算數譬喻所不能及。

未三、廣舉眾德行明無念¹⁵

舍利弗！於汝意云何？諸聲聞、辟支佛頗有是念：『我行六波羅蜜，成就眾生，莊嚴世界，具佛十力、四無所畏、四無礙¹⁶智、十八不共法，度脫無量阿僧祇眾生，令得涅槃』不？」

舍利弗言：「不也！，世尊！」

午二、明菩薩勝

¹⁷佛告舍利弗：「菩薩摩訶薩能作是念：『我當行六波羅蜜乃至十八不共法，成阿耨多羅三藐三菩提，度脫無量阿僧祇眾生令得涅槃。』

午三、舉螢火喻二乘劣

¹³ 對照《大智度論》卷 35〈3 習相應品〉(大正 25, 321b6-322a1)。

¹⁴ 對照《大智度論》卷 35〈3 習相應品〉(大正 25, 322a2-16)。

¹⁵ 對照《大智度論》卷 35〈3 習相應品〉(大正 25, 322a17-25)。

¹⁶ 闕=礙【宋】【元】【明】【宮】(大正 08, 222d, n.3)。

¹⁷ 對照《大智度論》卷 35〈3 習相應品〉(大正 25, 322a26-b11)。

譬如螢火蟲，不作是念：『我力能照闇浮提普令大明。』諸阿羅漢、辟支佛亦如是，不作是念：『我等行六波羅蜜乃至十八不共法，得阿耨多羅三藐三菩提，度脫無量阿僧祇眾生令得涅槃。』

午四、舉日出喻菩薩勝¹⁸

舍利弗！譬如日出時，光明遍照闇浮提，無不蒙明者；菩薩摩訶薩亦如是，行六波羅蜜乃至十八不共法，得阿耨多羅三藐三菩提，度脫無量阿僧祇眾生令得涅槃。」

寅二、菩薩眾行具足故勝

卯一、明德勝¹⁹

舍利弗白佛言：「云何菩薩摩訶薩過聲聞、辟支佛地，住²⁰阿鞞跋致地²¹，淨於佛道？」

佛告舍利弗：「菩薩摩訶薩從初發意²²行六波羅蜜，住空、無相、無作法，能過一切聲聞、辟支佛地，住阿鞞跋致地，淨於佛道。」

卯二、明田勝

辰一、第一問答

巳一、舍利弗問²³

舍利弗白佛言：「菩薩摩訶薩住何等地，能為諸聲聞、辟支佛作福田？」

巳二、佛答

午一、明總具諸功德故為二乘田²⁴

佛告舍利弗：「菩薩摩訶薩從初發意行六波羅蜜，乃至坐道場，於其中間，常為諸聲聞、辟支佛作福田。」

午二、明菩薩利他功德為福田

²⁵何以故？以有菩薩摩訶薩因緣故，世間諸善法生。

¹⁸ 對照《大智度論》卷 35 〈3 習相應品〉(大正 25, 322b12-26)。

¹⁹ 對照《大智度論》卷 36 〈3 習相應品〉(大正 25, 322c7-323a17)。

²⁰ 住=至【宋】【元】【明】【宮】(大正 08, 222d, n.4)。

²¹ 阿惟越致 Avinivarta, 惟越=鞞跋【宋】【元】【明】【宮】(大正 08, 219d, n.9)。

²² 意=心【宋】【元】【明】【宮】(大正 08, 222d, n.5)。

²³ 對照《大智度論》卷 36 〈3 習相應品〉(大正 25, 323a18-21)。

²⁴ 對照《大智度論》卷 36 〈3 習相應品〉(大正 25, 323a22-28)。

何等是善法？所謂十善道、五戒、八分成就齋，四禪、四無量心、四無色定、四念處、四正勤、四如意足、五根、五力、七覺分、八聖道分，盡現於世。

以菩薩因緣故，六波羅蜜、十八空、佛十力、四無所畏、四無礙智、十八不共法、大慈大悲、一切種智，盡現於世。

午三、正答其問

以菩薩因緣故，有剎利大姓、婆羅門大姓、居士大家、四天王天，乃至非有想非無想天，皆現於世。

以菩薩因緣故，有須陀洹、斯陀含、阿那含、阿羅漢、辟支佛、佛，皆現於世。」

辰二、第二問答

巳一、舍利弗問

²⁶舍利弗白佛言：「菩薩摩訶薩淨畢施福不？」

巳二、佛答

午一、明為田

佛言：「不也！何以故？本已淨畢故。」

午二、明為大施主²⁷

舍利弗！菩薩摩訶薩為大施主，施何等？施諸善法。何等善法？十善道、五戒乃至十八不共法、一切種智，以是施與。」

子二、辨宗示般若習

丑一、第一周說般若

寅一、正明習應般若

卯一、舍利弗問²⁸

舍利弗白佛言：「世尊！菩薩摩訶薩云何習應般若波羅蜜，與般若波羅蜜相應？」

²⁵ 對照《大智度論》卷 36〈3 習相應品〉(大正 25, 323a29-c20)。

²⁶ 對照《大智度論》卷 36〈3 習相應品〉(大正 25, 323c20-28)。

²⁷ 對照《大智度論》卷 36〈3 習相應品〉(大正 25, 323c29-324a4)。

²⁸ 對照《大智度論》卷 36〈3 習相應品〉(大正 25, 324a5-13)。

卯二、佛答

辰一、息緣習²⁹

巳一、習應五眾空

佛告舍利弗：「菩薩摩訶薩習應色空，是名與般若波羅蜜相應；習應受、想、行、識空，是名與般若波羅蜜相應。」

巳二、習應十二入空

復次，舍利弗！菩薩摩訶薩習應眼空，是名與般若波羅蜜相應；習應耳、鼻、舌、身、心空，是名與般若波羅蜜相應。習應色空，是名與般若波羅蜜相應；習應聲、香、味、觸、法空，是名與般若波羅蜜相應。

巳三、習應十八界空

習應眼界空、色界空、眼識界空，是名與般若波羅蜜相應；習應耳聲識³⁰界、鼻香識界、舌味識界、身觸識界、意法識界空，是名與般若波羅蜜相應。

巳四、習應四諦空

習應苦空，是名與般若波羅蜜相應；習應集、滅、道空，是名與般若波羅蜜相應。

巳五、習應十二因緣空

習應無明³¹空，是名與般若波羅蜜相應；習應行、識、名色、六入、觸、受、愛、取、有、生、老死空，是名與般若波羅蜜相應。

巳六、習應有為、無為一切諸法空

習應一切諸法空，若有為、若無為，是名與般若波羅蜜相應。

巳七、習應七空

復次，舍利弗！菩薩摩訶薩習應性空，是名與般若波羅蜜相應。如是，舍利弗！菩薩摩訶薩行般若波羅蜜習應七空，所謂性空、自相空、諸法空、無所得空、無法空、有法空、無法有法空，是名與般若波羅蜜相應。」

辰二、息觀習

²⁹ 對照《大智度論》卷 36 〈3 習相應品〉(大正 25, 324a14-327b18)。

³⁰ 識+(界)【宋】【元】【明】【宮】(大正 08, 222d, n.6)。

³¹ 明=名【明】(大正 08, 222d, n.7)。

巳一、約世出世明觀淨

午一、別明五陰淨不見應不應³²

未一、不見應不應習

佛告舍利弗：「菩薩摩訶薩習應七空時，不見色若相應若不相應，不見受、想、行、識若相應若不相應。

未二、不見生滅習

不見色若生相若滅相，不見受、想、行、識若生相若滅相。

未三、不見垢淨習

不見色若垢相若淨相，不見受、想、行、識若垢相若淨相。

未四、不見合習

不見色與受合，不見受與想合，不見想與行合，不見行與識合。何以故？無有法與法合者，其性空故。

未五、不見有習

舍利弗！色空中無有色，受……想……行……，識空中無有識。

舍利弗！色空故無惱壞相，受空故無受相，想空故無知相，行空故無作相，識空故無覺相。

何以故？舍利弗！非色異空³³、非空³⁴異色；色即是空、空即是色；受、想、行、識亦如是。

午二、結明一切法淨不見應不應³⁵

舍利弗！是諸法空相³⁶，不生不滅、不垢不淨、不增不減，是空法，非過去、非未來、非現在。

是故空中無色，無受、想、行、識；無眼、耳、鼻、舌、身、意，無色、聲、香、味、觸、法；無眼界乃至無意識界；亦無無明、亦無無明盡，乃至亦無老死、亦無老死盡；無苦、集、滅、道；亦無智、亦無得；亦無須陀洹、無須陀洹果，無斯陀含、無斯陀含果，無阿那含、無阿那

³² 對照《大智度論》卷 36〈3 習相應品〉(大正 25, 327b19-c27)。

³³ 色不 = 非色【宋】【元】【明】【宮】(大正 08, 223d, n.1)。

³⁴ 空不 = 非空【宋】【元】【明】【宮】(大正 08, 223d, n.2)。

³⁵ 對照《大智度論》卷 36〈3 習相應品〉(大正 25, 327c28-328a18)。

³⁶ 空相 = 相空【聖】(大正 08, 223d, n.3)。

舍果，無阿羅漢、無阿羅漢果，無辟支佛、無辟支佛道，無³⁷佛、亦無佛道。

舍利弗！菩薩摩訶薩如是習應，是名與般若波羅蜜相應。

巳二、約泯明觀淨³⁸

舍利弗！是菩薩摩訶薩行般若波羅蜜，不見般若波羅蜜若相應若不相應，不見檀那波羅蜜、尸羅波羅蜜、羼提波羅蜜、毗梨耶波羅蜜、禪那波羅蜜若相應若不相應，亦不見色若相應若不相應，不見受、想、行、識若相應若不相應，不見眼乃至意、色乃至法、眼色識界乃至意法識界若相應若不相應，不見四念處乃至八聖道分、佛十力乃至一切種智若相應若不相應。

如是，舍利弗！當知菩薩摩訶薩與般若波羅蜜相應。

辰三、緣觀俱淨習

巳一、空智不與境合³⁹

復次，舍利弗！菩薩摩訶薩行般若波羅蜜時，空不與空合，無相不與無相合，無作不與無作合。何以故？空、無相、無作無有合與不合。舍利弗！菩薩摩訶薩如是習應，是名與般若波羅蜜相應。

巳二、有智不與有境合

復次，舍利弗！菩薩摩訶薩行般若波羅蜜時，入諸法自相空。入已，色不作合，不作不合；受、想、行、識不作合，不作不合。

巳三、法不與時合

色不與前際合。何以故？不見前際故。
色不與後際合。何以故？不見後際故。
色不與現在合。何以故？不見現在故。
受、想、行、識亦如是。⁴⁰

巳四、時不與時合⁴¹

³⁷ (亦) + 無【宋】【元】【明】【宮】(大正 08, 223d, n.4)。

³⁸ 對照《大智度論》卷 36〈3 習相應品〉(大正 25, 328a19-c11)。

³⁹ 對照《大智度論》卷 36〈3 習相應品〉(大正 25, 328c12-329a14)。

⁴⁰ 對照《大智度論》卷 36〈3 習相應品〉(大正 25, 329a15-b6)。

⁴¹ 對照《大智度論》卷 36〈3 習相應品〉(大正 25, 329b7-27)。

復次，舍利弗！菩薩摩訶薩行般若波羅蜜，前際不與後際合，後際不與前際合，現在不與前際、後際合，前際、後際亦不與現在合，三際名空故。

舍利弗！菩薩摩訶薩如是習應者⁴²，是名與般若波羅蜜相應⁴³。

辰四、息果習

巳一、非三世果不與三世合⁴⁴

復次，舍利弗！菩薩摩訶薩行般若波羅蜜⁴⁵，薩婆若不與過去世合。何以故？過去世不可見，何況薩婆若與過去世合！

薩婆若不與未來世合。何以故？未來世不可見，何況薩婆若與未來世合！

薩婆若不與現在世合。何以故？現在世不可見，何況薩婆若與現在世合！

舍利弗！菩薩摩訶薩如是習應，是名與般若波羅蜜相應。

巳二、三世法不與非三世果合⁴⁶

復次，舍利弗！菩薩摩訶薩行般若波羅蜜，色不與薩婆若合，色不可見故；受、想、行、識亦如是。

眼不與薩婆若合，眼不可見故；耳、鼻、舌、身、意亦如是。

色不與薩婆若合，色不可見故；聲、香、味、觸、法亦如是。

舍利弗！菩薩摩訶薩如是習應，是名與般若波羅蜜相應。

巳三、行因不與果合⁴⁷

復次，舍利弗！菩薩摩訶薩行般若波羅蜜，檀那波羅蜜不與薩婆若合，檀那波羅蜜不可見故；乃至般若波羅蜜亦如是。

四念處不與薩婆若合，四念處不可見故；乃至八聖道分亦如是。

巳四、因滿不與果合

⁴² [者] — 【明】(大正 08, 223d, n.5)。

⁴³ [相應] — 【聖】(大正 08, 223d, n.6a)。

⁴⁴ 對照《大智度論》卷 37〈3 習相應品〉(大正 25, 329c27-330a20)。

⁴⁵ [復次...蜜] 十六字 — 【聖】(大正 08, 223d, n.6b)。

⁴⁶ 對照《大智度論》卷 37〈3 習相應品〉(大正 25, 330a21-b11)。

⁴⁷ 對照《大智度論》卷 37〈3 習相應品〉(大正 25, 330b12-29)。

午一、明十力等⁴⁸

佛十力，乃至十八不共法不與薩婆若合，佛十力乃至十八不共法不可見故。

舍利弗！菩薩摩訶薩如是習應，是名與般若波羅蜜相應。

午二、明人法

⁴⁹復次，舍利弗！菩薩摩訶薩行般若波羅蜜，佛不與薩婆若合，薩婆若不與佛合；

午三、明空有二智

菩提不與薩婆若合，薩婆若不與菩提合。⁵⁰

何以故？佛即是薩婆若，薩婆若即是佛；菩提即是薩婆若，薩婆若即是菩提。

舍利弗！菩薩摩訶薩行般若波羅蜜，如是習應，是名與般若波羅蜜相應。

辰五、息二邊習

復次，舍利弗！菩薩摩訶薩行般若波羅蜜，不習色有、不習色無，受、想、行、識亦如是。

不習色有⁵¹常、不習色無常，受、想、行、識亦如是。

不習色苦、不習色樂，受、想、行、識亦如是。

不習色我、不習色非我，受、想、行、識亦如是。

不習色寂滅、不習色不寂滅，受、想、行、識亦如是。

不習色空、不習色非空，受、想、行、識亦如是。

不習色有相、不習色無相，受、想、行、識亦如是。

不習色有作、不習色無作，受、想、行、識亦如是。

辰六、息行習

是菩薩摩訶薩行般若波羅蜜時，不作是念：『我行般若波羅蜜、不行般若波羅蜜、非行非不行般若波羅蜜。』

⁴⁸ 對照《大智度論》卷 37 〈3 習相應品〉(大正 25, 330c1-12)。

⁴⁹ 對照《大智度論》卷 37 〈3 習相應品〉(大正 25, 330c13-331a8)。

⁵⁰ 對照《大智度論》卷 37 〈3 習相應品〉(大正 25, 331a8-c13)。

⁵¹ [有] — 【聖】(大正 08, 223d, n.7)。

舍利弗！菩薩摩訶薩如是習應，是名與般若波羅蜜相應。

辰七、息為習⁵²

巳一、不為一切德行

午一、正明不為

未一、不為因果

復次，舍利弗！菩薩摩訶薩不為般若波羅蜜故行般若波羅蜜，不為檀那波羅蜜、尸羅波羅蜜、羼提波羅蜜、毗梨耶波羅蜜、禪那波羅蜜故行般若波羅蜜。

不為阿鞞跋致地故行般若波羅蜜，不為成就眾生故行般若波羅蜜，不為淨佛國土故行般若波羅蜜。

不為佛十力、四無所畏、四無礙智、十八不共法故行般若波羅蜜。

未二、不為境智

不為內空故行般若波羅蜜，不為外空、內外空、空空、大空、第一義空、有為空、無為空、畢竟空、無始空、散空、性空、諸法空、自相空、不可得空、無法空、有法空、無法有法空故行般若波羅蜜。

不為如、法性、實際故行般若波羅蜜。

午二、釋不為義

何以故？是菩薩摩訶薩行般若波羅蜜時，不壞諸法相故。如是習應，是名與般若波羅蜜相應。

巳二、偏明不為六通

午一、總明不為六通⁵³

復次，舍利弗！菩薩摩訶薩行般若波羅蜜，不為如意神通故行般若波羅蜜，不為天耳故、不為他心智故、不為宿命智故、不為天眼故、不為漏盡神通故行般若波羅蜜。

何以故？菩薩摩訶薩行般若波羅蜜，尚不見般若波羅蜜，何況見菩薩神通！

舍利弗！菩薩摩訶薩如是行，是名與般若波羅蜜相應。

⁵² 對照《大智度論》卷 37〈3 習相應品〉(大正 25, 331c14-332a11)。

⁵³ 對照《大智度論》卷 37〈3 習相應品〉(大正 25, 332a12-b2)。

午二、別明不念五神通妙用⁵⁴

復次，舍利弗！菩薩摩訶薩行般若波羅蜜，不作是念：『我以如意神通飛到東方，供養恭敬如恒河沙等諸佛；南西北方、四維、上下亦⁵⁵如是。』

復次，舍利弗！菩薩摩訶薩行般若波羅蜜，不作是念：『我以天耳，聞十方諸佛所說法。』

不作是念：『我以他心智，知十方眾生心所念。』

不作是念：『我以宿命通⁵⁶，知十方眾生宿命所作。』

不作是念：『我以天眼，見十方眾生死此生彼。』

舍利弗！菩薩摩訶薩如是行，是名與般若波羅蜜相應，亦能度無量阿僧祇眾生。

寅二、舉果歎德

卯一、明今世界⁵⁷

辰一、明得

舍利弗！菩薩摩訶薩能如是行般若波羅蜜，惡魔不能得其便；世間眾事，所欲隨意；十方各如恒河沙等諸佛，皆悉擁護是菩薩，令不墮聲聞、辟支佛地；四天王天乃至阿迦尼吒天，皆亦擁護是菩薩，不令有礙；是菩薩所有重罪，現世輕受。

辰二、釋得

何以故？是菩薩摩訶薩用普慈加眾生故。舍利弗！菩薩摩訶薩如是行，是名與般若波羅蜜相應。

卯二、明後世界⁵⁸

辰一、內果

復次，舍利弗！菩薩摩訶薩行般若波羅蜜時，疾得諸陀羅尼門、諸三昧門。

⁵⁴ 對照《大智度論》卷 37 〈3 習相應品〉(大正 25, 332b3-26)。

⁵⁵ 亦+(復)【宋】【元】【明】【宮】(大正 08, 224d, n.1)。

⁵⁶ 通=智【宋】【元】【明】【宮】(大正 08, 224d, n.2)。

⁵⁷ 對照《大智度論》卷 37 〈3 習相應品〉(大正 25, 332b27-333b3)。

⁵⁸ 對照《大智度論》卷 37 〈3 習相應品〉(大正 25, 333b4-c4)。

辰二、外果

所生處常值諸佛，乃至阿耨多羅三藐三菩提，終⁵⁹不離見佛。
舍利弗！菩薩摩訶薩如是習應，是名與般若波羅蜜相應。

丑二、第二周說般若⁶⁰

寅一、就相應行說

卯一、無等不等合不合

復次，舍利弗！菩薩摩訶薩行般若波羅蜜時，不作是念：『有法與法若合若不合、若等若不等。』何以故？是菩薩摩訶薩，不見是法與餘法若合若不合、若等若不等。舍利弗！菩薩摩訶薩如是習應，是名與般若波羅蜜相應。

卯二、無疾遲得不得

復次，舍利弗！菩薩摩訶薩行般若波羅蜜，不作是念：『我當疾得法性，若不得。』何以故？法性非得相故。舍利弗！菩薩摩訶薩如是習應，是名與般若波羅蜜相應。

卯三、不見有法出法性

復次，舍利弗！菩薩摩訶薩行般若波羅蜜時，不見有法出法性者。如是習應，是名與般若波羅蜜相應。

卯四、不以法性分別諸法

復次，舍利弗！菩薩摩訶薩行般若波羅蜜時，不作是念：『法性分別諸法。』如是習應，是名與般若波羅蜜相應。

卯五、明法性無得相

復次，舍利弗！菩薩摩訶薩行般若波羅蜜時，不作是念：『是法能得法性，若不得。』何以故？是菩薩不見用是法能得法性，若不得。舍利弗！菩薩摩訶薩如是習應，是名與般若波羅蜜相應。

卯六、不見智與境合

復次，舍利弗！菩薩摩訶薩行般若波羅蜜時，法性不與空合，空不與法性合。如是習應，是名與般若波羅蜜相應。

⁵⁹ 初=終【元】(大正 08, 224d, n.3)。

⁶⁰ 對照《大智度論》卷 37〈3 習相應品〉(大正 25, 333c5-334b27)。

卯七、十八界不與空合⁶¹

復次，舍利弗！菩薩摩訶薩行般若波羅蜜時，眼界不與空合，空不與眼界合；色界不與空合，空不與色界合；眼識界不與空合，空不與眼識界合；乃至意界不與空合，空不與意界合；法界不與空合，空不與法界合；意識界不與空合，空不與意識界合。

寅二、就稱歎門說

卯一、歎無得而得

辰一、略歎空相應第一

巳一、歎因

是故，舍利弗！是空相應，名為第一相應。

巳一、歎果⁶²

午一、歎離果

舍利弗！空行菩薩摩訶薩，不墮聲聞、辟支佛地，

午二、歎得果

能淨佛國土⁶³，成就眾生，疾得阿耨多羅三藐三菩提。

辰二、廣舉異名相應歎

巳一、歎因

舍利弗！諸相應中，般若波羅蜜相應為最第一，最尊、最勝、最妙，為無有上。

何以故？是菩薩摩訶薩行般若波羅蜜相應，所謂空、無相、無作故，

巳二、歎果

午一、歎自行

當知是菩薩如受記無異，若近受記。

午二、歎化他

舍利弗！菩薩摩訶薩如是相應者，能為無量阿僧祇眾生作益厚。

卯二、歎得無所得

⁶¹ 對照《大智度論》卷 37 〈3 習相應品〉(大正 25, 334b28-c19)。

⁶² 對照《大智度論》卷 37 〈3 習相應品〉(大正 25, 334c20-336a24)。

⁶³ (國)+土【宋】【元】【明】【宮】(大正 08, 224d, n.4)。

辰一、正歎

是菩薩摩訶薩亦不作是念：『我與般若波羅蜜相應，諸佛當授我記，我當近受記，我當⁶⁴淨佛土⁶⁵，我得阿耨多羅三藐三菩提，當轉法輪。』

辰二、歎生善

何以故？是菩薩摩訶薩不見有法出法⁶⁶性者⁶⁷，亦不見有法行般若波羅蜜，亦不見有法諸佛授記，亦不見有法得阿耨多羅三藐三菩提。

何以故？菩薩摩訶薩行般若波羅蜜時，不生我相、眾生相，乃至知者、見者相。何以故？眾生畢竟不生不滅故，眾生無有生、無有滅；若法無有生相、無有滅相，云何有法當行般若波羅蜜？如是！舍利弗！菩薩摩訶薩不見眾生故，為行般若波羅蜜；眾生不受故、眾生空故、眾生不可得故、眾生離故，為行般若波羅蜜。

舍利弗！菩薩摩訶薩於諸相應中，為最第一相應，所謂空相應，是空相應勝餘相應。菩薩摩訶薩如是習空，能生大慈大悲。

辰三、歎滅惡

菩薩摩訶薩如是習相應⁶⁸，不生慳心，不生犯戒心，不生瞋心、不生懈怠心，不生亂心，不生無智心。」

⁶⁴ 當+(得)【宋】【明】【宮】，當+(當)【元】(大正 08，224d，n.5)。

⁶⁵ 土=世界【宋】【明】【宮】(大正 08，224d，n.6)。

⁶⁶ (於)+法【宋】【元】【明】(大正 08，225d，n.1)。

⁶⁷ [者]—【宋】【元】【明】【宮】(大正 08，225d，n.2)。

⁶⁸ 相應=空【宋】【元】【明】【宮】(大正 08，225d，n.3)。

《摩訶般若波羅蜜經》卷 2 〈4 往生品〉冠科¹

《摩訶般若波羅蜜經》卷 2 (大正 08, 225b4-229c4) :

癸二、依世諦門修功德行²

子一、舍利弗問

丑一、問來生

³舍利弗白佛言：「世尊！菩薩摩訶薩行般若波羅蜜，能如是習相應者，從何處終，來生此間？」

丑二、問往生

從此間終，當生何處？」

子二、佛答

丑一、答來生

寅一、正答

佛告舍利弗：「是菩薩摩訶薩行般若波羅蜜，能如是習相應者，或從他方佛國來生此間，或從兜率天上來生此間，或從人道中來生此間。

寅二、明優劣

卯一、從他方佛國來

舍利弗！從他方佛國來者，疾與般若波羅蜜相應；與般若波羅蜜相應故，捨身，來生此間，諸深⁴妙法皆現在前，後還與般若波羅蜜相應，在所生處常值諸佛。

卯二、從兜率天來

舍利弗！有一生補處菩薩，兜率天上終，來生是間；是菩薩不失六波羅蜜，隨所生處，一切陀羅尼門、諸三昧門疾現在前。

卯三、從人中來

¹ 妙境法師，《摩訶般若波羅蜜經》冠科(上冊)，pp.46-70。

² 對照《大智度論》卷 38 〈4 往生品〉(大正 25, 336b2) ~ 《大智度論》卷 40 〈4 往生品〉(大正 25, 353c5)。

³ 對照《大智度論》卷 38 〈4 往生品〉(大正 25, 336b7-337b24)。

⁴ 〔妙〕—【聖】(大正 08, 225d, n.8)。

舍利弗！有菩薩人中命終、還生人中者，除阿惟⁵越致，是菩薩根鈍，不能疾與般若波羅蜜相應，諸陀羅尼門、諸三昧門不能疾現在前。

丑二、答往生⁶

寅一、牒問

舍利弗！汝所問：『菩薩摩訶薩與般若波羅蜜相應，從此間終當生何處者？』

寅二、正答

卯一、依般若度往生一人

舍利弗！此菩薩摩訶薩從一佛國至一佛國，常值諸佛，終不離諸佛。

卯二、依禪度往生十九人

辰一、約方便無方便七人

巳一、無方便著禪

午一、無方便入禪

舍利弗！有菩薩摩訶薩不以方便入初禪乃至第四禪，亦行六波羅蜜；是菩薩摩訶薩得禪故，生長壽天，隨彼壽終來生是間，得人身，值遇諸佛——是菩薩諸根不利。

午二、無方便捨禪

舍利弗！有菩薩摩訶薩入初禪乃至第四禪，亦行般若波羅蜜；不以方便故，捨諸禪，生欲界，是菩薩諸根亦鈍。

巳二、有方便不隨禪生

午一、賢劫成佛

舍利弗！有菩薩摩訶薩入初禪乃至第四禪，入慈心乃至捨，入虛空處乃至非有想非無想處，修四念處乃至八聖道分，行佛十力乃至大慈大悲；是菩薩用方便力，不隨禪生，不隨無量心生，不隨四無色定生；在所有佛處於中生，常不離般若波羅蜜行。如是菩薩，賢劫中當得阿耨多羅三藐三菩提。

午二、生欲界人中⁷

⁵ 惟=維【宮】(大正 08, 225d, n.10)。

⁶ 對照《大智度論》卷 38〈4 往生品〉(大正 25, 337b25-339c26)。

舍利弗！有菩薩摩訶薩入初禪乃至第四禪，入慈心乃至捨，入虛空處乃至非有想非無想處；以方便力故，不隨禪生，還生欲界，若刹利大姓、婆羅門大姓、居士大家生⁸，為成就眾生故。

午三、生欲界天⁹

舍利弗！有菩薩摩訶薩入初禪乃至第四禪，入慈心乃至捨，入虛空處乃至非有想非無想處；以方便力故，不隨禪生，或生四天王天處，或生三十三天、夜摩天、兜率陀天、化樂天、他化自在天。於是中成就眾生、亦淨佛土，常值諸佛。

午四、生色界天¹⁰

舍利弗！有菩薩摩訶薩行般若波羅蜜，以方便力故入初禪，此間命終，生梵天處，作大梵王。從梵天處，遊一佛國至一佛國，在所有諸佛得阿耨多羅三藐三菩提，未轉法輪者，勸請令轉。

午五、一生菩薩¹¹

未一、生諸佛前

舍利弗！有菩薩摩訶薩一生補處，行般若波羅蜜，以方便力故入初禪乃至第四禪，入慈心乃至捨，入虛空處乃至非有想非無想處，修四念處乃至八聖道分，入空三昧、無相、無作三昧，不隨禪生，生有佛處，修梵¹²行。

未二、生兜率天

若生兜率天上，隨其壽終，具足善根，不失正念，與無數百千億萬諸天圍繞恭敬，來生此間，得阿耨多羅三藐三菩提。

辰二、約神通四人¹³

巳一、為習佛法生有佛土

⁷ 對照《大智度論》卷 38 〈4 往生品〉(大正 25, 339c27-340a28)。

⁸ 〔生〕－【宋】【元】【明】【宮】【聖】(大正 08, 225d, n.11)。

⁹ 對照《大智度論》卷 38 〈4 往生品〉(大正 25, 340a30-b12)。

¹⁰ 對照《大智度論》卷 38 〈4 往生品〉(大正 25, 340b14-27)。

¹¹ 對照《大智度論》卷 38 〈4 往生品〉(大正 25, 340b29-342a10)。

¹² (諸)+梵【宋】【明】【宮】(大正 08, 225d, n.12)。

¹³ 對照《大智度論》卷 38 〈4 往生品〉(大正 25, 342a11-b5)。

午一、離三界

復次¹⁴，舍利弗！有菩薩摩訶薩得六神通，不生欲界、色界、無色界；從一佛國至一佛國，供養恭敬、尊重讚歎諸佛。

午二、脫二乘

舍利弗！有菩薩摩訶薩遊戲神通，從一佛國至一佛國，所至¹⁵到處，無有聲聞、辟支佛乘，乃至無二乘之名。

午三、壽無量

舍利弗！有菩薩摩訶薩遊戲神通，從一佛國至一佛國，所至到處，其壽無量。

巳二、為利眾生無佛土

舍利弗！有菩薩摩訶薩遊戲神通，從一國土至一國土，所至到處，有無佛、法、僧處，讚佛、法、僧功德；諸眾生用聞佛名、法名、僧名故，於此命終，生諸佛前。

辰三、約發心四人¹⁶

巳一、發心成就眾生

午一、生益物處

舍利弗！有菩薩摩訶薩初發意時，得初禪乃至第四禪，得四無量心、得四無色定，修四念處乃至十八不共法；是菩薩不生欲界、色界、無色界中，常生有益眾生之處。

午二、入菩薩位

舍利弗！有菩薩摩訶薩初發意時，行六波羅蜜，上菩薩位，得阿惟越致地。

午三、即成佛道

舍利弗！有菩薩摩訶薩初發意時，便得阿耨多羅三藐三菩提，轉法輪，與無量阿僧祇眾生作益厚已，入無餘涅槃；是佛般涅槃後，餘法若住一劫，若減一劫。

¹⁴ [復次] — 【宋】【元】【明】【宮】【聖】(大正 08, 225d, n.13)。

¹⁵ 至到 = 在【聖】(大正 08, 225d, n.14)。

¹⁶ 對照《大智度論》卷 38〈4 往生品〉(大正 25, 342b6-18)。

巳二、發心淨佛國土

舍利弗！有菩薩摩訶薩初發意時，與般若波羅蜜相應，與無數百千億菩薩，從一佛國至一佛國，為淨佛國土故。

辰四、約超越四人

巳一、超禪¹⁷

舍利弗！有菩薩摩訶薩行般若波羅蜜時，得四禪、四無量心、四無色定，遊戲其中——入初禪，從初禪起，入滅盡定。從滅盡定起，乃至入四禪；從四禪起，入滅盡定。從滅盡定起，入虛空處；從虛空處起，入滅盡定。從滅盡定起，乃至入非有想非無想處；從非有想非無想處起，入滅盡定。如是！舍利弗！菩薩摩訶薩行般若波羅蜜，以方便力故入超越定。

巳二、超果¹⁸

午一、正明修行超二乘道果

舍利弗！有菩薩摩訶薩行般若波羅蜜時，修四念處乃至十八不共法，不取須陀洹果、斯陀含果、阿那含果、阿羅漢果、辟支佛道；

午二、以方便力還化二乘

以方便力，為度眾生故起八聖道分，以是八聖道分¹⁹，令得須陀洹果乃至辟支佛道。」

午三、釋疑

佛告舍利弗：「一切阿羅漢、辟支佛果²⁰及智，是菩薩摩訶薩無生法忍。

午四、結名

舍利弗²¹！是菩薩摩訶薩如是²²行²³般若波羅蜜，當知是²⁴阿惟越致地

¹⁷ 對照《大智度論》卷 39 〈4 往生品〉(大正 25, 343a13-b10)。

¹⁸ 對照《大智度論》卷 39 〈4 往生品〉(大正 25, 343b13-29)。

¹⁹ [分] — 【宋】【元】【明】【宮】(大正 08, 226d, n.1)。

²⁰ (諸)+果【宋】【明】【宮】(大正 08, 226d, n.2)。

²¹ 弗+(當知)【宋】【元】【明】【宮】(大正 08, 226d, n.3)。

²² [如是] — 【元】(大正 08, 226d, n.4)。

²³ [行] — 【聖】(大正 08, 226d, n.5)。

中住²⁵。

巳三、超天²⁶

舍利弗！有菩薩摩訶薩住六波羅蜜，莊嚴²⁷兜率天道²⁸，當知是賢劫中菩薩。

巳四、超生²⁹

舍利弗！有菩薩摩訶薩修四禪乃至十八不共法，未證四諦，當知是菩薩一生補處。

卯三、依精進度往生三人³⁰

辰一、根鈍故久得佛

舍利弗！有菩薩摩訶薩無量阿僧祇劫修³¹行，得阿耨多羅三藐三菩提。

辰二、不說無益事

舍利弗！有菩薩摩訶薩住六波羅蜜，常勲³²精進，利益眾生，不說無益之事。

辰三、勤斷三惡道

舍利弗！有菩薩摩訶薩行六波羅蜜，常勲精進，利益眾生，從一佛國至一佛國，斷眾生三惡道。」

卯四、依檀度往生三人³³

辰一、行財施

舍利弗！有菩薩摩訶薩住六波羅蜜，以檀那為首，安樂一切眾生——

²⁴ [當知是] — 【元】，[當知] — 【宋】【明】【宮】(大正 08，226d，n.6)。

²⁵ [地中住] — 【聖】(大正 08，226d，n.7)。

²⁶ 對照《大智度論》卷 39〈4 往生品〉(大正 25，343c2-5)。

²⁷ [莊嚴] — 【元】(大正 08，226d，n.8)。

²⁸ [道] — 【聖】(大正 08，226d，n.9)。

²⁹ 對照《大智度論》卷 39〈4 往生品〉(大正 25，343c7-14)。

³⁰ 對照《大智度論》卷 39〈4 往生品〉(大正 25，343c15-344a4)。

³¹ 修 = 作【宋】【宮】【聖】(大正 08，226d，n.10)。

³² 勲 = 勤【宋】【元】【明】(大正 08，226d，n.11)。

³³ 對照《大智度論》卷 39〈4 往生品〉(大正 25，344a5-b16)。

須飲食與飲食，衣服、臥具、瓔珞、華香、房舍、燈燭，隨人³⁴所須，盡給與之。

辰二、行法施

舍利弗！有菩薩摩訶薩行般若波羅蜜時，變身如佛，為地獄中眾生說法，為畜生、餓鬼中眾生說法。

辰三、具行二施起勝國土

舍利弗！有菩薩摩訶薩行六波羅蜜時，變身如佛，徧至十方如恆河沙等諸佛國土，為眾生說法；亦供養諸佛及淨佛國土，聞諸佛說法；觀採³⁵十方淨妙³⁶佛國相，而以³⁷自起殊勝國土。其中菩薩摩訶薩，皆是一生補處。

卯五、依忍度往生二人

辰一、明得果³⁸

巳一、得相好諸根淨利果

舍利弗！有菩薩摩訶薩行六波羅蜜時，成就三十二相，諸根淨利。諸根淨利故，眾人愛敬；以愛敬故，漸以三乘法而度脫之。

巳二、歎修因

如是！舍利弗！菩薩摩訶薩行般若波羅蜜時，應學身清淨、口清淨。

辰二、明離果³⁹

舍利弗！有菩薩摩訶薩行六波羅蜜時，得諸根淨；以是淨根而不自高，亦不下他。

卯六、依施戒度往生四人

辰一、明因⁴⁰

巳一、行施戒離惡道

³⁴ 人＝其【元】(大正 08，226d，n.12)。

³⁵ 採＝遊【宮】(大正 08，226d，n.13)。

³⁶ 妙＋(佛)【元】(大正 08，226d，n.14)。

³⁷ 已＝以【元】(大正 08，226d，n.15)。

³⁸ 對照《大智度論》卷 39 〈4 往生品〉(大正 25，344b17-28)。

³⁹ 對照《大智度論》卷 39 〈4 往生品〉(大正 25，344b29-c9)。

⁴⁰ 對照《大智度論》卷 39 〈4 往生品〉(大正 25，344c10-345a1)。

舍利弗！有菩薩摩訶薩從初發心住檀那波羅蜜、尸羅波羅蜜，乃至阿惟越致地，終不墮三惡道。

巳二、常不捨十善行

舍利弗！有菩薩摩訶薩從初發心乃至阿惟越致地，常不捨十善行。

辰二、明果⁴¹

巳一、作輪王身

舍利弗！有菩薩摩訶薩住檀那波羅蜜、尸羅波羅蜜中，作轉輪聖王，安立眾生於十善道，亦以財物布施眾生。

巳二、常得值佛

舍利弗！有菩薩摩訶薩住檀那波羅蜜、尸羅波羅蜜，無量千萬世作轉輪聖王，值遇無量百千諸佛，供養恭敬，尊重讚歎。

卯七、更明般若度往生十二人

辰一、總明六人

巳一、第一菩薩自照照他

午一、歎菩薩智德高明⁴²

舍利弗！有菩薩摩訶薩常為眾生以法照明，亦以自照；乃至阿耨多羅三藐三菩提，終不離照明。

舍利弗！是菩薩摩訶薩於佛法中，已得尊重。

午二、歎方便離惡

未一、正歎離惡⁴³

舍利弗！以是故，菩薩摩訶薩行般若波羅蜜時，身、口、意不⁴⁴淨不令妄起。」

未二、示離惡之方

申一、論三業不淨

⁴¹ 對照《大智度論》卷 39〈4 往生品〉(大正 25, 345a2-22)。

⁴² 對照《大智度論》卷 39〈4 往生品〉(大正 25, 345a23-26)。

⁴³ 對照《大智度論》卷 39〈4 往生品〉(大正 25, 345a26-b20)。

⁴⁴ 不=清【宋】【明】【宮】(大正 08, 226d, n.16)。

酉一、舍利弗問⁴⁵

舍利弗白佛言：「世尊！云何菩薩身業不淨、口業不淨、意業不淨？」

酉二、佛答⁴⁶

佛告舍利弗：「若菩薩摩訶薩作是念：『是身、是口、是意。』如是取相作緣，舍利弗⁴⁷！是名⁴⁸身口意罪⁴⁹。」

舍利弗！菩薩摩訶薩行般若波羅蜜時，不得身、不得口、不得意。

舍利弗！菩薩摩訶薩行般若波羅蜜時，若得身、若⁵⁰得口、若得意，用是得身口意故，能生慳心、犯戒心、瞋心、懈⁵¹怠心、亂心、愚心。當知是菩薩行六波羅蜜時，不能除身、口、意粗業。」

申二、論三業淨⁵²

舍利弗白佛言：「世尊！菩薩摩訶薩云何除身、口、意粗業？」

佛告舍利弗：「若⁵³菩薩摩訶薩不得身、不得口⁵⁴、不得意⁵⁵，如是菩薩摩訶薩能除身口意粗業。」

復次，舍利弗！若菩薩摩訶薩從初發意行十善道，不生聲聞心、不生辟支佛心，如是菩薩摩訶薩能除身口意粗業。」

巳二、第二菩薩總相淨佛道⁵⁶

午一、正釋

復次，舍利弗！有菩薩摩訶薩行般若波羅蜜淨佛道時，行檀那波羅蜜、尸羅波羅蜜、羼提波羅蜜、毗梨耶波羅蜜、禪那波羅蜜，是名⁵⁷菩薩摩

⁴⁵ 對照《大智度論》卷 39 〈4 往生品〉(大正 25, 345b21-c1)。

⁴⁶ 對照《大智度論》卷 39 〈4 往生品〉(大正 25, 345c2-346a5)。

⁴⁷ [舍利弗] - 【宋】【明】【宮】(大正 08, 226d, n.17)。

⁴⁸ 名+(菩薩)【元】(大正 08, 226d, n.18)。

⁴⁹ 不淨=罪【元】(大正 08, 226d, n.19)。

⁵⁰ [若] - 【元】(大正 08, 226d, n.20)。

⁵¹ 懈+(怠)【聖】(大正 08, 226d, n.21)。

⁵² 對照《大智度論》卷 39 〈4 往生品〉(大正 25, 346a6-26)。

⁵³ [若] - 【聖】(大正 08, 226d, n.22)。

⁵⁴ (不得)+口【宋】【元】【明】【宮】(大正 08, 226d, n.23)。

⁵⁵ (不得)+意【宋】【元】【明】【宮】(大正 08, 226d, n.24)。

⁵⁶ 對照《大智度論》卷 39 〈4 往生品〉(大正 25, 346a27-b17)。

⁵⁷ [名] - 【宋】【元】【明】【宮】(大正 08, 227d, n.1)。

訶薩除身口意粗業。」

午二、料簡

未一、舍利弗問

舍利弗白佛言：「世尊！何等是⁵⁸菩薩摩訶薩佛道？」

未二、佛答

申一、明法空

佛告舍利弗：「佛道者，若菩薩摩訶薩不得身、不得口、不得意，不得檀那波羅蜜、不得尸羅波羅蜜、不得羼提波羅蜜、不得毗毗梨耶波羅蜜、不得禪那波羅蜜、不得般若波羅蜜；

申二、明生空

不得聲聞、不得辟支佛、不得菩薩、不得佛。

申三、結不可得空

舍利弗！是名菩薩摩訶薩佛道，所謂一切諸法不可得故。

巳三、第三菩薩行六度不可壞⁵⁹

午一、正擇

舍利弗！有菩薩摩訶薩行六波羅蜜時，無能壞者。」

午二、料簡

舍利弗白佛言：「世尊！云何菩薩摩訶薩行六波羅蜜時，無能壞者？」

佛告舍利弗：「若菩薩摩訶薩行六波羅蜜時，不念有色乃至識，不念有眼乃至意，不念有色乃至法，不念有眼界乃至意識⁶⁰界，不念有四念處乃至八聖道分，不念有檀那波羅蜜乃至般若波羅蜜，不念有佛十力乃至十八不共法，不念有須陀洹果乃至阿羅漢果，不念有辟支佛乃至阿耨多羅三藐三菩提。

舍利弗！菩薩摩訶薩如是行增益六波羅蜜，無能壞者。

巳四、第四菩薩具二慧故具二莊嚴

⁵⁸ [是] — 【聖】(大正 08, 227d, n.2)。

⁵⁹ 對照《大智度論》卷 39〈4 往生品〉(大正 25, 346b18-c7)。

⁶⁰ 意識 = 法【宋】【元】【明】【宮】(大正 08, 227d, n.3)。

午一、正擇⁶¹

舍利弗！有菩薩摩訶薩住般若波羅蜜中，具足智慧，用是智慧，常不墮惡道，不生弊惡人中，不作貧窮人；所受身體，不為人、天、阿修羅所憎惡。」

午二、料簡⁶²

未一、舍利弗問

舍利弗白佛言：「世尊！何等是菩薩摩訶薩智慧？」

未二、佛答

申一、明實方便慧

佛告舍利弗：「菩薩摩訶薩用是智慧，成就見十方如恆河沙等諸佛、聽法、見僧，亦見嚴淨佛土。

申二、明方便實慧

菩薩摩訶薩以是智慧，不作佛想，不作菩薩想，不作聲聞、辟支佛想，不作我想，不作佛國想。用是智慧行檀那波羅蜜亦不得檀那波羅蜜，乃至行般若波羅蜜亦不得般若波羅蜜；行四念處亦不得四念處；乃至行十八不共法亦不得十八不共法。

申三、結二慧

舍利弗！是名菩薩摩訶薩智慧。用是智慧，能具足一切法，亦不得一切法。

巳五、第五菩薩淨五眼

午一、總標⁶³

舍利弗！有菩薩摩訶薩行般若波羅蜜時，淨於⁶⁴五眼：肉眼、天眼、慧眼、法眼、佛眼。」

午二、別釋

⁶¹ 對照《大智度論》卷 39 〈4 往生品〉(大正 25, 346c8-15)。

⁶² 對照《大智度論》卷 39 〈4 往生品〉(大正 25, 346c16-347a5)。

⁶³ 對照《大智度論》卷 39 〈4 往生品〉(大正 25, 347a6-7)。

⁶⁴ [於] — 【聖】(大正 08, 227d, n.4)。

未一、肉眼淨⁶⁵

舍利弗白佛言：「世尊！云何菩薩摩訶薩肉眼淨？」

佛告舍利弗：「有菩薩肉眼見百由旬，有菩薩肉眼見二百由旬，有菩薩肉眼見一閻浮提，有菩薩肉眼見二天下、三天下、四天下，有菩薩肉眼見小千世界，有菩薩肉眼見中千世界，有菩薩肉眼見三千大千世界。

舍利弗！是為菩薩摩訶薩肉眼淨。」

未二、天眼淨⁶⁶

申一、明菩薩見諸天所見

舍利弗白佛言：「世尊！云何菩薩摩訶薩天眼淨？」

佛告舍利弗：「有菩薩摩訶薩天眼，見一切四天王天所見，見三十三天、夜摩天、兜率陀天、化樂天、他化自在天所見，見⁶⁷梵天王所見，乃至阿迦尼吒天所見。

申二、明諸天不見菩薩所見

菩薩天眼所見者，四天王天乃至阿迦尼吒天所不知不見。

舍利弗！是菩薩摩訶薩天眼，見十方如恆河沙等諸國土中眾生，死此生彼。

舍利弗！是名⁶⁸菩薩摩訶薩天眼淨。」

未三、慧眼淨⁶⁹

舍利弗白佛言：「世尊！云何菩薩摩訶薩慧眼淨？」

佛告舍利弗：「慧眼菩薩不作是念：『有法若有為、若無為，若世間、若出世間，若有漏、若無漏。』是慧眼菩薩，亦無法不見，無法不聞，無法不知，無法不識。舍利弗！是名菩薩摩訶薩慧眼淨。」

未四、法眼淨⁷⁰

⁶⁵ 對照《大智度論》卷 39〈4 往生品〉(大正 25, 347a7-c4)。

⁶⁶ 對照《大智度論》卷 39〈4 往生品〉(大正 25, 347c5-25)。

⁶⁷ [見] — 【聖】(大正 08, 227d, n.5)。

⁶⁸ 名=為【宋】【元】【明】【宮】(大正 08, 227d, n.6)。

⁶⁹ 對照《大智度論》卷 39〈4 往生品〉(大正 25, 347c26-348c5)。

⁷⁰ 對照《大智度論》卷 40〈4 往生品〉(大正 25, 348c14-350b5)。

申一、知聲聞法

舍利弗白佛言：「世尊！云何菩薩摩訶薩法眼淨？」

佛告舍利弗：「菩薩摩訶薩以法眼知是人隨信行、是人隨法行、是人無相行，是人行空解脫門、是人行無相解脫門、是人行無作解脫門，得五根，得五根故得無間三昧，得無間三昧故得解脫智，得解脫智故斷三結⁷¹——有眾⁷²見、疑⁷³、齋戒取，是人名⁷⁴須陀洹；是人得思惟道，薄淫、恚、癡，當得斯陀含；增進思惟道，斷淫、恚、癡，得阿那含；增進思惟道，斷色染、無色染、無明、慢、掉⁷⁵，得阿羅漢。

申二、知辟支佛法

是人行空、無相、無作解脫門，得五根，得五根故得無間三昧，得無間三昧故得解脫智，得解脫智故⁷⁶知所有集法皆是滅法，作辟支佛——是為⁷⁷菩薩摩訶薩法眼淨。

申三、知菩薩法

酉一、知一菩薩始終方便

戌一、明無始始義

亥一、明自行

復次，舍利弗！菩薩摩訶薩知是菩薩初發意行檀那波羅蜜乃至行般若波羅蜜，成就信根、精進根，善根純厚；

亥二、明化他

用方便力故，為眾生受身——若生刹利大姓，若生婆羅門大姓，若生居士大家；若生四天王天處乃至他化自在天處。

戌二、明無終終義

是菩薩於其中住，成就眾生，隨其所樂，皆給施之；亦淨佛國土，值

⁷¹ 結+(有)【宋】【元】【明】【宮】(大正 08, 227d, n.7)。

⁷² 我=眾【元】(大正 08, 227d, n.8)。

⁷³ 疑+(齋)【元】(大正 08, 227d, n.9)。

⁷⁴ 名+(為)【元】(大正 08, 227d, n.10)。

⁷⁵ 掉=忪【宮】，=桃【聖】(大正 08, 227d, n.11)。

⁷⁶ [故]-【聖】(大正 08, 227d, n.12)。

⁷⁷ 為=於【宋】(大正 08, 227d, n.13)。

遇諸佛，供養、恭敬、尊重、讚歎；乃至阿耨多羅三藐三菩提，亦不墮聲聞、辟支佛地——是名菩薩摩訶薩法眼淨。

西二、廣知一切菩薩始終方便

復次，舍利弗！菩薩摩訶薩知是菩薩於阿耨多羅三藐三菩提退、知是菩薩於阿耨多羅三藐三菩提不退，知是菩薩受阿耨多羅三藐三菩提記、知是菩薩未受阿耨多羅三藐三菩提記，知是菩薩到阿惟越致地、知是菩薩未到阿惟越致地，知是菩薩具足神通、知是菩薩未具足神通；知是菩薩以具足神通，飛到十方如恆河沙等世界，見諸佛供養恭敬，尊重讚歎；知是菩薩未得神通、當得神通；知是菩薩當淨佛土、未⁷⁸淨佛土，是菩薩成就眾生、未成就眾生，是菩薩為諸佛所稱譽、所不稱譽，是菩薩親近諸佛、不親近諸佛，是菩薩壽命有量、壽命無量，是菩薩得佛時，比丘眾有量、比丘眾無量；是菩薩得阿耨多羅三藐三菩提時，以菩薩為僧、不以菩薩為僧；是菩薩當修苦行難行、不修苦行難行，是菩薩一生補處、未一生補處，是菩薩受最後身、未受最後身，是菩薩能坐道場、不能坐道場，是菩薩有魔、無魔。如是，舍利弗！是為菩薩摩訶薩法眼淨。」

未五、佛眼淨⁷⁹

舍利弗白佛言：「世尊！云何菩薩摩訶薩佛眼淨？」

佛告舍利弗：「有菩薩摩訶薩求佛道心，次第入如金剛三昧，得一切種智。爾時，成就十力、四無所畏、四無礙⁸⁰智、十八不共法、大慈大悲。是菩薩摩訶薩用一切種智，一切法中無法不見、無法不聞、無法不知、無法不識。

舍利弗！是為菩薩摩訶薩得阿耨多羅三藐三菩提時佛眼淨。

午三、結⁸¹

未一、明六度攝一切善法

如是，舍利弗！菩薩摩訶薩欲得五眼，當學六波羅蜜。何以故？舍利弗！是六波羅蜜中攝一切善法——若聲聞法、辟支佛法、菩薩法、佛法。

⁷⁸ 不=未【宋】【元】【明】【宮】(大正 08, 228d, n.1)。

⁷⁹ 對照《大智度論》卷 40〈4 往生品〉(大正 25, 350b6-13)。

⁸⁰ 闕=礙【宋】【元】【明】【宮】【聖】(大正 08, 228d, n.2)。

⁸¹ 對照《大智度論》卷 40〈4 往生品〉(大正 25, 350b13-351b1)。

未二、明般若攝一切善法

舍利弗！若有實語能攝一切善法者，般若波羅蜜是。

舍利弗！般若波羅蜜能生五眼，菩薩學五眼者，得阿耨多羅三藐三菩提。

巳六、第六菩薩明具六通

午一、總標⁸²

舍利弗！有菩薩摩訶薩行般若波羅蜜時，修神通波羅蜜。

午二、別釋

未一、神足通

申一、標

以是神通波羅蜜，受種種如意事：

申二、釋

酉一、正擇

能動大地，變一身為無數身，無數身還為一身；隱顯自在；山壁、樹木，皆過無礙，如行空中；履水如地；凌⁸³虛如鳥；出沒地中，如出入水；身出煙燄，如大火聚；身中出水，如雪山水流；日月大德，威力難當，而能摩捫；乃至梵天，身得自在。

酉二、簡異

戌一、簡外道

亦不著是如意神通，神通事及己身皆不可得；自性空故、自性離故、自性無生故。不作是念：『我得如意神通。』

戌二、簡二乘

除為薩婆若心。

申三、結

如是，舍利弗！菩薩摩訶薩行般若波羅蜜時，得如意神通智證。

未二、天耳通

申一、標

⁸² 對照《大智度論》卷 40 〈4 往生品〉(大正 25, 351b2-352b19)。

⁸³ 陵=凌【明】(大正 08, 228d, n.3)。

是菩薩以天耳淨，

申二、釋

酉一、正釋

過於人耳，聞二種聲：天聲、人聲。

酉二、簡異

戌一、簡外道

亦不著是天耳神通，天耳與聲及己身，皆不可得，自性空故、自性離故、自性無生故；不作是念：『我有是天耳。』

戌二、簡二乘

除為薩婆若心。

申三、結

如是，舍利弗！菩薩摩訶薩行般若波羅蜜時，得天耳神通智證。

未三、他心通

申一、標

是菩薩如實知他眾生心：

申二、釋

酉一、正釋

若欲心，如實知欲心；離欲心，如實知離欲心；瞋心，如實知瞋心；離瞋心，如實知離瞋心；癡心，如實知癡心；離癡心，如實知離癡心；渴愛心，如實知渴愛心；無渴愛心，如實知無渴愛心；有受心，如實知有受心；無受心，如實知無受心；攝心，如實知攝心；散心，如實知散心；小心，如實知小心；大心，如實知大心；定心，如實知定心；亂心，如實知亂心；解脫心，如實知解脫心；不解脫心，如實知不解脫心；有上心，如實知有上心；無上心，如實知無上心；

酉二、簡異

戌一、簡外道

亦不著是心！何以故？是心非心相不可思議故，自性空故、自性離故、

自性無生故。不作是念：『我得他心智證⁸⁴。』

戌二、簡二乘

除為薩婆若心。

申三、結

如是，舍利弗！菩薩摩訶薩行般若波羅蜜時，得他心神通智證。

未四、宿命通

申一、標

是菩薩以宿命智證通，

申二、釋

酉一、正釋

念一心乃至百心，念一日乃至百日，念一月乃至百月，念一歲乃至百歲，念一劫乃至百劫、無數百劫、無數千劫、無數百千劫乃至無數百千萬億劫世⁸⁵——我是處如是姓、如是名字⁸⁶、如是生、如是食、如是久住、如是壽限、如是長壽、如是受苦樂；我是中死、生彼處，彼處死、生是處，有相有因緣。

酉二、簡異

戌一、簡外道

亦不著是宿命神通，宿命神通事及己身，皆不可得，自性空故、自性離故、自性無生故。不作是念：『我有是宿命神通。』

戌二、簡二乘

除為薩婆若心。

申三、結

如是，舍利弗！菩薩摩訶薩行般若波羅蜜時，得宿命神⁸⁷通智證。

未五、天眼通

申一、標

⁸⁴ [證] — 【聖】(大正 08, 228d, n.4)。

⁸⁵ 世=設【宋】【明】【宮】(大正 08, 228d, n.5)。

⁸⁶ [字] — 【元】【聖】(大正 08, 228d, n.6)。

⁸⁷ 神+(通)【宋】【元】【明】【宮】【聖】(大正 08, 228d, n.7)。

是菩薩以天眼，

申二、釋

酉一、正釋

見眾生死時、生時，端正、醜陋，惡處、好處，若大若小；知眾隨業因緣——是諸眾生，身惡業成就、口惡業成就、意惡業成就故，謗毀賢聖人、受邪見因緣故，身壞墮惡道，生地獄中；是諸眾生，身善業成就、口善業成就、意善業成就，不謗毀賢⁸⁸聖人、受正見因緣故，命終入善道，生天上。

酉二、簡異

戌一、簡外道

亦不著是天眼通，天眼通事及己身皆不可得，自性空故、自性離故、自性無生故。不作是念：『我有是天眼神通！』

戌二、簡二乘

除為薩婆若心，

申三、結

如是，舍利弗！菩薩摩訶薩行般若波羅蜜時，得天眼神通智證。亦見十方如恆河沙等世界中眾生生死，乃至生天上；四神通亦如是。

未六、漏盡通

申一、標

是菩薩摩訶薩漏盡神通，

申二、釋

酉一、正釋

雖得漏盡神通，不墮聲聞、辟支佛地；乃至阿耨多羅三藐三菩提，亦不依異法。

酉二、簡異

戌一、簡外道

亦不著是漏盡神通，漏盡神通事及己身，皆不可得，自性空故、自性

⁸⁸ [賢] — 【聖】(大正 08, 228d, n.8)。

離故、自性無生故。不作是念：『我得漏盡神通！』

戌二、簡二乘

除為薩婆若心。

申三、結

如是，舍利弗！菩薩摩訶薩行般若波羅蜜時，得漏盡神通智證。

午三、結

如是，舍利弗！菩薩摩訶薩行般若波羅蜜時，具足神通波羅蜜；具足神通波羅蜜已，增益阿耨多羅三藐三菩提。

辰二、別明六度即為六人⁸⁹

巳一、約六度明六人

舍利弗！有菩薩摩訶薩行般若波羅蜜時，住檀那波羅蜜，淨薩婆若道，畢竟空，不生慳心故。

舍利弗！有菩薩摩訶薩行般若波羅蜜時，住尸羅波羅蜜，淨薩婆若道，畢竟空，罪不罪不著故。

舍利弗！有菩薩摩訶薩行般若波羅蜜時，住羼提波羅蜜，淨薩婆若道，畢竟空，不瞋故。

舍利弗！有菩薩摩訶薩行般若波羅蜜時，住毗梨耶波羅蜜，淨薩婆若道，畢竟空，身心精進不懈怠⁹⁰故。

舍利弗！有菩薩摩訶薩行般若波羅蜜時，住禪那⁹¹波羅蜜，淨薩婆若道，畢竟空，不亂不味故。

舍利弗！有菩薩摩訶薩行般若波羅蜜時，住般若波羅蜜，淨薩婆若道，畢竟空，不生癡心故。

巳二、釋畢竟空

如是，舍利弗！菩薩摩訶薩行般若波羅蜜時，住六波羅蜜，淨薩婆若道，畢竟空故，不來不去故，不施不受故，非戒非犯故，非忍非瞋故，

⁸⁹ 對照《大智度論》卷 40 〈4 往生品〉(大正 25, 352b20-353a9)。

⁹⁰ 怠=息【宋】【明】【宮】(大正 08, 229d, n.1)。

⁹¹ [那]—【聖】(大正 08, 229d, n.2)。

不進不怠故，不定不亂故，不智不愚故。

巳三、明得觀成就

爾時，菩薩摩訶薩不分別布施不布施、持戒犯戒、忍辱瞋恚、精進懈怠、定心亂心、智慧愚癡，不分別毀害、輕慢、恭敬。何以故？舍利弗！無生法中，無有受毀者，無有受害者、無有受輕慢恭敬者。

巳四、簡果異二乘

舍利弗！菩薩摩訶薩行般若波羅蜜，得如是諸功德，聲聞、辟支佛所無有。得是功德具足，成就眾生，淨佛國土，得一切種智。

壬二、明行成道得果⁹²

癸一、明行成

復次，舍利弗！菩薩摩訶薩行般若波羅蜜時，一切眾生中生等心；一切眾生中生等心已，得一切諸法等；得一切諸法等已，立一切眾生於諸法等中。

癸二、明得果

子一、報果

是菩薩摩訶薩，現世為十方諸佛所愛⁹³念，亦為一切菩薩、一切聲聞、辟支佛所愛念。是菩薩在所生處，眼終⁹⁴不見不愛⁹⁵色，乃至意不覺不愛法。

子二、習果

如是，舍利弗！菩薩摩訶薩行般若波羅蜜，不減於阿耨多羅三藐三菩提。」

辛三、時眾得益⁹⁶

壬一、三百比丘得受佛記

說是〈般若波羅蜜品〉時，三百比丘從座起，以所著衣上佛，發阿耨

⁹² 對照《大智度論》卷 40〈4 往生品〉(大正 25, 353a10-b17)。

⁹³ [愛] — 【元】【聖】(大正 08, 229d, n.3)。

⁹⁴ 終 = 中【明】(大正 08, 229d, n.4)。

⁹⁵ 愛 = 受【聖】(大正 08, 229d, n.5)。

⁹⁶ 對照《大智度論》卷 40〈4 往生品〉(大正 25, 353b18-354a28)。

多羅三藐三菩提心。佛爾時微笑，種種色光從口中出。

爾時，慧命阿難從座起，整⁹⁷衣服，合掌，右膝著地，白佛言：「佛何因緣微笑？」

佛告阿難：「是三百比丘從是已⁹⁸後六十一劫當作佛，皆號名大相。是三百比丘捨此身，當生阿閼佛國；

王二、六萬欲天發心行道

及六萬欲天子皆發阿耨多羅三藐三菩提心，於彌勒佛法中出家行佛道。」

王三、十千人等發願得記

是時，佛之威神故，此間四部眾見十方面各千佛；是十方國土嚴淨，此娑婆國土所不及。

爾時，十千人作願：「我等修淨願行，修淨願行故，當生彼佛世界。」

爾時，佛知是善男子深心，而復⁹⁹微笑，種種光從口中出。

阿難整衣服，合掌白佛：「佛何因緣微笑？」

佛告阿難：「汝見是十千人不？」

阿難言：「見。」

佛言：「是十千人於此壽終，當生彼世界，終不離諸佛；後當作佛，皆號莊嚴王佛。」

⁹⁷ 整=正【宋】【明】【宮】(大正 08, 229d, n.6)。

⁹⁸ 已=以【宋】【元】【明】【宮】(大正 08, 229d, n.7)。

⁹⁹ 佛=復【宋】【元】【明】【宮】【聖】(大正 08, 229d, n.8)。

《摩訶般若波羅蜜經》卷 2 〈5 歎度品〉冠科¹

《摩訶般若波羅蜜經》卷 2 (大正 08, 229c5-230a18) :

辛四、眾聖歡喜領解稱歎如來述成²

壬一、列眾

爾時，慧命舍利弗、慧命大目犍連、慧命須菩提、慧命摩訶迦葉，如是等諸多知識比丘，及諸菩薩摩訶薩，諸優婆塞、優婆夷，

壬二、正歎

癸一、歎法

子一、正歎般若

丑一、歎德

寅一、就第一義門歎

從座起，合掌白佛言：「世尊！摩訶波羅蜜，是菩薩摩訶薩般若波羅蜜。尊波羅蜜、第一波羅蜜、勝波羅蜜、妙波羅蜜、無上波羅蜜、無等波羅蜜、無等等波羅蜜、如虛空波羅蜜，是菩薩摩訶薩般若波羅蜜！」

寅二、就世諦門歎

世尊！自相空波羅蜜，是菩薩摩訶薩般若波羅蜜；世尊！自性空波羅蜜，是菩薩摩訶薩般若波羅蜜。諸法空波羅蜜、無法有法空波羅蜜、

寅三、合明二門歎

開一切功德波羅蜜、成就一切功德波羅蜜、不可壞波羅蜜，是諸菩薩摩訶薩般若波羅蜜。

丑二、釋歎

寅一、明菩薩由般若故行成果立

諸菩薩摩訶薩行是般若波羅蜜，無等等布施，具足無等等檀波羅蜜，得無等等身，得無等等法，所謂阿耨多羅三藐三菩提。尸羅波羅蜜、羼提波羅蜜、毗梨耶波羅蜜、禪那波羅蜜、般若波羅蜜亦如是。

¹ 妙境法師，《摩訶般若波羅蜜經》冠科(上冊)，pp.71-73。

² 對照《大智度論》卷 40 〈5 歎度品〉(大正 25, 354b1-355c9)。

寅二、歎三世佛由般若故行成果立

世尊本亦復行此般若波羅蜜，具足無等等六波羅蜜，得無等等法；得無等等色，得無等等受、想、行、識，佛轉無等等法輪；過去佛亦如是行此般若波羅蜜，具足無等等布施，乃至轉無等等法輪；未來世佛亦行此般若波羅蜜，當作無等等布施，乃至當轉無等等法輪。

子二、結勸修行

以是故，世尊！菩薩摩訶薩欲度一切³法彼岸，當習行般若波羅蜜！

癸二、歎人

世⁴尊！是行般若波羅蜜菩薩摩訶薩，一切世間天及人、阿修羅，應當禮敬供養！」

壬三、如來述成

癸一、正述

佛告眾弟子及諸菩薩摩訶薩：「如是！如是！諸善男子是行般若波羅蜜者，一切世間天及人、阿修羅，應⁵當作禮，恭敬供養。

癸二、釋成

何以故？因菩薩來⁶故，出生人道、天道，刹利大⁷姓、婆羅門大姓、居士大家、轉輪聖王，四天王天乃至阿迦尼吒天；出生須陀洹乃至阿羅漢、辟支佛、諸佛。

因菩薩來⁸故，世間便有飲食、衣服、臥具、房舍、燈燭，摩尼、真珠、頗梨⁹、琉璃、珊瑚、金銀等諸寶物生。

舍利弗！世間所有樂具——若人中、若天上、若離欲樂，是一切樂具皆由菩薩有。何以故？舍利弗！菩薩摩訶薩行菩薩道時，住六波羅蜜，自行布施，亦以布施成就眾生；乃至自行般若波羅蜜，亦以般若波羅蜜

³ 切+(法)【宋】【元】【明】【宮】(大正 08, 230d, n.1)。

⁴ (唯)+世【宋】【元】【明】【宮】(大正 08, 230d, n.2)。

⁵ [應]—【聖】(大正 08, 230d, n.3)。

⁶ 來+(往)【宋】【明】【宮】(大正 08, 230d, n.4)。

⁷ [大]—【聖】(大正 08, 230d, n.5)。

⁸ 來+(往)【宋】【元】【明】【宮】(大正 08, 230d, n.6)。

⁹ 頗梨=玻瓈【明】(大正 08, 230d, n.7)。

成就眾生。

舍利弗！是故菩薩摩訶薩為安樂一切眾生故，出現於世¹⁰。」

¹⁰ 梵無區分(大正 08，230d，n.8)。

《摩訶般若波羅蜜經》卷 2 〈6 舌相品〉冠科¹

《摩訶般若波羅蜜經》卷 2 (大正 08, 230a19-b20):

庚二、佛命須菩提為中根人廣說般若²

辛一、緣起

壬一、現舌相放光

爾時，世尊出舌相³，遍覆三千大千世界；從其舌相出無數無量色光明，普照十方如恒河沙等諸佛世界。

壬二、時會並集

癸一、十方菩薩眾集

子一、睹瑞疑問

是時，東方如恒河沙等世界中無量無數諸菩薩見是大光明，各各白其佛言：「世尊！是誰力故，有是大光明，普照諸佛世界？」

子二、十方佛釋

諸佛告諸菩薩言：「諸善男子！西方有世界名娑婆，是中有佛名釋迦牟尼⁴，是其舌相出大光明，普照東方如恒河沙等諸佛世界；南西北方、四維、上下亦復如是；為諸菩薩摩訶薩說般若波羅蜜故。」

子三、十方菩薩欲來

是時，諸菩薩各白其佛言：「我欲往供養釋迦牟尼佛及諸菩薩摩訶薩，并欲聽般若波羅蜜。」

子四、十方佛許

諸佛告諸菩薩⁵：「善男子⁶！汝自知時。」

子五、齋供而至

¹ 妙境法師，《摩訶般若波羅蜜經》冠科(上冊)，pp.74-76。

² 對照《大智度論》卷 40 〈6 舌相品〉(大正 25, 355c9-356b6)。

³ 出舌相 Jihvāndriyaṃ nirmayitvā. (大正 08, 230d, n.9)。

⁴ 牟尼 = 文【聖】*(大正 08, 230d, n.10-5)。

⁵ 薩 + (摩訶薩)【聖】(大正 08, 230d, n.11)。

⁶ [善男子] - 【聖】(大正 08, 230d, n.12)。

是時，諸菩薩摩訶薩持諸供養具，無量花蓋、幢幡、瓔珞、眾香、金銀寶華，向娑婆世界，詣釋迦牟尼佛所。

癸二、諸天眾集

爾時，四天王諸天乃至阿迦尼吒諸天，各持天上天香、末香、澤香、天樹香、葉香，天種種蓮華——青、赤、紅、白，向釋迦牟尼佛所。

壬三、因供養重現瑞

是諸菩薩摩訶薩及諸天所散諸華，於三千大千世界虛空中化成四柱大寶⁷臺，種種異色，莊嚴分明。

壬四、時眾悟道

是時，釋迦牟尼佛眾中，有十萬億人皆從座起，合掌白佛言：「世尊！我等於未來世中，亦當得如是法，如今釋迦牟尼佛，弟子、侍⁸從、大眾、說法，亦爾！」

壬五、佛歡喜授記

是時，佛知善男子至心於一切諸法，不生不滅，不出不作，得是法忍。佛便微笑，種種色光從口中出。

阿難白佛言：「世尊！何因緣故微笑？」

佛告阿難：「是眾中十萬億人，於諸法中得無生忍。是諸人於未來世過六十八億劫，當作佛，劫名華積，佛皆號覺華。」

⁷〔寶〕—【元】【聖】(大正 08, 230d, n.13)。

⁸侍=待【聖】(大正 08, 230d, n.14)。

《摩訶般若波羅蜜經》卷 2 〈7 三假品〉冠科¹

《摩訶般若波羅蜜經》卷 2 (大正 08, 230b21-232c14) :

辛二、正命說²

壬一、命說

癸一、題名而命

爾時，佛告慧命須菩提：「汝當教諸菩薩摩訶薩般若波羅蜜，如諸菩薩摩訶薩所應成就般若波羅蜜。」

癸二、時眾疑

即時諸菩薩摩訶薩及聲聞大弟子、諸天等作是念：「慧命須菩提自以智慧力當為諸菩薩摩訶薩說般若波羅蜜耶？為是佛力？」

癸三、釋疑成佛命義

慧命須菩提知諸菩薩摩訶薩、大弟子、諸天心所念，語慧命舍利弗：「諸³佛弟子所說法、所教授，皆是佛力。佛所說法，法相不相違背；是善男子學是法，得證此法；佛說如燈。

舍利弗！一切聲聞、辟支佛實無是⁴力能為菩薩摩訶薩說般若波羅蜜。」

壬二、受命略說自陳所悟請佛印成

爾時，慧命須菩提白佛言：「世尊所說菩薩、菩薩字⁵，何等法名菩薩？世尊！我等不見是法名菩薩，云何教菩薩般若波羅蜜？」

壬三、佛廣述其言成其所說

癸一、答第一問

子一、廣述能所說以觀菩薩字

丑一、略破三假明菩薩不可得觀菩薩字

寅一、法說

¹ 妙境法師，《摩訶般若波羅蜜經》冠科(上冊)，pp.77-90。

² 對照《大智度論》卷 41 〈7 三假品〉(大正 25, 357a6-358c8)。

³ 諸=敢【宋】【元】【明】【宮】【聖】(大正 08, 230d, n.17)。

⁴ [是] - 【元】(大正 08, 230d, n.18)。

⁵ [字] - 【宋】【元】【明】【宮】【聖】(大正 08, 230d, n.19)。

卯一、借名以破三假

佛告須菩提：「般若波羅蜜，亦但有名字，名為般若波羅蜜；菩薩、菩薩字，亦但有名字；

卯二、借三假以破名

是名字不在內，不在外，不在中間。

寅二、舉譬合說

卯一、約人法

辰一、約我等十六種異名為喻

須菩提！譬如說我名，和合故有；是我名，不生不滅，但以世間名字故說。如眾生、壽者⁶、命者、生者、養育者、眾數、人、作者、使作者、起者、使起者、受者、使受者、知者、見者等，和合法故有；是諸名，不生不滅，但以世間名字故說。般若波羅蜜、菩薩、菩薩字亦如是，皆和合故有；是亦不生不滅，但以世間名字故說。

辰二、約五蘊為喻

須菩提！譬如身和合故有；是亦不生不滅，但以世間名字故說。

須菩提！譬如色、受、想、行、識，亦和合故有；是亦不生不滅，但以世間名字故說。

須菩提！般若波羅蜜、菩薩、菩薩字亦如是，皆是和合故有；是亦不生不滅，但以世間名字故說。

辰三、約十二處、十八界為喻

巳一、十二處

須菩提！譬如眼，和合故有；是亦不生不滅，但以世間名字故說；是眼不在內、不在外、不在中間。耳、鼻、舌、身、意，和合故有；是亦不生不滅，但以世間名字故說。色乃至法亦如是。

巳二、十八界

眼界，和合故有；是亦不生不滅，但以世間名字故說。乃至意識界亦如是。

⁶〔者〕－【聖】(大正 08，230d，n.20)。

須菩提！般若波羅蜜、菩薩、菩薩字亦如是，皆和合故有；是亦不生不滅，但以世間名字故說；是名字不在內、不在外、不在中間。

卯二、約內外

辰一、約內身為喻

須菩提！譬如內身，名為頭，但有名字，項、肩、臂、脊、脇⁷、髀⁸、膊、腳，皆⁹和合故有；是法及名字，亦不生不滅，但以名字故說；是名字亦不在內、亦不在外、不在中間。

須菩提！般若波羅蜜、菩薩、菩薩字亦如是，皆和合故有，但以名字故說；是亦不生不滅，不在內、不在外、不在中間。

辰二、約外物為喻

須菩提！譬如外物——草、木、枝、葉、莖、節，如¹⁰是一切但以名字故說；是法及名字，亦不生不滅，非內、非外、非中間住。

須菩提！般若波羅蜜、菩薩、菩薩字¹¹亦如是，皆和合故有；是法及名字，亦不生不滅，非內、非外、非中間住。

卯三、約過現

辰一、約過去諸佛為喻

須菩提！譬如過去諸佛，名和合故有；是亦不生不滅，但以名字故說；是亦非內、非外、非中間住。

般若波羅蜜、菩薩、菩薩字亦如是。

辰二、約夢影幻化為喻

須菩提！譬如夢、響、影、幻、焰、佛所化，皆是和合故有，但以名字說；是法及名字不生不滅，非內、非外、非中間住¹²。

般若波羅蜜、菩薩、菩薩字亦如是。

⁷ 脇=肋【宋】【元】【明】【宮】(大正 08, 231d, n.1)。

⁸ 膊=膊【宋】【元】【明】【宮】(大正 08, 231d, n.2)。

⁹ 皆是【宋】【元】【明】(大正 08, 231d, n.3)。

¹⁰ [如]—【宋】【元】【明】【宮】(大正 08, 231d, n.4)。

¹¹ 字=家【宮】(大正 08, 231d, n.5)。

¹² 住=但【宮】(大正 08, 231d, n.6)。

寅三、結勸¹³

如是，須菩提！菩薩摩訶薩行般若波羅蜜¹⁴，名假施設、受假施設、法假施設，如是應當學。

丑二、廣破三假明菩薩不可得令菩薩學

寅一、令作無分別觀破菩薩名

卯一、明無分別觀

辰一、五蘊

復次，須菩提！菩薩摩訶薩行般若波羅蜜時，不見色名字是常，不見受、想、行、識名字是¹⁵常，不見色名字無常¹⁶，不見受、想、行、識名字無常；不見色名字樂，不見色名字苦；不見色名字我，不見色名字無我；不見色名字空，不見色名字無相，不見色名字無作；不見色名字寂滅；不見色名字垢，不見色名字淨；不見色名字生，不見色名字滅；不見色名字內，不見色名字外，不見色名字中間住。受、想、行、識亦如是。

辰二、六根、六境、六識、六觸、六受

眼、色、眼識、眼觸、眼觸因緣生諸受，乃至意、法、意識、意觸，意觸因緣生諸受亦如是。

卯二、釋

何以故？菩薩摩訶薩行般若波羅蜜，般若波羅蜜字、菩薩、菩薩字，有為性中亦不見，無為性中亦不見。

卯三、結

菩薩摩訶薩行般若波羅蜜，是法皆不作分別。

寅二、令作實相觀得實相慧

卯一、明實相觀

是菩薩行般若波羅蜜，住不壞法中，修四念處時，不見般若波羅蜜、不見般若波羅蜜字、不見菩薩、不見菩薩字；乃至修十八不共法時，不

¹³ 《大智度論》卷 41 〈7 三假品〉(大正 25, 358c9-360c20)。

¹⁴ 蜜+(般若波羅蜜)【宋】【元】【明】(大正 08, 231d, n.7)。

¹⁵ 是=無【聖】(大正 08, 231d, n.8)。

¹⁶ [無常…字]十七字—【聖】(大正 08, 231d, n.9)。

見般若波羅蜜、不見般若波羅蜜字、不見菩薩、不見菩薩字。

卯二、釋

菩薩摩訶薩如是行般若波羅蜜時，但知諸法實相——諸法實相者，無垢無淨。

卯三、結

如是，須菩提！菩薩摩訶薩行般若波羅蜜時，當作是知：『名字假施設。』

寅三、明無所著觀

卯一、明不著

知假名字已，不著色、不著受、想、行、識；不著眼乃至意；不著色乃至法；不著眼識乃至不著意識；不著眼觸乃至不著意觸；不著眼觸因緣生受——若苦、若樂、若不苦不樂，乃至不著意觸因緣生受——若苦、若樂、若不苦不樂；不著有為性，不著無為性；不著檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜；不著三十二相，不著菩薩身；不著菩薩肉眼，乃至不著佛眼；不著智波羅蜜，不著神通波羅蜜；不著內空乃至不著無法有法空；不著成就眾生，不著淨佛國土，不著方便法。

卯二、釋

何以故？是諸法無著者、無著法、無著處，皆無故。

寅四、明得果

如是，須菩提！菩薩摩訶薩行般若波羅蜜時，不著一切法，便增益檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，入菩薩位，得阿惟¹⁷越致地，具足菩薩神通；遊一佛國¹⁸，至一佛國，成就眾生，恭敬、尊重、讚歎諸佛；為淨佛國土，為見諸佛供養，供養之具，善根成就故隨意悉得；亦聞諸佛所說法，聞已乃至阿耨多羅三藐三菩提終不忘失¹⁹，得諸陀羅尼門、諸三昧門。

¹⁷ 惟=維【宋】【元】【宮】(大正 08, 231d, n.10)。

¹⁸ 國=土【宋】【元】【明】【宮】(大正 08, 231d, n.11)。

¹⁹ [失]—【宋】【元】【明】【宮】(大正 08, 231d, n.12)。

寅五、結勸

如是，須菩提！菩薩摩訶薩行般若波羅蜜時，當知諸法名假施設！」

子二、明菩薩不可得印成能說

丑一、檢無菩薩體明受假空

寅一、歷舉諸科問答

卯一、就有以明即離俱無菩薩

辰一、即諸法非菩薩

巳一、五蘊非菩薩

「須菩提！於汝意云何？色是菩薩不？受、想、行、識是菩薩不？」

「不也！世尊！」

巳二、六根非菩薩

「眼、耳、鼻、舌、身、意是菩薩不？」

「不也！世尊！」

巳三、六境非菩薩

「色、聲、香、味、觸、法是菩薩不？」

「不也！世尊！」

巳四、六識非菩薩

「眼識乃至意識是菩薩不？」

「不也！世尊！」

巳五、六界非菩薩

「須菩提！於汝意云何？地種是菩薩不？」

「不也！世尊！」

「水、火、風、空、識種是菩薩不？」

「不也！世尊！」

巳六、十二因緣非菩薩

「於須菩提意云何？無明是菩薩不？」

「不也！世尊！」

「乃至老死是菩薩不？」

「不也！世尊！」

辰二、離諸法非菩薩——離五蘊乃至離十二因緣非菩薩

「於須菩提意云何？離色、離受想行識，乃至離老死，是菩薩不？」

「不也！世尊！」

卯二、就以明即離俱無菩薩

辰一、即五蘊如相乃至即十二因緣如相非菩薩

「須菩提！於汝意云何？色如相是菩薩不？」

「不也！世尊！」

「乃至老死如相是菩薩不？」

「不也！世尊！」

辰二、離五蘊如相乃至離十二因緣如相非菩薩

「離色如相乃至離老死如相是菩薩不？」

「不也！世尊！」

寅二、佛重責無體之所以

佛告須菩提：「汝觀何等義言『色非菩薩，乃至老死非菩薩；離色非菩薩，乃至離老死非菩薩；色如相非菩薩，乃至老死如相非菩薩；離色如相非菩薩，乃至離老死如相非菩薩』？」

寅三、須菩提重答無體之所以

須菩提言：「世尊！眾生畢竟不可得，何況當是菩薩！色不可得，何況色、離色、色如、離色如是菩薩！乃至老死不可得，何況老死、離老死、老死如、離老死如是菩薩！」

寅四、佛稱歎勸學

佛告須菩提：「善哉！善哉！如是，須菩提！菩薩摩訶薩、眾生不可得故，般若波羅蜜亦不可得，當作是學！」

丑二、檢無菩薩義明名假空

寅一、舉法歷問奉答

卯一、五蘊非菩薩義

「於須菩提意云何？色是菩薩義不？」

「不也！世尊！」

「受、想、行、識是菩薩義不？」

「不也！世尊！」

卯二、五蘊常、無常非菩薩義

「於須菩提意云何？色常是菩薩義不？」

「不也！世尊！」

「受、想、行、識常是菩薩義不？」

「不也！世尊！」

「色無常是菩薩義不？」

「不也！世尊！」

「受、想、行、識無常，是菩薩義不？」

「不也！世尊！」

卯三、五蘊苦、樂非菩薩義

「色樂是菩薩義不？」

「不也！世尊！」

「受、想、行、識樂是菩薩義不？」

「不也，世尊！」

「色苦是菩薩義不？」

「不也！世尊！」

「受、想、行、識苦是菩薩義不？」

「不也！世尊！」

卯四、五蘊我、非我非菩薩義

「色我是菩薩義不？」

「不也！世尊！」

「受、想、行、識我是菩薩義不？」

「不也！世尊！」

「色非我是菩薩義不？」

「不也，世尊！」

「受、想、行、識非我，是菩薩義不？」

「不也，世尊！」

卯五、五蘊空、非空非菩薩義

「於須菩提意云何？色空是菩薩義不？」

「不也，世尊！」

「受、想、行、識空是菩薩義不？」

「不也，世尊！」

「色非空是菩薩義不？」

「不也，世尊！」

「受、想、行、識非空，是菩薩義不？」

「不也，世尊！」

卯六、五蘊相、無相非菩薩義

「色相是菩薩義不？」

「不也，世尊！」

「受、想、行、識相是菩薩義不？」

「不也，世尊！」

「色無相是菩薩義不？」

「不也！世尊！」

「受、想、行、識無相，是菩薩義不？」

卯七、五蘊作、無作非菩薩義

「不也！世尊！」

「色作是菩薩義不？」

「不也！世尊！」

「受、想、行、識作是菩薩義不？」

「不也，世尊！」

「色無作是菩薩義不？」

「不也，世尊！」

「受、想、行、識無作是菩薩義不？」

「不也，世尊！」

卯八、六根、六境乃至十二因緣亦如是

乃至老死亦如是。

寅二、佛重責無義之所以

佛告須菩提：「汝觀何等義言『色非菩薩義，受、想、行、識非菩薩義；乃至色、受、想、行、識無作非菩薩義；乃至老死亦如是』？」

寅三、須菩提重答無義之所以

卯一、就根本答

須菩提白佛言：「世尊！色畢竟不可得，何況色是菩薩義！受、想、行、識亦如是。」

卯二、就相待門答

世尊！色常畢竟不可得，何況色無常是菩薩義！乃至識亦如是。世尊！色樂畢竟不可得，何況色苦是菩薩義！乃至識亦如是。世尊！色我畢竟不可得，何況色非我是菩薩義！乃至識亦如是。世尊！色有畢竟不可得，何況色空是菩薩義！乃至識亦如是。世尊！色相畢竟不可得，何況色無相是菩薩義！乃至識亦如是。世尊！色作畢竟不可得，何況色無作是菩薩義！乃至識亦如是。」

寅四、佛稱歎勸學

佛告須菩提：「善哉！善哉！如是，須菩提！菩薩摩訶薩行般若波羅蜜，色義不可得，受、想、行、識義不可得；乃至無作義不可得，當作是學般若波羅蜜！

癸二、答第二問

子一、述成不見義

須菩提！汝言：『我不見是法名菩薩。』須菩提！諸法不見諸法。諸法不見法性，法性不見諸法。法性不見地種，地種不見法性；乃至識種不見法性，法性不見識種。法性不見眼、色、眼識性，眼、色、眼識性不見法性；乃至法性不見意、法、意識性，意、法、意識性不見法性。須菩提！有為性不見無為性，無為性不見有為性。何以故？離有為不可說無為，離無為不可說有為。

子二、明不見故得無所畏

丑一、境空

如是！須菩提！菩薩摩訶薩行般若波羅蜜，於諸法無所見，是時不驚、不畏、不怖，心亦不沒、不悔。何以故？是菩薩摩訶薩不見色、受、想、行、識故，不見眼乃至意，不見色乃至法，不見姪、怒、癡，不見無明乃至老死，不見我乃至知者、見者，不見欲界、色界、無色界，不見聲聞心、辟支佛心，不見菩薩、不見菩薩法，不見佛、不見佛法、不見佛道。是菩薩一切法不見故，不驚、不畏、不怖，不沒、不悔！」

丑二、心空

須菩提白佛言：「世尊！何因緣故是菩薩心不沒、不悔？」

佛告須菩提：「菩薩摩訶薩一切心心數法不可得，不可見，以是故，菩薩摩訶薩心不沒、不悔。」

丑三、根本空

「世尊！云何菩薩心不驚、不畏、不怖。」

佛告須菩提：「是菩薩意及意識²⁰不可得、不可見，以是故不驚、不畏、不怖。」

²⁰ 識=界【宮】【聖】(大正 08, 232d, n.1)。

子三、勸行

如是！須菩提！菩薩摩訶薩一切法不可得故，應行般若波羅蜜。

癸三、答第三問

須菩提！菩薩摩訶薩一切行處，不得般若波羅蜜，不得菩薩，不得菩薩名，亦不得菩薩心，即是教菩薩摩訶薩。」

《摩訶般若波羅蜜經》卷3〈8 勸學品〉冠科¹

《摩訶般若波羅蜜經》卷3（大正 08，232c18-234a21）：

辛三、須菩提奉命而說

壬一、於說般若前稱歎勸學兼示巧學之方令虛心信受

癸一、廣舉諸行勸學

子一、舉六度根本勸²

爾時³，須菩提白佛言：「世尊！菩薩摩訶薩欲具足檀那波羅蜜，當學般若波羅蜜！欲具足尸羅波羅蜜、羼提波羅蜜、毘梨耶波羅蜜、禪那⁴波羅蜜、般若波羅蜜，當學般若波羅蜜！

子二、舉所知境勸

菩薩摩訶薩欲知色，當學般若波羅蜜！乃至欲知識，當學般若波羅蜜！欲知眼乃至意，欲知色乃至法，欲知眼識乃至意識，欲知眼觸乃至意觸，欲知眼觸因緣生受乃至意觸因緣生受，當學般若波羅蜜！

子三、舉所斷勸

欲斷婬怒⁵癡，當學般若波羅蜜！菩薩摩訶薩欲斷身見、戒取、疑、婬欲、瞋恚，色愛、無色愛、調⁶、慢、無明等一切⁷結使及纏，當學般若波羅蜜！欲斷四縛、四結、四顛倒，當學般若波羅蜜！

子四、舉遍學行勸

欲知十善道，欲知四禪，欲知四無量心、四無色定、四念處乃至十八不共法，當學般若波羅蜜！

子五、舉三昧陀羅尼勸

¹ 妙境法師，《摩訶般若波羅蜜經》冠科(上冊)，pp.91-98。

² 對照《大智度論》卷41〈8 勸學品〉(大正 25，360c22-361b15)。

³ (慧命)+須【宋】【元】【明】【宮】(大正 08，232d，n.4)。

⁴ [那]—【聖】(大正 08，232d，n.5)。

⁵ 怒=瞋【宋】【元】【明】【宮】(大正 08，233d，n.1)。

⁶ 調=掉【元】【明】(大正 08，233d，n.2)。

⁷ 一切=諸【宋】【元】【明】【宮】(大正 08，233d，n.3)。

菩薩摩訶薩欲入覺意三昧，當學般若波羅蜜！欲入六神通、九次第定、超越三昧，當學般若波羅蜜！欲得師子遊戲三昧，當學般若波羅蜜！欲得師子奮迅三昧，欲得一切陀羅尼門，當學般若波羅蜜！菩薩摩訶薩欲得首楞嚴三昧、寶印三昧、妙月三昧、月幢相三昧、一切法印三昧、觀印三昧、畢法性三昧、畢住相三昧、如金剛三昧、入一切法門三昧、三昧王三昧、王印三昧、淨力三昧、高出三昧、必⁸入一切辯才三昧、入諸法名三昧、觀十方三昧、諸陀羅尼門印三昧、一切法不忘三昧、攝一切法聚印三昧、虛空住三昧、三分清淨三昧、不退神通三昧、出鉢三昧、諸三昧幢相三昧——欲得如是等諸三昧門，當學般若波羅蜜！

子六、舉慈悲化他勸

復次，世尊！菩薩摩訶薩欲滿一切眾生願，當學般若波羅蜜！

子七、舉菩薩所離勸⁹

欲得具足如是善根，常不墮惡趣，欲得不生卑賤之家，欲得不住聲聞、辟支佛地中，欲得不墮菩薩頂者，當學般若波羅蜜！」

癸二、明學有得失

子一、無方便著空故墮頂

丑一、菩薩生是為墮頂

爾時，慧命舍利弗問須菩提：「云何為菩薩摩訶薩墮頂？」

須菩提言：「舍利弗！若菩薩摩訶薩不以方便行六波羅蜜，入空、無相、無作三昧，不墮聲聞、辟支佛地，亦不入菩薩位，是名菩薩摩訶薩法¹⁰生故墮頂。」

丑二、明順道法愛生

寅一、總說——法愛名菩薩生

舍利弗問須菩提：「云何名菩薩生？」

須菩提答舍利弗言：「生名法愛¹¹。」

⁸ 必=畢【明】【宮】(大正 08, 233d, n.4)。

⁹ 對照《大智度論》卷 41〈8 勸學品〉(大正 25, 361b16-362a23)。

¹⁰ 法+(愛)【元】【明】(大正 08, 233d, n.5)。

¹¹ 法愛=愛法【宮】【聖】(大正 08, 233d, n.6)。

舍利弗言：「何等法愛？」

寅二、就三三昧明法愛

須菩提言：「菩薩摩訶薩行般若波羅蜜，色是空，受¹²念著；受、想、行、識是空，受念著。舍利弗！是名菩薩摩訶薩順道法愛生。復次，舍利弗！菩薩摩訶薩，色是無相，受念著；受、想、行、識是無相，受念著。色是無作，受念著；受、想、行、識是無作，受念著。

寅三、就寂滅、無常、苦、無我明法愛

色是寂滅，受念著；受、想、行、識是寂滅，受念著。色是無常，乃至識；色是苦，乃至識；色是無我，乃至識——受念著，是為菩薩順道法愛生。

寅四、就分別諸法門明法愛

是苦應知、集應斷、盡應證、道應修，是垢法、是淨法，是應近、是不應近，是菩薩所應行、是非菩薩所應行，是菩薩道、是非菩薩道，是菩薩學、是非菩薩學，是菩薩檀那波羅蜜乃至般若波羅蜜、是非菩薩檀那波羅蜜乃至般若波羅蜜，是菩薩方便、是非菩薩方便，是菩薩熟、是非菩薩熟。舍利弗！菩薩摩訶薩行般若波羅蜜，是諸法受念著，是為菩薩摩訶薩順道法愛生。」

子二、有方便巧學得入位

丑一、明菩薩不見空故不起空見

¹³舍利弗問須菩提：「云何名菩薩摩訶薩無¹⁴生？」

須菩提言：「菩薩摩訶薩行般若波羅蜜時，內空中不見外空，外空中不見內空；外空中不見內外空，內外空中不見外空；內外空中不見空空，空空中不見內外空；空空中不見大空，大空中不見空空；大空中不見第一義空，第一義空中不見大空；第一義空中不見有為空，有為空中不見第一義空；有為空中不見無為空，無為空中不見有為空；無為空中不見畢竟空，畢竟空中不見無為空；畢竟空中不見無始空，無始空中不見畢

¹² 受=愛【聖】(大正 08, 233d, n.7)。

¹³ 對照《大智度論》卷 41〈8 勸學品〉(大正 25, 362a24-363c12)。
成+(釋第八品竟)【石】(大正 08, 233d, n.8)。

¹⁴ 無=不【宋】【元】【明】【宮】(大正 08, 233d, n.9)。

竟空；無始空中不見散空，散空中不見無始空；散空中不見性空，性空中不見散空；性空中不見諸法空，諸法空中不見性空；諸法空中不見自相空，自相空中不見諸法空；自相空中不見不可¹⁵得空，不可得空中不見自相空；不可得空中不見無法空，無法空中不見不可得空；無法空中不見有法空，有法空中不見無法空；有法空中不見無法有法空，無法有法空中不見有法空。

舍利弗！菩薩摩訶薩行般若波羅蜜，得入菩薩位。

丑二、明菩薩不見有故不起有見

寅一、明不見有

卯一、明不見一切諸法有

復次，舍利弗！菩薩摩訶薩欲學般若波羅蜜，應如是學：不念色、受、想、行、識，不念眼乃至意，不念色乃至法，不念檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜乃至十八不共法。

卯二、明不念三心故不起有見

如是，舍利弗！菩薩摩訶薩行般若波羅蜜，得是心，不應念、不應高；無等等心，不應念、不應高；大心，不應念、不應高。

卯三、釋不見之義

何以故？是心非心，心相常淨故。」

寅二、論不見有

卯一、論心常淨義

舍利弗語須菩提：「云何名心相常淨¹⁶？」

須菩提言：「若菩薩知是心相，與婬、怒、癡不合不離；諸纏、流、縛，若¹⁷諸結使、一切煩惱，不合不離；聲聞、辟支佛心，不合不離。舍利弗！是名菩薩心相常淨。」

卯二、論常淨心有無義

¹⁵ 不可=無所【宋】【元】【明】【宮】(大正 08, 233d, n.10)。

¹⁶ (清)+淨【宋】【元】【明】【宮】(大正 08, 233d, n.11)。

¹⁷ 若=等【宋】【元】【明】【宮】【聖】(大正 08, 233d, n.12)。

舍利弗語須菩提：「有是無心相心不？」

須菩提報舍利弗言：「無心相中，有心相、無心相可得不？」

舍利弗言：「不可得。」

須菩提言：「若不可得，不應問：『有是無心相心¹⁸不？』」

卯三、出常淨心體

舍利弗復問：「何等是無心相？」

須菩提言：「諸法不壞不分別，是名無心相。」

卯四、廣例萬法

舍利弗復問須菩提：「但是心不壞不分別，色亦不壞不分別乃至佛道亦不壞不分別耶？」

須菩提言：「若能知心相不壞不分別，是菩薩亦能知色乃至佛道不壞不分別。」

癸三、舍利弗稱歎

子一、歎須菩提能說巧學

爾時，慧命舍利弗讚須菩提言：「善哉！善哉！汝真是佛子！從佛口生，從見法生，從法化生，取法分，不取財分，法中自信，身得證。如佛所說：『得無諍三昧中，汝最第一。』實如佛所舉。」

須菩提！菩薩摩訶薩應如是學般若波羅蜜，是中亦當分別知。菩薩如汝所說行，則不離般若波羅蜜。

子二、重勸三乘當學

須菩提！善男子、善女人欲學聲聞地，亦當應聞般若波羅蜜，持、誦、讀、正憶念、如說行；欲學辟支佛地，亦當應聞般若波羅蜜，持、誦、讀、正憶念、如說行；欲學菩薩地，亦當應聞般若波羅蜜，持、誦、讀、正憶念、如說行。何以故？是般若波羅蜜中廣說三乘；是中，菩薩摩訶薩、聲聞、辟支佛當學¹⁹。」

¹⁸ 無心相心=心非心相【宮】，=無心非心【聖】(大正 08，234d，n.1)。

¹⁹ 以上大般若第二會第七離生品。梵. iti Sarveṣāṃ hetutva viśeṣaḥ. (大正 08，234d，n.2)。

《摩訶般若波羅蜜經》卷3〈9 集散品〉冠科¹

《摩訶般若波羅蜜經》卷3（大正 08，234a22-237a5）：

壬二、正明奉命為菩薩說般若

癸一、就三解脫門說般若

子一、就空門說般若

丑一、謙讓門

寅一、正明菩薩不可得若為人說則恐生悔

²爾時，慧命須菩提白佛言：「世尊！我不覺³、不得是菩薩行般若波羅蜜，當為誰說般若波羅蜜？」

寅二、釋悔因緣

卯一、就非住非不住求菩薩名字不可得

辰一、總明一切法集散不可得

世尊！我不得一切諸法集散，若我為菩薩作字言菩薩，或當有悔！世尊！是字不住，亦不不住。何以故？是字無所有故。以是故，是字不住，亦不不住。

辰二、別明一切法集散不可得

巳一、明法無集散

午一、別明世出世等法無集散

未一、明世出世無集散

申一、五蘊

世尊！我不得色集散乃至識集散，若不可得，云何當作名字？世尊！以是因緣故，是字不住，亦不不住。何以故？是字無所有故。

申二、六根

世尊！我亦不得眼集散乃至意集散，若不可得，云何當作名字，言是菩薩？世尊！是眼名字乃至意名字不住，亦不不住。何以故？是名字無

¹ 妙境法師，《摩訶般若波羅蜜經》冠科(上冊)，pp.99-114。

² 對照《大智度論》卷42〈9 集散品〉(大正 25，363c19-365b16)。

³ 覺=學【聖】(大正 08，234d，n.3)。

所有故。以是故，是字不住，亦不不住。

申三、六塵、六識、六處、六受

世尊！我不得色集散乃至法集散，若不可得，云何當作名字，言是菩薩？世尊！是色字乃至法字不⁴住，亦不不住。何以故？是字無所有故。以是故，是字不住，亦不不住。

眼識乃至意識，眼觸乃至意觸，眼觸因緣生受乃至意觸因緣生受亦如是。

申四、十二因緣

世尊！我不得無明集散，乃至不得老死集散。世尊！我不得無明盡集散，乃至不得老死盡集散。

申五、三毒、邪見

世尊！我不得婬怒癡集散、諸邪見集散，皆亦如是。

申六、因行、果德

世尊！我不得六波羅蜜集散，四念處集散乃至八聖道分集散，空、無相、無作集散，四禪、四無量心、四無色定集散，念佛、念法、念僧、念戒、念捨、念天，念善、念入出息、念⁵身、念死集散；我亦⁶不得佛十力乃至十八不共法集散。世尊！我⁷若不得六波羅蜜乃至十八不共法集散，云何當作字，言是菩薩？世尊！是字不住，亦不不住。何以故？是字無所有故。以是故，是字不住，亦不不住。

未二、明虛實法無集散

申一、如夢、如響、如影、如焰、如化五蘊

世尊！我不得如夢五⁸陰集散，我亦不得如響⁹、如影、如焰、如化五受¹⁰陰集散，亦如上說。

⁴ (亦)+不【宋】【元】【明】【宮】(大正 08, 234d, n.4)。

⁵ [念身]—【宋】【明】【宮】(大正 08, 234d, n.5)。

⁶ [亦]—【宋】【元】【明】【宮】(大正 08, 234d, n.6)。

⁷ 我若=若我【宋】【元】【明】【宮】(大正 08, 234d, n.7)。

⁸ 五+(受)【宋】【元】【明】【宮】(大正 08, 234d, n.8)。

⁹ 響=響【宋】【元】【明】(大正 08, 234d, n.9)。

¹⁰ [受]—【聖】(大正 08, 234d, n.10)。

申二、離、寂滅、不生不滅、不示、不垢不淨

世尊！我不得離集散，我不得寂滅、不生不滅、不示、不垢不淨集散。
世尊！我不得如、法性、實際、法相、法位集散，亦如上說。

午二、合明世出世無集散

我不得諸善不善法集散，我不得有為無為法、有漏無漏法集散，過去、未來、現在法集散，不過去、不未來、不現在法集散。何等是不過去、不未來、不現在？所謂無為法¹¹。世尊！我亦不得無為法集散。

巳二、明人無集散

世尊！我亦不得佛集散。世尊！我亦不得十方如恒河沙等世界¹²諸佛及菩薩、聲聞集散。世尊！若我不得諸佛集散，云何當教菩薩摩訶薩般若波羅蜜？世尊！是菩薩字不住，亦不不住。何以故？是字無所有故。以是故，是字不住，亦不不住。

巳三、明非人非法諸法實相無集散

世尊！我不得是諸法實相集散，云何當與菩薩作字，言是菩薩？世尊！是諸法實相名字不住，亦不不住。何以故？是名字無所有故。以是故，是名字不住，亦不不住。

卯二、就不可說門求菩薩名字不可得¹³

辰一、法說

世尊！諸法因緣和合，假名施設，所謂菩薩。是名字於五蔭¹⁴中不可說，十二入¹⁵、十八界¹⁶，乃至十八不共法中不可說，於和合法¹⁷亦無可說。

辰二、譬說

¹¹ 法+(也)【宋】【元】【明】【宮】(大正 08, 234d, n.11)。

¹² 世界=國土【宋】【元】【明】【宮】(大正 08, 234d, n.12)。

¹³ 對照《大智度論》卷 42〈9 集散品〉(大正 25, 365b17-366a16)。

¹⁴ 蔭=陰【宋】【元】【明】(大正 08, 234d, n.13)。

¹⁵ 入=處【宋】【元】【明】【宮】(大正 08, 234d, n.14)。

¹⁶ 界=性【宮】【聖】(大正 08, 234d, n.15)。

¹⁷ 法=性【宋】【宮】(大正 08, 234d, n.16)。

世尊！譬如夢，於諸法中不可說；響¹⁸、影、焰、化，於諸法中亦不可說；譬如名虛空，亦無法中可說。

辰三、合譬

己一、別明世出世法不可說

世尊！如地、水、火、風名，亦無法中可說；戒、三昧、智慧、解脫、解脫知見名，亦無法中可說；如須陀洹名字¹⁹，乃至阿羅漢、辟支佛名字²⁰，亦無法中可說；如佛名²¹、法名，亦無法中可說。

己二、總明一切法不可說

所謂若善、若不善，若常、若無常，若苦、若樂，若我、若無我，若寂滅、若離，若有、若無。

辰四、釋結

世尊！我以是義故心悔：一切諸法集散相不可得，云何為菩薩作字，言是菩薩？世尊！是字²²不住，亦不不住。何以故？是字無所有故。以是故，是字不住，亦不不住。」

寅三、知菩薩不可得故得利

世尊²³！若菩薩摩訶薩聞作是說，般若波羅蜜如是相、如是義，心不沒、不悔、不驚、不畏、不怖，當知是菩薩必住阿惟越²⁴致性中，住不住法故。

丑二、不住門

寅一、正明無住行

卯一、不住世出世法²⁵

辰一、不住世法

¹⁸ 響＝響【宋】【元】【明】(大正 08, 234d, n.9-1)。

¹⁹ [字]－【宋】【明】【宮】(大正 08, 234d, n.17)。

²⁰ [字]－【宋】【明】【宮】(大正 08, 234d, n.17-1)。

²¹ 名+(佛)【宋】【宮】(大正 08, 234d, n.18)。

²² 字+(亦)【宮】(大正 08, 234d, n.19)。

²³ [世尊]－【聖】(大正 08, 234d, n.20)。

²⁴ 惟越＝鞞跋【宋】【元】【明】【宮】(大正 08, 235d, n.1)。

²⁵ 對照《大智度論》卷 42 〈9 集散品〉(大正 25, 366a17-c16)。

復次，世尊！菩薩摩訶薩欲行般若波羅蜜，色中不應住，受、想、行、識中不應住；眼、耳、鼻、舌、身、意中不應住，色、聲、香、味、觸、法中不應住；眼識乃至意識中不應住，眼觸乃至意觸中不應住，眼觸因緣生受乃至意觸因緣生受中不應住；地種，水、火、風種，空、識種中不應住；無明乃至老死中不應住。何以故？世尊！色、色相空，受……想……行……，識，識相空。世尊！色空不名為色，離空亦無色；色即是空，空即是色。受……想……行……識，識空不名為識，離空亦無識；識即是空，空即是識。乃至老死、老死相空。世尊！老死空不名老死，離空亦無老死；老死即是空，空即是老死。

世尊！以是因緣故，菩薩摩訶薩欲行般若波羅蜜，不應色中住，乃至老死中不應住。

辰二、不住出世法

復次，世尊！菩薩摩訶薩欲行般若波羅蜜，四念處中不應住。何以故？四念處、四念處相空。世尊！四念處空不名四念處，離空亦無四念處；四念處即是空，空即是四念處。乃至十八不共法亦如是。

世尊！以是因緣故，菩薩摩訶薩欲行般若波羅蜜，四念處乃至十八不共法中不應住。

復次，世尊！菩薩摩訶薩欲行般若波羅蜜，檀那波羅蜜中不應住，尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜中不應住。何以故？檀那波羅蜜、檀那波羅蜜相空，乃至般若波羅蜜、般若波羅蜜相空。世尊！檀那波羅蜜空不名檀那波羅蜜，離空亦無檀那波羅蜜；檀那波羅蜜即是空，空即是檀那波羅蜜。乃至般若波羅蜜亦如是。世尊！以是因緣故，菩薩摩訶薩欲行般若波羅蜜，不應六波羅蜜中住。

卯二、不住文字、禪定²⁶

辰一、不住文字

復次，世尊！菩薩摩訶薩欲行般若波羅蜜，文字中不應住，一字門、二字門，如是種種字門中不應住。何以故？諸字、諸字相空故。亦²⁷如上說。

²⁶ 對照《大智度論》卷42〈9 集散品〉(大正25, 366c17-367a7)。

²⁷ [亦] — 【聖】(大正08, 235d, n.2)。

辰二、不住禪

復次，世尊！菩薩摩訶薩欲行般若波羅蜜，諸神通中不應住。何以故？諸神通、諸²⁸神通相空。神通空不名神通，離空亦無神通；神通即是空，空即是神通。世尊！以是因緣故，菩薩摩訶薩欲行般若波羅蜜，諸神通中不應住。

卯三、不住緣觀²⁹

辰一、一切觀不可得故不住

復次，世尊！菩薩摩訶薩欲行般若波羅蜜，色是無常，不應住，受、想、行、識是無常，不應住。何以故？無常、無常相空。世尊！無常空不名無常，離空亦無無常；無常即是空，空即是無常。世尊！以是因緣故，菩薩摩訶薩欲行般若波羅蜜，色是無常，不應住；受、想、行、識是無常，不應住。色是苦，不應住；受、想、行、識是苦，不應住。色是無我，不應住；受、想、行、識是無我，不應住。色是空。不應住；受、想、行、識是空，不應住。色是寂滅，不應住；受、想、行、識是寂滅，不應住。色是離，不應住；受、想、行、識是離不應住——亦如上說。

辰二、如實際等緣不可得故不住

復次，世尊！菩薩摩訶薩欲行般若波羅蜜，如中不應住。何以故？如、如相空。世尊！如相空不名如，離空亦無如；如即是空，空即是如。

世尊！菩薩摩訶薩欲行般若波羅蜜，法性、法相、法位、實際中³⁰不應住。何以故？實際³¹、實際空³²。世尊！實際空不名實際，離空亦無實際；實際即是空，空即是實際。

卯四、不住三昧門陀羅尼門

復次，世尊！菩薩摩訶薩欲行般若波羅蜜，一切陀羅尼門中不應住，一切三昧門中不應住。何以故？陀羅尼門、陀羅尼門相空，三昧門、三昧門相空。世尊！陀羅尼門、三昧門空不名陀羅尼門、三昧門，離空亦

²⁸ [諸] — 【宋】【元】【明】【宮】(大正 08, 235d, n.3)。

²⁹ 對照《大智度論》卷 42 〈9 集散品〉(大正 25, 367a8-368a15)。

³⁰ [中] — 【聖】(大正 08, 235d, n.4)。

³¹ [實際] — 【聖】(大正 08, 235d, n.5)。

³² (相)+空【宋】【元】【明】【宮】(大正 08, 235d, n.6)。

無陀羅尼³³門、三昧門；陀羅尼門、三昧門即是空，空即是陀羅尼門、三昧門。世尊！以是因緣故，菩薩摩訶薩欲行般若波羅蜜，如乃至陀羅尼、三昧門中不應住。

寅二、明有住行為失

世尊！如菩薩摩訶薩欲行般若波羅蜜，無³⁴方便故³⁵，以吾我心，於色中住，是菩薩作色行；以³⁶吾我心，於受、想、行、識中住，是菩薩作識行。若菩薩作行者，不受般若波羅蜜，亦不具足般若波羅蜜；不具足般若波羅蜜故，不能得成就薩婆若。

世尊！如菩薩摩訶薩欲行般若波羅蜜，無方便故，以吾我心，於十二人乃至陀羅尼、三昧門中住，是菩薩作十二人乃至作陀羅尼、三昧門行。若菩薩作行者，不受般若波羅蜜，亦不具足般若波羅蜜；不具足般若波羅蜜故，不能得成就薩婆若。

寅三、明無住行為得

卯一、正門

何以故？色是不受，受、想、行、識是不受。色不受則非色，性空故；受、想、行、識不受則非識，性空故。十二人是不受，乃至陀羅尼、三昧門是不受。十二人不受，則非十二人；乃至陀羅尼、三昧門不受，則非陀羅尼、三昧門，性空故。般若波羅蜜亦不受；般若波羅蜜不受，則非般若波羅蜜，性空故。如是菩薩摩訶薩欲行般若波羅蜜，應觀諸法性空。如是觀心無行處，是名菩薩摩訶薩不受三昧廣大之用，不與聲聞、辟支佛共。

是薩婆若慧亦不受，內空故，外空、內外空、空空、大空、第一義空、有為空、無為空、畢竟空、無始空、散空、性空、自相空、諸法空、不可得空、無法空、有法空、無法有法空故。

卯二、反釋

³³ 尼+(門)【宋】【元】【明】【宮】(大正 08, 235d, n.7)。

³⁴ (以)+無【宮】(大正 08, 235d, n.8)。

³⁵ 故以吾我心=有我心故【宋】【宮】，=故以吾我心故【元】【明】(大正 08, 235d, n.9)。

³⁶ 以吾我心=有我心故【宋】【明】【宮】，=以吾我心故【元】(大正 08, 235d, n.10)。

何以故？是薩婆若不可以相行得，相行有垢故。
何等是垢相？色相乃至陀³⁷羅尼門、三昧門相，是名垢相。

寅四、舉小說大

卯一、取先尼為論

辰一、反釋

是相若受、若修可得薩婆若者，先尼梵志於一切智中終不生信。

辰二、順釋出其所悟³⁸

巳一、不受法觀

云³⁹何為信？信⁴⁰般若波羅蜜，分別解知，稱量思惟，不以相法，不以無相法。如是先尼梵志，不取相，住信行中；用性⁴¹空智，入諸法相中⁴²，不受色，不受受、想、行、識。何以故？諸法自相空故，不可得受。

巳二、離四句觀

午一、總就一切法明

是先尼梵志非內觀得⁴³故見是智慧，非外觀得故見是智慧，非內外觀得故見是智慧，亦不無智慧⁴⁴觀得故見是智慧。何以故？梵志不見是法，智⁴⁵者、知法、知處故。

午二、別約五陰明

此梵志非內色中見⁴⁶是智慧，非內受想行識中見是智慧；非外色中見是智慧，非外受想行識中見是智慧；非內外色中見是智慧，非內外受想行識中見是智慧，亦不離色、受、想、行、識中見是智慧，內外空故。」

³⁷ (諸)+陀【宋】【元】【明】【宮】(大正 08, 236d, n.1)。

³⁸ 對照《大智度論》卷 42 〈9 集散品〉(大正 25, 368a16-369b17)。

³⁹ 云=字【宋】(大正 08, 236d, n.2)。

⁴⁰ [信]—【宮】(大正 08, 236d, n.3)。

⁴¹ 性=信【宋】【明】【宮】(大正 08, 236d, n.4)。

⁴² [中]—【元】(大正 08, 236d, n.5)。

⁴³ 得故見=故得【宋】【明】【宮】，=得見【元】(大正 08, 236d, n.6)。

⁴⁴ [慧]—【元】(大正 08, 236d, n.7)。

⁴⁵ 智=知【宮】(大正 08, 236d, n.8)。

⁴⁶ 見=得【宋】【明】【宮】(大正 08, 236d, n.9)。

辰三、結其所悟

先尼梵志，此中心得信解於一切智，以是故，梵志信諸法實相，一切法不可得故。如是信解已，無法可受，諸法無相⁴⁷、無憶念故。是梵志於諸法亦無所得，無⁴⁸取、無⁴⁹捨，取捨不可得故。是梵志亦不念智慧，諸法相無念故。

卯二、結明菩薩般若

世尊！是名菩薩摩訶薩般若波羅蜜，此彼岸不度故。是菩薩色、受、想、行、識不受，一切法不受故；乃至諸陀羅尼、三昧門亦不受，一切法不受故。是菩薩於是中亦不取涅槃，未具足四念處乃至八聖道分，未具足十力乃至十八不共法故⁵⁰。

何以故？是四念處非四念處，乃至十八不共法非十八不共法——是諸法非法，亦不非法。是名菩薩摩訶薩般若波羅蜜，色不受乃至十八不共法不受。

丑三、思惟門⁵¹

寅一、列三義

復次，世尊！菩薩摩訶薩欲行般若波羅蜜，應如是思惟：何者是般若波羅蜜？何以故名般若波羅蜜？是誰般若波羅蜜？

寅二、釋三義

卯一、正釋

辰一、釋實相般若

若菩薩摩訶薩行般若波羅蜜，如是念：若法無所有、不可得，是般若波羅蜜。」

爾時，舍利弗問須菩提：「何等法，無所有不可得？」

須菩提言：「般若波羅蜜，是法無所有不可得；禪那波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜，是法無所有、不可得

⁴⁷ 相=想【宮】(大正 08, 236d, n.10)。

⁴⁸ 無=若【元】(大正 08, 236d, n.11)。

⁴⁹ (以)+無【宮】(大正 08, 235d, n.8-2)。

⁵⁰ [故]-【聖】(大正 08, 236d, n.12)。

⁵¹ 對照《大智度論》卷 43〈9 集散品〉(大正 25, 369b26-371b5)。

——內空故，外空、內外空、空空、大空、第一義空、有為空、無為空、畢竟空、無始空、散空、性空、自相空、諸法空、不可得空、無法空、有法空、無法有法空故。

舍利弗！色法，無所有、不可得；受、想、行、識法，無所有、不可得。內空法，無所有、不可得；乃至無法有法空法，無所有、不可得。

舍利弗！四念處法，無所有、不可得；乃至十八不共法，無所有、不可得。

舍利弗！諸神通法，無所有、不可得；如如⁵²法，無所有、不可得；法性、法相、法⁵³位、法住、實際法，無所有、不可得。

舍利弗！佛，無所有、不可得；薩婆若法，無所有、不可得；一切種智法，無所有、不可得——內空乃至無法有法空故。」

辰二、釋觀照般若

舍利弗！若菩薩摩訶薩如是思惟、如是觀時，

辰三、般若屬菩薩

心不沒、不悔、不驚、不畏、不怖，當知是菩薩不離般若波羅蜜行。」

卯二、明果

辰一、明得正果

巳一、明正因

舍利弗問須菩提：「何因緣故，當知菩薩不離般若波羅蜜行？」

須菩提言：「色離色性，受……想……行……，識離識⁵⁴性；六波羅蜜離六波羅蜜性，乃至實際離實際性。」

舍利弗復問須菩提：「云何是色性？云何是受、想、行、識性？云何⁵⁵乃至實際性？」

須菩提言：「無所有是色性，無所有是受、想、行、識性，乃至無所有是實際性。舍利弗！以是因緣故，當知色離色性，受……想……行……，

⁵² 如=相【宮】(大正 08, 236d, n.13)。

⁵³ 法位法住=法住法位【聖】(大正 08, 236d, n.14)。

⁵⁴ [識]—【宮】(大正 08, 236d, n.15)。

⁵⁵ 何+(是)【宋】【元】【明】【宮】(大正 08, 236d, n.16)。

識離識性，乃至實際離實際性。舍利弗！色亦離色相，受……想……行……，識亦離識相，乃至實際亦離實際相。相亦離相，性亦離性。」

巳二、明正果

舍利弗問須菩提：「菩薩摩訶薩若如是學⁵⁶，得成就薩婆若耶⁵⁷？」

須菩提言：「如是！如是！舍利弗！若菩薩摩訶薩如是學，得成就薩婆若。何以故？以諸法不生、不成就故。」

辰二、明得方便果

舍利弗問須菩提：「何因緣故，諸法不生、不成就？」

須菩提言：「色，色空，是色生、成就不可得；受……想……行……；識，識空，是識生、成就不可得。至實際、實際空，是實際生、成就不可得。」

舍利弗！菩薩摩訶薩如是學，漸近薩婆若，漸得身清淨、心清淨、相清淨。漸得身清淨、心清淨、相清淨故，是菩薩不生染心、不生瞋心、不生癡心、不生憍慢心、不生慳貪心、不生邪見心。

辰三、成就二果生處自在方便利益

是菩薩不生染心乃至不生邪見心故，終不生母人腹中，常得化生；從一佛國至一佛國，成就眾生、淨佛國土，乃至阿耨多羅三藐三菩提，終不離諸佛。

舍利弗！菩薩摩訶薩當作是行般若波羅蜜，當作是學般若波羅蜜！」

⁵⁶ 學+(復)【宋】【宮】(大正08, 236d, n.17)。

⁵⁷ [耶]—【宮】【聖】(大正08, 236d, n.18)。

《摩訶般若波羅蜜經》卷 3 〈10 相行¹品〉冠科²

《摩訶般若波羅蜜經》卷 3 (大正 08, 237a6-239b8) :

子二、就無相門說般若³

丑一、明無方便失使菩薩識而不隨

寅一、明無方便相

卯一、外著於境故失

爾時，須菩提白佛言：「世尊！若菩薩摩訶薩無方便欲行般若波羅蜜，若行色為行相，若行受、想、行、識為行相；若色是常行為行相，若受、想、行、識是常行為行相；若色是無常行為行相，若受、想、行、識是無常行為行相；若色是樂行為行相，若受、想、行、識是樂行為行相；若色是苦行為行相，若受、想、行、識是苦行為行相；若色是有行為行相，若受、想、行、識是有行為行相；若色是空行為行相，若受、想、行、識是空行為行相；若色是我行為行相，若受、想、行、識是我行為行相；若色是無我行為行相，若受、想、行、識是無我行為行相；若色是離行為行相，若受、想、行、識是離行為行相；若色是寂滅行為行相，若受、想、行、識是寂滅行為行相。

世尊！若菩薩摩訶薩無方便行四念處為行相，乃至行十八不共法為行相。

卯二、內存於我故失

世尊！若菩薩摩訶薩行般若波羅蜜時，作是念『我行般若波羅蜜有所得行』，亦是行相。

卯三、著於內外兩捨亦失

世尊！若菩薩摩訶薩作是念：『能如是行，是修行般若波羅蜜』，亦是行相。

卯四、結

¹ 相行=行相【元】【明】(大正 08, 237d, n.2)。

² 妙境法師，《摩訶般若波羅蜜經》冠科(上冊)，pp.115-127。

³ 對照《大智度論》卷 43 〈10 行相品〉(大正 25, 371b6-372c22)。

當知是菩薩摩訶薩行般若波羅蜜無方便！」

寅二、明無方便失

卯一、不離生死

須菩提語舍利弗：「若菩薩摩訶薩行般若波羅蜜時，色受念妄解；若色受念妄解，為色故作行；若為色故⁴作行，不能⁵得離生老病死、憂悲苦惱及後世苦。若菩薩摩訶薩行般若波羅蜜時無方便，眼受念妄解乃至意，色乃至法；眼識界乃至意識界，眼觸乃至意觸，眼觸因緣生受乃至意觸因緣生受，四念處，乃至十八不共法受念妄解，為十八不共法故作行。若為作行，是菩薩不能得離生老病死、憂悲苦惱及後世苦。

卯二、失菩提果

如是菩薩尚不能得聲聞、辟支佛地證，何況得阿耨多羅三藐三菩提！無有是處。

卯三、結

舍利弗！當知是菩薩摩訶薩行般若波羅蜜無方便。」

丑二、明有方便得使菩薩識而修行

寅一、略就一行明

卯一、明外無所著故得

舍利弗問須菩提：「云何當知菩薩摩訶薩行般若波羅蜜有方便？」

須菩提語舍利弗：「若菩薩摩訶薩欲行般若波羅蜜時，不行色，不行受、想、行、識；不行色相，不行受、想、行、識相；不行色、受、想、行、識常，不行色、受、想、行、識無常；不行色、受、想、行、識樂，不行色、受、想、行、識苦；不行色、受、想、行、識我，不行色、受、想、行、識無我；不行色、受、想、行、識空，不行色、受、想、行、識無相，不行色、受、想、行、識無作；不行色、受、想、行、識離；不行色、受、想、行、識寂滅。

何以故？舍利弗！是色空為非色，離空無色，離色無空，色即是空，空即是色；受……想……行……；識空為非識，離空無識、離識無空，

⁴〔故〕－【聖】(大正 08, 237d, n.3)。

⁵〔能〕－【聖】(大正 08, 237d, n.4)。

空即是識，識即是空；乃至十八不共法空為非十八不共法，離空無十八不共法，離十八不共法無空，空即是十八不共法，十八不共法即是空。

如是！舍利弗！當知是菩薩摩訶薩行般若波羅蜜有方便。是菩薩摩訶薩如是行般若波羅蜜，能得阿耨多羅三藐三菩提。」

卯二、明內無所受故得

是菩薩摩訶薩行般若波羅蜜時，行亦不受，不行亦不受，行不行亦不受，非行非不行亦不受，不受亦不受。

舍利弗語須菩提：「菩薩摩訶薩行般若波羅蜜時，何因緣故不受？」

須菩提言：「是般若波羅蜜自性不可得故不受。何以故？無所有法⁶是般若波羅蜜。舍利弗！以是故，菩薩摩訶薩行般若波羅蜜，行亦⁷不受，不行亦不受，行不行亦不受，非⁸行非不行亦不受，不受亦不受。

何以故？一切法性無所有，不隨諸法行，不受諸法相故；是名菩薩摩訶薩諸法無所受三昧廣大之用，不與聲聞、辟支佛共。是菩薩摩訶薩行是三昧不離，疾得阿耨多羅三藐三菩提。」

寅二、廣就眾行明

卯一、明行諸三昧及陀羅尼故得⁹

辰一、未來得菩提

巳一、別明行百八三昧

午一、徵

舍利弗言：「但不離是三昧，令菩薩摩訶薩疾得阿耨多羅三藐三菩提，更有餘¹⁰三昧？」

須菩提語舍利弗言¹¹：「更有諸三昧，菩薩摩訶薩行是三昧，疾得阿耨多羅三藐三菩提。」

⁶ 法=性【宋】【元】【明】【宮】【聖】(大正 08, 237d, n.5)。

⁷ [亦] - 【聖】(大正 08, 237d, n.6)。

⁸ 非=不【聖】(大正 08, 237d, n.7)。

⁹ 對照《大智度論》卷 43 〈10 行相品〉(大正 25, 372c23-374a3)。

¹⁰ (諸)+餘【宋】【元】【明】【宮】(大正 08, 238d, n.8)。

¹¹ [言] - 【聖】(大正 08, 237d, n.9)。

舍利弗言：「何等三昧，菩薩摩訶薩行是，疾得阿耨多羅三藐三菩提？」

午二、列

須菩提言：「諸菩薩摩訶薩有三昧名⁽¹⁾首楞嚴行，行是三昧¹²，令菩薩摩訶薩疾得阿耨多羅三藐三菩提；有名⁽²⁾寶印三昧、⁽³⁾師子遊戲三昧、⁽⁴⁾妙月三昧、⁽⁵⁾月幢相三昧、⁽⁶⁾出¹³諸法印三昧、⁽⁷⁾觀頂三昧、⁽⁸⁾畢¹⁴法性三昧、⁽⁹⁾畢幢相三昧、⁽¹⁰⁾金剛三昧、⁽¹¹⁾入法印三昧、⁽¹²⁾三昧王安立三昧、〔王印三昧¹⁵〕、⁽¹³⁾放光三昧、⁽¹⁴⁾力進三昧、⁽¹⁵⁾出生三昧、⁽¹⁶⁾必入辯才三昧、⁽¹⁷⁾入名字三昧、⁽¹⁸⁾觀方三昧、⁽¹⁹⁾陀羅尼印三昧、⁽²⁰⁾不忘¹⁶三昧、⁽²¹⁾攝諸法海印三昧、⁽²²⁾遍覆虛空三昧、⁽²³⁾金剛輪三昧、⁽²⁴⁾寶斷¹⁷三昧、⁽²⁵⁾能照耀三昧、⁽²⁶⁾不求三昧、⁽²⁷⁾三昧無處住三昧、⁽²⁸⁾無心三昧、⁽²⁹⁾淨燈三昧、⁽³⁰⁾無邊明三昧、⁽³¹⁾能作明三昧、⁽³²⁾普遍明三昧、⁽³³⁾堅淨諸三昧三昧、⁽³⁴⁾無垢明三昧、⁽³⁵⁾作樂三昧、⁽³⁶⁾電光三昧、⁽³⁷⁾無盡¹⁸三昧、⁽³⁸⁾威德三昧、⁽³⁹⁾離盡三昧、⁽⁴⁰⁾不動三昧、⁽⁴¹⁾莊嚴三昧、⁽⁴²⁾日光三昧、⁽⁴³⁾月淨三昧、⁽⁴⁴⁾淨明三昧、⁽⁴⁵⁾能作明三昧、⁽⁴⁶⁾作行三昧、⁽⁴⁷⁾知相三昧、⁽⁴⁸⁾如金剛三昧、⁽⁴⁹⁾心住三昧、⁽⁵⁰⁾遍照三昧、⁽⁵¹⁾安立三昧、⁽⁵²⁾寶頂三昧、⁽⁵³⁾妙法印三昧、⁽⁵⁴⁾法等三昧、⁽⁵⁵⁾生¹⁹喜三昧、⁽⁵⁶⁾到法頂三昧、⁽⁵⁷⁾能散三昧、⁽⁵⁸⁾壞諸法處三昧、⁽⁵⁹⁾字等相三昧、⁽⁶⁰⁾離字三昧、⁽⁶¹⁾斷緣三昧、⁽⁶²⁾不壞三昧、⁽⁶³⁾無種²⁰相三昧、⁽⁶⁴⁾無處行三昧、⁽⁶⁵⁾離闇三昧、⁽⁶⁶⁾無去三昧、⁽⁶⁷⁾不動三昧、⁽⁶⁸⁾度緣三昧、⁽⁶⁹⁾集諸德三昧、⁽⁷⁰⁾住無心三昧、⁽⁷¹⁾妙淨²¹華三昧、⁽⁷²⁾覺意三昧、⁽⁷³⁾無量辯²²三昧、⁽⁷⁴⁾無等等三昧、⁽⁷⁵⁾度諸法三昧、⁽⁷⁶⁾分別

¹² 〔三昧〕－【聖】(大正 08，237d，n.10)。

¹³ 〔出〕－【聖】(大正 08，237d，n.11)。

¹⁴ 畢＝必【聖】(大正 08，237d，n.12)。

¹⁵ 〔王印三昧〕－【聖】(大正 08，237d，n.13)。

¹⁶ 忘＝妄【宋】【宮】(大正 08，237d，n.14)。

¹⁷ 寶斷＝斷寶【宮】(大正 08，237d，n.15)。

¹⁸ 盡＝淨【明】(大正 08，238d，n.1)。

¹⁹ (立)＋生【宋】【元】【明】【宮】(大正 08，238d，n.2)。

²⁰ 種相＝幢【聖】(大正 08，238d，n.3)。

²¹ 妙淨＝淨妙【明】【宮】(大正 08，238d，n.4)。

²² 辯＝辨【聖】(大正 08，238d，n.5)。

諸法三昧、⁽⁷⁷⁾ 散疑三昧、⁽⁷⁸⁾ 無住處三昧、⁽⁷⁹⁾ 一相三昧、⁽⁸⁰⁾ 生行三昧、⁽⁸¹⁾ 一行三昧、⁽⁸²⁾ 不一行三昧、⁽⁸³⁾ 妙行三昧、⁽⁸⁴⁾ 達一切有底散三昧、⁽⁸⁵⁾ 入言語三昧、⁽⁸⁶⁾ 離音聲字語三昧、⁽⁸⁷⁾ 然炬三昧、⁽⁸⁸⁾ 淨相三昧、⁽⁸⁹⁾ 破相三昧、⁽⁹⁰⁾ 一切種妙足三昧、⁽⁹¹⁾ 不熹苦樂三昧、⁽⁹²⁾ 不盡行三昧、⁽⁹³⁾ 多陀羅尼三昧、⁽⁹⁴⁾ 取諸邪正相三昧、⁽⁹⁵⁾ 滅憎愛三昧、⁽⁹⁶⁾ 逆順三昧、⁽⁹⁷⁾ 淨光三昧、⁽⁹⁸⁾ 堅固三昧、⁽⁹⁹⁾ 滿月淨光三昧、⁽¹⁰⁰⁾ 大莊嚴三昧、⁽¹⁰¹⁾ 能照一切世三昧、⁽¹⁰²⁾ 等三昧、⁽¹⁰³⁾ 無諍行三昧、⁽¹⁰⁴⁾ 無住處樂三昧、⁽¹⁰⁵⁾ 如住定三昧、⁽¹⁰⁶⁾ 壞身²³三昧、⁽¹⁰⁷⁾ 壞語如虛空三昧、⁽¹⁰⁸⁾ 離著如²⁴虛空不染三昧。

午三、結

舍利弗！是²⁵菩薩摩訶薩行是諸三昧，疾得阿耨多羅三藐三菩提。

巳二、總明行無量三昧陀羅尼

復有無量阿僧祇三昧門、陀羅尼門，菩薩摩訶薩學是三昧門、陀羅尼門，疾得阿耨多羅三藐三菩提。」

辰二、現在得受記

慧命須菩提隨佛心言：「當知諸²⁶菩薩摩訶薩行是三昧者，已²⁷為過去諸佛所授記，今現在十方諸佛亦授是菩薩記。」

卯二、明實無三昧可行亦無記可得

是菩薩不見是諸三昧，亦不念是三昧；亦不念：『我當入是三昧，我今入是三昧，我已入是三昧。』是菩薩摩訶薩都無分別念。」

舍利弗問須菩提：「菩薩摩訶薩住是²⁸諸三昧已，從過去佛受記耶？」

須菩提報言：「不也！舍利弗！何以故？般若波羅蜜不異諸三昧，諸三昧不異般若波羅蜜；菩薩不異般若波羅蜜及三昧²⁹，般若波羅蜜及三

²³ 身+(衰)【元】(大正 08，238d，n.6)。

²⁴ [如] - 【聖】(大正 08，238d，n.7)。

²⁵ 是=如【宋】【元】【明】【宮】(大正 08，238d，n.8)。

²⁶ 諸=是【聖】(大正 08，238d，n.9)。

²⁷ 已=以【聖】(大正 08，238d，n.10)。

²⁸ 是=此【宋】【元】【明】(大正 08，238d，n.11)。

²⁹ [及三昧] - 【聖】*(大正 08，238d，n.12)。

昧不異菩薩；般若波羅蜜即是三昧，三昧即是般若波羅蜜；菩薩即是般若波羅蜜及三昧，般若波羅蜜及三昧即是菩薩。」

舍利弗語須菩提：「若三昧不異菩薩，菩薩不異三昧，三昧即是菩薩，菩薩即是三昧，菩薩云何知一切諸法等³⁰三昧？」

須菩提言：「若菩薩入是三昧，是時不作是念：『我以是法入是三昧。』以是因緣故，舍利弗！是菩薩於諸三昧不知不念。」

舍利弗言：「何以故不知不念？」

須菩提言：「諸三昧無所有故，是菩薩不知不念。」

丑三、佛述歎

寅一、佛述

爾時，佛讚言：「善哉！善哉！須菩提！如我說汝行無諍三昧第一，與此義相應。菩薩摩訶薩應如是學般若波羅蜜，禪那³¹波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜；四念處乃至十八不共法，亦應如是學！」

寅二、審答方便事

卯一、明菩薩所學法不可得³²

舍利弗白佛言：「世尊！菩薩摩訶薩如是學，為學般若波羅蜜耶？」

佛告舍利弗：「菩薩摩訶薩如是學，為學般若波羅蜜，是法不可得故；乃至學檀那波羅蜜，是法不可得故；學四念處乃至十八不共法，是法不可得故。」

舍利弗白佛言：「世尊！如³³是菩薩摩訶薩³⁴學般若波羅蜜，是法不可得耶？」

³⁰ 等=是【明】(大正 08, 238d, n.13)。

³¹ [那]—【聖】*(大正 08, 238d, n.14)。

³² 對照《大智度論》卷 43〈10 行相品〉(大正 25, 374a4-375b19)。

³³ [如是]—【宋】【元】【明】【宮】(大正 08, 238d, n.15)。

³⁴ 薩+(如是)【宋】【元】【明】【宮】*(大正 08, 238d, n.16)。

佛言：「如³⁵是！菩薩摩訶薩學般若波羅蜜，是法不可得。」

卯二、明人法不可得

辰一、人空（約凡）

舍利弗言：「世尊！何等法不可得？」

佛言：「我不可得，乃至知者、見者不可得，畢竟淨故。」

辰二、世出世法空

五陰³⁶不可得，十二入不可得，十八界不可得，畢竟淨故。
無明不可得，畢竟淨故；乃至老死不可得，畢竟淨故。
苦諦不可得，畢竟淨故；集、滅、道諦不可得，畢竟淨故。
欲界不可得，畢竟淨故；色界、無色界不可得，畢竟淨故。
四念處不可得，畢竟淨故；乃至十八不共法不可得，畢竟淨故。
六波羅蜜不可得，畢竟淨故。

辰三、人空（約聖）

須陀洹不可得，畢竟淨故；斯陀含、阿那含、阿羅漢、辟支佛不可得，
畢竟淨故；菩薩不可得，畢竟淨故；佛不可得，畢竟淨故。」

卯三、明因緣不可得

舍利弗白佛言：「世尊！何等是畢竟淨？」

佛言：「不出不生、無得無作，是名畢竟淨。」

卯四、明學無所學

舍利弗白佛言：「世尊！菩薩摩訶薩若如是學，為學何等法？」

佛告舍利弗：「菩薩摩訶薩如是學，於諸法無所學。何以故？舍利弗！
諸法相不如凡人³⁷所著。」

丑四、重明失義

寅一、略明

舍利弗白佛言：「世尊！諸法實相云何有？」

³⁵ [如] — 【宋】【元】【明】【宮】(大正 08, 238d, n.17)。

³⁶ 陰=眾 【宮】(大正 08, 238d, n.18)。

³⁷ 人=夫 【宋】【元】【明】【宮】(大正 08, 238d, n.19)。

佛言：「諸法無所有，如是有；如是無所有，是事不知，名為無明。」

寅二、廣明

卯一、舍利弗問所迷能迷二事

舍利弗白佛言：「世尊！何等無所有？是事不知，名為無明？」

卯二、佛答

辰一、答無所有

佛告舍利弗：「色、受、想、行、識無所有，內空乃至無法有法空故；四念處乃至十八不共法無所有，內空乃至無法有法空故。」

辰二、答無明

巳一、正明無明

是中凡夫以無明力渴愛故，妄見分別，說是無明。

是凡夫為二邊所縛，是人不知不見諸法無所有，而憶想分別著色乃至十八不共法；是人著故，於無所有法而作識知見，是凡人³⁸不知不見。

何等不知不見？

不知不見色，乃至十八不共法亦不知不見，以是故墮凡夫數，如小兒。」

巳二、廣出凡夫四過

午一、不出三界，不能離二乘

「是人不出。於何不出？

不出欲界，不出色界，不出無色界；不出聲聞、辟支佛法中。」

午二、不信諸法空

是人亦不信。不信何等？

不信色空，乃至不信十八不共法空。

午三、不住六度乃至十八不共法

是人不住。不住何等？

不住檀那波羅蜜，乃至不住般若波羅蜜；不住阿惟越³⁹致地，乃至十

³⁸ 人=夫【明】(大正 08, 239d, n.1)。

³⁹ 惟越=鞞跋【宋】【元】【明】【宮】*(大正 08, 235d, n.1)。

⁴⁰住十八不共法。

午四、失諸功德故名爲凡夫、如小兒、著者

以是因緣故，名爲凡夫，如小兒，亦名⁴¹著者。

何等爲著？

著色乃至識，著眼入乃至意入，著眼識界乃至意識界，著婬怒癡、著諸邪見，著四念處乃至著佛道。」

丑五、雙舉得失勸捨失學得

寅一、舉失

卯一、正明

舍利弗白佛言：「世尊！菩薩摩訶薩作如是學，亦不學般若波羅蜜，不得薩婆若？」

佛語舍利弗：「菩薩摩訶薩作如是學，亦不學般若波羅蜜，不得薩婆若。」

卯二、釋所以

舍利弗白佛言：「世尊！何以故菩薩摩訶薩亦不學般若波羅蜜，不得薩婆若？」

佛告舍利弗：「菩薩摩訶薩無方便故，想念分別，著般若波羅蜜、著禪那波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜，乃至十八不共法、一切種智，想念分別著。以是因緣故，菩薩摩訶薩如是學，亦不學般若波羅蜜，不得薩婆若。」

卯三、結

舍利弗白佛言：「世尊！若菩薩摩訶薩如是學，不⁴²學般若波羅蜜，不得薩婆若？」

佛告舍利弗：「菩薩摩訶薩如是學，不⁴³學般若波羅蜜，不得薩婆若。」

⁴⁰ 十=不【宋】【元】【明】【宮】(大正 08, 239d, n.2)。

⁴¹ 名+(爲)【宋】【元】【明】【宮】(大正 08, 239d, n.3)。

⁴² (亦)+不【宋】【元】【明】(大正 08, 239d, n.4)。

⁴³ (亦)+不【宋】【元】【明】【宮】(大正 08, 239d, n.5)。

寅二、明得

卯一、正明

舍利弗白佛言：「世尊！菩薩摩訶薩今云何應學般若波羅蜜，得薩婆若？」

佛告舍利弗：「若菩薩摩訶薩學般若波羅蜜時，不見般若波羅蜜。舍利弗！菩薩摩訶薩如是學般若波羅蜜，得薩婆若，以不可得故。」

卯二、釋所以

舍利弗白佛言：「世尊！云何名不可得？」

佛言：「諸法內空乃至無法有法空故。」

《摩訶般若波羅蜜經》卷 4 〈11 幻學品¹〉冠科²

《摩訶般若波羅蜜經》卷 4 (大正 08, 239b15-241c9):

子三、就無作門說般若

丑一、明無學無得³

寅一、正約六喻明

卯一、舉幻喻

辰一、須菩提問

爾時，慧命須菩提白佛言：「世尊！若當有人問言：『幻人⁴學般若波羅蜜，當得薩婆若不？幻人學禪那⁵波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜，學四念處乃至十八不共法及一切種智，得薩婆若不？』我當云何答？」

辰二、佛答

巳一、明萬法不異幻

佛告須菩提：「我還問汝，隨汝意答我。須菩提！於汝意云何？色與幻有異不？受、想、行、識與幻有異不？」

須菩提言：「不也！世尊！」

佛言：「於汝意云何？眼與幻有異不？乃至意與幻有異不？色乃至法與幻有異不？眼界乃至意識界與幻有異不？眼觸乃至意觸、眼觸因緣生受乃至意觸因緣生受與幻有異不？」

須菩提言：「不也！世尊！」

「於汝意云何？四念處與幻有異不？乃至八聖道分與幻有異不？」

「不也！世尊！」

¹ 不分卷【聖】，幻學=(摩訶般若波羅蜜經幻人修行)。十二字【聖】，幻人【宋】【元】【宮】，梵無區分(大正 08, 239d, n.7)。

² 妙境法師，《摩訶般若波羅蜜經》冠科(上冊)，pp.128-141。

³ 對照《大智度論》卷 44 〈11 幻人無作品〉(大正 25, 375c7-377a16)。

⁴ 幻人 Māyāpuruṣa。(大正 08, 239d, n.9)。

⁵ [那] - 【宋】【元】【明】【宮】【聖】(大正 08, 239d, n.10)。

「於汝意云何？空、無相、無作與幻有異不？」

「不也！世尊！」

「須菩提！於汝意云何？檀那波羅蜜與幻有異不？乃至十八不共法與幻有異不？」

「不也！世尊！」

「須菩提！於汝意云何？阿耨多羅三藐三菩提與幻有異不？」

「不也！世尊！何以故？色不異幻、幻不異色，色即是幻、幻即是色。世尊！受、想、行、識不異幻，幻不異受、想、行、識，識即是幻，幻即是識。

世尊！眼不異幻，幻不異眼，眼即是幻，幻即是眼。眼觸因緣生受乃至意觸因緣生受亦如是。

世尊！四念處不異幻，幻不異四念處，四念處即是幻，幻即是四念處，乃至阿耨多羅三藐三菩提不異幻，幻不異阿耨多羅三藐三菩提，阿耨多羅三藐三菩提即是幻，幻即是阿耨多羅三藐三菩提。」

巳二、明幻無異故無學無得

佛告須菩提：「於汝意云何？幻有垢有淨不？」

「不也！世尊！」

「須菩提！於汝意云何？幻有生有滅不？」

「不也！世尊！」

「若幻⁶不生不滅，是法能學般若波羅蜜，當得薩婆若不？」

「不也，世尊！」

辰三、釋疑

「於汝意云何，五受蔭⁷假名是菩薩不？」

「如是！世尊！」

⁶ 幻=法【宋】【元】【明】【宮】【聖】(大正 08, 239d, n.11)。

⁷ 蔭=陰【宋】【元】【明】【宮】【聖】(大正 08, 239d, n.12)。

「於汝意云何，五受蔭假名有生滅、垢淨不？」

「不也！世尊！」

「於汝意云何？若法但有名字，非身非身業，非口非口業，非意非意業；不生不滅，不垢不淨——如是法能學般若波羅蜜、得薩婆若不？」

「不也！世尊！」

「菩薩摩訶薩若能如是學般若波羅蜜，當得薩婆若，以無所得故。」

辰四、領解

須菩提白佛言：「世尊！菩薩摩訶薩應如是學般若波羅蜜，得⁸阿耨多羅三藐三菩提，如幻人學⁹。何以故？世尊！當知五蔭即是幻人，幻人即是五蔭。」

佛告須菩提：「於汝意云何？是五蔭學般若波羅蜜，當得薩婆若不？」

「不也！世尊！何以故？是五蔭性無所有，無所有性亦不可得。」

卯二、合舉五喻

佛告須菩提：「於汝意云何？如夢五蔭學般若波羅蜜，當得薩婆若不？」

「不也！世尊！何以故？夢性無所有，無所有性亦不可得。」

「於汝意云何？如響¹⁰、如影、如焰、如化五蔭學般若波羅蜜，當得薩婆若不？」

「不也！世尊！何以故？響、影、焰、化性無所有，無所有性亦不可得。六情亦如是；世尊！五蔭¹¹即是六情，六情即是五蔭。」

寅二、例舉十八空

「如¹²是法皆內空故不可得，乃至無法有法空故不可得。」

丑二、略明初心無方便失¹³

⁸ 得=學【宋】【元】【明】【宮】(大正 08, 239d, n.13)。

⁹ [學]—【宋】【元】【明】【宮】(大正 08, 239d, n.14)。

¹⁰ 響=響【宋】【元】【明】【宮】(大正 08, 240d, n.1)。

¹¹ 蔭=陰【宋】【元】【明】【宮】【聖】(大正 08, 239d, n.12)。

¹² [如]—【元】【宮】(大正 08, 240d, n.3)。

¹³ 對照《大智度論》卷 44 〈11 幻人無作品〉(大正 25, 377a17-378b2)。

須菩提白佛言：「世尊！新發大乘意菩薩，聞說般若波羅蜜，將無¹⁴恐、怖？」

佛告須菩提：「若新發大乘意菩薩於般若波羅蜜無方便，亦不得善知識，是菩薩或驚、或怖、或畏。」

丑三、廣明有方便

寅一、須菩提問

須菩提白佛言：「世尊！何等是方便？菩薩行是方便，不驚、不畏、不怖。」

寅二、佛答

卯一、明內因

辰一、明應薩婆若心修行

佛告須菩提：「有菩薩摩訶薩行般若波羅蜜，應薩婆若心，觀色無常相，是亦不可得；觀受、想、行、識無常相，是¹⁵亦不可得。須菩提！是名菩薩摩訶薩行般若波羅蜜有¹⁶方便。」

復次，須菩提！菩薩摩訶薩應薩婆若心，觀色苦相，是亦不可得，受、想、行、識亦如是；應薩婆若心，觀色無我相，是亦不可得，受、想、行、識亦如是。

復次，須菩提！菩薩摩訶薩應薩婆若心，觀色空相，是亦不可得，受、想、行、識亦如是；觀色無相相，是亦不可得，受、想、行、識亦如是；觀色無作相，是亦不可得，乃至¹⁷識亦如是。觀色寂滅相，是亦不可得，乃至識亦如是；觀色離相，是亦不可得，乃至識亦如是——是名菩薩摩訶薩行般若波羅蜜有方便。

辰二、明慈悲為眾生修六度

巳一、布施

復次，須菩提！菩薩摩訶薩行般若波羅蜜，觀色無常相，是亦不可得；

¹⁴ 無+(驚)【聖】(大正 08, 240d, n.4)。

¹⁵ [是]—【宋】【元】【明】【宮】(大正 08, 240d, n.5)。

¹⁶ 有=中【宋】【元】【明】【宮】【聖】(大正 08, 240d, n.6)。

¹⁷ 乃至=受想行【宋】【元】【明】【宮】【聖】(大正 08, 240d, n.7)。

觀色苦相、無我相、空相、無相相、無作相、寂滅相、離相，是亦不可得。受、想、行、識亦如是。

是時菩薩作是念：『我當為一切眾生說是無常法，是亦不可得；當為一切眾生說苦相，說無我相、空相、無相相、無作相、寂滅相、離相，是亦不可得。』是名菩薩摩訶薩檀那波羅蜜。

已二、持戒

復次，須菩提¹⁸！菩薩摩訶薩不以聲聞、辟支佛心，觀色無常亦不可得；不以聲聞、辟支佛心，觀識無常亦不可得；不以聲聞、辟支佛心，觀色苦、無我、空、無相、無作、寂滅、離亦不可得；受、想、行、識亦如是——是名菩薩摩訶薩尸羅¹⁹波羅蜜。

已三、忍辱

復次，須菩提！菩薩摩訶薩行般若波羅蜜，是諸法無常相，乃至離相，忍欲²⁰樂——是名菩薩摩訶薩羸提波羅蜜。

已四、精進

復次，須菩提！菩薩摩訶薩行般若波羅蜜，應薩婆若心，觀色無常相亦不可得，乃至離相亦不可得；受、想、行、識亦如是。應薩婆若心，不捨不息——是名菩薩摩訶薩²¹毘梨耶波羅蜜。

已五、禪定

復次，須菩提！菩薩摩訶薩行般若波羅蜜，不起聲聞、辟支佛意及餘不善心——是名菩薩摩訶薩禪那²²波羅蜜。

已六、般若

復次，須菩提！菩薩摩訶薩行般若波羅蜜，如是思惟：『不以空色故色空，色即是空，空即是色；受、想、行、識亦如是。不以空眼故眼空，眼即是空，空即是眼；乃至意觸因緣生受，不以空受故受空，受即是空，

¹⁸ [須菩提] — 【宮】【聖】(大正 08, 240d, n.8)。

¹⁹ (不著)+尸【宋】【元】【明】【宮】【聖】(大正 08, 240d, n.9)。

²⁰ 欲=離【宮】(大正 08, 240d, n.10)。

²¹ [摩訶薩] — 【宮】【聖】(大正 08, 240d, n.11)。

²² [那] — 【宮】【聖】(大正 08, 240d, n.12)。

空即是受。不以空四念處故四念處空，四念處即是空，空即是四念處；乃至不以空十八不共法故十八不共法空，十八不共法即是空，空即是十八不共法。」

如是，須菩提！菩薩摩訶薩行般若波羅蜜，不驚、不畏、不怖。」

卯二、明外緣

須菩提白佛言：「世尊！何等是菩薩摩訶薩善知識守護故，聞說是²³般若波羅蜜，不驚、不畏、不怖？」

佛告須菩提：「菩薩摩訶薩善知識者，說色無常亦不可得，持是善根，不向聲聞、辟支佛道，但向一切智，是名菩薩摩訶薩善知識；說受、想、行、識無常亦不可得，持是善根，不向聲聞、辟支佛道²⁴，但向一切智，是名菩薩摩訶薩善知識。」

須菩提！菩薩摩訶薩復有善知識，說色苦亦不可得，說受、想、行、識苦亦不可得；說色無我，受、想、行、識無我亦不可得；說色空、無相、無作、寂滅、離亦不可得，受想行識空、無相、無作、寂滅、離亦不可得；持是善根，不向聲聞、辟支佛道，但向一切智。須菩提！是名菩薩摩訶薩善知識。

須菩提！菩薩摩訶薩復有善知識，說眼無常乃至離亦不可得；乃至意觸因緣生受，說無常乃至離亦不可得。持是善根，不向聲聞、辟支佛道，但向一切智，是名菩薩摩訶薩善知識。

須菩提！菩薩摩訶薩復有善知識，說修四念處法乃至離亦不可得；持是善根，不向聲聞、辟支佛道，但向一切智。須菩提！是名菩薩摩訶薩善知識。乃至說修十八不共法，修一切智亦不可得；持是善根，不向聲聞、辟支佛道，但向一切智，是名菩薩摩訶薩善知識。」

丑四、廣明無方便²⁵

寅一、明內因

須菩提白佛言：「云何菩薩摩訶薩行般若波羅蜜無方便、隨惡知識，

²³ [是] — 【宋】【元】【明】【宮】(大正 08, 240d, n.13)。

²⁴ 道 = 地 【宮】(大正 08, 240d, n.14)。

²⁵ 對照《大智度論》卷 44 〈11 幻人無作品〉(大正 25, 378b3-379b12)。

聞說是般若波羅蜜，驚、畏、怖²⁶？」

佛告須菩提：「菩薩摩訶薩離一切智心，修般若波羅蜜，得是般若波羅蜜，念是般若波羅蜜；禪那波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜，皆得、皆念。

復次，須菩提！菩薩摩訶薩離薩婆若心，觀色內空乃至無法有法空，觀受、想、行、識內空乃至無法有法空；觀眼內空乃至無法有法空，乃至意觸因緣生受內空乃至無法有法空——於諸法空有所念、有所得。

復次，須菩提！菩薩摩訶薩行般若波羅蜜，離薩婆若心，修四念處，亦念、亦得；乃至修十八不共法²⁷，亦念、亦得。

如是，須菩提！菩薩摩訶薩行般若波羅蜜，以無方便故，聞是般若波羅蜜，驚、畏、怖。」

寅二、明外緣

卯一、須菩提問

須菩提白佛言：「世尊！云何菩薩摩訶薩隨惡知識，聞般若波羅蜜，驚、畏、怖？」

卯二、佛答

辰一、出九種惡緣

巳一、第一種

佛告須菩提：「菩薩摩訶薩惡知識教離般若波羅蜜，離禪那波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜。須菩提！是名菩薩摩訶薩惡知識。

巳二、第二種

須菩提！菩薩摩訶薩復有惡知識，不說魔事、不說魔罪，不作是言：『惡魔作佛形像來教菩薩離六波羅蜜，語菩薩言：「善男子！用修般若波羅蜜為？用修禪那波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜為？」』當知是菩薩摩訶薩惡知識。

²⁶ 畏怖=怖畏【宋】【元】【明】【宮】(大正 08, 241d, n.1)。

²⁷ [法]—【宮】(大正 08, 241d, n.2)。

已三、第三種

復次，須菩提！惡魔復作佛形像到菩薩所，為說聲聞經——若修妬²⁸路乃至憂波提舍——教詔²⁹分別演說如是經；不為說魔事、魔罪，當知是菩薩摩訶薩惡知識。

已四、第四種

復次，須菩提！惡魔作佛形像到菩薩所，作是語：『善男子！汝無真菩薩心，亦非阿惟越致地，汝亦不能得阿耨多羅三藐三菩提。』不為說如是魔事、魔罪，當知是菩薩惡知識。

已五、第五種

復次，須菩提！惡魔作佛形像到菩薩所，語菩薩言：『善男子！色空，無我、無我所；受、想、行、識空，無我、無我所；眼空，無我、無我所；乃至意觸因緣生受空，無我、無我所；檀那波羅蜜空，乃至般若波羅蜜空；四念處空，乃至十八不共法空；汝用阿耨多羅三藐三菩提為？』如是魔事、魔罪，不說、不教，當知是菩薩惡知識。

已六、第六種

復次，須菩提！惡魔作辟支佛身到菩薩所，語菩薩言：『善男子！十方皆空，是中無佛、無菩薩、無聲聞。』如是魔事、魔罪，不說、不教，當知是菩薩摩訶薩惡知識。

已七、第七種

復次，須菩提！惡魔作和上³⁰、阿闍梨身來³¹到菩薩所，教離菩薩道，教離一切種智；教離四念處乃至八聖道分；教離檀那波羅蜜，乃至教³²離十八不共法；教入空、無相、無作。作是言：『善男子！汝修念是諸法，得聲聞證，用阿耨多羅三藐三菩提為？』如是魔事、魔罪，不說、不教，當知是菩薩惡知識。

已八、第八種

²⁸ 妬=妒(參見：妙境法師，《摩訶般若波羅蜜經》冠科(上冊)，p.138)。

²⁹ 詔=照【聖】(大正 08，241d，n.4)。

³⁰ 上=尚【明】(大正 08，241d，n.5)。

³¹ [來]—【宮】【聖】(大正 08，241d，n.6)。

³² [教]—【聖】(大正 08，241d，n.7)。

復次，須菩提！惡魔作父母形像到菩薩所，語菩薩言：『子！汝為須陀洹果證故慙³³精進，乃至阿羅漢果證故慙精進，汝用阿耨多羅三藐三菩提為？求阿耨多羅三藐三菩提，當受無量阿僧祇劫生死，截手截腳，受諸苦痛。』如是魔事、魔罪，不說、不教，當知是菩薩惡知識。

巳九、第九種

復次，須菩提！惡魔作比丘形像到菩薩所，語菩薩言：『眼無常可得法，乃至意無常可得法；眼苦、眼無我，眼空、無相、無作、寂滅、離，說可得法，乃至意亦如是。用有所得法，說四念處；乃至用有所得法，說十八不共法。』須菩提！如是魔事、魔罪，不說、不教，當知是菩薩惡知識。

辰二教令離

知己，當遠離之³⁴。」

³³ 慙=勤【宋】下同【元】下同【明】下同(大正 08，241d，n.8)。

³⁴ 以上大般若第二會第十品。梵. ity uktam nirvedāṅga catur dvidham.(大正 08，241d，n.9)。

《摩訶般若波羅蜜經》卷 4〈12 句義品〉冠科¹

《摩訶般若波羅蜜經》卷 4（大正 08，241c10-243b8）：

癸二、就稱歎門說般若

子一、歎行法之人

丑一、歎釋菩薩義

寅一、明菩薩句義畢竟無所有²

卯一、須菩提問

爾時，須菩提白佛言：「世尊！云何為菩薩句義？」

卯二、佛答

辰一、略釋

佛告須菩提：「無句義³是菩薩句義。何以故？阿耨多羅三藐三菩提⁴無有義處，亦無我；以是故，無句義是菩薩句義。」

辰二、舉譬廣釋

巳一、七喻譬

須菩提！譬如鳥飛虛空無有跡，菩薩句義無所有亦如是。

須菩提！譬如夢中所見無處所，菩薩句義無所有亦如是。

須菩提！譬如幻無有實義，如焰、如響、如影、如佛所化無有實義，菩薩句義無所有亦如是。

巳二、如等譬

須菩提！譬如如、法性、法相、法位、實際無有義，菩薩句義無所有亦如是。

巳三、幻人譬

須菩提！譬如幻人色無有義，幻人受、想、行、識無有義；菩薩摩訶

¹ 妙境法師，《摩訶般若波羅蜜經》冠科(上冊)，pp.142-151。

² 對照《大智度論》卷 44〈12 句義品〉(大正 25，379b14-381a8)。

³ 句義 Padārtha，句=有【宋】【明】【宮】(大正 08，241d，n.10)。

⁴ 提+(中)【元】(大正 08，241d，n.11)。

薩行般若波羅蜜時⁵，菩薩句義無所有亦如是。

須菩提！如幻人眼無有義乃至意無有義。須菩提！如幻人色無有義乃至法無有義，眼觸因緣生受⁶乃至意觸因緣⁷生受無有義；菩薩摩訶薩行般若波羅蜜時，菩薩句義無所有亦如是。

須菩提！如幻人行內空時⁸無有義，乃至行無法有法空無有義；菩薩摩訶薩行般若波羅蜜時，菩薩句義無所有亦如是。

須菩提！如幻人行四念處乃至十八不共法無有義；菩薩摩訶薩行般若波羅蜜時，菩薩句義無所有亦如是。

已四、佛法譬

須菩提！如多陀阿伽度、阿羅訶、三藐三佛陀色無有義，是色無有故；菩薩摩訶薩行般若波羅蜜時，菩薩句義無所有亦如是。

須菩提！如多陀阿伽度、阿羅訶、三藐三佛陀，受、想、行、識無有義，是識無有故；菩薩摩訶薩行般若波羅蜜時，菩薩句義無所有亦如是。

須菩提！如佛眼無處所乃至意無處所，色乃至法無處所，眼觸乃至意觸因緣生受無處所；菩薩摩訶薩行般若波羅蜜時，菩薩句義無所有亦如是。

須菩提！如佛內空無處所，乃至無法有法空無處所；菩薩摩訶薩行般若波羅蜜時，菩薩句義無所有亦如是。

須菩提！如佛四念處無處所，乃至十八不共法無處所；菩薩摩訶薩行般若波羅蜜時，菩薩句義無所有亦如是。

已五、無為譬

須菩提！如有為性中無無為性義，無為性中無有為性義；菩薩摩訶薩行般若波羅蜜時，菩薩句義無所有亦如是。

已六、無依譬

須菩提！如不生不滅義無處所，菩薩摩訶薩行般若波羅蜜時，菩薩句義無所有亦如是。

⁵〔時〕－【宋】(大正 08, 241d, n.12)。

⁶〔因緣生受〕－【宮】【聖】(大正 08, 241d, n.13)。

⁷〔緣〕－【宋】【元】(大正 08, 241d, n.14)。

⁸〔時〕－【宋】【明】【宮】，時＝空【元】(大正 08, 241d, n.15)。

須菩提！如不作、不出、不得、不垢、不淨無處所，菩薩句義無所有亦如是。」

須菩提白佛言：「何法不生、不滅故無處所？何法不作、不出、不得、不垢、不淨故無處所？」

佛告須菩提；「色不生不滅故無處所，受、想、行、識不生不滅故無處所，乃至不垢不淨亦如是；入、界不生不滅故無處所，乃至不垢不淨亦如是；四念處不生不滅故無處所，乃至不垢不淨亦如是；乃至十八不共法不生不滅故無處所，乃至不垢不淨亦如是。

須菩提！菩薩摩訶薩行般若波羅蜜時，菩薩句義無所有亦如是。

已七、淨義譬

須菩提！如四念處淨義畢竟不可得；須菩提！菩薩摩訶薩行般若波羅蜜時，菩薩句義無所有亦如是。

須菩提！如四正勤，乃至十八不共法淨義畢竟不可得；菩薩摩訶薩行般若波羅蜜時，菩薩句義無所有亦如是。

須菩提！如淨中我不可得，我無所有故；乃至淨中知者、見者不可得，知、見⁹無所有故。須菩提！菩薩摩訶薩行般若波羅蜜時，菩薩句義無所有亦如是。

已八、二事譬

須菩提！譬如日出時無有黑闇；菩薩摩訶薩行般若波羅蜜時，菩薩句義無所有亦如是。

須菩提！譬如劫燒時無一切物；菩薩摩訶薩行般若波羅蜜時，菩薩句義無所有亦如是。

已九、佛德譬

須菩提！佛戒中無破戒。須菩提！菩薩摩訶薩行般若波羅蜜時，菩薩句義無所有亦如是。

須菩提！如佛定中無亂心，佛慧中無愚癡，佛解脫中無不解脫，佛¹⁰

⁹ 知見＝知者見者【宋】【元】【明】【宮】(大正 08, 242d, n.3)。

¹⁰ [佛]－【宋】【元】【明】【宮】(大正 08, 242d, n.4)。

解脫知見中無不解脫知見。須菩提！菩薩摩訶薩行般若波羅蜜時，菩薩句義無所有亦如是。

須菩提！譬如佛光中日月光不現，佛光中四王天¹¹、三十三天、夜摩天、兜率陀天、化樂天、他化自在天、梵眾天乃至阿迦貳¹²吒天光不現。須菩提！菩薩摩訶薩行般若波羅蜜時，菩薩句義無所有亦如是。

巳十、結無相

何以故？是阿耨多羅三藐三菩提、菩薩、菩薩句¹³義，是一切法皆不合、不散，無色、無形、無對，一相，所謂無相。

寅二、明無句義之句義

卯一、舉境智勸學

如是，須菩提！菩薩摩訶薩一切法無闕¹⁴相¹⁵中應當學，亦應當知。」

卯二、釋境智勸學¹⁶

辰一、略明方便慧是菩薩句義

須菩提白佛言：「世尊！何等是一切法？云何一切法中無闕相應學、應知？」

佛告須菩提：「一切法者，善法、不善法，記法、無記法，世間法、出世間法，有漏法、無漏法，有為法、無為法，共法、不共法。須菩提！是名一切法。菩薩摩訶薩，是一切法無闕相中應學、應知。」

辰二、廣明方便慧是菩薩句義

巳一、廣明所學

午一、明善不善法

未一、世間善法

須菩提白佛言：「世尊！何等名世間善法？」

¹¹ 王天=天王【宋】【宮】，=天王天【元】【明】(大正 08，242d，n.5)。

¹² 貳=尼【宋】【元】【明】【宮】(大正 08，242d，n.6)。

¹³ [句]—【宋】【宮】(大正 08，242d，n.7)。

¹⁴ 闕=礙【宋】【元】【明】【宮】【聖】(大正 08，242d，n.8)。

¹⁵ [相]—【宋】【宮】(大正 08，242d，n.9)。

¹⁶ 《大智度論》卷 44 〈12 句義品〉(大正 25，381a9-382b4)。

佛告須菩提：「世間善法者，孝順父母，供養沙門、婆羅門，敬事尊長；布施福處，持戒福處，修禪¹⁷福處，勸導福事¹⁸；方便生福德；世間十善道；九相¹⁹——脹相、血相、壞相、膿爛相、青相、噉相、散相、骨相、燒相；四禪，四無量心，四無色定；念佛、念法、念僧、念戒、念捨、念天、念善、念安般、念身、念死。是名世間善法。」

未二、世間不善法

「何等不善法？」

「奪他命，不與取，邪淫，妄語，兩舌，惡口，非²⁰時語，貪，惱害²¹，邪見——是十不善道等，是名不善法。」

午二、明記無記法

未一、記法

「何等記法？」

「若善法、若不善法，是名記法。」

未二、無記法

「何等無記法？」

「無記身業、口業、意業，無記四大，無記五蔭、十二入、十八界，無記報——是名無記法。」

午三、明世出世法

未一、世間法

「何等名世間法？」

「世間法者，五蔭、十二入、十八界，十善道，四禪、四無量心、四無色定——是名世間法。」

未二、出世間法

申一、問

¹⁷ 禪=定【元】【明】【宮】(大正 08, 242d, n.10)。

¹⁸ 事=處【宋】【宮】(大正 08, 242d, n.11)。

¹⁹ 相=想【宋】*【元】*【明】*(大正 08, 242d, n.12)。

²⁰ 非=不【宮】(大正 08, 242d, n.13)。

²¹ 惱害=瞋【宋】【明】【宮】(大正 08, 242d, n.14)。

「何等名出世間法？」

申一、答

酉一、三十七道品

「四念處、四正勤、四如意足、五根、五力、七覺分、八聖道分。

酉二、三解脫門

空解脫門、無相解脫門、無作解脫門。

酉三、三無漏根

三無漏根：未知欲知根、知根、知己根。

酉四、三三昧

三三昧：有覺有觀三昧、無覺有觀三昧、無覺無觀三昧。

酉五、明、解脫、念、慧、正憶念

明、解脫、念、慧、正憶。

酉六、八背捨

八背捨，何等八？色觀色，是初背捨；內無色相外觀色，是二背捨；淨背捨身作證，是三背捨；過一切色相故，滅有對相故，一切異相不念故，入無邊虛²²空處，是四背捨；過一切無邊虛空處，入一切無邊識處，是五背捨；過一切無邊識處，入無所有處，是六背捨；過一切無所有處，入非有想非無想處，是七背捨；過一切非有想非無想處，入滅受想定，是八背捨。

酉七、九次第定

九次第定，何等九？離欲離惡不善法，有覺有觀，離生喜樂入初禪；滅諸覺觀內清淨故一心，無覺無觀，定生喜樂入第²³二禪；離喜故，行捨，受身樂，聖人能說、能捨，念、行樂，入第三禪；斷苦²⁴樂故，先滅憂喜故，不苦不樂，捨、念淨，入第四禪；過一切色相故，滅有對相故，一切異相不念故，入無邊虛空處；過一切無邊虛空處，入無邊識處；過一切無邊識處，入無所有處；過一切無所有處，入非有想非無想處；

²² [虛] — 【宋】【元】【明】【宮】(大正 08, 243d, n.1)。

²³ [第] — 【宮】(大正 08, 243d, n.2)。

²⁴ 苦=喜【元】【明】(大正 08, 243d, n.3)。

過一切非有想非無想處，入滅受²⁵想定。

酉八、十八空乃至佛德等

復有出世間法：內空乃至無法有法空，佛十力、四無所畏、四無礙智、十八不共法、一切智。是名出世間法。」

午四、明漏無漏法

未一、有漏法

「何等為有漏法？」

「五受蔭、十二入、十八界，六種、六觸、六受，四禪乃至四無色定，是名有漏法。」

未二、無漏法

「何等為無漏法？」

「四念處乃至十八不共法及一切智，是名無漏法。」

午五、明有為無為法

未一、有為法

「何等為有為法？」

「若法生、住、滅，欲界、色界、無色界五蔭乃至意觸²⁶因緣生受，四念處乃至十八不共法，及一切智，是名有為法。」

未二、無為法

「何等為無為法？」

「不生、不住、不滅，若染盡、瞋盡、癡盡，如、不異、法相、法性、法位、實際，是名無為法。」

午六、明共不共法

未一、共法

「何等為共法？」

「四禪、四無量心、四無色定，如是等是名共法。」

²⁵ [受] — 【聖】(大正 08, 243d, n.4)。

²⁶ 觸 = 識【宋】【元】【明】【宮】(大正 08, 243d, n.5)。

未二、不共法

「何等名不共法？」

「四念處乃至十八不共法，是名不共法。」

已二、勸無礙不動

「菩薩摩訶薩於是自相空法中不應著²⁷，不動故；菩薩亦應知一切法不二相，不動故——是名菩薩義²⁸。」

²⁷ 著=諸【宋】，著+(諸)【元】(大正 08，243d，n.6)。

²⁸ 以上。梵. ity uktam Pratipattya'lambanam.(大正 08，243d，n.7)。

《摩訶般若波羅蜜經》卷 4〈13 金剛品〉冠科¹

《摩訶般若波羅蜜經》卷 4（大正 08，243b11-244a17）：

丑二、歎釋摩訶義

寅一、歎志大智深為摩訶薩²

卯一、須菩提問

爾時，須菩提白佛言：「世尊！何以故名為摩訶薩？」

卯二、佛答

辰一、標

佛告須菩提：「是³菩薩於必定眾中為上首，是故名摩訶薩。」

辰二、釋

巳一、須菩提問

須菩提白佛言：「世尊！何等為必定眾，是菩薩摩訶薩而為上首？」

巳二、佛答

午一、列九眾明所超

佛告須菩提：「必定眾者，性地人、八人、須陀洹、斯陀含、阿那含、阿羅漢、辟支佛、初發心菩薩，乃至阿惟越⁴致地菩薩。須菩提！是為必定眾，菩薩為上首。」

午二、舉八心明能超

未一、金剛心

申一、標

菩薩摩訶薩於是中生大心不可壞如金剛，當為必定眾作上首。」

申二、須菩提問

須菩提白佛言：「世尊！何等是菩薩摩訶薩生大心不可壞如金剛？」

¹ 妙境法師，《摩訶般若波羅蜜經》冠科(上冊)，pp.152-156。

² 對照《大智度論》卷 45〈13 摩訶薩品〉(大正 25，382b13-384b9)。

³ [是] — 【宋】【明】【宮】(大正 08，243d，n.10)。

⁴ 惟越=鞞跋【宋】【元】【明】【宮】(大正 08，243d，n.11)。

申三、佛答

酉一、舉十心明菩薩自行化他

戌一、正明

亥一、初五心化他

佛告須菩提：「菩薩摩訶薩應生如是心：『我當於無量生死中大誓莊嚴；我應當捨一切所有；我應當⁵等心於一切眾生；我應當以三乘度脫一切眾生，令入無餘涅槃；我度一切眾生已，無有乃至一人入涅槃者。

亥二、次五心自行

我應當⁶解一切諸法不生相；我應當純以薩婆若心行六波羅蜜；我應當學智慧，了達一切法；我應當了達諸法一相智門；我應當了達乃至無量相智門。』

戌二、結

須菩提！是名菩薩摩訶薩生大心不可壞如金剛。

是菩薩摩訶薩住⁷是心中，於諸必定眾而為上首，是法用無所得故。

酉二、舉代一切眾生受諸勤苦偏明化他

須菩提！菩薩摩訶薩應生如是心：我當代十方一切眾生——若地獄眾生、若畜生眾生、若餓鬼眾生，受苦痛，為一一眾生無量百千億劫代受地獄中苦，乃至是眾生入無餘涅槃。以是法故，為是眾生受諸勤苦；是眾生入無餘涅槃已，然後自種善根，無量百千億阿僧祇劫，當得阿耨多羅三藐三菩提。

須菩提！是為菩薩摩訶薩生大⁸心不可壞如金剛。住是心中，為必定眾作上首。

未二、大快心

復次，須菩提！菩薩摩訶薩生大快心，住是大快心中，為必定眾作上首。」

⁵〔當〕－【宮】*(大正 08, 243d, n.12)。

⁶〔當〕－【宋】【宮】(大正 08, 243d, n.13)。

⁷住=作【宮】(大正 08, 243d, n.14)。

⁸〔生大〕－【聖】，〔生〕－【宮】(大正 08, 243d, n.15)。

須菩提白佛言：「世尊！何等是菩薩摩訶薩大快心？」

佛言：「菩薩摩訶薩從初發意乃至阿耨多羅三藐三菩提，不生染心、瞋恚心⁹、愚癡心，不生慢¹⁰心，不生聲聞、辟支佛心，是名菩薩摩訶薩大快心。住是心中，為必定眾作上首，亦不念有是心。」

未三、不動心

復次，須菩提！菩薩摩訶薩應生不動心！」

須菩提白佛言：「云何名不動心？」

佛言：「常念一切種智心，亦不念有是心，是名菩薩摩訶薩不動心。」

未四、利益安樂心

復次，須菩提。菩薩摩訶薩於一切眾生中，應生利益安樂心。」

「云何名利益安樂心？」

「救濟一切眾生，不捨一切眾生，是事¹¹亦不念有是心，是名菩薩摩訶薩於一切眾生中生利益安樂心。如是，須菩提！是菩薩摩訶薩行般若波羅蜜，於必定眾中為上首。」

未五、欲喜樂法心

復次，須菩提！菩薩摩訶薩應當行¹²欲法、喜法、樂法心。

何等是法？所謂不破諸法實相，是名為法。

何等名欲法、喜法？信法、忍法、受法，是名欲法、喜法。

何等名樂法？常修行是法，是名樂法。

如是，須菩提！菩薩摩訶薩行般若波羅蜜，於必定眾中能為上首，是法¹³用無所得故。

未六、住十八空心

⁹ [心] — 【宋】【明】【宮】(大正 08, 243d, n.16)。

¹⁰ 慢=惱 【元】【宮】【聖】(大正 08, 243d, n.17)。

¹¹ [是事] — 【宋】【宮】(大正 08, 243d, n.18)。

¹² 行=生 【宋】【明】【宮】(大正 08, 244d, n.1)。

¹³ [是法] — 【宮】(大正 08, 244d, n.2)。

復次，須菩提！菩薩摩訶薩行般若波羅蜜時¹⁴，住內空乃至無法有法空，能為必定眾作上首，是法用無所得故。

未七、住萬行心

復次，須菩提！菩薩摩訶薩行般若波羅蜜時，住四念處中乃至住十八不共法中¹⁵，能為必定眾作上首，是法用無所得故。

未八、住諸三昧心

復次，須菩提！菩薩摩訶薩行般若波羅蜜時，住如金剛三昧乃至離著虛空不染三昧中住，於必定眾作上首，是法用無所得故。

辰三、結

如是，須菩提！菩薩摩訶薩住是諸法中，能為必定眾作上首。以是因緣，故名為摩訶薩。」

¹⁴ [時] — 【宋】【元】【明】【宮】(大正 08，244d，n.3)。

¹⁵ [中] — 【宋】【元】【明】【宮】(大正 08，244d，n.4)。

《摩訶般若波羅蜜經》卷 4 〈14 樂說¹品〉冠科²

《摩訶般若波羅蜜經》卷 4 (大正 08, 244a18-c16):

寅二、歎無過不離為摩訶薩

卯一、舍利弗以斷見為摩訶薩³

辰一、求說

爾時，慧命舍利弗白佛言：「世尊！我亦欲說所以為摩訶薩。」

辰二、許說

佛告舍利弗：「便說！」

辰三、正說

巳一、明三見

午一、人見

舍利弗言：「我見、眾生見、壽見、命見，生見、養育⁴見，眾數見、人見，作見、使作見，起見、使起見，受見、使受見，知者見、見者見，

午二、邪見

斷見、常見，有見、無見，

午三、法見

蔭⁵見、人見、界見，諦見、因緣見，四念處見乃至十八不共法見，佛道見，成就眾生見、淨佛國⁶土見，佛見、轉法輪見。

巳二、述所為

為斷如是諸⁷見故而為說法，是名摩訶薩。」

辰四、二人論義

¹ 樂說=斷諸見【宋】【元】【明】【宮】，=斷見【聖】(大正 08, 244d, n.7)。

² 妙境法師，《摩訶般若波羅蜜經》冠科(上冊)，pp.157-160。

³ 對照《大智度論》卷 45 〈14 斷見品〉(大正 25, 384b11-c28)。

⁴ 養育=育養【聖】(大正 08, 244d, n.9)。

⁵ 蔭=陰【宋】【元】【明】【宮】【聖】(大正 08, 244d, n.12)。

⁶ 〔國〕—【宮】(大正 08, 244d, n.10)。

⁷ 〔諸〕—【聖】(大正 08, 244d, n.11)。

須菩提語舍利弗言：「何因緣故色見是妄⁸見？何因緣故，受、想、行、識乃至轉法輪見是名妄⁹見？」

舍利弗語須菩提：「菩薩摩訶薩行般若波羅蜜時¹⁰，無方便故，得¹¹色生見，用有所得故；得¹²受、想、行、識乃至轉法輪生見，用有所得故。

辰五、結

是中¹³菩薩摩訶薩行般若波羅蜜，以方便力斷¹⁴諸見網故¹⁵而為說法，用無所得故。」

卯二、須菩提以三心為摩訶薩¹⁶

辰一、求說

爾時，須菩提白佛言：「世尊！我亦欲說所以為摩訶薩。」

辰二、許說

佛言：「便說！」

辰三、正說

巳一、標

須菩提言：「世尊！是阿耨多羅三藐三菩提心、無等等心，不共聲聞、辟支佛心。

巳二、釋

午一、歎三心是無所得心

何以故？是一切智心無漏不繫故。

午二、亦不著此無所得心

⁸ [妄] — 【宮】(大正 08, 244d, n.12)。

⁹ 妄=為【宋】【元】【明】【宮】(大正 08, 244d, n.13)。

¹⁰ [時] — 【宋】【宮】(大正 08, 244d, n.14)。

¹¹ 得=於【宋】【宮】(大正 08, 244d, n.15)。

¹² 得=於【宋】【宮】(大正 08, 244d, n.15)。

¹³ [是中] — 【宋】【宮】(大正 08, 244d, n.16)。

¹⁴ 斷+(是)【宋】【宮】(大正 08, 244d, n.17)。

¹⁵ 網故=網【元】，=網故【明】(大正 08, 244d, n.18)。

¹⁶ 對照《大智度論》卷 45 〈14 斷見品〉(大正 25, 384c29-385c3)。

是一切智心無漏不繫中亦不著，

已三、結

以是因緣故，名摩訶薩。」

辰四、二人論義

已一、於菩提心、無等等心、不共二乘心無所著

舍利弗語須菩提：「何等為菩薩摩訶薩無等等心，不共聲聞辟支佛心？」

須菩提言：「菩薩摩訶薩從初發意以¹⁷來，終¹⁸不見法有生有滅、有增有減、有垢有淨。舍利弗！若法無生無滅乃至無垢無淨，是中無聲聞心、無辟支佛心、無阿耨多羅三藐三菩提心、無佛心。舍利弗！是名菩薩摩訶薩無等等心、不¹⁹共聲聞辟支佛心。」

已二、一切智心、凡夫心等及五眾等法無漏不繫不著，性空故

午一、五眾乃至十八不共法等亦不著

舍利弗語須菩提：「如須菩提說：『一切智心無漏心不繫心中亦不著。』須菩提！色亦不著，受、想、行、識亦不著，四念處亦不著，乃至十八不共法亦不著，何以但說是心不著？」

須菩提言：「如是！如是！舍利弗！色亦不著，乃至十八不共法亦不著。」

午二、凡夫心、二乘心、諸佛心等亦不著

舍利弗語須菩提：「凡夫²⁰人心亦無漏不繫，性空故；諸聲聞、辟支佛心、諸佛心亦無漏不繫，性空故。」

須菩提言：「如是！舍利弗。」

舍利弗言「須菩提！若²¹色亦無漏不繫，性空故；受、想、行、識亦無漏不繫，性空故；乃至意觸²²因緣生受，亦²³無漏不繫，性空故？」

¹⁷ 以=已【宋】【元】【明】【宮】(大正 08, 244d, n.19)。

¹⁸ [終]—【宋】【元】【明】【宮】【聖】(大正 08, 244d, n.20)。

¹⁹ [不]—【聖】(大正 08, 244d, n.21)。

²⁰ [夫]—【宋】【元】【明】【宮】(大正 08, 244d, n.22)。

²¹ [若]—【宋】【明】【宮】(大正 08, 244d, n.23)。

²² 觸=識【宋】【元】【明】【宮】【聖】(大正 08, 244d, n.24)。

須菩提言：「爾！」

舍利弗言：「四念處亦無漏不繫，性空故；乃至十八不共法亦無漏不繫，性空故。」

須菩提言：「爾！如舍利弗所言：『凡夫人心亦無漏不繫，性空故；乃至十八不共法亦無漏不繫，性空故。』」

午三、諸法空，心無故，不著心；五眾等法無故，不著五眾等法

舍利弗語須菩提：「如須菩提所說『空²⁴，無心故，不著是心。』須菩提！色無故，不著色；受、想、行、識，乃至意觸²⁵因緣生受無故，不著受；四念處無故，不著四念處；乃至十八不共法無故，不著十八不共法。」

須菩提言：「如是！舍利弗！色無故，色中不著²⁶；乃至十八不共法無故，十²⁷八不共法中不著²⁸。」

辰五、結

如是，舍利弗！菩薩摩訶薩行般若波羅蜜時²⁹，以阿耨多羅三藐三菩提心、無等等心，不共聲聞、辟支佛心。不念有是心，亦不著是心，用一切法無所有³⁰故，以是故名摩訶薩。」³¹

²³ [亦] — 【聖】(大正 08, 244d, n.25)。

²⁴ [空] — 【宮】(大正 08, 244d, n.26)。

²⁵ 觸=識【宋】【明】【宮】【聖】(大正 08, 244d, n.27)。

²⁶ 色中不著=不著色【宋】【明】【宮】(大正 08, 244d, n.28)。

²⁷ (不著)+十【宋】【明】【宮】(大正 08, 244d, n.29)。

²⁸ [中不著] — 【宋】【明】【宮】(大正 08, 244d, n.30)。

²⁹ [時] — 【宋】【宮】(大正 08, 244d, n.14)。

³⁰ 有=得【宋】【元】【明】【宮】【聖】(大正 08, 244d, n.31)。

³¹ 以上大般若第二會第十二斷諸見品.梵. ity uktaḥ pratipattyūrdeśaḥ.(大正 08, 244d, n.32)。

《摩訶般若波羅蜜經》卷 4 〈15 辯才¹品〉冠科²

《摩訶般若波羅蜜經》卷 4 (大正 08, 244c17-247a18) :

寅三、歎無境不修為摩訶薩³

卯一、求說

爾時，富樓那彌多羅尼子⁴白佛言：「世尊！我亦樂說所以為摩訶薩。」

卯二、許說

佛言：「便說。」

卯三、正說

辰一、略說

富樓那彌多羅尼子言：「是菩薩大誓⁵莊嚴，是菩薩發趣大乘，是菩薩乘於大乘；以是故，是菩薩名摩訶薩。」⁶

辰二、廣說

巳一、釋大誓莊嚴⁷

午一、舍利弗問

舍利弗語富樓那言：「云何名菩薩摩訶薩大誓莊嚴？」

午二、富樓那答

未一、明菩薩得大莊嚴之名

申一、心無分別普度眾生故名大人

富樓那語舍利弗：「菩薩摩訶薩不分別為⁸爾所人故住檀那⁹波羅蜜，行檀那波羅蜜；為一切眾生故住檀那波羅蜜，行檀那波羅蜜。不為爾所

¹ 辯才 = 富樓那【元】【明】， = 大莊嚴【聖】(大正 08, 244d, n.33)。

² 妙境法師，〈《摩訶般若波羅蜜經》冠科(上冊)〉，pp.161-173。

³ 對照《大智度論》卷 45 〈15 大莊嚴品〉(大正 25, 385c5-389a26)。

⁴ Pūrṇamaitrāy añi putra (大正 08, 244d, n.35)。

⁵ [誓] - 【聖】(大正 08, 244d, n.36)。

⁶ 對照《大智度論》卷 45 〈15 大莊嚴品〉(大正 25, 385c5-9)。

⁷ 對照《大智度論》卷 45 〈15 大莊嚴品〉(大正 25, 385c9-388a9)。

⁸ [為] - 【宮】(大正 08, 244d, n.37)。

⁹ [那] - 【宋】【元】【明】【宮】【聖】(大正 08, 244d, n.38)。

人故，住尸羅¹⁰波羅蜜，行尸羅波羅蜜、羸提波羅蜜、毗梨耶波羅蜜、禪那¹¹波羅蜜、般若波羅蜜；為一切眾生故，住般若波羅蜜，行般若波羅蜜。菩薩摩訶薩大誓莊嚴，不齊限眾生，我當度若干人，不度餘人；不言：『我令若干人至阿耨多羅三藐三菩提，餘人不至。』是菩薩摩訶薩普為一切眾生故，大誓莊嚴。

申二、自具六度亦令他具故名大人

復作是念：『我當自具足檀那波羅蜜，亦令一切眾生行檀那波羅蜜；自具足尸羅波羅蜜、羸提波羅蜜、毗梨耶波羅蜜、禪那波羅蜜；自具足般若波羅蜜，亦令一切眾生行般若波羅蜜。』

申三、一行中具攝一切行故名大人

酉一、檀度攝六

復次，舍利弗！菩薩摩訶薩行檀那波羅蜜時，所有布施應薩婆若心，共一切眾生迴向阿耨多羅三藐三菩提。舍利弗！是名菩薩摩訶薩行檀那波羅蜜時檀那波羅蜜大誓莊嚴。

復次，舍利弗！菩薩摩訶薩行檀那波羅蜜時，應薩婆若心布施，不向聲聞、辟支佛地。舍利弗！是名菩薩摩訶薩行檀那波羅蜜時尸羅波羅蜜大誓莊嚴。

復次，舍利弗！菩薩摩訶薩行檀那波羅蜜時，應薩婆若心布施，是諸施法信忍欲。是名行檀那波羅蜜時羸提波羅蜜大誓莊嚴。

復次，舍利弗！菩薩摩訶薩行檀那波羅蜜時，應薩婆若心布施，勤修不息。是名行檀那波羅蜜時毗梨耶波羅蜜大誓莊嚴。

復次，舍利弗！菩薩摩訶薩行檀那波羅蜜時，應薩婆若心布施，攝心不起聲聞、辟支佛意。是名行檀那¹²波羅蜜時禪那波羅蜜大誓莊嚴。

復次，舍利弗！菩薩摩訶薩行檀那波羅蜜時，應薩婆若心布施，觀諸法如幻，不得施者、不得所施物、不得受者。是名行檀那波羅蜜時般若波羅蜜大誓莊嚴。

¹⁰ [羅] — 【宋】【明】【宮】(大正 08, 245d, n.1)。

¹¹ 禪那 = 禪 【宋】【明】【宮】【聖】(大正 08, 245d, n.2)。

¹² [那] — 【宋】【元】【明】【宮】(大正 08, 245d, n.3)。

如是，舍利弗！菩薩摩訶薩應薩婆若心，不取不得諸波羅蜜相，當知是菩薩摩訶薩大誓莊嚴。

西二、五度攝五

戌一、戒度攝五

復次，舍利弗！菩薩摩訶薩行尸羅波羅蜜時，應薩婆若心布施，共一切眾生迴向阿耨多羅三藐三菩提。是名菩薩摩訶薩行尸羅波羅蜜時檀那波羅蜜。

復次，舍利弗！菩薩摩訶薩行尸羅波羅蜜時，是諸法信忍欲。是名菩薩摩訶薩行尸羅波羅蜜時羸提波羅蜜。

復次，舍利弗！菩薩摩訶薩行尸羅波羅蜜時，勤修不息。是名菩薩摩訶薩行尸羅¹³波羅蜜時毗梨耶波羅蜜。

復次，舍利弗！菩薩摩訶薩行尸羅波羅蜜時，不受聲聞、辟支佛心。是名菩薩摩訶薩行尸羅波羅蜜時禪那波羅蜜。

復次，舍利弗！菩薩摩訶薩行尸羅波羅蜜時，觀一切法如幻，亦不念有是戒，用無所得故。是名菩薩摩訶薩行尸羅波羅蜜時般若波羅蜜。

如是，舍利弗！菩薩摩訶薩行尸羅波羅蜜時，攝諸波羅蜜，以是故名大誓莊嚴。

戌二、忍度攝五

復次，舍利弗！菩薩摩訶薩行羸提波羅蜜時，應薩婆若心布施，共一切眾生迴向阿耨多羅三藐三菩提。是為菩薩摩訶薩行羸提波羅蜜時，檀那波羅蜜。

復次，舍利弗！菩薩摩訶薩行羸提波羅蜜時，不受聲聞、辟支佛心，但受薩婆若心。是名菩薩摩訶薩行羸提波羅蜜時尸羅波羅蜜。

復次，舍利弗！菩薩摩訶薩行羸提波羅蜜時，應薩婆若心，身心精進，不休不息¹⁴。是名菩薩摩訶薩行羸提波羅蜜時毗梨耶波羅蜜。

復次，舍利弗！菩薩摩訶薩行羸提波羅蜜時，攝心一處，雖有苦事，

¹³ [那] — 【宋】【元】【明】【宮】(大正 08, 245d, n.4)。

¹⁴ (不)+息【宋】【元】【明】【宮】【聖】(大正 08, 245d, n.5)。

心不散亂。是名菩薩摩訶薩行羸提波羅蜜時禪那波羅蜜。

復次，舍利弗！菩薩摩訶薩行羸提波羅蜜時，應薩婆若心，觀諸法空，無作¹⁵者、無受者；若有呵罵割截者，心如幻如夢。是名菩薩摩訶薩行羸提波羅蜜時般若波羅蜜。

戌三、勤度攝五

復次，舍利弗！菩薩摩訶薩行毗梨耶波羅蜜時，應薩婆若心布施時，¹⁶不令身心懈怠。是名菩薩摩訶薩行毗梨耶波羅蜜時檀那波羅蜜。

復次，舍利弗！菩薩摩訶薩行毗梨耶波羅蜜時，應薩婆若心，始終具足清淨持戒。是名菩薩摩訶薩行毗梨耶波羅蜜時尸羅波羅蜜。

復次，舍利弗！菩薩摩訶薩行毗梨耶波羅蜜時，應薩婆若心，修行忍辱。是名菩薩摩訶薩行毗梨耶波羅蜜時羸提波羅蜜。

復次，舍利弗！菩薩摩訶薩行毗梨耶波羅蜜時，應薩婆若心，攝心離欲，入諸禪定。是名菩薩摩訶薩行毗梨耶波羅蜜時禪那波羅蜜。

復次，舍利弗！菩薩摩訶薩行毗梨耶波羅蜜時，應薩婆若心，不取一切諸法相，於不取相亦不著。是名菩薩摩訶薩行毗梨耶波羅蜜時，般若波羅蜜

如是，舍利弗！菩薩摩訶薩行毗梨耶波羅蜜時¹⁷，攝諸波羅蜜。

戌四、禪度攝五

復次，舍利弗！菩薩摩訶薩行禪那波羅蜜時，應薩婆若心，定心布施，不令心亂。是名菩薩摩訶薩行禪那波羅蜜時檀那波羅蜜。

復次，舍利弗！菩薩摩訶薩行禪那¹⁸波羅蜜時，應薩婆若心持戒，禪定力故，破戒諸法不令得入。是名菩薩摩訶薩¹⁹行禪那波羅蜜時尸羅波羅蜜。

¹⁵ 作=行【宮】(大正 08, 245d, n.6)。

¹⁶ [時] - 【宋】【明】【宮】(大正 08, 245d, n.7)。

¹⁷ [般若…時] 二十三字 - 【聖】(大正 08, 245d, n.8)。

¹⁸ 禪那=禪【宋】【明】【宮】(大正 08, 246d, n.1)。

¹⁹ [摩訶薩] - 【宋】【元】【明】【宮】(大正 08, 246d, n.2)。

復次，舍利弗！菩薩摩訶薩行禪那波羅蜜時，應薩婆若心，慈悲定故，忍諸惱害。是名菩薩摩訶薩行禪那波羅蜜時羸提波羅蜜。

復次，舍利弗！菩薩摩訶薩行禪那波羅蜜時，應薩婆若心，於禪不味不著，常求增進，從一禪至一禪。是名菩薩摩訶薩行禪那波羅蜜時毗梨耶波羅蜜。

復次，舍利弗！菩薩摩訶薩行禪那波羅蜜時，應薩婆若心，於一切法無所依止，亦不隨禪生。是名菩薩摩訶薩行禪那波羅蜜時般若波羅蜜。

如是，舍利弗！菩薩摩訶薩行禪那波羅蜜時，攝諸波羅蜜。

戊五、慧度攝五

復次，舍利弗！菩薩摩訶薩行般若波羅蜜時，應薩婆若心，布施內外所有，無所愛惜，不見與者、受者及以財物。是名菩薩摩訶薩行般若波羅蜜時檀那波羅蜜。

復次，舍利弗！菩薩摩訶薩行般若波羅蜜時，應薩婆若心，持戒、破戒二事不見故。是名菩薩摩訶薩行般若波羅蜜時尸羅波羅蜜。

復次，舍利弗！菩薩摩訶薩行般若波羅蜜時，應薩婆若心，不見呵者、罵者，打者、殺者，亦不見用是空能忍辱。是名菩薩摩訶薩行般若波羅蜜時，羸提波羅蜜。

復次，舍利弗！菩薩摩訶薩行般若波羅蜜時，應薩婆若心，觀諸法畢竟空，以大悲心故，行諸善法。是名菩薩摩訶薩行般若波羅蜜時毗梨耶波羅蜜。

復次，舍利弗！菩薩摩訶薩行般若波羅蜜時，應薩婆若心，入禪定，觀諸禪離相、空相、無相相、無作相。是名菩薩摩訶薩行般若波羅蜜時，禪那波羅蜜。

如是，舍利弗！菩薩摩訶薩行般若波羅蜜時，攝諸波羅蜜。

舍利弗！如是名為菩薩摩訶薩大誓莊嚴。

未二、明為十方佛所歎

是大誓莊嚴菩薩，十方諸佛歡喜，於大眾中稱名讚歎：某國土某菩薩摩訶薩大誓莊嚴，成就眾生、淨佛國土。」

巳二、釋發趣大乘²⁰

午一、舍利弗問

慧命舍利弗問富樓那彌多羅尼子：「云何菩薩摩訶薩發趣²¹大乘？」

午二、富樓那答

未一、約禪中攝五度明

申一、明迴向佛道為發趣

酉一、入四禪

富樓那語舍利弗：「菩薩摩訶薩行六波羅蜜時²²，離諸欲，離諸²³惡不善法，有覺有觀，離生喜樂入初禪；乃至入第四禪中。

酉二、生四等

以慈廣大，無二、無量、無怨恨²⁴、無惱心行，徧滿一方、二三四方、四維、上下，徧一切世間。悲、喜、捨心，亦如是。

酉三、共眾生迴向佛道

是菩薩入禪時、起時，諸禪、無量心及支²⁵，共一切眾生，迴向薩婆若。是名菩薩摩訶薩禪那波羅蜜發趣大乘。

申二、明攝五度為發趣

是菩薩摩訶薩住禪、無量心，作是念：『我當得一切種智，為斷一切眾生煩惱故，當說法。』是名菩薩摩訶薩行禪那波羅蜜時檀那波羅蜜。

若菩薩摩訶薩應薩婆若心，修初禪，住初禪，二、三、四禪亦如是，不受餘心——所謂聲聞、辟支佛心。是名菩薩摩訶薩行禪那波羅蜜時尸²⁶羅波羅蜜。

若菩薩摩訶薩應薩婆若心入諸禪，作是念：『我為斷一切眾生煩惱故當說法，是諸心欲樂忍。』是名菩薩摩訶薩行禪那波羅蜜時羸提波羅蜜。

²⁰ 對照《大智度論》卷 45 〈15 大莊嚴品〉(大正 25, 388a10-389a26)。

²¹ 趣=起【宮】(大正 08, 246d, n.3)。

²² [時]—【宋】【宮】(大正 08, 246d, n.4)。

²³ [離諸]—【宋】【明】【宮】(大正 08, 246d, n.5)。

²⁴ (無)+恨【元】(大正 08, 246d, n.6)。

²⁵ 支=枝【宋】【元】【明】【宮】【聖】(大正 08, 246d, n.7)。

²⁶ (不着)+尸【聖】(大正 08, 246d, n.8)。

若菩薩摩訶薩應薩婆若心入諸禪，諸善根皆迴向薩婆若，勤修不息。是名菩薩摩訶薩行禪那波羅蜜時毗梨耶波羅蜜。

若菩薩摩訶薩應薩婆若心，入四禪及支，觀無常相、苦相、無我相、空相、無相相、無作相，共一切眾生，迴向薩婆若。是名菩薩摩訶薩行禪那波羅蜜時般若波羅蜜。

舍利弗！是名菩薩摩訶薩發趣大乘。

未二、約禪中四等攝五度明

復次，菩薩摩訶薩發趣大乘²⁷，行慈心，作是念：我當安樂一切眾生；入悲心：我當救濟一切眾生；入喜心：我當度一切眾生；入捨心：我當令一切眾生得諸漏盡。是名菩薩摩訶薩行無量心時檀那波羅蜜。

復次，菩薩摩訶薩是諸禪無量心，不向聲聞、辟支佛地，但迴向薩婆若。是名菩薩摩訶薩行無量心時尸羅波羅蜜。

復次，舍利弗！菩薩摩訶薩行四無量心，不貪聲聞、辟支佛地，但忍樂欲薩婆若。是名菩薩摩訶薩行無量心時羼提波羅蜜。

若菩薩摩訶薩應薩婆若心²⁸，行四無量心，但行清淨行。是名菩薩摩訶薩行無量心時毗梨耶波羅蜜。

復次，菩薩摩訶薩入禪，入無量心時，亦不隨禪、無量心生。是名菩薩摩訶薩行無量心時方便般若波羅蜜。

舍利弗！是名菩薩摩訶薩發趣大乘。

未三、約一切種智心修一切菩提行明

復次，舍利弗！菩薩摩訶薩發趣大乘，一切種修四念處，乃至一切種修八聖道分；一切種修三解脫門，乃至十八不共法。是名菩薩摩訶薩發趣大乘。

未四、約中道正觀行明

申一、十八空慧

復次，舍利弗！菩薩摩訶薩內空中智慧，用無所得故；乃至無法有法

²⁷ [發趣大乘] — 【聖】(大正 08, 246d, n.9)。

²⁸ [心] — 【聖】(大正 08, 246d, n.10)。

空中智慧，用無所得故。是名菩薩摩訶薩發趣大乘。

申二、不亂不定慧

復次，舍利弗！菩薩摩訶薩一切法中不亂不定智慧，是名菩薩摩訶薩發趣大乘。

申三、離二邊慧

復次，舍利弗！菩薩摩訶薩發趣大乘，非常、非無常智慧，非樂、非苦，非實、非虛²⁹，非我、非無我智慧。是名菩薩摩訶薩發趣大乘，用無所得故。

申四、知世界虛妄慧

酉一、不行三世

復次，舍利弗！菩薩摩訶薩智，不行過去世、不行未來世、不行現在世，亦非不知三世。是名菩薩摩訶薩發趣大乘，用無所得故。

酉二、不行三界

復次，菩薩摩訶薩發趣大乘智，不行欲界、不行色界、不行無色界，亦非不知欲界、色界、無色界，用無所得故³⁰。是名菩薩摩訶薩發趣大乘。

申五、非智非不智慧

復次，菩薩摩訶薩發趣大乘智，不行世間法、不行出世間法，不行有為法、不行無為法，不行有漏法、不行無漏法；亦非不知世間法、出世間法，有為、無為法³¹、有漏、無漏法，用無所得故。舍利弗！是名菩薩摩訶薩發趣大乘。」³²

²⁹ 空=虛【宋】【元】【明】【宮】(大正 08, 247d, n.1)。

³⁰ 故+(舍利弗)【宋】【元】【明】【宮】(大正 08, 247d, n.2)。

³¹ [法]—【宋】【元】【明】【宮】【聖】(大正 08, 247d, n.3)。

³² 以上大般若第二會第十三六到彼岸品，梵. *iti Anupalambhayogena prasthānam*. (大正 08, 247d, n.4)。

《摩訶般若波羅蜜經》卷 4〈16 乘乘¹品〉冠科²

《摩訶般若波羅蜜經》卷 4（大正 08，247a19-c5）：

巳三、釋乘於大乘³

午一、舍利弗問

爾時，慧命舍利弗問富樓那：「云何名菩薩摩訶薩乘於大乘？」

午二、富樓那答

未一、明乘乘

申一、明乘乘因

酉一、明乘慧

戌一、依生法二空行六度

富樓那答舍利弗言：「菩薩摩訶薩行般若波羅蜜時⁴，乘檀那波羅蜜，亦不得檀波羅蜜，亦不得菩薩，亦不得受者，是法用無所得故，是名菩薩摩訶薩乘檀那波羅蜜。菩薩摩訶薩行般若波羅蜜時⁵，乘尸羅波羅蜜、羼提波羅蜜、毘梨耶波羅蜜、禪那波羅蜜；乘般若波羅蜜，亦不得般若波羅蜜，亦不得菩薩，是法⁶用無所得故，是為菩薩摩訶薩乘於般若波羅蜜。如是，舍利弗！是為菩薩摩訶薩乘於大乘。

戌二、應薩婆若念修萬行

復次，舍利弗！菩薩摩訶薩摩訶衍，一心應薩婆若，修四念處，法法⁷壞故；乃至一心應薩婆若，修十八不共法，法⁸壞故——是亦不可得。如是，舍利弗！是名菩薩摩訶薩乘於大乘。

戌三、觀世出世法唯假名

¹ 乘乘=乘大乘【宋】【元】【明】【宮】（大正08，247d，n.5）。

² 妙境法師，《摩訶般若波羅蜜經》冠科（上冊），pp.174-176。

³ 對照《大智度論》卷 46〈16 乘乘品〉（大正 25，389b6-390a23）。

⁴〔時〕—【宋】【元】【明】【宮】（大正 08，247d，n.6）。

⁵〔時〕—【宋】【明】【宮】（大正 08，247d，n.7）。

⁶〔是法〕—【聖】（大正 08，247d，n.8）。

⁷〔法〕—【宋】【明】【宮】【聖】（大正 08，247d，n.9）。

⁸〔法〕—【聖】（大正 08，247d，n.10）。

亥一、我不可得

復次，舍利弗！菩薩摩訶薩作是念：『菩薩但有名字，眾生不可得故。』是名菩薩摩訶薩乘於大乘。

亥二、法不可得

復次，舍利弗！若⁹菩薩摩訶薩作是念：『色但有名字，色不可得故；受、想、行、識但有名字，識不可得故。眼但有名字，眼不可得故；乃至意亦如是。

四念處但有名字，四念處不可得故；乃至八聖道分但有名字，八聖道分不可得故。

內空但有名字，內空不可得故；乃至無法有法空但有名字，無法有法空不可得故；乃至十八不共法但有名字，十八不共法不可得故。

諸法如但有名字，如不可得故；法相、法性、法位、實際，但有名字，實際不可得故。阿耨多羅三藐三菩提及佛但有名字，佛不可得故。』

如是，舍利弗！是名菩薩摩訶薩乘於大乘。

酉二、明乘德

復次，舍利弗！若¹⁰菩薩摩訶薩從初發意以¹¹來，具足菩薩神通，成就眾生，從一佛國至一佛國，恭敬、供養、尊重、讚歎諸佛，從諸佛聽受法教，所謂菩薩大乘。是菩薩乘是¹²大乘，從一佛國至一佛國，淨佛國土、成就眾生，初無佛國想、亦無眾生想。此人住不二法¹³中，為眾生受身，隨其所應，自變其形而教化之；乃至一切智，終不離菩薩乘。

申二、明乘乘果

是名¹⁴菩薩乘是乘¹⁵得一切種智已，轉法輪，聲聞、辟支佛及天、龍、鬼神、阿修羅、世間人民所不能轉。

⁹〔若〕－【宋】【元】【明】【宮】（大正 08，247d，n.11）。

¹⁰〔若〕－【宋】【明】【宮】（大正 08，247d，n.12）。

¹¹以＝已【宋】【元】【明】【宮】（大正 08，247d，n.13）。

¹²是＝此【宋】【元】【明】【宮】（大正 08，247d，n.14）。

¹³法＝地【宮】（大正 08，247d，n.15）。

¹⁴〔名〕－【元】【宮】（大正 08，247d，n.16）。

¹⁵〔乘是乘〕－【宮】【聖】（大正 08，247d，n.17）。

未二、十方佛歎

爾時，十方如恒河沙等諸佛皆歡喜稱名讚歎，作是言：『某方某國某菩薩摩訶薩乘於大乘，得一切種智，轉法輪！』

未三、總結

舍利弗！是名菩薩摩訶薩乘於大乘。」¹⁶

¹⁶ 以上大般若第二會第十四品。梵. *ityuktā' prosthāna pratipattiḥ*. (大正 08, 247d, n.18)。

《摩訶般若波羅蜜經》卷 5 〈17 莊嚴¹品〉冠科²

《摩訶般若波羅蜜經》卷 5 (大正 08, 247c11-249c28):

子二、歎所行之法

丑一、騰富樓那初句取定於佛釋時眾疑

寅一、正陳初句³

卯一、騰問

爾時，須菩提白佛言：「世尊！菩薩摩訶薩大莊嚴。何等是大莊嚴？何等菩薩能大莊嚴？」

卯二、佛答

辰一、答法明莊嚴因及自行

佛語須菩提：「菩薩摩訶薩摩訶衍大莊嚴，所謂檀那⁴波羅蜜乃至般若波羅蜜莊嚴；四念處莊嚴，乃至八聖道分；內空莊嚴，乃至無法有法空；十力乃至十八不共法，及一切種智莊嚴。

辰二、答人明莊嚴果及益物

巳一、明果莊嚴

午一、明化佛身現通不明說法

變身如佛莊嚴，光明遍照三千大千國土，亦照東方如恒河沙等國土；南西北方、四維、上下，亦復如是。三千大千國土六種震動，亦動東方如恒河沙等諸國土，南西北方、四維、上下，亦復如是。

午二、明輪王身亦現通具行財法

未一、住檀具行財法

申一、法

是菩薩摩訶薩住檀那波羅蜜摩訶衍大莊嚴，是三千大千國土，變為琉

¹ 莊嚴 Sannāha，莊嚴=(摩訶般若波羅蜜經無縛脫)十一字【聖】(大正 08, 247d, n.20)。

² 妙境法師，《摩訶般若波羅蜜經》冠科(上冊)，pp.177-189。

³ 對照《大智度論》卷 46 〈17 無縛無脫品〉(大正 25, 390a25-391c13)。

⁴ [那] - 【聖】(大正 08, 247d, n.21)。

璃；化作轉輪聖王，須食與食，須飲與飲，衣服、臥具、花香、瓔珞、搗香、澤香、房舍、燈燭、醫藥，種種所須，盡給與之；與已，而為說法——所謂應六波羅蜜。眾生聞是法者，終不離六波羅蜜，乃至阿耨多羅三藐三菩提。如是，須菩提！是名菩薩摩訶薩摩訶衍大莊嚴。

申二、譬

須菩提！譬如工幻師、若幻師弟子，於四衢道中，化作大眾於前，須食與食、須飲與飲，乃至種種所須盡給與之。

於須菩提意云何？是幻師實有眾生有所與不？」

須菩提言：「不也，世尊！」

申三、合

「須菩提！菩薩摩訶薩亦如是，化作轉輪聖王，種種具足，須食與食、須飲與飲，乃至種種所須盡給與之；雖有所施，實無所與。

申四、釋

何以故？須菩提！諸法相如幻故。

未二、住尸羅但明法施

申一、法

復次，須菩提！菩薩摩訶薩住尸羅波羅蜜，現生轉輪聖王家，以十善道教化眾生，有以四禪、四無量心、四無色定、四念處乃至十八不共法教化眾生；眾生⁵聞是法者，至阿耨多羅三藐三菩提，終不離是法。

申二、譬

譬如幻師、若幻師弟子，於四衢道中，化作大眾，以十善道教化令行，又以四禪、四無量心、四無色定、四念處乃至十八不共法，教化令行。

須菩提！於汝意云何？是幻師，實有眾生，教令行十善道乃至行十八不共法不？」

須菩提言：「不也，世尊！」

申三、合

「須菩提！菩薩摩訶薩亦如是，以十善道教化眾生令行，乃至十八不

⁵〔眾生〕－【宋】【元】【明】【宮】（大正 08，248d，n.1）。

共法；實無眾生行十善道乃至十八不共法。

申四、釋

何以故？諸法相如幻故。

須菩提！是名菩薩摩訶薩大莊嚴。

午三、住四波羅蜜但明說法不明現身

未一、約忍度明

復次，須菩提！菩薩摩訶薩住羸提波羅蜜，教化⁶眾生令⁷行羸提波羅蜜。

須菩提！云何菩薩摩訶薩住羸提波羅蜜，教化眾生令⁸行羸提波羅蜜？

須⁹菩提！菩薩摩訶薩從初發心已來，如是大莊嚴——若一切眾生罵詈、刀杖傷害，菩薩摩訶薩於此中不起一念，亦教一切眾生行此忍辱。

譬若¹⁰幻師、若幻師弟子，於四衢道中，化作大眾，令行忍辱；餘如上說。

須菩提！是名菩薩摩訶薩大莊嚴。

未二、約勤度明

復次，須菩提！菩薩摩訶薩住毘梨耶波羅蜜，教一切眾生令行毘梨耶波羅蜜。

須菩提！云何菩薩摩訶薩住毘梨耶波羅蜜，教一切眾生令行毘梨耶波羅蜜？

須菩提！菩薩摩訶薩應薩婆若心，身心精進，教化眾生。

譬如幻師、若幻師弟子，於四衢道中，化作大眾，教令行身心精進；餘如上說。是名菩薩摩訶薩大莊嚴。

⁶〔化〕－【宋】【元】【明】【宮】【聖】(大正 08，248d，n.2)。

⁷令行羸提波羅蜜＝忍辱【聖】(大正 08，248d，n.3)。

⁸令行羸提波羅蜜＝著忍辱【聖】(大正 08，248d，n.4)。

⁹(中)＋須【聖】(大正 08，248d，n.5)。

¹⁰若＝如【宋】【元】【明】【宮】(大正 08，248d，n.6)。

未三、約禪度明

復次，須菩提！菩薩摩訶薩住禪那波羅蜜，教一切眾生令行禪那波羅蜜。

須菩提！云何菩薩摩訶薩住禪那波羅蜜，教一切眾生令行禪那波羅蜜？

須菩提！菩薩摩訶薩住諸法等中，不見法若亂若定。

如是，須菩提！菩薩摩訶薩住禪那波羅蜜，教一切眾生令行禪那波羅蜜，乃至阿耨多羅三藐三菩提，終不離禪那波羅蜜。

譬如工幻師、若幻師弟子，於四衢道中，化作大眾，教令行禪那波羅蜜；餘如上說。

須菩提！是名菩薩摩訶薩大莊嚴。

未四、約般若明

復次，須菩提！菩薩摩訶薩住般若波羅蜜，教一切眾生令行般若波羅蜜。

須菩提！云何菩薩摩訶薩住般若波羅蜜，教一切眾生令行般若波羅蜜？

須菩提！菩薩摩訶薩行般若波羅蜜時，無有法得此岸、彼岸。如是菩薩摩訶薩住般若波羅蜜中，教一切眾生令行般若波羅蜜。

譬如工幻師、若幻師弟子，於四衢道中，化作大眾，教令行般若波羅蜜。

須菩提！是名菩薩摩訶薩大莊嚴。

午四、住方便智二波羅蜜現一切身說一切法

復次，須菩提！菩薩摩訶薩大莊嚴，十方如恒河沙等國土中眾生，隨其所應，自變其身住檀那波羅蜜乃至般若波羅蜜，亦教眾生令行檀那波羅蜜乃至般若波羅蜜。是眾生行是法乃至阿耨多羅三藐三菩提，終不離是法。

須菩提！譬如工幻師、若幻師弟子，於四衢道中，化作眾生¹¹，教令行六波羅蜜；餘如上說。

如是，須菩提！是名菩薩摩訶薩大莊嚴。

巳二、明誓願無邊為大莊嚴

復次，須菩提！菩薩摩訶薩大莊嚴，應薩婆若心，不生是念：『我教若干人住檀那波羅蜜，不教若干人住檀那波羅蜜。乃至般若波羅蜜亦如是。』

不生是念：『我教若干人住四念處，不教若干人住四念處。乃至十八不共法亦如是。』亦不生是念：『我教若干人令得須陀洹果、斯陀含果、阿那含果、阿羅漢果、辟支佛道、一切種智，亦不教若干人令得須陀洹果乃至一切種智。』

我當令無量無邊阿僧祇眾生住檀那波羅蜜乃至般若波羅蜜，立眾生於四念處乃至十八不共法，令無量無邊阿僧祇眾生得須陀洹果乃至一切種智。

譬如工幻師、若幻師弟子，於四衢道中，化作大眾，教令行六波羅蜜，乃至得一切種智。餘如上說。

須菩提！是名菩薩摩訶薩大莊嚴。」

寅二、須菩提自陳所解成莊嚴義佛述成¹²

卯一、自陳所悟

辰一、標無莊嚴為莊嚴

爾時，須菩提白佛言：「世尊！如我從佛所聞義，菩薩摩訶薩無大莊嚴為大莊嚴，

辰二、舉自相空釋

巳一、明法空

午一、世間法空

諸法自相空故。所謂色、色相空，受……想……行……，識、識相空；

¹¹ 眾生 = 大乘【宋】【元】【明】【宮】(大正 08, 248d, n.7)。

¹² 對照《大智度論》卷 46〈17 無縛無脫品〉(大正 25, 391c14-393a29)。

眼、眼相空，乃至意、意相空；色、色相空，乃至法、法相空；眼識、眼識相空，乃至意識、意識相空；眼觸、眼觸相空，乃至意觸、意觸相空；眼觸因緣生受、受相空，乃至意觸因緣生受、受相空。

午二、出世法空

未一、六度相空

世尊！檀那波羅蜜、檀那波羅蜜相空，乃至般若波羅蜜、般若波羅蜜相空。

未二、十八空相空

內空、內空相空，乃至無法有法空、無法有法空相空。

未三、道品乃至佛德相空

四念處、四念處相空，乃至十八不共法、十八不共法相空。

巳二、明生空

菩薩、菩薩相空。

辰三、結

世尊！以是因緣故，當知菩薩摩訶薩無大莊嚴為大莊嚴。」

卯二、佛述成

辰一、舉生法二空述

佛告須菩提：「如是！如是！如汝所言。須菩提！薩婆若非作法，眾生亦非作法，菩薩為是眾生大莊嚴。」

辰二、釋

巳一、須菩提問

須菩提白佛言：「世尊！何因緣故，薩婆若非作法，是眾生亦非作法，菩薩為是眾生大莊嚴？」

巳二、佛答

午一、正明二空答無作

未一、標二空

佛語須菩提：「作者不可得故，薩婆若非作非起法，是諸眾生亦非作非起法。」

未二、釋法空

何以故？須菩提！色非作非不作，受、想、行、識非作非不作；眼非作非不作，乃至意非作非不作；色乃至法，眼識乃至意識，眼觸乃至意觸，眼觸因緣生受乃至意觸因緣生受，非作非不作。

未三、釋生空

須菩提！我非作非不作，乃至知者¹³、見者非作非不作。何以故？是諸法畢竟不可得故。

午二、舉夢幻等喻

須菩提！夢非作非不作。何以故？畢竟不可得故；幻、響、影、焰、化非作非不作。何以故？畢竟不可得故。

午三、舉十八空

須菩提！內空非作非不作，畢竟不可得故；乃至無法有法空非作非不作，畢竟不可得故。

午四、舉道品乃至佛德

須菩提！四念處非作非不作，畢竟不可得故；乃至十八不共法非作非不作。何以故？是法皆畢竟不可得故。

午五、舉如法性法相平等

須菩提！諸法如、法相、法性、法住、法位、實際，非作非不作，畢竟不可得故。

午六、舉佛菩薩真實智慧

須菩提！菩薩非作非不作，畢竟不可得故；薩婆若及一切種智，非作非不作，畢竟不可得故。

辰三、結

以是因緣故，須菩提！薩婆若非作非起法，是眾生亦非作非起法，菩薩為是眾生大莊嚴。」

卯三、須菩提重陳除眾疑得利

辰一、明萬法無縛脫

¹³ [者] — 【宋】【明】【宮】(大正 08, 249d, n.1)。

巳一、約世間法明

午一、五陰無縛脫

未一、略說

爾時，須菩提白佛言：「如我觀佛所說義，世尊¹⁴！色無縛無脫，受、想、行、識無縛無脫。」

爾時，富樓那彌多羅尼子語須菩提：「色是無縛無脫？受、想、行、識是無縛無脫？」

須菩提言：「如是！如是！色是無¹⁵縛無脫，受、想、行、識是無縛無脫。」

未二、廣釋

申一、約夢幻等喻

富樓那問須菩提：「何等色無縛無脫？何等受、想、行、識無縛無脫？」

須菩提言：「如夢色無縛無脫，如夢受、想、行、識無縛無脫，如響¹⁶、如影、如幻、如焰、如化色受想行識無縛無脫。」

申二、約三世

富樓那！彌多羅尼子¹⁷！過去色無縛無脫，過去受、想、行、識無縛無脫；未來色無縛無脫，未來受、想、行、識無縛無脫；現在色無縛無脫，現在受、想、行、識無縛無脫。

何以故無縛無脫？是色無所有故，無縛無脫；受、想、行、識無所有故，無縛無脫。離故、寂滅故、不生故，無縛無脫。

申三、約三性

富樓那！善色、受、想、行、識亦無縛無脫；不善色、受、想、行、識無縛無脫；無記色無縛無脫、無記¹⁸受、想、行、識無縛無脫。

申四、約真俗

¹⁴ [世尊] — 【宋】【明】【宮】(大正 08, 249d, n.2)。

¹⁵ 是無=無【宋】【宮】，=無是【元】(大正 08, 249d, n.3)。

¹⁶ 響=響【宋】【元】【明】【宮】(大正 08, 249d, n.4)。

¹⁷ [彌多羅尼子] — 【宋】【元】【明】【宮】(大正 08, 249d, n.5)。

¹⁸ [無縛…記] 六字 — 【宋】【明】【宮】【聖】(大正 08, 249d, n.6)。

世間、出世間、有漏、無漏色無縛無脫，受、想、行、識亦無縛無脫。何以故？無所有故、離故、寂滅故、不生故，無縛無脫。

午二、一切法無縛脫

富樓那！一切法亦無縛無脫，無所有故、離故、寂滅故、不生故，無縛無脫¹⁹。

巳二、約出世法明

午一、正明

未一、六度無縛脫

富樓那！檀那波羅蜜無縛無脫，尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜無縛無脫；無所有故、離故、寂滅²⁰、不生故，無縛無脫。

未二、十八空無縛脫

富樓那！內空亦無縛無脫，乃至無法有法空亦無縛無脫。

未三、念處及萬行無縛脫

四念處無縛無脫，乃至十八不共法無縛無脫；無所有故、離故、寂滅、不生故，無縛無脫。

未四、果德無縛脫

阿耨多羅三藐三菩提無縛無脫，一切智、一切種智無縛無脫。

未五、果人無縛脫

菩薩無縛無脫，佛亦無縛無脫；無所有故、離故、寂滅故、不生故，無縛無脫。

未六、諸法如等無縛脫

富樓那！諸法如、法相、法性、法住、法位、實際、無為法無縛無脫，無所有故、離故、寂滅故、不生故，無縛無脫。

午二、結

富樓那！是名菩薩摩訶薩無縛無脫檀那波羅蜜乃至般若波羅蜜，四念

¹⁹ [無縛無脫] — 【聖】(大正 08, 249d, n.7)。

²⁰ 滅+(故)【宋】【元】【明】【宮】(大正 08, 249d, n.8)。

處乃至一切種智無縛無脫。

辰二、明無縛脫故得利益

是菩薩摩訶薩住無縛無脫檀那波羅蜜中，乃至住無縛無脫般若波羅蜜²¹；住無縛無脫四念處，乃至住無縛無脫一切種智；無縛無脫成就眾生，無縛無脫淨佛國土；無縛無脫諸佛當供養，無縛無脫當聽法；無縛無脫諸佛終不離，無縛無脫諸神通終不離，無縛無脫五眼終不離；無縛無脫陀羅尼門終不離，無縛無脫諸三昧門²²終不離；無縛無脫當生道種²³智，無縛無脫當得一切種智；無縛無脫法輪轉，無縛無脫眾生安立三乘。

如是，富樓那！菩薩摩訶薩行無縛無脫六波羅蜜，當知一切法無縛無脫，無所有故、離故、寂滅故、不生故。

辰三、結

富樓那！是名菩薩摩訶薩無縛無脫大莊嚴。²⁴」

²¹ 蜜+(中)【宋】【元】【明】【宮】(大正 08, 249d, n.9)。

²² [門]—【宋】【元】【明】【宮】(大正 08, 249d, n.10)。

²³ 種=慧【宮】(大正 08, 249d, n.11)。

²⁴ 摩訶般若波羅蜜經卷第六終【聖】，以上大般若第二會第十五無縛解品終。梵. *iti yuganaddha mārgya sambhārah.*(大正 08, 249d, n.12)。

《摩訶般若波羅蜜經》卷 5 〈18 問乘¹品〉冠科²

《摩訶般若波羅蜜經》卷 5 (大正 08, 249c29-253b16) :

丑二、牒後二句取定於佛釋時眾疑³

寅一、須菩提問乘

爾時，須菩提白佛言：「世尊！何等是菩薩摩訶薩摩訶衍？云何當知菩薩摩訶薩發趣大乘？是乘發何處？是乘至何處？當住何處？誰當乘是乘出者⁴？」

寅二、佛答釋乘

卯一、答所學法

辰一、答乘體問

巳一、略舉六度為乘體

午一、牒問列名

佛告須菩提：「汝問：『何等是菩薩⁵摩訶衍？』須菩提！六波羅蜜是菩薩摩訶薩摩訶衍。何等六？檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜。」

午二、別釋其義

未一、檀度

「云何名檀那波羅蜜？」

「須菩提！菩薩摩訶薩以應薩婆若心，內、外所有布施，共⁶一切眾生⁷，迴向阿耨多羅三藐三菩提，用無所得故。須菩提！是名菩薩摩訶薩檀那波羅蜜。」

¹ 問乘=摩訶衍【聖】(大正 08, 249d, n.14)。

² 妙境法師，《摩訶般若波羅蜜經》冠科(上冊)，pp.190-209。

³ 對照《大智度論》卷 46 〈18 摩訶衍品〉(大正 25, 393b2-396b17)。

⁴ [誰當…者] 七字—【聖】(大正 08, 250d, n.2)。

⁵ 薩+(摩訶薩)【宋】【元】【明】【宮】【聖】(大正 08, 250d, n.3)。

⁶ 共=與【宋】【元】【明】【宮】(大正 08, 250d, n.4)。

⁷ 生+(共之)【宋】【元】【明】【宮】(大正 08, 250d, n.5)。

未二、戒度

「云何名⁸尸羅波羅蜜？」

「須菩提！菩薩摩訶薩以應薩婆若心，自行十善道，亦教他行十善道，以無所得故。是名菩薩摩訶薩尸⁹羅波羅蜜。」

未三、忍度

「云何名羸提波羅蜜？」

「須菩提！菩薩摩訶薩以應薩婆若心，自具足忍辱，亦教他行忍辱，以無所得故。是名菩薩摩訶薩羸提波羅蜜。」

未四、勤度

「云何名毘梨耶波羅蜜？」

「須菩提！菩薩摩訶薩以應薩婆若心，行五波羅蜜¹⁰，懃修不息，亦安立一切眾生於五波羅蜜，以無所得故。是名菩薩摩訶薩毘梨耶波羅蜜。」

未五、禪度

「云何名禪那波羅蜜？」

「須菩提！菩薩摩訶薩以應薩婆若心，自以方便入諸禪，不隨禪生，亦教他令入諸禪，以無所得故。是名菩薩摩訶薩禪那波羅蜜。」

未六、慧度

「云何名般若波羅蜜？」

「須菩提！菩薩摩訶薩以應薩婆若心，不著一切法，亦觀一切法性，以無所得故；亦教他不著一切法，亦¹¹觀一切法性，以無所得故。是名菩薩摩訶薩般若波羅蜜。」

午三、結

須菩提！是為菩薩摩訶薩摩訶衍。」

巳二、廣明禪智萬行為乘義

⁸ [名] — 【聖】(大正 08, 250d, n.6)。

⁹ (不着)+尸【聖】(大正 08, 250d, n.7)。

¹⁰ [蜜] — 【宮】(大正 08, 250d, n.8)。

¹¹ [亦] — 【宋】【元】【明】【宮】【聖】(大正 08, 250d, n.9)。

午一、約禪智明

未一、以十八空釋般若

申一、廣明十八空

酉一、標列

「復次，須菩提！菩薩摩訶薩復有摩訶衍，所謂內空、外空、內外空、空空、大空、第一義空、有為空、無為空、畢竟空、無始空、散空、性空、自相空、諸法空、不可得空、無法空、有法空、無法有法空。」

酉二、別釋

戌一、內空

須菩提白佛言：「何等為內空？」

佛言：「內法名眼、耳、鼻、舌、身、意。眼、眼空，非常非滅故。何以故？性自爾。耳、耳空，鼻、鼻空，舌、舌空，身、身空，意、意空，非常非滅故。何以故？性自爾。是名內空。」

戌二、外空

「何等為外空？」

「外法名色、聲、香、味、觸、法。色、色空，非常非滅故。何以故？性自爾。聲、聲空，香、香空，味、味空、觸、觸空，法、法空，非常非滅故。何以故？性自爾。是名外空。」

戌三、內外空

「何等為內外空？」

「內、外法名內六入、外六入。內法、內法空，非常非滅故。何以故？性自爾。外法、外法空，非常非滅故。何以故？性自爾。是名內外空。」

戌四、空空

「何等為空空？」

「一切法空，是空¹²亦空，非常非滅故。何以故？性自爾。是名空空。」

戌五、大空

「何等為大空？」

¹² 空=法【宋】【宮】(大正 08, 250d, n.10)。

「東方、東方相¹³空，非常非滅故。何以故？性自爾。南西北方、四維、上下，南西北方、四維、上下空，非常非滅故。何以故？性自爾。是名大空。」

戌六、第一義空

「何等為第一義空？」

「第一義名涅槃。涅槃、涅槃空，非常非滅故。何以故？性自爾。是名第一義空。」

戌七、有為空

「何等為有為空？」

「有為法名欲界、色界、無色界。欲界、欲界空，色界、色界空，無色界、無色界空，非常非滅故。何以故？性自爾。是名有為空。」

戌八、無為空

「何等為無為空？」

「無為法名若¹⁴無生相、無住相、無滅相。無為法、無為法空，非常非滅故。何以故？性自爾。是為無為空。」

戌九、畢竟空

「何等為畢竟空？」

「畢竟名諸法畢¹⁵竟不可得，非常非滅故。何以故？性自爾。是名畢竟空。」

戌十、無始空

「何等為無始空？」

「若法初來處不可得，非常非滅故。何以故？性自爾。是名無始空。」

戌十一、散空

「何等為散空？」

¹³ 相=空【元】，〔相〕－【聖】(大正 08，250d，n.11)。

¹⁴ 若=為【元】【明】(大正 08，250d，n.12)。

¹⁵ 畢=至【宋】【元】【明】【宮】(大正 08，250d，n.13)。

「散名諸法無滅，非常非滅故。何以故？性自爾。是為散空。」

戌十二、性空

「何等為性空？」

「一切法性——若有為法性，若無為法性，是性非聲聞、辟支佛所作，非佛所作，亦非餘人所作。是性、性空，非常非滅故。何以故？性自爾。是名性空。」

戌十三、自相空

「何等為自相空？」

「自相名色——壞相，受——受相，想——取相，行——作相，識——識相；如是等有為、無為法各各自相空，非常非滅故。何以故？性自爾。是名自相空。」

戌十四、諸法空

「何等為諸法空？」

「諸法名色、受、想、行、識，眼、耳、鼻、舌、身、意，色、聲、香、味、觸、法，眼界、色界、眼識界，乃至意界、法界、意識界。是諸法、諸法空，非常非滅故。何以故？性自爾。是為諸法空。」

戌十五、不可得空

「何等為不可得空？」

「求諸法不可得。是不可得空，非常非滅故。何以故？性自爾。是名不可得空。」

戌十六、無法空

「何等為無法空？」

「若法無，是亦空，非常非滅故。何以故？性自爾。是名無法空。」

戌十七、有法空

「何等為有法空？」

「有法名諸法和合中有自性相。是有法空，非常非滅故。何以故？性自爾。是名有法空。」

戌十八、無法有法空

「何等為無法有法空？」

「諸法中無法，諸法和合中有自性相。是無法有法空，非常非滅故。何以故？性自爾。是名無法有法空。」

申二、略明四空

酉一、標列

「復次，須菩提！法法相空，無法無法相空，自法自法相空，他法他法相空。」

酉二、別釋

戌一、法法相空

「何等名法法相空？」

「法名五蔭¹⁶，五蔭空，是名法法相空。」

戌二、無法無法相空

「何等名¹⁷無法無法相空？」

「無法名無為法，是名無法無法空。」

戌三、自法自法空

「何等名自法自法空？」

「諸法自法空，是空非知作、非見作，是名自法自法空。」

戌四、他法他法空

「何等名他法他法空？」

「若佛出、若佛未出，法住、法相、法位、法性、如、實際；過此諸法空，是名他法他法空。」

申三、結

是名菩薩摩訶薩摩訶衍。」

未二、以百八三昧釋禪度¹⁸

¹⁶ 蔭=陰【宋】【元】【明】【宮】(大正 08, 251d, n.1)。

¹⁷ [名] - 【宋】【元】【明】【宮】(大正 08, 251d, n.2)。

申一、標列

「復次，須菩提！菩薩摩訶薩摩訶衍，所謂名首楞嚴三昧、寶印三昧、師子遊戲三昧、妙月三昧、月幢相三昧、出諸法三昧¹⁹、觀頂²⁰三昧、畢²¹法性三昧、畢幢相三昧、金剛三昧、入法印三昧、三昧王安立三昧、放光三昧、力進三昧、高出三昧、必入辯才三昧、釋²²名字三昧、觀方三昧、陀羅尼印三昧、無誑三昧、攝諸法海三昧、遍覆虛空三昧、金剛輪三昧、寶斷三昧、能照三昧、不求三昧、無住三昧、無心三昧、淨燈三昧、無邊明三昧、能作明三昧、普照明三昧、堅淨諸三昧三昧²³、無垢明三昧、歡喜三昧、電光三昧、無盡三昧、威德三昧、離盡三昧、不動三昧、不退三昧、日燈三昧、月淨三昧、淨明三昧、能作明三昧、作行三昧、知相三昧、如金剛三昧、心住三昧、普明三昧、安立三昧、寶聚三昧、妙法印三昧、法等三昧、斷喜三昧、到法頂三昧、能散三昧、分別諸法句三昧、字等相三昧、離字三昧、斷緣三昧、不壞三昧、無種²⁴相三昧、無處行三昧、離蒙²⁵昧三昧、無去三昧、不變異三昧、度緣三昧、集諸功德三昧、住無心三昧、淨妙華三昧、覺意三昧、無量辯三昧、無等等三昧、度諸法三昧、分別諸法三昧、散疑三昧、無²⁶處三昧、一莊嚴三昧、生行三昧、一行三昧、不一行三昧、妙行三昧、達一切有底散三昧、人名語三昧、離音聲字語三昧、然炬三昧、淨相三昧、破相三昧、一切種妙足三昧、不喜苦樂三昧、無盡相三昧、陀²⁷羅尼三昧、攝諸邪正相三昧、滅憎²⁸愛三昧、逆順三昧、淨光三昧、堅固三昧、滿月淨光三昧、大莊嚴三昧、能照一切世²⁹三昧、三昧等三昧、攝一切有

¹⁸ 對照《大智度論》卷 47 〈18 摩訶衍品〉(大正 25, 396b26-402c9)。

¹⁹ 昧+(三昧)【宋】【元】【明】【宮】(大正 08, 251d, n.3)。

²⁰ 頂=順【聖】(大正 08, 251d, n.4)。

²¹ 畢=異【明】(大正 08, 251d, n.5)。

²² 釋=入【聖】(大正 08, 251d, n.6)。

²³ [三昧]—【宮】(大正 08, 251d, n.7)。

²⁴ 種=幢【聖】(大正 08, 251d, n.8)。

²⁵ 蒙=蒙【宋】【元】【明】【宮】(大正 08, 251d, n.9)。

²⁶ 無+(住)【宋】【元】【明】【宮】【聖】(大正 08, 251d, n.10)。

²⁷ (多)+陀【宋】【元】【明】【宮】(大正 08, 251d, n.11)。

²⁸ 憎=增【明】(大正 08, 251d, n.12)。

²⁹ [世]—【宮】(大正 08, 251d, n.13)。

諍無諍三昧、不樂一切住處三昧、如住定三昧、壞身衰三昧、壞語如虛空三昧、離著虛空不染三昧。

申二、別釋

- (1) 云何名首楞嚴三昧？知諸三昧行處，是名首楞嚴三昧。
- (2) 云何名寶印三昧？住是三昧，能印諸三昧，是名寶印三昧。
- (3) 云何名師子遊戲三昧？住是三昧，能遊戲諸三昧中如師子，是名師子遊戲三昧。
- (4) 云何名妙月三昧？住是三昧，能照諸三昧如淨月，是名妙月三昧。
- (5) 云何名月幢相三昧？住是三昧，能持諸三昧相，是名月幢相三昧。
- (6) 云何名出諸法三昧？住是三昧，能出生諸三昧，是名出諸法三昧。
- (7) 云何名觀頂三昧？住是三昧，能觀諸三昧頂，是名觀頂三昧。
- (8) 云何名畢法性三昧？住是三昧，決定知法性，是名畢法性三昧。
- (9) 云何名畢幢相三昧？住是三昧，能持諸三昧幢，是名畢幢相三昧。
- (10) 云何名金剛三昧？住是三昧，能破諸三昧，是名金剛三昧。
- (11) 云何名入法印三昧？住是三昧，入諸法印，是名入法印三昧。
- (12) 云何名三昧王安立三昧？住是三昧，一切諸三昧中安立住如王，是名三昧王安立三昧。
- (13) 云何名放光三昧？住是三昧，能放光照諸三昧，是名放光三昧。
- (14) 云何名力進三昧？住是三昧，於諸三昧能作勢力³⁰，是名力進三昧。
- (15) 云何名高出三昧？住是三昧，能增長諸三昧，是名高出三昧。
- (16) 云何名必入辯才三昧？住是三昧，能辯說諸三昧，是名必入辯才三昧。
- (17) 云何名釋名字三昧？住是三昧，能釋諸三昧名字，是名釋名字三

³⁰ 勢力=力勢【宋】【元】【明】【宮】(大正08, 251d, n.14)。

昧。

(18) 云何名觀方三昧？住是三昧，能觀諸三昧方，是名觀方三昧。

(19) 云何名陀羅尼印三昧？住是三昧，持諸三昧印，是名陀羅尼印三昧。

(20) 云何名無誑三昧？住是三昧，於諸三昧不欺誑，是名無誑三昧。

(21) 云何名攝諸法海三昧？住是三昧，能攝諸三昧如大海水，是名攝諸法海三昧。

(22) 云何名遍覆虛空三昧？住是三昧，遍覆諸三昧如虛空，是名遍覆虛空三昧。

(23) 云何名金剛輪三昧？住是三昧，能持諸三昧分，是名金剛輪三昧。

(24) 云何名斷寶³¹三昧？住是三昧，斷諸三昧煩惱垢，是名斷寶三昧。

(25) 云何名能照三昧？住是三昧，能以光明顯照諸三昧，是名能照三昧。

(26) 云何名不求三昧？住是三昧，無法可求，是名不求三昧。

(27) 云何名無住三昧？住是三昧，中不見一切³²法住，是名無住三昧。

(28) 云何名無心三昧？住是三昧，心心數法不行，是名無心三昧。

(29) 云何名淨燈三昧？住是三昧，於諸三昧中作明如燈，是名淨燈三昧。

(30) 云何名無邊明三昧？住是三昧，與諸三昧作無邊明，是名無邊明三昧。

(31) 云何名能作明三昧？住是三昧，即時能為諸三昧作明，是名能作明三昧。

(32) 云何名普照明三昧？住是三昧，即能照諸三昧門，是名普照明三

³¹ 斷寶 = 寶斷【宋】【明】【宮】【聖】(大正 08, 251d, n.15)。

³² (中不見一切)五字 = (一切三昧中不見)七字【宋】【元】【明】【宮】【聖】(大正 08, 251d, n.16)。

昧。

(33) 云何名堅淨諸三昧三昧？住是三昧，能堅淨諸三昧相，是名堅淨諸三昧三昧。

(34) 云何名無垢明三昧？住是三昧，能除諸三昧垢，亦能照一切三昧，是名無垢明三昧。

(35) 云何名歡喜三昧？住是三昧，能受諸三昧喜，是名歡喜三昧。

(36) 云何名電光三昧？住是三昧，照諸三昧如電光，是名電光三昧。

(37) 云何名無盡三昧？住是三昧，於諸三昧不見盡，是名無盡三昧。

(38) 云何名威德三昧？住是三昧，於諸三昧威德照然，是名威德三昧。

(39) 云何名離盡三昧？住是三昧，不見諸三昧盡，是名離盡三昧。

(40) 云何名不動三昧？住是三昧，令諸三昧不動不戲³³，是名不動三昧。

(41) 云何名不退三昧？住是三昧，能不見諸三昧退，是名不退三昧。

(42) 云何名日燈三昧？住是三昧，放光照諸三昧門，是名日燈三昧。

(43) 云何名月淨三昧？住是三昧，能除諸三昧闇，是名月淨三昧。

(44) 云何名淨明三昧？住是三昧，於諸三昧得四無闇³⁴智，是名淨明三昧。

(45) 云何名能作明三昧？住是三昧，於諸三昧門能作明，是名能作明三昧。

(46) 云何名作行三昧？住是三昧，能令諸三昧各有所作，是名作行三昧。

(47) 云何名知相三昧？住是三昧，見諸三昧知相，是名知相三昧。

(48) 云何名如金剛三昧？住是三昧，能貫達諸法，亦不見達，是名如金剛三昧。

³³ 戲＝搖【聖】(大正 08, 252d, n.1)。

³⁴ 闇＝礙【宋】【元】【明】【宮】【聖】(大正 08, 252d, n.2)。

(49) 云何名心住三昧？住是三昧，心不動、不轉、不惱，亦不念有是心，是名心住三昧。

(50) 云何名普明三昧？住是三昧，普見諸三昧明，是名普明三昧。

(51) 云何名安立三昧？住是三昧，於諸三昧安立不動，是名安立三昧。

(52) 云何名寶聚三昧？住是三昧，普見諸三昧，如見寶聚，是名寶聚三昧。

(53) 云何名妙法印三昧？住是三昧，能印諸三昧，以無印印故，是名妙法印三昧。

(54) 云何名法等三昧？住是三昧，觀諸法等、無法不等，是名法等三昧。

(55) 云何名斷喜三昧？住是三昧，斷一切法中喜，是名斷喜三昧。

(56) 云何名到法頂三昧？住是三昧，滅諸法闇亦在諸三昧上，是名到法頂三昧。

(57) 云何名能散三昧？住是三昧中，能破散諸法，是名能散三昧。

(58) 云何名分別諸法句三昧？住是三昧，分別諸三昧諸法句，是名分別諸法句三昧。

(59) 云何名字等相三昧？住是三昧，得諸三昧字等，是名字等相三昧。

(60) 云何名離字三昧？住是三昧，諸三昧中乃至不見一字，是名離字三昧。

(61) 云何名斷緣三昧？住是三昧，斷諸三昧緣，是名斷緣三昧。

(62) 云何名不壞三昧？住是三昧，不得諸法變異，是名不壞三昧。

(63) 云何名無種相三昧？住是三昧，不見諸法種種，是名無種相三昧。

(64) 云何名無處行三昧？住是三昧，不見諸三昧處，是名無處行三昧。

(65) 云何名離矇昧三昧？住是三昧，離諸三昧微闇，是名離矇昧三昧。

(66) 云何名無去三昧？住是三昧，不見一切三昧去相，是名無去三昧。

(67) 云何名不變異三昧？住是三昧，不見諸三昧變異相，是名不變異

三昧。

(68) 云何名度緣三昧？住是三昧，度一切三昧緣境界，是名度緣三昧。

(69) 云何名集諸功德三昧？住是三昧，集諸三昧功德，是名集諸功德三昧。

(70) 云何名住無心三昧？住是三昧，於諸三昧心不³⁵入，是名住無心三昧。

(71) 云何名淨妙花三昧？住是三昧，令諸三昧得淨妙如花，是名淨妙花三昧。

(72) 云何名覺意三昧？住是三昧，諸三昧中得七覺分，是名覺意三昧。

(73) 云何名無量辯三昧？住是三昧，於諸法中得無量辯，是名無量辯三昧。

(74) 云何名無等等三昧？住是三昧，諸三昧中得無等等相，是名無等等三昧。

(75) 云何名度諸法三昧？住是三昧，度一切三界³⁶，是名度諸法三昧。

(76) 云何名分別諸法三昧？住是三昧，諸三昧及諸法分別見，是名分別諸法三昧。

(77) 云何名散疑三昧？住是三昧，得散諸法疑，是名散疑三昧。

(78) 云何名無住處三昧？住是三昧，不見諸法住處，是名無住處三昧。

(79) 云何名一莊嚴三昧？住是三昧，終不見諸法二³⁷相，是名一莊嚴三昧。

(80) 云何名生行三昧？住是三昧，不見諸行生，是名生行三昧。

(81) 云何名一行三昧？住是三昧，不見諸三昧此岸、彼岸，是名一行三昧。

³⁵ 不=無所【宋】【元】【明】【宮】(大正 08, 252d, n.3)。

³⁶ 界=昧【宋】【元】【明】【宮】(大正 08, 252d, n.4)。

³⁷ 二=三【宮】(大正 08, 252d, n.5)。

(82) 云何名不一行三昧？住是三昧，不見諸三昧一相，是名不一行三昧。

(83) 云何名妙行三昧？住是三昧，不見諸三昧二相，是名妙行三昧。

(84) 云何名達一切有底散三昧？住是三昧，入一切有、一切三昧，智慧通達亦無所達，是名達一切有底散三昧。

(85) 云何名入名語三昧？住是三昧，入一切三昧名語，是名入名語三昧。

(86) 云何名離音聲字語三昧？住是三昧，不見諸三昧音聲字語，是名離音聲字語三昧。

(87) 云何名然炬三昧？住是三昧，威德照明如炬，是名然炬三昧。

(88) 云何名淨相三昧？住是三昧，淨諸三昧相，是名淨相三昧。

(89) 云何名破相三昧？住是三昧，不見諸三昧相，是名破相三昧。

(90) 云何名一切種妙足三昧？住是三昧，一切諸三昧種皆具足，是名一切種妙足三昧。

(91) 云何名不熹苦樂三昧？住是三昧，不見諸三昧苦樂，是名不熹苦樂三昧。

(92) 云何名無盡相三昧？住是三昧，不見諸三昧盡，是名無盡相三昧。

(93) 云何名多³⁸陀羅尼三昧？住是三昧，能持諸三昧，是名多陀羅尼三昧。

(94) 云何名攝諸邪正相三昧？住是三昧，於諸三昧不見邪正相，是名攝諸邪正相三昧。

(95) 云何名滅憎愛三昧？住是三昧，不見諸三昧憎愛，是名滅憎愛三昧。

(96) 云何名逆順三昧？住是三昧，不見諸法諸三昧逆順，是名逆順三昧。

³⁸ [多] — 【聖】(大正 08, 253d, n.1)。

(97) 云何名淨光三昧？住是三昧，不得諸三昧明垢，是名淨光三昧。

(98) 云何名堅固三昧？住是三昧，不得諸三昧不堅固，是名堅固三昧。

(99) 云何名滿月淨光三昧？住是三昧，諸三昧滿足，如月十五日，是名滿月淨光三昧。

(100) 云何名大莊嚴三昧？住是三昧，大莊嚴成就諸三昧，是名大莊嚴三昧。

(101) 云何名能照一切世三昧？住是三昧，諸三昧及一切法能照，是名能照一切世三昧。

(102) 云何名三昧等三昧？住是三昧，於諸三昧不得定亂相，是名三昧等三昧。

(103) 云何名攝一切有諍無諍三昧？住是三昧，能使諸三昧不分別有諍無諍，是名³⁹攝一切有諍無諍三昧。

(104) 云何名不樂一切住處三昧？住是三昧，不見諸三昧依處，是名不樂一切住處三昧。

(105) 云何名如住定三昧？住是三昧，不過諸三昧如相，是名如住定三昧。

(106) 云何名壞身衰三昧？住是三昧，不得身相，是名壞身衰三昧。

(107) 云何名壞語如虛空三昧？住是三昧，不見諸三昧語業如虛空，是名壞語如虛空三昧。

(108) 云何名離著虛空不染三昧？住是三昧，見諸法如虛空無關，亦不染是三昧，是名離著虛空不染三昧。

申三、結

須菩提！是名菩薩摩訶薩摩訶衍。」⁴⁰

³⁹ 是名=三昧住【宮】(大正 08, 253d, n.2)。

⁴⁰ 卷第五終【宋】【元】【明】，卷第七終【聖】，以上大般若第二會第十六三摩地品。梵. iti Puṇyasambhārah.(大正 08, 253d, n.3)。

《摩訶般若波羅蜜經》卷 5 〈19 廣乘¹品〉冠科²

《摩訶般若波羅蜜經》卷 5 (大正 08, 253b17-256b28) :

午二、約萬行明³

未一、三十七道品

申一、四念處

酉一、總標

戌一、標名

佛告須菩提：「菩薩摩訶薩摩訶衍，所謂四念處。何等四？

戌二、循身觀不可得

須菩提！菩薩摩訶薩內身中循身觀，亦無身覺，以⁴不可得故；外身中、內外身中循身觀，亦無身覺，以不可得故。懃精進一心，除世間貪憂。

戌二、循受、心、法觀不可得

內受、內心、內法，外受、外心、外法，內外受、內外心、內外法，循法觀，亦無法覺，以不可得故。懃精進一心，除世間貪憂。

酉二、別釋

戌一、舉循身觀

亥一、約內身明

天一、修前方便

地一、修正知住令身安詳

須菩提！菩薩摩訶薩云何內身中循身觀？

須菩提！若菩薩摩訶薩行時知行，住時知住，坐時知坐，臥時知臥——如⁵身所行如是知。

¹ 廣乘=四念處【聖】(大正 08, 253d, n.5)。

² 妙境法師，《摩訶般若波羅蜜經》冠科(上冊)，pp.210-227。

³ 對照《大智度論》卷 48 〈19 四念處品〉(大正 25, 402c18-407c9)。

⁴ [以] — 【聖】(大正 08, 253d, n.7)。

⁵ 知=如【元】(大正 08, 253d, n.8)。

須菩提！菩薩摩訶薩如是內身中循身觀，懃精進一心，除世間貪憂，以不可得故⁶。

復次，須菩提！菩薩摩訶薩若來若去，視瞻⁷一心，屈申俯⁸仰、服僧伽梨、執持衣鉢、飲食、臥息、坐立、睡覺、語默，入出、出禪⁹，亦常一心。

如是！須菩提！菩薩摩訶薩行般若波羅蜜內身中循身觀，以不可得故。

地二、修持息念破心散亂

復次，須菩提！菩薩摩訶薩內身中循身觀時，一心念：『入息時知入息，出息時知出息；入息長時知入息長，出息長時知出息長；入息短時知入息短，出息短時知出息短。譬如斲師¹⁰、若斲師弟子，繩長知長，繩短知短。』

菩薩摩訶薩亦如是，一心¹¹念：『入息時知入息，出息時知出息；入息長時知入息長，出息長時知出息長；入息短時知入息短，出息短時知出息短。』

如是，須菩提！菩薩摩訶薩內身中循身觀，懃精進一心，除世間貪憂，以不可得故。

天二、正修不淨

地一、觀內身未壞不淨

玄一、觀身四大假合

復次，須菩提！菩薩摩訶薩觀身四大，作是念：『身中有地大、水大、火大、風大。』譬如屠牛師、若屠牛弟子，以刀殺牛，分作四分，作四分已，若立若坐，觀此四分。

⁶ [以不可得故] — 【聖】(大正 08, 253d, n.9)。

⁷ 瞻 = 占【聖】(大正 08, 253d, n.10)。

⁸ 俯 = 府【聖】(大正 08, 253d, n.11)。

⁹ 入出禪定 = 入禪出禪【宋】【元】【明】【宮】(大正 08, 253d, n.12)。

¹⁰ 斲 = 旋【宋】【元】【明】【宮】(大正 08, 253d, n.13)。

¹¹ [心] — 【宋】【元】【明】【宮】(大正 08, 253d, n.14)。

菩薩摩訶薩亦如是，行般若波羅蜜時，種種¹²觀身四大——地大、水大、火大、風大。

如是，須菩提！菩薩摩訶薩內身中循身觀，以不可得故。

玄二、觀身三十六物

復次，須菩提！菩薩摩訶薩觀內身，從足至頂，周匝薄皮，種種不淨，充滿身中；作是念：『身中有髮、毛、爪、齒，薄皮、厚皮，筋、肉、骨、髓，脾、腎、心、膽、肝、肺、小腸、大腸、胃、脬¹³、屎、尿、垢、汗、淚、涕，涎、唾、膿、血，黃白痰¹⁴、癩¹⁵、肪、肪、腦、膜¹⁶。』

譬如田夫倉中，隔盛雜穀，種種充滿，稻、麻、黍、粟、豆、麥；明眼之人，開倉即知是稻、是麻¹⁷、是黍、是粟、是豆、是麥¹⁸，分別悉知。

菩薩摩訶薩亦如是觀是身，從足至頂，周匝薄皮，種種不淨充滿身中——髮、毛、爪、齒乃至腦、膜。

如是，須菩提！菩薩摩訶薩觀內身，懃精進一心，除世間貪憂，以不可得故。

地二、觀外身敗壞不淨

玄一、青瘀臃脹懷相

復次，須菩提！菩薩摩訶薩若見是¹⁹棄死人身，一日、二日，至于五日，臃脹、青瘀，膿汁流出，自念：『我身亦如是相、如是法，未脫此法。』

如是，須菩提！菩薩摩訶薩內身中循身觀，懃精進一心，除世間貪憂，以不可得故。

¹² [種種] — 【元】(大正 08, 253d, n.15)。

¹³ 脬 = 胞【宋】【元】【明】【宮】【聖】(大正 08, 253d, n.16)。

¹⁴ 淡 = 痰【元】【明】(大正 08, 253d, n.17)。

¹⁵ 癩 = 瘡【聖】(大正 08, 253d, n.18)。

¹⁶ 腦 = 惱【宋】【宮】(大正 08, 253d, n.19)。

¹⁷ 是麻是黍是稻 = 是稻是麻是黍【宋】【元】【明】【宮】(大正 08, 254d, n.1)。

¹⁸ 是麥是豆 = 是豆是麥【宋】【元】【明】【宮】(大正 08, 254d, n.2)。

¹⁹ [是] — 【宋】【元】【明】【宮】(大正 08, 254d, n.3)。

玄二、噉相

復次，須菩提！菩薩摩訶薩若見是²⁰棄死人身，若六日、若七日，烏、鵝、鷓、鷩、鷦，豺²¹狼、狐、狗如是等種種禽獸攫裂食之；自念：『我身如是相、如是法，未脫此法。』

如是²²，須菩提！菩薩摩訶薩內身中循身觀，懃精進一心，除世間貪憂，以不可得故。

玄三、膿爛相

復次，須菩提！菩薩摩訶薩若見是棄死人身，種種禽獸食已，不淨爛臭；自念：『我身如是相、如是法，未脫此法。』乃至除世間貪憂。

玄四、血塗相

復次，須菩提！菩薩摩訶薩若見是棄死人身，骨瓓血肉塗染，筋骨相連；自念：『我身如是相、如是法，未脫此法。』乃至除世間貪憂。

玄五、異赤相

復次，須菩提！菩薩摩訶薩若見是棄死人身，骨瓓血肉已離，筋骨相連；自念：『我身如是相、如是法，未脫此法。』乃至除世間貪憂。

玄六、分散相

復次，須菩提！菩薩摩訶薩若見是棄死人身，骨瓓已散在地；自念：『我身如是相、如是法，未脫此法。』如是，須菩提！菩薩摩訶薩觀內身，乃至除世間貪憂。

玄七、骨相

復次，須菩提！菩薩摩訶薩若見是棄死人身，骨散在地，腳骨異處，踳骨、髀骨、腰骨、脇²³骨、脊骨、手骨、項骨、髑髏，各各異處；自念：『我身如是相、如是法，未脫此法。』如是，須菩提！菩薩摩訶薩觀內身，乃至除世間貪憂。

玄八、白骨相

²⁰ [是] — 【聖】(大正 08, 254d, n.4)。

²¹ 豺=狩 【聖】(大正 08, 254d, n.5)。

²² [如是] — 【宋】【元】【明】【宮】(大正 08, 254d, n.6)。

²³ 脇=肋 【宋】【元】【明】【宮】(大正 08, 254d, n.7)。

復次，須菩提！菩薩摩訶薩見²⁴是棄死人骨在地，歲久風吹日曝²⁵，色白如貝²⁶；自念：『我身如是相、如是法，未脫此法。』如是，須菩提！菩薩摩訶薩觀內身，乃至除世間貪憂，以不可得故。

玄九、膿爛相

復次，須菩提！菩薩摩訶薩見是棄死人骨在地，歲久，其色如鴿，腐朽爛壞，與土共合，自念：『我身如是相、如是法，未脫此法。』

天三、結觀內身不淨

如是！須菩提！菩薩摩訶薩內身中循身觀，懃精進一心，除世間貪憂，以不可得故。

亥二、例餘二身

外身、內外身亦如是。

戌二、例餘三觀

受念處、心念處、法念處，亦應如是廣說。

酉三、結名

須菩提！是名菩薩摩訶薩摩訶衍。

申二、四正勤

復次，須菩提！菩薩摩訶薩摩訶衍，所謂四正懃。

何等四？須菩提！菩薩摩訶薩未生諸惡不善法為不生故，欲生懃精進攝心行道；已生諸惡不善法為斷故，欲生懃精進攝心行道；未生諸善法，為生故，欲生懃精進攝心行道；已生諸善法為住不失修滿增廣故，欲生懃精進攝心行道。

以不可得故。須菩提！是名菩薩摩訶薩摩訶衍。」

申三、四如意分

復次，須菩提！菩薩摩訶薩摩訶衍，所謂四如意分。

何等四？欲定斷行成就修如意分，心定斷行成就修如意分，精進定斷

²⁴ (若)+見【宋】【元】【明】【宮】(大正 08, 254d, n.8)。

²⁵ 曝=暴【聖】(大正 08, 254d, n.9)。

²⁶ 貝=貝【聖】(大正 08, 254d, n.10)。

行成就修如意分，思惟定斷行成就修如意分。

以不可得故。須菩提！是名菩薩摩訶薩摩訶衍。

申四、五根

復次，須菩提！菩薩摩訶薩摩訶衍，所謂五根。何等五？信根、精進根、念根、定根、慧根。是名菩薩摩訶薩摩訶衍，以不可得故。

申五、五力

復次，須菩提！菩薩摩訶薩摩訶衍，所謂五力。何等五？信力、精進力、念力、定力、慧力。是名菩薩摩訶薩摩訶衍，以不可得故。

申六、七覺分

復次，須菩提！菩薩摩訶薩摩訶衍，所謂七覺分。何等七？菩薩摩訶薩修念覺分，依離、依無染、向涅槃；擇法覺分、精進覺分、喜覺分、除覺分、定覺分、捨覺分，依離、依無染、向涅槃。以不可得故，是名菩薩摩訶薩摩訶衍。

申七、八正道

復次，須菩提！菩薩摩訶薩摩訶衍，所謂八聖道分。何等八？正見、正思惟、正語、正業、正命、正精進、正念、正定。是名菩薩摩訶薩摩訶衍，以不可得故。

未二、三脫門

復次，須菩提！菩薩摩訶薩摩訶衍，所謂三三昧。何等三？空、無相、無作三昧。

空三昧，名諸法自相空，是名²⁷空解脫門。

無相，名壞諸法相，不憶不念，是名無相解脫門。

無作，名諸法中不願作²⁸，是名無作解脫門。

是名菩薩摩訶薩摩訶衍，以不可得故。

²⁷ 名=為【宋】【元】【明】【宮】(大正 08, 254d, n.11)。

²⁸ 願作=作願【宋】【元】【明】【宮】【聖】(大正 08, 254d, n.12)。

未三、十一智

復次，須菩提！菩薩摩訶薩摩訶衍，所謂苦智、集智、滅智、道智、盡智、無生智、法智、比智、世智、他心智、如實智。

云何名苦智？知苦不生，是名苦智。

云何名集智？知集應斷，是名集智。

云何名滅智？知苦滅，是名滅智。

云何名道智？知八聖道分，是名道智。

云何名盡智？知諸婬恚癡盡，是名盡智。

云何名無生智？知諸有中無生，是名無生智。

云何名法智？知五蔭本事，是名法智。

云何名比智？知眼無常乃至意觸²⁹因緣生受無常，是名比智。

云何名世智？知因緣、名字，是名世智。

云何名他心智？知他眾生心，是名他心智。

云何名如實智？諸³⁰佛一切種智，是名如實智。

須菩提！是名菩薩摩訶薩摩訶衍，以不可得故。

未四、三根

復次，須菩提！菩薩摩訶薩摩訶衍，所謂三根：未知欲知根、知根、智者根。

云何名未知欲知根？諸學人未得果，信根、精進根、念根、定根、慧根，是名未知欲知根。

云何名知根？諸學人得果，信根乃至慧根，是名知根。

云何名智者根？諸無學人——若阿羅漢、若辟支佛、諸佛，信根乃至慧根，是名智者根。

須菩提！是名菩薩摩訶薩摩訶衍，以不可得故。

²⁹ 觸＝識【宋】【明】【宮】(大正 08, 254d, n.13)。

³⁰ (知)+諸【元】(大正 08, 255d, n.1)。

未五、三三昧

復次，須菩提！菩薩摩訶薩摩訶衍，所謂三三昧。

何等三？有覺有觀三昧、無覺有觀三昧、無覺無觀三昧。

云何名有覺有觀三昧？離諸欲、離惡不善法，有覺有觀，離生喜樂入初禪，是名有覺有觀三昧。

云何名無覺有觀三昧？初禪二禪中間，是名無覺有觀三昧。

云何名無覺無觀三昧？從二禪乃至非有想非無想定，是名無覺無觀三昧。

須菩提³¹！是名菩薩摩訶薩摩訶衍，以不可得故。

未六、十念

復次，須菩提！菩薩摩訶薩摩訶衍，所謂十念。

何等十？念佛、念法、念僧、念戒、念捨、念天、念善³²、念出入息、念身、念死。

須菩提！是名菩薩摩訶薩摩訶衍，以不可得故³³。

未七、諸禪門

復次，須菩提！菩薩摩訶薩摩訶衍，所謂四禪、四無量心、四無色定、八背捨、九次第定。

須菩提！是名菩薩摩訶薩摩訶衍，以不可得故。

未八、佛功德

申一、十力

復次，須菩提！菩薩摩訶薩摩訶衍，所謂佛十力。

何等十？

佛如實知一切法是處不是處相，一力也。

如實知他眾生過去、未來、現在諸業、諸受法，知造業處，知因緣、知報，二力也。

³¹ [須菩提] — 【聖】(大正 08, 255d, n.2)。

³² 善 = 滅【聖】(大正 08, 255d, n.3)。

³³ [以不可得故] — 【聖】(大正 08, 255d, n.4)。

如實知諸禪、解脫、三昧、定垢淨分別相，三力也。

如實知他眾生諸根上下相，四力也。

如實知他眾生種種欲解，五力也。

如實知世間種種無數性，六力也。

如實知一切至處道，七力也。

知種種宿命，有相、有因緣，一世、二世乃至百千世，劫初劫盡，我在彼眾生中生——如是姓，如是名，如是飲食、苦樂、壽命長短；彼中死、是間生，是間死、還生是間，此間生名姓³⁴、飲食、苦樂、壽命長短亦如是，八力也。

佛天眼淨，過諸天³⁵眼，見眾生死時生時、端正醜陋、若大若小、若墮惡道若墮善道；如是業因緣受報——是諸眾生惡身業成就、惡口業成就、惡意業成就，謗毀聖人，受邪見業³⁶因緣故，身壞死時入惡道，生地獄中；是諸眾生身善³⁷業成就、善口³⁸業成就、意善³⁹業成就，不謗毀聖人，受正見因緣故，身壞死時入善道，生天上，九力也。

佛如實知諸漏盡故，無漏心解脫，無漏慧解脫；現在法中自證⁴⁰知入是法，所謂我生已盡，梵行已作，從今世不復見後世，十力也。須菩提！是名菩薩摩訶薩摩訶衍，以不可得故。

申二、四無所畏

西一、標名

復次，須菩提！菩薩摩訶薩摩訶衍，所謂四無所畏。何等四？

西二、別釋

³⁴ 姓=如【聖】(大正 08, 255d, n.5)。

³⁵ 天=人【宮】(大正 08, 255d, n.6)。

³⁶ [業]—【宮】(大正 08, 255d, n.7)。

³⁷ 身善=善身【宋】【元】【明】【宮】【聖】(大正 08, 255d, n.8)。

³⁸ 口善=善口【宋】【元】【明】【宮】【聖】(大正 08, 255d, n.9)。

³⁹ 意善=善意【聖】(大正 08, 255d, n.10)。

⁴⁰ 證=識【聖】(大正 08, 255d, n.11)。

戌一、正知一切法無所畏

佛作誠言：『我是一切正智人。』若有沙門、婆羅門，若天、若魔、若梵、若復餘眾，如實難言：『是法不知。』乃至不見是微畏相。以是故，我得安隱，得無所畏，安住聖主處，在大眾中師子吼，能轉梵輪；諸沙門、婆羅門，若天、若魔、若梵、若復餘眾，實不能轉。一無畏也。

戌二、盡一切漏習無所畏

佛作誠言：『我一切漏盡。』若有沙門、婆羅門，若天、若魔、若梵、若復餘眾，如實難言：『是漏不盡。』乃至不見是微畏相。以是故，我得安隱，得無所畏，安住聖主處，在大眾中師子吼，能轉梵輪；諸沙門、婆羅門，若天、若魔、若梵、若復餘眾，實不能轉。二無畏也。

戌三、說一切障道法無所畏

佛作誠言：『我說障法。』若有沙門、婆羅門，若天、若魔、若梵、若復餘眾，如實難言：『受是法不障道。』乃至不見是微畏相。以是故，我得安隱，得無所畏，安住聖主處，在大眾中師子吼，能轉梵輪；諸沙門、婆羅門，若天、若魔、若梵、若復餘眾，實不能轉。三無畏也。

戌四、說盡苦聖道無所畏

佛作誠言：『我所說聖道，能出世間，隨⁴¹是行能盡苦。』若有沙門、婆羅門，若天、若魔、若梵、若復餘眾，如實難言：『行是道不能出世間，不能盡苦。』乃至不見是微畏相。以是故，我得安隱，得無所畏，安住聖主處，在大眾中師子吼，能轉梵輪；諸沙門、婆羅門，若天、若魔、若梵、若復餘眾，實不能轉。四無畏也。

須菩提！是名菩薩摩訶薩摩訶衍，以不可得故。

申三、四無礙智

復次，須菩提！菩薩摩訶薩摩訶衍，所謂四無礙智。何等四？義無礙、法無礙、辭無礙、樂說⁴²無礙。須菩提！是名菩薩摩訶薩摩訶衍，以不可得故。

申四、十八不共法

⁴¹ [隨] — 【宋】【元】【明】【宮】(大正 08, 255d, n.12)。

⁴² [說] — 【聖】(大正 08, 255d, n.13)。

復次，須菩提！菩薩摩訶薩摩訶衍，所謂十八不共法。

何等十八？一、諸佛身無失，二、口無失；三、念無失；四、無異相；五、無不定心；六、無不知己⁴³捨心；七、欲無減，八、精進無減，九、念無減，十、慧無減，十一、解脫無減，十二、解脫知見無減；十三、一切身業隨智慧行，十四、一切口業隨智慧行，十五、一切意業隨智慧行；十六、智慧知見過去世無闕無障，十七、智慧知見未來世無闕無障，十八、智慧知見現在世無闕無障。

須菩提！是名菩薩摩訶薩摩訶衍，以不可得故。

已三、四十二字門明大乘之法無義不攝無名不收⁴⁴

午一、標釋

復次，須菩提！菩薩摩訶薩摩訶衍，所謂字等、語等諸字入門。何等為字等、語等諸字入門？

阿 (a)⁴⁵字門，一切法初不生故。

羅⁴⁶ (ra) 字門，一切法離垢故。

波 (pa) 字門，一切法第一義故。

遮 (ca) 字門，一切法終不可得故，諸法不終不生故。

那 (na) 字門，諸法離名，性相不得不失故。

邏⁴⁷ (la) 字門，諸法度世間故，亦愛支⁴⁸因緣滅故。

陀 (da) 字門，諸法善心生故，亦施相故。

婆 (ba) 字門，諸法婆字離故。

茶 (ḍa) 字門，諸法茶字淨故。

沙 (ṣa) 字門，諸法六自在王⁴⁹性清淨故。

⁴³ [己] - 【聖】(大正 08, 255d, n.14)。

⁴⁴ 對照《大智度論》卷 48 〈19 四念處品〉(大正 25, 407c9-409c15)。

⁴⁵ 以下梵文，參考三枝充惠，《般若經の真理》，pp.157-159，春秋社，1981 年 7 月 20 日第三刷發行，及山田龍城著，〈四十二字門に就て〉，《日本佛教學協會年報》第 3 年，1931 年，pp.201-267。

⁴⁶ 羅 = 邏【宋】【元】【明】(大正 08, 256d, n.1)。

⁴⁷ 邏 = 羅【宋】【元】【明】【宮】(大正 08, 256d, n.2)。

⁴⁸ 支 = 枝【宋】【元】【明】【宮】【聖】(大正 08, 256d, n.3)。

⁴⁹ (至)+王【宮】(大正 08, 256d, n.4)。

和 (va) 字門，入諸法語言道斷故。
 多 (ta) 字門，入諸法如相不動故。
 夜 (ya) 字門，入諸法如實不生故。
 吒 (ṣṭa 或 sta?) 字門，入諸法折伏不可得故。
 迦 (ka) 字門，入諸法作者不可得故。
 娑 (sa) 字門，入諸法時不可得故，諸法時來轉故。
 磨⁵⁰ (ma) 字門，入諸法我所不可得故。
 伽 (ga) 字門，入諸法去者不可得故。
 他 (tha 或 stha?) 字門，入諸法處不可得故。
 闍 (ja) 字門，入諸法生不可得故。
 賊⁵¹ (śva) 字門，入諸法賊字不可得故。
 馱 (dha) 馱字門，入諸法性不可得故。
 賒 (śa) 字門，入諸法定不可得故。
 呿 (kha) 字門，入諸法虛空不可得故。
 叉 (kṣa) 字門，入諸法盡不可得故。
 哆 (sta) 字門，入諸法有不可得故。
 若 (jña) 字門，入諸法智不可得故。
 拖⁵² (rta 或 tha?) 字門，入諸法拖字不可得故。
 婆 (bha) 字門，入諸法破壞不可得故。
 車 (cha) 字門，入諸法欲不可得故，如影五陰⁵³亦不可得故。
 摩 (sma 或 śma?) 摩字門，入諸法摩字不可得故。
 火 (hva) 字門，入諸法喚不可得故。
 蹉 (tsa) 字門，入諸法嗟⁵⁴字不可得故。
 伽 (gha) 字門，入諸法厚⁵⁵不可得故。
 他 (ṭha) 字門，入諸法處不可得故。

⁵⁰ 磨=魔【宋】【宮】(大正 08, 256d, n.5)。

⁵¹ 賊=斯【宋】【宮】=簞【元】【明】(大正 08, 256d, n.6)。

⁵² 挖=施【宮】【聖】=柁【元】(大正 08, 256d, n.7)。

⁵³ 陰=眾【元】(大正 08, 256d, n.8)。

⁵⁴ 嗟=蹉【元】(大正 08, 256d, n.9)。

⁵⁵ [厚] - 【聖】(大正 08, 256d, n.10)。

拏 (ṇa) 字門，入諸法不來、不去、不立、不坐、不臥故。

頗 (pha) 字門，入諸法遍⁵⁶不可得故。

歌 (ska) 字門，入諸法聚不可得故。

醯 (yṣa) 字門，入諸法醯字不可得故。

遮 (śca 或 ca?) 字門，入諸法行不可得故。

咤 (ṭa) 字門，入諸法偃不可得故。

荼 (ḍha) 字門，入諸法邊竟處故，不終不生。

過荼無字可說。何以故？更無字故。

諸字無礙、無名，亦滅，不可說、不可示、不可見、不可書。須菩提！當知一切諸法如虛空。須菩提！是名陀羅尼門，所謂阿字義。

午二、結釋稱歎

若菩薩摩訶薩，是諸字門印阿字印，若聞⁵⁷、若受、若誦、若讀、若持⁵⁸、若為他說，如是知當得二十功德。何等二十？

得強識念，得慚愧，得堅固心，得經旨趣，得智慧得樂說無礙，易得諸餘陀羅尼門，得無疑悔心，得聞善不喜、聞惡不怒，得不高不下住心無增無減，得善巧知眾生語，得巧分別五陰、十二入、十八界、十二因緣、四緣、四諦，得巧分別眾生諸根利鈍，得巧知他心，得巧分別日月歲節，得巧分別天耳通，得巧分別宿命通，得巧分別生死通，得能巧說是處非處，得巧知往來坐起等身威儀。

須菩提！是陀羅尼門、字門、阿字門等，是名菩薩摩訶薩摩訶⁵⁹衍⁶⁰，以不可得故。」

⁵⁶ 遍=邊【宋】【元】【明】【宮】(大正 08, 256d, n.11)。

⁵⁷ 聞=門【宮】(大正 08, 256d, n.12)。

⁵⁸ 持=苻【聖】(大正 08, 256d, n.13)。

⁵⁹ [摩訶]—【元】(大正 08, 256d, n.14)。

⁶⁰ 衍+(以不可得故)【宋】【元】【明】【宮】(大正 08, 256d, n.15)。

《摩訶般若波羅蜜經¹》卷 6〈20 發趣品〉冠科²

《摩訶般若波羅蜜經》卷 6（大正 08，256c5-259c15）：

辰二、答發趣問

巳一、牒問略答

³佛告須菩提：「汝問：『云何菩薩摩訶薩大乘發趣？』若菩薩摩訶薩行六波羅蜜時，從一地至一地，是名菩薩摩訶薩大乘發趣。」

巳二、廣釋

午一、行無所得行能發趣

須菩提白佛言：「世尊！云何菩薩摩訶薩從一地至一地？」

佛言：「菩薩摩訶薩知一切法無來去相，亦無有法若來若去、若至若不至，諸法相不滅故。菩薩摩訶薩於諸地不念、不思惟而修治地業，亦不見地。」

午二、乘地俱十地發趣

未一、標列

申一、初地

何等菩薩摩訶薩治地業？菩薩摩訶薩住初地時，行十事：一者、深心堅固，用無所得故；二者、於一切眾生中等心，眾生不可得故；三者、布施，施者⁴、受者⁵不可得故；四者、親近善知識，亦不自高；五者、求法，一切法不可得故；六者、常出家，家不可得故；七者、愛樂佛身，相好不可得故；八者、演出法教，諸法分別不可得故；九者、破⁶憍慢法⁷，生慧不可得故；十者、實語，諸語不可得故。菩薩摩訶薩如是初

¹ 第六卷發趣品第二十首【宋】【元】【明】，(摩訶般若波羅蜜經)八字+發【元】【聖】(大正 08，256d，n.19)。

² 妙境法師，《摩訶般若波羅蜜經》冠科(上冊)，pp.228-246。

³ 對照《大智度論》卷 49〈20 發趣品〉(大正 25，409c23-412c21)。

⁴ 施者=與人【聖】(大正 08，256d，n.20)。

⁵ 者=人【聖】(大正 08，256d，n.21)。

⁶ 破+(於)【宋】【明】【宮】(大正 08，256d，n.22)。

⁷ [法]-【宋】【明】【宮】【聖】(大正 08，256d，n.23)。

地中住，修治十事治地業。

申二、二地

復次，須菩提！菩薩摩訶薩住二地中，常⁸念八法。何等八？一者、戒清淨，二者、知恩報恩，三者、住忍辱力⁹，四者、受歡喜，五者、不捨一切眾生，六者、入大悲心，七者、信師恭敬諮受，八者、勤求諸波羅蜜。須菩提！是名菩薩摩訶薩住二地中¹⁰，滿足八法。

申三、三地

復次，須菩提！菩薩摩訶薩住三地中，行五法。何等五？一者、多學問無厭足，二者、淨法施亦不自高，三者、淨佛國土亦不自高，四者、受世¹¹間無量懃苦不以為厭，五者、住慚愧處。須菩提！是名¹²菩薩摩訶薩住三地中，應滿足五法。

申四、四地

復次，須菩提！菩薩摩訶薩住四地中應受行不捨十法。何等十？一者、不捨阿蘭¹³若住處，二者、少欲，三者、知足，四者、不捨頭陀功德，五者、不捨戒¹⁴，六者、穢惡諸欲，七者、厭世間心¹⁵、順涅槃心¹⁶，八者、捨一切所有，九者、心不沒¹⁷，十者、不惜一切物。須菩提！是名菩薩摩訶薩住四地中，不捨十法。

申五、五地

復次，須菩提！菩薩摩訶薩住五地中，遠離十二法。何等十二？一者、遠離親白衣，二者、遠離比丘尼，三者、遠離慳惜他家，四者、遠離無

⁸ 常=當【聖】(大正 08, 256d, n.24)。

⁹ [力] - 【宮】(大正 08, 256d, n.25)。

¹⁰ 中+(應)【元】【明】(大正 08, 256d, n.26)。

¹¹ (諸)+世【宋】【元】【明】【宮】(大正 08, 257d, n.1)。

¹² 名=為【宋】【元】【明】【宮】*(大正 08, 257d, n.2)。

¹³ 蘭=練【宋】【元】【明】【宮】(大正 08, 257d, n.3)。

¹⁴ 戒+(不取戒相)【聖】(大正 08, 257d, n.4)。

¹⁵ [厭世間心] - 【宮】(大正 08, 257d, n.5)。

¹⁶ [順涅槃心] - 【宋】【明】【聖】(大正 08, 257d, n.6)。

¹⁷ 沒+(不生二識處)【聖】。[*2-1]名=為【宋】【元】【明】【宮】*(大正 08, 257d, n.7)。

益談說¹⁸，五者、遠離瞋恚，六者、遠離自大，七者、遠離蔑人，八者、遠離十不善道，九者、遠離大慢，十者、遠離自用，十一者、遠離顛倒，十二者、遠離婬、怒、癡。須菩提！是為菩薩摩訶薩住五地中，遠離十二事。

申六、六地

復次，須菩提！菩薩摩訶薩住六地中，當具足六法。何等六？所謂六波羅蜜。復有六法所不應為。何等六？一者、不作聲聞、辟支佛意，二者、布施不應生憂心，三者、見有所索心不沒，四者、所有物布施，五者、布施之後，心不悔，六者、不疑深法。須菩提！是名菩薩摩訶薩住六地中，應滿具六法，遠離六法。

申七、七地

復次，須菩提！菩薩摩訶薩住七地中，應遠離二十法，所不應著。何等二十？一者、不著我，二者、不著眾生，三者、不著壽命，四者、不著眾數乃至知者、見者，五者、不著斷見，六者、不著常見；七者、不應作相，八者、不應作因見；九者、不著名色；十者、不著五陰，十一者、不著十八界，十二者、不著十二入；十三者、不著三界；十四者、不作著處¹⁹；十五者、不作所期處²⁰，十六者、不作依處²¹；十七者、不著依佛見，十八者、不著依法見，十九者、不著依僧見，二十者、不著依戒見。是二十法所不應著。

復有二十法應具足滿。何等二十？一者、具足空，二者、無相證，三者、知無作；四者、三分清淨；五者、一切眾生中慈悲智具足；六者、不念一切眾生；七者、一切法等觀，是中亦不著；八者、知諸法實相，是事亦不念；九者、無生法忍²²；十者、無生智；十一者、說諸法一相；十二者、破分別相；十三者、轉憶想；十四者、轉見；十五者、轉煩惱；

¹⁸ 說=處【宋】【元】【明】【宮】【聖】。[*2-2]名=為【宋】【元】【明】【宮】*(大正08, 257d, n.8)。

¹⁹ 處=心【宋】【元】【明】【宮】(大正08, 257d, n.9)。

²⁰ 作所期處=應作願【宋】【元】【明】【宮】(大正08, 257d, n.10)。

²¹ 作依處=應作依止【宋】【元】【明】，=應作依【宮】(大正08, 257d, n.11)。

²² 法忍=忍法【宋】【元】【明】【宮】(大正08, 257d, n.12)。

十六者、等定慧地；十七者、調²³意；十八者、心寂滅；十九者、無閼智；二十者、不染愛。須菩提！是名菩薩摩訶薩住七地中，應具足二十法。

申八、八地

復次，須菩提！菩薩摩訶薩住八地中，應具足五²⁴法。何等五？順入眾生心；遊戲諸神通；見諸佛國；如所見佛國，自莊嚴其²⁵國；如實觀佛身，自莊嚴佛身——是²⁶五法具足滿。

復次，須菩提！菩薩摩訶薩住八地中，復具足五法。何等五？知上下諸根，淨佛國土，入如幻三昧，常入三昧，隨眾生所應善根受身。須菩提！是為菩薩摩訶薩住八地中，具足五法。

申九、九地

復次，須菩提！菩薩摩訶薩住九地中，應具足十二法。何等十二？受無邊世界²⁷所度之分；菩薩得如所願；知諸天、龍、夜叉、捷²⁸闍婆語而為說法；處胎²⁹成就，家³⁰成就，所生成就，姓成就，眷屬成就，出³¹生成就，出家成就，莊嚴佛樹成就；一切諸善功德成滿具足。須菩提！是名菩薩摩訶薩住九地中，應具足十二法。

申十、十地

須菩提！十地菩薩當知如佛。

未二、別釋

申一、初地

²³ (慧地)+調【宋】【元】【明】【宮】。[*2-3]名=為【宋】【元】【明】【宮】*(大正 08, 257d, n.13)。

²⁴ 五=四【聖】*。[*14-1]五=四【聖】*(大正 08, 257d, n.14)。

²⁵ 其=佛【宋】【明】【宮】(大正 08, 257d, n.15)。

²⁶ 是+(名)【宋】【元】【明】【宮】。[*14-2]五=四【聖】*(大正 08, 257d, n.16)。

²⁷ 世界=國土【宋】【元】【明】【宮】*(大正 08, 257d, n.17)。

²⁸ 捷=乾【宋】【元】【明】【聖】(大正 08, 257d, n.18)。

²⁹ 胎+(成就生)【聖】(大正 08, 257d, n.19)。

³⁰ [家]-【聖】(大正 08, 257d, n.20)。

³¹ [出[世>生]成就]-【聖】。[*2-4]名=為【宋】【元】【明】【宮】*(大正 08, 257d, n.21)。

西一、釋修行十事

爾時，慧命須菩提白佛言：「世尊！云何菩薩摩訶薩深心治地業？」

佛言：「菩薩摩訶薩應薩婆若心，集一切善根，是名菩薩摩訶薩深心治地業。」

「云何菩薩於一切眾生中等心？」

佛言：「若菩薩摩訶薩應薩婆若心，生四無量心，所謂慈、悲、喜、捨。是名於一切眾生中等心。」

「云何菩薩修布施？」

佛言：「菩薩施與一切眾生，無所分別，是名修布施。」

「云何菩薩親近善知識？」

佛言：「能教人入薩婆若中住——如是善知識，親近、諮受、恭敬、供養，是名親近善知識。」

「云何菩薩求法？」

佛言：「菩薩應薩婆若心求法，不墮聲聞、辟支佛地，是名求法。」

「云何菩薩常出家治地業？」

佛言：「菩薩世世不雜³²心出家³³，佛法中出家，無能障闕者，是名常出家治地業。」

「云何菩薩愛樂佛身治地業？」

佛言：「若菩薩見佛身相，乃至阿耨多羅三藐三菩提，終不離念佛，是名愛樂佛身治地業。」

「云何菩薩演出法教治地業？」

佛言：「菩薩，若佛現在、若佛滅度後，為眾生說法，初、中、後善，妙義好語，淨潔純具，所謂修多羅³⁴乃至憂³⁵波提舍，是名演出法教治地業。」

³² 雜=離【宮】(大正 08, 257d, n.22)。

³³ [出家]—【元】(大正 08, 257d, n.23)。

³⁴ 修多羅=修垢路【聖】(大正 08, 257d, n.24)。

³⁵ 憂=優【宋】【元】【明】【宮】(大正 08, 257d, n.25)。

「云何菩薩破於憍慢治地業？」

佛言：「菩薩破是憍慢故，終不生下賤家，是名破於憍慢治地業。」

「云何菩薩實語治地業？」

佛言：「菩薩如所說行，是名實語治地業。」

西二、結

是為菩薩摩訶薩初住³⁶地中修行十事治地業。」

申二、二地³⁷

酉一、釋滿足八法

「云何菩薩戒清淨？」

「若菩薩摩訶薩不念聲聞、辟支佛心，及諸破戒障佛道法，是名戒清淨。」

「云何菩薩知恩報恩？」

「若菩薩摩訶薩行菩薩道，乃至小恩尚不忘，何況多！是名知恩報恩。」

「云何菩薩住忍辱力？」

「若菩薩於一切眾生無瞋無惱，是名住忍辱力。」

「云何菩薩受歡喜？」

「所謂成就眾生，以此為喜，是名受歡喜。」

「云何菩薩不捨一切眾生？」

「若菩薩念欲救一切眾生故，是名不捨一切眾生。」

「云何菩薩入大悲心？」

「若菩薩如是念：『我為一一眾生故，如恒河沙等劫，地獄中受勤苦，乃至是人得佛道、入涅槃。』如是名為為一切十方眾生忍苦³⁸，是名入大悲心。」

「云何菩薩信師恭敬諮受？」

「若菩薩於諸師如世尊想，是名信師恭敬諮受。」

³⁶ 初住=住初【元】(大正 08, 258d, n.1)。

³⁷ 對照《大智度論》卷 49 〈20 發趣品〉(大正 25, 412c22- 416a21)。

³⁸ 苦=若【元】(大正 08, 258d, n.2)。

「云何菩薩懃求諸波羅蜜？」

「若菩薩一心求諸波羅蜜無異事，是名懃求諸波羅蜜。」

西二、結

是為菩薩摩訶薩住二地中，滿足八法。」

申三、三地

西一、釋滿足五法

「云何菩薩摩訶薩³⁹多學問無厭足？」

「諸佛所說法，若此間世⁴⁰界，若十方世界諸佛所說法，盡欲聞持，是名多學問無厭足。」

「云何菩薩淨法施？」

「有所法施，乃至不求阿耨多羅三藐三菩提，何況餘事！是名不求名利法施。」

「云何菩薩淨佛國土？」

「以諸善根迴向淨佛國土，是名淨佛國土。」

「云何菩薩受世間無量懃苦不以為厭？」

「諸善根備具故，能成就眾生亦莊嚴佛土，乃至具足薩婆若，終不疲厭，是名受無量懃苦不以為厭。」

「云何菩薩住慚愧處？」

「恥諸聲聞、辟支佛意，是名住慚愧處。」

西二、結

是為菩薩摩訶薩住三地中，滿足五法。」

申四、四地

西一、釋不捨十法

「云何菩薩不捨阿練若住處？」

「能過聲聞、辟支佛地，是名不捨阿練若住處。」

³⁹ 摩訶般若波羅蜜經卷第八終【聖】，同卷第九首【聖】(大正 08，258d，n.3)。

⁴⁰ 此間世=是世間【聖】。[* 17-1]世界=國土【宋】【元】【明】【宮】*(大正 08，258d，n.4)。

「云何菩薩少欲？」

「乃至阿耨多羅三藐三菩提尚不欲，何況餘欲！是名少欲。」

「云何菩薩知足？」

「得一切種智，是名知足。」

「云何菩薩不捨頭陀功德？」

「觀諸深法忍，是名不捨頭陀功德。」

「云何菩薩不捨戒？」

「不取戒相，是名不捨戒。」

「云何菩薩穢惡諸欲？」

「欲心不生故，是名穢惡諸欲。」

「云何菩薩厭世間心⁴¹、順涅槃心⁴²？」

「知一切法不作故，是名厭世間心⁴³、順涅槃心。」

「云何菩薩捨一切所有？」

「不惜內外諸法故，是名捨一切所有。」

「云何菩薩心不沒？」

「二種識處心不生故，是名心不沒。」

「云何菩薩不惜一切物？」

「於一切物不著不念，是名不惜一切物。」

西二、結

是為菩薩於四地中，不捨十法。」

申五、五地

酉一、釋遠離十二法

「云何菩薩遠離親白衣？」

「菩薩出家所生，從一佛國至一佛國，常出家、剃頭、著染衣，是名

⁴¹〔厭世間心〕－【宮】(大正 08, 258d, n.5)。

⁴²〔順涅槃心〕－【元】【明】【聖】*(大正 08, 258d, n.6)。

⁴³〔厭世間心〕－【宋】【宮】。[*6-1]〔順涅槃心〕－【元】【明】【聖】*(大正 08, 258d, n.7)。

遠離親白衣。」

「云何菩薩遠離比丘尼？」

「不共比丘尼住，乃至彈指頃亦不生念，是名遠離比丘尼。」

「云何菩薩遠離慳惜他家？」

「菩薩如是思惟：我應安樂眾生，他今助我安樂，云何生慳？是名遠離慳惜他家。」

「云何菩薩遠離無益談處？」

「若有談處，或生聲聞、辟支佛心，我當遠離，是名遠離無益談處。」

「云何菩薩遠離瞋恚？」

「不令⁴⁴瞋心、惱心、鬪心得入，是名遠離瞋恚。」

「云何菩薩遠離自大？」

「所謂不見內法故，是名遠離自大。」

「云何菩薩遠離箴⁴⁵人？」

「所謂不見外法故⁴⁶，是名遠離箴人。」

「云何菩薩遠離十不善道？」

「是十不善道能障八聖道，何況阿耨多羅三藐三菩提！是名遠離十不善道。」

「云何菩薩遠離大慢？」

「是菩薩不見法可作大慢者，是名遠離大慢。」

「云何菩薩遠離自用？」

「是菩薩不見是法可自用者，是名遠離自用。」

「云何菩薩遠離顛倒？」

「顛倒處不可得故，是名遠離顛倒。」

「云何菩薩遠離婬、怒、癡？」

⁴⁴ 令=念【聖】(大正 08, 258d, n.8)。

⁴⁵ 箴=[怡-台+(卅/(ㄇ@人)/戌)]【宋】【元】【明】【宮】[>*](大正 08, 258d, n.9)。

⁴⁶ [故]-【宋】【元】【明】【宮】*。[*9-1]箴=[怡-台+(卅/(ㄇ@人)/戌)]【宋】【元】【明】【宮】[>*]。[*2-5]名=為【宋】【元】【明】【宮】*(大正 08, 258d, n.10)。

「婬、怒、癡處不可見故，是名遠離婬、怒、癡。」

酉二、結

是為菩薩住五地中，遠離十二法。」

申六、六地

酉一、具足六法

戌一、釋

「云何菩薩住六地中，具足六法？」

「所謂六波羅蜜。諸佛及聲聞、辟支佛住六波羅蜜中，能度彼岸，

戌二、結

是名具足六法。」

酉二、遠離六法

戌一、釋

「云何菩薩不作聲聞、辟支佛意？」

「作是念：聲聞、辟支佛意，非阿耨多羅三藐三菩提道。」

「云何菩薩布施不生憂心？」

「作是念：此非阿耨多羅三藐三菩提道。」

「云何菩薩見有所索心不沒？」

「作是念：此非阿耨多羅三藐三菩提道。」

「云何菩薩所有物布施？」

「菩薩初發心時布施，不言是可與是不可與。」

「云何菩薩布施之後心不悔？」

「慈悲力故。」

「云何菩薩不疑深法？」

「信功德力故。」

戌二、結

是為菩薩住六地中，遠離六法。」

申七、七地⁴⁷

酉一、遠離二十法

戌一、釋

「云何菩薩不著我？」

「畢竟無我故。」

「云何菩薩不著眾生、不著壽命、不著眾數，乃至知者、見者？」

「是諸法畢竟不可得故。」

「云何菩薩不著斷見？」

「無有法斷，諸法畢竟不生故。」

「云何菩薩不著常見？」

「若法不生，是不作常。」

「云何菩薩不應取相？」

「無諸煩惱故。」

「云何菩薩不應作因見？」

「諸見不可見故。」

「云何菩薩不著名色？」

「名色處相無故。」

「云何菩薩不著五陰、不著十八界、不著十二入？」

「是諸法性無故。」

「云何菩薩不著三界？」

「三界性無故。」

「云何菩薩不應作著心？云何菩薩不應作願？云何菩薩不應作依止？」

「是諸法性無故。」

「云何菩薩不著依佛見？」

「作依見，不見佛故。」

⁴⁷ 對照《大智度論》卷 50〈20 發趣品〉(大正 25, 416b7-419c12)。

「云何菩薩不著依法見？」

「法不可見故。」

「云何菩薩不著依僧見？」

「僧相無為，不可依故。」

「云何菩薩不著依戒見？」

「罪無罪不著故。」

戌二、結

是為菩薩住七地中，二十法所不應著。」

酉二、具滿二十法

戌一、釋

「云何菩薩應具足空？」

「具足諸法自相空故。」

「云何菩薩無相證？」

「不念諸相故。」

「云何菩薩知無作？」

「於三界中不作故。」

「云何菩薩三分清淨？」

「十善道具足故。」

「云何菩薩一切眾生中慈悲智具足？」

「得大悲故。」

「云何菩薩不念一切眾生？」

「淨國土具足故。」

「云何菩薩一切法等觀？」

「於諸法不損益故。」

「云何菩薩知諸法實相？」

「諸法實相無知故。」

「云何菩薩無生忍？」

「為諸法不生不滅、不作忍⁴⁸故。」

「云何菩薩無生智？」

「知名色不生故。」

「云何菩薩說諸法一相？」

「心不行二相故。」

「云何菩薩破分別相？」

「一切法不分別故。」

「云何菩薩轉憶想？」

「小、大、無量想轉故。」

「云何菩薩轉見？」

「於聲聞、辟支佛地見轉故。」

「云何菩薩轉煩惱？」

「斷諸煩惱故。」

「云何菩薩等定慧地？」

「所謂得一切種智故。」

「云何菩薩調意？」

「於三界不動故。」

「云何菩薩心寂滅？」

「制六根故。」

「云何菩薩無閼智？」

「得佛眼故。」

「云何菩薩不染愛？」

「捨六塵故。」

戌二、結

是為菩薩住七地中，具足二十法。」

申八、八地

⁴⁸ [忍] — 【宋】【元】【明】【宮】(大正 08, 259d, n.1)。

酉一、初五法具滿

戌一、釋

- 「云何菩薩順入眾生心？」
「菩薩以一心知一切眾生心及心數法。」
「云何菩薩遊戲諸神通？」
「以是神通從一佛國至一佛國，亦不作佛國想。」
「云何菩薩觀諸佛國？」
「自住其國，見無量諸佛國，亦無佛國想。」
「云何菩薩⁴⁹如所見佛國，自莊嚴其國？」
「住轉輪聖王地，遍至三千大千世界以自莊嚴。」
「云何菩薩如實觀佛身？」
「如實觀法身故。」

戌二、結

是為菩薩住八地中，具足五法。」

酉二、次五法具足

戌一、釋

- 「云何菩薩知上下諸根？」
「菩薩住佛十力，知一切眾生上下諸根。」
「云何菩薩淨佛國土？」
「淨眾生故。」
「云何菩薩如幻三昧？」
「住是三昧，能成辦⁵⁰一切事，亦不生心相故⁵¹。」
「云何菩薩常入三昧？」

⁴⁹〔云何菩薩〕－【聖】。[*17-2]世界＝國土【宋】【元】【明】【宮】*。[*14-3]五＝四【聖】*（大正 08，259d，n.2）。

⁵⁰成辦＝辨成【聖】（大正 08，259d，n.3）。

⁵¹〔故〕－【宋】【元】【明】【宮】【聖】。[*17-3]世界＝國土【宋】【元】【明】【宮】*。[*17-4]世界＝國土【宋】【元】【明】【宮】*（大正 08，259d，n.4）。

「菩薩得報生三昧故。」

「云何菩薩隨眾生所應善根受身？」

「菩薩知眾生所應生善根而為受身，成就眾生故。」

戌二、結

是為菩薩住八地中，具足五法。」

申九、九地

酉一、釋滿足十二法

「云何菩薩受無邊世界所度之分？」

「十方無量世界中眾生，如諸佛法所應度者而度脫之。」

「云何菩薩得如所願？」

「得⁵²六波羅蜜具足故。」

「云何菩薩知諸天、龍、夜叉、捷⁵³闍婆語？」

「辭辯⁵⁴力故。」

「云何菩薩胎生成就？」

「菩薩世世常化生故。」

「云何菩薩家成就？」

「常在大家生故。」

「云何菩薩所生成就？」

「若刹利家生，若婆羅門家生故。」

「云何菩薩姓成就？」

「如過去菩薩所生姓，從此中生故。」

「云何菩薩眷屬成就？」

「純諸菩薩摩訶薩為眷屬故。」

⁵² [得] — 【聖】(大正 08, 259d, n.5)。

⁵³ 捷=乾【宋】【元】【明】【宮】【聖】(大正 08, 259d, n.6)。

⁵⁴ 辯=辨【聖】。[*17-5]世界=國土【宋】【元】【明】【宮】*。[*17-6]世界=國土【宋】【元】【明】【宮】*。[*2-6]名=為【宋】【元】【明】【宮】*(大正 08, 259d, n.7)。

「云何菩薩出生成就？」

「生時光明遍照無量無邊世界，亦不取相故。」

「云何菩薩出家成就？」

「出家時，無量百千億諸天侍從出家，是一切眾生必至三乘。」

「云何菩薩莊嚴佛樹成就？」

「是菩提樹以黃金為根，七寶為莖、節、枝、葉，莖、節、枝、葉光明，遍照十方阿僧祇三千大千世界。」

「云何菩薩一切諸善功德成滿具足？」

「菩薩得眾生清淨，佛國亦淨。」

酉二、結

是為菩薩住九地中，具足十二法。」

申十、十地

「云何菩薩住十地中，當知如佛？」

「若菩薩摩訶薩具足六波羅蜜、四念處乃至十八不共法，一切種智具足滿，斷一切煩惱及習；是名菩薩摩訶薩住十地中，當知如佛。」

巳三、總結

「須菩提！菩薩摩訶薩住是十地中，以方便力故，行六波羅蜜，行四念處乃至十八不共法，過乾慧地、性地、八人地、見地、薄地、離欲地、已作地、辟支佛地、菩薩地，過是九地，住於佛地，是為菩薩十地。

如是，須菩提！是名菩薩摩訶薩大乘發趣⁵⁵。」

⁵⁵ 以上大般若第二會第十八修治品。梵. *iti Bhūmi sambhārah*. (大正 08, 259d, n.8)。

《摩訶般若波羅蜜經》卷 6〈21 出到品〉冠科¹

《摩訶般若波羅蜜經》卷 6（大正 08，259c16- 261a16）：

辰三、答始終問²

巳一、牒問

佛告須菩提：「汝所問：『是乘何處出、至何處住』者。」³

巳二、正答

午一、明無出到而出到

佛言：「是乘從三界中出，至薩婆若中住，

午二、明出到而無出到

未一、標釋不二

以不二法故。何以故？摩訶衍、薩婆若，是二法不⁴合、不散，無色、無形、無對，一相所謂無相。

未二、舉釋反難

申一、舉實際等無為法為類

若人欲使實際出，是人為欲使無相法出；若人欲使如、法性、不可思議性出，是人為欲使無相法出。

申二、舉陰界入等空相為類

若人欲使色空出，是人為欲使無相法出；若人欲⁵使受、想、行、識空出，是人為欲使無相法出。何以故？須菩提！色空相不出三界，亦不住薩婆若；受、想、行、識空相不出三界，亦不住薩婆若。所以者何？色、色相空，受……想……行……，識、識相空故。

若人欲使眼空出，是人為欲使無相法出；若人欲使耳、鼻、舌、身、

¹ 妙境法師，《摩訶般若波羅蜜經》冠科(上冊)，pp.247-254。

² 對照《大智度論》卷 50〈21 出到品〉(大正 25，419c14-421a18)。

³ (佛告…法出)九百八十二字宋本及聖語藏大異對校甚難故今別附卷末(大正 08，259d，n.9)。

⁴ (俱)+不【宋】【明】，(共)+不【元】(大正 08，259d，n.10)。

⁵ 想=相【元】(大正 08，259d，n.11)。

意空出，是人為欲使無相法出；若人欲使乃至意觸因緣生受空出，是人為欲使無相法出。何以故？須菩提！眼空不出三界，亦不住薩婆若；乃至意觸因緣生受空不出三界，亦不住薩婆若。所以者何？眼、眼相空，乃至意觸因緣生受、意觸因緣生受相空故。

申三、舉夢等六事空為類

若人欲使夢出，是人為欲使無相法出；若人欲使幻、燄、響、影、化出，是人為欲使無相法出。何以故？須菩提！夢相不出三界，亦不住薩婆若；幻、燄、響、影、化相亦不出三界，亦不住薩婆若。

申四、舉大小乘因行空為類

須菩提！若人欲使檀那⁶波羅蜜出，是人為欲使無相法出；若人欲使尸羅波羅蜜、羼提波羅蜜、毗梨耶波羅蜜、禪那波羅蜜、般若波羅蜜出，是人為欲使無相法出。何以故？檀那波羅蜜相不出三界，亦不住薩婆若；尸羅波羅蜜乃至般若波羅蜜不出三界，亦不住薩婆若。所以者何？檀那波羅蜜……檀那波羅蜜相空……尸羅波羅蜜……羼提波羅蜜……毗梨耶波羅蜜……禪那波羅蜜……，般若波羅蜜、般若波羅蜜相空故。

若人欲使內空出乃至無法有法空出，是人為欲使無相法出。何以故？須菩提！內空相，乃至無法有法空相，不出三界，亦不住薩婆若。所以者何？內空、內空性空，乃至無法有法空、無法有法空性空故。

若人欲使四念處出，是人為欲使無相法出。何以故？四念處性不出三界，亦不住薩婆若。所以者何？四念處性、四念處性空故。若人欲使四正勤、四如意足、五根、五力、七覺分、八聖道分出，是人為欲使無相法出。何以故？八聖道分性，不出三界，不⁷住薩婆若。所以者何？八聖道分性、八聖道分性空故。乃至十八不共法亦如是。

申五、舉大小乘果空為類

須菩提！若人欲使阿羅漢出生處，是人為欲使無相法出；若人欲使辟支佛出生處，是人為欲使無相法出；若人欲使多陀阿伽度、阿羅訶、三

⁶〔那〕－【元】【明】(大正 08, 260d, n.1)。

⁷(亦)+不【元】【明】(大正 08, 260d, n.2)。

藐三佛陀出生處，是人為欲使無相法出。何以故？阿⁸羅漢性、辟支佛性、佛性不出三界，亦不住薩婆若。所以者何？阿羅漢性、阿羅漢性空，辟支佛性、辟支佛性空，佛性、佛性空故。若人欲使須陀洹果、斯陀含果、阿那含果、阿羅漢果、辟支佛道、佛道、一切種智出，是人為欲使無相法出，如上說。

申六、舉但名字等空為類

若人欲使名字、假名、施設、相，但有語言出，是人為欲使無相法出。何以故？名字空，不出三界，亦不住薩婆若。所以者何？名字相、名字相空故，乃至施設亦如是。

申七、舉不生不滅等法性空為類

是⁹人欲使不生不滅法、不垢不淨、無作法出，是人為欲使無相法出。何以故？不生乃至無作法¹⁰性不出三界，亦不住薩婆若。所以者何？不生性乃至¹¹無作性¹²、性空故。

午三、結無出到而出到

須菩提！以是因緣故，摩訶衍從三界中¹³出，至¹⁴薩婆若中住，

午四、結出到而無出到

不動¹⁵故。

辰四、答住處問¹⁶

巳一、標問

須菩提！汝所問：『是乘何處住』者¹⁷，

⁸ (須菩提)+阿【元】(大正 08, 260d, n.3)。

⁹ 是=若【元】【明】(大正 08, 260d, n.4)。

¹⁰ (法)+性【聖】(大正 08, 260d, n.5)。

¹¹ 無作性=無作無作法性【宋】【宮】，=無作無作【元】(大正 08, 260d, n.6)。

¹² [性]—【聖】(大正 08, 260d, n.7)。

¹³ [中]—【聖】(大正 08, 260d, n.8)。

¹⁴ [至]—【元】【明】【聖】(大正 08, 260d, n.9)。

¹⁵ 動+(法)【宋】【宮】【聖】(大正 08, 260d, n.10)。

¹⁶ 對照《大智度論》卷 50〈21 出到品〉(大正 25, 421a19-421b11)。

¹⁷ [者]—【聖】(大正 08, 260d, n.11)。

巳二、正答

午一、明無住而住

須菩提！是大乘無住處。何以故？一切法無住相故。是乘若住，不住法住。

午二、舉譬明雙非

須菩提！譬如法性，不生不滅、不垢不淨、無相¹⁸無作，非住非不住。

午三、合法明雙非

須菩提！是乘亦如是，非住非不住。

午四、雙釋雙非因

何以故？法性¹⁹相²⁰，非住非不住。所以者何？法性²¹相空故，乃至無作性、無作性²²空故。諸餘法亦如是。

午五、雙結無所住

須菩提！以是因緣故，是乘無所住²³，以不住法、不動法故。

卯二、答能乘人²⁴

辰一、標問

須菩提！汝所問：『誰當乘是乘出者』，

辰二、正答

巳一、明無住處故無人乘出

午一、正明

無有人乘是乘出者。

午二、舉四法無所有釋

何以故？是乘及²⁵出者，所用法及出時——是一切法皆無所有；若一

¹⁸ 相=起【宋】【宮】【聖】(大正 08, 260d, n.12)。

¹⁹ 性=住【明】(大正 08, 260d, n.13)。

²⁰ 相+(乃至無作相)【宋】【明】【宮】【聖】(大正 08, 260d, n.14)。

²¹ 相=相性【宋】【明】【聖】，=法性【元】(大正 08, 260d, n.15)。

²² 性+(性)【宋】【元】【明】【宮】(大正 08, 260d, n.16)。

²³ 所住=住處【宋】【宮】【聖】(大正 08, 260d, n.17)。

²⁴ 對照《大智度論》卷 50〈21 出到品〉(大正 25, 421b12-422a15)。

²⁵ 〔及〕-【元】【明】(大正 08, 260d, n.18)。

切法無所有，用何等法當出？

午三、舉生法二空釋四法不可得

何以故？我不可得，乃至知者、見者不可得，畢竟淨故。

不可思議性不可得，畢竟淨故。

陰²⁶、入、界不可得，畢竟淨故。

檀那²⁷波羅蜜不可得，畢竟淨故；乃至般若波羅蜜不可得，畢竟淨故。

內空不可得，畢竟淨故；乃至無法有法空不可得，畢竟淨故。

四念處不可得，乃至十八不共法不可得，畢竟淨故。

須陀洹不可得，乃至阿羅漢、辟支佛、菩薩、佛不可得，畢竟淨故。

須陀洹果，乃至阿羅漢果、辟支佛道、佛道、一切種智不可得，畢竟淨故。

不生不滅、不垢不淨、無起無作不可得，畢竟淨故。

過去世、未來²⁸、現在世，生、住、滅不可得，畢竟淨故。

增、減不可得，畢竟淨故。

午四、釋不可得所以

未一、舉法性等明不可得

何法不可得故不可得？法性不可得故不可得。如、實際、不可思議性²⁹、法性、法相、法位；檀那波羅蜜不可得故不可得³⁰，乃至³¹般若波羅蜜不可得故不可得。內空不可得故不可得，乃至無法有法空不可得故不可得。四念處不可得故不可得，乃至十八不共法不可得故不可得。須陀洹不可得故不可得，乃至佛不可得故不可得。須陀洹果不可得故不可得，

²⁶ 陰=眾【元】(大正 08, 260d, n.19)。

²⁷ [那]—【元】【明】【聖】(大正 08, 260d, n.20)。

²⁸ 來+(世)【宋】【元】【宮】(大正 08, 260d, n.21)。

²⁹ 性+(法性)【宋】【元】【明】【宮】(大正 08, 260d, n.22)。

³⁰ [不可得故不可得]—【聖】(大正 08, 260d, n.23)。

³¹ [乃至]—【宋】【宮】(大正 08, 260d, n.24)。

乃至佛道不可得故不可得。不生不滅，乃至不起³²不作不可得故不可得。

未二、舉十八空釋所以

申一、十地畢竟淨

復次，須菩提！初地不可得故不可得，乃至第十地不可得故不可得，畢竟淨故。

云何為初地乃至十地？所謂乾慧地、性地、八人地、見地、薄地、離欲地、已作地、辟支佛地、菩薩地、佛地。

內空中初地不可得，乃至無法有法空中初地不可得；內空乃至無法有法空中，第³³二、第三、第四、第五、第六、第七、第八、第九、第十地不可得。何以故？須菩提！初地非得非不得，乃至十地非得非不得，畢竟淨故。

申二、果德益物畢竟淨

內空乃至無法有法空中，成就眾生不可得，畢竟淨故。內空乃至無法有法空中，淨佛國土³⁴不可得，畢竟淨故。內空乃至無法有法空中，五眼不可得，畢竟淨故。

巳二、結不可得故菩薩乘之

如是，須菩提！菩薩摩訶薩以一切諸法³⁵不可得故，乘是摩訶衍出三界，住³⁶薩婆若。」

³² [不起] — 【聖】(大正 08, 261d, n.1)。

³³ (第一)+第【宋】【宮】(大正 08, 261d, n.2)。

³⁴ 國土=世界【元】(大正 08, 261d, n.3)。

³⁵ 法+(中)【宋】【宮】【聖】(大正 08, 261d, n.4)。

³⁶ [三界住] — 【元】(大正 08, 261d, n.5)。

《摩訶般若波羅蜜經》卷 6〈22 勝出品〉冠科¹

《摩訶般若波羅蜜經》卷 6（大正 08，261a17-262c3）²：

寅三、須菩提稱歎摩訶衍如來述成

卯一、舉勝出等五義歎

辰一、須菩提正作五歎

巳一、勝出歎

慧命須菩提白佛言：「世尊！摩訶衍、摩訶衍者，勝出一切世間及諸天、人、阿修羅。

巳二、等空歎

世尊！是摩訶衍與虛空等。

巳三、含受歎

如虛空受無量無邊阿僧祇眾生，摩訶衍亦如是受無量無邊阿僧祇眾生。

巳四、無來去歎

世尊！是摩訶衍不見來處，不見去處，不見住處。

巳五、三世等歎

是摩訶衍前際不可得、後際不可得、中際不可得，三³世等是摩訶衍。世尊！以是故，是乘名摩訶衍。」

辰二、如來述成

巳一、標歎乘體及義

午一、六度為乘體

佛告須菩提：「如是！如是！菩薩摩訶薩摩訶衍，所謂六波羅蜜：檀那⁴波羅蜜、尸羅波羅蜜、羼提波羅蜜、毗梨耶波羅蜜、禪波羅蜜、般若波羅蜜，是名菩薩摩訶薩摩訶衍。

¹ 妙境法師，《摩訶般若波羅蜜經》冠科(上冊)，pp.255-263。

² 對照《大智度論》卷 51〈22 勝出品〉(大正 25，422a23-424b17)。

³ (是名)+三【宋】【元】【明】【宮】(大正 08，261d，n.9)。

⁴ 檀那=檀【聖】(大正 08，261d，n.10)。

午二、百八三昧禪度義

復次，須菩提！菩薩摩訶薩摩訶衍，一切陀羅尼門、一切三昧門，所謂首楞嚴三昧乃至離著虛空不染三昧，是名菩薩摩訶薩摩訶衍。

午三、十八空等般若義

復次，須菩提！菩薩摩訶薩摩訶衍，所謂內空乃至無法有法空，是名菩薩摩訶薩摩訶衍。

午四、念處萬行為乘義

復次，須菩提！菩薩摩訶薩摩訶衍，所謂四念處乃至十八不共法，是名菩薩摩訶薩摩訶衍。

巳二、廣述

午一、勝出歎

未一、總相正述勝出

申一、勝出有為

酉一、舉三界

如須菩提所言：『是摩訶衍勝出一切世間及諸天、人、阿修羅。』

須菩提！若欲界當有實、不虛妄、不異、諦、不顛倒、有常、不壞相、非無法者，是摩訶衍不能勝出一切世間及諸天、人、阿修羅；須菩提！以欲界虛妄憶想分別、和合名字等有、一切無常相⁵、無法，以是故，摩訶衍勝出一切世間及諸天、人、阿修羅。

須菩提！色界、無色界若當實有、不虛妄、不異、諦、不顛倒、有常、不壞相、非無法者，是摩訶衍不能勝出一切世間及諸天、人、阿修羅；須菩提！以色界、無色界虛妄憶想分別、和合名字等有，有一切無常、破壞相、無法，以是故，摩訶衍勝出一切世間及諸天、人、阿修羅。

酉二、舉陰入等

須菩提！若色當實有、不虛妄、不異、諦、不顛倒、有常、不壞相、非無法者，是摩訶衍不能勝出一切世間及諸天、人、阿修羅；須菩提！以色虛妄憶想分別、和合名字等有、一切無常、破壞相、無法，以是故，是摩訶衍勝出一切世間及諸天、人、阿修羅。

⁵ 想=相【宋】【元】【明】【宮】(大正 08, 261d, n.11)。

受、想、行、識亦如是。

須菩提！若眼乃至意、色乃至法、眼識乃至意識、眼觸乃至意觸、眼觸因緣生受乃至意觸因緣生受，若當實有、不虛妄、不異、諦、不顛倒、有常、不壞相、非無法者，是摩訶衍不能勝出一切世間及諸天、人、阿修羅；須菩提！以眼乃至意觸因緣生受，虛妄憶想分別、和合名字等有、一切無常、破壞相、無法，以是故，摩訶衍勝出一切世間及諸天、人、阿修羅。

申二、勝出無為

須菩提！若法性是有法、非無法者，是摩訶衍不能勝出一切世間及諸天、人、阿修羅；須菩提！以法性無法、非法，以是故，摩訶衍勝出一切世間及諸天、人、阿修羅。

須菩提！若如、實際、不可思議性是有法，非無法者，是摩訶衍不能勝出一切世間及諸天、人、阿修羅；須菩提！以如、實際、不可思議性無法、非法；以是故，摩訶衍勝出一切世間及諸天、人、阿修羅。

申三、勝出因果

酉一、勝出因

戌一、六度非實故

須菩提！若檀那波羅蜜是有法，非無法者，是摩訶衍不能勝出一切世間及諸天、人、阿修羅；以檀那波羅蜜無法、非法，以是故，摩訶衍勝出一切世間及諸天、人、阿修羅。

若尸羅波羅蜜、羼提波羅蜜、毗梨耶波羅蜜、禪波羅蜜、般若波羅蜜是有法、非無法者，是摩訶衍不能勝出一切世間及諸天、人、阿修羅；以尸羅波羅蜜乃至般若波羅蜜無法、非法，以是故，摩訶衍勝出一切世間及諸天、人、阿修羅。

戌二、十八空非實故

須菩提！若內空乃至無法有法空是有法、非無法者，是摩訶衍不能勝出一切世間及諸天、人、阿修羅；以內空乃至無法有法空無法、非法；以是故，摩訶衍勝出一切世間及諸天、人、阿修羅。

戌三、三十七道品乃至十八不共法非實故

須菩提！若四念處乃至十八不共法是有法、非無法者，是摩訶衍不能勝出一切世間及諸天、人、阿修羅；以四念處乃至十八不共法無法、非法，以是故，摩訶衍勝出一切世間及諸天、人、阿修羅。

西二、勝出果

戌一、性人法乃至佛法非實故

須菩提！若性人法是有法、非無法者，是摩訶衍不能勝出一切世間及諸天、人、阿修羅；以性人法，無法、非法，以是故，摩訶衍勝出一切世間及諸天、人、阿修羅。

須菩提！若八人法、若須⁶陀洹法、斯陀含法、阿那含法、阿羅漢法、辟支佛法、佛法是有法、非無法者，是摩訶衍不能勝出一切世間及諸天、人、阿修羅；以八人法乃至佛法無法、非法，以是故，摩訶衍勝出一切世間及諸天、人、阿修羅。

戌二、性人乃至佛非實故

須菩提！若性⁷人是有法、非無法者，是摩訶衍不能勝出一切世間及諸天、人、阿修羅；以性地人無法、非法，以是故，摩訶衍勝出一切世間及諸天、人、阿修羅。

須菩提！若八人法⁸、須陀洹乃至佛是有法、非無法者，是摩訶衍不能勝出一切世間及諸天、人、阿修羅；以八人乃至佛無法、非法，以是故，摩訶衍勝出一切世間及諸天、人、阿修羅。

戌三、一切時間及諸天、人、阿修羅非實故

須菩提！若一切世間及諸天、人、阿修羅是有法、非無法者，是摩訶衍不能勝出一切世間及諸天、人、阿修羅；以一切世間及諸天、人、阿修羅無法、非法，以是故，摩訶衍勝出一切世間及諸天、人、阿修羅。

戌四、菩薩出發心乃至坐道場間諸心非實故

須菩提！若菩薩摩訶薩從初發心乃至道場，於其中間諸心，若⁹是有

⁶ (若)+須【宋】【元】【明】【宮】(大正 08, 262d, n.1)。

⁷ [地] - 【聖】(大正 08, 262d, n.2)。

⁸ [法] - 【宋】【元】【明】【宮】【聖】(大正 08, 262d, n.3)。

⁹ 若+(當)【宋】【元】【明】【宮】(大正 08, 262d, n.4)。

法、非無法者，是摩訶衍不能勝出一切世間及諸天、人、阿修羅；以菩薩從初發心乃至道場，於其中間諸心¹⁰無法、非法，以是故，摩訶衍勝出一切世間及諸天、人、阿修羅。

未二、別相明勝出意

申一、得一切種智勝

須菩提！若菩薩摩訶薩如金剛慧若是¹¹有法、非無法者，是菩薩摩訶薩不能知一切結使及習無法、非法，得一切種智；須菩提！以菩薩摩訶薩如金剛慧無法、非法，是故菩薩知一切結使及習無法、非法，得一切種智，以是故，摩訶衍勝出一切世間及諸天、人、阿修羅。

申二、佛三十二相勝

須菩提！若諸佛三十二相是有法、非無法者，諸佛威德不能照然、勝出一切世間及諸天、人、阿修羅；須菩提！以諸佛三十二相無法、非法，以是故，諸佛威德照然、勝出一切世間及諸天、人、阿修羅。

申三、佛光明勝

須菩提！若諸佛光明是有法、非無法者，諸佛光明不能普照¹²恆河沙等國土；須菩提！以諸佛光明無法、非法，以是故，諸佛能以光明，普照恆河沙等國土。

申四、佛音聲勝

須菩提！若諸佛六十種莊嚴音聲是有法、非無法者，諸佛不能以六十種莊嚴音聲至十方無量阿僧祇國土。須菩提！以諸佛六十種莊嚴音聲，無法、非法，以是故，諸佛能以六十種莊嚴音聲至十方無量阿僧祇國土。

申五、佛法輪勝

須菩提！諸佛法輪若當¹³是有法、非無法者，諸佛不能轉法輪——諸沙門、婆羅門、若天、若魔、若梵及世間餘眾¹⁴不能如法轉者；須菩提！以諸佛法輪無法、非法，以是故，諸佛轉法輪——諸沙門、婆羅門，若

¹⁰ [於其中間諸] — 【聖】(大正 08, 262d, n.5)。

¹¹ (若)+是【宋】【元】【明】【宮】(大正 08, 262d, n.6)。

¹² 如=於【明】，[如] — 【元】(大正 08, 262d, n.7)。

¹³ [當] — 【元】(大正 08, 262d, n.8)。

¹⁴ (所)+不【宋】【明】【宮】(大正 08, 262d, n.9)。

天、若魔、若梵及世間餘眾所不能如法轉者。

未三、結利益他勝出

須菩提！諸佛為眾生轉法輪，是¹⁵眾生若實¹⁶有法、非無法者，不能令是眾生於無餘涅槃而般涅槃；須菩提！以諸佛為眾生轉法輪，是眾生無法、非法，以是故，能令眾生於無餘涅槃中已滅、今滅、當滅。」

¹⁵ 是=若【宮】(大正 08，262d，n.10)。

¹⁶ 若實=是【宮】(大正 08，262d，n.11)。

《摩訶般若波羅蜜經》卷 6 〈23 等空品〉冠科¹

《摩訶般若波羅蜜經》卷6（大正08，262c4-265c22）：

午二、等空歎²

未一、牒歎

佛告須菩提：「汝所言：『衍與空等。』」

未二、正述

如是！如是！須菩提！摩訶衍與虛³空等。

未三、歎述

申一、非方時故等空

酉一、無十方相

須菩提！如虛空無東方，無南方西方北方、四維、上下；須菩提！摩訶衍亦如是，無東方，無南方西方北方、四維、上下。

酉二、非形色相

須菩提！如虛空非長、非短、非方非圓；須菩提！摩訶衍亦如是，非長非短、非方非圓。

酉三、非顯色相

須菩提！如虛空非青、非黃、非赤、非白、非黑；摩訶衍亦如是，非青、非黃、非赤、非白、非黑。以是故，說摩訶衍與空等。

酉四、非三世相

須菩提！如虛空非過去、非未來、非現在；摩訶衍亦如是，非過去、非未來、非現在。

以是故，說摩訶衍與空等。

申二、非諸相故等空

酉一、無增減垢淨生滅相

¹ 妙境法師，《摩訶般若波羅蜜經》冠科(上冊)，pp.264-281。

² 對照《大智度論》卷 51 〈23 含受品〉(大正 25，424b19-425b2)。

³ 〔虛〕－【元】【聖】(大正 08，262d，n.15)。

須菩提！如虛空不增不減；摩訶衍如是，亦⁴不增不減。
須菩提！如虛空無垢無淨；摩訶衍亦如是，無垢無淨。
須菩提！如虛空無生、無滅、無住、無異；摩訶衍亦如是，無生、無滅、無住、無異。

西二、三性相

須菩提！如虛空非善、非不善、非記、非無記；摩訶衍亦如是，非善、非不善、非記、非無記。以是故，說摩訶衍與空等。

西三、無見聞覺知相

如虛空無見、無聞、無覺、無識；摩訶衍亦如是，無見、無聞、無覺、無識。

西四、非知斷證修相

如虛空不可知、不可識、不可見、不可斷、不可證、不可修；摩訶衍亦如是，不可知、不可識、不可見、不可斷、不可證、不可修。
以是故，說摩訶衍與空等。

西五、非染離相

如虛空非染相、非離相；摩訶衍亦如是，非染相、非離相。

西六、非界繫相

如虛空不繫欲界、不繫色界、不繫無色界；摩訶衍亦如是，不繫欲界、不繫色界、不繫無色界。

申三、無諸果故等空

西一、無菩薩十心相

如虛空無初發心，亦無二、三、四、五、六、七、八、九、第十心；摩訶衍亦如是，無初發心乃至第十心。

西二、無三乘共地相

如虛空無乾慧地、性人⁵地、八人地、見地、薄地、離欲地、已作⁶地；

⁴〔亦〕－【宋】【元】【明】【宮】（大正 08，262d，n.16）。

⁵〔人〕－【元】【明】（大正 08，263d，n.1）。

⁶作＝辨【宋】【元】【明】（大正 08，263d，n.2）。

摩訶衍亦如是，無乾慧地乃至⁷已辨⁸地。

西三、無聲聞四果相

如虛空無須陀洹果、無斯陀含果、無阿那含果、無阿羅漢果；摩訶衍亦如是，無須陀洹果，乃至無阿羅漢果。

西四、無三乘地相

如虛空無聲聞地、無辟支佛地、無佛地；摩訶衍亦如是，無聲聞地乃至⁹佛地。以是故，說摩訶衍與虛¹⁰空等。

申四、非二邊故等空

酉一、非色非無色等相

如虛空非色非無¹¹色、非可見非不可見、非有對非無對、非合非散；摩訶衍亦如是，非色非無色、非可見非不可見、非有對非無對、非合非散。以是故，說摩訶衍與空等。

酉二、非常非無常等相

須菩提！如虛空非常非無常、非樂非苦、非我非無我；摩訶衍亦如是，非常非無常、非樂非苦、非我非無我。以是故，說摩訶衍與空等。

酉三、非空非不空等相

須菩提！如虛空非空非不空、非相非無相、非作非無作；摩訶衍亦如是，非空非不空、非相非無相、非作非無作。以是故，說摩訶衍與空等。

酉四、非滅離非不滅離相

須菩提！如虛空非寂滅非不寂滅、非離非不離；摩訶衍亦如是，非寂滅非不寂滅、非離非不離。以是故，說摩訶衍與空等。

酉五、非闇非明相

須菩提！如虛空非暗、非明；摩訶衍亦如是，非暗、非明。以是故，說摩訶衍與空等。

⁷ (無)+已【元】(大正 08, 263d, n.3)。

⁸ 辦=作【宋】【元】【明】【宮】(大正 08, 263d, n.4)。

⁹ (無)+佛【宋】【元】【明】【宮】(大正 08, 263d, n.5)。

¹⁰ [虛]-【宋】【元】【明】【宮】(大正 08, 263d, n.6)。

¹¹ 無=不【宮】(大正 08, 263d, n.7)。

酉六、非得非不得相

須菩提！如虛空非可得、非不可得；摩訶衍亦如是，非可得、非不可得。以是故，說摩訶衍與空等。

酉七、非可說非不可說相

須菩提！如虛空非可說、非不可說；摩訶衍亦如是，非可說、非不可說。以是故，說摩訶衍與空等。

未四、結歎

須菩提！以是諸因緣故，說摩訶衍與空等。

午三、含受歎¹²

未一、牒歎

須菩提！如汝所言：『如虛空受無量無邊阿僧祇眾生，摩訶衍亦受無量無邊阿僧祇眾生。』

未二、正述

申一、舉虛空為歎

如是！如是！須菩提！眾生無有故，當知虛空無有；虛空無有故，當知摩訶衍亦無有。

以是因緣故，摩訶衍受無量無邊阿僧祇眾生。

何以故？是眾生、虛空、摩訶衍——是法皆不可得故。

申二、舉阿僧祇為歎

復次，須菩提！摩訶衍無所有故，當知阿僧祇無所有；阿僧祇無所有故，當知無量無所有；無量無所有故，當知無邊無所有；無邊無所有故，當知一切諸法無所有。

以是因緣¹³故，須菩提！是摩訶衍受無量無邊阿僧祇眾生。

何以故？是眾生、虛空、摩訶衍、阿僧祇、無量、無邊——是一切法不可得故。

申三、舉我空為歎

酉一、我空類如等空

¹² 對照《大智度論》卷 51 〈23 含受品〉(大正 25, 425b3-427b2)。

¹³ 〔因緣〕－【聖】(大正 08, 263d, n.8)。

復次，須菩提！我無所有乃至知者、見者無所有故，當知如、法性、實際無所有；如、法性、實際無所有故，當知乃至無量、無邊、阿僧祇無所有；無量、無邊、阿僧祇無所有故，當知一切法無所有。

以是因緣故，須菩提！是摩訶衍受¹⁴無量無邊阿僧祇眾生。

何以故？是眾生乃至知者、見者，實際乃至無量、無邊、阿僧祇——是一切法不可得故。

酉二、我空類陰入等空

戌一、不可思議性、五蘊等皆不可得

復次，須菩提！我無所有乃至知者、見者無所有故，當知不可思議性無所有；不可思議性無所有故，當知色受想行識無所有；色受想行識無所有故，當知虛空無所有；虛空無所有故，當知摩訶衍無所有；摩訶衍無所有故，當知阿僧祇無所有；阿僧祇無所有故，當知無量無所有；無量無所有故，當知無邊無所有；無邊無所有故，當知一切諸法無所有。

以是因緣故，須菩提！當知¹⁵摩訶衍受無量無邊阿僧祇眾生。

何以故？須菩提！我乃至知者、見者等一切法皆不可得故。

戌二、六入等皆不可得

復次，須菩提！我無所有乃至知者、見者無所有故，當知眼無所有，耳、鼻、舌、身、意無所有；眼乃至意無所有故，當知虛空無所有；虛空無所有故，當知摩訶衍無所有；摩訶衍無所有故，當知阿僧祇無所有；阿僧祇無所有故，當知無量無所有；無量無所有故，當知無邊無所有；無邊無所有故，當知一切諸法無所有。

以是因緣故，須菩提！是摩訶衍受無量無邊阿僧祇眾生。

何以故？須菩提！我乃至一切諸法皆不可得故。

酉三、我空類道法空

戌一、六度等法皆不可得

復次，須菩提！我無所有，乃至知者、見者無所有故，當知檀波羅蜜無所有，尸羅波羅蜜、羼提波羅蜜、毗梨耶波羅蜜、禪¹⁶波羅蜜、般若

¹⁴ 受=愛【聖】(大正 08, 263d, n.9)。

¹⁵ (是)+摩【宋】【元】【明】【宮】(大正 08, 263d, n.10)。

¹⁶ 禪那=禪【聖】(大正 08, 263d, n.11)。

波羅蜜無所有；般若波羅蜜無所有故，當知虛空無所有；虛空無所有故，當知摩訶衍無所有；摩訶衍無所有故，當知無量、無邊、阿僧祇無所有；無量、無邊、阿僧祇無所有故，當知一切諸法無所有。

以是因緣故，須菩提！是摩訶衍受無量無邊阿僧祇眾生。
何以故？我、眾生乃至一切諸法皆不可得故。

戌二、十八空等皆不可得

復次，須菩提！我無所有乃至知者、見者無所有故，當知內空無所有，乃至無法有法空無所有；無法有法空無所有故，當知虛空無所有；虛空無所有故，當知摩訶衍無所有；摩訶衍無所有故，當知阿僧祇、無量、無邊無所有；阿僧祇、無量、無邊無所有故，當知一切諸法無所有。

以是因緣故，須菩提！是摩訶衍受無量無邊阿僧祇眾生。
何以故？我、眾生乃至一切諸法皆不可得故。

戌三、四念處乃至十八不共法等皆不可得

復次，須菩提！我、眾生乃至知者、見者無所有故，當知四念處無所有；四念處無所有故，乃至十八不共法無所有；十八不共法無所有故，當知虛空無所有；虛空無所有故，當知摩訶衍無所有；摩訶衍無所有故，當知阿僧祇、無量、無邊無所有；阿僧祇、無量、無邊無所有故，當知一切諸法無所有。

以是因緣故，須菩提！是¹⁷摩訶衍受無量無邊阿僧祇眾生。
何以故？我、眾生乃至一切諸法皆不可得故。

酉四、我空類道果空

戌一、性地乃至已作地等皆不可得

復次，須菩提！我、眾生無所有乃至知者、見者無所有故，當知性地¹⁸無所有，乃至已作地無所有；已作地無所有故，當知虛空無所有；虛空無所有故，當知摩訶衍無所有；摩訶衍無所有故，當知阿僧祇、無量、無邊無所有；阿僧祇、無量、無邊無所有故，當知一切諸法無所有。

以是因緣故，是¹⁹摩訶衍受無量無邊阿僧祇眾生。

¹⁷〔是〕－【宋】【元】【明】【宮】（大正 08，264d，n.1）。

¹⁸地＝法【宋】【宮】（大正 08，264d，n.2）。

¹⁹〔是〕－【宮】（大正 08，264d，n.3）。

何以故？我、眾生乃至一切諸法皆不可得故。

戌二、四果聖者等皆不可得

復次，須菩提！我、眾生乃至知者、見者無所有故，當知須陀洹無所有；須陀洹無所有故，當知斯陀含無所有；斯陀含無所有故，當知阿那含無所有；阿那含無所有故，當知阿羅漢無所有；阿羅漢無所有故，當知乃至一切諸法無所有。

以是因緣故，須菩提！是摩訶衍受無量無邊阿僧祇眾生。

何以故？須菩提！我乃至一切諸法皆不可得故。

戌三、三乘乃至一切種智等皆不可得

復次，須菩提！我乃至知者、見者無所有故，當知聲聞乘無所有；聲聞乘無所有故，當知辟支佛乘無所有；辟支佛乘無所有故，當知佛乘無所有；佛乘無所有故，當知聲聞人無所有；聲聞人無所有故，當知須陀洹無所有；須陀洹無所有故，乃至佛無所有；佛無所有故，當知一切種智無所有；一切種智無所有故，當知虛空無所有；虛空無所有故，當知摩訶衍無所有；摩訶衍無所有故，當知乃至一切諸法無所有。

以是因緣故，是摩訶衍受無量無邊阿僧祇眾生。

何以故？我乃至一切諸法皆不可得故。

申四、舉涅槃為歎

須菩提！譬如²⁰涅槃性中受無量無邊阿僧祇眾生，是摩訶衍亦受無量無邊阿僧祇眾生。

未三、結歎

以是因緣故，須菩提！如虛空受無量無邊阿僧祇眾生，是摩訶衍亦是受無量無邊阿僧祇眾生。

午四、無來去歎²¹

未一、牒歎

須菩提！汝所言：『是摩訶衍不見來處、不見去處、不見住處。』

未二、正述

²⁰ [譬如] — 【聖】(大正 08, 264d, n.4)。

²¹ 對照《大智度論》卷 51〈23 含受品〉(大正 25, 427b3-428a25)。

申一、總述不動相故法無來去

如是！如是！須菩提！是摩訶衍不見來處、不見去處、不見住處。
何以故？須菩提！一切諸法不動相故，是法無來處、無去處、無住處。

申二、別釋觀五義故法無來去

酉一、舉陰入等

戌一、舉五蘊說

何以故？須菩提！色，無所從來，亦無所去，亦無所住；受、想、行、識，無所從來，亦無所去，亦無所住。

須菩提！色法，無所從來，亦無所去，亦無所住；受、想、行、識法，無所從來，亦無所去，亦無所住。

須菩提！色如，無所從來，亦無所去，亦無所住；受、想、行、識如，無所從來，亦無所去，亦無所住。

須菩提！色性，無所從來，亦無所去，亦無所住；受、想、行、識性，無所從來，亦無所去，亦無所住。

須菩提！色相，無所從來，亦無所去，亦無所住；受、想、行、識相，無所從來，亦無所去，亦無所住。

戌二、舉六根、六塵、六大說

須菩提！眼、眼法、眼如、眼性、眼相，無所從來，亦無所去，亦無所住；耳……鼻……舌……身……；意、意法、意如、意性、意相，無所從來，亦無所去，亦無所住。色聲香味觸法亦如是。

須菩提！地種、地種法、地種如、地種性、地種相，無所從來，亦無所去，亦無所住；水……火……風……空……；識種、識種法、識種如、識種性、識種相亦如是。

酉二、舉如等

須菩提！如、如法、如如、如性²²、如相，無所從來，亦無所去，亦無所住。

須菩提！實際、實際法、實際如、實際性、實際相，無所從來，亦無

²² 如性 = 性如【宋】【元】【明】【聖】(大正 08, 264d, n.5)。

所去，亦無所住。

須菩提！不可思議、不可思議法、不可思議如、不可思議性、不可思議相，無所從來，亦無所去，亦無所住。

酉三、舉道法

須菩提！檀波羅蜜、檀波羅蜜法、檀波羅蜜如、檀波羅蜜性、檀波羅蜜相，無所從來，亦無所去，亦無所住；尸羅波羅蜜……羼提波羅蜜……毗梨耶波羅蜜……禪波羅蜜……；般若波羅蜜，般若波羅蜜法、般若波羅蜜如、般若波羅蜜性、般若波羅蜜相，無所從來，亦無所去，亦無所住。

須菩提！四念處、四念處法、四念處如、四念處性、四念處相，無所從來，亦無所去，亦無所住；乃至十八不共法亦如是。

酉四、舉道果

須菩提！菩薩、菩薩法、菩薩如、菩薩性、菩薩相，無所從來，亦無所去，亦無所住。

佛、佛法、佛如、佛性、佛相，無所從來，亦無所去，亦無所住。

阿耨多羅三藐三菩提、阿耨多羅三藐三菩提法、如、性、相，無所從來，亦無所去，亦無所住。

酉五、舉有為無為法

須菩提！有為法、有為法法、有為法如、有為法性、有為法相，無所從來，亦無所去，亦無所住。

須菩提！無為法、無為法法、無為法如、無為法性、無為法相，無所從來，亦無所去，亦無所住。

未三、結歎

以是因緣故，須菩提！是摩訶衍不見來處，不見去處，不見住處。

午五、三世等歎²³

未一、牒歎

須菩提！汝所言：『是摩訶衍，前際不可得、後際不可得、中際不可得，是衍名三世等；以是故說名摩訶衍。』

²³ 對照《大智度論》卷 51〈23 含受品〉(大正 25, 428a26-429b16)。

未二、正述

申一、約法空義

酉一、不可得空

如是！如是！須菩提！是摩訶衍前際不可得、後際不可得、中際不可得，是衍名三世等。以是故說名摩訶衍。

何以故？須菩提！過去世、過去世空，未來世、未來世空，現在世、現在世空，三世等、三世等空。

酉二、自相空

摩訶衍、摩訶衍空，菩薩、菩薩空。

何以故？須菩提！是空非一、非二、非三、非四、非五、非異。

以是故說名三世等是菩薩摩訶薩摩訶衍。

酉三、自性空

是衍中，等、不等相²⁴不可得故，染、不染不可得，瞋、不瞋不可得，癡、不癡不可得，慢、不慢不可得，乃至一切善法、不善法不可得。

是衍中，常不可得，無常不可得；樂不可得，苦不可得；實不可得，空不可得；我不可得，無我不可得；欲界不可得，色界不可得，無色界不可得；度欲界不可得，度色界不可得，度無色界不可得。何以故？是摩訶衍自法不可得故。

酉四、空相空

須菩提！過去色、過去色空，未來、現在色，未來、現在色空；過去受想行識、過去受想行識空，未來、現在受想行識，未來、現在受想行識空。

空中過去色不可得。何以故？空中空亦不可得，何況空中過去色可得！

空中未來、現在色不可得。何以故？空中空亦不可得，何況空中未來、現在色可得！

空中過去受想行識不可得。何以故？空中空亦不可得，何況空中過去受想行識可得！

空中未來、現在受想行識不可得。何以故？空中空亦不可得，何況空

²⁴ [相] – 【宮】(大正 08, 265d, n.1)。

中未來、現在受想行識可得！

西五、平等空

須菩提！過去檀波羅蜜不可得，未來檀波羅蜜不可得，現在檀波羅蜜不可得，三世等中檀波羅蜜亦不可得。何以故？等中過去世不可得，未來世不可得，現在世不可得。等中等亦不可得，何況等中過去世、未來世、現在世可得！尸羅波羅蜜、羶提波羅蜜、毗梨耶波羅蜜、禪波羅蜜、般若波羅蜜亦如是。

復次，須菩提！過去世中²⁵四念處不可得，乃至過去世中十八不共法亦²⁶不可得；未來世、現在世亦如是。

復次，須菩提！三世等中四念處不可得，三世等中乃至十八不共法亦不可得。

何以故？等中過去世四念處不可得，等中未來世四念處不可得，等中現在世四念處不可得，²⁷乃至十八不共法亦如是。等中等亦不可得，何況等中過去世四念處，未來²⁸、現在²⁹世四念處可得！等中等亦不可得，何況等中過去世³⁰乃至十八不共法可得！未來、現在世³¹乃至十八不共法亦如是。

申二、約生空義

復次，須菩提！過去世凡夫人不可得，未來世、現在世中³²凡夫³³人不可得，三世等中凡夫人亦不可得。何以故？眾生不可得，乃至知者、見者不可得故。

過去世中³⁴聲聞、辟支佛、菩薩、佛不可得，未來³⁵現在世聲聞、辟

²⁵ [中] — 【宋】【宮】(大正 08, 265d, n.2)。

²⁶ (亦)+不【宋】【元】【明】【宮】(大正 08, 265d, n.3)。

²⁷ [乃至…是] 十字 — 【元】【聖】(大正 08, 265d, n.4)。

²⁸ 來+(世)【元】(大正 08, 265d, n.5)。

²⁹ 在=世【元】(大正 08, 265d, n.6)。

³⁰ [世] — 【宋】【宮】【聖】(大正 08, 265d, n.7)。

³¹ [乃至…法] 七字 — 【元】【聖】(大正 08, 265d, n.8)。

³² [中] — 【宮】(大正 08, 265d, n.9)。

³³ [夫] — 【聖】(大正 08, 265d, n.10)。

³⁴ [中] — 【宋】【元】【明】【宮】(大正 08, 265d, n.11)。

支佛、菩薩、佛不可得，三世等中聲聞、辟支佛、菩薩、佛不可得。何以故？眾生不可得，乃至知者、見者不可得故。

申三、勸修

如是！須菩提！菩薩摩訶薩住般若波羅蜜中，學三世等相，當具足一切種智。

未三、結歎

申一、三世平等歎

是名菩薩摩訶薩摩訶衍，所謂三世等相。

申二、再歎勝出

菩薩摩訶薩住是衍³⁶中，勝一切世間及諸天、人、阿修羅，成就薩婆若。」

卯二、舉出生三世諸佛歎

辰一、須菩提歎

爾時，須菩提白佛言：「世尊！善哉！善哉！是菩薩摩訶薩摩訶衍！何以故？過去諸菩薩摩訶薩³⁷是衍中學，得一切種智，未來世³⁸諸菩薩摩訶薩亦是衍中學，當得一切種智。世尊！今十方無量阿僧祇世界中，諸菩薩摩訶薩亦是衍中學，得一切種智。以是故，世尊！是衍實是菩薩摩訶薩摩訶衍。」

辰二、如來述歎

佛告須菩提：「如是！如是！過去、未來、現在諸佛，是摩訶衍中學，已得一切種智，當得、今³⁹得。」

³⁵ 來+(世)【元】【明】(大正 08, 265d, n.12)。

³⁶ [衍]—【聖】(大正 08, 265d, n.13)。

³⁷ [摩訶薩]—【聖】(大正 08, 265d, n.14)。

³⁸ [世]—【宋】【元】【明】【宮】(大正 08, 265d, n.15)。

³⁹ 今=令【宋】(大正 08, 265d, n.16)。

《摩訶般若波羅蜜經》卷 7〈24 會宗品〉冠科¹

《摩訶般若波羅蜜經》卷 7（大正 08，266c5-267a18）：

寅四、會無二法除新學疑²

卯一、疑問

辰一、富樓那騰眾疑

爾時，慧命富樓那彌多羅尼子白佛言：「世尊！佛使須菩提為諸菩薩摩訶薩說般若波羅蜜，今乃說摩訶衍為？」

辰二、須菩提自審

須菩提白佛言：「世尊！我說摩訶衍，將無離般若波羅蜜耶³？」

卯二、釋疑

辰一、就教會

佛言：「不也！須菩提！汝說摩訶衍，隨般若波羅蜜不離。

何以故？一切所有善法、助道法——若聲聞法、若辟支佛法、若菩薩法、若佛法，是一切法，皆攝入般若波羅蜜中。」

須菩提白佛言：「世尊！何等諸善法、助道法——聲聞法、辟支佛法、菩薩法、佛法，皆攝入般若波羅蜜中？」

佛告須菩提：「所謂檀那⁴波羅蜜、尸羅波羅蜜、羼提波羅蜜、毘梨耶波羅蜜、禪那⁵波羅蜜、般若波羅蜜，四念處、四正勤、四如意足，五根、五力、七覺分、八聖道分，空、無相、無作解脫門，佛十力、四無所畏、四無闕智、大慈大悲、十八不共法，無錯謬⁶相、常捨行。須菩提！是諸餘善法、助道法——若聲聞法、若辟支佛法、若菩薩法、若佛法，皆攝入般若波羅蜜中。」

¹ 妙境法師，《摩訶般若波羅蜜經》冠科(上冊)，pp.282-284。

² 對照《大智度論》卷 52〈24 會宗品〉(大正 25，429b26-430b1)。

³ 〔耶〕—【宋】【元】【明】【宮】(大正 08，266d，n.16)。

⁴ 〔那〕—【聖】*(大正 08，266d，n.17)。

⁵ 〔那〕—【聖】*(大正 08，266d，n.17-1)。

⁶ 謬+ (法)【宋】【明】【宮】(大正 08，266d，n.18)。

辰二、就理會

須菩提！若菩薩摩訶薩摩訶衍，若般若波羅蜜、禪那⁷波羅蜜、毘梨耶波羅蜜、羸提波羅蜜、尸羅波羅蜜、檀那⁸波羅蜜，若色受想行識，眼色、眼識、眼觸、眼觸因緣生諸受，乃至意法、意識、意觸、意觸因緣生諸受，地種乃至識種，四念處乃至八聖道分，空、無相、無作解脫門，及諸善法，若有漏、若無漏，若有為、若無為，若苦諦、集諦、滅諦、道諦，若欲界、若色界、若無色界，若內空乃至無法有法空，諸三昧門、諸陀羅尼門，佛十力乃至十八不共法，若佛法⁹、佛、法性、如、實際、不可思議性、涅槃——是一切諸法皆不合不散、無色、無形、無對、無閼、無等¹⁰，一相，所謂無相。

辰三、結

須菩提！以是因緣故，汝所說摩訶衍，隨順般若波羅蜜。

何以故？須菩提！摩訶衍不異般若波羅蜜，般若波羅蜜不異摩訶衍；般若波羅蜜、摩訶衍無二無別。檀那波羅蜜不異摩訶衍，摩訶衍不異檀那波羅蜜；檀那波羅蜜、摩訶衍無二無別；乃至禪那波羅蜜亦如是。

須菩提！四念處不異摩訶衍，摩訶衍不異四念處；四念處、摩訶衍無二無別；乃至十八不共法不異摩訶衍，摩訶衍不異十八不共法，十八不共法、摩訶衍無二無別。

以是因緣故，須菩提！汝說摩訶衍即是說般若波羅蜜。」

⁷〔那〕－【聖】*(大正 08, 266d, n.17-2)。

⁸〔那〕－【聖】*(大正 08, 266d, n.17-3)。

⁹法佛＝佛法【聖】(大正 08, 267d, n.1)。

¹⁰無對無閼無等＝無礙無等【宋】，＝無礙無對【元】【明】，＝無閼無等【宮】，＝無對【聖】(大正 08, 267d, n.2)。

《摩訶般若波羅蜜經》卷 7 〈25 十無品〉冠科¹

《摩訶般若波羅蜜經》卷 7 (大正 08, 267a20-270b16) :

癸三、就無生門說般若²

子一、明順無生

丑一、正明十無觀求菩薩不可得故人無生

寅一、標問

卯一、須菩提標

慧命須菩提白佛言：「世尊！

菩薩摩訶薩前際不可得，後際不可得，中際不可得。

色無邊故，當知菩薩摩訶薩亦無邊；受、想、行、識無邊故，當知菩薩摩訶薩亦無邊。

色是菩薩摩訶薩，是亦不可得；受、想、行、識是菩薩摩訶薩，是亦不可得。

如是！世尊！於一切種、一切處求菩薩不可得。世尊！我當教何等菩薩摩訶薩般若波羅蜜？

世尊！菩薩摩訶薩但有名字。

如說我名字，我畢竟不生。如我，諸法亦如是無自性。何等色畢竟不生？何等受、想、行、識畢竟不生？

世尊！是畢竟不生，不名為色；是畢竟不生，不名為受、想、行、識。世尊！若畢竟不生法，當教是般若波羅蜜耶？

離畢竟不生，亦無菩薩行阿耨多羅三藐三菩提。

若菩薩聞作是說，心不沒、不悔、不驚、不怖、不畏，當知是菩薩摩訶薩能行般若波羅蜜。」

卯二、舍利弗問

舍利弗問須菩提：「何因緣故言：『菩薩摩訶薩前際不可得，後際不可得，中際不可得？』」

¹ 妙境法師，《摩訶般若波羅蜜經》冠科(上冊)，pp.285-303。

² 對照《大智度論》卷 52 〈25 十無品〉(大正 25, 430b3-432a23)。

須菩提！何因緣故言：『色無邊故，當知菩薩亦無邊；受、想、行、識無邊故，當知菩薩亦無邊？』

須菩提！何因緣故言：『色是菩薩，是亦不可得；受、想、行、識是菩薩，是亦不可得？』

須菩提！何因緣故言：『於一切種、一切處菩薩不可得，當教何等菩薩般若波羅蜜？』

須菩提！何因緣故言：『菩薩摩訶薩但有名字？』

須菩提！何因緣故言：『如說我名字，我畢竟不生？如我，諸法亦如是無自性？何等色畢竟不生？何等受想行識畢竟不生？』

須菩提！何因緣故言：『畢竟不生，不名為色；畢竟不生，不名為受想行識？』

須菩提！何因緣故言：『若畢竟不生法，當教是般若波羅蜜耶？』

須菩提！何因緣故言：『離畢竟不生，亦無菩薩行阿耨多羅三藐三菩提？』

須菩提！何因緣故言：『若菩薩聞作是說，心不沒、不悔、不驚、不怖、不畏，若能如是行，是名菩薩摩訶薩行般若波羅蜜？』」

寅二、答釋

卯一、三際無故無菩薩體

辰一、略約世間二空明

巳一、眾生空

爾時，須菩提報舍利弗言：「眾生無所³有故，菩薩前際不可得；眾生空故，菩薩前際不可得；眾生離故，菩薩前際不可得。

巳二、五陰法空

舍利弗！色無有故，菩薩前際不可得；受、想、行、識無有故，菩薩前際不可得。色空故，菩薩前際不可得；受、想、行、識空故，菩薩前際不可得。色離故，菩薩前際不可得；受、想、行、識離故，菩薩前際不可得。舍利弗！色性無故，菩薩前際不可得；受、想、行、識性無故，菩薩前際不可得。

辰二、廣約出世二空明

³〔所〕－【宋】【明】【宮】(大正 08, 267d, n.5)。

巳一、法空

午一、六度空

舍利弗！檀那波羅蜜無有故，菩薩前際不可得；尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜無有故，菩薩前際不可得。何以故？舍利弗！空中前際不可得，後際不可得，中際不可得；空不異菩薩，菩薩不異前際。舍利弗！空、菩薩、前際，是諸法無二無別。以是因緣故，舍利弗！菩薩前際不可得。

舍利弗！檀那波羅蜜空故，檀那波羅蜜離故，檀那波羅蜜性無故，菩薩前際不可得；尸羅波羅蜜……羼提波羅蜜……毘梨耶波羅蜜……禪那波羅蜜……；般若波羅蜜空故，般若波羅蜜離故，般若波羅蜜性無故，菩薩前際不可得。何以故？舍利弗！空中前際不可得，後際不可得，中際不可得；空不異菩薩，亦⁴不異前際。舍利弗！空、菩薩、前際，無二無別。以是因緣故，舍利弗！菩薩前際不可得。

午二、十八空空

復次，舍利弗！內空無所⁵有故，菩薩前際不可得；乃至無法有法空無所有故，菩薩前際不可得；內空空故、內空離故、內空性無故，乃至無法有法空空故、離故、性無故，菩薩前際不可得。餘如上說。

午三、道品乃至佛德空

復次，舍利弗！四念處無所有故，菩薩前際不可得；四念處空故、離故、性無故，菩薩前際不可得。乃至十八不共法無所有故，菩薩前際不可得；十八不共法空故、離故、性無故，菩薩前際不可得。餘如上說。以是因緣故，舍利弗！菩薩前際不可得。

午四、三昧等空

復次，舍利弗！一切三昧門、一切陀羅尼門無有故，菩薩前際不可得；三昧門、陀羅尼門空故、離故、性無故，菩薩前際不可得。餘如上說。

午五、法性等空

復次，舍利弗！法性無有故，菩薩前際不可得；法性空故、離故、性

⁴ 亦=菩薩【宋】【元】【明】【宮】*(大正08, 267d, n.6)。

⁵ [所] - 【宮】*(大正08, 267d, n.7)。

無故，菩薩前際不可得。餘如上說。

復次，舍利弗！如無有故，空故，離故，性無故；實際無有故，空故，離故，性無故；不可思議性無有故，空故，離故，性無故，菩薩前際不可得。餘如上說。

巳二、生空

復次，舍利弗！聲聞無有故，菩薩前際不可得；聲聞空故、離故、性無故，菩薩前際不可得。

辟支佛無有故、空故、離故、性無故，菩薩前際不可得。

佛無有故、空故、離故、性無故，菩薩前際不可得。

阿耨多羅三藐三菩提無有故乃至性無故，菩薩前際不可得。

復次，一切種智無有故乃至性無故，菩薩前際不可得。

何以故？舍利弗！空，前際不可得、後際不可得、中際不可得，菩薩不可得。舍利弗！空不異菩薩，亦不異前際；空、菩薩、前際，是諸法無二無別。

辰三、結

以是因緣故，舍利弗！菩薩前際不可得，後際、中際亦如是。

卯二、離陰無菩薩體

⁶如舍利弗言⁷：『色無邊故，當知菩薩亦無邊；受、想、行、識無邊故，當知菩薩亦無邊？』

舍利弗！色如虛空，受、想、行、識如虛空。

何以故？舍利弗！如虛空邊不可得、中不可得；無邊無中故，但說名虛空。

如是！舍利弗！色邊不可得、中不可得，是色空故，空中亦無邊亦無中；受……想……行……；識邊不可得、中不可得，識空故，空中亦無邊亦無中。

以是因緣故，舍利弗！色無邊故，當知菩薩亦無邊；受、想、行、識無邊故，當知菩薩亦無邊。乃至十八不共法亦如是。

⁶ 對照《大智度論》卷 52 〈25 十無品〉(大正 25, 432a24-433c10)。

⁷ (所) + 言【宋】【元】【明】【宮】* (大正 08, 268d, n.2)。

卯三、即陰無菩薩體

辰一、約法空明

如舍利弗言：『色是菩薩，是亦不可得；受、想、行、識是菩薩，是亦不可得？』

舍利弗！色、色相空，受……想……行……，識、識相空；檀那波羅蜜、檀那波羅蜜相空，乃至般若波羅蜜亦如是；內空、內空相空，乃至無法有法空、無法有法空相空；四念處、四念處相空，乃至十八不共法、十八不共法相空；如、法性、實際、不可思議性，不可思議性相空；三昧門、三昧門相空，陀羅尼門、陀羅尼門相空；一切智、一切智相空，道智、道智相空，一切種智、一切種智相空；聲聞乘、聲聞乘相空，辟支佛乘、辟支佛乘相空，佛乘、佛乘相空；

辰二、約生空明

聲聞人、聲聞人相空，辟支佛人、辟支佛人相空，佛、佛相空。空中色不可得，受、想、行、識不可得。

辰三、結

以是因緣故，舍利弗！色是菩薩，是亦不可得；受、想、行、識是菩薩，是亦不可得。

卯四、徧檢無菩薩體

辰一、約自他門檢十八界空

如舍利弗言：『何因緣故，於一切種、一切處菩薩不可得，當教何等菩薩般若波羅蜜？』

舍利弗！色，色中不可得；色，受中不可得。受，受中不可得；受，色中不可得；受，想中不可得。想，想中不可得；想，色、受中不可得；想，行中不可得。行，行中不可得；行，色、受、想中不可得；行，識中不可得。識，識中不可得；識，色、受、想、行中不可得。

舍利弗！眼，眼中不可得；眼，耳中不可得。耳，耳中不可得；耳，眼中不可得；耳，鼻中不可得。鼻，鼻中不可得；鼻，眼、耳中不可得；鼻，舌中不可得。舌，舌中不可得；舌，眼、耳、鼻中不可得；舌，身中不可得。身，身中不可得；身，眼、耳、鼻、舌中不可得；身，意中不可得。意，意中不可得；意，眼、耳、鼻、舌、身中不可得。

六入、六識、六觸，六觸因緣生受亦如是。

辰二、約道法因果檢一切境空

檀那波羅蜜乃至般若波羅蜜，內空乃至無法有法空，四念處乃至十八不共法，一切三昧門、一切陀羅尼門，性法乃至辟支佛法，初地乃至十⁸地，一切智、道種智、一切種智亦如是；須陀洹乃至阿羅漢、辟支佛、菩薩、佛亦如是。

菩薩，菩薩中不可得；菩薩，般若波羅蜜中不可得。般若波羅蜜，般若波羅蜜中不可得；般若波羅蜜，菩薩中不可得。般若波羅蜜中，教化無所有不可得；教化中，教化無所有不可得；教化中，菩薩及般若波羅蜜無所有不可得。

辰三、結

舍利弗！如是一切法無所有不可得。

以是因緣故，於一切種、一切處菩薩不可得，當教何等菩薩般若波羅蜜？

卯五、但假名故無菩薩字

辰一、約假名五陰明

如舍利弗言：『何因緣故，說菩薩摩訶薩但有假名？』

舍利弗！色是假名，受、想、行、識是假名。色名非色，受……想……行……，識名非識。何以故？名、名相空，若空則非菩薩。以是因緣故，舍利弗！菩薩但有假名。

辰二、約假名道法明

復次，舍利弗！檀那波羅蜜但有名字；名字中非有檀那波羅蜜，檀那波羅蜜中非有名字。以是因緣故，菩薩但有假名。尸羅波羅蜜……羼提波羅蜜……毘梨耶波羅蜜……禪那波羅蜜……。般若波羅蜜但有名字；名字中無有般若波羅蜜，般若波羅蜜中無有名字。以是因緣故，菩薩但有假名。

舍利弗！內空但有名字，乃至無法有法空但有名字，名字中無內空，內空中無名字。何以故？名字、內空俱不可得，乃至無法有法空亦如是。

⁸（第）+十【宋】【元】【明】【宮】（大正 08，268d，n.3）。

以是因緣故，舍利弗！菩薩但有假名。

舍利弗！四念處但有名字，乃至十八不共法但有名字；一切三昧門、一切陀羅尼門乃至一切種智亦如是。

辰三、結

以是因緣故，舍利弗！我說菩薩但有假名。

卯六、舉我無例法無

辰一、舉我無

如舍利弗言：『何因緣故，說我名字畢竟不生？』

舍利弗！我畢竟不可得，云何當有生？乃至知者、見者畢竟不可得，云何當有生？

舍利弗！色畢竟不可得，云何當有生？受、想、行、識畢竟不可得，云何當有生？

眼畢竟不可得，乃至意觸因緣生受畢竟不可得，云何當有生？

檀那波羅蜜畢竟不可得，乃至般若波羅蜜畢竟不可得，云何當有生？

內空畢竟不可得，乃至無法有法空畢竟不可得，云何當有生？

四念處畢竟不可得，乃至十八不共法畢竟不可得，云何當有生？

諸三昧門、諸陀羅尼門畢竟不可得，云何當有生？

聲聞乃至佛畢竟不可得，云何當有生？

以是因緣故，舍利弗！我說『如我名字，我亦畢竟不生。』

辰二、例法無

巳一、明法無自性故空⁹

如舍利弗所言：『如我，諸法亦如是無自性。』

舍利弗！諸法和合生故無自性。

舍利弗！何等和合生無自性？舍利弗！色和合生無自性，受、想、行、識和合生無自性；眼和合生無自性，乃至意和合生無自性；色乃至法，眼界乃至法界，地種乃至識種，眼觸乃至意觸，眼觸因緣生受乃至意觸因緣生受，和合生無自性；檀那波羅蜜乃至般若波羅蜜，和合生無自性；四念處乃至十八不共法，和合生無自性。

⁹ 對照《大智度論》卷 52〈25 十無品〉(大正 25, 433c10-434c22)。

巳二、明諸法不斷常

午一、由相續故破有為法斷常明

復次，舍利弗！一切法無常亦不失。」

舍利弗問須菩提：「何等法無常亦不失？」

須菩提言：「色無常亦不失，受、想、行、識無常亦不失。何以故？法若¹⁰無常，即是動相、即是空相。以是因緣故，舍利弗！一切有為法無常亦不失。」

復次¹¹，舍利弗！若有漏法、若無漏法，若有記法、若無記法¹²。何以故？若法無常，即是動相，即是空相。以是因緣故，舍利弗！一切作法無常亦不失。」

午二、性自爾故具破一切斷常明

復次，舍利弗！一切法非常非滅。」

舍利弗言：「何等法非常非滅？」

須菩提言：「色非常非滅，何以故？性自爾。受、想、行、識非常非滅，何以故？性自爾。乃至意觸因緣生受非常非滅，何以故？性自爾。以是因緣故，舍利弗！諸法和合生無自性。」

辰三、約五陰無出法無

如舍利弗所言：『何因緣故，色畢竟不生，受、想、行、識畢竟不生？』」

須菩提言：「色非作法，受、想、行、識非作法，何以故？作者不可得故。」

舍利弗！眼非作法，何以故？作者不可得故；乃至意亦如是。

眼界乃至意觸因緣生受亦如是。

復次，舍利弗！一切諸法皆非起¹³非作，何以故？作者不可得故。

以是因緣故，舍利弗！色畢竟不生，受想行識畢竟不生。」

卯七、法體不生故無菩薩

¹⁰ 法若 = 若法【元】(大正 08, 269d, n.2)。

¹¹ [復次舍利弗] - 【元】(大正 08, 269d, n.3)。

¹² 法 + (無常亦不失)【宋】【元】【明】【宮】(大正 08, 269d, n.4)。

¹³ [非起] - 【宋】【元】【明】【宮】(大正 08, 269d, n.5)。

如舍利弗所言：『何因緣故，畢竟不生，是¹⁴不名為色？畢竟不生，是不名¹⁵受、想、行、識？』」

須菩提言：「色性空，是空無生、無滅、無住異¹⁶；受想行識性空，是空無生、無滅、無住異。眼乃至一切有為法性空，是空無生、無滅、無住異。

以是因緣故，舍利弗！畢竟不生，不名色，畢竟不生，不名受想行識。

卯八、無生故無菩薩

如舍利弗所言：『何因緣故，畢竟不生法，當教是般若波羅蜜耶？』」

須菩提言：「畢竟不生即是般若波羅蜜，般若波羅蜜即是畢竟不生，般若波羅蜜、畢竟不生無二無別。以是因緣故，舍利弗！我說畢竟不生，當教是般若波羅蜜耶？」

卯九、離無生亦無菩薩

如舍利弗所言：『何因緣故，離畢竟不生，無菩薩行阿耨多羅三藐三菩提？』」

須菩提言：「菩薩摩訶薩行般若波羅蜜時，不見畢竟不生異般若波羅蜜，亦不見畢竟不生異菩薩，畢竟不生及菩薩無二無別。

不見畢竟不生異色，何以故？是畢竟不生及色無二無別；不見畢竟不生異受想行識。何以故？畢竟不生，受想行識無二無別。

乃至一切種智亦如是。

以是因緣故，舍利弗！離畢竟不生，無菩薩行阿耨多羅三藐三菩提。

卯十、悟無生故無怖

如舍利弗所言：『何因緣故，菩薩聞作是說，心不沒、不悔、不驚、不怖、不畏，是名菩薩行般若波羅蜜？』」

須菩提言：「菩薩摩訶薩不見諸法有覺知想，見一切諸法如夢、如響、如幻、如焰、如影、如化。舍利弗！以是因緣故，菩薩聞作是說，心不沒、不悔、不驚、不怖、不畏。」

¹⁴〔是〕－【宮】＊(大正 08, 269d, n.6)。

¹⁵名+ (為)【宋】【元】【明】(大正 08, 269d, n.7)。

¹⁶(無) + 異【元】【明】＊(大正 08, 269d, n.8)。

丑二、明行十無觀得利益¹⁷

寅一、得五正觀益

須菩提白佛言：「世尊！菩薩摩訶薩行般若波羅蜜，如是觀諸法，是時菩薩摩訶薩不受色、不示色、不住色、不著色，亦不言是色；受、想、行、識亦¹⁸不受、不示、不住、不著，亦不言是受、想、行、識。

眼不受、不示、不住、不著、亦不言是眼；耳……鼻……舌……身……；意不受、不示、不住、不著，亦不言是意。

檀那波羅蜜不受，不示，不住，不著，亦不言是檀那波羅蜜；尸羅波羅蜜……羼提波羅蜜……毘梨耶波羅蜜……禪那波羅蜜……；般若波羅蜜不受、不示、不住、不著，亦不言是般若波羅蜜。

內空不受、不示、不住、不著，亦不言是內空；乃至無法有法空亦如是。

復次，世尊！菩薩摩訶薩行般若波羅蜜時，四念處不受、不示、不住、不著，亦不言是四念處；乃至十八不共法不受、不示、不住、不著，亦不言是十八不共法。

一切三昧門……一切陀羅尼門……；乃至一切種智，不受、不示、不住、不著，亦不言是一切種智。

寅二、明無生滅觀釋五正觀

卯一、舉不生釋不見

復次，世尊！菩薩摩訶薩行般若波羅蜜時，不見色乃至不見一切種智。何以故？色不生，是非色；受……想……行……；識不生，是非識。眼不生，是非眼；耳……鼻……舌……身……；意不生，是非意。檀那波羅蜜不生，是非檀那波羅蜜；乃至般若波羅蜜不生，是非般若波羅蜜。何以故？色、不生，不二不別；乃至般若波羅蜜不生，不二不別。

內空不生，是非內空；乃至無法有法空不生，是非無法有法空。何以故？內空乃至無法有法空不生，不二不別。

世尊！四念處不生，非四念處，何以故？四念處不生，不二不別。何以故？世尊！是不生法非一、非二、非三、非異。以是故，四念處不生，

¹⁷ 對照《大智度論》卷 52 〈25 十無品〉(大正 25, 434c23-435c15)。

¹⁸ [亦] - 【宋】【元】【明】【宮】(大正 08, 269d, n.9)。

不二不別。乃至十八不共法不生，非十八不共法，何以故？十八不共法不生，不二不別。何以故？世尊！是不生法非一、非二、非三、非異。以是故，十八不共法不生，非十八不共法。

世尊！如不生，是非如；乃至不可思議性不生，是非不可思議性。

世尊！是阿耨多羅三藐三菩提不生……；一切智……；一切種智不生，是非一切種智。何以故？是阿耨多羅三藐三菩提，乃至一切種智、不生，不二不別。何以故？世尊！是不生非一、非二、非三、非異。以是故，乃至一切種智不生，非一切種智。

卯二、舉不滅釋不生

世尊！色不滅相，是非色，何以故？色及不滅相，不二不別。何以故？世尊！是不滅法非一、非二、非三、非異。以是故，色不滅相，是非色；受……想……行……；識不滅相是非識。何以故？識及不滅不二不別。何以故？世尊！是不滅法非一、非二、非三、非異。以是故，識不滅是非識。

檀那波羅蜜乃至般若波羅蜜，內空乃至無法有法空，四念處乃至十八不共法亦如是。

寅三、明無二觀總釋諸觀

世尊！以是故，色入無二法數，受、想、行、識入無二法數，乃至一切種智入無二法數。」

《摩訶般若波羅蜜經》卷 7 〈26 無生品〉冠科¹

《摩訶般若波羅蜜經》卷 7 (大正 08, 270b18-273b3) :

寅四、明三種大義²

卯一、舍利弗問

爾時，慧命舍利弗語須菩提：「菩薩摩訶薩行般若波羅蜜觀諸法——何等是菩薩？何等是般若波羅蜜？何等是觀？」

卯二、須菩提答

辰一、明菩薩義

須菩提語舍利弗：「汝所問『何等是菩薩？』

為阿耨多羅三藐三菩提，是人發大心，以是故名為菩薩。

亦知一切法、一切種相，是中亦不著——知色相亦不著，乃至知十八不共法相亦不著。」

舍利弗問須菩提：「何等為一切法相？」

須菩提言：「若以名字因緣和合等，知諸法是色，是聲、香、味、觸、法，是內、是外，是有為法、是無為法——以是名字相語言知諸法³，是名知諸法相。」

辰二、明般若義

如舍利弗所問：『何等是般若波羅蜜？』

遠離故，是名般若波羅蜜。

何等法遠離？遠離陰、界、入，遠離檀那波羅蜜乃至禪那波羅蜜，遠離內空乃至無法有法空；以是故，遠離名般若波羅蜜。

復次，遠離四念處，乃至遠離十八不共法，遠離一切智。以是因緣故，遠離名般若波羅蜜。

辰三、明觀義

¹ 妙境法師，《摩訶般若波羅蜜經》冠科(上冊)，pp.304-319。

² 對照《大智度論》卷 53 〈26 無生品〉(大正 25, 435c24-436b29)。

³ 法+ (相)【宋】【元】【明】【宮】(大正 08, 270d, n.4)。

如舍利弗所問：『何等是觀？』

舍利弗！菩薩摩訶薩行般若波羅蜜時，觀色非常非無常、非樂非苦、非我非無我、非空非不空、非相非無相、非作非無作、非寂滅非不寂滅、非離非不離；受、想、行、識亦如是。

檀那波羅蜜乃至般若波羅蜜，內空乃至無法有法空，四念處乃至十八不共法，一切三昧門、一切陀羅尼門，乃至一切種智，觀非常非無常、非樂非苦、非我非無我、非空非不空、非相非無相、非作非無作、非寂滅非不寂滅、非離非不離。

舍利弗！是名菩薩摩訶薩行般若波羅蜜時觀諸法。」

寅五、料簡無生無二義⁴

卯一、自相空故觀諸法本無生門

舍利弗問須菩提：「何因緣故，色不生是非色？受……想……行……，識不生是非識，乃至一切種智不生，是非一切種智？」

須菩提言：「色、色相空，色空中無色、無生，以是因緣故，色不生是非色；受……想……行……，識、識相空，識空中無識、無生，以是因緣故，受、想、行、識不生是非受、想、行、識。

舍利弗！檀那波羅蜜、檀那波羅蜜相空，檀那波羅蜜空中無檀那波羅蜜無生；尸羅波羅蜜……羼提波羅蜜……毘梨耶波羅蜜……禪那波羅蜜……；般若波羅蜜、般若波羅蜜相空，般若波羅蜜空中無般若波羅蜜無生。以是因緣故，舍利弗！般若波羅蜜不生，是非般若波羅蜜。

內空乃至無法有法空，四念處乃至十八不共法，一切種智亦如是。以是因緣故，內空不生是非內空，乃至一切種智不生，是非一切種智。」

卯二、散空故觀諸法不二門

舍利弗問須菩提：「汝何因緣故言：『色不二⁵是非色，受……想……行……，識不二是非識？乃至一切種智不二是非一切種智？』」

須菩提答言：「所有色，所有不二；所有受、想、行、識，所有不二

⁴ 對照《大智度論》卷 53〈26 無生品〉(大正 25, 436c1-437b2)。

⁵ 二=滅【宋】【明】【宮】*(大正 08, 271d, n.1)。

——是一切法皆不合、不散，無色、無形、無對，一相所謂無相。眼乃至一切種智亦如是。以是因緣故，舍利弗！色不二是非色，受……想……行……，識不二是非識，乃至一切種智不二是非一切種智。」

卯三、明入無二法數

舍利弗問須菩提：「何因緣故言：『是⁶色入無二法數，受、想、行、識入無二法數，乃至一切種智入無二法數？』」

須菩提答言：「色不異無生、無生不異色，色即是無生、無生即是色；受……想……行……；識不異無生、無生不異識，識即是無生、無生即是識。以是因緣故，舍利弗！色入無二法數，受、想、行、識入無二法數，乃至一切種智亦如是。」

子二、明真無生⁷

丑一、明無生忍

寅一、須菩提明無生忍

爾時，須菩提白佛言：「世尊！若菩薩摩訶薩行般若波羅蜜，如是觀諸法，是時見色無生，畢竟淨故；見受、想、行、識無生，畢竟淨故；見我無生，乃至知者、見者無生，畢竟淨故；見檀那波羅蜜無生，乃至般若波羅蜜無生，畢竟淨故；見內空無生，乃至無法有法空無生，畢竟淨故；見四念處無生，乃至十八不共法無生，畢竟淨故；見一切三昧、一切陀羅尼無生，畢竟淨故；乃至見一切種智無生，畢竟淨故。」

見『凡人、凡人法』無生，畢竟淨故；見『須陀洹、須陀洹法』、『斯陀含、斯陀含法』、『阿那含、阿那含法』、『阿羅漢、阿羅漢法』、『辟支佛、辟支佛法』、『菩薩、菩薩法』、『佛、佛法』無生，畢竟淨故。」

寅二、論無生

卯一、總論無生

辰一、舍利弗難

巳一、無三乘難

舍利弗語須菩提：「如我聞須菩提所說義——色是不生，受、想、行、

⁶〔是〕－【宋】【元】【明】【宮】（大正 08，271d，n.2）。

⁷對照《大智度論》卷 53〈26 無生品〉（大正 25，437b3-438b21）。

識是不生，乃至佛、佛法是不生。若爾者，今不應得須陀洹、須陀洹果、斯陀含、斯陀含果、阿那含、阿那含果、阿羅漢、阿羅漢果，辟支佛、辟支佛道；不應得菩薩摩訶薩、一切種智；

巳二、無六道難

亦無六道別異；

巳三、無五菩提難

亦不得菩薩摩訶薩五種菩提。

巳四、無二乘斷結難

須菩提！若一切法不生相，何以故須陀洹為斷三結故修道，斯陀含為薄婬恚癡故修道，阿那含為斷五下分結故修道，阿羅漢為斷五上分結故修道，辟支佛為辟支佛法故修道？

巳五、無大乘因行難

何以故菩薩摩訶薩作難行，為眾生受種種苦？

巳六、無佛果難

何以故佛得阿耨多羅三藐三菩提？何以故佛轉法輪？」

辰二、須菩提答

巳一、總答

須菩提語舍利弗：「我不欲令無生法有所得。

巳二、別答

午一、答第一兼第四難明無生中無二乘

我亦不欲令無生法中得須陀洹、須陀洹果，乃至不欲令無生法中得阿羅漢、阿羅漢果、辟支佛、辟支佛道。

午二、答後二兼第三難明無生中無大乘

未一、答無大乘因

申一、開二門

酉一、不作難行苦行門

我亦不欲令菩薩作⁸難行，為眾生受種種苦。

⁸ 作=住【宮】(大正 08，271d，n.3)。

酉二、不以難行苦行門

菩薩亦不以難行心行道。

申二、釋二門

酉一、以大悲心釋第二門

何以故？舍利弗！生難心、苦心，不能利益無量阿僧祇眾生。

舍利弗！今菩薩憐愍眾生，於眾生如父母兄弟想、如兒子及己身想，如是能利益無量阿僧祇眾生，用⁹無所得故。

酉二、以諸法空釋第一門

所以者何？菩薩摩訶薩應生如是心：『如我一切處、一切種不可得，內外法亦如是。』若生如是想，則無難心、苦心。

何以故？是菩薩於一切種¹⁰、一切處¹¹、一切法不受故。

未二、答無大乘果

舍利弗！我亦不欲令無生中佛得阿耨多羅三藐三菩提，亦不欲令無生中轉¹²法輪，亦不欲令以無生法¹³得道。」

卯二、論得道¹⁴

辰一、正論得無得不二

巳一、約破執明

午一、得無得破有

舍利弗語須菩提：「今欲令以生法得道？以無生法得道？」

須菩提語舍利弗：「我不欲令以生法得道。」

舍利弗言：「今須菩提欲令以無生法得道？」

須菩提言：「我亦不欲令以無生法得道。」

午二、無得得破無

⁹ 用=以【宋】【元】【明】【宮】(大正 08, 271d, n.4)。

¹⁰ 種=處【宋】【元】【明】【宮】(大正 08, 271d, n.5)。

¹¹ 處=種【宋】【元】【明】【宮】(大正 08, 271d, n.6)。

¹² (得)+轉【宋】【明】【宮】(大正 08, 271d, n.7)。

¹³ 法+(中)【宋】【元】【明】【宮】(大正 08, 271d, n.8)。

¹⁴ 對照《大智度論》卷 53 〈26 無生品〉(大正 25, 438b22-439b23)。

舍利弗言：「如須菩提所說，無知無得。」

須菩提言：「有知有得，不以二法。」

巳二、約二諦明

午一、世諦故有得

今以世間名字故有知有得，世間名字故有須陀洹乃至阿羅漢、辟支佛、諸佛；

午二、第一義中無得

第一實義中，無知無得——無須陀洹乃至無佛。」

辰二、兼論前第二難

「須菩提！若世間名字故有知有得，六道別異亦世間名字故有，非以第一實義耶？」

須菩提言：「如是！如是！舍利弗！如世間名字故有知有得，六道別異亦世間名字故有，非以第一實義。何以故？舍利弗！第一實義中無業無報、無生無滅、無淨無垢。」

卯三、論法體無生

舍利弗語須菩提：「不生法生？生法生？」

須菩提言：「我不欲令不生法生，亦不欲令生法生。」

舍利弗言：「何等不生法不欲令生？」

須菩提言：「色是不生法，自性空，不欲令生；受、想、行、識是不生法，自性空，不欲令生；乃至阿耨多羅三藐三菩提是不生法，自性空，不欲令生。」

卯四、論生相無生

舍利弗語須菩提：「生生？不生生？」

須菩提言：「非生生，亦非不生生。何以故？舍利弗！生、不生，是二法不合、不散，無色、無形、無對，一相，所謂無相。舍利弗！以是因緣故，非生生，亦非不生生。」

卯五、稱歎樂說無生

辰一、稱歎

巳一、歎法無生

午一、明所說法無生

爾時，舍利弗語須菩提：「須菩提樂說無生法及無生相？」

須菩提語舍利弗：「我樂說無生法，亦樂說無生相。何以故？諸無生法、無生相及樂說¹⁵、語言——是一切法皆不合、不散，無色、無形、無對，一相，所謂無相。」

午二、明能說言無生

舍利弗語須菩提：「汝樂說不生法，亦樂說不生相；是樂說、語言亦不生？」

須菩提言：「如是！如是！舍利弗！何以故？舍利弗！色不生，受、想、行、識不生；眼不生乃至意不生；地種不生乃至識種不生；身行不生，口行不生，意行不生；檀那波羅蜜不生乃至一切種智不生。

以是因緣故，舍利弗！我樂說不¹⁶生法，亦樂說不生相，是樂說、語言亦不生。」

巳二、歎人無生¹⁷

爾時，舍利弗語須菩提：「須菩提於說法人中，應最在上！何以故？須菩提隨所問皆能答。」

須菩提言：「諸法無所依故。」

舍利弗語須菩提：「云何諸法無所依？」

須菩提言：「色性常空，不依內、不依外、不依兩中間；受、想、行、識性常空，不依內、不依外、不依兩中間。眼、耳、鼻、舌、身、意性常空，不依內、不依外、不依兩中間。色性常空，乃至法性常空，不依內、不依外、不依兩中間。檀那波羅蜜性常空，乃至般若波羅蜜性常空，不依內、不依外、不依兩中間。內空性常空，乃至無法有法空性常空，不依內、不依外、不依兩中間。舍利弗！四念處性常空，乃至一切種智

¹⁵ 及樂說＝樂說及【宮】(大正 08，272d，n.1)。

¹⁶ 不＝無【宋】【元】【明】【宮】* (大正 08，272d，n.2)。

¹⁷ 對照《大智度論》卷 53 〈26 無生品〉(大正 25，439b24-440c23)。

性常空，不依內、不依外、不依兩中間。以是因緣故，舍利弗！一切諸法無所依，性常空故。

辰二、勸修

如是，舍利弗！菩薩摩訶薩行六波羅蜜時，應淨色、受、想、行、識，乃至應淨一切種智。」

丑二、明趣無生方便

寅一、明六度為淨菩薩道能趣無生

卯一、問

舍利弗問須菩提：「菩薩摩訶薩云何行六波羅蜜時淨菩薩道？」

卯二、答

辰一、明二種六度

巳一、開二章門

須菩提言：「有世間檀那¹⁸波羅蜜，有出世間檀那波羅蜜；尸羅¹⁹波羅蜜、羸提波羅蜜、毘梨耶波羅蜜、禪那波羅蜜、般若波羅蜜，有世間、有出世間。」

巳二、問二章門

舍利弗問須菩提：「云何世間檀那波羅蜜？云何出世間檀那波羅蜜？」

巳三、釋二章門

午一、釋世出世檀

未一、世間檀——有三礙——有所依

須菩提言：「若菩薩摩訶薩作施主，能施沙門、婆羅門、貧窮乞人，須食與食，須飲與飲，須衣與衣，臥具、床榻、房舍、香華、瓔珞²⁰、醫藥，種種所須資生之物；若妻子、國土、頭目、手足、支節等²¹內外之物，盡以給施。施時作是念：『我與、彼取，我不慳貪，我為施主，我能捨一切，我隨佛教施，我行檀那波羅蜜。』作是施已，用得法與一切眾生共之，迴向阿耨多羅三藐三菩提，念言：『是布施因緣，令眾生

¹⁸ [那] — 【聖】 * (大正 08, 272d, n.3)。

¹⁹ [羅] — 【聖】 (大正 08, 272d, n.4)。

²⁰ 瓔珞 = 纓絡 【聖】 * (大正 08, 272d, n.5)。

²¹ [等] — 【聖】 (大正 08, 272d, n.6)。

得今世樂，後當令得人涅槃樂。」

是人布施有三礙。何等三？我相、他相、施相。著是三相布施，是名世間檀那波羅蜜。

何因緣故名世間？於世間中不動、不出，是名世間檀那波羅蜜。

未二、出世檀——三分清淨——無所依

云何名出世間檀那波羅蜜？所謂三分清淨。何等三？菩薩摩訶薩布施時，我不可得，不見受者²²，施物不可得亦不望報——是名菩薩摩訶薩三分清淨檀那波羅蜜。

復次，舍利弗！菩薩摩訶薩布施時，施與一切眾生，眾生亦不可得；以此布施迴向阿耨多羅三藐三菩提，乃至不見微細法相。舍利弗！是名出世間檀那波羅蜜。

何以故名為出世²³間？於世間中能動、能出，是故名出世間檀那波羅蜜。

午二、例餘五度

尸羅波羅蜜——有所依，是名²⁴世間尸羅波羅蜜；無所依，是為出世間尸羅波羅蜜。餘如檀那波羅蜜說。

羼提波羅蜜、毘梨耶波羅蜜、禪那波羅蜜、般若波羅蜜，有所依是名世間，無所依是名出世間。餘亦如檀那波羅蜜中²⁵說。

辰二、結行二種行

如是，舍利弗！菩薩摩訶薩行六波羅蜜時，淨菩薩道。」

寅二、明道品乃至佛德為淨菩提道趣無生

舍利弗問須菩提：「云何菩薩摩訶薩為阿耨多羅三藐三菩提道？」

須菩提言：「四念處是菩薩摩訶薩為阿耨多羅三藐三菩提道，乃至八聖道分，空解脫門、無相解脫門、無作解脫門，內空乃至無法有法空，

²² 不見受者=受者不可得【宋】【元】【明】【宮】(大正 08, 272d, n.7)。

²³ 世=出【宋】【元】(大正 08, 272d, n.8)。

²⁴ 名=為【宋】【元】【明】【宮】【聖】(大正 08, 272d, n.9)。

²⁵ [中]—【宋】【元】【明】【宮】(大正 08, 272d, n.10)。

一切三昧門、一切陀羅尼門，佛十力、四無所畏、四無礙智、十八不共法、大慈大悲。舍利弗！是名菩薩摩訶薩為阿耨多羅三藐三菩提道。」

寅三、稱歎般若力²⁶

卯一、歎能生三乘

爾時，舍利弗讚須菩提言：「善哉！善哉！何等波羅蜜力？」

須菩提言：「是般若波羅蜜力。所以者何？

般若波羅蜜能生一切諸善法——若聲聞法、辟支佛法、菩薩法、佛法。

卯二、歎能含受三乘

舍利弗！般若波羅蜜能受一切諸善法——聲聞法、辟支佛法、菩薩法、佛法。

卯三、歎能生三世佛菩提

舍利弗！過去諸佛行般若波羅蜜，得阿耨多羅三藐三菩提；未來諸佛亦行般若波羅蜜，當得阿耨多羅三藐三菩提。舍利弗！今現在十方諸²⁷國土中諸佛亦行是般若波羅蜜，得阿耨多羅三藐三菩提。

丑三、明信解無生人

寅一、須菩提明信解

舍利弗！若菩薩摩訶薩聞說般若波羅蜜時，不疑不難，當知是菩薩摩訶薩行菩薩道。行菩薩道者，救一切眾生故，心不捨一切眾生，以無所得故。是²⁸菩薩常應不離是念，所謂大悲念。」

寅二、舍利弗難

舍利弗復問：「欲使菩薩摩訶薩常不離是念，所謂大悲念；若菩薩摩訶薩常不離大悲念，今一切眾生皆當作菩薩。何以故？須菩提！一切眾生亦不離諸念故。」

寅三、須菩薩答

卯一、指難為答

須菩提言：「善哉！善哉！舍利弗！汝欲難我而成我義。」

²⁶ 對照《大智度論》卷 53〈26 無生品〉(大正 25, 440c24-442b4)。

²⁷ 諸+ (佛)【宋】【元】【明】【宮】(大正 08, 272d, n.11)。

²⁸ [是]—【聖】(大正 08, 272d, n.12)。

卯二、舉六義釋答

何以故？眾生無故念亦無，眾生性無故念性亦²⁹無，眾生法無故念法亦無，眾生離故念亦離，眾生空故念亦空，眾生不可知故念亦不可知。

舍利弗！色無故念亦無，色性無故念性亦無，色法無故念法亦無，色離故念亦離，色空故念亦空，色不可知故念亦不可知；受、想、行、識亦如是；眼乃至意，色乃至法，地種乃至識種，檀那波羅蜜乃至般若波羅蜜，內空乃至無法有法空，四念處乃至十八不共法，一切三昧門、一切陀羅尼門，一切智、一切種智乃至阿耨多羅三藐三菩提無故，念亦無；乃至阿耨多羅三藐三菩提不可知故，念亦不可知。

卯三、結成不離義

舍利弗！菩薩摩訶薩行是道，我欲使不離是念，所謂大悲念。」

壬三、如來讚成現瑞證說時會得道

癸一、如來讚成

子一、稱歎

爾時，佛讚須菩提言：「善哉！善哉！是菩薩摩訶薩般若波羅蜜，

子二、勸說

其有說者，亦當如是說。

子三、釋疑

汝所說般若波羅蜜，皆是承佛意故。

子四、勸行

菩薩摩訶薩學般若波羅蜜，應³⁰如汝所說學！」

癸二、現瑞證說

子一、地動瑞

須菩提說是般若波羅蜜品時，三千大千國土六種震動：東踊³¹西沒，西踊東沒，南踊北沒，北踊南沒，中踊邊沒，邊踊中沒。

²⁹ 性亦＝亦性【聖】*(大正 08, 273d, n.2)。

³⁰ 應＋(當)【宋】【元】【明】【宮】(大正 08, 273d, n.3)。

³¹ 踊＝湧【宋】【元】【明】【宮】*(大正 08, 273d, n.4)。

子二、證說

爾時，佛微笑，須菩提白佛³²：「何因緣³³故笑³⁴？」

佛告須菩提：「如我於此國土說般若波羅蜜，東方無量阿僧祇國土中諸佛，亦為諸菩薩摩訶薩說般若波羅蜜；南西北方、四維、上下，亦說是般若波羅蜜。

癸三、時會得道

說是般若波羅蜜品時，十二那由他³⁵諸天人得無生法忍。十方諸佛說是般若波羅蜜時，無量阿僧祇眾生亦發阿耨多羅三藐三菩提心³⁶。」

³² 佛+（言佛）【宋】【元】【明】【宮】，佛+（言）【聖】（大正 08，273d，n.5）。

³³（何）+緣【聖】（大正 08，273d，n.6）。

³⁴（微）+笑【宋】【元】【明】【宮】（大正 08，273d，n.7）。

³⁵他=陀【聖】（大正 08，273d，n.8）。

³⁶以上梵. Sarvākārajñātādhikāraṇaḥ Subhūti parivartaḥ prathamāḥ.（大正 08，273d，n.9）。

《摩訶般若波羅蜜經》卷 7 〈27 問住¹品〉冠科²

《摩訶般若波羅蜜經》卷 7 (大正 08, 273b4-276a10) :

庚三、天主為下根人請說般若³

辛一、諸天請

壬一、明眾集

癸一、列眾

子一、欲天

爾時，三千大千世界⁴諸四天王天等，各⁵與無數百千億諸天，俱來在會中；三千大千世界諸釋提桓因等諸⁶忉利天、須夜摩天王等諸夜摩天、兜⁷率陀天王等諸兜率陀天、須涅蜜陀天王等諸妙化天、婆舍跋提天王等諸自在行天，各與無數百千億諸天，俱來在會中。

子二、色天

三千大千世界⁸諸梵天王等⁹，乃至首陀婆諸天等，各與無數百千億諸天，俱來在會中。

癸二、現瑞

是諸四天王天乃至首陀婆諸天業報生身光明，於佛常光¹⁰，百分、千分、千萬億分不能及一，乃至不可以算數譬喻為比¹¹。世尊光明最勝、

¹ 問住=天主【宋】【宮】【聖】，=天王【元】【明】，自第二十七品至第四十二品中。

梵. *Abhisamayālaṅkāraṅusāreṇa Saṃśodhitāyāṃ Antadvayaśuddhiparivarto dvitīyaḥ*。(大正 08, 273d, n.10)。

² 妙境法師，《摩訶般若波羅蜜經》冠科(上冊)，pp.320-335。

³ 對照《大智度論》卷 54 〈27 天主品〉(大正 25, 442b12-445a28)。

⁴ 世界=國土【聖】(大正 08, 273d, n.12)。

⁵ [等各] - 【元】，[等] - 【聖】(大正 08, 273d, n.13)。

⁶ (與)+諸【聖】(大正 08, 273d, n.14)。

⁷ (刪)+兜【聖】(大正 08, 273d, n.15)。

⁸ 界+(中)【聖】(大正 08, 273d, n.16)。

⁹ [等] - 【聖】(大正 08, 273d, n.17)。

¹⁰ 光+(明)【聖】(大正 08, 273d, n.18)。

¹¹ (不可...比)九字=(算數譬喻所不能及)八字【聖】(大正 08, 273d, n.19)。

最妙、最上、第一；諸天業報光明在佛光邊不照不現，譬如燋柱¹²比閻浮檀¹³金。

壬二、發言致問

癸一、請說

爾時，釋提桓因白大德須菩提：「是三千大千世界諸四天王天乃至首陀婆諸天，一切和合，欲聽須菩提說般若波羅蜜義。」

癸二、正問

子一、問深入究竟住

須菩提！菩薩摩訶薩云何應住般若波羅蜜中？

子二、問般若體

何等是菩薩摩訶薩般若波羅蜜？

子三、問初入方便行

云何菩薩摩訶薩應行般若波羅蜜？」

辛二、受請為說

壬一、明答之緣起

癸一、許說

須菩提語釋提桓因言：「憍尸迦！我今當承順佛意、承佛神力，為諸菩薩摩訶薩說般若波羅蜜，如菩薩摩訶薩所應住般若波羅蜜中。」

癸二、勸發心

諸天子！今¹⁴未發阿耨多羅三藐三菩提心者，應當發心¹⁵。

諸天子！若入聲聞正位，是人不能發阿耨多羅三藐三菩提心。何以故？與生死作障隔故。是人若發阿耨多羅三藐三菩提心者，我亦隨喜。所以者何？上人應更求上法，我終不斷其功德。

壬二、正答

癸一、答三問說般若

¹² 柱=炷【宋】【元】【明】【宮】【聖】(大正 08, 273d, n.20)。

¹³ 檀=那提【宋】【元】【明】【宮】【聖】(大正 08, 273d, n.21)。

¹⁴ 今=令【宋】(大正 08, 273d, n.22)。

¹⁵ [心] - 【元】(大正 08, 273d, n.23)。

子一、答後二問

丑一、答二問

寅一、答般若體

卯一、明從無常觀入無生觀

辰一、觀諸法無常

憍尸迦！何等是般若波羅蜜？

菩薩摩訶薩應薩婆若心，念色無常，念色苦，念色空，念色無我，念色如病、如敗癰瘡、如箭入身，痛、惱、衰、壞，憂、畏、不安，以無所得故；受、想、行、識亦如是。眼、耳、鼻、舌、身、意，地種、水火風空識種，觀無常乃至憂、畏、不安，是亦無所得故。

辰二、入諸法無生

觀色寂滅、離、不生不滅、不垢不淨，受、想、行、識亦如是；觀地種乃至識種寂滅、離、不生不滅、不垢不淨，亦¹⁶無所得故。

卯二、明從緣起入無生觀

復次，憍尸迦！菩薩摩訶薩應薩婆若心，觀無明緣諸行乃至老死因緣大苦聚集，亦無所得故；觀無明滅故諸行滅乃至生滅故老死滅，老死滅故憂悲苦¹⁷惱大苦聚滅，以無所得故。

寅二、答初入方便行

卯一、正明無所得行

辰一、萬行相資成

復次，憍尸迦！菩薩摩訶薩應薩婆若心，修四念處，以無所得故；乃至修佛十力、十八不共法，以無所得故。

復次，憍尸迦！菩薩摩訶薩應薩婆若心，行檀那波羅蜜，以無所得故；行尸羅波羅蜜、羼提波羅蜜、毘梨耶波羅蜜、禪那波羅蜜，以無所得故。

復次，憍尸迦！菩薩摩訶薩行般若波羅蜜時，作是¹⁸觀：『但諸法諸法共相因緣，潤益增長，分別校計，是中無我、無我所。』

¹⁶ 亦=以【宋】【元】【明】【宮】【聖】(大正 08, 273d, n.24)。

¹⁷ 苦=愁【聖】(大正 08, 273d, n.25)。

¹⁸ (如)+是【聖】(大正 08, 273d, n.26)。

辰二、二心不相在

菩薩迴向心不在阿耨多羅三藐三菩提心中，阿耨多羅三藐三菩提心不在迴向心中；迴向心於阿耨多羅三藐三菩提心中不可得，阿耨多羅三藐三菩提心於迴向心中不可得。

菩薩雖觀一切法，亦無法可得，是名『菩薩摩訶薩般若波羅蜜』。」

卯二、天主問所以

釋提桓因問大德須菩提：「云何菩薩迴向心不在阿耨多羅三藐三菩提心中？云何阿耨多羅三藐三菩提心不在迴向心中？云何迴向心於阿耨多羅三藐三菩提心中不可得？云何阿耨多羅三藐三菩提心於迴向心中不可得？」

卯三、須菩提以第一義釋疑

須菩提語釋提桓因言：「僑尸迦！迴向心、阿耨多羅三藐三菩提心，非心；是非心相，非心相中不可迴向。是非心相常非心相，不可思議相常不可思議相，是名菩薩摩訶薩般若波羅蜜。」

丑二、佛讚成

爾時，佛讚須菩提言：「善哉！善哉！須菩提！汝為諸菩薩摩訶薩說般若波羅蜜，安慰諸菩薩摩訶薩心¹⁹。」

丑三、須菩提自陳說意

寅一、報今佛法恩

須菩提白佛言：「世尊！我應報恩，不應不報恩。」

寅二、報昔三寶恩

過去諸佛及諸弟子，為諸菩薩說六波羅蜜，示、教、利、喜；世尊爾時亦在中學，得阿耨多羅三藐三菩提。我今亦當為諸菩薩說六波羅蜜，示、教、利、喜，令得阿耨多羅三藐三菩提。」

子二、答深入究竟住問²⁰

丑一、誠聽開住不住門

爾時，須菩提語釋提桓因言：「僑尸迦！汝今當聽菩薩摩訶薩般若波

¹⁹ [心] — 【聖】(大正 08, 274d, n.1)。

²⁰ 對照《大智度論》卷 54〈27 天主品〉(大正 25, 445a29-447b27)。

羅蜜中如所應住、所不應住。

丑二、釋二門

寅一、釋不住住門

卯一、略舉五陰

辰一、人法畢竟空

憍尸迦！色、色空，受想行識、受想行²¹識空，菩薩、菩薩空。是色空、菩薩空，不二不別；受想行識空、菩薩空，不二不別。

辰二、假名住般若

憍尸迦！菩薩摩訶薩般若波羅蜜中，應如是住。

卯二、廣類諸法

辰一、六根

復次，眼、眼空，乃至意、意空，菩薩、菩薩空；眼空乃至菩薩空，不二不別。

辰二、六塵

六塵亦如是。

辰三、六大種

地種、地種空，乃至識種、識種空，菩薩、菩薩空。

憍尸迦！地種空乃至識種空、菩薩空，不二不別。

憍尸迦！菩薩摩訶薩般若波羅蜜中應如是住。

辰四、十二因緣

無明、無明空，乃至老死、老死空；無明滅、無明滅空，乃至老死滅、老死滅空；菩薩、菩薩空。

憍尸迦！無明空乃至老死空，無明滅空乃至老死滅空，菩薩空，不二不別。

憍尸迦！菩薩摩訶薩般若波羅蜜中應如是住。

辰五、六度乃至一切種智之空與菩薩空無二無別

檀那波羅蜜乃至般若波羅蜜，內空乃至無法有法空，四念處乃至十八

²¹ [受想行] – 【聖】(大正 08, 274d, n.2)。

不共法，一切三昧門、一切陀羅尼門，聲聞乘、辟支佛乘、佛乘，聲聞、辟支佛、菩薩、佛亦如是。

一切種智、一切種智空，菩薩、菩薩空；一切種智空、菩薩空，不二不別。

憍尸迦！菩薩摩訶薩般若波羅蜜中應如是住。」

寅二、釋不住門

卯一、天主問

爾時，釋提桓因問須菩提：「云何般若波羅蜜中所不應住？」

卯二、須菩提答

辰一、別明不住

巳一、舉諸法

須菩提言：「憍尸迦！菩薩摩訶薩不應色中住，以有所得故；不應受、想、行、識中住，以有所得故。不應眼中住乃至不應意中住，不應色中住乃至不應法中住，眼識乃至意識、眼觸乃至意觸、眼觸因緣生受乃至意觸因緣生受中不應住，以有所得故。地種乃至識種中不應住，以有所得故。檀那波羅蜜乃至般若波羅蜜、四念處乃至十八不共法中不應住，以有所得故。須陀洹果中²²不應住，以有所得故；乃至阿羅漢果、辟支佛道、菩薩道、佛道、一切種智中²³不應住，以有所得故。

巳二、舉常無常等

復次，憍尸迦！菩薩摩訶薩，色是常不應住，色是無常不應住；受、想、行、識亦如是。

色若樂若苦、若淨若不淨、若我若無我、若空若不空、若寂滅若不寂滅、若離若不離不應住，以有所得故；受、想、行、識亦如是。

巳三、舉無為相

復次，憍尸迦！菩薩摩訶薩，須陀洹果無為相、斯陀含果無為相、阿那含果無為相、阿羅漢果無為相不應住，辟支佛道無為相、佛道無為相不應住。

²² [中] — 【宋】【元】【明】【宮】(大正 08, 274d, n.3)。

²³ [中] — 【聖】(大正 08, 274d, n.4)。

巳四、舉諸果福田

須陀洹福田不應住，斯陀含、阿那含、阿羅漢、辟支佛、佛福田不應住。

巳五、舉佛因

復次，橋尸迦！菩薩摩訶薩初地中不應住，以有所得故；乃至十²⁴地中不應住，以有所得故。

巳六、廣舉因果自他德行

復次，菩薩摩訶薩住初發心中，我當具足檀那波羅蜜不應住，乃至我當具足般若波羅蜜不應住。具足六波羅蜜當入菩薩位，不應住；入菩薩位已，當住阿惟越²⁵致地，不應住；菩薩當具足五神通，不應住，以有所得故。菩薩住五神通已，我當遊無量阿僧祇佛國土²⁶，禮敬、供養諸佛、聽法；聽法已，為他人說——菩薩摩訶薩如是不應住，以有所得故。

如諸佛國土嚴淨，我亦當莊嚴國土²⁷，不應住，以有所得故。

成就眾生，令人佛道，不應住；到無量阿僧祇國²⁸土諸佛所，尊重、愛敬、供養，以香華、瓔珞、澤²⁹香、搗香、幢幡、華蓋、百千億種寶衣供養諸佛，不應住，以有所得故。

我當令無量阿僧祇眾生發阿耨多羅三藐三菩提心，如是菩薩不應住；我當生五眼：肉眼、天眼、慧眼、法眼、佛眼，不應住；我當生一切三昧門，不應住；隨所欲遊戲諸三昧，不應住；我當生一切陀羅尼³⁰門，不應住；我當得佛十力，不應住；我當得四無所畏、四無礙智、十八不共法，不應住；我當具足大慈大悲，不應住；我當具足三十二相，不應住；我當具足八十隨形好，不應住，以有所得故。

巳七、舉三乘聖賢

²⁴ (第)+十【宋】【元】【明】【宮】【聖】(大正 08, 274d, n.5)。

²⁵ 惟越=鞞跋【宋】【元】【明】【宮】【聖】(大正 08, 274d, n.6)。

²⁶ [土]-【聖】(大正 08, 274d, n.7)。

²⁷ 土=上【宋】【元】(大正 08, 274d, n.8)。

²⁸ 國=佛【宋】【元】【明】【宮】(大正 08, 274d, n.9)。

²⁹ 澤=塗【宋】【元】【明】【宮】(大正 08, 274d, n.10)。

³⁰ 尼=尸【聖】(大正 08, 274d, n.11)。

是八人——是信行人、是法行人，如是³¹不應住；須陀洹極七世生不應住；家家不應住；須陀洹命終垢盡不應住；須陀洹中間入涅槃不應住；是人向斯陀含果證不應住；是人斯陀含，一來入涅槃不應住；是人向阿那含果證不應住；斯陀含一種不應住；是人阿³²那含，彼間入涅槃不應住；是人向阿羅漢果證不應住；是人阿羅漢今世入無餘涅槃不應住；是辟支佛不應住；過聲聞、辟支佛地，我當住菩薩地，不應住；道種智中不應住，以有所得故。一切種、一切法知己，斷諸煩惱及習，不應住；佛得阿耨多羅三藐三菩提當轉法輪，不應住；作佛事，度無量阿僧祇眾生入涅槃，不應住。

已八、舉四神足等

四³³如意足中不應住；入是三昧，住如恒河沙等劫壽，不應住；我當得壽命無央³⁴數劫，不應住。

已九、舉佛果益物

三十二相，一一相百福莊嚴，不應住；我一世界³⁵如十方恒河沙等世界，不應住；我三千大千世界純是金剛，不應住³⁶；我菩提樹當出如是香，眾生聞者，無有婬欲、瞋恚、愚癡，亦無聲聞、辟支佛心，是一切人必當得阿耨多羅三藐三菩提，若眾生聞是香者，身病、意病皆悉除盡，不應住。

已十、舉無所有

當使我世界中無有色受想行識名字，不應住；當使我世界中無有檀那波羅蜜名字乃至無有般若波羅蜜名字，當使我世界中無有四念處名字乃至無有十八不共法名字，亦無須陀洹名字乃至無有佛名字，不應住，以有所得故。

何以故？諸佛得阿耨多羅三藐三菩提時，一切諸法無所得故。

³¹ [如是] — 【宋】【元】【明】【宮】(大正 08, 275d, n.1)。

³² (向)+阿【聖】(大正 08, 275d, n.2)。

³³ 四+(念處)【聖】(大正 08, 275d, n.3)。

³⁴ 央=鞅【聖】(大正 08, 275d, n.4)。

³⁵ 世界=國土【宋】【元】【明】【宮】(大正 08, 275d, n.5)。

³⁶ 住+(使)【元】【聖】(大正 08, 275d, n.6)。

辰二、總結不應住

如是！憍尸迦！菩薩於般若波羅蜜中不應住，以有所得故。」

寅三、雙結二門

卯一、舍利弗興念

爾時，舍利弗心念：「菩薩今³⁷云何應住般若波羅蜜中？」

卯二、須菩提問佛住

須菩提知舍利弗心所念，語舍利弗言：「於汝意云何？諸佛何所住？」

卯三、舍利弗答諸佛無住

舍利弗語須菩提：「諸佛法³⁸無有住處——諸佛不色中住，不受、想、行、識中住，不有為性中住，不無為性中住；不四念處中住，乃至不³⁹十八不共法中住；不一切種智中住。」

卯四、須菩提會通住不住義

「舍利弗！菩薩摩訶薩般若波羅蜜中應如是住——如諸佛住於諸法中，非住非不住。

舍利弗！菩薩摩訶薩般若波羅蜜中應如是學：我當住不住法故。」

癸二、釋疑說般若⁴⁰

子一、釋舉況疑

爾時，會中有諸天子作是念：「諸夜叉⁴¹語言字句所說，尚可知；須菩提所說語言⁴²、論議解釋般若波羅蜜，了不可知！」

須菩提知諸天子心所念，語諸天子：「不解不知耶⁴³？」

諸天子言：「大德！不解不知。」

須菩提語諸天子：「汝等法應不知！我無所論說，乃至我不說一字，

³⁷ [今] — 【宋】【元】【明】【宮】(大正 08, 275d, n.7)。

³⁸ [法] — 【聖】(大正 08, 275d, n.8)。

³⁹ [不] — 【聖】(大正 08, 275d, n.9)。

⁴⁰ 對照《大智度論》卷 54 〈27 天主品〉(大正 25, 447b28-448c3)。

⁴¹ [叉]=又【明】(大正 08, 275d, n.10)。

⁴² 言+(所可)【宋】【元】【明】【宮】(大正 08, 275d, n.11)。

⁴³ 耶=那【宮】(大正 08, 275d, n.12)。

亦無聽者。何以故？諸字非般若波羅蜜，般若波羅蜜中無聽者，諸佛阿耨多羅三藐三菩提無字無說。

子二、釋眾集有所作疑

丑一、舉化

諸天子！如佛化作化人，是化人復化作四部眾——比丘、比丘尼、優婆塞、優婆夷，化人於四部眾中說法。於汝意云何？是中有說者、有聽者、有知者不？」

諸天子言：「不也！大德！」⁴⁴

須菩提言：「一切法皆如化。此中無說者、無聽者、無知者。

丑二、舉夢

諸天子！譬如人夢中見佛說法。於汝意云何？是中有說者、有聽者、有知者不？」

諸天子言：「不也！大德！」

須菩提語諸天子：「一切諸⁴⁵法皆如夢，無說、無聽、無知者。

丑三、舉響

諸天子！譬如二人在大深澗，各住一面，讚佛法眾，有二響⁴⁶出。於諸天子意云何？是二響展轉相解不？」

諸天子言：「不也！大德！」

須菩提語⁴⁷諸天子：「一切法⁴⁸亦如是，無說、無聽、無知者。

丑四、舉幻

諸天子！譬如工幻師，於四衢道中，化作佛及四部眾，於中說法。於諸天子意云何？是中有說者、有聽者、有知者不？」

諸天子言：「不也！大德！」

⁴⁴ 不也大德=大德不也【宋】【元】【明】【宮】(大正 08, 275d, n.13)。

⁴⁵ [諸]—【宋】【元】【明】【宮】【聖】(大正 08, 275d, n.14)。

⁴⁶ 響=嚮【聖】(大正 08, 275d, n.15)。

⁴⁷ [須菩提語]—【聖】(大正 08, 275d, n.16)。

⁴⁸ (諸)+法【聖】(大正 08, 275d, n.17)。

須菩提語諸天子：「一切諸法如幻，無說者、無聽者、無知者。」

子三、釋轉深妙難解疑

爾時，諸天子心念：「須菩提所說，欲令易解，轉深轉妙！」

須菩提知諸天子心所念，語諸天子言：「色非深非妙，受想行識非深非妙；色性非深非妙，受想行識性非深非妙。眼性乃至意性，色性乃至法性，眼界性乃至意界性，眼識乃至意識；眼觸乃至意觸，眼觸因緣生受乃至意觸因緣生受；檀那波羅蜜乃至般若波羅蜜，內空乃至無法有法空，四念處乃至十八不共法，一切諸三昧門、一切諸陀羅尼門，乃至一切種智、一切種智性，非深非妙。」

子四、釋無所說欲退疑

諸天子復作是念：「是所說法中，不說色，不說受想行識；不說眼乃至意觸因緣生受；不說檀那波羅蜜乃至般若波羅蜜；不說內空乃至無法有法空；不說四念處乃至十八不共法；不說陀羅尼門、三昧門乃至一切種智；不說須陀洹果乃至阿羅漢果，不說辟支佛道，不說阿耨多羅三藐三菩提道——是法中不說名字語言。」

須菩提知諸天子心所念，語諸天子言：「如是！如是！諸天子！是法中，諸佛阿耨多羅三藐三菩提不可說相，是中無說者⁴⁹、無聽者、無知者。

以是故，諸天子！善男子、善女人欲住須陀洹果，欲證須陀洹果者，是不離是忍；斯陀含、阿那含、阿羅漢果、辟支佛道、佛道，欲住、欲證，不離是忍。

如是，諸天子！菩薩摩訶薩從初發心，般若波羅蜜中應作⁵⁰如是住，以無說、無聽故。」⁵¹

⁴⁹ [無說者] — 【聖】(大正 08，276d，n.1)。

⁵⁰ [作] — 【聖】(大正 08，276d，n.2)。

⁵¹ 不分卷【聖】，〔摩訶…譯〕卅一字—【聖】，以上大般若第二會第二十五帝釋品。梵. iti Pratyekabuddhānām grāhyavikalpaprahānam.(大正 08，276d，n.3)。

《摩訶般若波羅蜜經》卷 8〈28 幻聽¹品〉冠科²

《摩訶般若波羅蜜經》卷 8（大正 08，276a17-277a4）：

子五、釋用何等人聽法疑³

爾時，諸天子心念：「應用何等人聽須菩提所說法⁴？」

須菩提知諸天子心所念，語諸天子言：「如幻化人聽法，我應用如是人。何以故？如是人無聞、無聽、無知、無證故。」

子六、解說聽者及法如幻疑

諸天子語須菩提：「是眾生如幻，聽⁵法者亦如幻；眾生如化，聽法者亦⁶如化耶⁷？」

「如是！如是！諸天子！眾生如幻，聽法者亦如幻；眾生如化，聽法者亦如化。諸天子！我如幻如夢，眾生乃至知者、見者亦如幻如夢。諸天子！色如幻如夢，受想行識如幻如夢。眼乃至意觸因緣生受如幻如夢。內空乃至無法有法空，檀那⁸波羅蜜乃至般若波羅蜜如幻如夢。諸天子！四念處乃至十八不共法如幻如夢。須陀洹果如幻如夢，斯陀含果、阿那含果、阿羅漢果、辟支佛道如幻如夢。諸天子！佛道如幻如夢。」

子七、釋佛道涅槃如幻疑

爾時，諸天子問須菩提：「汝說佛道如幻、如夢，汝說涅槃亦復如幻、如夢耶？」

須菩提語諸天子：「我說佛道如幻、如夢，我說涅槃亦如幻、如夢；若當有法勝於涅槃者，我說亦復如幻、如夢。何以故？諸天子！是幻、

¹ 不分卷【聖】，幻聽+（摩訶般若波羅蜜經幻人聽法）十二字【聖】（大正 08，276d，n.7）。

² 妙境法師，《摩訶般若波羅蜜經》冠科（上冊），pp.336-340。

³ 對照《大智度論》卷 54〈28 幻人聽法品〉（大正 25，448c12-449b29）。

⁴ 〔法〕—【宋】【元】【明】【宮】（大正 08，276d，n.9）。

⁵ 幻聽=幻如化聽【聖】（大正 08，276d，n.10）。

⁶ 〔眾生…亦〕八字—【聖】（大正 08，276d，n.11）。

⁷ 耶=那【宮】（大正 08，276d，n.12）。

⁸ 〔那〕—【聖】（大正 08，276d，n.13）。

夢、涅槃，不二不別。」

子八、釋般若深妙無信受疑⁹

丑一、諸聖弟子問

爾時，慧命舍利弗、摩訶目犍¹⁰連、摩訶拘絺¹¹羅、摩訶迦旃延、富樓那彌多羅尼子、摩訶迦葉及無數千菩薩，問須菩提：「般若波羅蜜如是甚深、難見、難解、難知、寂滅、微妙，誰當受者？」

丑二、阿難助答

寅一、列四能信人

爾時，阿難語諸大弟子及諸菩薩：「阿惟越¹²致諸菩薩摩訶薩，能受是甚深、難見、難解、難知、寂滅、微妙般若波羅蜜；正見成就人，漏盡阿羅漢，所願已滿，亦能信受¹³；復次，善男子、善女人——多見佛，於諸佛所多供養，種善根，親近善知識，有利根——是人能受。」

寅二、示信受相

不言是法非法。」

子九、釋以智慧分別諸法疑

丑一、破以智分別諸法

須菩提言：「不以空分別色，不以色分別空；受、想、行、識亦如是。不以無相、無作分別色，不以色分別無相、無作；受、想、行、識亦如是。」

不以無生、無滅、寂滅、離，分別色，不以色分別無生、無滅、寂滅、離；受、想、行、識亦如是。

眼乃至意觸因緣生受亦如是。

檀那¹⁴波羅蜜乃至般若波羅蜜，內空乃至無法有法空，四念處乃至十八不共法，一切三昧門、一切陀羅尼門，須陀洹乃至阿羅漢、辟支佛、

⁹ 對照《大智度論》卷 55 〈28 幻人聽法品〉(大正 25, 449c1-451a10)。

¹⁰ 犍=乾【宋】【元】【明】(大正 08, 276d, n.14)。

¹¹ 絺=維【聖】(大正 08, 276d, n.15)。

¹² 惟越=鞞跋【宋】【元】【明】【宮】【聖】(大正 08, 276d, n.16)。

¹³ 信受=受之【宋】【元】【明】【宮】【聖】(大正 08, 276d, n.17)。

¹⁴ [那]—【宋】【元】【明】【宮】【聖】(大正 08, 276d, n.18)。

佛；一切智，不以空分別一切智，不以一切智分別空，不以空分別一切種智，不以一切種智分別空；無相、無作、無生、無滅、寂滅、離亦如是。」

丑二、破諸天我心

須菩提語諸天子言：「是般若波羅蜜甚深，誰能受者？是般若波羅蜜中無法可示，無法可說；若無法可示，無法可說，受人亦不可得。」

子十、釋無所有無利益疑

丑一、舍利弗歎

爾時，舍利弗語須菩提言：「般若波羅蜜中廣說三乘之教及護持¹⁵菩薩之教¹⁶，從初發意地乃至十地，檀那波羅蜜乃至般若波羅蜜，四念處乃至八聖道分，佛十力乃至十八不共法，護持菩薩之教。

菩薩摩訶薩如是行般若波羅蜜，常化生，不失神通，遊諸佛國，具足善根，隨其所欲，供養諸佛，即得如願，從諸佛所聽受法教，乃¹⁷至薩婆若初不斷絕，未曾離三昧時，當得捷疾辯¹⁸、利辯、不盡辯、不可斷辯、隨應辯、義辯、一切世間最上辯。」

丑二、須菩提述

須菩提言：「如是！如是！如舍利弗言，般若波羅蜜廣說三乘之教及護持菩薩之教¹⁹，乃至菩薩摩訶薩得一切世間最上辯，不可得²⁰故。我乃至知者、見者不可得，色、受、想、行、識，檀那波羅蜜乃至般若波羅蜜不可得，內空乃至無法有法空不可得，四念處乃至八聖道分，佛十力乃至一切種智，亦²¹不可得故。」

丑三、重問

舍利弗語須菩提：「何因緣故，般若波羅蜜中廣說三乘而不可得？何

¹⁵ 護持＝攝取【元】【明】【宮】【聖】(大正 08, 276d, n.19)。

¹⁶ 教＝法【元】【明】【宮】【聖】(大正 08, 276d, n.20)。

¹⁷ [乃]－【宋】【元】【明】【宮】【聖】(大正 08, 276d, n.21)。

¹⁸ 辯＝辨【聖】(大正 08, 276d, n.22)。

¹⁹ 教＝法【聖】(大正 08, 276d, n.23)。

²⁰ 不可得＝以無所得【聖】(大正 08, 276d, n.24)。

²¹ [亦]－【宋】【元】【明】【宮】(大正 08, 276d, n.25)。

因緣故，般若波羅蜜中護持菩薩？何因緣故，菩薩摩訶薩得捷疾辯乃至一切世間最上辯不可得故？」

丑四、再答

須菩提語舍利弗言：「以內空故，般若波羅蜜廣說三乘²²不可得；外空乃至無法有法空故，廣說三乘不可得。內空故，護持菩薩乃至一切世間最上辯不可得故；外空乃至無法有法空故，護持菩薩乃至一切世間最上辯不²³可得故。」²⁴

²² 乘+(而)【聖】(大正 08, 276d, n.26)。

²³ (以)+不【聖】(大正 08, 277d, n.1)。

²⁴ 摩訶般若波羅蜜經卷第十二終【聖】(大正 08, 277d, n.2)。

《摩訶般若波羅蜜經¹》卷 8〈29 散花品〉冠科²

《摩訶般若波羅蜜經》卷 8（大正 08，277a5-279b23）：

癸三、諸天疑除散華供養因說般若

子一、諸天財供須菩提因說般若³

丑一、諸天財供

寅一、得悟意念欲供養

爾時，釋提桓因及三千大千世⁴界中四天王天乃至阿迦尼吒諸天作是念：「慧命須菩提為雨法雨，我等寧可化作花，散佛、菩薩摩訶薩、比丘僧、須菩提及般若波羅蜜上！」

寅二、正化華供養

即⁵時釋提桓因及三千大千世界中諸天化作花，散佛、菩薩摩訶薩、比丘僧及須菩提上，亦供養般若波羅蜜。

是時，三千大千世界⁶，花悉周遍於虛空中，化成花臺，端嚴殊妙。

丑二、須菩提因華論無生

須菩提心念：「是諸天子所散花，天上未曾見如是花比。是花是化花，非樹生花，是諸天子所散花，從心樹生，非樹生花。」

釋提桓因知須菩提心所念，語須菩提言：「大德！是花非生花，亦非意⁷樹生。」

須菩提語釋提桓因言：「僑尸迦！汝言『是華非生花，亦非意樹生』。僑尸迦！是花⁸若非生法，不名為花。」

¹〔摩訶般若波羅蜜經〕八字－【明】，此處梵無區分(大正 08，277d，n.3)。

²妙境法師，《摩訶般若波羅蜜經》冠科(上冊)，pp.341-354。

³對照《大智度論》卷 55〈29 散華品〉(大正 25，451a12-452a8)。

⁴〔世〕－【聖】(大正 08，277d，n.4)。

⁵〔即〕－【聖】(大正 08，277d，n.5)。

⁶世界＝國土【宋】【明】【宮】(大正 08，277d，n.6)。

⁷意＝心【宋】【元】【明】【宮】(大正 08，277d，n.7)。

⁸〔是花〕－【宋】【元】【明】【宮】(大正 08，277d，n.8)。

釋提桓因語須菩提言：「大德！但是花不生？色亦不生？受、想、行、識亦不生？」

須菩提言：「憍尸迦！非但是花不生，色亦不生；若不生，是不名為⁹色。受……想……行……。識亦不生；若不生，是不名為識。

六入、六識、六觸，六觸因緣生諸受亦如是。

檀那¹⁰波羅蜜不生；若不生，是不名檀那波羅蜜。乃至般若波羅蜜不生；若不生，是不名般若波羅蜜。

內空不生；若不生，是不名內空。乃至無法有法空不生；若不生，是不名無法有法空。

四念處不生；若不生，是不名四念處。乃至十八不共法不生；若不生，是不名十八不共法。乃至一切種智不生；若不生，是不名一切種智。」

子二、諸天法供須菩提因說般若¹¹

丑一、天主一人稱歎為法供養

寅一、稱歎能說人為法供養

卯一、天主念佛印成

辰一、正念

爾時，釋提桓因心念：「是¹²慧命須菩提，其智甚深，不壞假名而說諸法相。」

辰二、佛印成

佛知釋提桓因心所念，語釋提桓因言：「如是！如是！憍尸迦！須菩提其智甚深，不壞假名而說諸法相。」

卯二、釋所以

辰一、天主問

釋提桓因白佛言：「世尊¹³！大德¹⁴須菩提，云何不壞假名而說諸法

⁹ [為] — 【聖】(大正 08, 277d, n.9)。

¹⁰ 檀那 = 檀【聖】(大正 08, 277d, n.10)。

¹¹ 對照《大智度論》卷 55 〈29 散華品〉(大正 25, 452a9-453c1)。

¹² 心念是 = 作是念【宋】【元】【明】【宮】(大正 08, 277d, n.11)。

¹³ [世尊] — 【聖】(大正 08, 277d, n.12)。

相？」

辰二、佛答

佛告¹⁵釋提桓因：「色但假名，須菩提不¹⁶壞假名而說諸法相；受、想、行、識但假名，須菩提亦不壞假名而說諸法相。所以者何？是諸法相，無壞不壞故，須菩提所說亦無壞不壞。眼乃至意觸因緣生諸受亦如是；檀那波羅蜜乃至般若波羅蜜，內空乃至無法有法空，四念處乃至十八不共法亦如是。須陀洹果乃至阿羅漢果，辟支佛道、菩薩道、佛道，一切智、一切種智亦如是。

須陀洹乃至阿羅漢、辟支佛、佛，是但假名，須菩提不壞假名而說諸法相。何以故？是諸法相，無壞不壞故；須菩提所說亦無壞不壞。如是！憍尸迦！須菩提不壞假名而說諸法相。」

卯三、須菩提勸學

辰一、述應如是學

須菩提語釋提桓因言¹⁷：「如是！如是！憍尸迦！如佛所說諸法但假名，菩薩摩訶薩當作是知——諸法但假名，應如是學般若波羅蜜。

辰二、示學相

巳一、明學方法

午一、明不學有

憍尸迦！菩薩摩訶薩作如是學，為不學色，不學受、想、行、識。何以故？不見色當可學者，不見受、想、行、識當可學者。

菩薩摩訶薩如是學，為不學檀那波羅蜜。何以故？不見檀那波羅蜜當可學者。乃至不學般若波羅蜜。何以故？不見般若波羅蜜當可學者。

如是學，為不學內空乃至無法有法空。何以故？不見內空乃至無法有法空當可學者。

如是學，為不學四念處乃至十八不共法。何以故？不見四念處乃至十

¹⁴ 大德=慧命【宋】【元】【明】【宮】(大正 08, 277d, n.13)。

¹⁵ 告=言【聖】(大正 08, 277d, n.14)。

¹⁶ (亦)+不【宋】【元】【明】【宮】【聖】(大正 08, 277d, n.15)。

¹⁷ [言]-【聖】(大正 08, 277d, n.16)。

八不共法當可學者。

如是學，為不學須陀洹果乃至一切種智。何以故？不見須陀洹果乃至一切種智當可學者。」

午二、明不學無

爾時，釋提桓因語須菩提言：「菩薩摩訶薩何因緣故不見色乃至不見一切種智？」

須菩提言：「色、色空，乃至一切種智、一切種智空。

憍尸迦！色空不學色空，乃至一切種智空不學一切種智空。

午三、明不二學

憍尸迦！若如是不學空，是名學空，以不二故。

是菩薩摩訶薩學色空，以不二故；乃至學一切種智空，不¹⁸二故。

若學色空不二故，乃至學一切種智空不二故，是菩薩摩訶薩能學檀那波羅蜜不二故，乃至能學般若波羅蜜不二故；能學四念處不二故，乃至能學十八不共法不二故；能學須陀洹果不二故，乃至能學一切種智不二故。

巳二、明此學即學薩婆若

午一、明學般若因行成

是菩薩能學無量無邊阿僧祇佛法。

若能學無量無邊阿僧祇佛法，是菩薩不為色增學、不為色減學，乃至不為一切種智增學、不為一切種智減學。

若不為色增、減學，乃至不為一切種智增、減學，是菩薩不為色受學、不為色減學，亦不為受想行識受學，亦不為減¹⁹學；乃至一切種智亦不為受學、亦不為減學。」

舍利弗語須菩提：「菩薩摩訶薩如是學，不為受色學、不為減色學，乃至一切種智亦不為受學、亦不為減學？」

須菩提言：「菩薩摩訶薩若如是學，不為受色學、不為減色學，乃至

¹⁸ (以)+不【宋】【元】【明】【宮】【聖】(大正 08, 277d, n.17)。

¹⁹ 減=減【聖】(大正 08, 277d, n.18)。

一切種智亦不為受學、亦不為滅學。」

「須菩提！何因緣故，菩薩摩訶薩不為受色學、不為滅色學；乃至一切種智亦不為受學、亦不為滅學？」

須菩提言：「是色不可受、亦無受色者，乃至一切種智不可受、亦無受者，內外空故。

如是，舍利弗！菩薩摩訶薩一切法不受故，能到一切種智。」

午二、明學得薩婆若果

未一、須菩提印可：學般若一切法不受故，能到一切種智

是時，舍利弗語須菩提：「菩薩摩訶薩如是學般若波羅蜜，能²⁰到一切種智耶？」

須菩提言：「菩薩摩訶薩如是學般若波羅蜜，能到一切種智，一切法不受故。」

未二、釋因由：一切法性空故，不見生滅、受不受等

舍利弗語須菩提：「若菩薩摩訶薩於一切法不受、不滅學者，菩薩摩訶薩云何能到一切種智？」

須菩提言：「菩薩摩訶薩行般若波羅蜜，不見色生、不見色滅；不見色受、不見色不受，不見色垢、不見色淨，不見色增、不見色減。何以故？舍利弗！色、色性空故。

受……想……行……。識亦不見生、亦不見滅，亦不見受、亦不見不受，亦不見垢、亦不見淨，亦不見增、亦不見減。何以故？識、識性空故。

乃至一切種智亦不見生、亦不見滅，亦不見受、亦不見不受，亦不見垢、亦不見淨，亦不見增、亦不見減。何以故？一切種智、一切種智性空故。

未三、結成

如是！舍利弗！菩薩摩訶薩為一切法不生不滅、不受不捨、不垢不淨、不合不散、不增不減故，學般若波羅蜜，能到一切種智，無所學、無所

²⁰ 〔能〕－【聖】。(大正 25, 452d, n.18)

到故。」

辰三、示學處²¹

巳一、明文字般若

爾時，釋提桓因語舍利弗：「菩薩摩訶薩般若波羅蜜，當於何處求？」

舍利弗言：「菩薩摩訶薩般若波羅蜜，當於須菩提品中求。」

釋提桓因語須菩提：「是汝神力使舍利弗言：『菩薩摩訶薩般若波羅蜜，當於須菩提品中求？』」

須菩提語釋提桓因：「非我神力。」

釋提桓因語須菩提：「是誰神力？」

須菩提言：「是佛神力。」

巳二、明實相般若

午一、天主難

未一、即難

釋提桓因言：「一切法皆無受處，何以故言『是佛神力』？」

未二、離難

離無受處相，如來不可得；離如，如來亦不可得。」

午二、須菩提印成所說

未一、略就離印述其難

須菩提語釋提桓因言：「如是！如是！憍尸迦！離無受處相，如來不可得；離如，如來亦不可得。無受處相中如來不可得，如中如來不可得。

未二、歷法廣述其難

申一、就如中求不可得

色如中，如來如不可得；如來如中，色如不可得。

申二、就法相中求不可得

色法相中，如來法相不可得；如來法相中，色法相不可得。

受、想、行、識法相中，乃至一切種智如法²²亦如是。

申三、明無合散故無如來

²¹ 對照《大智度論》卷 55 〈29 散華品〉（大正 25，453c2-455c3）。

²² 〔如法〕－【元】【明】【聖】（大正 08，278d，n.1）。

酉一、即離如中無合散

憍尸迦！如來色如中不合不散，受、想、行、識如中不合不散；
如來離色如不合不散，離受、想、行、識如不合不散。
乃至一切種智亦如是。

酉二、即離法相中無合散

如來色法相中不合不散，受、想、行、識法相中不合不散。
如來離色法相中不合不散，離受、想、行、識法相中不合不散。
乃至一切種智亦如是。

申四、結佛神力

憍尸迦！如是等一切法中不合不散，是佛神力，用無所受法故。

巳三、明觀照般若

午一、明無所求

如憍尸迦言：『菩薩摩訶薩般若波羅蜜，當於何處求？』

憍尸迦！不應色中求般若波羅蜜，亦不應離色求般若波羅蜜；不應受、想、行、識中求，亦不應離受、想、行、識求。何以故？是般若波羅蜜，色、受、想、行、識——是一切法皆不合、不散，無色、無形、無對，一相，所謂無相。

乃至一切種智中不應求般若波羅蜜，亦不應離一切種智求般若波羅蜜。何以故？是般若波羅蜜、一切種智——是一切法皆不合、不散，無色、無形、無對，一相，所謂無相。

午二、以非即離三義轉釋

※正說

何以故？

般若波羅蜜非色、亦非離色，非受想行識、亦非離受想行識；乃至非一切種智，亦非離一切種智。

般若波羅蜜非色如、亦非離色如，非受想行識如、亦非離受想行識如。

般若波羅蜜非色法、亦非離色法，非受想行識法、亦非離受想行識法。

乃至非一切種智如、亦非離一切種智如；般若波羅蜜非一切種智法、亦非離一切種智法。

※明理——諸法無所有不可得

何以故？憍尸迦！是一切法皆無所有，不可得。

以無所有、不可得故，般若波羅蜜非色、亦非離色，非色如、亦非離色如，非色法、亦非離色法；乃至非一切種智、亦非離一切種智，非一切種智如、亦非離一切種智如，非一切種智法、亦非離一切種智法。」

寅二、稱歎般若為法供養²³

卯一、天主歎

辰一、正歎

釋提桓因語須菩提：「是摩訶波羅蜜，是菩薩摩訶薩般若波羅蜜！無量波羅蜜、無邊波羅蜜，是菩薩摩訶薩般若波羅蜜！

辰二、釋歎

諸須陀洹、須陀洹果，從是般若波羅蜜中學成；乃至諸阿羅漢、阿羅漢果，諸辟支佛、辟支佛道，諸菩薩摩訶薩，皆從是般若波羅蜜中學成，能成就眾生、淨佛國土，得阿耨多羅三藐三菩提，皆²⁴從是學成。」

卯二、須菩提述歎

辰一、總歎

須菩提語釋提桓因言：「如是！如是！憍尸迦！是摩訶波羅蜜，是菩薩摩訶薩般若波羅蜜！無量波羅蜜、無邊波羅蜜，是菩薩摩訶薩般若波羅蜜！

從是中學成須陀洹果，乃至阿羅漢果、辟支佛道。諸菩薩摩訶薩；從是般若波羅蜜中學成，能²⁵成就眾生、淨佛國土，得阿耨多羅三藐三菩提——已得、今得、當得。

辰二、別述

巳一、述大歎

憍尸迦！色大故，般若波羅蜜亦大。何以故？是²⁶色前際不可得，後際不可得，中際不可得。

²³ 對照《大智度論》卷 55 〈29 散華品〉(大正 25, 455c4-456c23)。

²⁴ [皆] — 【宮】(大正 08, 278d, n.2)。

²⁵ [能] — 【聖】(大正 08, 279d, n.1)。

²⁶ [是] — 【宋】【宮】(大正 08, 279d, n.2)。

受、想、行、識大故，般若波羅蜜亦大。何以故？受、想、行、識前際不可得，後際不可得，中際不可得。

乃至一切種智亦如是。

以是因緣故，憍尸迦！是摩訶波羅蜜，是菩薩摩訶薩般若波羅蜜。

巳二、述無量歎

憍尸迦！色無量故，般若波羅蜜無量。何以故？色量不可得故。

憍尸迦！譬如虛空量不可得，色亦如是量不可得。

虛空無量故，色無量；色無量故，般若波羅蜜無量。

受、想、行、識，乃至一切種智無量故，般若波羅蜜無量。何以故？一切種智量不可得。

譬如虛空量不可得，一切種智亦如是量不可得。

虛空無量故，一切種智無量；一切種智無量故，般若波羅蜜無量。

以是因緣故，憍尸迦！是菩薩摩訶薩般若波羅蜜無量。

巳三、述無邊歎

午一、明絕三世故無邊

憍尸迦！色無邊故，諸菩薩摩訶薩般若波羅蜜無邊。何以故？憍尸迦！是²⁷色前際不可得，後際不可得，中際不可得。受、想、行、識無邊故，般若波羅蜜無邊。何以故？受、想、行、識前際、後際、中際皆不可得故。乃至一切種智無邊故，般若波羅蜜無邊。何以故？一切種智前、後²⁸、中際皆不可得故。

以是因緣故，憍尸迦！是般若波羅蜜無邊。色無邊，乃至一切種智無邊。

午二、明緣無邊故無邊

復次，憍尸迦！緣無邊故，般若波羅蜜無邊。」

「須菩提！云何緣無邊故般若波羅蜜無邊？」

須菩提言：「緣一切無邊法故，般若波羅蜜無邊。」

「云何緣一切無邊法故般若波羅蜜無邊？」

²⁷ [是] — 【聖】(大正 08, 279d, n.3)。

²⁸ 前後 = 前際後際【宋】【元】【明】【宮】(大正 08, 279d, n.4)。

須菩提言：「緣無邊法性故，般若波羅蜜無邊。
復次，憍尸迦！緣無邊如故，般若波羅蜜無邊。」

釋提桓因言：「云何緣無邊如故般若波羅蜜無邊？」

須菩提言：「如無邊故，緣亦無邊；緣無邊故，如亦²⁹無邊。
以是因緣故，諸菩薩摩訶薩般若波羅蜜無邊。」

午三、明眾生無邊故無邊

復次，憍尸迦！眾生無邊故，般若波羅蜜無邊。」

釋提桓因問須菩提：「云何眾生無邊故般若波羅蜜無邊？」

須菩提言：「於意³⁰云何？何等法名『眾生』？」

釋提桓因言：「無有法名『眾生』，假名故為『眾生』；是名字本無有法，亦無所趣，強為作名。」

「憍尸迦！於汝意云何？是般若波羅蜜中說眾生有實不？」

釋提桓因言：「無也。」

「憍尸迦！若般若波羅蜜實³¹不說³²，眾生無邊亦不可得。」

憍尸迦！於汝意云何，佛³³如³⁴恒河沙劫壽說眾生、眾生名字，頗有眾生法有生有滅不？」

釋提桓因言：「不也。何以故？眾生從本已³⁵來常清淨故。」

「以是因緣故，憍尸迦！眾生無邊故，當知般若波羅蜜亦無邊。」³⁶

²⁹ 如亦=亦如【明】(大正 08, 279d, n.5)。

³⁰ (汝)+意【宋】【元】【明】【宮】【聖】(大正 08, 279d, n.6)。

³¹ 實=中【宋】【元】【明】【宮】(大正 08, 279d, n.7)。

³² 說+(實有)【宋】【元】【明】【宮】(大正 08, 279d, n.8)。

³³ (諸)+佛【明】(大正 08, 279d, n.9)。

³⁴ [如]-【元】【明】【聖】(大正 08, 279d, n.10)。

³⁵ 已=以【宋】【宮】(大正 08, 279d, n.11)。

³⁶ 以上。梵. iti Samudayadharmajñāna kṣāntiḥ. 以上光讚般若終(大正 08, 279d, n.12)。

《摩訶般若波羅蜜經》卷 8 〈30 三歎¹品〉冠科²

《摩訶般若波羅蜜經》卷 8 (大正 08, 279b24-280c14) :

丑二、諸天同時稱歎為法供養³

寅一、諸天稱歎

卯一、歎說般若及佛恩

爾時，諸天王及諸天、諸梵王及諸梵天、伊闍那天及諸神仙并諸天女同時三反稱歎：「快哉！快哉！慧命須菩提所說法，皆是佛出世間因緣恩⁴力，演布是教。

卯二、歎行般若人

辰一、作如佛歎

若有菩薩摩訶薩行是般若波羅蜜不遠離者，我輩視是人如佛。

辰二、舉般若釋歎

何以故？是般若波羅蜜中雖無法可得，所謂色、受、想、行、識乃至一切種智，而有三乘之教，所謂聲聞乘、辟支佛乘、佛乘。」

寅二、佛述

卯一、述歎

辰一、述其如佛

爾時，佛告諸天子：「如是！如是！諸天子！如汝所言：是般若波羅蜜中雖無法可得，所謂色、受、想、行、識乃至一切種智，而有三乘之教，所謂聲聞乘、辟支佛乘、佛乘。

諸天子！若有菩薩摩訶薩行是般若波羅蜜不遠離者，視是人當如佛。以無所得故。

辰二、明佛不可得故如佛

¹ 三歎=顯視【宋】【宮】(大正 08, 279d, n.13)。

² 妙境法師，《摩訶般若波羅蜜經》冠科(上冊)，pp.355-361。

³ 對照《大智度論》卷 56 〈30 顯視品〉(大正 25, 457a6-c11)。

⁴ 恩=因【聖】(大正 08, 279d, n.15)。

何以故？是般若波羅蜜中廣說三乘之教，所謂聲聞⁵、辟支佛⁶、佛乘。檀那波羅蜜中佛不可得，離檀那波羅蜜佛亦⁷不可得；乃至般若波羅蜜中佛不可得，離般若波羅蜜佛亦不可得。內空乃⁸至無法有法空、四念處乃至十八不共法、一切種智亦如是。」

佛語諸天子：「菩薩摩訶薩若能學是一切法，所謂檀那波羅蜜乃至一切種智，以是事故，當視是菩薩摩訶薩如佛。」

卯二、引證

諸天子！我昔於然燈佛時，花嚴城內，四衢道頭⁹，見佛聞法，即得不離檀那波羅蜜行，不離尸羅¹⁰波羅蜜、羸提波羅蜜、毘梨耶波羅蜜、禪那¹¹波羅蜜、般若波羅蜜行。不離內空乃至無法有法空，四念處乃至八聖道分。不離四禪、四無量心、四無色定、一切三昧門、一切陀羅尼門；不離四無所畏、佛十力、四無礙智、十八不共法、大慈大悲，及餘無量諸佛法行，無¹²所得故。

是時，然燈佛記我當來世過一阿僧祇劫當作佛，號釋迦牟尼多陀阿伽度、阿羅訶、三藐三佛陀、毘¹³侈遮羅那、修伽度、路伽憊、無上士、調御丈夫、天人師、佛、世尊。」

寅三、領解重歎

爾時，諸天子白佛言：「世尊！甚希有！是般若波羅蜜，能令諸菩薩摩訶薩得薩婆若，於色不取不捨故，於受、想、行、識不取不捨故，乃至一切種智不取不捨故。」

己二、歎般若所生功德

⁵ 聞+(乘)【宋】【元】【明】【宮】(大正 08, 279d, n.16)。

⁶ 佛+(乘)【宋】【元】【明】【宮】(大正 08, 279d, n.17)。

⁷ 佛亦=中佛【宋】【宮】(大正 08, 279d, n.18)。

⁸ 乃=了【元】(大正 08, 279d, n.19)。

⁹ 頭=中【宋】【元】【明】【宮】【聖】(大正 08, 279d, n.20)。

¹⁰ 尸羅=尸【聖】(大正 08, 279d, n.21)。

¹¹ 禪那=禪【聖】(大正 08, 279d, n.22)。

¹² (以)+無【宋】【元】【明】【宮】，(亦)+無【聖】(大正 08, 279d, n.23)。

¹³ 毘=鞞【宋】【元】【明】【宮】【聖】(大正 08, 279d, n.24)。

庚一、明受持乃至正憶念所得功德格量顯勝稱歎勸修¹⁴

辛一、第一周說般若

壬一、明受持般若得現世五果

癸一、魔不得便

爾時，佛觀四眾和合——比丘、比丘尼、優婆塞、優婆夷，及諸菩薩摩訶薩，并四天王天乃至阿迦尼吒諸天皆會坐。

普觀是¹⁵已，佛告釋提桓因言¹⁶：「僑尸迦！若¹⁷菩薩摩訶薩、若比丘、若比丘尼、若優婆塞、若優婆夷、若諸天子、若諸天女，是¹⁸般若波羅蜜，若聽、受持、親近、讀、誦、為他說、正憶念，不離薩婆若心，諸天子！是人，魔、若魔民¹⁹不能得其便。

何以故？是善男子、善女人諦了知色空，空不能得空便，無相不能得無相便，無作不能得無作便；諦了知受、想、行、識空，空不能得空便，乃至無作不能得無作便；乃至諦了知一切種智空，空不能得空便，乃至無作不能得無作便。

何以故？是諸法自相²⁰性不可得，無事可得便²¹，誰受惱者？

癸二、人非人不得便

復次，僑尸迦！是²²善男子、善女人，人、非人不能得其便。

何以故？是善男子、善女人，一切眾生中善修慈心²³、悲喜捨心，以無所得故。

癸三、終不橫死

子一、明果

¹⁴ 對照《大智度論》卷 56〈30 顧視品〉(大正 25, 457c12-459b25)。

¹⁵ 〔是〕—【元】【明】(大正 08, 280d, n.1)。

¹⁶ 〔言〕—【聖】(大正 08, 280d, n.2)。

¹⁷ 〔若〕—【聖】(大正 08, 280d, n.3)。

¹⁸ (於)+是【宋】【元】【明】【宮】(大正 08, 280d, n.4)。

¹⁹ 民=天【宋】【元】【明】【宮】【聖】(大正 08, 280d, n.5)。

²⁰ 〔相〕—【元】【明】【聖】(大正 08, 280d, n.6)。

²¹ 〔便〕—【宮】(大正 08, 280d, n.7)。

²² 〔是〕—【宋】【元】【明】【宮】(大正 08, 280d, n.8)。

²³ 〔心〕—【宋】【元】【明】【宮】(大正 08, 280d, n.9)。

憍²⁴尸迦！是善男子、善女人終不橫死。何以故？是善男子、善女人行檀那波羅蜜，於一切眾生等心供給故。

子二、勸持

復次，憍尸迦！三千大千世界²⁵，四天王天、三十三天、夜摩天、兜率陀天、化樂天、他化自在天、梵天、光音天、遍淨天、廣果天——是諸天中有發阿耨多羅三藐三菩提心者，未聞是般若波羅蜜、未受持、親近，是諸天子今應聞、受持、親近、讀、誦、正憶念，不離薩婆若心。

癸四、明住處安

復次，憍尸迦！諸善男子、善女人聞是般若波羅蜜，受持、親近、讀、誦、正憶念，不離薩婆若心，是諸善男子、善女人，若在空舍、若在曠野、若人住處，終不怖畏。

何以故？是善男子、善女人明於內空，以無所得故；明於外空乃至無法有法空，以無所得故。」

癸五、諸天守護²⁶

子一、諸天發願守護

爾時，三千大千世界中諸四天王天、三十三天、夜摩天、兜率陀天、化樂天、他化自在天乃至首陀婆諸天白佛言：「世尊！是善男子、善女人能受持般若波羅蜜，親近、讀、誦、正憶念，不離薩婆若心者，我等常當守護！」

子二、釋所以

何以故？世尊！

丑一、因菩薩因緣故斷三惡道及斷善道中諸不如意事

以菩薩摩訶薩因緣故，斷三惡道，斷天人貧，斷諸災患、疾病、飢餓。

丑二、因菩薩故有世間及出世間諸善法

以菩薩因緣故，便有十善道現於²⁷世間，四禪、四無量心、四無色定，

²⁴ (復次)+憍【宋】【元】【明】【宮】(大正 08, 280d, n.10)。

²⁵ 世界=國土【宋】【元】【明】【宮】，〔世〕-【聖】(大正 08, 280d, n.11)。

²⁶ 對照《大智度論》卷 56〈30 願視品〉(大正 25, 459b26-460a26)。

²⁷ 現於=出【元】【明】【聖】(大正 08, 280d, n.12)。

檀那波羅蜜、尸羅波羅蜜、羸提波羅蜜、毘梨耶波羅蜜、禪那波羅蜜、般若波羅蜜，內空乃至無法有法空，四念處乃至一切種智。

丑三、因菩薩故有人天善果

以菩薩因緣故，世間便有刹²⁸利大姓、婆羅門大姓、居士大家、諸王及轉輪聖王，四天王天乃至阿迦尼吒天。

丑四、因菩薩故有二乘聖者、二乘果

以菩薩因緣故，有須陀洹、須陀洹果，乃至阿羅漢、阿羅漢果，辟支佛、辟支佛道。

丑五、因菩薩故有三寶出現於世

以菩薩因緣故，有成就眾生、淨佛國土，便有諸佛出現於世，便有轉法輪，知有佛寶、法寶、比丘僧寶。

世尊！以是因緣故，一切世間諸天及人、阿修羅應²⁹守護是菩薩摩訶薩。」

子三、佛述成

佛語釋提桓因：「如是！如是！憍尸迦！以菩薩摩訶薩因緣故，斷三惡道乃至三寶出現於世。以是故，諸天及人、阿修羅常應守護、供養、恭敬、尊重、讚歎是菩薩摩訶薩。

憍尸迦！供養、恭敬、尊重、讚歎是菩薩摩訶薩，即是供養我。以是故，是諸菩薩摩訶薩、諸天及人、阿修羅，常應守護，供養、恭敬、尊重、讚歎。

壬二、格量顯勝二乘

憍尸迦！若三千大千世界滿中聲聞、辟支佛，譬如竹葦、稻、麻、叢林³⁰，若有善男子、善女人供養恭敬、尊重、讚歎，不如供養、恭敬、尊重、讚歎初發心菩薩摩訶薩不離六波羅蜜所得福德。

何以故？不以聲聞、辟支佛因緣故有菩薩摩訶薩及諸佛出現於世，以有菩薩摩訶薩因緣故有聲聞、辟支佛、諸佛出現於世。

²⁸ (生)+刹【宋】【元】【明】【宮】【聖】(大正 08, 280d, n.13)。

²⁹ (常)+應【聖】(大正 08, 280d, n.14)。

³⁰ 叢林=茅叢【宋】【宮】(大正 08, 280d, n.15)。

以是故，憍尸迦！是諸菩薩摩訶薩，一切世間諸天及人、阿修羅常應守護，供養、恭敬、尊重、讚歎³¹。」

³¹ 以上大般若第二會授記品第二十八。梵. *iti Nirodha dharmajñāna kṣānti*. (大正 08，280d，n.16)。

《摩訶般若波羅蜜經》卷 8 〈31 滅諍¹品〉冠科²

《摩訶般若波羅蜜經》卷 8 (大正 08, 280c15-283a14) :

辛二、第二周說般若

壬一、明五果

癸一、合明魔及人非人不得便二果³

子一、天主稱歎

丑一、明受持般若得二世功德

寅一、現世功德

爾時，釋提桓因白佛言：「世尊！甚奇希有！諸菩薩摩訶薩，是般若波羅蜜，若聞、受持、親近、讀⁴、誦⁵、為他說、正憶念時，得如是今世功德；

寅二、後世功德

亦成就眾生、嚴⁶淨佛國土⁷；從一佛國至一佛國，供養諸佛；所欲供養之具，隨意即得；從諸佛聞法，至得阿耨多羅三藐三菩提，終不中忘；亦得家成就、母⁸成就、生成就、眷屬成就、相成就、光明成就、眼成就、耳成就、三昧成就、陀羅尼成就。

是菩薩以方便力故⁹變身如佛，從一國¹⁰至一國，到無佛處，讚檀那波羅蜜乃至般若波羅蜜，讚四禪、四無量心、四無色定，讚四念處乃至十

¹ 滅諍=現功德【宋】【宮】，=現滅淨【元】【明】(大正 08, 280d, n.17)。

² 妙境法師，《摩訶般若波羅蜜經》冠科(上冊)，pp.362-374。

³ 對照《大智度論》卷 56 〈31 滅諍亂品〉(大正 25, 460a28-461b23)。

⁴ 讀=讚【聖】(大正 08, 280d, n.20)。

⁵ (是般…誦)十四字=(若聞受持是般若波羅蜜親近讚誦)十四字【宋】【宮】，=(從般若波羅蜜若聞受持親近讀誦)十四字【元】(大正 08, 280d, n.19)。

⁶ [嚴]—【聖】(大正 08, 280d, n.21)。

⁷ [國]—【宋】【元】【明】【宮】(大正 08, 280d, n.22)。

⁸ 母=性【宋】【宮】(大正 08, 280d, n.23)。

⁹ [故]—【聖】(大正 08, 280d, n.24)。

¹⁰ 國+(土)【宋】【元】【明】【宮】，(佛)+國【聖】(大正 08, 280d, n.25)。

八不共法；以方便力而為¹¹說法，以三乘法度脫眾生，所謂聲聞、辟支佛、佛乘。

丑二、歎受持般若總攝一切功德

世尊！快哉！希有！受持¹²般若波羅蜜，為已¹³總攝五波羅蜜乃至十八不共法，亦攝須陀洹果乃至阿羅漢果、辟支佛道、佛道、一切智、一切種智。」

子二、如來述成

丑一、述總攝一切功德

佛告釋提桓因：「如是！如是！憍尸迦！持¹⁴般若波羅蜜，為已總攝五波羅蜜乃至一切種智。」

丑二、述得二世功德

寅一、許誠聽

復次，憍尸迦！是般若波羅蜜，受持¹⁵、親近、讀、誦、為他¹⁶說、正憶念，是善男子、善女人所得今世功德，汝一心諦聽！」

寅二、受旨

釋提桓因言：「唯然¹⁷！世尊！受教！」

寅三、廣明功德

卯一、二世功德

辰一、明現世功德

巳一、正明

佛告釋提桓因言：「憍尸迦！若有外道諸梵志、若魔、若魔民、若增上慢人欲乖錯破壞菩薩般若波羅蜜心，是諸人適生此心，即時滅去，終不從願。」

¹¹ [而為] – 【聖】(大正 08, 280d, n.26)。

¹² 持=是【元】【明】【聖】(大正 08, 281d, n.1)。

¹³ 已=以【聖】(大正 08, 281d, n.2)。

¹⁴ 持=受持【宋】【宮】，=受是【元】【明】【聖】(大正 08, 281d, n.3)。

¹⁵ (是般…持)八字=(若受持般若波羅蜜)八字【宋】【宮】(大正 08, 281, n.4)。

¹⁶ 他+(人)【聖】(大正 08, 281, n.5)。

¹⁷ [然] – 【宋】【元】【明】【宮】【聖】(大正 08, 281d, n.6)。

巳二、舉化他功德釋成

何以故？憍尸迦！菩薩摩訶薩長夜行檀那波羅蜜、行¹⁸尸羅¹⁹、羸提、毘梨耶、禪那、般若波羅蜜。

以眾生長夜貪諍故，菩薩悉捨內外物²⁰，安立眾生於檀那波羅蜜中²¹；

以眾生長夜破戒故，菩薩悉捨內外法，安立眾生於戒；

以眾生長夜鬪諍故，菩薩悉捨內外法，安立眾生於忍辱；

以眾生長夜懈怠故，菩薩悉捨內外法，安立眾生於精進；

以眾生長夜亂心故，菩薩悉捨內外法，安立眾生於禪那²²；

以眾生長夜愚癡故，菩薩悉捨內外法，安立眾生於般若波羅蜜。

以眾生長夜為愛結故，流轉生死，是菩薩摩訶薩以方便力，斷眾生愛結，安立眾生²³於四禪、四無量心、四無色定、四念處乃至八聖道分、空無相無作三昧，安立眾生於須陀洹果乃至阿羅漢果、辟支佛道、佛道。

憍尸迦！是為菩薩摩訶薩行般若波羅蜜，得現世功德。

辰二、明後世功德

後世功德——得阿耨多羅三藐三菩提；轉法輪、所願滿足，入無餘涅槃。憍尸迦！是為菩薩摩訶薩後世功德。

卯二、重明現世功德

辰一、法

復次，憍尸迦！善男子、善女人，是般若波羅蜜，若聞、受持²⁴、親近、讀、誦、為他說、正憶念，其所住處，魔、若魔民、若外道梵志、增上慢²⁵人欲輕毀、難問、破壞般若波羅蜜，終不能成；其人惡心轉滅，功德轉增，聞是般若波羅蜜故，漸以三乘道，得盡眾苦。

辰二、譬

¹⁸ [行] — 【宋】【元】【明】【宮】(大正 08, 281d, n.7)。

¹⁹ 羅 = 波羅蜜【聖】(大正 08, 281d, n.8)。

²⁰ 物 = 法【宮】(大正 08, 281d, n.9)。

²¹ [中] — 【宋】【宮】(大正 08, 281d, n.10)。

²² [那] — 【宮】【聖】(大正 08, 281d, n.11)。

²³ [眾生] — 【聖】(大正 08, 281, n.12)。

²⁴ (是般…持)十字 = (若聞受持般若波羅蜜)九字【宋】【宮】(大正 08, 281d, n.13)。

²⁵ 慢 = 憶【聖】(大正 08, 281d, n.14)。

譬如，橋尸迦！²⁶有藥名摩祇，有蛇飢行索食，見虫欲噉；虫趣藥所，藥氣力故，蛇不能前，即自²⁷還去。何以故？以是藥力能勝毒故。

辰三、合

巳一、正合

橋尸迦！摩祇藥有如是力。是²⁸善男子、善女人，是般若波羅蜜，若聞²⁹、受持、親近、讀、誦、為他說、正憶念；若有種種鬪諍起，欲來破壞者，以般若波羅蜜威力故，隨所起處，即疾消滅；其人即生善心，增益功德。

巳二、釋能滅淨亂

何以故？是般若波羅蜜能滅諸法淨亂。何等諸法？所謂——
婬、怒³⁰、癡；無明乃至大苦聚；
諸蓋、結使、纏；
我見、人見、眾生見，斷見、常見，垢見、淨見，有見、無見——如是一切諸見；
慳貪、犯戒、瞋恚、懈怠、亂意、無智；
常想、樂想、淨想、我想——如是等愛行。
著色，著受、想、行、識；
著檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜；
著內空、外空、內外空³¹，乃至無法有法空；
著四念處乃至十八不共法；著一切智、一切種智；著³²涅槃。
是一切法淨亂，盡能消滅，不令增長。

癸二、明諸天守護果³³

²⁶ 譬如橋尸迦＝橋尸迦譬如【宋】【元】【明】【宮】【聖】(大正 08, 281d, n.15)。

²⁷ 自＝便【聖】(大正 08, 281d, n.16)。

²⁸ 是＝若【宋】【元】【明】【宮】(大正 08, 281d, n.17)。

²⁹ [聞]－【元】【明】【聖】(大正 08, 281d, n.18)。

³⁰ 怒＝瞋【宋】【宮】(大正 08, 281d, n.19)。

³¹ [內外空]－【聖】(大正 08, 281d, n.20)。

³² 著＝者【聖】(大正 08, 281d, n.21)。

³³ 對照《大智度論》卷 56 〈31 滅淨亂品〉(大正 25, 461b23-463b12)。

子一、明諸天及佛守護

復次，憍尸迦！三千大千世界中，諸四天王天、諸釋提桓因、諸梵天王乃至阿迦尼吒天常守護是善男子、善女人——能聞、受持般若波羅蜜³⁴，供養、讀誦、為他說、正憶念般若波羅蜜³⁵者，十方現在諸佛亦共擁護是善男子、善女人——能聞、受持³⁶、供養、讀誦³⁷、為他³⁸說、正憶念般若波羅蜜者。

子二、明內益

丑一、正明

寅一、惡滅善增益

卯一、開二章門

是善男子、善女人，不善法滅，善法轉增——

卯二、釋二章門

辰一、善法轉增

所謂檀那波羅蜜轉增，以無所得故；乃至般若波羅蜜轉增，以無所得故；內空轉增乃至無法有法空轉增，以無所得故；四念處乃至十八不共法轉增，以無所得故；諸三昧門、諸陀羅尼門，一切智、一切種智轉增，以無所得故。

是善男子、善女人所說，人皆信受。親友堅固；

辰二、不善法滅

不說無益之語；不為瞋恚所覆，不為憍慢、慳貪、嫉妬所覆。

寅二、具足眾善益

卯一、十善

是人自不殺生，教人不殺生，讚歎³⁹不殺生法，亦歡喜讚歎不殺生者；

³⁴ (聞受持般若波羅蜜)八字=受持【元】【明】，=聞受持【聖】(大正 08，281d，n.22)。

³⁵ [般若波羅蜜]—【宋】【宮】(大正 08，281d，n.23)。

³⁶ 持+(般若波羅蜜)【宋】【宮】(大正 08，281d，n.24)。

³⁷ 讀誦=誦讀【聖】(大正 08，281d，n.25)。

³⁸ 他+(人)【宋】【元】【明】【宮】(大正 08，281d，n.26)。

³⁹ 生讚歎=讚【宋】【元】【明】【宮】【聖】(大正 08，281d，n.27)。

自遠離不與取，亦教人遠離不與取，讚遠離不與取法，亦歡喜讚歎遠離不與取者；自不邪淫，教人不邪淫，讚不邪淫法，亦歡喜讚歎不邪淫者；自不妄語，教人不妄語，讚⁴⁰不妄語法，亦歡喜讚歎不妄語者；兩舌、惡口、無利益語亦如是。自不貪，教人不貪，讚不貪法，亦歡喜讚歎不貪者；不瞋惱、不邪見亦如是。

卯二、六度

自行檀那波羅蜜，教人行檀那波羅蜜，讚⁴¹檀那波羅蜜法，亦歡喜讚歎行檀那波羅蜜者；自行尸羅波羅蜜，教人行尸羅波羅蜜，讚尸羅波羅蜜法⁴²，亦歡喜讚歎行尸羅波羅蜜者；自行羸提波羅蜜，教人行羸提波羅蜜，讚羸提波羅蜜法，亦歡喜讚歎行羸提波羅蜜者；自行毘梨耶波羅蜜，教人行毘梨耶波羅蜜，讚毘梨耶波羅蜜法，亦歡喜讚歎行毘梨耶波羅蜜者；自行禪那波羅蜜，教人行禪那波羅蜜，讚禪那波羅蜜法，亦歡喜讚歎行禪那波羅蜜者；自行般若波羅蜜，教人行般若波羅蜜，讚般若波羅蜜法，亦歡喜讚歎行般若波羅蜜者。

卯三、十八空

自修內空，教人修內空，讚內空法，亦歡喜讚歎修內空者；乃至自修無法有法空，教人修無法有法空，讚無法有法空法，亦歡喜讚歎修無法有法空者。

卯四、三昧等

自入一切三昧中⁴³，教人入一切三昧中，讚一切三昧法，亦歡喜讚歎行⁴⁴一切三昧者。

自得陀羅尼，教人得陀羅尼，讚陀羅尼法，亦歡喜讚歎得陀羅尼者。

自入初禪，教人入初禪，讚初禪法，亦歡喜讚歎入初禪者；二禪、三禪、四禪亦如是。

⁴⁰ 讚+(歎)【聖】(大正 08, 281d, n.28)。

⁴¹ 讚+(行)【聖】(大正 08, 281d, n.29)。

⁴² [法]－【聖】(大正 08, 281d, n.30)。

⁴³ [中]－【宋】【明】【宮】(大正 08, 282d, n.1)。

⁴⁴ 行=入【明】(大正 08, 282d, n.2)。

自入慈心中⁴⁵，教人入慈心，讚⁴⁶慈心法，亦歡喜讚歎入慈心者；悲、喜、捨心亦如是。

自入無邊空處，教人入無邊空處，讚無邊空處法，亦歡喜讚歎入無邊空處者；無邊識處、無所有處、非有想非無想處亦如是。

卯五、菩提分

自修四念處，教人修四念處，讚四念處法，亦歡喜讚歎修四念處者；四正勤、四如意足、五根、五力、七覺分、八聖道分亦如是。

卯六、出世禪

自修空、無相、無作三昧，教人修空、無相、無作三昧，讚空、無相、無作三昧法，亦歡喜讚歎修空、無相、無作三昧者。

自入八背捨⁴⁷，教人入八背捨，讚八背捨法，亦歡喜讚歎入八背捨者。

自入九次第定⁴⁸，教人入九次第定，讚九次第定法，亦歡喜讚歎入九次第定者。

卯七、果德

自修佛十力、四無所畏、四無礙智、大慈大悲、十八不共法亦如是。

自行無謬錯⁴⁹法，自行⁵⁰常捨法，教人行無謬錯法、常⁵¹捨法，讚無⁵²錯謬法、常捨法⁵³，亦歡喜讚歎行無⁵⁴錯謬法、常捨法者。

自得一切種智，教人得一切種智，讚一切種智法，亦歡喜讚歎得一切種智者。

寅三、迴向佛道益

⁴⁵ [中] - 【宋】【元】【明】【宮】【聖】(大正 08, 282d, n.3)。

⁴⁶ 讚+(入)【宋】【元】【明】【宮】(大正 08, 282d, n.4)。

⁴⁷ 捨+(中)【聖】(大正 08, 282d, n.5)。

⁴⁸ 定+(中)【聖】(大正 08, 282d, n.6)。

⁴⁹ 無謬錯=無錯謬【宋】【宮】，=不錯謬【元】【明】【聖】(大正 08, 282d, n.7)。

⁵⁰ [自行] - 【宋】【元】【明】【宮】【聖】(大正 08, 282d, n.8)。

⁵¹ 常=當【元】(大正 08, 282d, n.9)。

⁵² 無=不【元】【明】【聖】(大正 08, 282d, n.10)。

⁵³ [法] - 【元】【明】【聖】(大正 08, 282d, n.11)。

⁵⁴ (是)+無【宋】，無=不【元】【明】【聖】(大正 08, 282d, n.12)。

是菩薩摩訶薩行六波羅蜜時，所有布施與眾生共已，迴向阿耨多羅三藐三菩提，以無所得故；所有持戒、忍辱、精進、禪定、智慧與眾生共已，迴向阿耨多羅三藐三菩提，以⁵⁵無所得故。

寅四、得自曉悟益

卯一、自他兩益故行六度

是善男子、善女人如是行六波羅蜜時，作是念：

我若不布施，當生貧窮家，不能成就眾生、淨佛國土，亦不能得一切種智。

我若不持戒，當生三惡道中⁵⁶，尚不得人身，何況能成就眾生、淨佛國土、得一切種智！

我若不修忍辱，則當諸根毀壞色不具足，不能得菩薩具足色身——眾生見者必至阿耨多羅三藐三菩提，亦不能得以具足色身成就眾生、淨佛國土，得一切種智。

我若懈怠，不能得菩薩道，亦不能得成就眾生、淨佛國土、得一切種智。

我若亂心，不能得生諸禪定，不能以此禪定成就眾生、淨佛國土、得一切種智。

我若無智，不能得方便智，以方便智過聲聞、辟支佛地，成就眾生、淨佛國土、得一切種智。

卯二、為具六度不隨惡行

是菩薩復如⁵⁷是思惟：『我不應隨慳貪故不具足檀那波羅蜜，不應隨犯戒故不具足尸羅波羅蜜，不應隨瞋恚故不具足羼提波羅蜜，不應隨懈怠故不具足毘梨耶波羅蜜，不應隨亂意故不具足禪那波羅蜜，不應隨癡心故不具足般若波羅蜜。

若不具足檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，我終不能成就⁵⁸一切種智。』

⁵⁵ 以=亦【聖】(大正 08, 282d, n.13)。

⁵⁶ [中]—【宋】【元】【明】【宮】(大正 08, 282d, n.14)。

⁵⁷ 如=作【宋】【元】【明】【宮】(大正 08, 282d, n.15)。

⁵⁸ 成就=出到【宋】【元】【宮】(大正 08, 282d, n.16)。

丑二、結得二世功德

如是善男子、善女人，是般若波羅蜜受持⁵⁹、親近、讀誦、為他說、正憶念，亦⁶⁰不離薩婆若心，得是今世、後世功德。」

子三、明得失

丑一、天主述

釋提桓因白佛言：「世尊！希有！是菩薩摩訶薩般若波羅蜜，為迴向薩婆若心⁶¹故，亦為不高心故。」

丑二、佛問

佛告釋提桓因言⁶²：「憍尸迦！云何『菩薩摩訶薩般若波羅蜜，為迴向薩婆若心故，亦為不高心故』？」

丑三、天主答

寅一、明無方便失

釋提桓因白佛言：「世尊！菩薩摩訶薩若行世間檀那波羅蜜，布施諸佛、辟支佛、聲聞及諸貧窮、乞匄⁶³、行路人，是菩薩無方便故生高心；若行世間尸羅波羅蜜，言：『我行尸羅波羅蜜，我能具足尸羅波羅蜜。』無方便故生高心；言：『我行羸提波羅蜜、毘梨耶波羅蜜、禪那波羅蜜，我行般若波羅蜜，我修般若波羅蜜。』以是世間般若波羅蜜⁶⁴，無方便故生高心。

世尊！菩薩修世間四念處時，自念言：『我修四念處，我⁶⁵具足四念處。』無方便力故生高心。

『我修四正勤、四如意足、五根、五力、七覺分、八聖道分。』自念言：『我修空、無相、無作三昧；我修一切三昧門，當得一切陀羅尼門。』

『我修佛十力、四無所畏、十八不共法；我當⁶⁶成就眾生，我當淨佛

⁵⁹ (是般…持)八字=(受持般若波羅蜜)七字【宋】【宮】(大正 08, 282d, n.17)。

⁶⁰ [亦]—【宋】【元】【明】【宮】(大正 08, 282d, n.18)。

⁶¹ [心]—【聖】(大正 08, 282d, n.19)。

⁶² [言]—【元】【明】【聖】(大正 08, 282d, n.20)。

⁶³ 乞匄=乞丐，對照妙境法師《摩訶般若波羅蜜經》冠科(上冊)，p.372。

⁶⁴ 蜜+(故)【宋】【元】【明】【宮】(大正 08, 282d, n.21)。

⁶⁵ 我=者【聖】(大正 08, 282d, n.22)。

⁶⁶ 當+(得)【宋】【元】【明】【宮】(大正 08, 282d, n.23)。

國土，我當得一切種智。』著吾我無方便力故生高心。

世尊！如是菩薩摩訶薩行世間善法，著吾我故生高心。

寅二、明有方便得

世尊！若菩薩摩訶薩行出世間檀那波羅蜜，不得施者，不得受者，不得施物，如是菩薩摩訶薩行出世間檀那波羅蜜，為迴向薩婆若故，亦不生高心；行尸羅波羅蜜，尸羅⁶⁷不可得；行羸提波羅蜜，羸提⁶⁸不可得；行毘梨耶波羅蜜，毘梨耶⁶⁹不可得；行禪那波羅蜜，禪那⁷⁰不⁷¹可得；行般若波羅蜜，般若⁷²不可得；修四念處，四念處不可得；乃至修十八不共法，十八不共法不可得；修大慈大悲，大慈大悲不可得；乃至修一切種智，一切種智不可得。

世尊！如是菩薩摩訶薩般若波羅蜜，為迴向薩婆若故，亦為不生高心故。」⁷³

⁶⁷ 羅+(波羅蜜)【聖】(大正 08, 283d, n.1)。

⁶⁸ 提+(波羅蜜)【聖】(大正 08, 283d, n.2)。

⁶⁹ 耶+(波羅蜜)【聖】(大正 08, 283d, n.3)。

⁷⁰ [那]—【宋】【元】【聖】(大正 08, 283d, n.4)。

⁷¹ (波羅蜜)+不【聖】(大正 08, 283d, n.5)。

⁷² 若+(波羅蜜)【聖】(大正 08, 283d, n.6)。

⁷³ 以上大般若第二會第二十九攝受。梵. *iti Damana namana kāritram*. (大正 08, 283d, n.7)。

《摩訶般若波羅蜜經》卷 9 〈32 大明品〉冠科¹

《摩訶般若波羅蜜經》卷 9 (大正 08, 283a21-285c22) :

癸三、明不橫死果²

子一、明刀箭不傷

丑一、明離外刀箭

爾時，佛告釋提桓因言³：「若有善男子、善女人聞是深般若波羅蜜，受持、親近、讀誦、正憶念，不離薩婆若心，兩陣戰時，是善男子、善女人誦般若波羅蜜故，入軍陣中，終不失命，刀箭不傷。

丑二、釋離內刀箭

何以故？是善男子、善女人長夜行六波羅蜜，自除婬欲刀箭，亦除他人婬欲刀箭；自除瞋恚刀箭，亦除他人瞋恚刀箭；自除愚癡刀箭，亦除他人愚癡刀箭；自除邪見刀箭，亦除他人邪見刀箭；自除纏垢刀箭，亦除他人纏垢刀箭；自除諸結使刀箭，亦除他人結使刀箭。

憍尸迦！以是因緣，是善男子、善女人不為刀箭所傷。

子二、明水火等不害

丑一、明離害

寅一、正明離

復次，憍尸迦！是善男子、善女人聞是深般若波羅蜜，受持、親近、讀誦、正憶念，不離薩婆若心，若以毒藥熏、若以蠱道、若以火坑、若以深水、若欲刀殺、若與其⁴毒，如是眾惡皆不能傷。

寅二、釋離

何以故？是⁵般若波羅蜜是大明呪、是無上明⁶呪。

若善男子、善女人於是明呪中學，自不惱身，亦不惱他，亦不兩惱。

¹ 妙境法師，《摩訶般若波羅蜜經》冠科(上冊)，pp.375-390。

² 對照《大智度論》卷 57 〈32 寶塔校量品〉(大正 25, 463b21-464b19)。

³ 〔言〕－【宋】【元】【明】【宮】【聖】(大正 08, 283d, n.12)。

⁴ 其=是【元】【明】【聖】(大正 08, 283d, n.13)。

⁵ 〔是〕－【宋】【元】【明】【宮】(大正 08, 283d, n.14)。

⁶ 〔明〕－【元】【明】(大正 08, 283d, n.15)。

何以故？是善男子、善女人不得我、不得眾生、不得壽命，乃至知者、見者皆不可得。不得色、受、想、行、識乃至一切種智亦不可得。以不得⁷故，不自惱身，亦不惱他，亦不兩惱。

丑二、明得果

學是大明呪故，得阿耨多羅三藐三菩提；觀一切眾生心，隨意說法。

何以故？過去諸佛學是大明呪，得阿耨多羅三藐三菩提；當來諸佛學是大明呪，當得阿耨多羅三藐三菩提；今現在諸佛學是大明呪，得阿耨多羅三藐三菩提。

癸四、明住處安無恐怖果

子一、明不怖畏果

丑一、正明得

復次，憍尸迦！般若波羅蜜，若有但書寫經卷，於舍供養，不受、不讀、不誦、不說、不正憶念，是處若人、若非人不能得其便。

丑二、釋得

何以故？是般若波羅蜜，為三千大千世界⁸中諸⁹四天王諸天乃至阿迦尼吒諸天子，及十方無量阿僧祇世界中諸¹⁰四天王天¹¹乃至阿迦尼吒諸天所¹²守護故。是般若波羅蜜所止處，諸天皆來供養、恭敬、尊重、讚歎，禮拜已去。是善男子、善女人，但¹³書寫般若波羅蜜，於¹⁴舍供養，不受、不讀、不誦、不說、不正憶念，今¹⁵世得如是功德。

子二、舉道樹為證

⁷ (可)+得【元】【明】【聖】(大正 08, 283d, n.16)。

⁸ 世界=國土【聖】(大正 08, 283d, n.17)。

⁹ [諸]-【宮】(大正 08, 283d, n.18)。

¹⁰ [諸]-【宋】【宮】(大正 08, 283d, n.19)。

¹¹ (諸)+天【宋】【元】【宮】(大正 08, 283d, n.20)。

¹² (等)+所【元】【明】(大正 08, 283d, n.21)。

¹³ (但書…蜜)八字=(般若波羅蜜但書寫)八字【元】，=但書寫【聖】(大正 08, 283d, n.22)。

¹⁴ (經卷)+於【宋】【元】【明】【宮】【聖】(大正 08, 283d, n.23)。

¹⁵ 今世得如是=得如是今世【宋】【宮】(大正 08, 283d, n.24)。

譬如若人、若畜生來入菩提樹下，諸邊內外；設有¹⁶人、非人持惡意¹⁷來，不能得其便。

何以故？是處，過去諸佛於中得阿耨多羅三藐三菩提；未來諸佛、現在諸佛，亦於中得阿耨多羅三藐三菩提；得佛已，施一切眾生無恐無畏，令無量阿僧祇眾生受天上、人中福樂，亦令無量阿僧祇眾生得須陀洹果，乃至得阿耨多羅三藐三菩提。以般若波羅蜜力故，是處得恭敬、禮拜，花香、瓔珞、搗香、澤香、幢蓋、伎樂供養。」

壬二、辨格量¹⁸

癸一、舉舍利格量

子一、天主問

釋提桓因白佛言：「世尊！若善男子、善女人書寫般若波羅蜜，花香、瓔珞乃至伎樂¹⁹供養；若有人，佛般涅槃後，若供養舍利，若起塔供養，恭敬、尊重、讚歎，花香、瓔珞乃至伎樂供養——是二何者得福多？」

子二、佛反質

佛告釋提桓因：「我還問汝，隨汝²⁰意答我。於汝意云何？如佛得一切種智及得是身，從何道學，得是一切種智、得是身？」²¹

子三、天主答

釋提桓因白佛言：「佛²²從般若波羅蜜中學，得一切種智及相好身。」

子四、佛述成

丑一、述成本末

寅一、述般若為本

佛告釋提桓因言²³：「如是！如是！憍尸迦！佛²⁴從般若波羅蜜中學，

¹⁶ [有] — 【聖】(大正 08, 283d, n.25)。

¹⁷ 持惡意 = 惡意【宋】【明】【宮】，[持惡意] — 【元】【聖】(大正 08, 283d, n.26)。

¹⁸ 對照《大智度論》卷 57〈32 寶塔校量品〉(大正 25, 464b20-466b12)。

¹⁹ 伎樂 = 妓樂【元】【明】下同(大正 08, 283d, n.27)。

²⁰ [汝] — 【宋】【元】【明】【宮】(大正 08, 283d, n.28)。

²¹ (如佛…是身)二十四字 = (佛從何道學得一切種智及相好身)十四字【宋】【宮】(大正 08, 283d, n.29)。

²² [佛] — 【元】【明】(大正 08, 283d, n.30)。

²³ [言] — 【宮】(大正 08, 283d, n.31)。

得一切種智。

憍尸迦！不以相好²⁵身名為佛，得一切種智故名為佛。

憍尸迦！是佛一切種智，從般若波羅蜜中生。

以是故，憍尸迦！是佛身，一切種智所依處，佛因是身得一切種智。

寅二、述舍利為末

善男子當作是思惟：『是身，一切種智所依處。』是故我涅槃後舍利，當得供養。

丑二、格量優劣

寅一、明般若功德勝

復次，憍尸迦！善男子、善女人若聞是般若波羅蜜，書寫、受持、親近、讀誦、正憶念，花香、瓔珞、搗香、澤香、幢蓋、伎樂，恭敬、供養、尊重、讚歎，是善男子、善女人則為供養一切種智。

寅二、正格量

以是故，憍尸迦！若有善男子、善女人書是般若波羅蜜，若受持、親近、讀誦、說、正憶念，恭²⁶敬、尊重、讚歎，花香、瓔珞乃至伎樂供養²⁷；若復有善男子、善女人，佛般²⁸涅槃後，供養舍利起塔，香花乃至伎樂恭敬、尊重、讚歎²⁹。若有善男子、善女人書持³⁰是般若波羅蜜，恭³¹敬、尊重、讚歎，花香、瓔珞乃至伎樂供養，是人得福多！

寅三、釋勝所以

何以故？是般若波羅蜜中生五波羅蜜，生內空乃至無法有法空；四念處乃至十八不共法，一切三昧、一切禪定、一切陀羅尼門，皆從般若波羅蜜中生；

²⁴〔佛〕－【聖】(大正 08, 283d, n.32)。

²⁵相好=是【元】【明】【聖】(大正 08, 283d, n.33)。

²⁶(供養)+恭【宋】【元】【明】【宮】(大正 08, 284d, n.1)。

²⁷〔供養〕－【宋】【元】【明】【宮】【聖】(大正 08, 284d, n.2)。

²⁸〔般〕－【聖】(大正 08, 284d, n.3)。

²⁹(香花…歎)十二字=(恭敬尊重讚歎華香乃至伎樂)十二字【宋】【元】【明】【宮】【聖】(大正 08, 284d, n.4)。

³⁰書持=聞【聖】(大正 08, 284d, n.5)。

³¹(供養)+恭【宋】【元】【明】【宮】，(書持供養)+恭【聖】(大正 08, 284d, n.6)。

成就眾生、淨佛國土，皆從般若波羅蜜中生；
菩薩家成就、色成就、資生之物³²成就、眷屬成就、大慈大悲成就，
皆從般若波羅蜜中生；
剎利大姓、婆羅門大姓、居士大家，皆從般若波羅蜜中生；
四天王天乃至阿迦尼吒天，須陀洹乃至阿羅漢、辟支佛、諸菩薩摩訶
薩、諸佛，諸佛一切種智，皆從般若波羅蜜中生。」

子五、釋疑

丑一、天主問

爾時，釋提桓因白佛言：「世尊！閻浮提人不供養是般若波羅蜜，不
恭敬、不尊重、不讚歎，為不知供養多所利益耶？」

丑二、佛答釋

寅一、反問答

卯一、第一番

辰一、佛問

佛告釋提桓因言：「憍尸迦！於汝意云何？閻浮提中³³幾所人信佛不
壞？信法³⁴、信僧不壞？幾所人於佛無疑？於法無疑、於僧無疑？幾所
人於佛決了？於法、於³⁵僧決了？」

辰二、天主答

釋提桓因白佛言：「世尊！閻浮提人於佛、法、僧得³⁶不壞信少，於
佛、法、僧無疑、決了亦少。」

卯二、第二番

辰一、佛問

「憍尸迦！於汝意云何？

閻浮提幾所人得三十七品、三解脫門、八背捨³⁷、九次第定、四無礙

³² [之物] — 【宋】【元】【明】【宮】(大正 08, 284d, n.7)。

³³ [中] — 【宋】【元】【明】【宮】(大正 08, 284d, n.8)。

³⁴ 法+(不壞)【宋】【元】【明】【宮】(大正 08, 284d, n.9)。

³⁵ (決了)+於【宋】【元】【明】【宮】(大正 08, 284d, n.10)。

³⁶ [得] — 【聖】(大正 08, 284d, n.11)。

³⁷ 背捨=解脫【聖】(大正 08, 284d, n.12)。

智、六神通？

閻浮提幾所人斷三結故，得須陀洹道？

幾所人斷三結，亦婬瞋癡薄³⁸故，得斯陀含道？

幾所人斷五下分結³⁹，得阿那含道？

幾所人斷五上分結故，得阿羅漢道？

閻浮提幾所人求辟支佛？

幾所人發阿耨多羅三藐三菩提心？」

辰二、天主答

釋提桓因白佛言：「世尊！閻浮提中少所人得三十七品，乃至少所人發阿耨多羅三藐三菩提心。」

寅二、正答

佛告釋提桓因言：「如是！如是！憍尸迦！少所人信佛不壞，信法不壞、信僧不壞。少所人於佛無疑、於法無疑、於僧無疑。少所人於佛決了、於法決了、於僧決了；

憍尸迦！亦少所人得三十七品、三解脫門、八背捨、九次第定、四無礙智、六神通。

憍尸迦！亦少所人斷三結得須陀洹、斷三結亦⁴⁰婬瞋癡薄⁴¹得斯陀含、斷五下分結得阿那含、斷五上分結得阿羅漢，少所人求辟支佛；於是中亦少所人發阿耨多羅三藐三菩提心，於發心中亦少所人行菩薩道。

寅三、釋答

何以故？是眾生前世不見佛、不聞法、不供養比丘僧，不布施、不持戒、不忍辱、不精進、不禪定、不⁴²智慧，不聞內空、外空乃至無法有法空，亦不聞不修四念處乃至十八不共法，亦不聞不修諸三昧門、諸⁴³陀羅尼門，亦⁴⁴不修一切智、一切種智。

³⁸ 亦婬瞋癡薄 = 薄婬恚癡【宋】【元】【明】【宮】(大正 08, 284d, n.13)。

³⁹ 結 + (故)【宋】【元】【明】【宮】(大正 08, 284d, n.14)。

⁴⁰ 亦 = 薄【宋】【元】【明】【宮】(大正 08, 284d, n.15)。

⁴¹ [薄] - 【宋】【元】【明】【宮】(大正 08, 284d, n.16)。

⁴² 不 = 無【宋】【元】【明】【宮】【聖】(大正 08, 284d, n.17)。

⁴³ [諸] - 【聖】(大正 08, 284d, n.18)。

⁴⁴ 亦 + (不聞)【宋】【元】【明】【宮】【聖】(大正 08, 284d, n.19)。

憍尸迦！以是因緣故，當知少所眾生信佛不壞、信法不壞、信僧不壞；乃至少所眾生⁴⁵求辟支佛道；於是中少所眾生發阿耨多羅三藐三菩提心，於發心中少所眾生行菩薩道，於是中亦少所眾生得阿耨多羅三藐三菩提。

寅四、證答

憍尸迦！我以佛眼見東方無量阿僧祇眾生，發心行⁴⁶阿耨多羅三藐三菩提，行⁴⁷菩薩道；是眾生遠離般若波羅蜜方便力故，若一、若二住阿惟越致⁴⁸地，多墮聲聞、辟支佛地。南西北方、四維、上下亦復如是。

子六、結勸

丑一、正勸

寅一、勸修般若

以是⁴⁹故，憍尸迦！善男子、善女人發心求阿耨多羅三藐三菩提者，應聞般若波羅蜜，應受持、親近、讀、誦、說、正憶念；受持、親近、讀、誦、說、正憶念已，當⁵⁰書經卷，恭敬、供養、尊重、讚歎，花香、瓔珞乃至伎樂。

寅二、勸修諸餘善法

諸餘善法入般若波羅蜜中者，亦應聞、受持乃至正憶念。

何等是諸餘善法？所謂檀那波羅蜜、尸羅波羅蜜⁵¹、羸提波羅蜜、毘梨耶波羅蜜、禪那波羅蜜，內空、外空乃至無法有法空，諸三昧門、諸陀羅尼門，四念處乃至十八不共法，大慈大悲——如是等無量諸善法皆入般若波羅蜜中，是亦應聞、受持乃至正憶念。

丑二、釋勸

寅一、歎般若為佛所學故應隨學

⁴⁵ [生] — 【元】(大正 08, 284d, n.20)。

⁴⁶ [心行] — 【宋】【元】【明】【宮】(大正 08, 284d, n.21)。

⁴⁷ (心)+行【宋】【元】【明】【宮】(大正 08, 284d, n.22)。

⁴⁸ 阿惟越致=阿鞞跋致【宋】【元】【明】【宮】【聖】(大正 08, 284d, n.23)。

⁴⁹ [以是] — 【元】(大正 08, 284d, n.24)。

⁵⁰ 當=應【宋】【元】【明】【宮】【聖】(大正 08, 284d, n.25)。

⁵¹ [尸羅波羅蜜] — 【聖】(大正 08, 284d, n.26)。

何以故？是善男子、善女人當如是念：『佛本為菩薩時，如是行、如是學，所謂般若波羅蜜、禪那波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜，內空乃至無法有法空，諸三昧門、諸陀羅尼門，四念處乃至十八不共法，大慈大悲。如是等無量諸佛法，我等亦應隨學。』

寅二、釋歎般若是三乘法印

何以故？般若波羅蜜是我等所尊，禪那波羅蜜乃至無量諸餘善法，亦是我等所尊。此是諸佛法印，諸辟支⁵²佛、阿羅漢、阿那含、斯陀含、須陀洹法印。諸佛學是般若波羅蜜乃至一切種智，得度彼岸。諸辟支佛、阿羅漢、阿那含、斯陀含、須陀洹亦學是般若波羅蜜乃至一切智得度彼岸。

寅三、廣指般若是五乘人依止

以是故，憍尸迦！若⁵³善男子、善女人，若佛在世、若般涅槃後，應依止般若波羅蜜、禪那波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜，乃至一切種智亦應依止。

何以故？是般若波羅蜜乃至一切種智，是諸聲聞、辟支佛、菩薩摩訶薩及一切世間天、人、阿修羅所可依止。

癸二、舉寶塔格量⁵⁴

子一、佛自格量優劣

丑一、舉一塔

憍尸迦！若有善男子、善女人，佛般涅槃後，為供養佛故，作七寶塔，高一由旬，天香、天花、天瓔珞、天搗香、天澤香、天衣、天幢蓋、天伎樂供養、恭敬、尊重、讚歎。憍尸迦！於汝意云何？是善男子、善女人從是因緣得福多不？」

釋提桓因言：「世尊！甚多，甚多⁵⁵！」

佛言：「不如是善男子、善女人聞是般若波羅蜜，書寫⁵⁶、受持、親

⁵² [支] — 【元】(大正 08, 285d, n.1)。

⁵³ [若] — 【宋】【元】【明】【宮】(大正 08, 285d, n.2)。

⁵⁴ 對照《大智度論》卷 57 〈32 寶塔校量品〉(大正 25, 466b13-467b20)。

⁵⁵ [甚多] — 【宋】【元】【明】【宮】(大正 08, 285d, n.3)。

⁵⁶ [寫] — 【宋】【宮】(大正 08, 285d, n.4)。

近、正憶念，不離薩婆若心，亦恭敬、尊重、讚歎，若華香、瓔珞、搗香、澤香、幢蓋、伎樂供養。是善男子、善女人，福德多。」

丑二、舉滿閻浮提

佛告憍尸迦：「置一七寶塔。若善男子、善女人供養佛故，佛般涅槃後，滿閻浮提起七寶塔⁵⁷，皆高一由旬，恭敬、尊重、讚歎，香花⁵⁸、瓔珞、幢蓋、伎樂供養。憍尸迦！於汝意云何？是善男子、善女人得福多不？」

釋提桓因言：「世尊！其福甚多！」

佛言：「不如是善男子、善女人如前供養般若波羅蜜，其福多⁵⁹。」

丑三、舉四天下

憍尸迦！復置一閻浮提滿中七寶塔。有⁶⁰善男子、善女人供養佛故，佛般涅槃後，滿四天下起七寶塔⁶¹，皆高一由旬供養如前。憍尸迦！於汝意云何？是善男子、善女人，其福多不？」

釋提桓因言：「甚多⁶²！甚多！」

佛言：「不如是善男子、善女人書持般若波羅蜜，恭敬、尊重、讚歎，花香乃至伎樂供養，其福甚多。」

丑四、舉小千

憍尸迦！復置四天下滿中七寶塔。若有善男子、善女人，供養佛故，佛般涅槃後，滿小千國土起七寶塔⁶³，皆高一由旬，供養如前。憍尸迦！於汝意云何？是善男子、善女人，其福多不？」

⁵⁷ (滿閻…塔)八字=(起七寶塔滿閻浮提)八字【宋】【元】【明】【宮】【聖】(大正 08, 285d, n.5)。

⁵⁸ 香花=華香【宋】【元】【明】【宮】(大正 08, 285d, n.6)。

⁵⁹ (甚)+多【元】【明】(大正 08, 285d, n.7)。

⁶⁰ (若)+有【明】(大正 08, 285d, n.8)。

⁶¹ (滿四…塔)八字=(起七寶塔滿四天下)八字【宋】【元】【明】【宮】【聖】(大正 08, 285d, n.9)。

⁶² 甚多=世尊【宋】【元】【明】【宮】(大正 08, 285d, n.10)。

⁶³ (滿小…塔)九字=(起七寶塔滿小千國土)九字【聖】，=(起七寶塔滿小千世界)九字【宋】【元】【明】【宮】(大正 08, 285d, n.11)。

釋提桓因言：「甚⁶⁴多！」

佛言：「不如是善男子、善女人書是般若波羅蜜，受持、恭敬、尊重、讚歎，花香乃至伎樂供養，其福甚⁶⁵多。

丑五、舉中千

憍尸迦！復置小千國土⁶⁶滿中七寶塔。若有善男子、善女人供養佛故，佛般涅槃後，滿二千中國土起七寶塔⁶⁷，皆高一由旬，供養如前，故不如供養般若波羅蜜，其福甚多。

丑六、舉大千

復置二千中國土七寶塔。若有善男子、善女人供養佛故，佛般涅槃後，滿三千大千國土中起七寶塔⁶⁸，皆高一由旬，盡形壽供養⁶⁹天華、天香、天瓔珞乃至天伎樂供養。於汝意云何？是善男子、善女人得福多不？」

釋提桓因言：「世尊！甚多⁷⁰，甚多！」

佛言：「不如是善男子、善女人書⁷¹是般若波羅蜜，受持⁷²、恭敬、尊重、讚歎，香花⁷³乃至伎樂供養，其福甚多。

丑七、舉大千中一人

復置三千大千國土中七寶塔。若三千大千國土中眾生，一一眾生供養佛故，佛般涅槃後，各起七寶塔，恭敬⁷⁴、尊重、讚歎，華香乃至伎樂

⁶⁴ (世尊)+甚【宋】【元】【明】【宮】(大正 08, 285d, n.12)。

⁶⁵ [甚] - 【宮】(大正 08, 285d, n.13)。

⁶⁶ 國土=世界【宋】【元】【明】【宮】(大正 08, 285d, n.14)。

⁶⁷ (滿二…塔)十字=(起七寶塔滿二千中國土)十字【聖】，=(起七寶塔滿二千中世界)十字【宋】【元】【明】【宮】(大正 08, 285d, n.15)。

⁶⁸ (萬三…塔)十二字=(起七寶塔滿三千大千國土中)十二字【聖】，=(起七寶塔滿三千大千世界)十一字【宋】，=(起七寶塔三千大千世界)十字【元】【明】，=(滿三千大千國土中起七寶塔)十二字【麗-CB】【CB】(大正 08, 285d, n.16)。

⁶⁹ [供養] - 【宮】(大正 08, 285d, n.17)。

⁷⁰ [甚多] - 【宋】【元】【明】【宮】(大正 08, 285d, n.18)。

⁷¹ 書+(持)【宋】【元】【明】【宮】【聖】(大正 08, 285d, n.19)。

⁷² [受持] - 【宋】【元】【明】【宮】【聖】(大正 08, 285d, n.20)。

⁷³ 香花=華香【宋】【元】【明】【宮】(大正 08, 285d, n.21)。

⁷⁴ 敬+(供養)【聖】(大正 08, 285d, n.22)。

供養。若有善男子、善女人書持般若波羅蜜，乃至正憶念，不離薩婆若心，亦恭敬、尊重、讚歎，花香、瓔珞乃至伎樂供養，是人得福甚多。」

子二、天主領解格量優劣

丑一、領解稱歎般若

釋提桓因白佛言：「如是！如是！世尊！若人供養、恭敬、尊重、讚歎是般若波羅蜜，則為供養過去、未來、現在諸佛！

丑二、正格量

寅一、天主問

世尊！若十方如恒河沙等國土中眾生，一一眾生供養佛故，佛般涅槃後，各起七寶塔，高一由旬，是人若一劫、若減一劫，恭敬、尊重、讚歎，花香乃至伎樂供養。世尊！是善男子、善女人得福多不？」

寅二、佛答

佛言：「甚多！」

寅三、天主正格量

卯一、正格量

釋提桓因言：「若⁷⁵有善男子、善女人書持是般若波羅蜜，乃至正憶念，亦恭敬、尊重、讚歎，花香乃至伎樂供養，其福大多！

卯二、釋勝所以

何以故？世尊！一切善法皆入般若波羅蜜中，所謂十善道，四禪、四無量心、四無色定，三十七品，三解脫門——空、無相、無作，四諦——苦諦、集諦、滅諦、道諦，六神通、八背捨、九次第定，檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，內空乃至無法有法空，諸三昧門、諸陀羅尼門，佛十力、四無所畏、四無礙智、大慈大悲、十八不共法，一切智、道種智、一切種智。

世尊！是名一切諸佛法印。是法中，一切聲聞及辟支佛，過去未來現在諸佛學是法得度彼岸。」⁷⁶

⁷⁵ [若] — 【聖】(大正 08, 285d, n.23)。

⁷⁶ 梵無區分，以上般若第二會第三十鞞堵波品(大正 08, 285d, n.24)。

《摩訶般若波羅蜜經》卷 9 〈33 述成品〉冠科¹

《摩訶般若波羅蜜經》卷 9 (大正 08, 285c23-286a25) :

子三、佛述成²

丑一、述歎般若功德無邊

寅一、述歎般若功德

爾時，佛告釋提桓因言：「如是！如是！憍尸迦！是諸善男子、善女人書持³是般若波羅蜜經⁴卷、受學、親近、讀、誦、說、正憶念，加復供養華香、瓔珞、搗香、澤香、幢蓋、伎樂，當得無量無數、不可思議、不可稱量、無邊福⁵德！」

寅二、釋無邊所以

何以故？諸佛一切智、一切種智，皆從般若波羅蜜中生。

諸菩薩摩訶薩禪那⁶波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜，皆從般若波羅蜜中生。

內空乃至無法有法空，四念處乃至十八不共法，皆從般若波羅蜜中生。

諸佛五眼，皆⁷從般若波羅蜜中生。

成就眾生、淨佛國土，道種智、一切種智，諸佛法，皆從般若波羅蜜中生。

聲聞乘、辟支佛乘、佛乘，皆從般若波羅蜜中生。

丑二、格量優劣

寅一、明般若功德勝

以是故，憍尸迦！善男子、善女人書持是⁸般若波羅蜜經⁹卷，親近、

¹ 妙境法師，《摩訶般若波羅蜜經》冠科(上冊)，pp.391-392。

² 對照《大智度論》卷 57 〈33 述誠品〉(大正 25, 467b22-468a8)。

³ 〔持〕－【元】【明】【聖】(大正 08, 285d, n.26)。

⁴ (持)+經【元】【明】(大正 08, 285d, n.27)。

⁵ 福=功【聖】(大正 08, 286d, n.1)。

⁶ 〔那〕－【聖】(大正 08, 286d, n.2)。

⁷ 皆=亦【宋】【宮】(大正 08, 286d, n.3)。

讀、誦、說、正憶念，加復供養花香乃至伎樂，過出前供養七寶塔，百分、千分、萬分、百千萬分不及一¹⁰，乃至算數譬喻所不能及！

寅二、釋勝所以

何以故？憍尸迦！若般若波羅蜜在於世者，佛寶、法寶、比丘僧寶終不滅。

若般若波羅蜜在於世者，十善道、四禪、四無量心、四無色定、檀那波羅蜜乃至般若波羅蜜、四念處乃至十八不共法、一切智、一切種智皆現於世。

若般若波羅蜜在於世者，世間便有刹利大姓、婆羅門大姓、居士大家，四天王天乃至阿迦尼吒諸天，須陀洹果乃至阿羅漢果、辟支佛道、菩薩摩訶薩、無上佛道、轉法輪、成就眾生、淨佛國土。」¹¹

⁸ [是] - 【宋】【宮】(大正 08, 286d, n.4)。

⁹ (持)+經【元】【明】【聖】(大正 08, 286d, n.5)。

¹⁰ (萬分…一)九字=千億萬分【聖】(大正 08, 286d, n.6)。

¹¹ 以上大般若第二會第三十一福生品終。梵. iti Svaparāthādhimukti mṛdumṛddhī. (大正 08, 286d, n.7)。

《摩訶般若波羅蜜經》卷 9 〈34 勸持品〉冠科¹

《摩訶般若波羅蜜經》卷 9 (大正 08, 286a26-287a25) :

辛三、第三周說般若²

壬一、明五果

癸一、明不橫死人不得便果及二世功德

子一、諸天勸持

丑一、正勸

爾時，三千大千國土³所有四天王天乃至阿迦尼吒天語釋提桓因，諸天言：「應受是般若波羅蜜，應持，應親近，應讀、誦、說、正憶念！

丑二、釋勸

寅一、減損修羅增益天眾

何以故？受持⁴般若波羅蜜乃至正憶念故，一切所修集⁵善法當具足滿，增益諸天眾，減損阿修羅。

寅二、生出世善

諸天子受持般若波羅蜜乃至正憶念故，佛種不斷，法種、僧種不斷⁶；佛種⁷、法種、僧種不斷故，便有檀那⁸波羅蜜、尸羅波羅蜜、羸提波羅蜜、毘梨耶波羅蜜、禪那波羅蜜、般若波羅蜜，皆現於世；四念處乃至十八不共法，菩薩道，皆現於世、須陀洹果、斯陀含果、阿那含果、阿羅漢果、辟支佛道、佛道，須陀洹乃至佛皆現於世。」

子二、佛述三事勸

丑一、念修羅惡心滅善心生

¹ 妙境法師，《摩訶般若波羅蜜經》冠科(上冊)，pp.393-398。

² 對照《大智度論》卷 58 〈34 勸受持品〉(大正 25, 468a17-470a14)。

³ 國土=世界【宋】【元】【明】【宮】*(大正 08, 285d, n.14-5)。

⁴ (若)+受【明】【聖】(大正 08, 286d, n.9)。

⁵ 集=習【宮】(大正 08, 286d, n.10)。

⁶ 僧種不斷=不斷僧種【宋】【元】【明】【宮】(大正 08, 286d, n.11)。

⁷ (不斷)+佛【宋】【元】【明】【宮】(大正 08, 286d, n.12)。

⁸ [那] - 【聖】*(大正 08, 286d, n.12)。

爾時，佛告釋提桓因言：「憍尸迦！汝當受是般若波羅蜜持、讀、誦、說、正憶念！

何以故？若諸阿修羅生心欲與三十三天共鬪，憍尸迦！汝爾時當誦念般若波羅蜜，諸阿修羅惡心即滅，更不復生。

丑二、舉諸天五死相現得免

憍尸迦！若諸天子、天女五死相⁹現時，當墮不如意處，汝當於其前誦讀¹⁰般若波羅蜜，是諸天子、天女聞般若波羅蜜功德¹¹故，還生本處。

何以故？聞般若波羅蜜有大利益故。

丑三、舉人天學般若漸得三菩提

復次，憍尸迦！若有善男子、善女人，若諸天子、天女聞是般若波羅蜜經耳，是功德故，漸當得阿耨多羅三藐三菩提。

何以故？憍尸迦！過去諸佛及弟子皆學是般若波羅蜜，得阿耨多羅三藐三菩提，入無餘涅槃。憍尸迦！未來世諸佛、今現在十方諸佛及弟子皆學是般若波羅蜜，得阿耨多羅三藐三菩提，入無餘涅槃。

何以故？憍尸迦！是般若波羅蜜攝一切善法——若聲聞法、若辟支佛法、若菩薩法、若佛法。」

子三、天主勸持

丑一、舉三呪歎

釋提桓因白佛言：「世尊！般若波羅蜜是大明呪、無上明呪、無等等明呪。

丑二、舉生善滅惡釋歎

何以故？世尊！是般若波羅蜜能除一切不善，能與一切善法。」

子四、佛述勸持

丑一、述其三咒

寅一、法

佛語釋提桓因言：「如是！如是！憍尸迦！般若波羅蜜是大明呪、無

⁹ 死=衰【明】(大正 08, 286d, n.13)。

¹⁰ 誦讀=讀誦【宋】【元】【明】【宮】(大正 08, 286d, n.14)。

¹¹ 德+(力)【聖】(大正 08, 286d, n.15)。

上明呪、無等等明呪。

卯一、三世諸佛依般若明呪得無上菩提，依此明呪而有諸善生

何以故？憍尸迦！過去諸佛因是明呪故得阿耨多羅三藐三菩提，未來¹²世諸佛、今現在十方諸佛亦因是明呪得阿耨多羅三藐三菩提。

因是明呪故，世間便有十善道，便有四禪、四無量心、四無色定，便有檀那波羅蜜乃至般若波羅蜜，四念處乃至十八不共法，便有法性、如、法相、法住、法位、實際，便有五眼，須陀洹果乃至阿羅漢果、辟支佛道，一切智、一切種智。

卯二、諸善法道果皆從菩薩生，菩薩方便力皆從般若生

憍尸迦！菩薩摩訶薩因緣故，十善出於世間，四禪、四無量心乃至一切種智，須陀洹乃至諸佛出於世間。

寅二、譬

譬如月滿¹³照明，星宿亦能照明。

寅三、合

如是，憍尸迦！一切世間善法、正法、十善乃至一切種智，若諸佛不出時，皆從菩薩生，是菩薩摩訶薩方便力皆從般若波羅蜜生。

是菩薩摩訶薩以是方便力，行檀那波羅蜜乃至禪那波羅蜜，內空乃至無法有法空，四念處乃至十八不共法，不證聲聞、辟支佛地，亦能成就眾生、淨佛國土，壽命成就、國土成就、菩薩眷屬成就，得一切種智——皆從般若波羅蜜生。

丑二、明二世功德

寅一、開二章門

復次，憍尸迦！若善男子、善女人聞般若波羅蜜，受持、親近乃至正憶念，是人當得今世、後世功德成就¹⁴。」

寅二、釋二章門

卯一、釋今世功德

¹² (若)+未【聖】(大正 08, 286d, n.16)。

¹³ 月滿=滿月【宋】【元】【明】【宮】【聖】(大正 08, 286d, n.17)。

¹⁴ [成就]—【聖】(大正 08, 286d, n.18)。

辰一、天主問

釋提桓因白佛言：「世尊！何等是善男子、善女人受持般若波羅蜜乃至正憶念，得今世功德？」

辰二、佛答

巳一、明不橫死果

佛告釋提桓因言¹⁵：「若有善男子、善女人受持般若波羅蜜，乃至正憶念，終不中毒死，兵刃不傷，水火不害，乃至四百四病所不能中——除其¹⁶宿命業報。

巳二、明人不得便果

復次，憍尸迦！若有官事起，是善男子、善女人讀誦是¹⁷般若波羅蜜故，往至¹⁸官所，無能¹⁹譴責者²⁰。何以故？是般若波羅蜜威力故！

若善男子、善女人誦讀²¹是般若波羅蜜，到王所，若太子、大臣所，王及太子、大臣皆歡喜問訊，和意共語²²。何以故？是諸善男子、善女人常有慈、悲、喜、捨心向眾生故。

憍尸迦！若善男子、善女人受持般若波羅蜜乃至正憶念，得如是等種種今世功德。

卯二、釋後世功德

辰一、不離善因

巳一、世間善因

憍尸迦！何等是善男子、善女人得²³後世功德？

是善男子、善女人終不離十善道，四禪、四無量心、四無色定、

巳二、出世善因

¹⁵ [言] — 【宋】【元】【明】【宮】(大正 08, 286d, n.19)。

¹⁶ [其] — 【聖】(大正 08, 287d, n.1)。

¹⁷ [是] — 【元】【明】(大正 08, 287d, n.2)。

¹⁸ 至=到【宋】【元】【明】【宮】【聖】(大正 08, 287d, n.3)。

¹⁹ 所無能=所官不【宋】【元】【明】【宮】，=官不【聖】(大正 08, 287d, n.4)。

²⁰ [者] — 【宋】【元】【明】【宮】【聖】(大正 08, 287d, n.5)。

²¹ 誦讀=讀誦【宋】【元】【明】【宮】【聖】(大正 08, 287d, n.6)。

²² 共=與【宋】【元】【明】【宮】【聖】(大正 08, 287d, n.7)。

²³ [得] — 【聖】(大正 08, 287d, n.8)。

六波羅蜜、四念處乃至十八不共法，

辰二、得諸善果

巳一、明離果

是人終不墮三惡道；受身貌具²⁴，終不生貧窮、下賤、工師、除廁人、擔死人家。

巳二、明得果

常得三十二相。

常得化生²⁵諸現在佛國，終不離菩薩神通；若欲從一佛國至一佛國供養諸佛、聽諸佛法²⁶，即得隨意；所遊佛²⁷國，能²⁸成就眾生、淨佛國土，漸得阿耨多羅三藐三菩提。

憍尸迦！是名²⁹後世功德。

寅三、結二章門

以是故，憍尸迦！善男子、善女人應當受持是³⁰般若波羅蜜，親近、讀、誦、說、正憶念，花香乃至伎樂供養，常不離薩婆若心。

是善男子、善女人，乃至阿耨多羅三藐三菩提，得今世、後世功德成就。³¹」

²⁴ 貌=完【宋】【元】【明】【宮】【聖】(大正 08, 287d, n.9)。

²⁵ 〔生〕—【元】【明】【聖】(大正 08, 287d, n.10)。

²⁶ 諸佛法=受法教【宋】【明】【宮】(大正 08, 287d, n.11)。

²⁷ 佛=諸【聖】(大正 08, 287d, n.12)。

²⁸ 〔能〕—【元】【明】(大正 08, 287d, n.13)。

²⁹ 名+(善男子善女人)【宋】【宮】(大正 08, 287d, n.14)。

³⁰ 〔是〕—【元】【聖】(大正 08, 287d, n.15)。

³¹ 以上大般若第二會第三十二功德品。梵無區分。(大正 08, 287d, n.16)。

《摩訶般若波羅蜜經》卷 9 〈35 遣異¹品²〉冠科³

《摩訶般若波羅蜜經》卷 9 (大正 08, 287a26-288a13):

癸二、明人魔不得便及諸天守護果⁴

子一、降伏外道天魔

丑一、降外道

寅一、明外道來

爾時，諸外道⁵異學⁶梵志來向佛所，欲求佛短。

寅二、天主以般若力降

是時，釋提桓因心念：「是諸外道梵志來向佛所，欲求佛短；我今當誦念⁷從佛所受般若波羅蜜，是諸外道梵志等終不能中道作礙、斷說般若波羅蜜。」

釋提桓因作是念已，即誦般若波羅蜜。

寅三、外道復道還去

是時，諸外道梵志遙繞佛，復道還去。

寅四、如來釋疑

卯一、舍利弗生疑

時，舍利弗心念：「是中何因緣，諸外道梵志遙繞佛，復道還去？」

卯二、佛為釋疑

辰一、明由般若力故令去

佛知舍利弗心念，告舍利弗：「是釋提桓因誦念般若波羅蜜；以是因緣故，諸外道梵志遙繞佛，復道還去。」

¹ 遣異 = 梵志【宋】(大正 08, 287d, n.17)。

² [丹梵志品] - 【宋】【元】【明】【宮】(大正 08, 287d, n.18)。

³ 妙境法師，《摩訶般若波羅蜜經》冠科(上冊)，pp.399-403。

⁴ 對照《大智度論》卷 58 〈35 梵志品〉(大正 25, 470a16-471b16)。

⁵ 諸外道 Anyatīrthikāh. (大正 08, 287d, n.19)。

⁶ [異學] - 【宋】【元】【明】【宮】【聖】(大正 08, 287d, n.20)。

⁷ 誦+(念)【宋】【元】【明】【宮】(大正 08, 287d, n.21)。

辰二、有持惡意不能得短

舍利弗！是諸外道梵志⁸我不見一念善心；是諸外道梵志持惡心來，欲索佛短。舍利弗！我不見說般若波羅蜜時，一切世間若天、若魔、若梵、若沙門眾、婆羅門眾中有持惡意來能得短者！

何以故？舍利弗！是三千大千國土⁹中，諸四天王天乃至阿迦尼吒天、諸聲聞、辟支佛、諸菩薩摩訶薩守護是般若波羅蜜。所以者何？是諸天人皆從般若波羅蜜中生故。

辰三、諸佛眾聖及諸天守護故

復次，舍利弗！十方如恒河沙等國土¹⁰中，諸佛及聲聞、辟支佛、菩薩摩訶薩、諸天、龍、鬼神等皆守護是般若波羅蜜。所以者何？是諸佛等皆從般若波羅蜜中生故。」

丑二、降天魔

寅一、魔來

爾時，惡魔心念：「今佛四眾現前集會，亦有欲界、色界諸天子，是中必有菩薩摩訶薩受記當得阿耨多羅三藐三菩提。我寧可至佛所，破壞其意。」是時，惡魔化作四種兵，來至佛所。

寅二、天主以般若力降之

爾時，釋提桓因心念：「是四種兵，或是惡魔化作，欲來向佛。何以故？是四種兵嚴飾，頻婆娑羅王四種兵所不類，波斯匿王四種兵所¹¹不類，諸釋子四種兵所不類，諸梨昌¹²四種兵皆¹³所不類，此是惡魔化作四種兵¹⁴。是惡魔長夜索佛便，欲惱眾生，我寧可¹⁵誦念般若波羅蜜。」

⁸ (是諸…見)九字=(我不見是諸外道梵志)九字【宋】【元】【明】【宮】【聖】(大正 08, 287d, n.22)。

⁹ 國土=世界【宋】【元】【明】【宮】*(大正 08, 287d, n.23)。

¹⁰ 世界=國土【聖】(大正 08, 284d, n.14-6)。

¹¹ 所=亦【元】【明】【聖】*(大正 08, 287d, n.23)。

¹² 昌=唱【聖】。(大正 08, 287d, n.24)。

¹³ [皆]—【宋】【宮】(大正 08, 287d, n.25)。

¹⁴ [此是…兵]九字—【聖】(大正 08, 287d, n.26)。

¹⁵ 寧=等【宋】【宮】(大正 08, 287d, n.27)。

釋提桓因即時誦念般若波羅蜜；惡魔聞其所誦，漸漸復道¹⁶還去。

子二、諸天供養稱歎般若法

丑一、此世界諸天歎

爾時會中四天王諸天子乃至阿迦尼吒諸天子化作天花，於虛空中而散佛上，作是言：「世尊！願令般若波羅蜜久住閻浮提。所以者何？閻浮提人受持般若波羅蜜，隨所住時，佛寶亦住¹⁷不滅，法寶、僧寶亦住不滅。」

丑二、十方界諸天歎

爾時，十方如恒河沙等世界¹⁸中諸天亦皆散花，作¹⁹是言：「世尊！願令般若波羅蜜久住閻浮提。若般若波羅蜜久住，佛、法、僧亦當久住，亦分別知菩薩摩訶薩道。復次，所在²⁰住處，善²¹男子、善女人，有²²書持般若波羅蜜經卷，是處則為照明，已離諸²³冥。」

子三、佛述成

佛告釋提桓因等諸天子：「如是！如是！僑尸迦及諸天子！閻浮提人受持般若波羅蜜，隨所住時，佛寶如是住，法寶、僧寶亦如是住；乃至在所²⁴住處，善²⁵男子、善女人有²⁶書持般若波羅蜜經卷，是處則為照明、以²⁷離諸²⁸冥。」

子四、諸天重歎發願護行人

丑一、諸天稱歎發願守護行人

¹⁶ (而退)+復【聖】(大正 08, 287d, n.28)。

¹⁷ [亦住] - 【元】【聖】，[亦] - 【宋】【明】【聖】(大正 08, 287d, n.29)。

¹⁸ 世界=國土【聖】(大正 08, 287d, n.30)。

¹⁹ (而)+作【宋】【元】【明】(大正 08, 287d, n.31)。

²⁰ 所在=在所【宋】【宮】(大正 08, 287d, n.32)。

²¹ (有)+善【宋】【元】【明】【宮】【聖】(大正 08, 287d, n.33)。

²² [有] - 【宋】【元】【明】【宮】【聖】(大正 08, 287d, n.34)。

²³ 諸=眾【元】【明】【聖】(大正 08, 287d, n.35)。

²⁴ 在所=所在【元】【明】(大正 08, 287d, n.36)。

²⁵ (有)+善【宋】【明】(大正 08, 287d, n.37)。

²⁶ [有] - 【宋】【明】【宮】(大正 08, 287d, n.38)。

²⁷ 以=已【宋】【元】【明】【宮】【CB】(大正 08, 287d, n.39)。

²⁸ 諸=眾【宋】【元】【明】【宮】【聖】(大正 08, 287d, n.40)。

爾時，諸天子化作²⁹天花散佛上，作是言：「世尊！若有善男子、善女人受持般若波羅蜜，乃至正憶念，魔、若魔民³⁰不能得其便。

世尊！我等亦當擁護是善男子、善女人！何以故？若善男子、善女人受持般若波羅蜜，乃至正憶念，我等視是人如³¹佛、若次佛。」

丑二、帝釋舉往因歎行人

是時，釋提桓因白佛言：「世尊！善男子、善女人受持般若波羅蜜，乃至正憶念者，當知是人先世於佛所作功德，多親近、供養諸佛，為善知識所護。

世尊³²！諸佛一切智應當從般若波羅蜜中求，般若波羅蜜亦當從一切智中求！所以者何？般若波羅蜜不異一切智，一切智不異般若波羅蜜；般若波羅蜜、一切智，不二不別，是故我等視是人即是³³佛、若次佛。」

子五、佛重述成

佛告釋提桓因言：「如是！如是！憍尸迦！諸佛一切智即是般若波羅蜜，般若波羅蜜即是一切智。何以故？憍尸迦！諸佛一切智皆從般若波羅蜜中生。

般若波羅蜜不異一切智，一切智不異般若波羅蜜；般若波羅蜜、一切智，不二不別。³⁴」

²⁹ 作=住【聖】(大正 08, 287d, n.41)。

³⁰ 民=天【元】【明】【宮】【聖】(大正 08, 287d, n.42)。

³¹ 如=即是【宋】【元】【明】【宮】(大正 08, 287d, n.43)。

³² 世尊=何以故【宋】【明】【宮】，〔世尊〕—【元】(大正 08, 288d, n.1)。

³³ 是=如【聖】(大正 08, 288d, n.2)。

³⁴ 以上大般若第二會第三十三外道品終。梵. iti Svaparāthā,dhimukti mrdumadhyā. (大正 08, 288d, n.3)。

《摩訶般若波羅蜜經》卷 9 〈36 尊導品〉¹冠科²

《摩訶般若波羅蜜經》卷 9 (大正 08, 288a14-290b3):

癸三、明住處安無恐怖果及二世功德³

子一、釋疑

丑一、阿難疑

爾時，慧命阿難白佛言：「世尊！何以不稱譽檀波羅蜜、尸羅波羅蜜、羼提波羅蜜、毗梨耶波羅蜜、禪波羅蜜乃至十八不共法，但稱譽般若波羅蜜？」

丑二、佛釋

寅一、法

卯一、明般若為尊導故歎

佛告阿難：「般若波羅蜜於五波羅蜜乃至十八不共法為尊導。

阿難！於汝意云何？不迴向薩婆若，布施得稱檀那波羅蜜不？」

「不也！世尊！」

「不迴向薩婆若，尸羅……羼提……毘梨耶……禪那……智慧⁴是般若波羅蜜不？」

「不也！世尊！」

「以是故知⁵般若波羅蜜於五波羅蜜乃至十八不共法為尊導，是故稱譽。」

卯二、釋般若為尊導義

辰一、以無二法、不生、不可得為方便迴向薩婆若得名波羅蜜

阿難白佛言：「世尊！云何布施迴向薩婆若作⁶檀那波羅蜜，乃至作般

¹ 尊導=阿難稱譽【宋】【元】【明】【宮】(大正 08, 288d, n.4)。

² 妙境法師，《摩訶般若波羅蜜經》冠科(上冊)，pp.404-416。

³ 對照《大智度論》卷 58 〈36 阿難稱譽品〉(大正 25, 471b18-473a7)。

⁴ 智慧是=般若得稱【宋】【宮】，=是【元】，=得稱【明】(大正 08, 288d, n.6)。

⁵ [知]—【宋】【元】【明】【宮】(大正 08, 288d, n.7)。

⁶ 作=成【宋】【宮】*[*1](大正 08, 288d, n.8)。

若波羅蜜？」

佛告阿難：「以無二法布施迴向薩婆若，是名檀那波羅蜜；以不生、不可得故迴向薩婆若布施，是名檀那波羅蜜。乃至以無二法智慧迴向薩婆若，是名般若波羅蜜；以不生、不可得故迴向薩婆若智慧，是名般若波羅蜜。」

辰二、以五蘊等諸法不二為方便迴向薩婆若

阿難白佛言：「世尊！云何以不二法迴向薩婆若布施，是名檀那波羅蜜，乃至以不二法迴向薩婆若智慧，是名般若波羅蜜？」

佛告阿難：「以色不二法故，受、想、行、識不二法故，乃至阿耨多羅三藐三菩提不二法故。」

辰三、諸法性空故無二無別

「世尊！云何色不二法，乃至阿耨多羅三藐三菩提不二法？」

佛言：「色⁷、色相空。何以故？檀那波羅蜜、色，不二不別；乃至阿耨多羅三藐三菩提、檀那波羅蜜，不二不別。五波羅蜜亦如是。」

辰四、結

以是故，阿難！但稱譽般若波羅蜜，於五波羅蜜乃至一切種智為尊導。

寅二、譬

阿難！譬如大地，以種散中，得因⁸緣和合便生，是諸種子依地而生。

寅三、合

如是，阿難！五波羅蜜依般若波羅蜜得生，四念處乃至一切種智亦依般若波羅蜜得生。

丑三、結

以是故，阿難！般若波羅蜜於五波羅蜜乃至十八不共法為尊導！」

子二、重明二世功德

丑一、天主明受持功德

⁷ [色] — 【宋】【宮】(大正 08, 288d, n.9)。

⁸ 因=眾【宋】【元】【明】【宮】(大正 08, 288d, n.10)。

寅一、總標

爾時，釋提桓因白佛言：「世尊！佛說善男子、善女人受持般若波羅蜜乃至正憶念者，功德未盡。

寅二、釋五種功德

卯一、得求三世佛道

何以故？受持般若波羅蜜乃至正憶念，則受三世諸佛無上道⁹。

所以者何？欲得薩婆若，當從般若波羅蜜中求；欲得般若波羅蜜，當從薩婆若中求。

卯二、善法現於世間

世尊！受持般若波羅蜜乃至正憶念故，十善道現於世間，四禪、四無量心、四無色定乃至十八不共法現於世間。

卯三、有人天果報

受持般若波羅蜜乃至正憶念故，世間便有刹利大姓、婆羅門大姓、居士大家、四天王天乃至阿迦尼吒諸天。

卯四、有二乘及菩薩

受持般若波羅蜜乃至正憶念故，便有須陀洹乃至阿羅漢、辟支佛、菩薩摩訶薩。

卯五、有佛出

受持般若波羅蜜乃至正憶念故，諸佛出於世間。」

丑二、佛廣明功德

寅一、明更有餘功德

爾時，佛告釋提桓因：「憍尸迦！善男子、善女人受持般若波羅蜜乃至正憶念，我不說但有爾所功德。

寅二、出餘功德

卯一、得佛五分法身

何以故？憍尸迦！是善男子、善女人受持般若波羅蜜乃至正憶念，不

⁹ 無上道=(阿耨多羅三[藐-白+白]三菩提)九字【宋】【元】【明】【宮】(大正 08, 288d, n.11)。

離薩婆若心，無量戒眾¹⁰成就，定¹¹眾、慧眾、解脫眾、解脫¹²知見眾成就。

卯二、與佛無異

復次，憍尸迦！是¹³善男子、善女人能受持般若波羅蜜乃至正憶念，不離薩婆若心，當知是人為如佛。

卯三、勝於二乘

復次，憍尸迦！一切聲聞、辟支佛所有戒眾、定眾、智眾、解脫眾、解脫知見眾，不及是善男子、善女人戒眾乃至解脫知見眾，百分、千分、百千萬¹⁴億分乃至算數譬喻所不能及！何以故？是善男子、善女人於聲聞、辟支佛地中心得解脫，更不求大乘法故。

卯四、書持經卷得二世功德

復次，憍尸迦！若有善男子、善女人書持般若波羅蜜經卷，供養、恭敬、尊重，華香、瓔珞乃至伎樂¹⁵，亦¹⁶得今世、後世功德。」

丑三、天主發願守護行人

爾時，釋提桓因白佛言：「世尊！是善男子、善女人受持般若波羅蜜乃至正憶念，不離薩婆若心，供養般若波羅蜜，恭敬、尊重，華香乃至伎樂，我常當守護是人！」

丑四、佛重明功德¹⁷

寅一、廣明

卯一、得膽力說法不斷果

佛告釋提桓因¹⁸：「憍尸迦！是善男子、善女人欲、讀、誦說是般若

¹⁰ 眾 = 品【宋】【明】【宮】*(大正 08, 288d, n.12)。

¹¹ (無量)+定【明】(大正 08, 288d, n.13)。

¹² (無量)+解【宋】【元】【明】【宮】(大正 08, 288d, n.14)。

¹³ [是] - 【宋】【元】【宮】(大正 08, 288d, n.15)。

¹⁴ [萬] - 【聖】(大正 08, 288d, n.16)。

¹⁵ 樂+(我亦歎說是善男子善女人)十一字【宋】【宮】，樂+(供養)【明】(大正 08, 288d, n.17)。

¹⁶ [亦] - 【宋】【宮】(大正 08, 288d, n.18)。

¹⁷ 對照《大智度論》卷 58〈36 阿難稱譽品〉(大正 25, 473a8-475a22)。

¹⁸ 因+(言)【宋】【元】【明】【宮】*[*1](大正 08, 288d, n.19)。

波羅蜜時，無量百千諸天皆來聽法。是善男子、善女人說般若波羅蜜法，諸天子益其膽力。是諸法師若疲極，不欲說法，諸天益其膽力故，便能更說。

善男子、善女人受是般若波羅蜜乃至正憶念，供養¹⁹花香乃至伎樂故，亦得是今世功德。

卯二、得無畏果二

辰一、正明

復次，憍尸迦！是善男子、善女人於四部眾中說般若波羅蜜時，心無怯弱；若有論難²⁰，亦無畏想。

辰二、釋所以

巳一、般若備諸法故

何以故？是善男子、善女人為般若波羅蜜所護持故。

般若波羅蜜中亦分別一切法——若世間、若出世間，若有漏、若無漏，若善、若不善，若有為、若無為，若聲聞法、若辟支佛法，若菩薩法、若佛法。

巳二、住十八空慧故

善男子、善女人住內空乃至住無法有法空故，不見有能難般若波羅蜜者，亦不見受難者，亦不見般若波羅蜜。

如是！善男子、善女人為般若波羅蜜所擁護²¹故，無有能難壞者。

復次，善男子、善女人受持般若波羅蜜乃至正憶念時，不沒、不畏、不怖。何以故？是善男子、善女人不見是法沒者、恐怖者。

憍尸迦！善男子、善女人受持般若波羅蜜乃至正憶念，花香供養乃至幡蓋，亦得是現世²²功德。

卯三、得三果

辰一、人天敬愛果

復次，憍尸迦！善男子、善女人受持般若波羅蜜乃至正憶念，書持經

¹⁹ 養+(尊重)【宋】【宮】(大正 08, 289d, n.1)。

²⁰ 論難=難論【宋】【宮】(大正 08, 289d, n.2)。

²¹ 擁護=護持【宋】【元】【明】【宮】*[* 1](大正 08, 289d, n.3)。

²² 現=今【宋】【元】【明】【宮】(大正 08, 289d, n.4)。

卷，花香供養乃至幡蓋，是人為父母所愛，宗親知識所念，諸沙門、婆羅門所敬，十方諸佛及菩薩摩訶薩、辟支佛、阿羅漢乃至須陀洹所愛敬，一切世間若天、若魔、若梵及阿修²³羅等皆亦愛敬。

辰二、行不斷絕果

是人行檀那²⁴波羅蜜，檀那波羅蜜²⁵無有斷絕時；尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜亦無有斷絕時。

修內空不斷，乃至修無法有法空不斷；修四念處不斷²⁶，乃至修十八不共法不斷；修諸三昧門不斷，修諸陀羅尼門不斷；修諸菩薩神通不斷；成就眾生、淨佛國土不斷；乃至修一切種智不斷。

辰三、降伏惡人果

是人亦能降伏難論毀謗。

善男子、善女人受持般若波羅蜜乃至正憶念，不離薩婆若心，書持經卷，香花²⁷供養乃至幡蓋，亦²⁸得是今世、後世功德。

卯四、得諸天禮敬果

辰一、三千世界諸天

復次，憍尸迦！善男子、善女人書持經卷，在所²⁹處，三千大千世界中所³⁰有諸四天王天發阿耨多羅三藐三菩提心者，皆來到是處，見般若波羅蜜，受、讀誦、說、供養、禮拜，還去。

三十三天、夜摩天、兜率陀天、化樂天、他化自在天，梵眾天、梵輔天、梵會天、大梵天、光天、少光天、無量光天、光音天、淨天、少淨天、無量淨天、遍淨天、無蔭行天、福德天、廣果天發阿耨多羅三藐三菩提心者，皆來到是處，見般若波羅蜜，受、讀、誦、說、供養、禮拜，還去。

²³ 修羅＝羅漢【元】(大正 08, 289d, n.5)。

²⁴ [那]－【聖】*[*12](大正 08, 289d, n.6)。

²⁵ [檀那波羅蜜]－【宋】【元】【明】(大正 08, 289d, n.7)。

²⁶ [四念…斷]十五字－【宮】(大正 08, 289d, n.8)。

²⁷ 香花＝華香【宋】【元】【明】【宮】*[*12](大正 08, 289d, n.9)。

²⁸ [亦]－【宋】【宮】(大正 08, 289d, n.10)。

²⁹ 所+(住)【明】(大正 08, 289d, n.11)。

³⁰ [所有]－【宋】【元】【明】【宮】*[*1](大正 08, 289d, n.12)。

淨居諸天——所謂無誑天、無熱天、妙見天、喜見天、色究竟天，皆來到是處，見是般若波羅蜜，受、讀、誦、說、供養、禮拜，還去。

辰二、十方世界諸天

復次，憍尸迦！十方世界中諸四天王天乃至廣果天——發阿耨多羅三藐三菩提心，及淨居天，并餘諸天、龍、鬼神、捷鬪婆³¹、阿修羅、迦樓羅、緊那羅³²、摩睺羅伽，亦來見般若波羅蜜，受、讀、誦、說、供養、禮拜，還去。

卯五、得法施果

是善男子、善女人應作是念：『十方世界中諸四天王天乃至廣果天發阿耨多羅三藐三菩提心，及淨居天，并餘諸天龍鬼神、捷鬪婆、阿修羅、迦樓羅、緊那羅、摩睺羅伽，來見般若波羅蜜，受、讀、誦、說、供養禮拜，我則法施已。』

卯六、得諸天守護果

辰一、正明守護

憍尸迦！三千大千世界中所有諸四天王天乃至阿迦尼吒天，及十方世界中，諸四天王天乃至阿迦尼吒天——發阿耨多羅三藐三菩提心者，擁護是善男子、善女人，諸惡不能得便，除其宿命重罪。

憍尸迦！是善男子、善女人亦得是今世功德，所謂諸天子發阿耨多羅三藐三菩提心，皆來到是處。

辰二、釋來所以

何以故？憍尸迦！諸天子發阿耨多羅三藐三菩提心³³，欲救護一切眾生、不捨一切眾生、安樂一切眾生故。」

辰三、釋肉眼疑

爾時，釋提桓因白佛言：「世尊！善男子、善女人云何當知諸四天王天乃至阿迦尼吒天來，及³⁴十方國土中諸四天王天乃至阿迦尼吒天來見般若波羅蜜，受、讀誦、說、供養、禮拜時？」

³¹ 捷鬪婆 = 乾鬪婆【宋】下同【元】下同【明】下同(大正 08, 289d, n.13)。

³² 緊那羅 = 緊陀羅【宋】【元】【明】【宮】下同(大正 08, 289d, n.14)。

³³ [心] — 【聖】(大正 08, 289d, n.15)。

³⁴ (時)+及【宋】【宮】(大正 08, 289d, n.16)。

佛告釋提桓因：「僑尸迦！若善男子、善女人見大淨光明，必知有大德諸天來，見般若波羅蜜，受、讀誦、說、供養、禮拜時。

復次，僑尸迦！善男子、善女人若聞異妙香，必知有大德諸天來，見般若波羅蜜受、讀、誦、說、供養、禮拜時。

復次，僑尸迦！善男子、善女人行淨潔故，諸天來到其處，見般若波羅蜜，受、讀、誦、說、供養、歡喜、禮拜。

辰四、明來利益

巳一、小鬼去

是中有小鬼輩即時出去，不能堪任是大德諸天威德故。

巳二、生大心

以是大德諸³⁵天來故，是善男子、善女人生大心。

以是故，般若波羅蜜所住處，四面不應有諸不淨，應當然³⁶燈、燒香³⁷、散眾名花，眾香塗地、眾蓋、幢幡種種嚴飾。

巳三、覺夢常安

復次，僑尸迦！善男子、善女人說法時，終無疲極，自覺身輕、心樂，隨法偃息，臥覺安隱，無諸惡夢。夢中見諸佛三十二相、八十隨形好；比丘僧恭敬圍遶而為³⁸說法，在諸佛邊聽受法教——所謂六波羅蜜、四念處乃至十八不共法；分別六波羅蜜義，分別四念處乃至十八不共法，亦分別其義。

亦見菩提樹莊嚴殊妙³⁹；見諸菩薩趣菩提樹，得阿耨多羅三藐三菩提；見諸佛成已轉法輪；見百千萬菩薩共集法論議——應如是求薩婆若，應如是成就眾生，應如是淨佛國土；亦見十方無數百千萬億諸佛，亦聞其名號——某方某國某佛，若干百千萬菩薩、若干百千萬聲聞恭敬圍遶，說法；復見十方無數百千萬億諸佛般涅槃⁴⁰；復見無數百千萬億諸佛七

³⁵ [諸] — 【宮】(大正 08, 289d, n.17)。

³⁶ 然=燃【聖】(大正 08, 289d, n.18)。

³⁷ (眾名)+香【宋】【元】【明】【宮】(大正 08, 289d, n.19)。

³⁸ [而為] — 【聖】(大正 08, 289d, n.20)。

³⁹ [殊妙] — 【聖】(大正 08, 290d, n.1)。

⁴⁰ 涅槃=泥洹【聖】(大正 08, 290d, n.2)。

寶塔；見供養諸塔，恭敬、尊重、讚歎，香花乃至幡蓋。

憍尸迦！是善男子、善女人，見如是善夢，臥安覺安；

巳四、氣力增益

諸天益其氣力，自覺身體輕便，不大貪著飲食、衣服、臥具、湯藥——於四供養，其心輕微；譬如比丘坐禪，從禪定起，心與定合，不貪著⁴¹飲食⁴²，其心輕微。何以故？憍尸迦！諸天法應以諸味之精，益其氣力故。

十方諸佛及天、龍、鬼神、阿修羅、捷鬬婆、迦樓羅、緊那羅、摩睺羅伽亦益其氣力。

寅二、結勸

如是，憍尸迦！善男子、善女人欲得今世如是功德，應當受持般若波羅蜜，親近、讀、誦、說、正憶念，亦⁴³不離薩婆若心。

憍尸迦！善男子、善女人雖不能受持乃至正憶念，應當書持經卷，恭敬、供養，尊重、讚歎，香花、瓔珞乃至幡蓋。

壬二、明格量

癸一、舉供養十方佛等格量供養經卷

憍尸迦！若善男子、善女人聞是般若波羅蜜，受持、讀、誦、說、正憶念、書⁴⁴經卷，恭敬、供養，尊重、讚歎，花香乃至幡蓋。是善男子、善女人功德甚多——勝於供養十方諸佛及弟子⁴⁵，恭敬、尊重、讚歎⁴⁶，衣服、飲食、臥具、湯藥；諸佛及弟子般涅槃後，起七寶塔，恭敬、供養、尊重、讚歎，花香乃至幡蓋。⁴⁷」⁴⁸

⁴¹ [著] — 【宋】【元】【明】【宮】(大正 08, 290d, n.3)。

⁴² [飲] — 【聖】(大正 08, 290d, n.4)。

⁴³ [亦] — 【宋】【元】【明】【宮】(大正 08, 290d, n.5)。

⁴⁴ 書+(寫)【元】【明】(大正 08, 290d, n.6)。

⁴⁵ 子+(眾)【宋】【元】【明】【宮】(大正 08, 290d, n.7)。

⁴⁶ 歎+(及)【宋】【宮】(大正 08, 290d, n.8)。

⁴⁷ 不分卷【聖】，[摩訶…什譯]卅一字—【聖】(大正 08, 290d, n.9)。

⁴⁸ 九=十【宋】【元】【明】【宮】，以上大般若第二會第三十四天來品。梵 *iti Parārthā'dhimuktir mṛdumṛddhī, Stūpasatkāra parivarto nāma tṛtīyaḥ.* (大正 08, 290d, n.10)

《摩訶般若波羅蜜經》卷 10 〈37 法稱¹品〉冠科²

《摩訶般若波羅蜜經》卷 10 (大正 08, 290b9-293c15) :

癸二、舉舍利格量經卷³

子一、舉滿闍浮提舍利格量經卷

丑一、佛問

佛告釋提桓因言：「憍尸迦！若滿闍浮提佛舍利作一分，復有人書般若波羅蜜經卷作一分——二分之⁴中，汝取何所？」

丑二、約二諦論取捨

寅一、天主正答取本捨末

釋提桓因白佛言：「世尊！若滿闍浮提佛舍利作一分，般若波羅蜜經卷作一分——二分之一中，我寧取般若波羅蜜經卷。何以故？世尊！我於佛舍利非不恭敬，非不尊重。世尊⁵！以是⁶舍利從般若波羅蜜中生、般若波羅蜜修熏故，是舍利得供養、恭敬、尊重、讚歎。」

寅二、舍利弗問於取捨

爾時，舍利弗問釋提桓因：「憍尸迦！是般若波羅蜜，不可取，無色、無形、無對，一相，所謂無相。汝云何欲取？何以故？是般若波羅蜜，不為取故出，不為捨故出，不為增減、聚散、損益、垢淨故出。是般若波羅蜜，不與諸佛法，不捨凡人法；不與辟支佛法、阿羅漢法、學法，不捨凡人法；不與無為性，不捨有為性；不與內空乃至無法有法空，不與四念處乃至一切種智，不捨凡人法。」

寅三、天主答取捨義

釋提桓因語舍利弗：「如是，如是！舍利弗！若有人知是般若波羅蜜

¹ 不分卷【聖】，法稱=舍利【宋】【元】【明】【宮】，(法稱…七)七字=(摩訶般若波羅蜜經舍利校量品第卅七)十六字【聖】。(大正 08, 290d, n.12)。

² 妙境法師，《摩訶般若波羅蜜經》冠科(上冊)，pp.417-436。

³ 對照《大智度論》卷 59 〈37 校量舍利品〉(大正 25, 475b7-476c9)。

⁴ [之]—【宮】。(大正 08, 290d, n.13)。

⁵ [世尊]—【宮】(大正 08, 290d, n.14)。

⁶ [是]—【宋】【元】【明】【宮】【聖】(大正 08, 290d, n.15)。

不與諸佛法、不捨凡人法，乃至不與一切種智、不捨凡人法——是菩薩摩訶薩能行般若波羅蜜、能修般若波羅蜜。何以故？般若波羅蜜不行二法相⁷故，不二法相是般若波羅蜜，不二法相是禪那⁸波羅蜜乃至檀那波羅蜜。」

寅四、佛讚成

卯一、正述

爾時，佛讚釋提桓因言：「善哉！善哉！憍尸迦！如汝所說，般若波羅蜜不行二法相故，不二法相是般若波羅蜜，不二法相是禪那波羅蜜乃至檀那波羅蜜。」

憍尸迦！若人欲得法性二相者，是人為欲得般若波羅蜜二相。

卯二、釋

何以故？憍尸迦！法性、般若波羅蜜，無二無別，乃至檀那波羅蜜亦如是。

若人欲得實際、不可思議性二相者，是人為欲得般若波羅蜜二相。何以故？般若波羅蜜、不可思議性，無二無別。」

寅五、天主領解更舉五義故取經卷

卯一、明為菩提本

辰一、法

釋提桓因白佛言：「世尊！一切世間人及諸天、阿修羅應禮拜、供養般若波羅蜜！」

何以故？諸菩薩摩訶薩，般若波羅蜜中學，得阿耨多羅三藐三菩提。

辰二、譬

世尊！我常在善法堂上坐；若我不在座時，諸天子來⁹供養我故，為我坐處作禮，繞竟還去。諸天子作是念：『釋提桓因在是處坐，為諸三十三天說法故。』

辰三、合

⁷〔相〕－【宮】＊【聖】（大正 08，290d，n.16）。

⁸〔那〕－【宋】【元】【明】【宮】【聖】（大正 08，290d，n.17）。

⁹〔來〕－【宋】【元】【宮】（大正 08，290d，n.18）。

如是，世尊！在所處書是般若波羅蜜經卷，受持、讀、誦、為他演說；是處十方世界中諸天、龍、夜叉、捷¹⁰闍婆、阿修羅、迦樓¹¹羅、緊那¹²羅、摩睺羅伽皆來禮拜般若波羅蜜，供養已去。

何以故？是般若波羅蜜中生諸佛及生一切眾生樂具故，諸佛舍利亦是一切種智住處因緣。以是故，世尊！二分中，我取般若波羅蜜。

卯二、明能離怖畏

復次，世尊！我若受持、讀、誦般若波羅蜜，心深¹³入法中，我是時不見怖畏相。何以故？

世尊！是¹⁴般若波羅蜜無相無貌、無言、無說。

世尊！無相無貌、無言無說，是般若波羅蜜，乃至是一切種智。

世尊！般若波羅蜜若當有相、非無相者，諸佛不應知一切法無相無貌、無言無說，得阿耨多羅三藐三菩提，為弟子說諸法亦¹⁵無相無貌、無言無說。

世尊！以¹⁶般若波羅蜜實是無相無貌、無言無說故，諸佛知一切諸法無相無貌、無言無說，得阿耨多羅三藐三菩提；為弟子說諸法亦無相無貌、無言無說。

以是故，世尊！是般若波羅蜜，一切世間諸天、人、阿修羅應恭敬、供養、尊重、讚歎，香華、瓔珞乃至幡蓋。

卯三、明能離三惡道

復次，世尊！若有人受持般若波羅蜜，親近、讀、誦、說、正憶念及書，供養華香乃至幡蓋，是人墮地獄、畜生、餓鬼道中；

卯四、明能離二乘地

不墮聲聞、辟支佛地；

¹⁰ 捷=乾【宋】【元】【明】(大正 08, 290d, n.19)。

¹¹ 樓=留【宋】【元】(大正 08, 290d, n.20)。

¹² 那=陀【宋】【元】【宮】(大正 08, 290d, n.21)。

¹³ 心深=深心【宋】【元】【明】【宮】(大正 08, 290d, n.22)。

¹⁴ 是+(深)【宋】【元】【明】【宮】(大正 08, 291d, n.1)。

¹⁵ [亦]-【宮】(大正 08, 291d, n.2)。

¹⁶ 以=用【宮】【聖】(大正 08, 291d, n.3)。

卯五、明能令得佛道

乃至得阿耨多羅三藐三菩提，常見諸佛；從一佛國至一佛國，供養諸佛，恭敬、尊重、讚歎，華香乃至幡蓋。

子二、舉滿三千大千世界舍利格量經卷

丑一、明本末舉見經卷與見現在佛無異

復次，世尊！滿三千大千世界佛舍利作一分，書般若波羅蜜經卷作一分——是二分中，我故取般若波羅蜜。

何以故？世尊！是般若波羅蜜中生諸佛舍利；以是故，舍利得供養、恭敬、尊重、讚歎。是善男子、善女人供養、恭敬舍利故，受天上、人中福樂，常不墮三惡道；如所願，漸以三乘法入涅槃。

是故，世尊！若有見現在佛、若見般若波羅蜜經卷，等無異。何以故？世尊！是般若波羅蜜與佛無二無別故。

丑二、明持誦說般若經卷與佛化他功德齊¹⁷

寅一、舉一佛

復次，世尊！如佛住三事示現，說十二部經——修多羅、祇夜乃至優波提舍；復有善男子、善女人受持、誦、說是般若波羅蜜，等無異。何以故？世尊！是般若波羅蜜中生三事示現及十二部經——修多羅乃至優波提舍故。

寅二、舉十方佛

復次，世尊！十方諸佛住三事示現，說十二部經——修多羅乃至優波提舍；復有人受般若波羅蜜、為他人說，等無有¹⁸異。

何以故？般若波羅蜜中生諸佛亦生十二部經——修多羅乃至優波提舍。

丑三、明供養經卷與供養佛等

復次，世尊！若有供養十方如恒河沙等世界中諸佛，恭敬、尊重、讚歎！華香乃至幡蓋；復有人書般若波羅蜜經卷，恭敬、尊重、讚歎，華香乃至幡蓋，其福正等。何以故？十方諸佛皆從般若波羅蜜中生。

¹⁷ 對照《大智度論》卷 59〈37 校量舍利品〉(大正 25, 476c10-479b8)。

¹⁸ [有] — 【宋】【元】【明】【宮】【聖】(大正 08, 291d, n.4)。

丑四、明離惡道超二乘漸住佛道

復次，世尊！善男子、善女人聞是般若波羅蜜，受持、讀、誦、正憶念，亦為他人說，是人墮地獄道、畜生、餓鬼道，亦不墮聲聞、辟支佛地¹⁹。何以故？當知是善男子、善女人正住阿惟越致地中故，是般若波羅蜜遠離一切苦惱、衰病。

丑五、明離怖畏

寅一、離內怖

卯一、法

復次，世尊！若有善男子、善女人書是般若波羅蜜經卷，受持、親近、供養、恭敬、尊重、讚歎，是人離諸恐怖。

卯二、譬

世尊！譬如負債人親近國王，供給左右，債主反更供養、恭敬是人，是人復不復畏怖。何以故？世尊！此人依近於王，憑恃有力故。如是，世尊！諸佛²⁰舍利，般若波羅蜜修熏故，得供養、恭敬。

卯三、合

世尊！當知般若波羅蜜如王，舍利如負債人；負債人依王故得供養，舍利亦依般若波羅蜜修熏故得供養。

世尊！當知諸佛一切種智亦以般若波羅蜜修熏故得成就。

以是故，世尊！二分中，我取般若波羅蜜。何以故？世尊！般若波羅蜜中生諸佛舍利、三十二相；般若波羅蜜中亦生佛十力、四無所畏、四無礙智、十八不共法、大慈大悲。

世尊！般若波羅蜜中生五波羅蜜，使²¹得波羅蜜名字；般若波羅蜜中生諸佛一切種智。

寅二、離外怖

卯一、法說

復次，世尊！所在三千大千世界中，若有受持、供養、恭敬、尊重、讚歎般若波羅蜜，是處，若人、若非人不能得其便，是人漸漸得入涅槃。

¹⁹ 地＝道【宮】(大正 08, 291d, n.5)。

²⁰ [佛]－【宮】(大正 08, 291d, n.6)。

²¹ 使＝便【明】(大正 08, 291d, n.7)。

世尊！般若波羅蜜為大利益如是，於²²三千大千世界中能作佛事。世尊！在所處，有般若波羅蜜，則為有佛。

卯二、分譬

辰一、摩尼珠

巳一、正明珠德

午一、非人不得其便

世尊！譬如無價²³摩尼珠²⁴寶，在所住處，非人不得其便。

午二、能除四根本病

若男子、女人有熱病，以是寶²⁵著身上，熱病即時除愈²⁶；若有風病、若有冷病、若有雜熱風冷病，以寶著身上，皆悉除愈。

午三、能除黑暗

若闇中，是寶²⁷能令²⁸明。

午四、能除熱寒

熱時能令涼，寒時能令溫；寶所住處，其地不寒、不熱，時節和適。

午五、能治毒害

其處亦無諸餘毒螫；若男子、女人為毒蛇所螫，以寶示²⁹之，毒即除滅。

午六、能除眼疾盲瞽

復次，世尊！若男子、女人眼痛、膚瞽³⁰、盲³¹瞽，以寶近³²之，即時除愈。

²² [於] — 【宮】【聖】(大正 08, 291d, n.8)。

²³ 價=賈【聖】(大正 08, 291d, n.9)。

²⁴ [珠] — 【聖】(大正 08, 291d, n.10)。

²⁵ 寶=珠【宋】*【元】*【明】*【宮】(大正 08, 291d, n.11)。

²⁶ [愈] — 【宋】【元】【宮】【聖】(大正 08, 291d, n.12)。

²⁷ 寶=珠【元】【明】(大正 08, 291d, n.13)。

²⁸ 令=今【宋】(大正 08, 291d, n.14)。

²⁹ 示=近【聖】(大正 08, 291d, n.15)。

³⁰ 瞽=翳【宋】【元】【明】【宮】，=瞽【聖】(大正 08, 291d, n.16)。

³¹ 盲=曹【聖】(大正 08, 291d, n.17)。

³² 寶近=寶示【元】【聖】，=珠示【明】(大正 08, 291d, n.18)。

午七、能除癩瘡惡腫

若有癩瘡、惡腫，以寶著身上，病即除愈。

午八、能隨物顯色

復次，世尊！是摩尼³³寶所在水中，水隨³⁴作一色。世尊³⁵！是寶若以青物裹著水中，水色則為青；若黃、赤、白、紅縹物裹著水中，水隨作黃、赤、白、紅、縹色。如是等種種色物裹著水中，水隨作種種色。

午九、能令濁水清

世尊！若水濁，以寶著中³⁶，水即為清³⁷。

是寶³⁸其德如是！」

巳二、鑑為天上寶

爾時，阿難問釋提桓因言：「僑尸迦！是摩尼寶，為是天上寶？為是閻浮提寶？」

釋提桓因語阿難³⁹：「是天上寶。閻浮提人亦有是寶，但功德相少不具足；天上寶清淨輕妙，不可以譬喻為比。

辰二、珠篋

復次，世尊！是摩尼寶，若著篋中，舉寶⁴⁰出，其功德薰篋故，人皆愛敬。

卯三、合說

辰一、般若具眾德如珠

如是，世尊！在所在⁴¹處，有書般若波羅蜜經卷，是處則無眾惱之患；亦如摩尼寶所著處，則無眾難。

³³ 尼+(珠)【宋】【元】【明】【宮】(大正 08, 291d, n.19)。

³⁴ [隨]—【聖】(大正 08, 291d, n.20)。

³⁵ [世尊是寶]—【元】【明】【宮】(大正 08, 291d, n.21)。

³⁶ (水)+中【元】【明】(大正 08, 291d, n.22)。

³⁷ 清=青【聖】(大正 08, 291d, n.23)。

³⁸ 寶=珠【宋】【元】【明】【宮】(大正 08, 291d, n.24)。

³⁹ 難+(言)【元】【明】(大正 08, 291d, n.25)。

⁴⁰ [寶]—【明】(大正 08, 292d, n.1)。

⁴¹ [在]—【宋】【元】【明】【聖】(大正 08, 292d, n.2)。

辰二、舍利為眾德住處如珠篋

巳一、舍利得供養，皆由般若之力

世尊！佛般涅槃⁴²後，舍利得供養，皆是⁴³般若波羅蜜力；禪那波羅蜜乃至檀那波羅蜜，內空乃至無法有法空，四念處乃至十八不共法，一切智，法相、法住、法位、法性、實際、不可思議性、一切種智——是諸功德力。

巳二、舍利是佛功德住處

善男子、善女人作是念：『是佛舍利，一切智、一切種智、大慈大悲、斷一切結使及習、常捨行、不錯謬法等諸佛功德住處。』以是故，舍利得供養。

巳三、舍利是諸法相波羅蜜住處

世尊！舍利是諸功德寶波羅蜜住處，不垢不淨波羅蜜住處，不生不滅波羅蜜、不入不出波羅蜜、不增不損波羅蜜、不來不去不住波羅蜜——是佛舍利是諸法相波羅蜜住處；以是諸法相波羅蜜修薰⁴⁴故，舍利得供養。

子三、舉滿十方恆河沙世界舍利格量經卷

丑一、正格量

寅一、歎般若法

卯一、自格量

辰一、明本勝末

巳一、標

復次，世尊！置三千大千世界滿中舍利。如恆河沙等諸世界滿其中舍利，作一分；有人書般若波羅蜜經卷，作一分——二分之一中，我取般若波羅蜜。

巳二、釋

何以故？是般若波羅蜜中生諸佛舍利；是般若波羅蜜修薰故，舍利得供養。

⁴² 涅槃=泥洹【聖】(大正 08, 292d, n.3)。

⁴³ [是]—【宮】(大正 08, 292d, n.4)。

⁴⁴ 修薰=薰修【宋】【元】【明】【宮】【聖】(大正 08, 292d, n.5)。

未一、供養舍利功德

世尊！若有善男子、善女人供養舍利，恭敬、尊重、讚歎，其功德報不可得邊，受人中、天上福樂——所謂剎利大姓、婆羅門大姓、居士大家，四天王天處乃至他化自在天中受福樂；亦以是福德因緣故，當得盡苦。

未二、持誦般若功德

若受是般若波羅蜜，讀、誦⁴⁵、解⁴⁶、說、正憶念，是人能具足禪那波羅蜜，乃至能具足檀那波羅蜜；能具足四念處，乃至能具足十八不共法；過聲聞、辟支佛地，住菩薩位；住菩薩位已，得菩薩神通，從一佛國至一佛國；是菩薩為眾生故受身，隨其所應，成就眾生——若作轉輪聖王、若作剎利大姓、若作婆羅門大姓，成就眾生。

巳三、結

以是故，世尊！我不為輕慢、不恭敬故不取舍利，以善男子、善女人供養般若波羅蜜則為供養舍利故。

辰二、明當見諸佛生法二身勝

復次，世尊！有人欲見十方無量阿僧祇諸世界中現在佛法身、色身，是人應聞、受持般若波羅蜜，讀、誦、正憶念、為他人演說。如是善男子、善女人當見十方無量阿僧祇世界中諸佛法身、色身。

辰三、明無得故能見現在諸佛

是善男子、善女人行般若波羅蜜，亦應以法相修念佛三昧。
復次，善男子、善女人欲見現在諸佛，應當受是般若波羅蜜，乃至正憶念。

辰四、明般若能攝有為無為二法相勝⁴⁷

復次，世尊！有二種法相——有為諸法相、無為諸法相。

巳一、明有為諸法相

云何有為諸法相？所謂內空中智慧，乃至無法有法空中智慧，四念處

⁴⁵ [誦] — 【聖】(大正 08, 292d, n.6)。

⁴⁶ [解] — 【元】【明】(大正 08, 292d, n.7)。

⁴⁷ 對照《大智度論》卷 59 〈37 校量舍利品〉(大正 25, 479b9-481b16)。

中智慧，乃至八聖道分中智慧，佛十力、四無所畏、四無礙智、十八不共法中智慧，善法中不善法中、有漏法中無漏法中、世間法中出世間法中智慧是名有為諸法法⁴⁸相。

巳二、明無為諸法相

云何名無為諸法法相？若法無生無滅、無住無異、無垢無淨、無增無減諸法自性。云何名諸法自性？諸法無所有性是諸法自性——是名無為諸法相。」

卯二、佛述成

爾時佛告釋提桓因：「如是！如是！憍尸迦！

辰一、三世諸佛及佛弟子皆因般若而成就道果

過去諸佛因是般若波羅蜜得阿耨多羅三藐三菩提，過去諸佛弟子亦因般若波羅蜜，得須陀洹道乃至阿羅漢、辟支佛道；未來、現在世十方無量阿僧祇諸佛因是般若波羅蜜得阿耨多羅三藐三菩提，未來、現在諸佛弟子亦因是般若波羅蜜得須陀洹道乃至辟支佛道。

辰二、般若中廣說三乘之教

何以故？般若波羅蜜中廣說三乘義，以無相法故，無生無滅法故，無垢無淨法故，無作無起、不入不出、不增不損、不取不捨法故。以俗法故非第一義。

何以故？是般若波羅蜜非此非彼、非高非下、非等非不等、非相非無相、非世間非出世間、非有漏非無漏、非有為非無為、非善非不善、非過去非未來非現在。

何以故？憍尸迦！般若波羅蜜，不取聲聞、辟支佛法，亦不捨凡人法。」

寅二、歎行般若人

卯一、天主歎

釋提桓因白佛言：「世尊！菩薩摩訶薩行般若波羅蜜，知一切眾生心，亦不得眾生，乃至知者、見者亦不得。是菩薩不得色、不得受、想、行、識，不得眼乃至意，不得色乃至法，不得眼觸因緣生受乃至意觸因緣生受，不得四念處乃至十八不共法，不得阿耨多羅三藐三菩提，不得諸佛

⁴⁸ [法] — 【元】【明】(大正 08, 292d, n.8)。

法，不得佛。

何以故？般若波羅蜜不為得法故出。何以故？般若波羅蜜，性無所有、不可得，所用法不可得，處亦不可得。」

卯二、佛述成

佛告釋提桓因言⁴⁹：「如是！如是！憍尸迦！如汝⁵⁰所說！菩薩摩訶薩長夜行般若波羅蜜，阿耨多羅三藐三菩提不可得，何況菩薩及菩薩法！」

丑二、釋疑

寅一、天主疑

爾時，釋提桓因白佛言：「世尊！菩薩摩訶薩但行般若波羅蜜，不行為餘波羅蜜耶？」

寅二、佛釋疑

卯一、法

辰一、二不二義

佛告釋提桓因言：「憍尸迦！菩薩盡行六波羅蜜法，以無所得故——行檀那波羅蜜，不得施者，不得受者，不得財物；行尸羅波羅蜜，不得戒，不得持戒人，不得破戒人；乃至行般若波羅蜜，不得智慧，不得智慧人，不得無智慧人。

辰二、不二二義

憍尸迦！菩薩摩訶薩行布施時，般若波羅蜜為作明導，能具足檀那波羅蜜；

菩薩摩訶薩行持戒時，般若波羅蜜為作明導，能具足尸羅波羅蜜；

菩薩摩訶薩行忍辱時，般若波羅蜜為作明導，能具足羼提波羅蜜；

菩薩摩訶薩行精進時，般若波羅蜜為作明導，能具足毘梨耶波羅蜜；

菩薩摩訶薩行禪那⁵¹時，般若波羅蜜為作明導，能具足禪那波羅蜜；

菩薩摩訶薩觀諸法時，般若波羅蜜為作明導，能具足般若波羅蜜。

一切法以無所得故——所謂色乃至一切種智。

⁴⁹ [言] — 【宋】【元】【明】【宮】【聖】(大正 08, 292d, n.9)。

⁵⁰ 汝 = 法 【宋】【宮】(大正 08, 292d, n.10)。

⁵¹ [那] — 【宮】(大正 08, 293d, n.1)。

卯二、譬

憍尸迦！譬如閻浮提諸樹，種種葉、種種華、種種果、種種色，其蔭⁵²無差別；

卯三、合

諸波羅蜜入般若波羅蜜中，至薩婆若，無差別亦如是，以無所得故。」

寅三、天主領解稱歎

釋提桓因白佛言：「世尊！般若波羅蜜，大功德成就！世尊！般若波羅蜜，一切功德成就！世尊！般若波羅蜜，無量功德成就！無邊功德成就！無等功德成就。」

癸三、舉經卷與他格量自受持正憶念

子一、天主舉般若自行施他為問

世尊！若有善男子、善女人書是般若波羅蜜經卷，恭敬、供養、尊重、讚歎，華香乃至幡蓋，如般若波羅蜜所說正憶念；復有善男子、善女人書般若波羅蜜經卷與他人——其福何所為多？」

子二、佛舉舍利反質

佛告釋提桓因：「憍尸迦！我還問汝，隨汝意報我。若有善男子、善女人供養諸佛舍利，恭敬、尊重、讚歎，華香乃至幡蓋；若復有人分舍利如芥子許與他人，令供養、恭敬、尊重、讚歎，華香乃至幡蓋——其福何所為多？」

子三、天主舉舍利與他勝自奉答

釋提桓因白佛言：「世尊！如我從佛聞法中義，有善男子、善女人自供養舍利，乃至幡蓋；若復有人分舍利如芥子許與他人令供養，其福甚多！世尊！佛見是福利眾生故，入金剛三昧中，碎金剛身作末舍利。何以故？有人佛滅度後，供養佛舍利，乃至如芥子許，其福報無邊，乃至盡苦。」

子四、佛明般若經卷與他勝自行

佛告釋提桓因言⁵³：「如是！如是！憍尸迦！若善男子、善女人書般

⁵² 蔭=陰【宋】【元】【明】【宮】(大正 08, 293d, n.2)。

⁵³ [言]—【宋】【元】【明】【宮】(大正 08, 293d, n.3)。

若波羅蜜經卷，供養、恭敬，香花⁵⁴乃至幡蓋；若復有人書般若波羅蜜經卷，與他人令學，是善⁵⁵男子、善女人其福甚多！

癸四、舉經卷與他格量為他解說其義

子一、明勝

復次，憍尸迦！善男子、善女人如般若波羅蜜中義為他人說，開示、分別，令易解——是善男子、善女人勝於前善男子、善女人功德。所從聞般若波羅蜜，當視其人如佛，亦如高勝梵行人。

子二、釋勝意

丑一、明般若能生三世諸佛及高勝梵行人

何以故？當知般若波羅蜜即是佛；般若波羅蜜不異佛，佛不異般若波羅蜜。

過去、未來、現在諸佛皆從般若波羅蜜中學，得阿耨多羅三藐三菩提；及高勝梵行人——高勝梵行人者⁵⁶，所謂阿惟越致菩薩摩訶薩——亦學是般若波羅蜜，當得阿耨多羅三藐三菩提；

聲聞人學是般若波羅蜜，得阿羅漢道；

求辟支佛道人學是般若波羅蜜，得辟支佛道；

菩薩學是般若波羅蜜，得入菩薩位。

以是故，憍尸迦！善男子、善女人欲供養現在佛，恭敬、尊重、讚歎，花香乃至幡蓋，當供養般若波羅蜜！

丑二、明般若獨是佛供養尊重讚歎依止者

我見是利益⁵⁷，初得阿耨多羅三藐三菩提時，作是念：『誰有可供養、恭敬、尊重、讚歎，依止住者？』

憍尸迦！我於⁵⁸一切世間中，若天、若魔、若梵、若沙門、婆羅門中，不見與我等者⁵⁹，何況有勝者！

⁵⁴ 香花＝華香【明】(大正 08, 293d, n.4)。

⁵⁵ [善]－【宋】＊【元】＊【明】(大正 08, 293d, n.5)。

⁵⁶ [者]－【宮】(大正 08, 293d, n.6)。

⁵⁷ [益]－【明】(大正 08, 293d, n.7)。

⁵⁸ [於]－【宮】【聖】(大正 08, 293d, n.8)。

⁵⁹ [者]－【宋】【元】【明】【宮】(大正 08, 293d, n.9)。

我⁶⁰又⁶¹自思念：『我所得法，自致作佛；我供養是法，恭敬、尊重、讚歎，當依止住。何等是法？所謂般若波羅蜜。』

子三、結勸供養

憍尸迦！我自供養是般若波羅蜜，恭敬、尊重、讚歎已，依止住；何況善男子、善女人欲得阿耨多羅三藐三菩提，而不供養般若波羅蜜，恭敬、尊重、讚歎，花香、瓔珞乃至幡蓋？

何以故？般若波羅蜜中生諸菩薩摩訶薩，諸⁶²菩薩摩訶薩中生諸佛。

以是故，憍尸迦！善男子、善女人若求佛道、若求辟支佛道、若求聲聞道，皆應供養般若波羅蜜，恭敬、尊重、讚歎，花香乃至幡蓋。」⁶³

⁶⁰ [我] — 【明】(大正 08，293d，n.10)。

⁶¹ [又] — 【宋】【元】【宮】【聖】(大正 08，293d，n.11)。

⁶² [諸] — 【宮】【聖】(大正 08，293d，n.12)。

⁶³ 摩訶般若波羅蜜經卷第十五終【聖】，以上大般若第二會設利羅 (Sarīra) 品。梵. iti dvitīyā stutimātrā. (大正 08，293d，n.13)。

《摩訶般若波羅蜜經》卷 10 〈38 法施¹品〉冠科²

《摩訶般若波羅蜜經》卷 10³ (大正 08, 293c16-297b15) :

癸五、舉世間定散二善教他格量經卷化他

子一、舉散善教他格量⁴

丑一、舉閻浮提

寅一、佛舉問

佛告釋提桓因言：「憍尸迦！若有善男子、善女人教一閻浮提人行十善道。於汝意云何？以是因緣，故得福多不？」

寅二、天主答

答言：「甚多，世尊！」

寅三、佛格量

卯一、明勝劣

辰一、正明

佛言：「不如是⁵善男子、善女人書持般若波羅蜜經卷與他人⁶，令讀、誦、說，得福多。

辰二、釋般若勝意

何以故？是般若波羅蜜中廣說諸無漏法，善男子、善女人從是中學——已學、今學⁷、當學，入正法位中——已入、今入⁸、當入，得須陀洹果——已得、今得⁹、當得；乃至阿羅漢果，求辟支佛道亦如是。

諸菩薩摩訶薩求阿耨多羅三藐三菩提，入正法位中——已入、今入、

¹ 法施=十善【宋】【元】【明】【宮】(大正 08, 293d, n.14)。

² 妙境法師，《摩訶般若波羅蜜經》冠科(上冊)，pp.437-457。

³ 〔丹十善品〕—【宋】【元】【明】【宮】【聖】。(大正 08, 293d, n.15)。

⁴ 對照《大智度論》卷 60 〈38 校量法施品〉(大正 25, 481b19-484b19)。

⁵ 〔是〕—【明】【聖】(大正 08, 293d, n.16)。

⁶ 〔人〕—【聖】(大正 08, 293d, n.17)。

⁷ 〔今學〕—【宮】【聖】(大正 08, 293d, n.18)。

⁸ 〔今入〕—【宮】【聖】(大正 08, 293d, n.19)。

⁹ 〔今得〕—【宮】【聖】(大正 08, 293d, n.20)。

當入，得阿耨多羅三藐三菩提——已得、今得、當得。

憍尸迦！何等是無漏法？所謂四念處乃至八聖道分、四聖諦，內空乃至無法有法空，佛十力乃至十八不共法。善男子、善女人學是法，得阿耨多羅三藐三菩提——已得、今得、當得。

卯二、舉譬說

辰一、明教一人得初果勝教一閻浮提人行十善

憍尸迦！若有善男子、善女人教一人令得須陀洹果，是人得福德勝教一閻浮提人行十善道。

何以故？憍尸迦！教一閻浮提人行十善道，不離地獄、畜生、餓鬼苦。

憍尸迦！教一人令¹⁰得須陀洹果，離三惡道故，乃至阿羅漢果¹¹、辟支佛道亦如是。

辰二、明教一閻浮提人得二乘果不如教一人得無上道

憍尸迦！若善男子、善女人教一閻浮提人令得須陀洹果，斯陀含¹²、阿那含、阿羅漢¹³、辟支佛道，不如善男子、善女人教一人令得阿耨多羅三藐三菩提得福多！

何以故？憍尸迦！以菩薩因緣故，生須陀洹乃至阿羅漢、辟支佛；以菩薩因緣故，生諸佛。

卯三、合譬說

辰一、正明經卷教他勝

以是因緣故，憍尸迦！當知善男子、善女人書般若波羅蜜經卷與他人，令書、持、讀、誦、說，得福多！

辰二、釋勝意

何以故？是般若波羅蜜中廣說諸善法。是善法中學，便出生剎利大姓、婆羅門大姓、居士大家，四天王天乃至非有想非無想天，便有四念處乃至一切種智，便有須陀洹乃至阿羅漢、辟支佛，便有諸佛。

丑二、舉四天下

¹⁰ [令] — 【宋】【元】【明】【宮】【聖】(大正 08, 294d, n.1)。

¹¹ [果] — 【宋】【元】【明】【宮】(大正 08, 294d, n.2)。

¹² 含+(果)【明】【聖】(大正 08, 294d, n.3)。

¹³ 漢+(果)【明】【聖】(大正 08, 294d, n.4)。

橋尸迦！置一閻浮提人。若有善男子、善女人¹⁴教四天下國土中眾生令行十善道。於汝意云何？是人以是因緣故，得福多不？」

答言：「甚多！世尊！」

佛言：「不如善男子、善女人書般若波羅蜜經卷與他人，令書、持、讀、誦、說，得福多！

餘如上說。

丑三、舉小千

橋尸迦！置四天下國土¹⁵中眾生。若教小千國土中眾生令行十善道亦如是。

丑四、舉中千

橋尸迦！置小千國土中眾生。若教二千中國土中眾生令¹⁶行十善道，若有善男子、善女人書般若波羅蜜經卷與他人，令書、持、讀、誦、說¹⁷，是人得福多。

餘如上說。

丑五、舉大千

橋尸迦！置二千中國土中眾生。若教三千大千國土中所有眾生令行十善道；復有人書般若波羅蜜經卷¹⁸與他人，令書、持、讀、誦、說¹⁹，是人福德多！

丑六、舉十方恆沙世界

橋尸迦！置三千大²⁰千國土中眾生。若教如恆河沙等國土中所有眾生令行十善道；若復有人書般若波羅蜜經卷與他人，令書、持、讀、誦、說，其福多！

餘如上說。

¹⁴ [有善…人] 七字－【宮】【聖】(大正 08, 294d, n.5)。

¹⁵ 國土=世界【聖】(大正 08, 294d, n.6)。

¹⁶ 令=今【宋】【元】，〔令〕－【宮】【聖】(大正 08, 294d, n.7)。

¹⁷ [說]－【元】【明】【宮】【聖】(大正 08, 294d, n.8)。

¹⁸ [卷]－【宮】(大正 08, 294d, n.9)。

¹⁹ [說]－【宮】【聖】(大正 08, 294d, n.10)。

²⁰ [大]－【宋】(大正 08, 294d, n.11)。

子二、舉定善教他格量

丑一、舉閻浮提

寅一、佛舉問

復次，憍尸迦！有人教一閻浮提眾生，令立四禪、四無量心、四無色定、五神通。於汝意云何，是善男子、善女人福德多不？」

寅二、天主答

釋提桓因言：「甚多！世尊！」

寅三、佛格量

卯一、正明勝劣

佛言：「不如是善男子、善女人書般若波羅蜜經卷與他人，令書、持、讀、誦、說²¹，得福多！」

卯二、例上勝意

何以故？是般若波羅蜜中廣說諸善法。
餘如上說。

丑二、舉餘世界

憍尸迦！置閻浮提中眾生，復置四天下國土中眾生、小千國土中眾生、二千中國土中眾生、三千大千國土中眾生。憍尸迦！若有人教十方如恒河沙等國土中眾生，令立四禪、四無量心、四無色定、五神通。於汝意云何？是人福德多不？」

答言：「甚多！世尊！」

佛言：「不如是善男子、善女人書般若波羅蜜經卷與他人，令書、持、讀、誦、說，得福多！何以故？是般若波羅蜜中廣說諸善法。
餘如上說。」

癸六、合舉世間定散二善教他格量般若自行

子一、格量勝劣

復次，憍尸迦！若有善男子、善女人受是般若波羅蜜，持、讀、誦、說、正憶念，是人福德勝教閻浮提人行十善道，立四禪、四無量心、四

²¹〔說〕－【元】【宮】【聖】(大正 08，294d，n.12)。

無色定、五神通。

子二、釋正憶念

正憶念者，受、持、親近般若波羅蜜，乃至正憶念，不²²以二法、不以不二法；受、持、親近²³禪那²⁴波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜，乃至正憶念，不以二法、不以不二法；為阿耨多羅三藐三菩提，正憶念內空乃至一切種智，不以二法、不以不二法。

癸七、舉般若化他格量自行

子一、標般若化他

復次，憍尸迦！若有²⁵善男子、善女人，為他人種種因緣演說般若波羅蜜義，開示、分別，令易解。

子二、釋般若義

丑一、總說

憍尸迦！何等是般若波羅蜜義？

憍尸迦！般若波羅蜜義者，不應以二相觀、不應以不二相觀。

丑二、別示

非有相、非無相，不入不出，不增不損，不垢不淨，不生不滅，不取不捨，不住非不住，非實非虛，非合非散，非著非不著，非因非不因，非法非不法，非如非不如，非實際非不實際。

子三、明化他勝

憍尸迦！若善男子、善女人能以是般若波羅蜜義，為他人種種因緣演說，開示、分別，令易解——是善男子、善女人所得福德甚多，勝自受持般若波羅蜜，親近、讀、誦、說、正憶念。

癸八、舉具自行化他巧說般若格量單自行

復次，憍尸迦！善男子、善女人自受持般若波羅蜜，親近、讀、誦、說、正憶念；亦為他人種種因緣演說般若波羅蜜義，開示、分別，令易

²² 不=非【宋】【宮】【聖】(大正 08, 294bd, n.13)。

²³ 近=觀【宋】【宮】(大正 08, 294d, n.14)。

²⁴ [那]—【宋】【元】【明】【宮】【聖】(大正 08, 294d, n.15)。

²⁵ [若有]—【宮】【聖】(大正 08, 294d, n.16)。

解——是善男子、善女人所得功德甚多！」

癸九、舉世出世善格量具自行化他

子一、明巧說般若其福無邊

釋提桓因白佛言：「世尊！善男子、善女人應如是演說般若波羅蜜義，開示、分別，令易解。」

佛語釋提桓因言²⁶：「如是！憍尸迦！是善男子、善女人應如是演說般若波羅蜜義，開示、分別，令易解。憍尸迦！善男子、善女人如是演說般若波羅蜜義，開示、分別，令易解，得無量無邊阿僧祇福德。」

子二、格量

丑一、舉世善格量

寅一、舉有所得善以格無所得般若

卯一、供養十方佛

若有善男子、善女人供養十方無量阿僧祇諸佛，盡其壽命，隨其所須，恭敬、尊重、讚歎，花香乃至幡蓋供養；若復有善男子、善女人種種因緣為他人廣說般若波羅蜜義，開示、分別，令易解——是善男子、善女人功德甚多！

何以故？諸過去、未來、現在佛皆於是般若波羅蜜中學，得阿耨多羅三藐三菩提——已得、今得、當得。

卯二、久行六度

辰一、舉檀格量歎無得勝

復次，憍尸迦！若善男子、善女人於無量無邊阿僧祇劫行檀那波羅蜜，不如是²⁷善男子、善女人以般若波羅蜜為他人演說其義，開示、分別，令易解，其福甚多，以無所得故。

辰二、明有得失

巳一、舉以我心取相施

云何名有所得？

憍尸迦！若菩薩摩訶薩用有所得故布施，布施時作是念：『我與彼受

²⁶ [言] — 【宮】【聖】(大正 08, 294d, n.17)。

²⁷ [是] — 【明】(大正 08, 295d, n.1)。

所施者物。』是名得檀那，不得波羅蜜。

巳二、例餘五

『我持戒、此是戒。』是名得戒，不得波羅蜜。

『我忍辱、為是人忍辱。』是名得忍辱，不得波羅蜜。

『我精進，為是事勤精進。』是名得精進，不得波羅蜜。

『我修禪那²⁸，所修是禪那。』是名得禪那，不得波羅蜜。

『我修慧，所修是慧。』是名得慧，不得波羅蜜。

辰三、簡不具足

憍尸迦！是善男子、善女人如是行者，不得具足檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜。」

寅二、勸說無所得六度

卯一、明般若無得正義

釋提桓因白佛言：「世尊！菩薩摩訶薩云何修具足檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜？」

佛告釋提桓因言：「菩薩摩訶薩布施時，不得與者、不得受者、不得所施物，是人得具足檀那波羅蜜；乃至修般若波羅蜜時，不得智、不得所修智，是人得具足般若波羅蜜。

憍尸迦！是為菩薩摩訶薩具足檀那波羅蜜乃至般若波羅蜜。

卯二、勸如法說

辰一、正勸

善男子、善女人如是行般若波羅蜜，當為他人演說其義，開示、分別，令易解；禪那波羅蜜、毘梨耶波羅蜜、羼提波羅蜜、尸羅波羅蜜、檀那波羅蜜，演說其義，開示、分別，令易解。

辰二、釋所以

何以故？憍尸迦！未來世當有善男子、善女人欲說般若波羅蜜，而說相似般若波羅蜜。有善男子、善女人發阿耨多羅三藐三菩提心，聞是相似般若波羅蜜，失正道。善男子、善女人應為是人具足演說般若波羅蜜義，開示、分別，令易解。」

²⁸ [那] — 【宮】【聖】(大正 08, 295d, n.2)。

寅三、明相似非相似二般若

卯一、相似般若

辰一、言同意異為相似

釋提桓因白佛言：「世尊！何等是相似般若波羅蜜？」²⁹

佛言：「有善男子、善女人說有所得般若波羅蜜，是為相似般若波羅蜜。」

辰二、著心取相說般若

巳一、觀陰界入無常苦無我

釋提桓因白佛言：「世尊！云何善男子、善女人說有所得般若波羅蜜，是為相似般若波羅蜜？」

佛言：「善男子、善女人說有所得般若波羅蜜是³⁰為³¹相似般若波羅蜜。相似般若波羅蜜³²者，說色無常，作是言：『能如是行，是行般若波羅蜜。』行者求色無常，是為行相似般若波羅蜜。

說受、想、行、識無常，作是言：『能如是行，是行般若波羅蜜。』行者求受、想、行、識無常，是為行相似般若波羅蜜。

說眼無常乃至說意無常；說色無常乃至說法無常；說眼界無常，色界、眼識界³³無常，乃至說眼界、法界、意識界無常；說地種無常，乃至說識種無常；說眼識界無常，乃至說意識界無常；說眼觸無常，乃至說意觸無常；說眼觸因緣生受無常，乃至說意觸因緣生受無常——廣說如五陰。

說色苦，乃至說意觸因緣生受苦；說色無我，乃至說意觸因緣生受無我——皆如五陰說。

巳二、依無常苦無我修六度萬行

²⁹ 卷十一終，卷二十善品第三十八之餘首【宋】【元】【明】【宮】(大正 08，295d，n.3)。

³⁰ (說)+是【聖】(大正 08，295d，n.4)。

³¹ [為]—【宮】【聖】(大正 08，295d，n.5)。

³² [相似般若波羅蜜]—【宋】【元】【明】【宮】【聖】(大正 08，295d，n.6)。

³³ 界=眾【元】(大正 08，295d，n.7)。

行者行檀那³⁴波羅蜜時，為說色無常、苦、無我；乃至意觸因緣生受，說無常、苦、無我。尸羅波羅蜜乃至般若波羅蜜亦如是。

行四禪、四無量心、四無色定，為說無常、苦、無我；行四念處，為說無常、苦、無我。

乃至行薩婆若時，為說無常、苦、無我。

作如是教：『能如是行者，是為行般若波羅蜜。』

憍尸迦！是名相似般若波羅蜜。

已三、如是行得諸果

午一、得十地

復次，憍尸迦！若是善男子、善女人當來世說相似般若波羅蜜，作是言：『汝善男子、善女人³⁵修行般若波羅蜜，汝修行般若波羅蜜時，當得初地乃至當得十地。』禪那波羅蜜乃至檀那波羅蜜亦如是。

行者以相似有所得，以總相修是般若波羅蜜。

憍尸迦！是名相似般若波羅蜜。

午二、過二乘

復次，憍尸迦！善男子、善女人欲說般若波羅蜜，作是言：『汝善男子、善女人修行般若波羅蜜已，當過聲聞、辟支佛地。』是名相似般若波羅蜜。

午三、證無生得神通

復次，憍尸迦³⁶！善男子、善女人為求佛道者如是說：『汝善男子、善女人修行般若波羅蜜已，入菩薩位，得無生法忍；得無生忍已，便住菩薩神通，從一佛國至一佛國，供養諸佛，恭敬、尊重、讚歎。』如是說者，是名相似般若波羅蜜。

午四、得無邊福

復次，憍尸迦！善男子、善女人為求佛道者如是說：『汝善男子、善女人學是般若波羅蜜，受、持、讀、誦、說、正憶念，當得無量無邊阿僧祇功德。』如是說者，是名相似般若波羅蜜。

³⁴ [那] — 【宋】【元】【明】【宮】【聖】(大正 08, 295d, n.8)。

³⁵ [善女人] — 【宮】【聖】(大正 08, 295d, n.9)。

³⁶ [憍尸迦] — 【宮】(大正 08, 295d, n.10)。

巳四、迴向菩提

復次，善男子、善女人為求佛道者如是³⁷說：『如過去、未來、現在諸佛³⁸功德善本，從初發心至成得佛，都合集迴向阿耨多羅三藐三菩提。』如是說者，是名相似般若波羅蜜。」

卯二、非相似般若

辰一、以不著心取相說般若

巳一、觀五陰空非常非無常

釋提桓因白佛言：「世尊！云何善男子、善女人為求佛道者不說相似般若波羅蜜？」

佛言：「若善男子、善女人為求佛道者說般若波羅蜜：『善男子！汝修行般若波羅蜜，莫觀色無常。」

何以故？色、色性空，是色性非法；若非法即名為般若波羅蜜。般若波羅蜜中色非常非無常。」

何以故？是中色尚不可得，何況常、無常！」

憍尸迦！善男子、善女人如是說者，是名不說相似般若波羅蜜。」

受、想、行、識亦如是。」

巳二、觀諸法空不過不住

復次，憍尸迦！善男子、善女人為求佛道者說：『汝善男子！修行般若波羅蜜，於諸法莫有所過，莫有所住。」

何以故？般若波羅蜜中，無有法可過、可住。」

所以者何？一切法自性空，自性空是非法，若非法即是³⁹般若波羅蜜。般若波羅蜜中，無有法可入可出，可生可滅。」

憍尸迦！是善男子、善女人如是說，是名不說相似般若波羅蜜。」

巳三、指廣

廣說如上，與相似相違，是名不說相似般若波羅蜜。」

辰二、結勸歎勝

³⁷ [如是] — 【宮】【聖】(大正 08, 296d, n.1)。

³⁸ [諸佛] — 【聖】(大正 08, 296d, n.2)。

³⁹ 是+(為)【聖】(大正 08, 296d, n.3)。

如是，憍尸迦！善男子、善女人應如是演說般若波羅蜜義。
若如是說般若波羅蜜義，所得功德，勝於前者。

丑二、舉出世善格量⁴⁰

寅一、約二乘

卯一、約聲聞格

辰一、說般若功德勝教一閻浮提眾生得初果

復次，憍尸迦！閻浮提中所有眾生，皆教令得須陀洹。於汝意云何？是人得福多不？」

答言：「甚多，世尊！」

佛言：「不如是善男子、善女人以般若波羅蜜為他人種種因緣演說其義，開示、分別，令易解。如是言：『善男子、善女人！汝來！受是般若波羅蜜，勤⁴¹誦、讀⁴²、說、正憶念，如般若波羅蜜中所說行。』何以故？是般若波羅蜜中出生諸須陀洹。

辰二、說般若功德勝教十方恆河沙世界眾生得初果

憍尸迦！置閻浮提中眾生，復置四天下眾生，小千國土、二⁴³千中國土、三千大千國土眾生。若有人教十方如恆河沙⁴⁴國土中眾生，盡教令得須陀洹。於汝意云何？是人得福多不？」

答言：「甚多！世尊！」

佛言：「不如是善男子、善女人以般若波羅蜜為他人種種因緣演說其義，開示、分別，令易解；如是言：『善男子⁴⁵！汝來！受是般若波羅蜜，勤誦、讀⁴⁶、說、正憶念，如般若波羅蜜中所說行。』何以故？⁴⁷般若波羅蜜中出生諸須陀洹。

⁴⁰ 對照《大智度論》卷 60 〈38 校量法施品〉(大正 25, 484b20-486a22)。

⁴¹ 勤+(修)【聖】(大正 08, 296d, n.4)。

⁴² 誦讀=讀誦【明】，=誦【宮】，=誦讀誦【聖】。(大正 08, 296d, n.5)。

⁴³ 二=三【元】(大正 08, 296d, n.6)。

⁴⁴ 沙+(等)【元】【明】(大正 08, 296d, n.7)。

⁴⁵ 子+(善女人)【明】【聖】(大正 08, 296d, n.8)。

⁴⁶ 誦讀=讀誦【明】【聖】(大正 08, 296d, n.9)。

⁴⁷ (是)+般【明】(大正 08, 296d, n.10)。

辰三、說般若功德勝教乃至十方恆河沙世界眾生得二果乃至四果

復次，憍尸迦！若有善男子、善女人教閻浮提中人，令得斯陀含、阿那含、阿羅漢。於汝意云何？是人得福多不？」

答言：「甚多！世尊⁴⁸！」

佛言：「不如是⁴⁹善男子、善女人以般若波羅蜜為他人種種因緣演說其義，開示、分別，令易解；如是言：『善男子！汝來⁵⁰！受⁵¹是般若波羅蜜，勤誦、讀⁵²、說、正憶念，如般若波羅蜜中所說行。』何以故？般若波羅蜜中出⁵³生諸⁵⁴斯陀含、阿那含、阿羅漢故。

乃至十方如恒河沙等國土中眾生亦如是。

卯二、約緣覺格

復次，憍尸迦！若善男子、善女人教一閻浮提中眾生令得辟支佛道。於汝意云何？是人得福多不？」

答言：「甚多！世尊⁵⁵！」

佛言：「不如是善男子、善女人以般若波羅蜜為他人種種因緣演說其義，開示、分別，令易解；如是言：『善男子！汝來⁵⁶！受是般若波羅蜜，勤讀、誦⁵⁷、解⁵⁸說、正憶念，如般若波羅蜜中所說行。』何以故？般若波羅蜜中出生⁵⁹諸辟支佛道故。

四天下乃至十方如恒河沙等國土中眾生亦如是。

寅二、約大乘

⁴⁸ [世尊] - 【宮】(大正 08, 296d, n.11)。

⁴⁹ [是] - 【宮】【聖】(大正 08, 296d, n.12)。

⁵⁰ 善男子汝來=汝來善男子【宮】【聖】(大正 08, 296d, n.13)。

⁵¹ (善女人)+受【聖】(大正 08, 296d, n.14)。

⁵² 誦讀=讀誦【宋】【元】【明】【宮】【聖】(大正 08, 296d, n.15)。

⁵³ 出=由【明】(大正 08, 296d, n.16)。

⁵⁴ 諸+(須陀洹)【聖】(大正 08, 296d, n.17)。

⁵⁵ [世尊] - 【宮】【聖】(大正 08, 296d, n.18)。

⁵⁶ 善男子汝來=汝來善男子【宋】【元】【明】【宮】【聖】(大正 08, 296d, n.19)。

⁵⁷ 讀誦=誦讀【聖】(大正 08, 296d, n.20)。

⁵⁸ [解] - 【宋】【元】【明】【宮】【聖】(大正 08, 296d, n.21)。

⁵⁹ 出生=生出【宋】【元】【明】【宮】(大正 08, 296d, n.22)。

卯一、正明

辰一、約本格量

巳一、勝教乃至十方恆河沙世界中眾生令發無上道心

復次，憍尸迦！善男子、善女人教一閻浮提中眾生令發阿耨多羅三藐三菩提心。於汝意云何？是人得福多不？」

答言：「甚多！世尊！」

佛言：「不如是⁶⁰善男子、善女人以般若波羅蜜為他人種種因緣演說其義，開示、分別，令易解；亦如是言：『汝當隨般若波羅蜜中學，當得一切智法；汝若得一切智法，汝便得修行般若波羅蜜，增益、具足；若得修行⁶¹般若波羅蜜，增益、具足，汝當得阿耨多羅三藐三菩提。』何以故？憍尸迦！般若波羅蜜中生諸初發意菩薩摩訶薩故。

乃至十方如恆河沙等國土，亦如是。

巳二、勝教乃至十方恆河沙世界中眾生令住阿鞞跋致

復次，憍尸迦！善男子、善女人教一閻浮提中眾生令住阿惟越⁶²致地。於汝意云何？是人福德多不？」

答言：「甚多！世尊！」

佛言：「不如是善男子、善女人以般若波羅蜜為他人種種因緣演說其義，開示、分別，令易解；亦⁶³如是言：『汝來！善男子！受是般若波羅蜜，乃至如般若波羅蜜中所說行，汝便得一切智法；得一切智法已，乃至便得阿耨多羅三藐三菩提。』

何以故？般若波羅蜜中生諸菩薩摩訶薩阿惟越致地故。

乃至十方如恆河沙等國土亦如是。

辰二、約深淺格量

巳一、教一人得阿鞞跋致勝教一閻浮提眾生發菩提心

復次，憍尸迦！一閻浮提中眾生發意求阿耨多羅三藐三菩提；若有善

⁶⁰〔是〕－【聖】(大正 08, 296d, n.23)。

⁶¹〔行〕－【宮】【聖】(大正 08, 296d, n.24)。

⁶²惟越＝鞞跋【聖】(大正 08, 296d, n.25)。

⁶³〔亦〕－【宋】【元】【明】【宮】【聖】(大正 08, 296d, n.26)。

男子、善女人為是人廣說般若波羅蜜，及其義解、開示、分別；如是言：『汝來！善男子！受是般若波羅蜜，乃至如般若波羅蜜中所說行；學已，汝當得阿耨多羅三藐三菩提。』

復有人為一阿惟越致菩薩演說般若波羅蜜，及其義解、開示、分別。『汝來！受是般若波羅蜜，乃至如般若波羅蜜中所說行；學已，汝當得阿耨多羅三藐三菩提。』是善男子所得功德甚多，乃至十方如恒河沙等國土中亦如是。

巳二、教一人近佛菩提勝教一閻浮提乃至十方眾生得阿鞞跋致

復次，憍尸迦！若有一閻浮提中眾生皆得阿惟越致阿耨多羅三藐三菩提；復⁶⁴有善男子、善女人以般若波羅蜜為是人演說其義。於是中有一菩薩疾欲⁶⁵得阿耨多羅三藐三菩提；若有善男子、善女人為此菩薩說般若波羅蜜及其義解——是人功德最多。

乃至十方如恒河沙等國土亦如是。」

卯二、明稱歎供養轉近菩提者

辰一、天主稱歎勸供養

釋提桓因白佛言：「世尊！如菩薩摩訶薩轉轉近阿耨多羅三藐三菩提者，如是應轉轉教行檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜；應教內空乃至無法有法空，四念處乃至八聖道分，佛⁶⁶十力、四無所畏、四無礙智、十八不共法；亦應供養衣服、臥具、飲食、湯藥，隨其所須。

是善男子、善女人，法施、財施供養是菩薩，所得功德，勝於前者。何以故？世尊！是菩薩摩訶薩疾得阿耨多羅三藐三菩提故。」

辰二、須菩提稱歎述成

爾時，慧命須菩提語釋提桓因言：「善哉！善哉！憍尸迦！汝為聖弟子，安慰諸菩薩摩訶薩為阿耨多羅三藐三菩提者以法施、財施利益，法應爾。」

⁶⁴ 復+(次)【聖】(大正 08, 297d, n.1)。

⁶⁵ [欲]—【宮】【聖】(大正 08, 297d, n.2)。

⁶⁶ 佛=解【宮】(大正 08, 297d, n.3)。

何以故？菩薩中生諸佛聖眾。若菩薩不發阿耨多羅三藐三菩提心者，是菩薩不能⁶⁷學六波羅蜜乃至十八不共法；若不學六波羅蜜乃至十八不共法，不能得阿耨多羅三藐三菩提；若不能得阿耨多羅三藐三菩提者，則無聲聞、辟支佛。

以是故，憍尸迦！諸菩薩摩訶薩學六波羅蜜乃至十八不共法；學六波羅蜜乃至十八不共法⁶⁸時，得阿耨多羅三藐三菩提；得阿耨多羅三藐三菩提故，斷地獄、畜生、餓鬼道；世間便有刹利大姓、婆羅門大姓、居士大家，四天王天乃至非有想非無想天，乃⁶⁹至檀那波羅蜜、尸羅波羅蜜、羼提波羅蜜、毘梨耶⁷⁰波羅蜜、禪那波羅蜜、般若波羅蜜，內空⁷¹乃至無法有法空，四念處乃至十八不共法出現於世，聲聞乘、辟支佛乘、佛乘皆現於世。」⁷²

⁶⁷ [能] — 【宮】【聖】(大正 08, 297d, n.4)。

⁶⁸ [學六…法] 十二字 — 【宮】【聖】(大正 08, 297d, n.5)。

⁶⁹ 乃至 = 便有【聖】(大正 08, 297d, n.6)。

⁷⁰ 耶 = 那【宋】(大正 08, 297d, n.7)。

⁷¹ 空 = 至【元】(大正 08, 297d, n.8)。

⁷² 不分卷【宋】【元】【明】【宮】，〔摩訶…譯〕卅五字 — 【宋】【元】【明】【宮】(大正 08, 297d, n.9)。

《摩訶般若波羅蜜經》卷 11 〈39 隨喜品〉冠科¹

《摩訶般若波羅蜜經》卷 11 (大正 08, 297b21-302a16) :

庚二、依般若心隨喜所得功德格量顯勝稱歎勸修

辛一、開宗定宗論隨喜迴向義

壬一、彌勒開宗²

癸一、隨喜

爾時，彌勒菩薩摩訶薩語慧命須菩提：「有菩薩摩訶薩隨喜福德，

癸二、與眾生共

與一切眾生共之，

癸三、迴向

迴向阿耨多羅三藐三菩提，

癸四、無所得

以無所得故。

癸五、稱歎隨喜

子一、對二乘凡夫稱歎

若聲聞、辟支佛福德，若³一切眾生福德，若布施、若持戒、若修定、若隨喜，是菩薩摩訶薩隨喜福德，與一切眾生共之，迴向阿耨多羅三藐三菩提，其福德⁴最上、第一、最妙、無上、無與等！

子二、釋歎

何以故？聲聞、辟支佛及一切眾生，布施、持戒、修定、隨喜，為自調、為自淨、為自度故起⁵，所謂四念處乃至八聖道分，空、無相、無作；菩薩隨喜福德，迴向阿耨多羅三藐三菩提，持是功德，

¹ 妙境法師，《摩訶般若波羅蜜經》冠科(上冊)，pp.458-484。

² 對照《大智度論》卷 61 〈39 隨喜迴向品〉(大正 25, 487a7-489a11)。

³ 若=及【聖】(大正 08, 297d, n.14)。

⁴ [德]—【宋】【元】【明】【宮】(大正 08, 297d, n.15)。

⁵ [起]—【宮】【聖】(大正 08, 297d, n.16)。

為調一切眾生、為淨一切眾生、為度一切眾生故起⁶。」

壬二、須菩提領隨喜義定宗

癸一、領宗

子一、領所隨喜福德

丑一、總明過去佛福

爾時，慧命須菩提白彌勒菩薩言⁷：「諸菩薩摩訶薩念十方無量無邊阿僧祇國土中，無量無邊阿僧祇諸滅度佛——從初發心至⁸得阿耨多羅三藐三菩提，入無餘涅槃乃至法盡——於其中間諸善根；

丑二、過去佛在時所化弟子福

寅一、正明弟子福

卯一、大乘弟子

應六波羅蜜，

卯二、聲聞弟子

辰一、凡位

及諸聲聞人善根——若布施福德，持戒、修定福德，

辰二、聖位

及諸學人無漏善根，無學人無漏善根；

寅二、別出佛德

諸佛戒眾、定眾、慧眾、解脫眾、解脫知見眾、一切智、大慈大悲；

丑三、像正教中得道弟子福

及餘無量阿僧祇諸佛法及諸佛所說法——是法中學，得須陀洹果乃至得⁹阿羅漢果、辟支佛道，入菩薩摩訶薩位；

丑四、過去佛在時滅後餘眾生福

及餘眾生種諸善根——

⁶〔起〕－【聖】(大正 08, 297d, n.17)。

⁷〔言〕－【聖】(大正 08, 297d, n.18)。

⁸〔乃〕+至【宋】【元】【明】【宮】【聖】(大正 08, 297d, n.19)。

⁹〔得〕－【聖】(大正 08, 297d, n.20)。

子二、領能隨喜心

丑一、領隨喜稱歎

是諸善根，一切和合，隨喜福¹⁰德，迴向阿耨多羅三藐三菩提，最上、第一、最妙、無上、無與等！

丑二、領迴向

如是隨喜已，持是隨喜福德，迴向阿耨多羅三藐三菩提。

癸二、定宗

子一、領有所得隨喜心

若有善男子行菩薩乘者作是念：『我是心迴向阿耨多羅三藐三菩提。』

子二、正定宗

是生心、緣、事，若¹¹善男子取相迴向阿耨多羅三藐三菩提，如所念可得不？」

壬三、彌勒受定

彌勒菩薩語須菩提：「是善男子行菩薩乘迴向阿耨多羅三藐三菩提，心是緣事，若善男子取相，不得如所念！」

壬四、須菩提設二難

癸一、無三世三世難

子一、難

須菩提語彌勒菩薩：「若諸緣、諸事¹²無所有，是善男子行菩薩乘者取相，於十方諸佛諸善根——從初發心乃至法盡，及聲聞諸善根，學、無學善根——一切和合隨喜功德，迴向阿耨多羅三藐三菩提；以無相故，是菩薩將無顛倒——

子二、舉四句為論

無常謂常，想顛倒、心顛倒、見顛倒；不淨謂淨、苦謂為樂、無我謂我，想顛倒、心顛倒、見顛倒？

¹⁰ 福=功【宋】【元】【明】【宮】【聖】(大正 08，297d，n.21)。

¹¹ [若]—【聖】(大正 08，297d，n.22)。

¹² 諸緣諸事=諸事諸緣【聖】(大正 08，297d，n.23)。

癸二、三世無三世難

若如緣、如事，為阿耨多羅三藐三菩提亦如是，迴向心亦如是，檀那¹³波羅蜜、尸羅¹⁴、羸提、毘梨耶、禪那、般若波羅蜜，乃至十八不共法亦如是。若爾者¹⁵，何等是緣？何等是事？何等是阿耨多羅三藐三菩提？何等是善根？何等是隨喜心迴向阿耨多羅三藐三菩提？」

壬五、彌勒答二難¹⁶

癸一、答三世無三世難

子一、明正邪隨喜迴向義

丑一、明正

彌勒菩薩語須菩提：「若諸菩薩摩訶薩久行六波羅蜜、多供養諸佛、種善根、與善知識相隨、善學自相空法——是諸菩薩，是緣、是事、諸佛、諸善根、隨喜福德，不取相，迴向阿耨多羅三藐三菩提，以不二法非不二法、非相非不相、非可得法非不可得法、非淨非垢、不生不滅法，是名迴向阿耨多羅三藐三菩提。」

丑二、明邪

若諸菩薩不久行六波羅蜜、不多供養諸佛、不種善根、不與善知識相隨、不善學自相空法——是諸菩薩是諸緣、是諸事、諸佛、諸善根、隨喜福德，諸心取相，迴向阿耨多羅三藐三菩提，是不名迴向。」

子二、明堪聞不堪聞義

丑一、新學菩薩不堪

須菩提！如是般若波羅蜜義乃至一切種智義，所謂內空乃至無法有法¹⁷空，不應為新學菩薩說。何以故？是菩薩所有少許信樂恭敬清淨心皆忘失。」

¹³ [那] — 【聖】(大正 08, 298d, n.1)。

¹⁴ 羅+(波羅蜜)【宋】【元】【明】【宮】(大正 08, 298d, n.2)。

¹⁵ [者] — 【聖】(大正 08, 298d, n.3)。

¹⁶ 對照《大智度論》卷 61 〈39 隨喜迴向品〉(大正 25, 489a12-490a5)。

¹⁷ [有法] — 【聖】(大正 08, 298d, n.4)。

丑二、久學般若者堪

寅一、阿鞞跋致菩薩

當在阿惟越¹⁸致菩薩摩訶薩前說，

寅二、內有深信外值好師者

若有為善知識所護，若久供養諸佛、種諸善根，應為是人說如是般若波羅蜜義乃至一切種智義，所謂內空乃至無法有法空。是人聞是法，不沒、不驚、不畏、不怖。

癸二、答無三世三世難

子一、第一周

丑一、無常門

須菩提！菩薩摩訶薩隨喜福德，應如是迴向阿耨多羅三藐三菩提——所謂菩薩用心隨喜福¹⁹德，迴向阿耨多羅三藐三菩提，是心盡、滅、變、離，是緣、是事，是諸善根亦盡、滅、變、離。

丑二、實相門

是中何等是²⁰隨喜心？何等是諸緣？何等是諸事？何等是諸善根隨喜迴向阿耨多羅三藐三菩提？

子二、第二周

丑一、無常門

二心不俱，是心性亦不可得迴向，菩薩云何隨喜心迴向阿耨多羅三藐三菩提？

丑二、實相門

若菩薩摩訶薩行般若波羅蜜時，如是知：是般若波羅蜜無有法，乃至檀那²¹波羅蜜亦無有法；色無有法，受、想、行、識乃至阿耨多羅三藐三菩提無有法——菩薩摩訶薩應如是隨喜功德迴向阿耨多羅三藐三菩提。

若能如是迴向，是名隨喜功德迴向阿耨多羅三藐三菩提。」

¹⁸ 惟越 = 毘跋【宋】【元】【明】【宮】， = 鞞跋【聖】（大正 08，298d，n.5）。

¹⁹ 福 = 功【宮】（大正 08，298d，n.6）。

²⁰ 是 = 有【聖】（大正 08，298d，n.7）。

²¹ [那] - 【宋】【元】【明】【宮】【聖】（大正 08，298d，n.8）。

辛二、須菩提明隨喜義²²

壬一、天主三問須菩提三答

癸一、天主三問

爾時，釋提桓因語須菩提²³：「新發意菩薩聞是事，將無驚懼、怖畏？」

須菩提！云何新發意菩薩作諸善根迴向阿耨多羅三藐三菩提？復云何隨喜福德迴向阿耨多羅三藐三菩提？」

癸二、須菩提三答

子一、答第一問簡釋新發意

丑一、發心即學無所得

須菩提語釋提桓因：「若新發意菩薩行般若波羅蜜，不受是般若波羅蜜，以無所得故，無相故，乃至檀那波羅蜜亦如是。多信解內空乃至多信解無法有法空，多信解四念處乃至十八不共法。」

丑二、值好師示得失道

寅一、應行無所得大乘觀行

常與善知識相隨，是善知識為說六波羅蜜義，開示、分別，如是教授，令²⁴常不離般若波羅蜜，乃至得入菩薩法位，終不離般若波羅蜜乃至不離檀那波羅蜜，不離四念處乃至十八不共法。

寅二、不應行有所得魔事

亦教語魔事，

丑三、明其心不增不減

聞種種魔事已，不增不減。何以故？是菩薩摩訶薩不受一切法故。

子二、答第二問明乃至菩提值佛所植無所得善根

是菩薩亦常不離諸佛，乃至得菩薩位，於中種善根；以是善根故，生菩薩家，至²⁵得阿耨多羅三藐三菩提，終不離是善根。

²² 對照《大智度論》卷 61 〈39 隨喜迴向品〉(大正 25, 490a6-491b23)。

²³ 提+(言)【宋】【元】【明】【宮】(大正 08, 298d, n.9)。

²⁴ 令=命【聖】(大正 08, 298d, n.10)。

²⁵ (乃)+至【宋】【元】【明】【宮】(大正 08, 298d, n.11)。

子三、答第三問明已於佛所植無依善根故作無得隨喜

復次，新發意菩薩摩訶薩於過去十方無量無邊阿僧祇國土²⁶中諸佛斷生死道、斷諸戲論、道盡、棄重擔、滅聚落刺、斷諸有結、正智解²⁷脫，及弟子所作功德，於是中若剎利大姓、婆羅門大姓、居士大家，四天王天，乃至淨居天所種善根——是一切和合稱量，以隨喜心，最上、第一、最妙、無上、無與等，應隨喜；隨喜已²⁸，迴向阿耨多羅三藐三菩提。」

壬二、彌勒二問須菩提十一答

癸一、初問七答

子一、彌勒初問

爾時，彌勒菩薩語須菩提：「若新發意菩薩摩訶薩念諸佛及弟子諸善根隨喜功德最上、第一、最妙、無上、無與等，隨喜已，應迴向阿耨多羅三藐三菩提；云何菩薩不墮想顛倒、心顛倒、見顛倒？」

子二、須菩提七答

丑一、就能所不生心答

須菩提言：「若菩薩摩訶薩念諸佛及僧，於是²⁹中不生佛想³⁰、不生僧想，無善根想；用是心迴向阿耨多羅三藐三菩提，是³¹心中亦不生心想。菩薩如是迴向，想不顛倒、心不顛倒、見不顛倒。

若菩薩摩訶薩念諸佛及僧善根，取相；取相已，迴向阿耨多羅三藐三菩提，菩薩如是，名為想顛倒、心顛倒、見顛倒。

丑二、就隨喜迴向盡滅空門答

若菩薩摩訶薩用是心念諸佛及僧諸善根；是心念時，即知盡滅；若盡滅，是法不可得迴向，所用迴向心亦是盡滅³²相，所迴向處及³³法

²⁶ 國土=世界【聖】(大正 08, 298d, n.12)。

²⁷ (得)+解【宋】【元】【明】【宮】(大正 08, 298d, n.13)。

²⁸ [應隨喜隨喜已]—【聖】(大正 08, 298d, n.14)。

²⁹ [是]—【聖】(大正 08, 298d, n.15)。

³⁰ 想=相【宋】【元】【明】【宮】(大正 08, 298d, n.16)。

³¹ [是]—【宮】(大正 08, 298d, n.17)。

³² [滅]—【聖】(大正 08, 298d, n.18)。

³³ 及=是【宋】【元】【明】【宮】(大正 08, 298d, n.19)。

亦如是相。若如是相³⁴迴向，是名正迴向，非邪迴向。

菩薩摩訶薩應如是迴向阿耨多羅三藐三菩提。

丑三、總說一切凡聖善根自性空門答

復次，若菩薩摩訶薩——過去諸佛善根及弟子善根，是中凡夫人聞法種善根，若諸天、龍、夜叉、乾³⁵闥婆、阿修羅、迦樓羅、緊那羅³⁶、摩睺羅伽聞法種善根，若刹利大姓、婆羅門大姓、居士大家，四天王天乃至阿迦尼吒天聞法種善根，發阿耨多羅三藐三菩提心——是一切福德和合稱量，隨喜功德³⁷，最上、第一、最妙、無上、無與等，迴向阿耨多羅三藐三菩提。是時菩薩若如是知：『是諸法盡滅，所迴向處及法亦自性空。』能如是迴向，是名真迴向阿耨多羅三藐三菩提。

丑四、別就善根迴向性空門答

復次，若菩薩如是知，無有法能迴向法。何以故？一切法自性空故。若如是迴向，是名正迴向阿耨多羅三藐三菩提。

如是菩薩摩訶薩行般若波羅蜜乃至檀那波羅蜜，不墮想顛倒、心顛倒、見顛倒。何以故？菩薩不著是迴向，亦不見以諸善根迴³⁸向菩提心處，是名菩薩摩訶薩無上迴向。

丑五、明現在自所起隨喜福德自相離門答³⁹

復次，若菩薩摩訶薩知所作⁴⁰福德離五陰、十二入、十八界，亦⁴¹知⁴²般若波羅蜜是離相，乃至檀那波羅蜜是離相，內空乃至無法有法空是離相，四念處乃至十八不共法是離相。如是菩薩摩訶薩隨喜心起

³⁴ [相] — 【聖】(大正 08, 298d, n.20)。

³⁵ 乾 = 捷 【聖】(大正 08, 299d, n.1)。

³⁶ [緊那羅] — 【宋】【元】【明】【宮】【聖】(大正 08, 299d, n.2)。

³⁷ [功德] — 【聖】(大正 08, 299d, n.3)。

³⁸ [迴] — 【聖】(大正 08, 299d, n.4)。

³⁹ 對照《大智度論》卷 61 〈39 隨喜迴向品〉(大正 25, 491b24-493a23)。

⁴⁰ 作 = 起 【宋】【元】【明】【宮】【聖】(大正 08, 299d, n.5)。

⁴¹ 亦 + (離) 【聖】(大正 08, 299d, n.6)。

⁴² 知 = 如 【聖】(大正 08, 299d, n.7)。

福德，名⁴³迴向阿耨多羅三藐三菩提。

丑六、就善根起隨喜福德自性離門答

復次，若菩薩摩訶薩隨喜福德，知隨喜福德自性離；亦知諸佛離佛性；諸善根亦離善根性；菩提心，菩提心性亦離；迴向，迴向性亦離；菩薩，菩薩性亦離；般若波羅蜜，般若波羅蜜性亦離；禪那波羅蜜……毘梨耶波羅蜜……羸提波羅蜜……尸羅波羅蜜……檀那波羅蜜，檀那波羅蜜性亦離；乃至十八不共法，十八不共法性亦離。菩薩摩訶薩應如是行離相般若波羅蜜。是名菩薩摩訶薩般若波羅蜜中生隨喜福德。

丑七、就譬喻門答

寅一、譬正迴向

復次，菩薩摩訶薩，諸⁴⁴過去滅度佛⁴⁵諸善根，若欲迴向，應如是迴向，作是念：『如諸佛滅度相，諸善根相亦如是，滅度法相亦如是；我用心迴向，是心相亦如是。』若能如是迴向，當知是迴向阿耨多羅三藐三菩提。如是迴向⁴⁶，不墮想⁴⁷顛倒、心顛倒、見顛倒。

寅二、譬邪迴向

若菩薩摩訶薩行般若波羅蜜時，取諸佛、善根相迴向阿耨多羅三藐三菩提，是不名為迴向。何以故？諸過去佛及善根非相緣、非無相緣。若菩薩摩訶薩作⁴⁸如是取相，是不名善根迴向阿耨多羅三藐三菩提。如是菩薩摩訶薩墮想顛倒、心顛倒、見顛倒。

寅三、結正

若菩薩摩訶薩，諸佛及諸善根及諸心不取相，是名以諸善根迴向阿耨多羅三藐三菩提。如⁴⁹是菩薩摩訶薩不墮想顛倒、心顛倒、見顛

⁴³ [名] — 【聖】(大正 08, 299d, n.8)。

⁴⁴ [諸] — 【宋】【元】【明】【宮】(大正 08, 299d, n.9)。

⁴⁵ (諸)+佛【宋】【元】【明】【宮】(大正 08, 299d, n.10)。

⁴⁶ [如是迴向] — 【聖】(大正 08, 299d, n.11)。

⁴⁷ 想=相【聖】(大正 08, 299d, n.12)。

⁴⁸ 作=亦【聖】(大正 08, 299d, n.13)。

⁴⁹ [如] — 【聖】(大正 08, 299d, n.14)。

倒。」

癸二、次問四答

子一、彌勒重難

爾時，彌勒菩薩問須菩提：「云何菩薩摩訶薩於諸善根不取相，能迴向阿耨多羅三藐三菩提？」

子二、須菩提以四義答

丑一、以般若方便力答

寅一、明般若方便故得

須菩提言：「以是事故，當知菩薩摩訶薩所學般若波羅蜜中，應有般若波羅蜜方便力。若是福德離般若波羅蜜，不得迴向阿耨多羅三藐三菩提。何以故？般若波羅蜜中，諸佛不可得，諸善根不可得，迴向阿耨多羅三藐三菩提心亦不可得。」

寅二、勸思惟失

卯一、取相有所得諸佛不許

於是中，菩薩摩訶薩行般若波羅蜜時，應如是思惟：『過去諸佛及弟子身皆滅，諸善根亦滅；我今取相分別諸佛、諸善根及諸心——以是取相迴向阿耨多羅三藐三菩提，諸佛所不許。何以故？取相、有所得故，所謂於過去諸佛取相分別。』

是故菩薩摩訶薩欲以諸善根迴向阿耨多羅三藐三菩提，不應有得、不應取相。如是迴向——

卯二、取相有所得諸佛不讚

辰一、法說

若有得取相迴向，諸佛不說有大利益。何以故？是迴向雜毒故。

辰二、譬說

譬如美食雜毒，雖有好色、好香，為人所貪，而其中⁵⁰雜毒；愚癡之人食之歡喜，貪其好色香美可口；飯⁵¹欲消時，受若死、若死等苦。

辰三、合譬

⁵⁰ [其中] — 【聖】(大正 08, 299d, n.15)。

⁵¹ 飯 = 飲【宋】(大正 08, 299d, n.16)。

若善男子、善女人不諦受、不諦取相、不諦誦讀⁵²，不解中義，如是教他言：『汝善男子！過去、未來、現在十方諸佛，從初發意已⁵³來，至得阿耨多羅三藐三菩提，入無餘涅槃，乃至法盡——於其中間行般若波羅蜜時，作諸善根，行禪那波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜時，作諸善根；修四禪、四無量心、四無色定、四念處乃至八聖道分、佛十力乃至修十八不共法時，作諸善根；淨佛國土，成就眾生，作諸善根；及諸佛戒眾、定眾、慧眾、解脫眾、解脫知見眾、一切種智、無錯謬法、常捨行；及諸弟子是中所種善根，及諸佛所記當作辟支佛；是中諸天、龍、阿修羅、迦樓羅、緊陀⁵⁴羅、摩睺羅伽等所種善根——是諸福德，稱量和合，隨喜迴向阿耨多羅三藐三菩提。』是迴向，以取相得法故，如雜毒食。得法者，終無正迴向。何以故？是得法雜毒，有相、有動、有戲論。若如是迴向，則為謗佛，不隨佛教、不隨法說。

寅三、結勸

是善男子、善女人求佛道，應如是學過去、未來、現在諸佛從初發意乃至法盡，及弟子行般若波羅蜜時作善根，乃至脩一切種智。餘⁵⁵如上說。

丑二、如諸佛所知善根答

云何諸善根迴向阿耨多羅三藐三菩提正迴向？

有求佛道善男子、善女人行般若波羅蜜，不欲謗諸佛者，諸⁵⁶福德應如是迴向——『如諸佛所知，以⁵⁷無上智慧，是諸善根相、是諸善根性、我亦如是隨喜；如諸佛所知，我亦如是迴向阿耨多羅三藐三菩提。』求菩薩道善男子、善女人應如是迴向阿耨多羅三藐三菩提。

若如是迴向，則為不謗佛，如佛所教、如佛法說，是菩薩摩訶薩迴向，則無雜毒。

⁵² 誦讀 = 讀誦【宋】【元】【明】【宮】(大正 08, 299d, n.17)。

⁵³ 已 = 以【宋】【元】【明】(大正 08, 299d, n.18)。

⁵⁴ 陀 = 那【宋】【元】【明】【宮】【聖】(大正 08, 299d, n.19)。

⁵⁵ [餘] - 【宋】【元】【明】【宮】(大正 08, 300d, n.1)。

⁵⁶ (修) + 諸【元】【明】(大正 08, 300d, n.2)。

⁵⁷ [以] - 【聖】(大正 08, 300d, n.3)。

丑三、如諸法實相迴向答⁵⁸

寅一、明不繫法為正迴向

復次，求佛道善男子、善女人行般若波羅蜜時，諸善根應如是迴向——如色不繫欲界，不繫色界，不繫無色界；不繫法者，不名過去，不名未來，不名現在。如受想行識不繫欲界，不繫色界，不繫無色界；不繫法者，不名過去、未來、現在。十二入⁵⁹、十八界亦如是。如般若波羅蜜不繫欲界，不繫色界，不繫無色界；不繫法者，不名過去、未來、現在。禪那波羅蜜乃至檀那波羅蜜亦如是；內空乃至無法有法空亦如是。如四念處不繫欲界，不繫色界，不繫無色界；不繫法者，不名過去、未來、現在。乃至八聖道分亦如是；佛十力，乃至十八不共法亦如是。如⁶⁰：法性、法相、法住、法位、實際、不可思議性，戒、定、慧、解脫、解脫知見眾，一切種智、無錯謬法、常捨行，不繫欲界，不繫色界，不繫無色界；不繫法者，不名過去、未來、現在。是迴向、所迴向處、行者，不繫皆亦如是。是諸佛亦不繫，諸善根亦不繫，是諸聲聞、辟支佛善根亦不繫；不繫法者，不名過去、未來、現在。

寅二、明無生故不可迴向

若菩薩摩訶薩行般若波羅蜜時，如是知色不繫三界；不繫法者，不名過去、未來、現在。若法過⁶¹去、未來、現在者，不可以取相有所得法⁶²，迴向阿耨多羅三藐三菩提。何以故？是色無生，若法無生則無法，無法中不可迴向。受、想、行、識亦如是。

檀那波羅蜜乃至般若波羅蜜；四念處乃至無⁶³錯謬法、常捨行，不繫三界；不繫法者，亦非過去、未來、現在。若非過去、未來、現在法⁶⁴者，不可以取相有所得法，迴向阿耨多羅三藐三菩提。何以故？

⁵⁸ 對照《大智度論》卷 61 〈39 隨喜迴向品〉（大正 25，493a24-496a18）。

⁵⁹ 入=處【聖】（大正 08，300d，n.4）。

⁶⁰（如如）+如【宋】【元】【明】【宮】，（如）+如【聖】（大正 08，300d，n.5）。

⁶¹（不）+過【宋】【元】【宮】，（不名）+過【明】（大正 08，300d，n.6）。

⁶²〔法〕-【聖】（大正 08，300d，n.7）。

⁶³無=不【聖】（大正 08，300d，n.8）。

⁶⁴（若非過去未來現在）八字+法【聖】（大正 08，300d，n.9）。

是法無生。若⁶⁵無生則無法，無法中不可迴向。

菩薩摩訶薩如是迴向則無⁶⁶雜毒。

寅三、簡邪迴向不能具諸功德

若求佛道善男子、善女人以取相得法，以諸善根迴向阿耨多羅三藐三菩提，是名邪迴向。

若邪迴向，諸佛所不稱譽。

用是邪迴向，不能具足檀那波羅蜜乃至般若波羅蜜，不能具足四念處乃至八聖道分、內空乃至無法有法空、佛十力乃至無錯謬法、常捨行，不能具足淨佛國土、成就眾生；若不能淨佛國土、成就眾生，則不能得阿耨多羅三藐三菩提。

何以故？是迴向雜毒故。

丑四、就十方佛能知智慧答

復次，菩薩摩訶薩行般若波羅蜜時，應作是念：『如諸佛所知諸善根迴向，是⁶⁷真迴向；我亦應以是法相迴向。』是名正迴向。」

辛三、如來述成

壬一、讚成前說格量顯勝

癸一、述成格量

子一、讚述成

爾時，佛讚須菩提：「善哉！善哉！如汝所為，為作佛事。

為諸菩薩摩訶薩說所應迴向法，以無相、無得、無出、無垢、無淨、無法性、自相空、常自⁶⁸性空、如⁶⁹、法性、如實際故。

子二、格量

丑一、舉定散二善格量

寅一、定散二善福多

⁶⁵ 若+(法)【聖】(大正 08, 300d, n.10)。

⁶⁶ 無=不【宮】【聖】(大正 08, 300d, n.11)。

⁶⁷ [是]—【聖】(大正 08, 300d, n.12)。

⁶⁸ [自]—【聖】(大正 08, 300d, n.13)。

⁶⁹ [如]—【聖】(大正 08, 300d, n.14)。

須菩提！若三千大千國土⁷⁰中眾生皆行⁷¹十善道、四禪、四無量心、四無色定、五神通。於須菩提意云何，是眾生得福多不？」

「甚多，世尊！」

寅二、行正迴向德最上

佛言：「不如是善男子、善女人於諸善根心不著迴向阿耨多羅三藐三菩提。須菩提！是善男子、善女人福德⁷²最上、第一、最妙、無上、無與等。

丑二、舉供養二乘聖果格量

寅一、供養大千敬田福多

復次，須菩提！若三千大千國土中眾生皆⁷³得須⁷⁴陀洹乃至阿羅漢、辟支佛；若有善男子、善女人盡形壽供養、恭敬、尊重、讚歎，衣服、飲食、臥具、醫藥供給所須。於須菩提意云何？是善男子、善女人是因緣故，得福德多不？」

「甚多，世尊！」

寅二、行正迴向德最上

佛言：「不如是善男子、善女人於諸善根心不著，迴向阿耨多羅三藐三菩提，最上、第一、最妙、無上、無與等。⁷⁵

丑三、舉供養大乘初心格量

寅一、供養大千悲田福多

復次，須菩提！若三千大千國土中眾生皆發阿耨多羅三藐三菩提心，十方如恒河沙等國土中一一眾生如恒河沙等劫恭敬、尊重、讚歎、供養是菩薩，衣服、飲食、臥具、醫藥供給所須。於須菩提意云何？是善男子、善女人是因緣故，得福多不？」

⁷⁰ 國土＝世界【聖】(大正 08, 300d, n.15)。

⁷¹ 行＝當得【宮】【聖】(大正 08, 300d, n.16)。

⁷² [須菩…德]十二字－【聖】(大正 08, 300d, n.17)。

⁷³ 皆+(當)【聖】(大正 08, 300d, n.18)。

⁷⁴ (作)+須【聖】(大正 08, 300d, n.19)。

⁷⁵ 卷第十二終，卷第十三隨喜品第三十九之餘首【宋】【元】【明】【宮】(大正 08, 300d, n.20)。

「甚多！世尊！無量無邊阿僧祇，不可以譬喻為比。世尊！若是福德有形者，十方如恒河沙等國土所不受！」

寅二、行正迴向德最上

卯一、正明

佛告須菩提：「善哉！善哉！如汝所言。雖爾，不如善男子、善女人於諸善根心不著迴向阿耨多羅三藐三菩提，最上、第一、最妙、無上、無與等。是無著迴向功德，比前功德，百倍、千倍、百千萬⁷⁶億倍乃至算數譬喻所不能及！」

卯二、總釋所以

何以故？是善男子、善女人取相得法行十善道，四禪、四無量心、四無色定、五神通，取相得法供養須陀洹，恭敬、尊重、讚歎，衣服、飲食、臥具、醫藥供給所須，乃至取相供養菩薩故。」

癸二、諸天領悟具財法二供養

子一、四天王天

爾時，四天王天與二萬諸天⁷⁷合掌禮佛，作是言：「世尊！菩薩摩訶薩最大迴向，以方便力故、以無所得故，以無相法故，以無覺法故，諸善根迴向阿耨多羅三藐三菩提。如是迴向，不墮二法。」

子二、三十三天

爾時，釋提桓因亦與無數百千億⁷⁸三十三天及餘諸天子持天華、瓔珞、搗香、澤香、天衣、幡蓋、鼓天⁷⁹伎樂以供養佛，如⁸⁰是言：「世尊！菩薩摩訶薩最大迴向，以方便力故、以無所得故，以無相法故，以無覺法故，諸善根迴向阿耨多羅三藐三菩提。如是迴向，不墮二法。」

子三、餘欲天

須夜摩天王與千天子，刪兜率陀、化樂、他化自在諸天王各與千

⁷⁶ [萬] - 【聖】(大正 08, 300d, n.21)。

⁷⁷ 天+(子)【元】【明】(大正 08, 301d, n.1)。

⁷⁸ [百千億] - 【聖】(大正 08, 301d, n.2)。

⁷⁹ 鼓天=天鼓【宋】【宮】(大正 08, 301d, n.3)。

⁸⁰ 如=作【元】【明】(大正 08, 301d, n.4)。

天子俱，供養佛已，作如⁸¹是言：「世尊！菩薩摩訶薩最大迴向，以方便力故、以無所得故、以無相法故、以無覺法故，諸善根迴向阿耨多羅三藐三菩提。如是迴向，不墮二法。」

子四、諸梵天

爾時，諸梵天與無數百千億那由他諸天，俱詣佛所，頭面禮佛足，發大音聲，如⁸²是言：「未曾有也！世尊！菩薩摩訶薩為般若波羅蜜所護，以方便力故，勝前善男子、善女人取相有所得者。」

光音天乃至阿迦尼吒天與無數百千億那由他諸天，俱詣佛所，頭面禮足⁸³，發大音聲，如是言：「未曾有也！世尊！菩薩摩訶薩為般若波羅蜜所護，以方便力故，勝前善男子、善女人取相有所得者。」

癸三、佛述成諸天領悟重格量顯勝

子一、有所得隨喜迴向

爾時，佛告四天王天乃至阿迦尼吒諸天子：「若三千大千世界⁸⁴中所有眾生皆發阿耨多羅三藐三菩提心，是一切菩薩念過去、未來、現在諸佛及聲聞、辟支佛諸善根，從初發意乃至法住，於其中間所有善根；并餘一切眾生所有善根——所謂布施、持戒、忍辱、精進、一心、智慧，檀那波羅蜜乃至般若波羅蜜，戒眾、定眾、慧眾、解脫眾、解脫知見眾——如是等諸餘無量佛法，一切和合隨喜；隨喜已，迴向阿耨多羅三藐三菩提，以取相有所得故。」

子二、無所得隨喜迴向

丑一、正明

復有善男子、善女人發阿耨多羅三藐三菩提心，念過去、未來、現在諸佛及聲聞、辟支佛，從初發意乃至法住，於其中間所有善根；并餘一切眾生所有善根——所謂布施、持戒、忍辱、精進、一心、智慧，檀那波羅蜜乃至無量諸佛法，一切和合稱量，以無所得故、

⁸¹ [如] — 【宋】【元】【明】【宮】(大正 08, 301d, n.5)。

⁸² 如=作 【宋】【元】【明】【宮】(大正 08, 301d, n.6)。

⁸³ (佛)+足 【宋】【元】【明】【宮】【聖】(大正 08, 301d, n.7)。

⁸⁴ 世界=國土 【宋】【元】【明】【宮】(大正 08, 301d, n.8)。

無⁸⁵二法故、無有⁸⁶相法故、不著法故、無覺法故，是最上隨喜，第一、最妙、無上、無與等隨喜；隨喜⁸⁷已，迴向阿耨多羅三藐三菩提。

丑二、顯勝

是善男子、善女人功德勝前善男子、善女人功德，百倍、千倍、百千萬億倍乃至算數譬喻所不能及。」

壬二、如來重說顯隨喜深妙唯佛能窮

癸一、須菩提請

爾時，須菩提白佛言：「世尊！世尊說善男子、善女人和合諸善根，稱量隨喜迴向，最上、第一、最妙、無上、無與等。世尊！云何名隨喜最上乃至無與等？」

癸二、如來重說

子一、稱實相隨喜

佛言：「若善男子、善女人於過去、未來、現在諸法，不取不捨、不念非不念、不得非不得，是諸法中亦無有法生者滅者、若垢若淨、諸法不增不減、不來不去、不合不散、不入不出；如過去、未來、現在諸法相，如如相、法性、法住、法位，我亦如是隨喜；隨喜已，迴向阿耨多羅三藐三菩提——如是迴向，最上、第一、最妙、無上、無與等！」

須菩提！是隨喜法比餘隨喜，百倍、千倍、百千萬億⁸⁸倍乃至算數、譬喻所不能及！

子二、與解脫等隨喜

復次，須菩提！求佛道善男子、善女人於過去、未來、現在諸佛及聲聞、辟支佛從初發心乃至法住，於其中間所有善根——若布施乃至智慧，檀那波羅蜜乃至無量諸佛法，及餘一切眾生所有善根，若欲隨喜者，應如是隨喜——作是念：『布施與解脫等，戒、忍、精進、禪、智與解脫等；色與解脫等，受、想、行、識亦與解脫等；

⁸⁵ (以)+無【聖】(大正 08, 301d, n.9)。

⁸⁶ [有]—【宋】【元】【明】【宮】【聖】(大正 08, 301d, n.10)。

⁸⁷ [隨喜]—【宮】(大正 08, 301d, n.11)。

⁸⁸ [萬億]—【聖】(大正 08, 301d, n.12)。

內空與解脫等，乃至無法有法空亦與解脫等；四念處與解脫等，乃至八聖道分亦與解脫等；佛十力與解脫等，乃至一切種智亦與解脫等。戒眾、定眾、慧眾、解脫眾、解脫知見眾，亦與解脫等；隨喜與解脫等；過去、未來、現在諸法與解脫等；十方諸佛與解脫等；諸佛迴向與解脫等；諸佛與解脫等；諸佛滅度與解脫等；諸佛弟子聲聞、辟支佛與解脫等；諸佛弟子滅度與解脫等；諸佛⁸⁹法相與解脫等；諸聲聞、辟支佛法相與解脫等，一切諸法相亦與解脫等。我以是諸善根相隨喜功德，迴向阿耨多羅三藐三菩提，亦與解脫等——不生不滅故。』

須菩提！是名諸菩薩摩訶薩隨喜功德，最上、第一、最妙、無上、無與等。

須菩提！菩薩成就是隨喜功德，當疾得阿耨多羅三藐三菩提。

癸三、舉久供養十方佛田格量

子一、有所得供養

復次，須菩提！十方如恒河沙等現在諸佛及諸弟子，現在⁹⁰若有求佛道善男子、善女人，盡形⁹¹壽供養是諸佛及弟子一切所須，供養、恭敬、尊重、讚歎，衣服、飲食、臥具、醫藥；是諸佛滅度後，晝夜勤修供養、恭敬、尊重、讚歎，華香乃至幡蓋、伎樂，以取相有所得故。持戒、忍辱、精進、禪定、修⁹²智慧，以取相有所得故。

子二、無所得正迴向

丑一、正明

復有善男子、善女人發意求阿耨多羅三藐三菩提，行檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，以不取相、無所得法方便力諸善根迴向阿耨多羅三藐三菩提——

丑二、顯勝

⁸⁹ 佛+(佛)【宋】【元】【明】【宮】(大正 08, 301d, n.13)。

⁹⁰ [現在]—【宋】【元】【明】【宮】(大正 08, 301d, n.14)。

⁹¹ 形=於【宋】【宮】(大正 08, 301d, n.15)。

⁹² [修]—【明】(大正 08, 302d, n.1)。

是福德最上、第一、最妙、無上、無與等，勝前福德，百倍、千倍、百千萬倍⁹³乃至算數譬喻所不能及。

癸四、勸修行正迴向

如是！須菩提！菩薩摩訶薩行檀那波羅蜜時⁹⁴，尸羅波羅蜜、羸提波羅蜜、毘梨耶波羅蜜、禪那波羅蜜、般若波羅蜜時，以方便力故，諸善根應迴向阿耨多羅三藐三菩提，以不取相、無所得法故。」

⁹³ 萬倍 = 萬億倍【宋】【元】【明】【宮】， = 億倍【聖】(大正 08，302d，n.2)。

⁹⁴ [時] - 【明】(大正 08，302d，n.3)。

《摩訶般若波羅蜜經》卷 11 〈40 照明¹品〉冠科²

《摩訶般若波羅蜜經》卷 11 (大正 08, 302a17-304a16)：

己三、歎法美人因說般若³

庚一、歎於法

辛一、稱歎般若供養生信

壬一、稱歎般若

癸一、能成隨喜歎

爾時，慧命舍利弗白佛言：「世尊！是般若波羅蜜？」

佛言：「是般若波羅蜜。」

癸二、淨明歎

「世尊！般若波羅蜜能照一切法，畢竟淨故。

癸三、歸崇歎

世尊！應禮般若波羅蜜。

癸四、無所著歎

世尊！般若波羅蜜不著三界。

癸五、能除煩惱歎

世尊！般若波羅蜜除諸闇冥，一切煩惱諸見除故。

癸六、助道最上歎

世尊！般若波羅蜜一切助道法中最上。

癸七、能離苦果歎

世尊！般若波羅蜜安隱，能斷一切怖畏苦惱故。

癸八、總攝五眼歎

世尊！般若波羅蜜能與光明，五眼莊嚴故。

¹ 照明=大度【宮】(大正 08, 302d, n.6)。

² 妙境法師，《摩訶般若波羅蜜經》冠科(上冊)，pp.485-495。

³ 對照《大智度論》卷 62 〈40 照明品〉(大正 25, 496a25-498c15)。

癸九、顯示中道歎

世尊！般若波羅蜜能示導墮邪道⁴眾生，離二邊故。

癸十、能成種智歎

世尊！般若波羅蜜是一切種智，一切煩惱及習斷故。

癸十一、能生菩薩歎

世尊！般若波羅蜜是⁵諸菩薩摩訶薩母，能生諸佛法故。

癸十二、無生無滅歎

世尊！般若波羅蜜不生不滅，自相空故。

癸十三、拔苦本歎

世尊！般若波羅蜜遠離生死，非常非滅故。

癸十四、與樂本歎

世尊！般若波羅蜜——無救者作護，施一切珍寶故。

癸十五、不可破壞歎

世尊！般若波羅蜜具足力，無能破壞故。

癸十六、無轉無還歎

世尊！般若波羅蜜能轉三轉十二行法輪，一切諸法不轉不還故。

癸十七、能離有無歎

世尊！般若波羅蜜能示諸法性，無法有法空故。

壬二、明供養般若

癸一、明供養

子一、舍利弗問供養之方

世尊！應云何供養般若波羅蜜？」

子二、佛答

佛言：「當如供養世尊！禮般若波羅蜜，當如禮世尊！

何以故？世尊不異般若波羅蜜，般若波羅蜜不異世尊；世尊即⁶是般

⁴ 道=見【宋】【元】【明】【宮】(大正 08, 302d, n.8)。

⁵ [是]—【聖】(大正 08, 302d, n.9)。

⁶ 即=則【宋】【元】【明】【宮】(大正 08, 302d, n.10)。

若波羅蜜，般若波羅蜜即是世尊。

是般若波羅蜜中出生諸佛、菩薩、辟支佛、阿羅漢、阿那含、斯陀含、須陀洹；般若波羅蜜中生十善道，四禪、四無量心、四無色定、五神通，內空乃至無法有法空，四念處乃至八聖道分；是般若波羅蜜中生佛十力、十八不共法、大慈大悲、一切種智。」

癸二、釋疑

子一、天主疑

爾時，釋提桓因心念：「何因緣故，舍利弗問是事？」念已，語舍利弗：「何因緣故問是事？」

子二、舍利弗釋

丑一、以般若方便力成隨喜迴向義釋

舍利弗語釋提桓因言：「憍尸迦！諸菩薩摩訶薩為般若波羅蜜守護，以漚想⁷拘舍羅力故，於過去、未來、現在諸佛，從⁸初發心乃至法住，於其中間所作善根，一切和合隨喜，迴向阿耨多羅三藐三菩提。以是因緣故，我問是事。

丑二、明般若力勝眾行導眾行得一切種智

寅一、法說

憍尸迦！菩薩摩訶薩般若波羅蜜勝檀那波羅蜜、尸羅⁹、羸提、毘梨耶、禪那波羅蜜。

寅二、譬說

譬如生盲人，若百、若千、若百千而無前導，不能趣道、入城。

寅三、合說

憍尸迦！五波羅蜜亦如是。離般若波羅蜜，如盲無導，不能趣道，不能得一切智¹⁰。

憍尸迦！若五波羅蜜得般若波羅蜜將導，是時五波羅蜜名為有眼；般若波羅蜜將導，得波羅蜜名字。」

⁷ 想=和【宋】【宮】【聖】(大正 08, 302d, n.11)。

⁸ [從] - 【宮】(大正 08, 302d, n.12)。

⁹ 羅+(波羅蜜)【宋】【元】【明】【宮】(大正 08, 302d, n.13)。

¹⁰ (種)+智【元】【明】(大正 08, 302d, n.14)。

子三、天主難

丑一、牒將導義

釋提桓因語舍利弗：「如所言：『般若波羅蜜將導五波羅蜜故，得波羅蜜名字。』」

丑二、明相資成亦應相導

舍利弗！若無檀那波羅蜜助¹¹，五波羅蜜不得波羅蜜名字；若無尸羅波羅蜜、羼提波羅蜜、毘梨耶波羅蜜、禪那波羅蜜，五波羅蜜不得波羅蜜名字。

丑三、正設難

若爾者，何以故獨讚般若波羅蜜？」

子四、舍利弗答

丑一、許其相資成義

舍利弗言：「如是！如是！憍尸迦！無檀那波羅蜜，五波羅蜜不得波羅蜜名字；無尸羅波羅蜜、羼提波羅蜜、毘梨耶波羅蜜、禪那波羅蜜，五波羅蜜不得波羅蜜名字。

丑二、正答相資成但般若為主

但菩薩摩訶薩住般若波羅蜜中，能具足檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜。以是故，憍尸迦！般若波羅蜜於五波羅蜜中，最上、第一、最妙、無上、無與等。」

壬三、明生般若

癸一、諸法不生般若生

子一、正明

舍利弗白佛言：「世尊！云何應生般若波羅蜜？」

佛告舍利弗：「色不生故，般若波羅蜜生；受、想、行、識不生故，般若波羅蜜生；檀那波羅蜜不生故，般若波羅蜜生；乃至禪那波羅蜜不生故，般若波羅蜜生；內空乃至無法有法空……四念處乃至八聖道分……佛十力乃至一切智……；一切種智不生故，般若波羅蜜生。如是諸法不生故，般若波羅蜜應生。」

¹¹〔助〕－【宮】【聖】(大正 08, 302d, n.15)。

子二、釋所以

舍利弗言：「世尊！云何色不生故般若波羅蜜生？乃至一切諸法不生故般若波羅蜜應生？」

佛言：「色不起、不生、不得、不失故，乃至一切諸法不起、不生、不得、不失故，般若波羅蜜生。」

癸二、合不合釋成生不生義

子一、明有方便合不合皆得

丑一、無生相故明無合

寅一、舍利弗與佛論

舍利弗白佛言：「如是生般若波羅蜜，與何等法合？」

佛言：「無所與¹²合。以是故得名般若波羅蜜。」

「世尊！不與¹³何等法合¹⁴？」

佛言：「不與不善法合，不與善法合；不與世間法合，不與出世間法合；不與有漏法合，不與無漏法合；不與有罪法合，不與無罪法合；不與有為法合，不與無為法合。何以故？般若波羅蜜不為得法¹⁵故生，以是故於諸法無所合。」

寅二、天主與佛論

爾時，釋提桓因白佛言：「世尊！是般若波羅蜜亦不合薩婆若。」

佛言：「如是！憍尸迦！般若波羅蜜亦不合薩婆若，亦不得故¹⁶。」

丑二、破斷見故明合

寅一、明不如名相起作法合

釋提桓因言¹⁷：「世尊！云何般若波羅蜜亦不合薩婆若，亦不得？」

佛言：「般若波羅蜜不如名字、不如相、不如起作法合¹⁸。」

¹² [與] — 【宋】【元】【明】(大正 08, 303d, n.1)。

¹³ 與=合【聖】(大正 08, 303d, n.2)。

¹⁴ [合] — 【聖】(大正 08, 303d, n.3)。

¹⁵ (諸)+法【元】【明】(大正 08, 303d, n.4)。

¹⁶ [故] — 【宋】【元】【明】【宮】【聖】(大正 08, 303d, n.5)。

¹⁷ (白佛)+言【聖】(大正 08, 303d, n.6)。

寅二、如佛心合

釋提桓因言：「今云何合？」

佛言：「若菩薩摩訶薩如不取、不受、不住、不著、不斷——如是合，亦無所合。如是！憍尸迦！般若波羅蜜、一切法合，亦無所合。」

寅三、天主領解

爾時，釋提桓因白佛言：「未曾有也！世尊！是般若波羅蜜力¹⁹為一切法不起、不生、不得、不失故生。」

子二、明無方便合不合皆失

丑一、須菩提明見合不合失般若

須菩提白佛言：「世尊！若菩薩摩訶薩行般若波羅蜜時，作是念：『般若波羅蜜，若一切法合、若不合。』是菩薩摩訶薩則捨般若波羅蜜、遠離般若波羅蜜。」

丑二、佛更明無合無不合見亦失般若

佛告須菩提：「復有因緣，菩薩摩訶薩捨般若波羅蜜、遠離般若波羅蜜。若菩薩摩訶薩作是念：『是般若波羅蜜無所有、空虛²⁰、不堅固。』是菩薩摩訶薩則捨般若波羅蜜，遠離般若波羅蜜。須菩提！以是因緣故，捨離般若波羅蜜。」

壬四、明信般若

癸一、出不信法明信

須菩提白佛言：「世尊！信般若波羅蜜，為不²¹信何法？」

佛告須菩提：「信般若波羅蜜，則不信色，不信受、想、行、識；不信眼乃至意，不信色乃至法，不信眼識²²界乃至意識界；不信檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜；不信內空乃至無法有法空；不信四念處乃至八聖道分；不信佛十力乃至十八不共

¹⁸ [合] — 【聖】(大正 08, 303d, n.3-1)。

¹⁹ [力] — 【宋】【元】【明】【宮】【聖】(大正 08, 303d, n.7)。

²⁰ 空虛 = 虛空【聖】(大正 08, 303d, n.8)。

²¹ [不] — 【聖】(大正 08, 303d, n.9)。

²² [識] — 【元】【明】【宮】【聖】(大正 08, 303d, n.10)。

法；不信須陀洹果、斯陀含果、阿那含果、阿羅漢果、辟支佛道；不信菩薩道；不信阿耨多羅三藐三菩提乃至一切種智。」

癸二、釋不信法明信

須菩提白佛言：「世尊！云何信般若波羅蜜時，不信色乃至一切種智？」

佛告須菩提：「色不可得故，信般若波羅蜜，不信色；乃至一切種智不可得故，信般若波羅蜜，不信一切種智。以是故，須菩提！信般若波羅蜜時，不信色乃至不信一切種智。」

壬五、領解稱歎²³

癸一、明妙契中道遠離有無即有方便得

子一、歎般若不著有無

丑一、須菩提正歎

須菩提白佛言：「世尊！是般若波羅蜜名為摩訶波羅蜜。」

丑二、佛反問

「須菩提！何因緣故，是般若波羅蜜名為摩訶波羅蜜？」

丑三、須菩提釋歎因緣

寅一、舉五門釋

卯一、不作大小

須菩提言：「世尊！是般若波羅蜜，不作色大，不作色小，受、想、行、識不作大、不作小；眼乃至意，色乃至法，眼識界乃至意識界，不作大，不作小；檀那波羅蜜乃至禪那波羅蜜，不作大，不作小；內空乃至無法有法空，不作大，不作小；四念處乃至阿耨多羅三藐三菩提，不作大，不作小；諸佛法，不作大，不作小；諸佛，不作大，不作小。」

卯二、不作合散

是般若波羅蜜，不作色²⁴合，不作色²⁵散，受、想、行、識不作合、不作散；乃至諸佛不作合，不作散。」

卯三、不作無量非無量

²³ 對照《大智度論》卷 62 〈40 照明品〉(大正 25, 498c16-500a27)。

²⁴ 不作色 = 色不作【聖】(大正 08, 303d, n.11)。

²⁵ [色] - 【聖】(大正 08, 303d, n.12)。

不作色²⁶無量、不作色非無量；乃至諸佛不作無量、不作非無量。

卯四、不作廣狹

不作色廣、不作色狹²⁷；乃至諸佛不作廣、不作狹。

卯五、不作有力無力

不作色有力、不作色無力；乃至諸佛不作有力、不作無力。

寅二、結歎

世尊！以是因緣故，是般若波羅蜜名摩訶波羅蜜。

子二、明始行之人若福慧圓修則不著

世尊！若新發意菩薩摩訶薩若不遠離般若波羅蜜、不遠離禪那波羅蜜、不遠離毘梨耶波羅蜜、不遠離羸提波羅蜜、不遠離尸羅²⁸波羅蜜、不遠離檀那²⁹波羅蜜，如是念：『是般若波羅蜜，不作色大、不作色小，乃至諸佛不作大、不作小；不作色³⁰合、不作色³¹散；不作色無量、不作色非無量；不作色有力、不作色無力；乃至諸佛不作有力、不作無力。』

癸二、明不會中道則著二邊即無方便失

子一、失因

世尊！菩薩摩訶薩若如是知，是為不行般若波羅蜜。

何以故？是非般若波羅蜜相——所謂作色大小乃至諸佛作大小，色有力、無力乃至諸佛有力、無力。

子二、失果

世尊！是菩薩摩訶薩用有所得故，有大過失——所謂行般若波羅蜜時，作色大、作色小，乃至諸佛作有力、作無力。何以故？有所得相者，無阿耨多羅三藐三菩提。

癸三、舉十門釋成得失

²⁶ 不作色 = 色不作【宮】(大正 08, 303d, n.13)。

²⁷ 狹 = 夾【聖】(大正 08, 303d, n.14)。

²⁸ [羅] — 【宋】【元】【明】【宮】(大正 08, 303d, n.15)。

²⁹ [那] — 【宋】【元】【明】【宮】【聖】(大正 08, 303d, n.16)。

³⁰ 不作色 = 色不作【宋】【元】【明】【宮】(大正 08, 303d, n.17)。

³¹ [色] — 【宋】【元】【明】【宮】【聖】(大正 08, 303d, n.18)。

子一、正列十門釋

丑一、不生門

所以者何？眾生不生故，般若波羅蜜³²不生；色不生故，般若波羅蜜³³不生；乃至佛不生故，般若波羅蜜不生。

丑二、性無門

眾生性無故，般若波羅蜜性無；色性無故，般若波羅蜜性無；乃至佛性無故，般若波羅蜜性無。

丑三、非法門

眾生非法故，般若波羅蜜非法；色非法故，般若波羅蜜非法；乃至佛非法故，般若波羅蜜非法。

丑四、空門

眾生空故，般若波羅蜜空；色空故，般若波羅蜜空；乃至佛空故，般若波羅蜜空。

丑五、離門

眾生離故，般若波羅蜜離；色離故，般若波羅蜜離；乃至佛離故，般若波羅蜜離。

丑六、無有門

眾生無有故，般若波羅蜜無有；色無有故，般若波羅蜜無有；乃至佛無有故，般若波羅蜜無有。

丑七、不可思議門

眾生不可思議故，般若波羅蜜不可思議；色不可思議故，般若波羅蜜不可思議；乃至佛不可思議故，般若波羅蜜不可思議。

丑八、不滅門

眾生不滅故，般若波羅蜜不滅；色不滅故，般若波羅蜜不滅；乃至佛不滅故，般若波羅蜜不滅。

丑九、不可知門

³² 蜜+(多)【宋】【元】【明】【宮】，蜜+(亦)【聖】(大正 08，303d，n.19)。

³³ [不生…蜜]十一字—【宋】【元】【明】【宮】(大正 08，303d，n.20)。

眾生不可知故，般若波羅蜜不可知；色不可知故，般若波羅蜜不可知；乃至佛不可知故，般若波羅蜜不可知。

丑十、力不成就門

眾生力不成就故，般若波羅蜜力不成就；色力不成就故，般若波羅蜜力不成就；乃至佛力不成就故，般若波羅蜜力不成就。

子二、結歎

世尊！以是因緣故，諸菩薩摩訶薩般若波羅蜜名為摩訶波羅蜜³⁴。」

³⁴ 以上大般若第二會第三十八大師品。梵. ityukto' bhīnirhāraḥ. (大正 08, 304d, n.1)。

《摩訶般若波羅蜜經》卷 11 〈41 信毀¹品〉冠科²

《摩訶般若波羅蜜經》卷 11 (大正 08, 304a17-306b22):

辛二、明般若信毀罪福³

壬一、明信

癸一、般若甚深久植三多方能信

子一、舍利弗問

丑一、正問信解所由

爾時，慧命舍利弗白佛言：「世尊！有菩薩摩訶薩信解是般若波羅蜜者，從何處終，來生是間？發阿耨多羅三藐三菩提心來為幾時？為供養幾佛？行檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，供養幾佛⁴來為幾⁵時？」

丑二、結成現在聞能信解

能隨順解深般若波羅蜜義？」

子二、佛答

丑一、過去行因

佛告舍利弗：「是菩薩摩訶薩，供養十方諸佛，來生是間；是菩薩發阿耨多羅三藐三菩提心來，無量無邊阿僧祇百千萬億劫；是菩薩摩訶薩從初發心常行六波羅蜜⁶；供養無量無邊不可思議阿僧祇諸佛，來生是間。」

丑二、現在聞即信解

舍利弗！是菩薩摩訶薩若見、若聞般若波羅蜜，作是念：『我見佛，

¹ 信毀=泥犁【宮】【聖】(大正 08, 304d, n.1)。

² 妙境法師，《摩訶般若波羅蜜經》冠科(上冊)，pp.496-509。

³ 對照《大智度論》卷 62 〈41 信謗品〉(大正 25, 500a29-503a12)。

⁴ [供養幾佛]—【宋】【元】【明】【宮】(大正 08, 304d, n.4)。

⁵ [為幾]—【聖】(大正 08, 304d, n.5)。

⁶ 六波羅蜜=(檀那波羅蜜尸羅波羅蜜羼提波羅蜜毗梨耶波羅蜜禪那波羅蜜般若波羅蜜)三十一字【宋】【元】【明】【宮】，=(檀波羅蜜尸波羅蜜羼提波羅蜜毘梨耶波羅蜜禪波羅蜜般若波羅蜜)廿八字【聖】(大正 08, 304d, n.6)。

從佛聞法。』舍利弗！是菩薩摩訶薩能隨順解深般若波羅蜜義，以無相無二、無所得故。」

癸二、所信般若絕於聞見

子一、須菩提問般若可見可聞不

須菩提白佛言：「世尊！是般若波羅蜜可聞、可見耶⁷？」

子二、佛答：般若不可得見聞

佛告須菩提：「是般若波羅蜜無有聞者、無有見者；般若波羅蜜無聞、無見，諸法鈍故。禪那波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜無聞、無見，諸法鈍故。

內空無聞、無見，諸法鈍故；乃至無法有法空無聞、無見，諸法鈍故。四念處無聞、無見，諸法鈍故；乃至八聖道分無聞、無見，諸法鈍故。佛十力乃至十八不共法無聞、無見，諸法鈍故。須菩提！佛及佛道無聞、無見，諸法鈍故。」

癸三、始行之人亦能信受

須菩提白佛言：「世尊！是菩薩幾時行佛道，能習行如是深般若波羅蜜？」

佛告須菩提：「是中應分別說。

須菩提！有菩薩摩訶薩初發意習行深般若波羅蜜、禪那波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜，以方便力故，於法無所破壞，不見諸法無利益者；亦終不遠離行六波羅蜜，亦不遠離諸佛；從一佛國⁸至一佛國，若欲以善根力供養諸佛，隨意即得；終不生母人腹中，終不離諸神通，終不生諸煩惱及聲聞、辟支佛心；從一佛國至一佛國，成就眾生、淨佛國土。須菩提！如是等諸菩薩摩訶薩能習行深般若波羅蜜。

壬二、明毀

癸一、明久攝不信之因發言毀謗深法成大業

⁷ 耶=那【宋】【宮】(大正 08, 304d, n.7)。

⁸ 國=世界【宋】【元】【明】【宮】(大正 08, 304d, n.8)。

須菩提！有菩薩摩訶薩多見諸佛若無量百千萬億⁹，從諸佛所行布施、持戒、忍辱、精進、一心、智慧，皆以有所得故。

是菩薩聞說深般若波羅蜜時，便從眾中起去，不恭敬深般若波羅蜜及諸佛。是菩薩今在此眾中坐，聞是甚深般若波羅蜜，不樂故¹⁰便捨去。何以故？是善男子、善女人等先世聞深般若波羅蜜時棄捨去，今世聞深般若波羅蜜亦棄捨去，身心不和。

是人種愚癡因緣業，種是愚癡因緣罪故，聞說深般若波羅蜜皆¹¹毀；皆毀深¹²般若波羅蜜故，則為¹³皆毀過去、未來、現在諸佛一切智、一切種智。

癸二、明無量劫受重苦

子一、明受苦果

丑一、明正報

是人毀皆¹⁴三世諸佛一切智故，起破法業¹⁵；破法業因緣集故，無量百千萬億歲墮大地獄中。是破法人輩，從一大地獄至一大地獄，若火劫起時，至他方大地獄中生；在彼間，從一大地獄至一大地獄，彼間若火劫起時，復至他方大地獄中生；在彼間，從一大地獄至一大地獄，如是遍十方，彼間若火劫起故，從彼死。破法業因緣未盡故，還來是間大地獄中生。此間，亦從一大地獄至一大地獄，受無量苦。

丑二、明餘報

此間火劫起時¹⁶，復生¹⁷十方他國土生。

畜生中，受破法罪業苦，如地獄中說。

重罪轉薄，或得人身，生¹⁸盲人家，生旃陀羅家，生除廁、擔死人種

⁹ 億+(劫)【宋】【元】【明】【宮】(大正 08, 304d, n.9)。

¹⁰ [故]—【聖】(大正 08, 304d, n.10)。

¹¹ 皆=譬(大正 08, 304d, n.11)。

¹² [深]—【聖】(大正 08, 304d, n.12)。

¹³ 則為=即是【宋】【元】【明】【宮】，[則為]—【聖】(大正 08, 304d, n.13)。

¹⁴ 毀皆=皆毀【宋】【元】【明】(大正 08, 304d, n.14)。

¹⁵ [破法業]—【聖】(大正 08, 304d, n.15)。

¹⁶ 時=故(大正 08, 304d, n.16)。

¹⁷ 生=至【宮】【聖】(大正 08, 304d, n.17)。

¹⁸ 生+(生)【元】【明】(大正 08, 304d, n.18)。

種下賤家；若無眼、若一眼、若眼瞎、無舌、無耳、無手；所生處無佛、無法、無佛弟子處。何以故？種破法業，積集厚重具足故，受是果報。」

子二、論重輕

丑一、論因

爾時，舍利弗白佛言：「世尊！五逆罪與破法罪相似耶？」

佛告舍利弗：「不應言相似。所以者何？若有人聽說是甚深般若波羅蜜時，毀訾不信般若波羅蜜¹⁹，作是言：『不應學是法，是非法、非善、非佛教，諸佛不說是語²⁰。』是人自訾毀²¹般若波羅蜜，亦教他人毀訾般若波羅蜜；自壞其身，亦壞他人身；自飲毒殺身，亦飲他人毒；自失身²²，亦失他人身；自不知不信、毀訾深般若波羅蜜，亦教他人令不信、不知。

舍利弗！如是人，我不聽聞其名字，何況眼見、共住²³！何以故？當知是人名為污法人，為墮衰濁黑性。

如是人，若有聽其言、信用其語，亦受如是苦。舍利弗！若人破般若波羅蜜，當知是名為壞²⁴法人。」

丑二、論果

舍利弗白佛言：「世尊！世尊說壞²⁵法之人所受重罪，不說是人所受身體大小？」

佛告舍利弗：「不須說是人受身大小。何以故？是壞²⁶法人若聞自²⁷所受身體大小，便當吐熱血，若死、若近死苦²⁸。是破法人聞如是身有如

¹⁹ [般若波羅蜜] — 【聖】(大正 08, 304d, n.19)。

²⁰ 語 = 說【聖】(大正 08, 305d, n.1)。

²¹ 訾毀 = 毀訾【宋】【元】【明】【宮】(大正 08, 305d, n.2)。

²² (其) + 身【宋】【元】【明】【宮】(大正 08, 305d, n.3)。

²³ [共住] — 【聖】(大正 08, 305d, n.4)。

²⁴ 壞 = 破【宮】(大正 08, 305d, n.5)。

²⁵ 壞 = 破【宮】【聖】(大正 08, 305d, n.6)。

²⁶ 壞 = 破【宋】【元】【明】【宮】【聖】(大正 08, 305d, n.7)。

²⁷ [自] — 【聖】(大正 08, 305d, n.8)。

²⁸ 苦 = 若【宋】【元】【明】【宮】(大正 08, 305d, n.9)。

是重罪，是人便大愁²⁹毒³⁰，如箭入心，漸漸乾³¹枯。作是念：『破法罪故，得如是大醜身，受如是無量苦。』以是故，佛不聽舍利弗問³²是人所受身體大小。」

舍利弗白佛言：「願佛說之！為未來世作明，令³³知破法業積集故，得如是大醜身，受如是苦。」

佛告舍利弗：「後世人若聞是破法業積集厚重具足，受大地獄中久久無量苦，聞是久久無量³⁴時苦，足為未來世作明誠³⁵！」

舍利弗白佛言：「世尊！若白淨³⁶性善男子、善女人，聞是法足作依止，寧失身命，不壞法，自念：『我若破法，當受如是苦！』」

癸三、勸攝三業兼辨毀謗之因³⁷

子一、勸攝三業

爾時，須菩提白佛言：「世尊！善男子、善女人應好攝身、口、意業，無受如是諸苦——或不見佛，或不聞法，或不親近僧，或生無佛國土中，或生人中墮貧窮家，或人不信受其言。」

子二、出毀謗因

丑一、別明口業

須菩提白佛言：「世尊！以積集口業故，有如是破法重罪耶？」

佛告須菩提：「以積集口業故，有是破法重罪。」

須菩提！是愚癡人在佛法中出家受戒，破深般若波羅蜜，毀訾、不受。

須菩提！若破般若波羅蜜、毀訾般若波羅蜜，則為破十方諸佛一切智；一切智破故，則為破佛寶；破佛寶故，破法寶；破法寶故，破僧寶；破

²⁹ [大愁] — 【聖】(大正 08, 305d, n.10)。

³⁰ 毒=憂(大正 08, 305d, n.11)。

³¹ 乾=干(大正 08, 305d, n.12)。

³² 問=聞【宮】(大正 08, 305d, n.13)。

³³ (戒)+令【元】【明】(大正 08, 305d, n.14)。

³⁴ 時苦=苦時【宋】【元】【明】【宮】(大正 08, 305d, n.15)。

³⁵ [誠] — 【宋】【宮】【聖】，誠=戒【元】【明】(大正 08, 305d, n.16)。

³⁶ 白淨=白【元】【宮】，=自【聖】(大正 08, 305d, n.17)。

³⁷ 對照《大智度論》卷 63 〈41 信謗品〉(大正 25, 503a21-504a12)。

三寶故，則破世間正見；破世間正見故，則破四念處乃至破一切種智法；破一切種智法故，則得無量無邊阿僧祇罪；得無量無邊阿僧祇罪已，則受無量無邊阿僧祇憂苦。」

丑二、明四因緣

寅一、標問答數

須菩提白佛言：「世尊！是愚癡人毀訾、破壞是深般若波羅蜜，有幾因緣？」

佛告須菩提：「有四因緣，是愚癡人毀訾破是深般若波羅蜜。」

寅二、釋四因緣

卯一、內有煩惱魔外天魔入心

須菩提³⁸言：「世尊！何等四？」

佛言³⁹：「是愚癡人為魔所使故，欲毀訾、破壞深般若波羅蜜——是名初因緣。」

卯二、堅著邪見鈍根不解

是愚癡人不信深法，不信不解，心不得清淨——是第二因緣故，是愚癡人欲毀訾、破壞深般若波羅蜜。」

卯三、外值惡師內復懈怠

是愚癡人與惡知識相隨，心沒懈怠，堅著五受陰——是第三因緣故，是愚癡人欲⁴⁰毀訾、破壞深般若波羅蜜。」

卯四、世習瞋慢

是愚癡人多行瞋恚，自高輕人——是第四因緣故，是愚癡人欲毀訾、破壞深般若波羅蜜。」

寅三、結四因緣

須菩提！以是四因緣故，愚癡人欲破壞深般若波羅蜜。」

³⁸ [須菩…尊] 六字—【聖】(大正 08, 305d, n.18)。

³⁹ [佛言]—【宋】【元】【明】【宮】【聖】(大正 08, 305d, n.19)。

⁴⁰ [欲]—【宮】(大正 08, 305d, n.20)。

辛三、歎般若甚深明信毀之本⁴¹

壬一、佛泯縛解境智因果以明淨義

癸一、明泯縛解故甚深

子一、舉三緣明難信解故深

須菩提白佛言：「世尊！是般⁴²若波羅蜜，不勲精進、種不善根、惡友相得，此⁴³人難信難解。」

佛言：「如是！如是！須菩提！深⁴⁴般若波羅蜜，不勲精進、種不善根、惡友相得，此⁴⁵人難信難解。」

子二、明諸法無縛無解

丑一、約五陰明

須菩提白佛言：「世尊！是般若波羅蜜云何甚深難信難解？」

「須菩提！色不縛不解。何以故？無所有性是色。
受、想、行、識不縛不解。何以故？無所有性是受、想、行、識。」

丑二、約六度明

檀那波羅蜜不縛不解，何以故？無所有性是檀那波羅蜜。
尸羅波羅蜜不縛不解，何以故？無所有性是尸羅波羅蜜。
羼提波羅蜜不縛不解，何以故？無所有性是羼提波羅蜜。
毘梨耶波羅蜜不縛不解，何以故？無所有性是毘梨耶波羅蜜。
禪那波羅蜜不縛不解，何以故？無所有性是禪那波羅蜜。
般若波羅蜜不縛不解，何以故？無所有性是般若波羅蜜。

丑三、約十八空及諸道法明

須菩提！內空不縛不解，何以故？無所有性是內空。
乃至無法有法空不縛不解，何以故？無所有性是無法有法空。
四念處不縛不解，何以故？無所有性是四念處。

⁴¹ 對照《大智度論》卷 63 〈41 信謗品〉(大正 25, 504a13-505b6)。

⁴² (深)+般【宋】【元】【明】【宮】(大正 08, 305d, n.21)。

⁴³ 此=此之【宋】，〔此〕-【元】【明】【宮】(大正 08, 305d, n.22)。

⁴⁴ (是)+深【宋】【元】【明】【宮】【聖】(大正 08, 305d, n.23)。

⁴⁵ 〔此〕-【元】【明】【宮】【聖】，此=說【宋】(大正 08, 305d, n.24)。

乃至一切智、一切種智不縛不解。何以故？無所有性是一切智⁴⁶、一切種智。

丑四、約三世明

須菩提！色本際不縛不解，何以故？色⁴⁷本際無所有性是色。

受、想、行、識乃至一切種智本際不縛不解，何以故？本際無所有性是一切種智。

須菩提！色後際不縛不解，何以故？後際無所有性是色。

受、想、行、識乃至一切種智後際不縛不解，何以故？後際無所有性是一切種智。

須菩提！現⁴⁸在色不縛不解，何以故？現在色⁴⁹無所有性是色。

受、想、行⁵⁰、識乃至現在一切種智不縛不解。何以故？現在無所有性是一切種智。」

癸二、明般若非深不深畢竟淨

子一、舉八緣明難信解故深

須菩提白佛言：「世尊！是般若波羅蜜，不勤精進、不種善根、惡友相得、懈怠、少進、憙忘、無巧便慧——如此之人實難信難解。」

佛言⁵¹：「如是！如是！須菩提！是般若波羅蜜，不勤精進、不種善根、惡友相得、繫屬於魔、懈怠、少進、憙忘、無巧便慧——如此之人實難信難解。」

子二、明境智因果淨

丑一、明因果淨

何以故？色淨，果亦淨；受、想、行、識淨，果亦淨；乃至阿耨多羅三藐三菩提淨，果亦淨。

復次，須菩提！色淨故即般若波羅蜜淨，般若波羅蜜淨即色淨。

⁴⁶ [一切智] — 【聖】(大正 08, 305d, n.25)。

⁴⁷ [色] — 【元】【明】【聖】(大正 08, 305d, n.26)。

⁴⁸ 現=行【明】(大正 08, 305d, n.27)。

⁴⁹ [色] — 【明】【聖】(大正 08, 305d, n.28)。

⁵⁰ 行=現【明】(大正 08, 305d, n.29)。

⁵¹ [佛言] — 【宋】【元】【明】【宮】(大正 08, 306d, n.1)。

受、想、行、識淨故⁵²即般若波羅蜜淨，般若波羅蜜淨即受、想、行、識淨。

乃至一切種智淨即般若波羅蜜淨，般若波羅蜜淨即一切種智淨。

色淨、般若波羅蜜淨，無二無別、無斷無壞；乃至一切種智淨、般若波羅蜜淨，無二無別、無斷無壞。

復次，須菩提！不二淨故色淨，不二淨故乃至一切種智淨。

何以故？是不二淨、色淨乃至一切種智淨，無二無別故。

丑二、歷一切法展轉明淨

寅一、約我等明

我淨、眾生淨⁵³乃至知者、見者淨故，色淨⁵⁴、受想行識淨乃至一切種智淨。

色淨乃至一切種智淨故，我淨⁵⁵、眾生乃至知者、見者淨。

何以故？是⁵⁶我、眾生乃至知者、見者淨，色淨乃至一切種智淨，不二不別、無斷無壞。

寅二、約三毒明⁵⁷

復次，須菩提！婬淨故色淨乃至一切種智淨。何以故？婬淨、色淨乃至一切種智淨，不二不別。瞋、癡淨故色淨乃至一切種智淨。何以故？瞋癡淨、色淨乃至一切種智淨，不二不別。

寅三、約十二因緣明

復次，須菩提！無明淨故諸行淨，諸行淨故識淨，識淨故名色淨，名色淨故六入淨，六入淨故觸淨，觸淨故受淨，受淨故愛淨，愛淨故取淨，取淨故有淨，有淨故生淨，生淨故老死淨，老死淨故般若波羅蜜淨，般若波羅蜜淨故乃至檀那波羅蜜淨，檀那波羅蜜淨故內空淨，內空淨故乃至無法有法空淨，無法有法空淨故四念處淨，四念處淨故乃至一切智淨，一切智淨故一切種智淨。

⁵² [故] — 【宋】【元】【明】【宮】【聖】(大正 08, 306d, n2)。

⁵³ [淨] — 【聖】(大正 08, 306d, n.3)。

⁵⁴ [淨] — 【宮】(大正 08, 306d, n.4)。

⁵⁵ [淨] — 【元】【明】【宮】(大正 08, 306d, n.5)。

⁵⁶ [是] — 【宮】【聖】(大正 08, 306d, n.6)。

⁵⁷ 對照《大智度論》卷 63 〈41 信毀品〉(大正 25, 505b7-506b14)。

何以故？是一切智淨、一切種智淨，不二不⁵⁸別、無斷無壞。

寅四、約六度諸行明

復次，須菩提！般若波羅蜜淨故色淨，乃至般若波羅蜜淨故一切智淨。是般若波羅蜜淨、一切智淨，不二不別故。

須菩提！禪那波羅蜜淨故乃至一切智淨，毘梨耶波羅蜜、羸提波羅蜜、尸羅波羅蜜、檀那波羅蜜淨故乃至一切智淨。

內空淨故乃至一切智淨，四念處淨故乃至一切智淨。

復次，須菩提！一切智淨故乃至般若波羅蜜淨。如是一一如先說。

寅五、約有為無為明

復次，須菩提！有為淨故無為淨。何以故？有為淨、無為淨，不二不別、不⁵⁹斷不壞故⁶⁰。

寅六、約三世明

復次，須菩提！過去淨故未來、現在淨，未來淨故過去、現在淨，現在淨故過去、未來淨。何以故？現在淨、過去未來淨，不二不別，不斷不壞故。」

⁵⁸ 不=無【聖】(大正 08, 306d, n.7)。

⁵⁹ 不=無【宋】【元】【明】【宮】【聖】(大正 08, 306d, n.8)。

⁶⁰ [故]—【聖】(大正 08, 306d, n.9)。

《摩訶般若波羅蜜經》卷 12 〈42 歎淨品〉冠科¹

《摩訶般若波羅蜜經》卷 12 (大正 08, 306c5-308b12):

王二、舍利弗歎般若深淨明有妙用²

癸一、就甚深理歎

爾時，舍利弗白佛言：「世尊！是淨甚深！」

佛言：「畢竟淨故。」

舍利弗言：「何法淨故，是淨甚深？」

佛言：「色淨故，是淨甚深。受、想、行、識淨故，四念處淨故乃至八聖道分淨故，佛十力淨故乃至十八不共法淨故，菩薩淨、佛淨故，一切智、一切種智淨故——是淨甚深。」

癸二、就妙用歎

子一、照明歎

「世尊！是淨明！」

佛言：「畢竟淨故。」

舍利弗言：「何法淨故，是淨明？」

佛言：「般若波羅蜜淨故，是淨明；乃至檀那³波羅蜜淨故，是淨明；四念處乃至一切智淨故，是淨明。」

子二、不相續歎

「世尊！是淨不相續！」

佛言：「畢竟淨故。」

舍利弗言：「何法不相續故，是淨不相續？」

佛言：「色不去不相續故，是淨不相續；乃至一切種智不去不相續故，是淨不相續。」

¹ 妙境法師，《摩訶般若波羅蜜經》冠科(上冊)，pp.510-520。

² 對照《大智度論》卷 63 〈42 歎淨品〉(大正 25, 506b16-507c15)。

³ [那] — 【聖】(大正 08, 306d, n.14)。

子三、無垢歎

「世尊！是淨無垢！」

佛言：「畢竟淨故。」

舍利弗言：「何法無垢故，是淨無垢？」

佛言：「色性常淨故，是淨無垢；乃至一切種智性常淨故，是淨無垢。」

子四、無得無著歎

「世尊！是淨無得無著！」

佛言：「畢竟淨故。」

舍利弗言：「何法無得無著故，是淨無得無著？」

佛言：「色無得無著故，是淨無得無著；乃至一切種智無得無著故，是淨無得無著。」

子五、無生歎

丑一、諸法無生

「世尊！是淨無生！」

佛言：「畢竟淨故。」

舍利弗言：「何法無生故，是淨無生？」

佛言：「色無生故，是淨無生；乃至一切種智無生故，是淨無生。」

丑二、三界無生

寅一、欲界無生

「世尊！是淨不生欲界中！」

佛言：「畢竟淨故。」

舍利弗言：「云何是淨不生欲界中？」

佛言：「欲界性不可得故，是淨不生欲界中。」

寅二、色界無生

「世尊！是淨不生色界中！」

佛言：「畢竟淨故。」

舍利弗言：「云何是淨不生色界中？」

佛言：「色界性不可得故，是淨不生色界中。」

寅三、無色界無生

「世尊！是淨不生無色界中！」

佛言：「畢竟淨故。」

舍利弗言：「云何是淨不生無色界中？」

佛言：「無色界性不可得故，是淨不生無色界中。」

癸三、泯智照歎

子一、無知歎（因淨）

「世尊！是淨無知！」

佛言：「畢竟淨故。」

舍利弗言：「云何是淨無知？」

佛言：「諸法鈍故，是淨無知。」

「世尊！色無知，是淨淨！」

佛言：「畢竟淨故。」

舍利弗言：「云何色無知是淨淨？」

佛言：「色自性空故，色無知是淨淨。」

「世尊！受、想、行、識無知是淨淨！」

佛言：「畢竟淨故。」

舍利弗言：「云何受、想、行、識無知是淨淨？」

佛言：「受、想、行、識自性空故，無知是淨淨。」

子二、一切法淨歎（境淨）

「世尊！一切法淨故，是淨淨！」

佛言：「畢竟淨故。」

舍利弗言：「云何一切法淨故，是淨淨？」

佛言：「一切法不可得故，一切法淨是淨淨。」

子三、無損益歎（果淨）

「世尊！是般若波羅蜜於薩婆若無益無損！」

佛言：「畢竟淨故。」

舍利弗言：「云何般若波羅蜜於薩婆若無益無損？」

佛言：「法常⁴住相⁵故，般若波羅蜜於薩婆若無益無損。」

子四、無所受歎（觀心滅）

「世尊！是般若波羅蜜淨，於諸法無所受！」

佛言：「畢竟淨故。」

舍利弗言：「云何般若波羅蜜淨，於諸法無所受⁶？」

佛言：「法性不動故，是般若波羅蜜淨，於諸法無所受。」

壬三、須菩提舉我淨明法淨以淺喻深⁷

癸一、約我淨門別明

子一、五陰淨

丑一、舉色明

寅一、明畢竟淨

爾時，慧命須菩提白佛言：「世尊！我淨故色淨。」

佛言：「畢竟淨故。」

寅二、無所有故淨

須菩提言：「以何因緣我淨故色淨畢竟淨？」

佛言：「我無所有故，色無所有畢竟淨。」

丑二、舉非色明

寅一、明畢竟淨

「世尊！我淨故受想行識淨。」

⁴〔常〕－【宋】【元】【宮】（大正 08，307d，n.1）。

⁵〔相〕－【明】【聖】（大正 08，307d，n.2）。

⁶〔受〕－【聖】（大正 08，307d，n.3）。

⁷對照《大智度論》卷 63〈42 歎淨品〉（大正 25，507c16-509a5）。

佛言：「畢竟淨故⁸。」

寅二、無所有故淨

須菩提言：「何因緣故，我淨受想行識淨畢竟淨？」

佛言：「我無所有故，受想行識無所有畢竟淨。」

子二、六度萬行淨

丑一、明畢竟淨

「世尊！我淨故檀那波羅蜜淨，我淨故尸羅波羅蜜淨，我淨故羼提波羅蜜淨，我淨故毘梨耶波羅蜜淨，我淨故禪那波羅蜜淨。世尊！我淨故般若波羅蜜淨；世尊！我淨故四念處淨；世尊！我淨故乃至八聖道分淨；世尊！我淨故，佛十力淨；世尊！我淨故乃至十八不共法淨。」

佛言：「畢竟淨故。」

丑二、無所有故淨

須菩提言：「何因緣故，我淨檀那波羅蜜淨，我淨乃至十八不共法淨？」

佛言：「我無所有故，檀那波羅蜜無所有故淨，乃至十八不共法無所有故淨。」

子三、無為道果淨

丑一、明畢竟淨

「世尊！我淨故須陀洹果淨，我淨故斯陀含果淨，我淨故阿那含果淨，我淨故阿羅漢果淨，我淨故辟支佛道淨，我淨故佛道淨。」

佛言：「畢竟淨。」

丑二、自相空故淨

須菩提言：「何因緣故，我淨須陀洹果淨、斯陀含果淨、阿那含果淨、阿羅漢果淨、辟支佛道淨、佛道淨？」

佛言：「自相空故。」

子四、一切智淨

丑一、明畢竟淨

⁸〔故〕－【宋】【元】【明】【宮】【聖】(大正 08，307d，n.4)。

「世尊！我淨故一切智淨。」

佛言：「畢竟淨故。」

丑二、無相無念故淨

須菩提言：「何因緣故，我淨故一切智淨？」

佛言：「無相無念故。」

丑三、無垢無淨故無得無著

「世尊！以二淨故無得無著。」

佛言：「畢竟淨。」

須菩提言：「何因緣故，以二淨故無得無著是⁹畢竟淨？」

佛言：「無垢無淨故。」

癸二、約我無邊門總顯

「世尊！我無邊故色淨，受、想、行、識淨。」

佛言：「畢竟淨。」

須菩提言：「何因緣故，我無邊故色淨，受、想、行、識淨？」

佛言：「畢竟空、無始空故。」

辛四、結法屬人行無不成說無不益

壬一、明結法屬人

癸一、般若屬菩薩

須菩提白佛言：「世尊！若菩薩摩訶薩能如是知，是名菩薩摩訶薩般若波羅蜜。」

佛言：「畢竟淨故。」

癸二、釋畢竟空難

子一、明畢竟空而有道種慧

須菩提言：「何因緣故，菩¹⁰薩摩訶薩能如是知，是名菩薩摩訶薩般

⁹ 是+(淨)【宋】【元】【明】【宮】(大正 08, 307d, n.5)。

¹⁰ (若)+菩【宋】【元】【明】(大正 08, 307d, n.6)。

若波羅蜜？」

佛言：「知道種故¹¹。」

子二、明道種慧而畢竟空

丑一、正明

寅一、觀外法畢竟空兼破受者所施物

「世尊！若¹²菩薩摩訶薩行般若波羅蜜，以方便力故，作是念：『色不知色，受、想、行、識不知識¹³；過去法不知過去法，未來法不知未來法，現在法不知現在法。』」

寅二、觀內心畢竟空破與者乃至我

佛言：「菩薩摩訶薩行般若波羅蜜，以方便力故，不作是念：『我施與¹⁴彼人；我持戒，如是持戒；我修忍，如是修忍；我精進，如是精進；我入禪，如是入¹⁵禪；我修智慧，如是修智慧；我得福德，如是得福德；我當入菩薩法位中，我當淨佛國土、成就眾生，我¹⁶當得一切種智。』」

丑二、釋所以

須菩提！是菩薩摩訶薩行般若波羅蜜，以方便力故，無諸憶想分別，內空、外空、內外空、空空、大空、第一義空、有為空、無為空、畢竟空¹⁷、無始空、散空、性空、諸法空、自相空故。

子三、結空有無礙

須菩提！是名菩薩摩訶薩行般若波羅蜜，以方便力故，無所礙。」

壬二、明人行法故行無不成¹⁸

¹¹ 以上梵. ity ukta Mārgajñatā, Āryapañca...Abhisamayālaṅkāra' nusāreṇa saṃsodhitāyām Antadvayaviśuddhi parivarto dvitīyaḥ, 以下至第四十三無作品終。梵. Sarvajñatā dhikāra caryāviśeṣa parivartaḥ tṛtīyaḥ. (大正 08, 307d, n.7)

¹² [若] - 【宋】【元】【明】【宮】(大正 08, 307d, n.8)。

¹³ (受想行)+識【宋】【元】【明】【宮】(大正 08, 307d, n.9)。

¹⁴ 與+(與)【宮】【聖】，與+(於)【宋】【元】(大正 08, 307d, n.10)。

¹⁵ [入] - 【聖】(大正 08, 307d, n.11)。

¹⁶ [我] - 【宋】【元】【明】【宮】(大正 08, 307d, n.12)。

¹⁷ [畢竟空] - 【宋】【元】【宮】【聖】(大正 08, 307d, n.13)。

¹⁸ 對照《大智度論》卷 64 〈42 歎淨品〉(大正 25, 509a13-510b3)。

癸一、明自行成

子一、明礙無礙行

丑一、須菩提明粗礙無礙行

寅一、天主問

爾時，釋提桓因問須菩提：「云何是求菩薩道善男子礙法？」

寅二、須菩提答

卯一、明自行礙

辰一、正明

須菩提報釋提桓因言：「憍尸迦！有求菩薩道善男子、善女人取心相——所謂取檀那波羅蜜相，取尸羅波羅蜜相、羼提波羅蜜相、毘梨耶波羅蜜相、禪那波羅蜜相、般若波羅蜜相，取內空相、外空、內外空乃至無法有法空相，取四念處相乃至八聖道分相，取佛十力相乃至十八不共法相，取諸佛相，取於諸佛種善根相；是一切福德和合，取相迴向阿耨多羅三藐三菩提。

辰二、結釋失

憍尸迦！是名求菩薩道善男子、善女人礙法。用是法故，不能無礙行般若波羅蜜。何以故？憍尸迦！是色相不可迴向，受、想、行、識相不可迴向，乃至一切種智相不可迴向。

卯二、明化他無礙

辰一、正明

復次，憍尸迦！若菩薩摩訶薩示、教、利、喜他人阿耨多羅三藐三菩提，應示、教、利、喜一切諸法實相。若求菩薩道善男子、善女人行檀那波羅蜜時，不應作是分別言：『我施與，我持戒，我忍辱，我精進，我入禪定，我修智慧，我行內空、外空、內外空，乃至我行無法有法空，我修四念處，乃至我行阿耨多羅三藐三菩提。』善男子、善女人應如是示、教、利、喜他人阿耨多羅三藐三菩提。

辰二、結得二益

巳一、自無錯謬

若如是示、教、利、喜阿耨多羅三藐三菩提，自無錯謬，

巳二、令他離礙

亦如佛所說¹⁹法示、教、利、喜，令是善男子、善女人遠離一切礙法。」

丑二、如來說細礙無礙行

寅一、如來為說礙無礙

卯一、稱歎述成

爾時，佛讚須菩提：「善哉！善哉！如汝為諸菩薩說諸礙法。」

卯二、誠聽

須菩提！汝今更聽我說微細礙相。須菩提！汝²⁰一心好聽！」

卯三、正說

佛告須菩提：「有善男子、善女人發阿耨多羅三藐三菩提心，取相念諸佛。須菩提！所可有相，皆是礙相。」

又於諸佛從初發意乃至法住，於其中間所有善根取相憶念；取相憶念已，迴向阿耨多羅三藐三菩提。須菩提！所可有相，皆是礙相。」

又於諸佛及弟子所有善根及餘眾生善根，取相迴向阿耨多羅三藐三菩提。須菩提！所可有相，皆是礙相。」

何以故？不應取相憶念諸佛，亦不應取相憶²¹念諸佛善根。」

寅二、須菩提領悟稱歎如來述成

卯一、甚深歎

須菩提白佛言：「世尊！是般若波羅蜜甚深！」

佛言：「一切法常離故。」

卯二、敬禮歎

辰一、須菩提歎

須菩提言：「世尊！我當禮般若波羅蜜！」

辰二、佛總述

佛告須菩提：「是般若波羅蜜無起²²無作故，無有能得者。」

¹⁹ 說=許【聖】(大正 08, 308d, n.1)。

²⁰ 須菩提汝=汝須菩提【宋】【元】【明】【宮】，=須菩提【聖】(大正 08, 308d, n.2)。

²¹ [憶]—【聖】(大正 08, 308d, n.3)。

²² 起=生【宮】(大正 08, 308d, n.4)。

辰三、須菩提陳所悟

須菩提言：「世尊！一切諸法亦不可知、不可得。」

辰四、佛別述

巳一、標諸法一性

佛言：「一切法一性，非二性。」

巳二、釋無二性

須菩提！是一法性，是亦無性；是無性即是性，是性不起不滅²³。

巳三、結知不二得益

如是，須菩提！菩薩摩訶薩若知諸法一性，所謂無性，無²⁴起無作²⁵，則遠離一切礙相²⁶。」

卯三、難知難解歎

須菩提白佛言：「世尊！是般若波羅蜜，難知難解！」

佛言：「如所言，是般若波羅蜜，無見者、無聞者、無知者、無識者、無得者。」

卯四、不思議歎

「世尊！是般若波羅蜜，不可思議！」

佛言：「如所言，是般若波羅蜜不從心生，不從色、受、想、行、識生，乃至不從十八不共法生。²⁷」

²³ 滅=作【宋】【元】【明】【宮】(大正 08, 308d, n.5)。

²⁴ 無=不【聖】(大正 08, 308d, n.6)。

²⁵ 作=滅【宮】(大正 08, 308d, n.7)。

²⁶ [相]—【聖】(大正 08, 308d, n.8)。

²⁷ 卷第十八終【聖】，以上大般若第二會第四十清淨品。梵. ity ukto vipakṣa pratipakṣau. (大正 08, 308d, n.9)。

《摩訶般若波羅蜜經》卷 12 〈43 無作品〉冠科¹

《摩訶般若波羅蜜經》卷 12 (大正 08, 308b13-311c14)：

寅三、須菩提重問如來釋²

卯一、明般若無作

須菩提白佛言：「是般若波羅蜜無所作。」

佛言：「作者不可得故，色不可得，乃至一切法不可得故。」

卯二、明云何行般若

辰一、明不作有行

巳一、橫不行一切境

「世尊！若菩薩摩訶薩欲行般若波羅蜜，應云何行？」

佛告須菩提：「菩薩摩訶薩欲行般若波羅蜜，不行色，行般若波羅蜜；不行受、想、行、識，是行般若波羅蜜；乃至不行一切種智，是行般若波羅蜜。」

巳二、豎不行一切觀

不行色常、無常，是行般若波羅蜜；乃至一切種智不行常、無常，是行般若波羅蜜。

不行色若苦、若樂，是行般若波羅蜜；乃至不行一切種智若苦、若樂，是行般若波羅蜜。

不行色是我、非我，是行般若波羅蜜；乃至不行一切種智是我、非我，是行般若波羅蜜。

不行色淨、不淨，是行般若波羅蜜；乃至不行一切種智淨、不淨，是行般若波羅蜜。

何以故？是色無所有性，云何有常無常³、苦樂、我無我、淨不淨？受、想、行、識亦無所有性，云何有常無常乃至淨不淨⁴？乃至一切種

¹ 妙境法師，《摩訶般若波羅蜜經》冠科(上冊)，pp.521-539。

² 對照《大智度論》卷 64 〈43 無作實相品〉(大正 25, 510b5-512b1)。

³ [常] — 【聖】(大正 08, 308d, n.11)。

⁴ [淨] — 【聖】(大正 08, 308d, n.12)。

智無所有性，云何有常無常乃至淨不淨？

巳三、不行不具足

復次，須菩提！菩薩摩訶薩行般若波羅蜜時，不行色不具足，是行般若波羅蜜；不行受、想、行、識不具足，是行般若波羅蜜。乃至不行一切種智不具足，是行般若波羅蜜。

辰二、明不作無行

何以故？色不具足者，是不名色；如是亦不行，為⁵行般若波羅蜜。受、想、行、識不具足者，是不名識；如是亦不行，為行般若波羅蜜。

乃至不行一切種智不具足者，是不名一切種智；如是亦不行，為行般若波羅蜜。」

寅四、須菩提重領解稱歎如來述成

須菩提白佛言：「未曾有也！世尊善說求菩薩道善男子、善女人礙不礙相。

佛言：「如是！如是！須菩提！佛善說求菩薩道善男子、善女人礙不礙相。

子二、明礙無礙兩捨行

丑一、明兩捨行

復次，須菩提！若菩薩摩訶薩行般若波羅蜜時，不行色不礙，是行般若波羅蜜；不行受、想、行、識不礙，是行般若波羅蜜。不行眼不礙，是行般若波羅蜜；不行耳鼻舌身不礙，是行般若波羅蜜；不行意不礙，是行般若波羅蜜；不行檀那波羅蜜不礙，是行般若波羅蜜；不行尸羅波羅蜜不礙，是行般若波羅蜜；不行羼提波羅蜜不礙，是行般若波羅蜜；不行毘梨耶波羅蜜不礙，是行般若波羅蜜；不行禪那波羅蜜不礙，是行般若波羅蜜；不行般若波羅蜜不礙，是行般若波羅蜜；乃至不行一切種⁶智不礙，是行般若波羅蜜。

⁵ 為=是【元】【明】【聖】(大正 08，308d，n.13)。

⁶ 〔種〕-【聖】(大正 08，308d，n.14)。

須菩提！菩薩摩訶薩如是行般若波羅蜜時，知色是不礙，知受、想、行、識是不礙；乃至知一切種智是⁷不礙；知須陀洹果不礙，知斯陀含果不礙，知阿那含果不礙，知阿羅漢果不礙，知辟支佛道⁸不礙，知阿耨多羅三藐三菩提道不礙。」

丑二、須菩提領解稱歎如來述成

寅一、歎般若法

爾時，慧命須菩提白佛言：「未曾有也！世尊！是甚深法，若說亦不增不減，若不說亦不增不減。」

佛語須菩提：「如是！如是！是甚深法，若說亦不增不減，若不說亦不增不減。譬如佛盡形壽，若讚、若毀虛⁹空——讚時亦不增不減，毀時亦不增不減。

須菩提¹⁰！如幻人，若讚時不增不減，毀時亦不增不減；讚時不喜，毀時不憂。

須菩提！諸法法相亦如是，若說亦如本不異，若不說亦如本不異。」

寅二、歎行般若人

須菩提白佛言：「世尊！諸菩薩摩訶薩所為甚難！修行是般若波羅蜜時，不憂不喜，而能習般若波羅蜜，於阿耨多羅三藐三菩提亦不轉還。何以故？世尊！修般若波羅蜜，如修虛空。如虛空中無般若波羅蜜，無禪那、無毘梨耶、無羸提、無尸羅、無檀那波羅蜜；如虛空中無色，無受、想、行、識，亦無內空、外空、內外空乃至無法有法空，無四念處乃至無八聖道分，無佛十力乃至無十八不共法，無須陀洹果、斯陀含果、阿那含果、阿羅漢果，無辟支佛道、無阿耨多羅三藐三菩提。修般若波羅蜜，亦如是。」

癸二、明化他行成

子一、須菩提稱歎菩薩化他行成

⁷ [是] — 【聖】(大正 08, 309d, n.1)。

⁸ 道=果【宮】(大正 08, 309d, n.2)。

⁹ (如)+虛【宋】【元】【明】【宮】(大正 08, 309d, n.3)。

¹⁰ 提+(如是如是甚深法若說亦不增不減若不說亦不增不減譬如佛盡形壽若讚若毀虛空讚時亦不增不減毀時亦不增不減須菩提)五十一字【聖】(大正 08, 309d, n.4)。

丑一、標歎

世尊！應禮是諸菩薩摩訶薩，能大誓¹¹莊嚴。

世尊！是人為眾生大誓莊嚴，勤精進，如為虛空大誓莊嚴，勤精進。

世尊！是人欲度眾生，如欲度虛空。

世尊！是諸菩薩摩訶薩¹²大誓莊嚴，如¹³為虛空等眾生大誓莊嚴。

世尊！是人大誓莊嚴欲度眾生，為如舉虛空。

世尊！諸菩薩摩訶薩得¹⁴大精進力，欲度眾生故，發阿耨多羅三藐三菩提心。

世尊！諸菩薩摩訶薩大誓莊嚴，欲度眾生故，發阿耨多羅三藐三菩提心。

世尊！諸菩薩摩訶薩大勇猛，為度如虛空等眾生故，發阿耨多羅三藐三菩提心。

丑二、釋歎

何以故？世尊！若三千大千世界¹⁵滿中諸佛，譬如竹葦、甘¹⁶蔗、稻麻、叢林¹⁷，諸佛若一劫、若減一劫常¹⁸說法，一一佛度無量無邊阿僧祇眾生令人涅槃。世尊！是眾生性亦不減亦不增。何以故？眾生無所有故、眾生離故。乃至十方世界中諸佛所度眾生，亦如是。

丑三、結歎

世尊！以是因緣故，我如是說：是人欲度眾生故，發阿耨多羅三藐三菩提心，為欲度虛空。』』

子二、一比丘歡喜領悟稱歎

是時，有一比丘作是言：「我¹⁹禮般若波羅蜜！般²⁰若波羅蜜中雖無法

¹¹ [誓] — 【聖】(大正 08, 309d, n.5)。

¹² [訶薩] — 【聖】(大正 08, 309d, n.6)。

¹³ [如] — 【聖】(大正 08, 309d, n.7)。

¹⁴ [得] — 【聖】(大正 08, 309d, n.8)。

¹⁵ 世界=國土【宋】【元】【明】【宮】【聖】(大正 08, 309d, n.9)。

¹⁶ 甘=苕【聖】(大正 08, 309d, n.10)。

¹⁷ 叢林=茅叢【宮】(大正 08, 309d, n.11)。

¹⁸ [常] — 【宮】(大正 08, 309d, n.12)。

¹⁹ 我+(當)【明】【聖】(大正 08, 309d, n.13)。

生、無法²¹滅，而有戒眾²²、定眾、慧眾、解脫眾、解脫知見眾，而有諸須陀洹、諸斯陀含、諸阿那含、諸阿羅漢、諸²³辟支佛，有²⁴諸佛，而有佛寶、法寶、比丘僧寶，而有轉法輪。」

癸三、二行既成不假外護²⁵

子一、明習空為習般若

爾時，釋提桓因語²⁶須菩提：「若菩薩摩訶薩習般若波羅蜜，為習何法？」

須菩提語釋提桓因言：「憍尸迦！是菩薩摩訶薩習般若波羅蜜，為習空法²⁷。」

子二、應作何等護

丑一、天主問

釋提桓因白佛言：「世尊！若善男子、善女人受持是²⁸般若波羅蜜，親近、讀、誦、說、正憶念，我當作何等護？」

丑二、須菩提答

寅一、明無法可護

爾時，須菩提語釋提桓因言：「憍尸迦！汝頗見是法可守護者不？」

釋提桓因言：「不也！須菩提！我不見是法可守護者。」

寅二、不離正觀即是護

卯一、法說

須菩提言：「憍尸迦！若善男子、善女人如般若波羅蜜中所說行，即是守護，所謂常不遠離如所說般若波羅蜜行。是善男子、善女人，若人、

²⁰ [般] — 【聖】(大正 08, 309d, n.14)。

²¹ [無法] — 【聖】(大正 08, 309d, n.15)。

²² 眾=品【宋】【宮】(大正 08, 309d, n.16)。

²³ [諸] — 【聖】(大正 08, 309d, n.17)。

²⁴ [有] — 【宋】【元】【明】【宮】(大正 08, 309d, n.18)。

²⁵ 對照《大智度論》卷 64 〈43 無作實相品〉(大正 25, 512b2-513b17)。

²⁶ 語=諸【聖】(大正 08, 309d, n.19)。

²⁷ [法] — 【宋】【元】【明】【宮】【聖】(大正 08, 309d, n.20)。

²⁸ [是] — 【聖】(大正 08, 309d, n.21)。

若非人不²⁹得其便，當知是善男子、善女人不遠離般若波羅蜜。

卯二、喻說

辰一、虛空及夢等喻

憍尸迦！若人欲護行般若波羅蜜菩薩，為欲護虛空。

憍尸迦！於汝意云何？汝能護夢、焰、影、響³⁰、幻、化不？」

釋提桓因言：「不能護！」

「若人欲護行般若波羅蜜諸菩薩摩訶薩亦如是，但³¹自疲苦。

憍尸迦！於汝意云何？能護佛所化不？」

釋提桓因言：「不能護。」

「若人欲護行般若波羅蜜諸菩薩摩訶薩亦如是。」

辰二、無為法喻

憍尸迦！於汝意云何？能護法性、實際、如、不可思議性不？」

釋提桓因言：「不能護！」

「若人欲護行般若波羅蜜諸菩薩摩訶薩亦如是。」

寅三、明正觀相

卯一、天主問

爾時，釋提桓因問須菩提：「云何菩薩摩訶薩行般若波羅蜜，知見諸法如夢、如焰、如影、如響、如幻、如化？諸菩薩摩訶薩如所知見故，不念夢、不念是夢、不念用夢、不念我夢？焰、影、響、幻、化亦如是。」

卯二、須菩提答

辰一、正明

巳一、知世間五陰如夢等

午一、約色明

未一、知如夢

申一、不見色實四事

²⁹ 不+(能)【聖】(大正 08, 309d, n.22)。

³⁰ 響=響【聖】(大正 08, 309d, n.23)。

³¹ 但=徒【宋】【元】【明】【宮】【聖】(大正 08, 309d, n.24)。

須菩提言：「憍尸迦！若菩薩摩訶薩行般若波羅蜜，不念色、不念是色、不念用色、不念我色，

申二、不見夢虛四事

是菩薩摩訶薩亦能不念夢、不念是夢、不念用夢、不念我夢，

未二、例化等

乃至化亦不念化、不念是化、不念用化、不念我化；

午二、例非色

受、想、行、識亦如是。

巳二、知出世道法如夢等

午一、知如夢

未一、不見乃至一切智實四事

乃至一切智，不念一切智、不念是一切智、不念用一切智、不念我一切智，

未二、不見夢虛四事

是菩薩摩訶薩亦能不念夢、不念是夢、不念用夢、不念我夢；

午二、例化等

乃至化亦如是。

辰二、結知

如是，憍尸迦！菩薩摩訶薩知諸法如夢、如焰、如影、如響、如幻、如化。」

壬三、勸信受持說無不益³²

癸一、勸信

子一、明眾集

爾時，佛神力故，三千大千世界中諸四天王天、三十三天、夜摩天、兜率陀天、化樂³³天、他化自在天、梵身天、梵輔天、梵眾天、大梵天，

³² 對照《大智度論》卷 64 〈43 無作實相品〉(大正 25, 513b18-514c22)。

³³ (自)+樂【宮】(大正 08, 310d, n.1)。

少光天，乃至淨居天——是一切諸天以天栴檀華³⁴遙散佛上，來詣佛所，頭面禮佛足，却住一面。

子二、明勸信

丑一、明十方道同

爾時，四天王天、釋提桓因及三十三天，梵天王乃至諸淨居天，佛神力故，見東方千佛說法，亦如是相、如是名字，說是般若波羅蜜品；諸比丘皆字須菩提，問難般若波羅蜜品者，皆字釋提桓因；南西北方、四維、上下亦如是各千佛現。

丑二、明三世同

寅一、明人處同

爾時，佛告須菩提：「彌勒菩薩摩訶薩得阿耨多羅三藐三菩提時，亦當於是處說般若波羅蜜；賢劫中諸菩薩摩訶薩得阿耨多羅三藐三菩提時，亦當於是處說般若波羅蜜。」

寅二、明教門同

卯一、須菩提三問

須菩提白佛言：「世尊！彌勒菩薩摩訶薩得阿耨多羅三藐三菩提時³⁵，用何相、何因、何義說是般若波羅蜜義？」

卯二、如來三答

辰一、答何相問

佛告須菩提：「彌勒菩薩摩訶薩得阿耨多羅三藐三菩提時，色非常非無常，當如是說法；色非苦非樂、色非我非無我、色非淨非不淨，當如是說法；色非縛非解，當如是說法。受、想、行、識非常非無常乃至非縛非解，當如是說法。色非過去、色非未來、色非現在，當如是說法；受、想、行、識亦如是。

色畢竟淨，當如是說法；受、想、行、識畢竟淨，當如是說法；乃至一切智畢竟淨，當如是說法。」

辰二、答何因問

³⁴ 華=香【宋】【元】【明】【宮】(大正 08, 310d, n.2)。

³⁵ [時]—【聖】(大正 08, 310d, n.3)。

須菩提白佛言：「世尊！是般若波羅蜜清淨。」

佛言：「色清淨故，般若波羅蜜清淨；受、想、行、識清淨故，般若波羅蜜清淨。」

辰三、答何義問

巳一、就五陰不生不滅不垢不淨故清淨

午一、法

「世尊！云何色清淨故般若波羅蜜清淨？云何受、想、行、識清淨故般若波羅蜜清淨？」

佛言：「若色不生不滅、不垢不淨，是名色清淨；受想行識不生不滅、不垢不淨，是名受想行識清淨。」

午二、譬

復次，須菩提！虛空清淨故，般若波羅蜜清淨。」

「世尊！云何虛空清淨故，般若波羅蜜清淨。」

佛言：「虛空不生不滅故清淨，般若波羅蜜亦如是。」

巳二、舉五陰不汙故清淨

午一、法

復次，須菩提！色不汙³⁶故，般若波羅蜜清淨；受、想、行、識不汙故，般若波羅蜜清淨。」

午二、譬

「世尊！云何色不汙故般若波羅蜜清淨？受、想、行、識不汙故般若波羅蜜清淨？」

佛言：「如虛空不可汙故，虛空清淨。」

「世尊！云何如虛空不可汙故虛空清淨？」

佛言：「虛空不可取故虛空清淨，虛空清淨故般若波羅蜜清淨。」

巳三、單舉譬門明清淨

午一、虛空可說故淨

³⁶ 汙=行【聖】(大正 08, 310d, n.4)。

復次，須菩提！虛空可說故，般若波羅蜜清淨。」

「世尊！云何虛空可說故般若波羅蜜清淨？」

佛言：「因虛空中二聲出故³⁷，般若³⁸波羅蜜亦如虛空可說故清淨。」

午二、虛空不可說故淨

須菩提！虛空不可說故，般若波羅蜜清淨。」

「世尊！云何虛空不可說故般若波羅蜜清淨？」

佛言：「如虛空無可說故，般若波羅蜜清淨。」

午三、虛空不可得故淨

復次，如虛空不可得故，般若波羅蜜清淨。」

「世尊！云何如虛空不可得故般若波羅蜜清淨？」

佛言：「如虛空無所得相³⁹，般若波羅蜜亦如虛空無所得故清淨。」

巳四、單就法說總明一切淨

復次，須菩提！一切法不生不滅、不垢不淨故，般若波羅蜜清淨。」

「世尊！云何一切法不生不滅、不垢不淨故般若波羅蜜清淨？」

佛言：「一切法畢竟清淨故，般若波羅蜜清淨。」

癸二、依信受持離諸障惱⁴⁰

須菩提白佛言：「世尊！若善男子、善女人受持是般若波羅蜜，親近、正憶念者，終不病眼，耳、鼻、舌、身亦終不病，身無形殘，亦不衰老⁴¹，終不橫死。」

癸三、轉為他說獲利無窮

子一、明說者得利

丑一、須菩提述

³⁷ [故] — 【宋】【元】【明】【宮】【聖】(大正 08, 310d, n.5)。

³⁸ [若] — 【聖】(大正 08, 310d, n.6)。

³⁹ 相=故【明】(大正 08, 310d, n.7)。

⁴⁰ 對照《大智度論》卷 65〈43 無作實相品〉(大正 25, 515a7-516c10)。

⁴¹ 老=耄【聖】(大正 08, 310d, n.8)。

寅一、明諸天來

無數百千萬諸天——四天王天乃至淨居諸天皆悉⁴²隨從聽受。

六齋日——月八日、二十三日、十四日、二十九日、十五日、三十日，諸天眾會；善男子、善女人為法師者，在所說般若波羅蜜處皆悉來集。

寅二、明說法得福利

是善男子、善女人在大眾中說是般若波羅蜜，得無量、無邊、阿僧祇、不可思議、不可稱量福德。」

丑二、佛述

寅一、正述

佛告須菩提：「如是！如是！是善男子、善女人若六齋日——月八日、二十三日、十四日、二十九日、十五日、三十日，在諸天眾前說是般若波羅蜜義⁴³，是善男子、善女人得無量、無邊、阿僧祇、不可思議、不可稱量福德。

寅二、釋述

卯一、歎般若為大珍寶

辰一、總標

巳一、能拔苦

何以故？須菩提！般若波羅蜜是大珍寶。何等是大珍寶？是般若波羅蜜能拔地獄、畜生、餓鬼及人中貧窮；

巳二、能與樂

能與剎利大姓⁴⁴、婆羅門大姓、居士大家，能與四天王天處乃至非有想非無想處，能與須陀洹果、斯陀含果、阿那含果、阿羅漢果、辟支佛道、阿耨多羅三藐三菩提。

辰二、別釋與樂

巳一、能與樂因

⁴² 皆悉=悉皆【宋】【元】【明】【宮】(大正 08, 310d, n.9)。

⁴³ [義]—【聖】(大正 08, 310d, n.10)。

⁴⁴ [大[性>姓]]—【聖】(大正 08, 310d, n.11)。

何以故？是般若波羅蜜中廣說十善道，四禪、四無量心、四無色定、四念處乃至八聖道分，檀那⁴⁵波羅蜜、尸羅波羅蜜、羸提波羅蜜、毘梨耶波羅蜜、禪那波羅蜜、般若波羅蜜，廣說內空乃至無法有法空，廣說佛十力乃至一切智⁴⁶。

巳二、能與樂果

午一、二世樂

從是中學，出生剎利大姓、婆羅門大姓、居士大家，出生四天王天、三十三天、夜摩天、兜率陀天、化樂天、他化自在天，梵身天、梵輔天、梵眾天、大梵天、光天、少光天、無量光天、光音天，淨天、少淨天、無量淨天、遍淨天，阿那婆迦⁴⁷天、得福天、廣果天、無想天，阿浮訶⁴⁸那天、不熱天、快見天、妙見天、阿迦尼吒天，虛空無邊處天、識無邊處天、無所有處天、非有想非無想處天。

午二、涅槃樂

是法中學，得須陀洹果、斯陀含果、阿那含果、阿羅漢果，得辟支佛道，得阿耨多羅三藐三菩提。

辰三、結歎

以是故，須菩提！般若波羅蜜⁴⁹名為大珍寶。

卯二、歎般若不生不滅超勝珍寶

珍⁵⁰寶波羅蜜中，無有法可得若生若滅、若垢若淨、若取若捨；珍寶波羅蜜亦無有法若善若不善、若世間若出世間、若有漏若無漏、若有為若無為。以是故，須菩提！是名無所得珍寶波羅蜜。

須菩提！是珍寶波羅蜜，無有法能染⁵¹污。何以故？所用染法不可得故。須菩提！以是故名無染珍寶波羅蜜。

⁴⁵ [那] - 【聖】(大正 08, 310d, n.12)。

⁴⁶ (種)+智【明】【聖】(大正 08, 310d, n.13)。

⁴⁷ 迦=伽【宋】【元】【明】【宮】(大正 08, 311d, n.1)。

⁴⁸ 訶=阿【元】【明】【宮】(大正 08, 311d, n.2)。

⁴⁹ 蜜+(多)【宋】【元】【明】【宮】(大正 08, 311d, n.3)。

⁵⁰ (大)+珍【聖】(大正 08, 311d, n.4)。

⁵¹ 染=深【聖】(大正 08, 311d, n.5)。

寅三、勸菩薩如般若而行故得利益

卯一、無所著行利

須菩提。若菩薩摩訶薩行般若波羅蜜時，亦如是不知，亦如是不分別，亦如是不可⁵²得，亦如是不戲論，是為能修行般若波羅蜜；亦能禮覲諸佛，從一佛國至一佛國，供養、恭敬、尊重、讚歎諸佛；遊諸佛刹，成就眾生、淨佛國土。

卯二、不取捨行利

辰一、正明

須菩提！是般若波羅蜜，於諸法無有力、無非力，亦無受、亦無與，不生不滅、不垢不淨、不增不減。

是般若⁵³波羅蜜亦非過去、非未來、非現在；不捨欲界、不住欲界，不捨色界、不住色界，不捨無色界、不住無色界。

是般若波羅蜜不與檀那波羅蜜亦不捨，不與尸⁵⁴波羅蜜亦不捨，不與羸提波羅蜜亦不捨，不與毘梨耶波羅蜜亦不捨，不與禪那波羅蜜亦不捨，不與般若波羅蜜亦不捨。

不與內空亦不捨，乃至不與無法有法空亦不捨。不與四念處⁵⁵亦不捨，乃至不與八聖道分亦不捨。不與佛十力亦不捨，乃至不與十八不共法亦不捨。

不與須陀洹果亦不捨，乃至不與阿羅漢果亦不捨；不與辟支佛道亦不捨，乃至不與一切智亦不捨。

是般若波羅蜜不與阿羅漢法、不捨凡人法，不與辟支佛法、不捨阿羅漢法，不與佛法、不捨辟支佛法。

是般若波羅蜜亦不與無為法、不捨有為法。

辰二、釋所以

何以故？若有諸佛、若無諸佛，是諸法相常住不異，法相、法住、法位常住，不謬不失故。」

⁵² [可] — 【聖】(大正 08, 311d, n.6)。

⁵³ [般若] — 【聖】(大正 08, 311d, n.7)。

⁵⁴ 尸+(羅)【宋】【元】【明】【宮】(大正 08, 311d, n.8)。

⁵⁵ [處] — 【聖】(大正 08, 311d, n.9)。

子二、明聽者得益稱歎⁵⁶

丑一、諸天得益稱歎佛善巧立破

寅一、諸天歡喜供養悟道

爾時，諸天子虛空中立，發大音聲，踊躍歡喜，以漚鉢羅華、波頭摩華、拘物頭華⁵⁷、分陀利華而散佛上，作如⁵⁸是言：「我等於閻浮提見第二法輪轉。」

是中無量百千天子得無生法忍。

寅二、佛破轉法輪說般若

卯一、佛正破

辰一、以畢竟空泯轉法輪見

佛告須菩提：「是法輪轉非第一轉、非第二轉。」

辰二、以無法有法空泯轉還見

是般若波羅蜜不為轉、不為還故出，無法有法空故。」

卯二、須菩提問

須菩提白佛言：「世尊！云何無法有法空故，般若波羅蜜不為轉、不為還故出？」

卯三、佛以涅槃實相破有無答

佛言：「般若波羅蜜般若波羅蜜相空，乃至檀那波羅蜜檀那波羅蜜相空；內空內空相空，乃至無法有法空無法有法空相空；四念處四念處相空，乃至八聖道分八聖道分相空；佛十力佛十力相空，乃至十八不共法十八不共法相空；須陀洹果須陀洹果相空，斯陀含果斯陀含果相空，阿那含果阿那含果相空，阿羅漢果阿羅漢果相空；辟支佛道辟支佛道相空，一切種智一切種智⁵⁹相空。」

丑二、須菩提歡喜稱歎

寅一、得無得無上菩提

須菩提白佛言：「世尊！諸菩薩摩訶薩般若波羅蜜是摩訶波羅蜜！」

⁵⁶ 對照《大智度論》卷 65〈43 無作實相品〉(大正 25, 516c11-518b1)。

⁵⁷ 摩華拘物頭華 = 暮拘物陀【宮】【聖】(大正 08, 311d, n.10)。

⁵⁸ [如] - 【聖】(大正 08, 311d, n.11)。

⁵⁹ [一切種智] - 【聖】(大正 08, 311d, n.12)。

何以故？雖一切法自性⁶⁰空，而諸菩薩摩訶薩因般若波羅蜜得阿耨多羅三藐三菩提，亦無法可得。

寅二、轉無轉無還法輪

卯一、畢竟空故無可見

轉法輪，亦無法可轉，亦無法可還；是摩訶波羅蜜中，亦無有法可見。何以故？是法不可得若轉、若還，一切法畢竟不生故。

卯二、入三脫門得解脫

何以故？是空相不能轉、不能還，無相相不能轉、不能還，無作相不能轉、不能還。

子三、明說般若之方

丑一、世諦十法清淨說

若能如是，說般若波羅蜜，教、照⁶¹、開、示，分別，顯現，解釋，淺易——有能如是教者，是名清淨說般若波羅蜜。

丑二、第一義中無說等

亦無說者、亦無受者、亦無證者；若無說、無受、無⁶²證，亦無滅者，是說法中亦無畢⁶³定福田⁶⁴。」

⁶⁰ 性=相【聖】(大正 08, 311d, n.13)。

⁶¹ 照=詔【宋】【元】【明】【宮】【聖】(大正 08, 311d, n.14)。

⁶² [無]—【聖】(大正 08, 311d, n.15)。

⁶³ 畢=必【聖】(大正 08, 311d, n.16)。

⁶⁴ [田]—【聖】，以上大般若第二會第四十一無標幟品。

梵. Sarvakārajñātādhikāracaryāviśeṣa parivartaḥ tṛtīyaḥ 終。(大正 08, 311d, n.17)。

《摩訶般若波羅蜜經》卷 12 〈44 遍歎品〉冠科¹

《摩訶般若波羅蜜經》卷 12 (大正 08, 311c15-313a25) :

辛五、歎般若導諸行到彼岸究竟歎

壬一、法說歎²

癸一、無邊波羅蜜，如虛空無邊故

爾時，慧命須菩提白佛言：「世尊！無邊波羅蜜是般若波羅蜜。」
佛言：「如虛空無邊故。」

癸二、等波羅蜜，一切法等故

「世尊！等波羅蜜是般若波羅蜜。」
佛言：「諸法等故。」

癸三、離波羅蜜，畢竟空故

「世尊！離波羅蜜是般若波羅蜜。」
佛言：「畢竟空故。」

癸四、不壞波羅蜜，一切法不可得故

「世尊！不壞波羅蜜是般若波羅蜜。」
佛言：「一切法不可得故。」

癸五、無彼岸波羅蜜，無名無身故

「世尊！無彼岸波羅蜜是般若波羅蜜。」
佛言：「無名無身故。」

癸六、空種波羅蜜，出入息不可得故

「世尊！空種波羅蜜是般若波羅蜜。」
佛言：「入出息不可得故。」

癸七、不可說波羅蜜，覺觀不可得故

「世尊！不可說波羅蜜是般若波羅蜜。」
佛言：「覺觀不可得故。」

¹ 妙境法師，《摩訶般若波羅蜜經》冠科(上冊)，pp.540-548。

² 對照《大智度論》卷 65 〈44 諸波羅蜜品〉(大正 25, 518b3-519a24)。

癸八、無名波羅蜜，受、想、行、識不可得故

「世尊！無名波羅蜜是般若波羅蜜。」
佛言：「受、想、行、識不可得故。」

癸九、無去波羅蜜，一切法不來故

「世尊！不去波羅蜜是般若波羅蜜。」
佛言：「一切法不來故。」

癸十、無移波羅蜜，一切法不可伏故

「世尊！無移波羅蜜是般若波羅蜜。」
佛言：「一切法不可伏故。」

癸十一、盡波羅蜜，一切法畢竟盡故

「世尊！盡波羅蜜是般若波羅蜜。」
佛言：「一切法畢竟盡故。」

癸十二、無生波羅蜜，一切法不滅故

「世尊！不生波羅蜜是般若波羅蜜。」
佛言：「一切法不滅³故。」

癸十三、不滅波羅蜜，一切法不生故

「世尊！不滅波羅蜜是般若波羅蜜。」
佛言：「一切法不生⁴故。」

癸十四、無作波羅蜜，作者不可得故

「世尊！無作波羅蜜是般若波羅蜜。」
佛言：「作者不可得故。」

癸十五、無知波羅蜜，知者不可得故

「世尊！無知波羅蜜是般若波羅蜜。」
佛言：「知者不可得故。」

癸十六、不到波羅蜜，生死不可得故

「世尊！不到波羅蜜是般若波羅蜜。」

³ 滅=生【聖】(大正 08, 312d, n.1)。

⁴ 生=滅【聖】(大正 08, 312d, n.2)。

佛言：「生死不可得故。」

癸十七、不失波羅蜜，一切法不失故

「世尊！不失波羅蜜是般若波羅蜜。」

佛言：「一切法不失故。」

壬二、譬喻歎⁵

癸一、夢波羅蜜，夢中所見不可得故

「世尊！夢波羅蜜是般若波羅蜜。」

佛言：「乃至夢中所見不可得故。」

癸二、響波羅蜜，聞聲者不可得故

「世尊！響波羅蜜是般若波羅蜜。」

佛⁶言：「聞聲者不可得故。」

癸三、影波羅蜜，鏡面不可得故

「世尊！影波羅蜜是般若波羅蜜。」

佛言：「鏡面不可得故。」

癸四、焰波羅蜜，水流不可得故

「世尊！焰波羅蜜是般若波羅蜜。」

佛言：「水流不可得故。」

癸五、幻波羅蜜，術事不可得故

「世尊！幻波羅蜜是般若波羅蜜。」

佛言：「術事不可得故。」

壬三、離過歎

癸一、不垢波羅蜜，諸煩惱不可得故

「世尊！不垢波羅蜜是般若波羅蜜。」

佛言：「諸煩惱不可得故。」

癸二、無淨波羅蜜，煩惱虛誑故

「世尊！無淨波羅蜜是般若波羅蜜。」

⁵ 對照《大智度論》卷 65〈44 諸波羅蜜品〉(大正 25, 519a25-520b10)。

⁶ (是般若波羅蜜)+佛【聖】(大正 08, 312d, n.3)。

佛言：「煩惱虛誑故。」

癸三、不污波羅蜜，處不可得故

「世尊！不污波羅蜜是般若波羅蜜。」

佛言：「處⁷不可得故。」

癸四、不戲論波羅蜜，一切戲論破故

「世尊！不戲論波羅蜜是般若波羅蜜。」

佛言：「一切戲論破故。」

癸五、不念波羅蜜，一切念破故

「世尊！不念波羅蜜是般若波羅蜜。」

佛言：「一切念破故。」

癸六、不動波羅蜜，法性常住故

「世尊！不動波羅蜜是般若波羅蜜。」

佛言：「法⁸性常住故。」

癸七、無染波羅蜜，知一切法無妄解故

「世尊！無染波羅蜜是般若波羅蜜。」

佛言：「知一切法無⁹妄解故。」

癸八、不起波羅蜜，一切法無分別故

「世尊！不起波羅蜜是般若波羅蜜。」

佛言：「一切法無分別故。」

癸九、寂滅波羅蜜，一切法相不可得故

「世尊！寂滅波羅蜜是般若波羅蜜。」

佛言：「一切法相不可得故。」

癸十、無欲波羅蜜，欲不可得故

「世尊！無欲波羅蜜是般若波羅蜜。」

佛言：「欲不可得故。」

⁷ (至)+處【聖】(大正 08, 312d, n.4)。

⁸ (諸)+法【宮】(大正 08, 312d, n.5)。

⁹ [無] - 【宋】【元】【明】【宮】【聖】(大正 08, 312d, n.6)。

癸十一、無瞋波羅蜜，瞋恚不實故

「世尊！無瞋波羅蜜是般若波羅蜜。」
佛言：「瞋恚不實¹⁰故。」

癸十二、無癡波羅蜜，無明黑闇滅故

「世尊！無癡波羅蜜是般若波羅蜜。」
佛言：「無明黑闇滅故。」

癸十三、無煩惱波羅蜜，分別憶想虛妄故

「世尊！無煩惱波羅蜜是般若波羅蜜。」
佛言：「分別憶想虛妄故。」

癸十四、無眾生波羅蜜，眾生無所有故

「世尊！無眾生波羅蜜是般若波羅蜜。」
佛言：「眾生無所有故。」

癸十五、無斷波羅蜜，諸法不起故

「世尊！無斷波羅蜜是般若波羅蜜。」
佛言：「諸法不起故。」

癸十六、無二邊波羅蜜，離二邊故

「世尊！無二邊波羅蜜是般若波羅蜜。」
佛言：「離二邊故。」

癸十七、不壞波羅蜜，一切法不相離故

「世尊！不壞¹¹波羅蜜是般若波羅蜜。」
佛言：「一切法不相離故。」

癸十八、不取波羅蜜，過聲聞、辟支佛地故

「世尊！不取波羅蜜是般若波羅蜜。」
佛言：「過聲聞、辟支佛地故。」

癸十九、不分別波羅蜜，諸妄想不可得故

「世尊！不分別波羅蜜是般若波羅蜜。」

¹⁰ 實=可得【聖】(大正 08, 312d, n.7)。

¹¹ 壞=破【元】【明】【聖】(大正 08, 312d, n.8)。

佛言：「諸¹²妄想不可得故。」

癸二十、無量波羅蜜，諸法量不可得故

「世尊！無量波羅蜜是般若波羅蜜。」

佛言：「諸法量不可得故。」

癸二十一、虛空波羅蜜，一切法無所有故

「世尊！虛空波羅蜜是般若波羅蜜。」

佛言：「一切法無所有故。」

壬四、得門歎¹³

癸一、歎行無不成

子一、無常等觀成

丑一、無常波羅蜜，一切法破壞故

「世尊！無常波羅蜜是般若波羅蜜。」

佛言：「一切法破壞故。」

丑二、苦波羅蜜，一切法苦惱相故

「世尊！苦波羅蜜是般若波羅蜜。」

佛言：「一切法苦惱相故。」

丑三、無我波羅蜜，一切法不著故

「世¹⁴尊！無我波羅蜜是般若波羅蜜。」

佛言：「一切法不著故。」

丑四、空波羅蜜，一切法不可得故

「世尊！空波羅蜜是般若波羅蜜。」

佛言：「一切法不可得故。」

丑五、無相波羅蜜，一切法不生故

「世尊！無相波羅蜜是般若波羅蜜。」

佛言：「一切法不生故。」

¹² [諸] — 【聖】(大正 08, 312d, n.9)。

¹³ 對照《大智度論》卷 65 〈44 諸波羅蜜品〉(大正 25, 520b12-522a5)。

¹⁴ [世] — 【聖】(大正 08, 312d, n.10)。

子二、十八空觀成

丑一、內空波羅蜜，內法不可得故

「世尊！內空波羅蜜是般若波羅蜜。」

佛言：「內法不可得故。」

丑二、外空波羅蜜，外法不可得故

「世尊！外空波羅蜜是般若波羅蜜。」

佛言：「外法不可得故。」

丑三、內外空波羅蜜，內外法不可得故

「世尊！內外空波羅蜜是般若波羅蜜。」

佛言：「內外法不¹⁵可得故。」

丑四、空空波羅蜜，空空法不可得故

「世尊！空空波羅蜜是般若波羅蜜。」

佛言：「空空法不可得故。」

丑五、大空波羅蜜，一切法不可得故

「世尊！大空波羅蜜是般若波羅蜜。」

佛言：「一切法不可得故。」

丑六、第一義空波羅蜜，涅槃不可得故

「世尊！第一義空波羅蜜是般若波羅蜜。」

佛言：「涅槃不可得故。」

丑七、有為空波羅蜜，有為法不可得故

「世尊！有為空波羅蜜是般若波羅蜜。」

佛言：「有為法不可得故。」

丑八、無為空波羅蜜，無為法不可得故

「世尊！無為空波羅蜜是般若波羅蜜。」

佛言：「無為法不可得故。」

丑九、畢竟空波羅蜜，諸法畢竟不可得故

「世尊！畢竟空波羅蜜是般若波羅蜜。」

¹⁵ [不] — 【聖】(大正 08, 312d, n.11)。

佛言：「諸法畢竟不可得故。」

丑十、無始空波羅蜜，諸法無始不可得故

「世尊！無始空波羅蜜是般若波羅蜜。」

佛言：「諸法無始不可得故。」

丑十一、散空波羅蜜，散法不可得故

「世尊！散空波羅蜜是般若波羅蜜。」

佛言：「散法不可得故。」

丑十二、性空波羅蜜，有為、無為性不可得故

「世尊！性空波羅蜜是般若波羅蜜。」

佛言：「有為、無為性¹⁶故。」

丑十三、諸法空波羅蜜，一切法不可得故

「世尊！諸法空波羅蜜是般若波羅蜜。」

佛言：「一切法不可得故。」

丑十四、無所得波羅蜜，無所有故

「世尊！無所得空波羅蜜是般若波羅蜜。¹⁷」

佛言：「無所有故。¹⁸」

丑十五、自相空波羅蜜，諸法自相離故

「世尊¹⁹！自相空波羅蜜是般若波羅蜜。」

佛言：「諸法²⁰自相離故。」

丑十六、無法空波羅蜜，無法不可得故

「世尊！無法空波羅蜜是般若波羅蜜。」

佛言：「無法不可得故。」

丑十七、有法空波羅蜜，有法不可得故

「世尊！有法空波羅蜜是般若波羅蜜。」

¹⁶ 性＝法【聖】(大正 08, 312d, n.12)。

¹⁷ [所得空波羅蜜是般若波羅蜜] 十三字－【聖】(大正 08, 312d, n.13a)。

¹⁸ [佛言無所有故] 六字－【聖】(大正 08, 312d, n.13b)。

¹⁹ [世尊]－【聖】(大正 08, 312d, n.13c)。

²⁰ [諸法]－【聖】(大正 08, 312d, n.14)。

佛言：「有法不可得故。」

丑十八、無法有法空波羅蜜，無法有法相不可得故

「世尊！無法有法空波羅蜜是般若波羅蜜。」

佛言：「無法有法相²¹不可得故。」

子三、菩提分行成

丑一、念處波羅蜜，身、受、心、法不可得故

「世尊！念處波羅蜜是般若波羅蜜。」

佛言：「身、受、心、法不可得故。」

丑二、正勤波羅蜜，善不善法不可得故

「世尊！正勤波羅蜜是般若波羅蜜。」

佛言：「善不善法不可得故。」

丑三、如意足波羅蜜，四如意足不可得故

「世尊！如意足波羅蜜是般若波羅蜜。」

佛言：「四如意足不可得故。」

丑四、根波羅蜜，五根不可得故

「世尊！根²²波羅蜜是般若波羅蜜。」

佛言：「五根不可得故。」

丑五、力波羅蜜，五力不可得故

「世尊！力波羅蜜是般若波羅蜜。」

佛言：「五力不可得故。」

丑六、覺波羅蜜，七覺分不可得故

「世尊！覺波羅蜜是般若波羅蜜。」

佛言：「七覺分不可得故。」

丑七、道波羅蜜，八聖道分不可得故

「世尊！道波羅蜜是般若波羅蜜。」

佛言：「八聖道分不可得故。」

²¹ [相] — 【宋】【元】【明】【宮】(大正 08, 312d, n.15)。

²² (五)+根【聖】(大正 08, 312d, n.16)。

子四、三三昧成

丑一、無作波羅蜜，無作不可得故

「世尊！無作波羅蜜是般若波羅蜜。」

佛言：「無作不可得故。」

丑二、空波羅蜜，空相不可得故

「世尊！空波羅蜜是般若波羅蜜。」

佛言：「空相不可得故。」

丑三、無相波羅蜜，寂滅相不可得故

「世尊！無相波羅蜜是般若波羅蜜。」

佛言：「寂滅相不可得故。」

子五、出世禪成

丑一、背捨波羅蜜，八背捨不可得故

「世尊！背捨波羅蜜是般若波羅蜜。」

佛言：「八背捨不可得故。」

丑二、定波羅蜜，九次第定不可得故

「世尊！定波羅蜜是般若波羅蜜。」

佛言：「九次第定不可得故。」

子六、六度行成

丑一、檀那波羅蜜，慳貪不可得故

「世尊！檀那波羅蜜是般若波羅蜜。」

佛言：「慳貪不可得故。」

丑二、尸羅波羅蜜，破戒不可得故

「世尊！尸羅波羅蜜是般若波羅蜜。」

佛言：「破戒不可得故。」

丑三、羼提波羅蜜，忍、不忍不可得故

「世尊！羼提波羅蜜是般若波羅蜜。」

佛言：「忍²³不忍²⁴不可得故。」

²³ [忍] — 【聖】(大正 08, 313d, n.1)。

丑四、毘梨耶波羅蜜，懈怠、精進不可得故

「世尊！毘梨耶波羅蜜是般若波羅蜜。」

佛言：「懈怠精進不可得故。」

丑五、禪那波羅蜜，定、亂不可得故

「世尊！禪那波羅蜜是般若波羅蜜。」

佛言：「定亂不可得故。」

丑六、般若波羅蜜，癡、慧不可得故

「世尊！般若波羅蜜是般若波羅蜜。」

佛言：「癡慧不可得故。」

癸二、歎果無不滿

子一、十力波羅蜜，一切法不可伏故

「世尊！十力波羅蜜是般若波羅蜜。」

佛言：「一切法不可伏故。」

子二、四無所畏波羅蜜，道種智不沒故

「世尊！四無所畏波羅蜜是般若波羅蜜。」

佛言：「道種智不沒故。」

子三、無礙智波羅蜜，一切法無障無礙故

「世尊！無礙智波羅蜜是般若波羅蜜。」

佛言：「一切法無障無礙故。」

子四、佛法波羅蜜，過一切法故

「世尊！佛法波羅蜜是般若波羅蜜。」

佛言：「過一切法故。」

子五、如實說者波羅蜜，一切語如實故

「世尊！如實說者²⁵波羅蜜是般若波羅蜜。」

佛言：「一切語如實故。」

子六、自然波羅蜜，一切法中自在故

²⁴ 忍+(辱)【聖】(大正 08, 313d, n.2)。

²⁵ [者]—【宋】【元】【明】【聖】(大正 08, 313d, n.3)。

「世尊！自然波羅蜜是般若波羅蜜。」

佛言：「一切法中自在故。」

子七、佛波羅蜜，知一切法、一切種智故

「世尊！佛波羅蜜是般若波羅蜜。」

佛言：「知²⁶一切法一切²⁷種智故²⁸。」

²⁶ [知] — 【聖】(大正 08, 313d, n.4)。

²⁷ [法一切] — 【明】【聖】(大正 08, 313d, n.5)。

²⁸ 以上大般若第二會第四十二不可得品。梵. *ity uktā ākārāḥ*. (大正 08, 313d, n.6)。

《摩訶般若波羅蜜經》卷 13 〈45 聞持品〉冠科¹

《摩訶般若波羅蜜經》卷 13 (大正 08, 313b6-318b12):

庚二、美於人²

辛一、歎人

壬一、明信人之德

癸一、天主歎

子一、歎淺行人

爾時，釋提桓因作是念：「若善男子、善女人得聞般若波羅蜜經耳者，是人於前世佛作功德，與善知識相隨，

子二、歎深行人

丑一、七人合歎

何況受持、親近、讀、誦、正憶念、如說行！當知是善男子、善女人多親近諸佛。

丑二、歎八人

能得聽、受、親近、讀、誦³，乃至正憶念、如說修⁴行、能問能答，當知是善男子、善女人於前世多供養親近諸佛故。

丑三、歎第十人

聞是深般若波羅蜜，不驚、不怖、不畏；當知是人亦於無量億劫行檀那⁵波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜。」

癸二、舍利弗歎

子一、舉現德比量歎

爾時，舍利弗白佛言：「世尊！若有善男子、善女人聞是深般若波羅

¹ 妙境法師，《摩訶般若波羅蜜經》冠科(上冊)，pp.549-576。

² 對照《大智度論》卷 66 〈45 歎信行品〉(大正 25, 522a14-523a29)。

³ 〔親近讀誦〕－【元】【明】(大正 08, 313d, n.12)。

⁴ 〔修〕－【宋】【元】【明】【宮】【聖】(大正 08, 313d, n.13)。

⁵ 〔那〕－【聖】*(大正 08, 313d, n.14)。

蜜，不驚、不怖、不畏，聞已受持、親近、如說習行，當知是善男子、善女人如阿惟越⁶致菩薩摩訶薩。

子二、舉往因釋歎現德

何以故？世尊！是般若波羅蜜甚深！若先世不久行檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，終不能信解深般若波羅蜜。

壬二、舍利弗明不信人之失

世尊！若有善男子、善女人⁷毀深般若波羅蜜者，當知是人前世亦⁸毀深般若波羅蜜。何以故？是善男子、善女人聞說深般若波羅蜜時，無有信樂、心不清淨⁸；是善男子、善女人先世不難⁹不問¹⁰諸佛及弟子¹¹：『云何應行檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜？云何應修內空乃至云何應修無法有法空？云何應修四念處乃至云何應修八聖道分？云何應修佛¹²十力乃至云何應修十八不共法？』』

壬三、天主尊敬般若以成歎人

癸一、述無習因以成舍利弗明不信人失

釋提桓因語舍利弗：「是深般若波羅蜜，若有善男子、善女人不久行檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，不行內空、外空乃至無法有法空，不行四禪、四無量心、四無色定，不行四念處乃至八聖道分，不行佛十力乃至十八不共法——如是人不信解是般若波羅蜜，有何可怪！

癸二、敬禮般若以成舍利弗歎信人德

大德舍利弗！我禮般若波羅蜜！禮般若波羅蜜，是禮一切智。」

⁶ 惟越=鞞跋【聖】*(大正 08, 313d, n.15)。

⁷ 咎=咎【聖】*(大正 08, 313d, n.16)。

⁸ (有信樂心不清淨)七字=信無淨心【聖】，〔有〕-【宮】(大正 08, 313d, n.17)。

⁹ 難=從【聖】(大正 08, 313d, n.18)。

¹⁰ 〔不問〕-【聖】(大正 08, 313d, n.19)。

¹¹ 子+(門)【聖】(大正 08, 313d, n.20)。

¹² 〔佛〕-【宮】(大正 08, 313d, n.21)。

辛二、勸修

壬一、學修

癸一、如來述成天主之歎

佛告釋提桓因言¹³：「如是！如是！憍尸迦！禮般若波羅蜜，是禮一切智。何以故？憍尸迦！諸佛一切智皆從般若波羅蜜生，一切智即是般若波羅蜜。」

癸二、正勸

以是故，憍尸迦！善男子、善女人欲住一切智，當住般若波羅蜜。善¹⁴男子、善女人欲生道種智，當習行般若波羅蜜；欲斷一切諸結及習，當習行般若波羅蜜。善男子、善女人欲轉法輪，當習行般若波羅蜜。善男子、善女人欲得須陀洹果、斯陀含果、阿那含果、阿羅漢果，當習行般若波羅蜜。欲得辟支佛道，當習行般若波羅蜜；欲教眾生令得須陀洹果、斯陀含果、阿那含果、阿羅漢果、辟支佛道，當習行般若波羅蜜。若善男子、善女人欲教眾生令得阿耨多羅三藐三菩提，若欲總攝比丘僧，當習行般若波羅蜜。」

壬二、問修¹⁵

癸一、問住

釋提桓因白佛言：「世尊！菩薩摩訶薩欲行般若波羅蜜時，云何名住般若波羅蜜、禪那¹⁶波羅蜜、毘¹⁷梨¹⁸耶波羅蜜、羸提波羅蜜、尸羅波羅蜜、檀那波羅蜜？云何住內空、外空¹⁹乃至無法有法空？云何住四禪、四無量心、四無色定、五神通？云何住四念處乃至八聖道分？云何住佛十力乃至十八不共法？」

癸二、問習行

世尊！菩薩摩訶薩云何習行般若波羅蜜乃至檀那波羅蜜、內空乃至十

¹³ [言] - 【聖】*(大正 08, 313d, n.22)。

¹⁴ (若)+善【宋】【元】【明】【宮】(大正 08, 313d, n.23)。

¹⁵ 對照《大智度論》卷 66〈45 歎信行品〉(大正 25, 523a30-525a2)。

¹⁶ 禪那=毘梨耶【宋】(大正 08, 314d, n.1)。

¹⁷ 毘梨耶=禪那【宋】(大正 08, 314d, n.2)。

¹⁸ 梨=黎【元】(大正 08, 314d, n.3)。

¹⁹ [外空] - 【聖】(大正 08, 314d, n.4)。

八不共法？」

壬三、答修

癸一、答問

子一、正答

丑一、總答二問

佛語釋提桓因言：「善哉！善哉！憍尸迦！汝能樂問是事，皆是佛神力。

寅一、不住蘊處界為習行般若

憍尸迦！若菩薩摩訶薩行般若波羅蜜時，若不住色中，為習行般若波羅蜜；若²⁰不住受、想、行、識中，為習行般若波羅蜜。眼、耳、鼻、舌、身、意，色、聲、香、味、觸、法，眼界乃至意識界，亦如是。

寅二、不住諸道法為各各自習其行

憍尸迦！若菩薩摩訶薩不住般若波羅蜜中，為習般若波羅蜜；不住禪那波羅蜜中，為習禪那波羅蜜；不住毘梨耶波羅蜜中，為習毘梨耶波羅蜜；不住羸提波羅蜜中，為習羸提波羅蜜；不住尸羅波羅蜜中，為習尸羅波羅蜜；不住檀那波羅蜜中，為習檀那波羅蜜。

如是，憍尸迦！是名菩薩摩訶薩不住般若波羅蜜中²¹，為習般若波羅蜜。

憍尸迦！不住內空中，為習內空；乃至不住無法有法空中，為習無法有法空；不住四禪中，為習四禪；不住四無量心中，為習四無量心；不住四無色定中，為習四無色定；不住五神通中，為習五神通；不住四念處中，為習四念處；乃至不住八聖道分中，為習八聖道分；不住佛十力中，為習²²佛十力；乃至不住十八不共法中，為習十八不共法。

丑二、釋所以

何以故？憍尸迦！是菩薩不得色可住、可習處；乃至十八不共法，不得十八不共法可住、可習處。

²⁰〔若〕－【聖】(大正 08，314d，n.5)。

²¹〔中〕－【聖】(大正 08，314d，n.6)。

²²習+(行)【聖】*(大正 08，314d，n.7)。

子二、重釋

丑一、正明

復次，憍尸迦！菩薩摩訶薩不習色，若不習色，是名習色。受、想、行、識乃至十八不共法亦如是。

丑二、釋所以

何以故？是菩薩摩訶薩，色前際不可得、中際不可得、後際不可得；乃至十八不共法亦如是。

癸二、舍利弗歎佛述成

子一、歎述般若法

丑一、正歎

寅一、甚深歎

舍利弗白佛言：「世尊！是般若波羅蜜甚深！」

佛言：「色如甚深故，般若波羅蜜甚深；受、想、行、識如甚深故，般若波羅蜜甚深。乃至十八不共法亦如是。」

寅二、難測量歎

舍利弗言：「世尊！是般若波羅蜜難可測量！」

佛言：「色難可測量故，般若波羅蜜難可測量；受、想、行、識乃至十八不共法難可測量故，般若波羅蜜難可測量。」

寅三、無量歎

「世尊！是般若波羅蜜無量！」

佛言：「色無量故，般若波羅蜜無量；受、想、行、識乃至十八不共法無量故，般若波羅蜜無量。」

丑一、釋疑

寅一、正釋

卯一、不行甚深

佛告舍利弗：「若菩薩摩訶薩行般若波羅蜜時，不行色甚深，為行般若波羅蜜；不行受、想、行、識乃至不行十八不共法甚深，為行般若波羅蜜。」

何以故？色甚深相為非色；受、想、行、識乃至十八不共法甚深相為

非十八不共法。如是不行，為行般若波羅蜜。

卯二、不行難測量

舍利弗！若菩薩摩訶薩行般若波羅蜜時，不行色難測量，為行般若波羅蜜；不行受、想、行、識乃至不行十八不共法難測量，為行般若波羅蜜。

何以故？色難測量相為非色；受、想、行、識乃至十八不共法難測量相為非十八不共法。

卯三、不行無量

舍利弗！若菩薩摩訶薩行般若波羅蜜時，不行色無量，為行般若波羅蜜；不行受、想、行、識乃至不行十八不共法無量，為行般若波羅蜜。

何以故？色是無量相為非色；受、想、行、識乃至十八不共法無量相為非十八不共法。」

寅二、誠不應為新學說

卯一、舍利弗誠說

舍利弗白佛言：「世尊！是般若波羅蜜甚深，甚深相難見、難解、不可思量²³，不應在新發意菩薩前說。何以故？新發意菩薩聞是甚深般若波羅蜜，或當驚怖，心生疑悔，不信不行。

是甚深般若波羅蜜當在阿惟越致菩薩摩訶薩前說；是菩薩聞是甚深般若波羅蜜，不驚、不怖，心不疑悔，則能信行。」

卯二、天主問過

釋提桓因問舍利弗：「若在新發意菩薩摩訶薩前說是深般若波羅蜜，有何等過？」

卯三、舍利弗答

辰一、生不信疑悔怖畏

舍利弗報釋提桓因言：「憍尸迦！若在新發意菩薩前說是深般若波羅蜜，或當驚怖，毀不信——是新發意菩薩或有是處。

辰二、生毀咎久墮惡道

若新發意菩薩聞是深般若波羅蜜，毀咎不信，種三惡道業；是業因緣

²³ 量=議【聖】(大正 08, 314, n.8)。

故，久久難得阿耨多羅三藐三菩提。」

子二、舉譬歎行人²⁴

丑一、天主問

釋提桓因問舍利弗：「頗有未受記菩薩摩訶薩聞是深般若波羅蜜不驚、不怖者不？」

丑二、舍利弗答

舍利弗言：「如是，憍尸迦！若有菩薩摩訶薩聞是深般若波羅蜜不驚、不怖，當知是菩薩得受阿耨多羅三藐三菩提記不久，不過一佛、兩佛。」

丑三、佛舉往因述成舍利弗

佛告舍利弗：「如是！如是！是菩薩摩訶薩久發意、行六波羅蜜、多供養諸佛，聞是深般若波羅蜜，不驚、不怖、不畏，聞即受持，如般若波羅蜜中所說行。」

丑四、舍利弗舉兩譬歎釋於人

寅一、夢行譬

卯一、舉況

爾時，舍利弗白佛言：「世尊！我欲說譬喻。如求菩薩道善男子、善女人夢中修行般若波羅蜜、入禪定、勤精進、具足忍辱、守護於戒，行布施，修行內空、外空，乃至坐於道場，當知是善男子、善女人近阿耨多羅三藐三菩提；

卯二、合況

何況菩薩摩訶薩欲得阿耨多羅三藐三菩提，覺時修²⁵行般若波羅蜜、入禪定，勤精進，具足忍辱，守護於戒，行布施，而不疾成阿耨多羅三藐三菩提、坐於道場！」

卯三、結釋

世尊！善男子、善女人善根成就，得聞般若波羅蜜，受持乃至如說修²⁶行；當知是菩薩摩訶薩久發意、種善根、多供養諸佛、與善知識相隨；

²⁴ 對照《大智度論》卷 66〈45 歎信行品〉(大正 25, 525a3-527a29)。

²⁵ (實)+修【宋】【元】【明】【宮】(大正 08, 315d, n.1)。

²⁶ [修]—【宋】【元】【明】【宮】【聖】(大正 08, 315d, n.2)。

是人能受持般若波羅蜜乃至正憶念，當知是人近受阿耨多羅三藐三菩提記。當知是善男子、善女人如阿惟越致菩薩摩訶薩，於阿耨多羅三藐三菩提不動轉，能得深般若波羅蜜；得已，能受持、讀、誦，乃至正憶念。

寅二、險道譬

卯一、舉譬

世尊！譬如人欲過百由旬、若二百、三百、四百由旬曠野險道，先見諸相——若放牧者、若壇界、若園林——如是等諸相故，知近城、邑、聚落。是人見是相已，作是念：「如我所見相，當知城、邑、聚落不遠。」心得安隱，不畏賊難、惡虫、飢渴。

卯二、合法

世尊！菩薩摩訶薩亦如是，若得是深般若波羅蜜，受持、讀、誦，乃至正憶念，當知近受得²⁷阿耨多羅三藐三菩提記不久，當知是菩薩摩訶薩不應畏墮²⁸聲聞、辟支佛地。是諸先相，所謂甚深般若波羅蜜，得聞、得見、得受持乃至正憶念故。」

丑五、佛命重說

佛告舍利弗：「如是，如是！汝更²⁹樂說者，便說。」

丑六、舍利弗受命重說三譬

寅一、近海譬

卯一、舉譬

「世尊！譬如人欲見大海，發心往趣，不見樹相、不見山相，是人雖未見大海，知大海不遠。何以故？大海處平，無樹相、無山相故。」

卯二、合法

如是，世尊！菩薩摩訶薩聞是深般若波羅蜜、受持乃至正憶念時，雖未佛前受劫數之記——若百劫、千劫³⁰、百千萬億劫，是菩薩自知近受阿耨多羅三藐三菩提記不久。何以故？我得聞是深般若波羅蜜，受持、讀、誦乃至正憶念故。

²⁷ [得] — 【宋】【元】【明】【宮】(大正 08, 315d, n.3)。

²⁸ 墮=隨【聖】*(大正 08, 315d, n.4)。

²⁹ 更=復【聖】(大正 08, 315d, n.5)。

³⁰ 劫=万【宮】(大正 08, 315d, n.6)。

寅二、春樹譬

卯一、舉譬

世尊！譬如初春，諸樹故³¹葉已墮，當知此樹新葉華果出在不久。何以故？見是諸樹先相故，知今不久華葉果出；是時閻浮提人，見樹先相，皆悉³²歡喜³³。

卯二、合法

世尊！菩薩摩訶薩得聞是深般若波羅蜜，受持、讀、誦乃至正憶念、如說行，當知是菩薩善根成就、多供養諸佛。是菩薩應作是念：『先世善根所追，趣阿耨多羅三藐三菩提，以是因緣故，得見、得聞是深般若波羅蜜，受持、讀、誦乃至正憶念、如說行。』

是中諸天子曾見佛者，歡喜踊躍，作是念言：『先諸菩薩摩訶薩亦有如是受記先³⁴相，今是菩薩摩訶薩受阿耨多羅三藐三菩提記亦不久。』

寅三、懷妊譬

卯一、舉譬

世尊！譬如母人懷妊³⁵，身體苦重、行步不便，坐起不安，眠食轉少，不喜語言³⁶，厭本所習，受苦痛故；有異母人見其先相，當知產生不久。

卯二、合法

菩薩摩訶薩亦如是，種善根、多供養諸佛、久行六波羅蜜、與善知識相隨，善根成就，得聞深般若波羅蜜，受持、讀、誦乃至正憶念、如說行³⁷；諸人亦知是菩薩摩訶薩得阿耨多羅三藐三菩提記不久。」

丑七、佛述成

佛告舍利弗言：「善哉！善哉！汝所樂說，皆是佛力。」

癸三、須菩提歎佛述成

³¹ 故=陳【聖】(大正 08, 315d, n.7)。

³² [悉] - 【聖】(大正 08, 315d, n.8)。

³³ 喜+(言)【聖】(大正 08, 315d, n.9)。

³⁴ [先] - 【聖】(大正 08, 315d, n.10)。

³⁵ 妊=任【聖】(大正 08, 315d, n.11)。

³⁶ 語言=言語【聖】(大正 08, 315d, n.12)。

³⁷ (修)+行【聖】(大正 08, 315d, n.13)。

子一、歎行般若人

丑一、歎菩薩行四攝廣益眾生

寅一、須菩提歎佛

爾時，須菩提白佛言：「希有！世尊！諸多陀阿伽度、阿羅訶、三藐三佛陀善付諸菩薩摩訶薩事。」

寅二、佛述

卯一、總明菩薩發心利物

佛告須菩提：「諸菩薩摩訶薩發阿耨多羅三藐三菩提心，安隱多眾生，令無量眾生得樂，憐愍、饒益諸天人故。」

卯二、出利物事

辰一、行四攝十善

是諸菩薩行菩薩道時，以四事攝無量百千眾生，所謂布施、愛語、利益、同事；亦以十善道成就眾生。

辰二、具行四禪八定

自行初禪，亦教他人令行初禪；乃至自行非有想非無想處，亦教他人令行乃至非有想非無想處。

辰三、具行六度

自行檀那波羅蜜，亦教他人令行檀那波羅蜜；自行尸羅波羅蜜，亦教他人令行尸羅波羅蜜；自行羼提波羅蜜，亦教他人令行羼提波羅蜜；自行毘梨耶波羅蜜，亦教他人令行毘梨耶波羅蜜；自行禪那波羅蜜，亦教他人令行禪那波羅蜜；自行般若波羅蜜，亦教他人令行般若波羅蜜。

辰四、自內不證令他得二乘聖果

是菩薩得般若波羅蜜，以方便力教眾生令得須陀洹果，自於內不證；教眾生令得斯陀含果、阿那含果、阿羅漢果，自於內不證；教眾生令得辟支佛道，自於內不證。

辰五、具成菩薩功德

自行六波羅蜜，亦教無量百千萬諸菩薩令行六波羅蜜。

自住阿惟越³⁸致地，亦教³⁹他人⁴⁰住阿惟越致地。

³⁸ 惟越 = 維越【宋】【元】【明】【宮】*，惟越 = 鞞跋【聖】* (大正 08, 315d, n.14)。

自淨佛國土，亦教他人淨佛國土。
自成就眾生，亦教他人成就眾生。
自得菩薩神通，亦教他人令得菩薩神通。
自淨陀羅⁴¹尼門，亦教他人淨陀羅尼門。
自具足樂說辯才，亦教他人具足樂說辯才。
自受色成就，亦教他人⁴²受色成就。

辰六、具滿諸佛功德

自成就三十二相，亦教他人成就三十二相。
自成就童真地，亦教他人成就童真地。
自成就佛十力，亦教他人令成就佛十力。
自行四無所畏，亦教他人行四無所畏。
自行十八不共法，亦教他人令⁴³行十八不共法。
自行大慈大悲，亦教他人行大慈大悲。
自得一切種智，亦教他人令得⁴⁴一切種智。
自離一切結使及習，亦教他人令離一切結使及習。
自轉法輪，亦教他人轉法輪。」

丑二、歎菩薩具足修行⁴⁵

寅一、歎菩薩德論具足行

卯一、須菩提歎問

辰一、歎

須菩提白佛言：「希有！世尊！諸菩薩摩訶薩大功德成就，所謂為一切眾生行般若波羅蜜，欲得阿耨多羅三藐三菩提。

辰二、問

世尊！云何諸菩薩摩訶薩具足修行般若波羅蜜？」

³⁹ 教=令【聖】(大正 08, 315d, n.15)。

⁴⁰ [人] - 【聖】(大正 08, 315d, n.16)。

⁴¹ 羅=憐【聖】*(大正 08, 315d, n.17)。

⁴² 人+(令)【聖】*(大正 08, 315d, n.18)。

⁴³ [令] - 【聖】(大正 08, 316d, n.1)。

⁴⁴ 得=行【宮】(大正 08, 316d, n.2)。

⁴⁵ 對照《大智度論》卷 67〈45 歎信行品〉(大正 25, 527b8-528c21)。

卯二、佛答

辰一、正明

佛告須菩提：「若菩薩摩訶薩行般若波羅蜜時，不見色增相，亦不見減相；不見受、想、行、識增相，亦不見減相；乃至一切種智不見增相，亦不見減相。菩薩摩訶薩是時具足般若波羅蜜。

復次，須菩提！菩薩摩訶薩行般若波羅蜜時，不見是法、是非法，不見是過去法、是未來、現在法，不見是善法、不善法，有記法、無記法，不見是有為法、無為法，不見欲⁴⁶界、色界、無色界，不見檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，乃至不見一切種智。如是菩薩摩訶薩具足修行般若波羅蜜。

辰二、釋所以

何以故？諸法無相故，諸法空、欺誑、無堅固，無覺者、無壽命⁴⁷者。」

寅二、歎述不可思議

卯一、須菩提稱歎

須菩提言：「世尊！世尊所說不可思議！」

卯二、佛述

辰一、泯思議

佛告須菩提：「色不可思議故，所說不可思議；受、想、行、識不可思議故，所說不可思議；六波羅蜜不可思議故，所說不可思議；乃至一切種智不可思議故，所說不可思議。

辰二、泯不思議（泯境智）

須菩提！若菩薩摩訶薩行般若波羅蜜時，知色是不可思議，受、想、行、識是不可思議，乃至知一切種智是不可思議，是菩薩則不能具足般若波羅蜜。」

寅三、論信解者相

卯一、明信解者

辰一、須菩提問

⁴⁶ 欲=法【宮】(大正 08, 316d, n.3)。

⁴⁷ 壽命=受【聖】(大正 08, 316d, n.4)。

須菩提白佛言：「世尊！是深般若波羅蜜，誰當信解者？」

辰二、佛答宿植三多

佛言：「若有菩薩摩訶薩久行六波羅蜜、種善根、多親近供養諸佛、與善知識相隨，是菩薩能信解深般若波羅蜜。」

卯二、明信解相

辰一、須菩提問

須菩提白佛言：「世尊！云何菩薩摩訶薩久行六波羅蜜、種善根、多親近供養諸佛、與善知識相隨？」

辰二、佛答

巳一、正明植無所得善根

佛言：「若菩薩摩訶薩不分別色、不分別色相、不分別色性，不分別受、想、行、識，不分別識相、不分別識性；眼、耳、鼻、舌、身、意，色、聲、香、味、觸、法，眼界乃至意識界，亦如是；不分別欲界、色界、無色界，不分別三界相、性。

不分別檀那波羅蜜乃至般若波羅蜜、內空乃至無法有法空、四念處乃至八聖道分、佛十力乃至十八不共法，不分別檀乃⁴⁸至⁴⁹十八不共法相⁵⁰、不分別十八不共法性⁵¹；不分別道種智⁵²、不分別道種智相、性⁵³；不分別一切種智、不分別一切種智相、不分別一切種智性。

巳二、結釋合三多為一

何以故？須菩提！色不可思議，受、想、行、識不可思議，乃至一切種智不可思議。

如是！須菩提！是名菩薩摩訶薩久行六波羅蜜、種善根、多親近供養諸佛、與善知識相隨。」

⁴⁸ [檀乃] — 【宋】【元】【明】【宮】【聖】(大正 08, 316d, n.5)。

⁴⁹ [至] — 【宋】【元】【明】【宮】，至=十八不共法不分別【聖】(大正 08, 316d, n.6)。

⁵⁰ [相] — 【宋】【元】【明】【宮】(大正 08, 316d, n.7)。

⁵¹ 性=相【宋】【元】【明】【宮】(大正 08, 316d, n.8)。

⁵² 道種智=十八不共法性【宋】【元】【明】【宮】(大正 08, 316d, n.9)。

⁵³ [不分…性] 八字—【聖】(大正 08, 316d, n.10)。

子二、歎般若法

丑一、甚深歎

須菩提白佛言：「世尊！色甚深故，般若波羅蜜甚深；受、想、行、識甚深，乃至一切種智甚深故，般若波羅蜜甚深。」

丑二、珍寶聚歎

世尊！是般若波羅蜜珍寶聚，有須陀洹果寶故，有斯陀含果、阿那含果、阿羅漢果、辟支佛道、阿耨多羅三藐三菩提寶故；有四禪、四無量心、四無色定、五神通，四念處乃至八聖道分，佛十力、四無所畏、四無礙智、大慈大悲、十八不共法，一切智、一切種智寶故。

丑三、清淨聚歎

世尊！是般若波羅蜜清淨聚。色清淨故，般若波羅蜜清淨聚；受、想、行、識清淨乃至一切種智清淨故，般若波羅蜜清淨聚。」

戊二、示邪及佛護⁵⁴

己一、正明留難勸兼明佛力故難不能難

庚一、略舉留難勸速修行得果報

辛一、正舉留難勸人速修

壬一、須菩提正舉留難

須菩提言：「世尊！甚可怪！說是般若波羅蜜時，多有留難！」

壬二、佛述

癸一、明實有留難

佛言：「如是！如是！須菩提！是甚深般若波羅蜜，多有留難。」

癸二、勸疾成就

以是事故，善男子、善女人若欲書是般若波羅蜜時，應當疾書；若讀、誦、思惟、說、正憶念、修行時，亦應疾修行。何以故？是甚深般若波羅蜜，若書⁵⁵，讀、誦、思惟、說、正憶念、修行時，不欲令諸難起故。善男子、善女人若能一月書成，當應勤書；若二月、三月、四月、五月、六月、七月，若一歲書成，亦當勤書；讀、誦、思惟、說、正憶念、修

⁵⁴ 對照《大智度論》卷 67 〈45 歎信行品〉(大正 25, 528c22-530b29)。

⁵⁵ 書+(時)【聖】(大正 08, 316d, n.11)。

行，若一月得成就乃至一歲得成就，應當勤成就。

何以故？須菩提！是珍寶中多有難起故。」

辛二、明佛力故難不能難

壬一、正明難不能難

癸一、須菩提重述

須菩提言：「世尊！是甚深般若波羅蜜中惡魔熹作留難故，不得令書，不得令讀、誦、思惟、說、正憶念、修行。」

癸二、佛正明

佛告須菩提：「惡魔雖欲留難是深般若波羅蜜令不得書、讀、誦、思惟、說、正憶念、修行，亦不能破壞是菩薩摩訶薩書般若波羅蜜乃至修行。」

壬二、釋佛力所護故

癸一、舍利弗問

爾時，舍利弗白佛言：「世尊！誰力故，令惡魔不能留難菩薩摩訶薩書深般若波羅蜜乃至修行？」

癸二、佛答

子一、釋迦文佛護

佛言：「是佛力故，惡魔不能留難菩薩摩訶薩書深般若波羅蜜乃至修行。」

子二、十方現在佛護

丑一、正明所以

舍利弗！亦是十方國土⁵⁶現在諸佛力故，是諸佛擁護念是菩薩故，令魔不能留難菩薩摩訶薩、令不書成就⁵⁷般若波羅蜜乃至修行。

何以故？十方國土中現在無量無邊阿僧祇諸佛，擁護念是菩薩書深般若波羅蜜乃至修行；法應爾，亦無能作留難！

丑二、勸念佛恩

舍利弗！善男子、善女人應當作是念：『我書是深般若波羅蜜乃至修

⁵⁶ 國土＝世界【聖】(大正 08，317d，n.1)。

⁵⁷ [就]－【宋】【元】【明】【宮】*(大正 08，317d，n.2)。

行，皆是十方諸佛力。』」

癸三、舍利弗述佛印成

子一、書持修行皆佛力護

舍利弗言：「世尊！若有善男子、善女人書是深般若波羅蜜乃至修行，皆是佛力故，當知是人諸佛所護。」

佛言：「如是！如是！舍利弗！當知⁵⁸若有善男子、善女人書是深般若波羅蜜乃至修行，皆是佛力故，當知亦⁵⁹是諸佛所護。」

子二、皆為十方佛眼所見所識

舍利弗言：「世尊！十方現在無量無邊阿僧祇諸佛皆識、皆以佛眼見是善男子、善女人書深般若波羅蜜時⁶⁰乃至修行時。」

佛言：「如是！如是！舍利弗！十方現在無量無邊阿僧祇諸佛皆識、皆以佛眼見是善男子、善女人書深般若波羅蜜時乃至修行時。」

辛三、明行般若之人有大功德

壬一、明行般若得大果報

癸一、近得無上菩提

舍利弗！是中求菩薩道善男子、善女人若書是深般若波羅蜜，受持、讀、誦、正憶念、如說修行，當知是人近阿耨多羅三藐三菩提不久。

癸二、不墮惡道不離諸佛

舍利弗！善男子、善女人書是深般若波羅蜜，受持、讀、誦乃至正憶念，是人於深般若波羅蜜多信解相，亦供養、恭敬、尊重、讚歎是深般若波羅蜜，華香、瓔珞乃至幡蓋供養。

舍利弗！諸佛皆識、皆以佛眼見是善男子、善女人。

是善男子、善女人供養功德，當得大利益、大果報。

舍利弗！是善男子、善女人以是供養功德因緣故，終不墮惡道中，乃至阿惟越致地，終不遠離諸佛。

癸三、不離甚深觀行

⁵⁸ [當知] — 【聖】(大正 08, 317d, n.3)。

⁵⁹ [亦] — 【聖】(大正 08, 317d, n.4)。

⁶⁰ [時] — 【聖】*(大正 08, 317d, n.5)。

舍利弗！是善男子、善女人是善根因緣故，乃至阿耨多羅三藐三菩提，終不遠離六波羅蜜，終不遠離內空乃至無法有法空，終不遠離四念處乃至八聖道分，終不遠離佛十力乃至阿耨多羅三藐三菩提。

壬二、明般若隨方利益⁶¹

癸一、明三方利益

子一、南方

丑一、勸修

舍利弗！是深般若波羅蜜，佛般涅槃後，當至南方國土，是中比丘、比丘尼、優婆塞、優婆夷當書是深般若波羅蜜，當受持、讀、誦、思惟、說、正憶念、修行。

丑二、得益

寅一、世間益

以是善根因緣故，終不墮惡道中⁶²，受天上、人中樂；

寅二、出世益

增益六波羅蜜，供養、恭敬、尊重讚歎諸佛；漸以聲聞、辟支佛、佛乘而得涅槃。

子二、西方

丑一、勸修

舍利弗！是深般若波羅蜜，從南方當轉至西方所在處，是中比丘、比丘尼、優婆塞、優婆夷，當書是深般若波羅蜜，當受持、讀、誦、思惟、說、正憶念、修行。

丑二、得益

寅一、世間益

以是善根因緣故，終不墮惡道中，受天上、人中樂；

寅二、出世益

增益六波羅蜜，供養、恭敬、尊重、讚歎諸佛；漸以聲聞、辟支佛、佛乘而得涅槃。

⁶¹ 對照《大智度論》卷 67〈45 歎信行品〉(大正 25, 530c1-532a5)。

⁶² [中] - 【聖】*(大正 08, 317d, n.6)。

子三、北方

丑一、明般若於北方作佛事

寅一、勸修

舍利弗！是深般若波羅蜜，從西方當轉至北方所在處，是中比丘、比丘尼、優婆塞、優婆夷，當書是深般若波羅蜜，當受持、讀、誦、思惟、說、正憶念、修行。

寅二、得利

卯一、世間益

以是善根因緣故，終不墮惡道中，受天上、人中樂；

卯二、出世益

增益六波羅蜜，供養、恭敬、尊重、讚歎諸佛，漸以聲聞、辟支佛、佛乘而得涅槃。

寅三、別明

卯一、利根具生福慧

舍利弗！是深般若波羅蜜，是時北方當作佛事。何以故？舍利弗！我法盛時，無⁶³滅相。

舍利弗！我已念是善男子、善女人受是深般若波羅蜜乃至修行。

卯二、鈍根但供養生福

是善男子、善女人能書是般⁶⁴若波羅蜜，恭敬、供養、尊重、讚歎，華香乃至幡蓋。

卯三、終得益畢苦

舍利弗！是善男子、善女人以是善根因緣故，終不墮惡道中，受天上、人中樂；增益六波羅蜜，供養、恭敬、尊重、讚歎諸佛，漸以聲聞、辟支佛、佛乘而得涅槃。

卯四、釋迦佛及十方佛所見所讚

何以故？舍利弗！我以佛眼見是人，我亦稱譽、讚歎；十方國土中無量無邊阿僧祇諸佛亦以佛眼見是人，亦稱譽、讚歎。」

⁶³ 無+(有)【元】【明】(大正 08, 317d, n.7)。

⁶⁴ (深)+般【元】【明】(大正 08, 317d, n.8)。

丑二、明北方廣行異餘三方

寅一、初問答

卯一、舍利弗問

舍利弗白佛言：「世尊！是深般若波羅蜜後時當在北方廣行耶⁶⁵？」

卯二、佛答

佛言：「如是！如是！舍利弗！是深般若波羅蜜後時在北方當廣行。

舍利弗！後時於北方，是善男子、善女人若聞是深般若波羅蜜，若書、受持⁶⁶、讀、誦、思惟、說、正憶念、如說修行，當知是善男子、善女人久發大乘心、多供養諸佛、種善根、久與善知識相隨。」

寅二、第二問答

卯一、舍利弗問

舍利弗白佛言：「世尊！後時北方當有幾所善男子、善女人求佛道，書深般若波羅蜜，乃至如說修行？」

卯二、佛答

辰一、明多行有所得悟無所得者少

佛告舍利弗：「後時北方雖多有求佛道善男子、善女人，少有聞是深般若波羅蜜不沒、不驚、不怖、不畏。」

辰二、明能信無所得者願行必深

巳一、明信無所得人修行及得果

午一、多供養諸佛等，於後生時不失菩提心，亦教化他人

何以故？是人多親近供養諸佛，多諮問諸佛，是人必能具足般若波羅蜜、禪那波羅蜜、毘梨耶波羅蜜、羼提波羅蜜、尸羅波羅蜜、檀那波羅蜜，具足四念處，乃至具足十八不共法。

舍利弗！是善男子、善女人善根純⁶⁷熟故，能多利益眾生，為阿耨多羅三藐三菩提。

何以故？我今為是善男子、善女人說應薩婆若法，過去諸佛亦為是善男子、善女人說應薩婆若法。

⁶⁵ 耶=那【宮】(大正 08, 317d, n.9)。

⁶⁶ 受持=持受【宋】【元】【宮】(大正 08, 317d, n.10)。

⁶⁷ 純=淳【聖】(大正 08, 317d, n.11)。

以是因緣故，是人後生時續得阿耨多羅三藐三菩提心，亦為他人說阿耨多羅三藐三菩提法。

午二、煩惱薄，常一心和合，魔不能壞

是善男子、善女人皆一心和合，魔、若魔民不能沮壞阿耨多羅三藐三菩提心，何況惡⁶⁸行人毀咎⁶⁹行深般若波羅蜜者能壞其阿耨多羅三藐三菩提心！

午三、自得勝法，復教眾生令住善根，趣向無上菩提

舍利弗！是求菩薩道諸善男子、善女人，聞是深般若波羅蜜，得大⁷⁰法喜法樂，亦立多人於善根，為阿耨多羅三藐三菩提。

巳二、明信無所得人發誓願得果報⁷¹

午一、於諸佛前立誓願

是⁷²善男子、善女人，於我前立誓願：『我行菩薩道時，當度無數百千萬億眾生，令發阿耨多羅三藐三菩提心，示、教、利、喜，乃至阿惟越致地受記。』我知其心，我亦隨喜。

是善男子、善女人亦於過去諸佛前立誓願：『我行菩薩道時，當度無數百千萬億眾生，令發阿耨多羅三藐三菩提心，示、教、利、喜，乃至阿惟越致地受記。』諸過去佛亦知其心而⁷³隨喜。

午二、修廣大施等，願生他方世界說般若化導眾生

舍利弗！是諸善男子、善女人所為心大，所受色、聲、香、味、觸、法亦大，亦能大施；能大施已，種大善根；種大善根已，得大果報。為攝眾生故受身⁷⁴，能於眾生中捨內外所有物。

以是善根因緣，發願欲生他方國土現在諸佛說深般若波羅蜜處；於諸佛前聞是深般若波羅蜜已，亦於彼示、教、利、喜百千萬億眾生，令發

⁶⁸ (行)+惡【聖】(大正 08, 318d, n.1)。

⁶⁹ 咎=訾【聖】(大正 08, 318d, n.2)。

⁷⁰ 得大=大得【聖】(大正 08, 318d, n.3)。

⁷¹ 對照《大智度論》卷 67 〈45 歎信行品〉(大正 25, 532a6-532c21)。

⁷² 是=心【聖】(大正 08, 318d, n.4)。

⁷³ [而]—【聖】(大正 08, 318d, n.5)。

⁷⁴ [身]—【宋】【元】【明】【宮】【聖】(大正 08, 318d, n.6)。

阿耨多羅三藐三菩提心。」

癸二、稱歎釋疑

子一、歎佛五眼圓照三世十方

舍利弗白佛言：「希有！世尊！佛於過去、未來、現在法無法不知，無法如相不知，眾生之行無事不知。今佛悉知過去諸佛及菩薩、聲聞，亦知今現在十方諸佛國土菩薩及聲聞，亦知未來諸佛及菩薩、聲聞。」

子一、釋疑

丑一、釋得不得疑

世尊！未來世有善男子、善女人勤求六波羅蜜，受持、讀、誦乃至修行，有得、有不得？」

佛告舍利弗：「若善男子、善女人一心精進勤求，當得應六波羅蜜諸經。」

丑二、釋相應疑

舍利弗白佛言：「善男子、善女人如是勤行者，得⁷⁵是應六波羅蜜深經耶⁷⁶？」

佛語舍利弗：「是善男子、善女人得是應六波羅蜜深經。」

何以故？善男子、善女人為阿耨多羅三藐三菩提故，與眾生說法，示、教、利、喜，令住六波羅蜜。

以是因緣故，是善男子、善女人後身轉生易得應六波羅蜜深經；得已，如六波羅蜜所說修行，精勤不息，乃至淨佛國土、成就眾生，得阿耨多羅三藐三菩提。」⁷⁷

⁷⁵ (當)+得【元】【明】(大正 08，318d，n.7)。

⁷⁶ 耶=取【聖】(大正 08，318d，n.8)。

⁷⁷ 摩訶般若波羅蜜經卷第廿終【聖】，以上大般若第二會第四十三東北方品。梵. ityuktāgūṇāḥ. (大正 08，318d，n.9)。

《摩訶般若波羅蜜經》卷 13 〈46 魔事品〉冠科¹

《摩訶般若波羅蜜經》卷 13 (大正 08, 318b14-320b8) :

庚二、廣明留難觀而不隨²

辛一、廣明魔事

壬一、約三辛明魔事

癸一、請說魔事

子一、勝前說正

爾時³慧命須菩提白佛言：「世尊！是善男子、善女人發阿耨多羅三藐三菩提心，行六波羅蜜，成就眾生、淨佛國土——佛已讚歎說其功德。

子二、請後說邪

世尊！云何是善男子、善女人求於佛道生諸留難？」

癸二、酬請為說

子一、列三章門

丑一、說門

佛告須菩提：「樂說辯不即生——當知是菩薩魔事。」

須菩提言：「世尊！何因緣故，樂說辯不即生是菩薩⁴魔事？」

佛言：「有菩薩摩訶薩行般若波羅蜜時，難具足六波羅蜜。以是因緣故，樂說辯不即生是菩薩魔事。

復次，須菩提！樂說辯卒起——當知亦是菩薩魔事。」

「世尊！何因緣故，樂說辯⁵卒起復是魔事？」

佛言：「菩薩摩訶薩行檀那波羅蜜乃至般若波羅蜜，著樂說法；以是因緣故，樂說辯卒起——當知是菩薩魔事。

¹ 妙境法師，《摩訶般若波羅蜜經》冠科(上冊)，pp.577-587。

² 對照《大智度論》卷 68 〈46 魔事品〉(大正 25, 533a6-534c16)。

³ 〔爾時〕—【聖】(大正 08, 318d, n.10)。

⁴ 薩=提【聖】(大正 08, 318d, n.11)。

⁵ 辯+(才)【聖】*(大正 08, 318d, n.12)。

丑二、書門

復次，須菩提！書是般若波羅蜜經時，偃蹇⁶傲慢——當知是菩薩魔事。

復次，須菩提！書是經時，戲笑亂心——當知是菩薩魔事。

復次，須菩提！若書是經時，輕笑不敬——當知是菩薩魔事。

復次，須菩提！若書是經時，心亂不定——當知是菩薩魔事。

復次，須菩提！書是經時，各各⁷不和合——當知是為⁸菩薩魔事。

丑三、受持誦說正憶念親近章門

復次，須菩提！善男子、善女人作是念：『我不得是經中滋味。』便棄捨去——當知是為菩薩魔事。

復次，須菩提！受持般若⁹波羅蜜，讀、誦、說、若正憶念時，偃蹇傲慢——當知是為菩薩魔事。

復次，須菩提！若受持般若波羅蜜經時，親近、正憶念時，轉相形笑——當知是為菩薩魔事。

復次，須菩提！若受持般若波羅蜜經，讀誦、正憶念、修行時，共相輕蔑——當知是為菩薩魔事。

若受持般若波羅蜜，讀誦乃至¹⁰正憶念時，散亂心——當知是為菩薩魔事。

若受持般若波羅蜜，讀誦乃至正憶念時，心不和合——當知是為菩薩魔事。」

子二、釋三章門

丑一、釋第三章門

寅一、約有所得學者不得滋味

卯一、須菩提問

須菩提白佛言：「世尊！世尊說：『善男子、善女人作是念：「我不得經中滋味。」便棄捨去——當知是為菩薩魔事。』世尊！何因緣故，菩

⁶ 蹇=僂【元】【明】*(大正 08, 318d, n.13)。

⁷ [各] — 【聖】(大正 08, 318d, n.14)。

⁸ [為] — 【聖】*(大正 08, 318d, n.15)。

⁹ [般若] — 【聖】(大正 08, 318d, n.16)。

¹⁰ [乃至] — 【聖】*(大正 08, 318d, n.17)。

薩不得經中滋味，便棄捨去？」

卯二、佛答

辰一、不得受記

佛言：「是菩薩摩訶薩前世不久行般若波羅蜜、禪那波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜。是人聞說是般若波羅蜜，便從座起，作是念言：『我於般若波羅蜜中無記。』心不清淨，便從座起去——當知是為菩薩魔事。」

須菩提白佛言：「世尊！何因緣故不與受¹¹記，聞說是般若波羅蜜時，便從座起去？」

佛告須菩提：「若菩薩未入法位中，諸佛不與受¹²阿耨多羅三藐三菩提記。

辰二、不說名字

復次，須菩提！聞說般若波羅蜜時，菩薩作是念：『我是中無名字。』心不清淨——當知是為菩薩魔事。」

須菩提言：「何因緣故，是深般若波羅蜜中，不說¹³是菩薩名字？」

佛言：「未受¹⁴記菩薩，諸佛不記¹⁵名字。」

辰三、不說生處

復次，須菩提！是菩薩摩訶薩作是念：『是般若波羅蜜中，無我生處名字，若聚落、城邑。』是人不欲聽聞般若波羅蜜，便從會中起去。

是人如¹⁶所起念¹⁷時，念念却一劫，補¹⁸當更勤精進求阿耨多羅三藐三菩提。

¹¹ 受=授【宋】【元】【明】(大正 08, 318d, n.18)。

¹² 受=授【宋】【元】【明】【宮】【聖】(大正 08, 318d, n.19)。

¹³ 說=記【宮】(大正 08, 319d, n.1)。

¹⁴ 受=授【宋】【宮】(大正 08, 319d, n.2)。

¹⁵ 記=說【宋】【元】【明】【宮】(大正 08, 319d, n.3)。

¹⁶ 如=知【聖】(大正 08, 319d, n.4)。

¹⁷ [念]—【宋】【元】【明】【宮】【聖】(大正 08, 319d, n.5)。

¹⁸ 補=甫【宋】【元】【明】【宮】【聖】(大正 08, 319d, n.6)。

寅二、明捨般若學餘經不至薩婆若¹⁹

卯一、略明其義

復次，須菩提！菩薩學餘經，棄捨般若波羅蜜，終不能至薩婆若。

卯二、廣舉八譬

辰一、捨根攀枝葉譬

善男子、善女人為捨其根而攀枝葉——當知是為菩薩魔事。」

須菩提白佛言：「世尊！何等是餘經，善男子、善女人所學，不能至薩婆若？」

佛言：「是聲聞所應行經，所謂四念處、四正勤、四如意足、五根、五力、七覺分、八聖道分，空、無相、無作解脫門。善男子、善女人住是中，得須陀洹果、斯陀含果、阿那含果、阿羅漢果——是名聲聞所行，不能至薩婆若。如是！善男子、善女人捨般若波羅蜜，親近是餘經。

何以故？須菩提！般若波羅蜜中，出生諸菩薩摩訶薩，成就世間、出世間法。須菩提！菩薩摩訶薩學般若波羅蜜時，亦學世間、出世間法。

辰二、捨主從奴求食譬

須菩提！譬如狗不從大家求食，反從作務者索。如是，須菩提！當來世有²⁰善男子、善女人，棄深般若波羅蜜而攀枝葉——取聲聞、辟支佛所應行經，當知是為菩薩魔事。

辰三、捨象反觀跡譬

須菩提！譬如有人欲得見象，見已²¹，反觀其跡。須菩提！於汝意云何？是人為黠不？」

須菩提言：「為不黠。」

佛言：「諸求佛道善男子、善女人亦復如是，得深般若波羅蜜，棄捨去，取聲聞、辟支佛所應行經。須菩提！當知是為菩薩魔事。」

辰四、捨海反求牛跡水譬

¹⁹ 對照《大智度論》卷 68〈46 魔事品〉(大正 25, 534c17-536c29)。

²⁰ 有=間【元】【明】(大正 08, 319d, n.7)。

²¹ 已=為【聖】(大正 08, 319d, n.8)。

須菩提！譬如人欲見大海，反求牛跡水。作是念：『大海水能與此等不？』須菩提！於汝意云何？是人為黠不？」

須菩提言：「為不黠。」

佛言：「當來世有求佛道善男子、善女人亦如是，得深般若波羅蜜，棄捨去，取聲聞、辟支佛所應行經——當知是亦菩薩摩訶薩²²魔事。」

辰五、欲作帝釋殿揆則日月宮譬

須菩提！譬如工匠、若工匠²³弟子欲擬作帝釋²⁴勝殿，而揆則日月宮殿。須菩提！於汝意云何？是人為黠不？」

須菩提言：「為不黠。」

「如是！須菩提！當來世有薄福德善男子、善女人求佛道者，得是深般若波羅蜜，便棄捨去，於²⁵聲聞、辟支佛所應行經中求薩婆若。須菩提！於汝意云何？是人為黠不？」

須菩提言：「為不黠。」

佛言：「當知亦是菩薩魔事。」

辰六、不識聖王取小王譬

須菩提！譬如有人欲見轉輪聖王，見而不識，後見諸小國王，取其相貌，如是言：『轉輪聖王與此何異？』須菩提！於汝意云何？是人為黠不？」

須菩提言：「為不黠。」

「須菩提！當來世有薄福德善男子、善女人求佛道者，得是深般若波羅蜜，棄捨去，取聲聞、辟支佛所應行經持求薩婆若。須菩提！於汝意云何？是人為黠不？」

須菩提言：「為不黠。」

²² [摩訶薩] — 【宋】【元】【明】【宮】(大正 08, 319d, n.9)。

²³ [工匠] — 【聖】(大正 08, 319d, n.10)。

²⁴ 帝釋 = 釋提桓因【聖】(大正 08, 319d, n.11)。

²⁵ 於 = 取【聖】(大正 08, 319d, n.12)。

「當知是為²⁶菩薩魔事。

辰七、捨百味食反食稗飯譬

須菩提！譬如飢人得百味食，棄捨去，反食六十日穀飯。須菩提！於汝意云何？是人為黠不？」

須菩提言：「為不黠。」

佛言：「當來世有求佛道善男子、善女人，得聞深般若波羅蜜，棄捨去，取聲聞、辟支佛所應行經，持求薩婆若。於汝意云何？是人為黠不？」

須菩提言：「為不黠。」

「當知是亦菩薩魔事。

辰八、棄摩尼寶取水精珠譬

須菩提！譬如人得無價摩尼珠，反持比水精珠。須菩提！於汝意云何？是人為黠不？」

須菩提言：「為不黠。」

佛言：「當來世有求佛道善男子、善女人，得聞深般若波羅蜜，棄捨去，取聲聞、辟支佛所應行經，持求薩婆若。是人為黠不？」

須菩提言：「為不黠。」

「當知是亦菩薩魔事。

丑二、合釋書說二門

寅一、書般若時說有所得為失

卯一、出說有所得事

復次，須菩提！是求佛道善男子、善女人書是深般若波羅蜜時，樂說不如法事，不得書成般若波羅蜜。所謂樂說色、聲、香、味、觸、法，樂說持戒、禪定、無色定，樂說檀那波羅蜜乃至²⁷般若波羅蜜，樂說四念處乃至阿耨多羅三藐三菩提。

卯二、釋實相心行斷言語絕不可說

²⁶ 為=亦【宋】【元】【明】【宮】，〔為〕—【聖】(大正 08，319d，n.13)。

²⁷ 〔乃至〕—【宮】(大正 08，319d，n.14)。

何以故？須菩提！是般若波羅蜜中無樂說相。

須菩提！般若波羅蜜不可思議相，般若波羅蜜不生不滅相，般若波羅蜜不垢不淨相，般若波羅蜜不亂不散相，般若波羅蜜無說相²⁸，般若波羅蜜無言無義相，般若波羅蜜無所得相。何以故？須菩提！般若波羅蜜中無是諸法。

寅二、書般若時散亂心失

須菩提！若有善男子、善女人求菩薩道者書是般若波羅蜜經時，以是諸法散亂心——當知亦是²⁹菩薩魔事。」

寅三、釋般若無自性故不可書

須菩提白佛言：「世尊！是般若波羅蜜可書耶？」

佛言：「不可書。何以故？般若波羅蜜自性無故，禪那波羅蜜、毘梨耶波羅蜜、羼提波羅蜜、尸羅波羅蜜、檀那波羅蜜，乃至一切種智自性無故；若自性無，是不名為法，無法不能書無法。」

寅四、轉上不可書義若作無解亦是失

須菩提！若求菩薩道善男子、善女人作是念：『無法是深般若波羅蜜。』當知即是菩薩魔事。」

寅五、用字書般若復失

卯一、明著字書般若失

「世尊！是求菩薩³⁰道善男子、善女人用字書般若波羅蜜，自念：『我書是般若波羅蜜。』以字著般若波羅蜜——當知亦是³¹菩薩魔事。」

卯二、釋實相無文字故

何以故？世尊！是般若波羅蜜無文字，禪那波羅蜜、毘梨耶波羅蜜、羼提波羅蜜、尸羅波羅蜜、檀那波羅蜜無有文字。世尊！色無文字，受、想、行、識無文字，乃至一切種智無文字。

寅六、著實相般若不可書亦失

²⁸ (無)+相【宋】【宮】【聖】，(無示)+相【元】【明】(大正 08，319d，n.15)。

²⁹ 亦是=是亦【宋】【元】【明】【宮】【聖】(大正 08，319d，n.16)。

³⁰ 薩=提【宋】【元】【明】【宮】(大正 08，320d，n.1)。

³¹ 亦是=是亦【宋】【元】【明】【宮】(大正 08，320d，n.2)。

世尊！若求菩薩道善男子、善女人著無文字般若波羅蜜，乃至著無文字一切種智——當知是亦³²菩薩魔事。讀、誦、說、正憶念、如說修行，亦如是。」

寅七、種種念起留難失

「復次，須菩提！求佛道善男子、善女人書是³³般若波羅蜜時，國³⁴土念起、聚落念起、城郭³⁵念起、方念起，若聞毀謗³⁶其師起念³⁷，若³⁸念父母及兄弟姊妹諸餘親里、若念賊、若念旃陀羅、若念眾女³⁹、若念姪女——如是等種種諸餘異念留難；惡魔復益其念，破壞書般若波羅蜜，破壞讀、誦、說、正憶念、如說修行。須菩提！當知是亦菩薩魔事。」

寅八、鈍根人著供養利失

復次，須菩提！求佛道善男子、善女人得名譽恭敬、布施、供養，所謂衣服⁴⁰、飲食、臥床、疾⁴¹藥、種種樂具，善男子、善女人書是般若波羅蜜經，受⁴²、讀、誦乃至正憶念時，受⁴³著是事，不得書成般若波羅蜜，乃至正憶念——當知是亦菩薩魔事。」

寅九、利根人無方便著魔所與經失

卯一、出示餘經失

復次，須菩提！求佛道善男子、善女人書般若波羅蜜乃至如說修行時，惡魔方便持諸餘深經與是菩薩摩訶薩；有方便力者，不應貪著惡魔所與⁴⁴諸餘深經。何以故？是經不能令⁴⁵人至薩婆若故。」

³² 是亦=亦是【聖】(大正 08, 320d, n.3)。

³³ [是]—【聖】*(大正 08, 320d, n.4)。

³⁴ (若)+國【元】【明】(大正 08, 320d, n.5)。

³⁵ 郭=邑【聖】(大正 08, 320d, n.6)。

³⁶ 毀謗=謗毀【宋】【元】【明】【宮】(大正 08, 320d, n.7)。

³⁷ 起念=念起【聖】(大正 08, 320d, n.8)。

³⁸ 若=起【元】【明】(大正 08, 320d, n.9)。

³⁹ 女+(色)【聖】(大正 08, 320d, n.10)。

⁴⁰ 服=被【宋】【元】【明】【宮】(大正 08, 320d, n.11)。

⁴¹ 疾=病【宋】【元】【明】【宮】(大正 08, 320d, n.12)。

⁴² 受+(持)【宋】【元】【明】【宮】(大正 08, 320d, n.13)。

⁴³ 受=愛【宋】【元】【明】(大正 08, 320d, n.14)。

⁴⁴ 與=有【宋】【元】【明】【宮】(大正 08, 320d, n.15)。

是中無方便菩薩摩訶薩聞是諸餘深經，便捨深般若波羅蜜。

卯二、勸於般若求

須菩提！我——是⁴⁶般若波羅蜜中，廣說諸菩薩摩訶薩方便道；諸菩薩摩訶薩應當從是中求。

卯三、正明無方便者失

須菩提！今⁴⁷善男子、善女人求菩薩道，捨是深般若波羅蜜，於魔所與聲聞、辟支佛深經中求方便道——當知亦是菩薩魔事。⁴⁸

⁴⁵ 人=入【宋】【元】【宮】(大正 08，320d，n.16)。

⁴⁶ (於)+是【明】(大正 08，320d，n.17)。

⁴⁷ 今=若【元】【明】(大正 08，320d，n.18)。

⁴⁸ 以上大般若第二會第四十四品。梵. ityamārgano 'pāyakaūsala mārganā 'ntarāya。(大正 08，320d，n.19)。

《摩訶般若波羅蜜經》卷 14 〈47 兩過品〉冠科¹

《摩訶般若波羅蜜經》卷 14 (大正 08, 320b15-323a21) :

壬二、約內外明魔事²

癸一、明內魔

子一、明師弟不和為魔事

丑一、有無懈惰一雙

寅一、說法人惰

復次，須菩提！聽法人欲書、持般若波羅蜜，讀、誦、問義、正憶念；說法人³懈惰，不欲為說——當知是為菩薩魔事。

寅二、聽法人惰

須菩提！說法之人心不懈惰，欲令書、持般若波羅蜜；聽法者不欲受之——二心不和，當知是為魔事。

丑二、欲不欲相離一雙

寅一、說法人不欲而離

復次，須菩提！聽法人欲書、持般若波羅蜜，讀、誦乃至正憶念；說法者欲至他方——當知是為魔事。

寅二、聽法人不欲而離

須菩提！說法人⁴欲令書、持般若波羅蜜；聽法者欲至他方——二心不和，當知是為魔事。

丑三、多欲少欲一雙

寅一、說法人多欲

復次，須菩提！說法人貴重布施衣服、飲食、臥具、醫藥、資生之物；聽法人少欲知足，行遠離行，攝念精進，一心智慧。兩不和合，不得書、

¹ 妙境法師，《摩訶般若波羅蜜經》冠科(上冊)，pp.588-603。

² 對照《大智度論》卷 68 〈47 兩不和合品〉(大正 25, 537a2-538b17)。

³ 人=者【明】【宮】(大正 08, 320d, n.27)。

⁴ 法人=人法【聖】(大正 08, 320d, n.28)。

持般若波羅蜜，受持⁵、讀、誦、問義、正憶念——當知是為魔事。

寅二、聽法者多欲

須菩提！說法人少欲知足，行遠離行，攝念精進、一心智慧；聽法者貴重布施衣服、飲食、臥具、醫藥、資生之物。兩不和合，不得書、持般若波羅蜜，讀、誦、問義、正憶念——當知是為魔事。」

丑四、行不行頭陀一雙

寅一、聽法人不行頭陀

復次，須菩提！說法者受十二頭陀：一、作阿蘭⁶若，二⁷、常乞食，三、納衣，四、一坐食，五、節量食，六、中後不飲漿，七、塚間住，八、樹下住，九、露地住，十、常坐不臥，十一、次第乞食，十二、但三衣；聽法人不受十二頭陀——不作阿蘭若乃至不受但三衣。兩不和合，不得書、持般若波羅蜜，讀、誦、問義、正憶念——當知是為魔事。

寅二、說法者不行頭陀

須菩提！聽法者受十二頭陀，作阿蘭若乃至但受⁸三衣；說法人不受十二頭陀——不作阿蘭若乃至不受但三衣。兩不和合，不得書、持般若波羅蜜，讀、誦、問義、正憶念——當知是為魔事。

丑五、有無信戒一雙⁹

復次，須菩提！說法者有信、有善，欲書¹⁰深般若波羅蜜乃至正憶念；聽法者無信、破戒惡行，不欲書、受深般若波羅蜜乃至正憶念——當知是為魔事。

須菩提！聽法者有信、有善、持戒¹¹；說法者無信、破戒惡行。兩不和合——當知是為魔事。

丑六、施慳一雙

⁵〔受持〕－【宋】【元】【明】，【宮】（大正 08，320d，n.29）。

⁶蘭＝練【宋】【元】【明】，【宮】，【聖】＊（大正 08，320d，n.30）。

⁷〔二，三乃至十二等數字〕－【聖】（大正 08，320d，n.31）。

⁸但受＝受但【元】【明】，【宮】（大正 08，320d，n.32）。

⁹對照《大智度論》卷 69〈47 兩不和合品〉（大正 25，538b18-541a8）。

¹⁰書＋（受）【元】，【明】（大正 08，320d，n.33）。

¹¹〔持戒〕－【元】【明】，【聖】（大正 08，320d，n.34）。

復次，須菩提！說法者能一切施，心不慳¹²惜；聽法者悋¹³惜不捨——當知是為魔事。

須菩提！聽法者一切能施，心不慳惜；說法者悋法不施。兩不和合，不得書、持般若波羅蜜乃至正憶念——當知是為魔事。

丑七、受不受供一雙

復次，須菩提！聽法者欲供養說法人衣服、飲食、臥具、醫藥、資生所須；說法者不欲受之——當知是為魔事。

須菩提！說法者欲供給¹⁴聽法人衣服乃至資生所須；聽法者不欲受之。兩不和合，不得書、持般若波羅蜜乃至正憶念——當知是為魔事。

丑八、根利鈍一雙

復次，須菩提！說法者易悟，聽法人闇鈍——當知是為魔事。

須菩提！聽法者易悟，說法人闇鈍。兩不和合，不得書、持般若波羅蜜乃至正憶念——當知是為魔事。

丑九、知不知經次第一雙

復次，須菩提！說法者知十二部經次第義，所謂¹⁵修妬路¹⁶乃至優¹⁷波提舍；聽法者不知十二部經次第義——當知是為魔事。

聽法者知十二部經次第義；說法人不知十二部經次第義。兩不和合，不得書深般若波羅蜜乃至正憶念——當知是為魔事。

丑十、具不具六度一雙

復次，須菩提！說法者成就六波羅蜜，聽法人不成就六波羅蜜。兩不和合，不得書深般若波羅蜜乃至正憶念——當知是¹⁸為魔事。

聽法者有六波羅蜜，說法人無六波羅蜜。兩不和合，不得書深般若波羅蜜乃至正憶念——當知是為魔事。

¹² 慳=悋【宋】【元】【明】，【宮】(大正 08，320d，n.35)。

¹³ 悋=若【宮】(大正 08，320d，n.36)。

¹⁴ 給=養【宮】(大正 08，320d，n.37)。

¹⁵ 謂=說【宮】(大正 08，321d，n.1)。

¹⁶ 妬路=多羅【宋】【元】【明】【宮】，妬=妬【聖】(大正 08，321d，n.2)。

¹⁷ 優=憂【聖】(大正 08，321d，n.3)。

¹⁸ 是+(是)【宮】(大正 08，321d，n.4)。

丑十一、有無方便一雙

復次，須菩提！說法者於六波羅蜜有方便力，聽¹⁹法人於六波羅蜜無方便力。兩不和合，不得書深般若波羅蜜乃至正憶念——當知是為魔事。

聽法者於六波羅蜜有方便力，說法人於六波羅蜜無方便力。兩不和合，不得書深般若波羅蜜乃至正憶念——當知是為魔事。

丑十二、得不得陀羅尼一雙

復次，須菩提！說法者得陀羅尼，聽法人無陀羅尼。兩不和合，不得書深般若波羅蜜乃至正憶念——當知是為魔事。

聽法者得陀羅尼，說法者無陀羅尼。兩不和合，不得書深般若波羅蜜，乃至正憶念——當知是為魔事。

丑十三、欲不欲受持一雙

復次，須菩提！說法者欲令書、持般若波羅蜜，讀誦乃至正憶念；聽法人不欲書、持般若波羅蜜，讀誦乃至正憶念。兩不和合，不得書般²⁰若波羅蜜乃至正憶念——當知是為魔事。

聽法者欲書、讀誦、說般若波羅蜜；說法者不欲令書般若波羅蜜乃至不欲令說。兩不和合，不得書深²¹般若波羅蜜乃至正憶念——當知是為魔事。

丑十四、離不離五蓋一雙

復次，須菩提！說法者離貪欲、瞋恚、睡眠、掉²²悔、疑；聽法人貪欲、瞋恚、睡眠、掉悔、疑——當知是為魔事。

聽法者離貪欲、瞋恚、睡眠、掉悔、疑；說法人貪欲、瞋恚、睡眠、掉悔、疑。兩不和合，不得書深般若波羅蜜乃至正憶念——當知是為魔事。

子二、偏明師為魔事

丑一、毀三惡道壞大乘心

¹⁹ 聽+(說)【聖】(大正 08, 321d, n.5)。

²⁰ (深)+般【宋】【元】【明】【宮】(大正 08, 321d, n.6)。

²¹ [深]-【聖】(大正 08, 321d, n.7)。

²² 掉=桃【聖】*(大正 08, 321d, n.8)。

復次，須菩提！書是深般若波羅蜜乃至正憶念時，或有人來，說：『三惡道中苦劇，汝何不於是身盡苦速²³入涅槃？何用是阿耨多羅三藐三菩提為？』

兩不和合，不得書深般若波羅蜜乃至正憶念——當知是為魔事。

丑二、讚諸天及二乘壞大乘心

復次，須菩提！書是深般若波羅蜜，受持、讀、誦、說、正憶念時，或有人來，讚四天王諸天，讚三十三天、夜摩天、兜率陀天、化樂天、他化自在天、梵天乃至非有想非無想天，讚初禪乃至非有想非無想定，作是言：『善男子！欲界中受五欲快樂，色界中受禪生樂，無色界中受寂滅樂；是事亦無常、苦、空、無我，變相、盡相、散相、離相、滅相。汝何不於是身中取須陀洹果、斯陀含果、阿那含果、阿羅漢果、辟支佛道？何用是世間生死中受種種苦，求阿耨多羅三藐三菩提為？』

兩不和合，不得書深般若波羅蜜乃至正憶念——當知是為魔事。

子三、重明師弟不和為魔事

丑一、樂不樂眾聚一雙

復次，須菩提！說法者一身無累，自在無礙；聽法人多將人眾。兩不和合，不得書深般若波羅蜜乃至正憶念——當知是為魔事。

聽法者一身無累，自在無礙；說法者多將人眾。兩不和合，不得書深般若波羅蜜乃至正憶念——當知是為魔事。

丑二、隨不隨意一雙

復次，須菩提！說法者如是言：『汝能隨我意者，當與汝般若波羅蜜，令書、讀、誦、說、正憶念；若不隨我意者，則不與汝。』兩不和合，不得書深般若波羅蜜，讀、誦、說、正憶念——當知是為魔事。

復次，須菩提！聽法者欲得追隨如其意，說法者不聽。兩不和合，不得書深般若波羅蜜乃至正憶念——當知是為魔事。

丑三、為不為利養一雙

復次，須菩提！說法者欲得財利故，與般若波羅蜜，令書、持乃至正憶念；聽法者以是因緣故，不欲從受。兩不和合，不得書深般若波羅蜜

²³ [速] — 【宋】【元】【明】【宮】(大正 08, 321d, n.9)。

乃至正憶念——當知是為魔事。

聽法者為財利故，欲書深般若波羅蜜，讀、誦、說²⁴；說法者以是因緣故，不欲與。兩不和合，不得書深般若波羅蜜，讀、誦、說——當知是為魔事。

丑四、惜不惜身命一雙

復次，須菩提！說法者欲至他方危命之處，聽法者不欲隨去。兩不和合，不得書深般若波羅蜜乃至正憶念——當知是為魔事。

聽法者欲至他方危命之處，說法者不欲去。兩不和合，不得書深般若波羅蜜乃至正憶念——當知是為魔事。

丑五、堪不堪忍苦一雙

復次，須菩提！說法者欲至他方飢餓、穀貴、無水之處，聽法者不欲隨去。兩不和合，不得書深般若波羅蜜乃至正憶念——當知是為魔事。

聽法者欲至他方飢餓、穀貴、無水之處，說法者不欲去。兩不和合，不得書深般若波羅蜜乃至正憶念——當知是為魔事。

子四、偏明弟子為魔事

丑一、師好心止弟敬難師

復次，須菩提！說法者欲至他方豐樂之處，聽法者欲隨從去。說法者言：『善男子！汝為利養故追隨我，汝善自思惟，若得、若不得，無令後悔！』以是小²⁵因緣故，兩不和合。聽法者聞之心厭，作是念：『是為拒²⁶逆，不欲與我相隨。』便即²⁷止不去。兩不和合，不得書深般若波羅蜜乃至正憶念——當知是為魔事。

丑二、師因難止弟心生厭

復次，須菩提！說法者欲過曠野，賊怖、旃陀羅怖、獵師怖、惡獸毒蛇怖；聽法者欲隨逐去。說法者言：『善男子！汝何用到彼？彼²⁸中多

²⁴ [說] — 【宋】【元】【明】【宮】(大正 08, 321d, n.10)。

²⁵ 小=少【宋】【元】【明】【宮】【聖】(大正 08, 322d, n.1)。

²⁶ 拒=臣【聖】(大正 08, 322d, n.2)。

²⁷ [即] — 【聖】(大正 08, 322d, n.4)。

²⁸ [彼] — 【聖】(大正 08, 322d, n.5)。

有諸怖——賊怖²⁹乃至毒蛇怖。』聽法者聞之，知其不欲與般若波羅蜜書、持乃至正憶念，心厭，不欲追隨。以是少因緣故，兩不和合——當知是為魔事。

丑三、師貴俗緣弟心不悅

復次，須菩提！說法者多有檀越數往問訊，以是因緣故，語聽法者：『我有因緣，應往到³⁰彼。』聽法人知其意，便止不去³¹。兩不和合，不得書深般若波羅蜜乃至正憶念——當知是為魔事。

癸二、明外魔³²

子一、形聲兩亂難

丑一、佛總明

復次，須菩提！惡魔作比丘形像來³³，方便破壞般若波羅蜜，不得令書、持、讀誦、說、正憶念。」

丑二、須菩提問

須菩提白佛言：「世尊！何因緣故，惡魔作比丘形像，方便破壞般若波羅蜜，不得令書、持乃至正憶念？」

丑三、佛別釋

寅一、訶毀般若令生疑難

佛言：「惡魔作比丘形像來，壞善男子、善女人心，令遠離般若波羅蜜，作是言：『如我所說經即是般若波羅蜜，此經非般若波羅蜜。』

須菩提！是中破壞諸比丘時，有未受記菩薩便墮疑惑³⁴；墮疑惑故，不得³⁵書深³⁶般若波羅蜜，不受、不持乃至不作正憶念。

兩³⁷不和合³⁸，不得書成般若波羅蜜乃至正憶念——當知是為魔事。

²⁹ [賊怖] — 【聖】(大正 08, 322d, n.6)。

³⁰ 到=阿【宮】(大正 08, 322d, n.7)。

³¹ [不去] — 【宮】【聖】(大正 08, 322d, n.8)。

³² 對照《大智度論》卷 69〈47 兩不和合品〉(大正 25, 541a9-542c2)。

³³ [來] — 【聖】(大正 08, 322d, n.9)。

³⁴ [惑] — 【聖】*(大正 08, 322d, n.10)。

³⁵ [得] — 【宋】【元】【明】【宮】(大正 08, 322d, n.11)。

³⁶ [深] — 【聖】(大正 08, 322d, n.12)。

³⁷ [兩] — 【宋】【元】【明】【宮】(大正 08, 322d, n.13)。

寅二、勸於實際作證難

復次，須菩提！惡魔作比丘身到菩薩所，如是言：『若菩薩行般若波羅蜜於實際作證，得須陀洹果、斯陀含果、阿那含果、阿羅漢果、得辟支佛道。』

以是不和合，不得書般若波羅蜜乃至正憶念——當知是為魔事。

寅三、似六度魔事難

卯一、佛標示勸離

復次，須菩提！說是深般若波羅蜜時，多有魔事起，留難般若波羅蜜，是為魔事。菩薩摩訶薩應當覺知，知已遠離。」

卯二、須菩提問

須菩提言：「世尊！何等是魔事留難，菩薩應當覺知，知已遠離？」

卯三、佛釋

佛言：「似般若波羅蜜諸魔事起，似禪那³⁹波羅蜜、似毘梨耶波羅蜜、似羸提波羅蜜、似尸羅波羅蜜、似檀那波羅蜜魔事起——菩薩應當覺知，知已遠離。」

寅四、自度二乘經魔事難

卯一、總標勸離

復次，須菩提！聲聞、辟支佛所應行經，是菩薩摩訶薩應當知是魔事⁴⁰而⁴¹遠離之。

卯二、別示其過

復次，須菩提！內空、外空⁴²乃至無法有法空，四念處乃至八聖道分，空、無相、無作解脫門——用是法得須陀洹果、斯陀含果、阿那含果、阿羅漢果、辟支佛道。

³⁸ 合=含【宮】(大正 08, 322d, n.14)。

³⁹ [那]—【聖】*(大正 08, 322d, n.15)。

⁴⁰ (應當知是魔事而)七字=(魔事應當覺知知已)八字【宋】【元】【明】【宮】(大正 08, 322d, n.16)。

⁴¹ [而]—【聖】(大正 08, 322d, n.17)。

⁴² [外空]—【聖】(大正 08, 322d, n.18)。

如是等諸經，惡魔作⁴³比丘形像，方便與菩薩摩訶薩。
以⁴⁴是不和合故，不得書深般若波羅蜜乃至正憶念——當知是為魔事。

寅五、著魔所化身而行道難

卯一、著佛身及比丘僧

復次，須菩提！惡魔作佛身金色丈光，到菩薩所；是菩薩貪著，貪著因緣⁴⁵故，耗減薩婆若。

以⁴⁶是不和合故，不得書般若波羅蜜乃至正憶念——當知是為魔事。

復次，須菩提！惡魔作佛身及比丘僧，到菩薩前；是菩薩起貪著意，作是念：『我於當來世亦當如是從比丘僧為說法。』

是菩薩貪著魔身故，耗減薩婆若，不得書成般若波羅蜜——當知是為魔事。

卯二、著菩薩身

復次，須菩提！惡魔化作無數百千萬億菩薩，行檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，指示善男子、善女人。

善男子、善女人見已貪著，貪著故耗減薩婆若，不得書深般若波羅蜜乃至正憶念——當知是為魔事。

子二、釋所以

何以故？是深般若波羅蜜中，無有色，無有受、想、行、識乃至無阿耨多羅三藐三菩提。

須菩提！是般若波羅蜜若無有色乃至無阿耨多羅三藐三菩提，是中無佛、無聲聞、無辟支佛、無菩薩。

何以故？一切諸法自性空故。

辛二、釋難所以

壬一、佛舉譬釋難

⁴³ 作=以【聖】(大正 08, 322d, n.19)。

⁴⁴ [以]—【聖】(大正 08, 322d, n.20)。

⁴⁵ [因緣]—【聖】(大正 08, 322d, n.21)。

⁴⁶ [以]—【宋】【宮】【聖】(大正 08, 322d, n.22)。

復次，須菩提！善男子、善女人書是深⁴⁷般若波羅蜜，受、讀、誦、說、正憶念時，多有留難起。

須菩提！譬如閻浮提中珍寶——金銀、琉璃、車渠、瑪瑙、珊瑚等，多難多賊；如是，須菩提！善男子、善女人書是深般若波羅蜜乃至正憶念時，多⁴⁸賊、多留難起。」

王二、須菩提廣成其義

癸一、重陳佛語

須菩提白佛言：「如是！世尊！閻浮提中珍寶——金銀、琉璃、車渠、瑪瑙、珊瑚等，多賊、多難。

世尊！善男子、善女人亦如是，書是深般若波羅蜜乃至正憶念時⁴⁹，多留難起，多有魔事。

癸二、出破壞般若者相

子一、癡人為魔所使

何以故？是愚癡人為魔所使，善男子、善女人書是深般若波羅蜜乃至正憶念時，破壞，令遠離。

子二、少智不達佛意

世尊！是愚癡人少智少慧，是善男子、善女人書深般若波羅蜜乃至正憶念時，破壞，令遠離。

子三、無大心不樂大法

是愚癡人心不樂大法，是故不書是深般若波羅蜜，不受、不讀、不誦、不正憶念、不如說修行；亦壞他人，令不得書深般若波羅蜜乃至如說修行。」

王三、佛重述成

佛言：「如是！如是！須菩提！新發大乘意善男子、善女人為魔所使、不種善根、不供養諸佛，不隨善知識故，不書深般若波羅蜜乃至不正憶念而作留難。

⁴⁷ [深] — 【聖】*(大正 08, 322d, n.23)。

⁴⁸ 多+(有怨)【宋】【元】【明】【宮】(大正 08, 322d, n.24)。

⁴⁹ 時+(多有怨賊)【宋】【元】【明】【宮】，時+(多賊)【聖】(大正 08, 322d, n.25)。

是善男子、善女人少智少慧、心不樂大法，是故不能書是深般若波羅蜜乃至正憶念，魔事起故。

辛三、明佛力故難不能難

壬一、釋迦佛護令具眾行

須菩提！若善男子、善女人能書是深般若波羅蜜乃至正憶念時，魔事不起，能具足禪那波羅蜜乃至檀那波羅蜜，能具足四念處乃至一切種智。須菩提！當知佛力故，是善男子、善女人能書是深般若波羅蜜乃至正憶念，亦能具足禪那波羅蜜乃至檀那波羅蜜，具足內空乃至無法有法空，具足四念處乃至八聖道分，佛十力乃至一切種智。

壬二、十方諸佛菩薩護

須菩提！十方現在無量無邊阿僧祇諸佛亦助是善男子、善女人，令得書是深般若波羅蜜乃至正憶念；十方阿惟越⁵⁰致諸菩薩摩訶薩亦擁護祐助是善男子、善女人，書深⁵¹般若波羅蜜乃至正⁵²憶念。」

⁵⁰ 惟越=毘跋【宋】【元】【明】【宮】*(大正 08, 323d, n.1)。

⁵¹ [深] — 【宮】(大正 08, 323d, n.2)。

⁵² [正] — 【宮】(大正 08, 323d, n.3)。

《摩訶般若波羅蜜經¹》卷 14 〈48²佛母品〉冠科³

《摩訶般若波羅蜜經》卷 14 (大正 08, 323a22-325b12) :

己二、明佛守護般若故難不能難⁴

庚一、明般若能作恩

辛一、略明般若作恩

壬一、舉譬

佛告須菩提：「譬如母人有子若五、若十、若二十、若三十⁵、若四十、若五十、若百、若千。母中得病，諸子各各勤求救療，作是念：『我等云何令母安隱⁶，無諸患苦⁷不樂之事？風寒、冷熱、蚊、蛇虺侵犯母身，是我等憂！』其諸子等常求樂具，供養其母。所以者何？生育我等，示我世間。

壬二、合譬

癸一、明佛守護般若

子一、標

如是，須菩提！佛常以佛眼視是深般若波羅蜜。

子二、釋知恩故守護

丑一、能示世間相故

何以故？是深般若波羅蜜能示世間相。

十方現在諸佛亦以佛眼常視是深般若波羅蜜。

丑二、能生諸佛一切智故

何以故？是深般若波羅蜜能生諸佛，能與諸佛一切智，能示世間相。

以是故，諸佛常以佛眼視是深般若波羅蜜。

¹ [摩訶般若波羅蜜經] - 【明】，梵此處無區分。(大正 08, 323d, n.4)。

² 八=七【聖】(大正 08, 323d, n.5)。

³ 妙境法師，《摩訶般若波羅蜜經》冠科(下冊)，pp.605-617。

⁴ 對照《大智度論》卷 69 〈48 佛母品〉(大正 25, 542c4-545a21)。

⁵ [若三十] - 【聖】(大正 08, 323d, n.6)。

⁶ [隱] - 【聖】(大正 08, 323d, n.7)。

⁷ 苦患=患苦【宋】【元】【明】【宮】，[苦] - 【聖】(大正 08, 323d, n.8)。

丑三、能生諸賢聖人法故

又以般若波羅蜜能生禪那⁸波羅蜜乃至檀那波羅蜜，能生內空乃至無法有法空，能生四念處乃至八聖道分，能生佛十力乃至一切種智。

如是⁹般若波羅蜜能生須陀洹、斯陀含、阿那含、阿羅漢、辟支佛、諸佛。

須菩提！所有諸佛已得阿耨多羅三藐三菩提，今得、當得，皆因深般若波羅蜜因緣故得。

癸二、明佛守護行般若人

須菩提！若求佛道善男子、善女人當書是深般若波羅蜜乃至正憶念，諸佛常以佛眼視是人。

須菩提！是求菩薩道善男子、善女人，諸十方佛常守護，令不退阿耨多羅三藐三菩提。」

辛二、廣明般若作恩

壬一、明般若作恩

癸一、須菩提問

須菩提白佛言：「如世尊所說般若波羅蜜能生諸佛、能示世間相。

世尊！般若波羅蜜云何能生諸佛？

云何能示世間相？

云何諸佛從般若波羅蜜生？

云何諸佛說世間相？」

癸二、佛答

子一、略答能生及從生問

佛告須菩提：「是深般若波羅蜜中生佛十力乃至十八不共法、一切種智。須菩提！得是諸法因緣¹⁰，故名為佛。須菩提！以是故，深般若波羅蜜能生諸佛。

子二、略答說世間相問

須菩提！諸佛說五陰是世間相。」

⁸〔那〕－【聖】(大正 08, 323d, n.9)。

⁹〔如是〕－【聖】(大正 08, 323d, n.10)。

¹⁰〔因緣〕－【聖】(大正 08, 323d, n.11)。

子三、廣答示世間相問兼答說世間相問

丑一、須菩提雙牒二問

須菩提言：「世尊！云何深般若波羅蜜中說¹¹五陰相？云何深般若波羅蜜中¹²示五陰如¹³？」

丑二、如來正答

寅一、明般若能示佛差別無差別即世諦第一義諦

卯一、標示五陰相

「須菩提！般若波羅蜜不示五陰破、不示五陰壞，不示生、不示滅，不示垢、不示淨，不示增、不示減，不示入、不示出，不示過去、不示未來、不示現在。

卯二、約終不破壞釋

何以故？空相不破、不壞，無相相、無作相不破、不壞，不起法、不生法、無所有法性法，不破、不壞相如是示。

卯三、結示世間相

如是，須菩提！佛說深般若波羅蜜能示世間相。

寅二、示佛說無差別差別即第一義諦世諦

卯一、略明眾生心所行知其無所有

復次，須菩提！諸佛因般若波羅蜜，悉知無量無邊阿僧祇眾生心所行。

須菩提！是深般若波羅蜜中無眾生、無眾生名，無色、無色名，無受想行識、無受想行識名，無眼乃至無¹⁴意，無眼識乃至無意識，無眼觸乃至無意觸，乃至無一切種¹⁵智、無一切種智名。

如是！須菩提！是¹⁶深般若波羅蜜能示世間相。

須菩提！是深般若波羅蜜！亦不示色，不示受、想、行、識，乃至不

¹¹ 說+(示)【聖】(大正 08, 323d, n.12)。

¹² [中]—【聖】(大正 08, 323d, n.13)。

¹³ 如=相【宋】【元】【明】【宮】，[如]—【聖】(大正 08, 323d, n.14)。

¹⁴ [無]—【宋】【元】【明】(大正 08, 323d, n.15)。

¹⁵ [種]—【聖】(大正 08, 323d, n.16)。

¹⁶ [是]—【宮】【聖】(大正 08, 323d, n.17)。

示一切種智。

何以故？須菩提！是深般若波羅蜜中尚無般若波羅蜜，何況色乃至一切種智！

卯二、廣明眾生心行知無所不有

辰一、總列三界

復次，須菩提！所有眾生名數——若有色、若無色，若有想、若無想、若非有想、若非無想，

辰二、明十二心

巳一、別釋八心

午一、攝亂二心

未一、標

若此間國土、若遍十方國土¹⁷——是諸眾生若攝心、若亂心，是攝心、亂¹⁸心，佛如實知。

未二、徵

須菩提！云何佛知眾生攝心、亂心相？

未三、舉七義釋

申一、就實相慧釋

以法相故知。

用何等法相故知？

須菩提！是法相中尚無法相相，何況有攝心、亂心！

須菩提！以是法相故，佛知眾生攝心、亂心。

申二、約六種相從淺就深釋

復次，須菩提！佛知眾生攝心、亂心。

云何知？

須菩提！以盡相故知，以無染相故知，以滅相故知，以斷相故知，以寂相故知，以離相故知。

未四、結

¹⁷ 國土 = 世界【聖】(大正 08, 323d, n.18)。

¹⁸ (是) + 亂【明】【聖】(大正 08, 323d, n.19)。

如是，須菩提！佛因般若波羅蜜知眾生攝心、亂心。

午二、三毒心

未一、標

復次，須菩提！佛因般若波羅蜜知眾生染心，如實知染心；瞋心、癡心，如實知瞋心、癡心。」

未二、徵

須菩提白佛言：「世尊！云何佛知眾生染心，如實知染心；瞋心、癡心，如實知瞋心、癡心？」

未三、就實相慧釋

申一、染心

佛告須菩提：「染心如實相，則無染心相。

何以故？如實相中心、心數法尚不可得，何況當得染心、不染心！

申二、瞋癡心

須菩提！瞋心、癡心如實相，則無瞋心¹⁹、無癡心相。

何以故？如實相中心心數法尚不可得，何況當得瞋心、不瞋心、癡心、不癡心！

未四、結

如是，須菩提！佛因般若波羅蜜，眾生染心，如實知染心；瞋心、癡心，如實知瞋心、癡心。

午三、無三毒心

未一、標

復次，須菩提！佛因般若波羅蜜，眾生無染心，如實知無染心；無瞋心、無癡心，如實知無瞋心、無癡心。」

未二、徵

須菩提白佛言：「世尊！云何眾生無染心如實知無染心？無瞋心如實知無瞋心？無癡心如實知無癡心？」

未三、就實相慧釋

¹⁹ 心+(相)【明】，〔心〕－【聖】(大正 08，324d，n.1)。

申一、無染心

佛告須菩提：「是心無染相中，染相、不染相不可得。
何以故？須菩提！二心不俱故。
如是，須菩提！佛因般若波羅蜜，眾生無染心，如實知無染心。」

申二、無瞋癡心

須菩提！是無瞋心、無癡心相中，癡心、不癡心不可得。
何以故？二心不俱故。
如是，須菩提！佛因般若波羅蜜，眾生無瞋心、無癡心，如實知。

午四、廣心

未一、標

復次，須菩提！佛因般若波羅蜜，是眾生廣心，如實知廣心。」

未二、徵

須菩提白佛言：「世尊！云何佛因般若波羅蜜，是眾生廣心，如實知廣心？」

未三、釋

申一、約相離釋

「須菩提！佛知諸眾生心相不廣不狹、不增不減、不來不去；心相離故，是心不廣不狹²⁰乃至不來不去。」

申二、約性無釋

何以故？是心性無故，誰²¹作廣、誰作狹乃至來去？」

未四、結

如是，須菩提！佛因般若波羅蜜，是眾生廣心，如實知廣心。」

午五、大心

未一、標

復次，須菩提！佛因般若波羅蜜，是眾生大心，如實知大心。」

未二、徵

²⁰ [不狹] — 【聖】(大正 08, 324d, n.2)。

²¹ [誰] — 【聖】(大正 08, 324d, n.3)。

須菩提白佛言：「世尊！云何佛因般若波羅蜜，是眾生大心，如實知大心？」

未三、就性無釋

佛告須菩提：「佛因般若波羅蜜，不見眾生心來相、去相，不見眾生心生相、滅相、住²²、異相。

何以故？是諸心性無故，誰來、誰去？誰生、滅、住、異？

未四、結

如是，須菩提！佛因般若波羅蜜，是眾生大心，如實知大心。

午六、無量心

未一、標

復次，須菩提！佛因般若波羅蜜，眾生無量心，如實知無量心。」

未二、徵

須菩提白佛言：「世尊！云何佛因般若波羅蜜，眾生無量心，如實知無量心？」

未三、就無依止釋

佛告須菩提：「佛因般若波羅蜜，知是眾生心，不見住，不見不住。何以故？是無量心相無依止故，誰有住不住²³處？

未四、結

如是！須菩提！佛因般若波羅蜜，眾生無量心，如實知無量心。

午七、不可見心

未一、標

復次，須菩提！佛因般若波羅蜜，眾生不可見心，如實知不可見心。」

未二、徵

須菩提白佛言：「世尊！云何佛因般若波羅蜜，眾生不可見心，如實知不可見心？」

未三、釋

²² 住+(相)【明】(大正 08，324d，n.4)。

²³ 住=退【宋】【宮】(大正 08，324d，n.5)。

申一、自相空故不可見

佛告須菩提：「眾生心是無相，佛如實知無相，自相空故。

申二、五眼觀此心不可得

復次，須菩提！佛知眾生心，五眼不能見。

未四、結

如是！須菩提！佛因般若波羅蜜，眾生不可見心，如實知不可見心。

巳二、總釋四心成六十二見²⁴

午一、標四心

復次，須菩提！佛因深²⁵般若波羅蜜，眾²⁶生心數出、沒、屈、申如實知。」

午二、徵

「世尊！云何佛因深般若波羅蜜，眾生心數出、沒、屈、申如實知？」

午三、釋六十二見

未一、總約三世明見體

申一、標見所依

佛言：「一切眾生心數出、沒、屈、申等皆依色、受、想、行、識生；須菩提！佛於是中知眾生心數出、沒、屈、申。

申二、正明見體

酉一、計常無常等

戌一、依色生見

所謂神及世間常是事實，餘妄語——是見依色；神及世間無常是事實，餘妄語——是見依色；神及世間常亦無常是事實，餘妄語——是見依色；神及世間非常非無常是事實，餘妄語——是見依色。

戌二、依受生見

神及世間常是事實，餘妄語——是見依受；神及世間無常是事實，餘妄語——是見依受；神及世間常亦無常是事實，餘妄語——是見依受；

²⁴ 對照《大智度論》卷 70〈48 佛母品〉(大正 25, 545b7-547c20)。

²⁵ [深] — 【宋】【明】【宮】(大正 08, 324d, n.6)。

²⁶ (諸)+眾【宋】【宮】(大正 08, 324d, n.7)。

神及世間非常非無常是事實，餘妄語——是見依受。

戌三、依想生見

神及世間常是事實，餘妄語——是見依想；神及世間無常是事實，餘妄語——是見依想；神及世間常亦無常是事實、餘妄語——是見依想；神及世間非常非無常是事實，餘妄語——是見依想。

戌四、依行生見

神及世間常是事實，餘妄語——是見依行；神及世間無常是事實，餘妄語——是見依行；神及世間常亦無常是事實，餘妄語——是見依行；神及世間非常非無常是事實，餘妄語——是見依行。

戌五、依識生見

神及世間常是事實，餘妄語——是見依識；神及世間無常是事實，餘妄語——是見依識；神及世間常亦無常是事實，餘妄語——是見依識；神及世間非常非無常是事實，餘妄語——是見依識²⁷。

酉二、計邊無邊等

戌一、依色生見

世間有邊是事實，餘妄語——是見依色；世間無邊是事實，餘妄語——是見依色；世間有邊無邊是事實，餘妄語——是見依色；世間非有邊非無邊是事實，餘妄語——是見依色。

戌二、例餘蘊

依受、想、行、識亦如是。

酉三、計一異

戌一、依色生見

神即是身——是見依色；神異身異——是見依色。

戌二、例餘蘊

依受、想、行、識亦如是。

未二、別約來去明未來見

申一、依色生見

²⁷ 識+(神及世間常是事實餘妄語是見依色)十五字【元】【明】(大正 08, 324d, n.8)。

死後有如去是事實，餘妄語——是見依色；死後無如去是事實，餘妄語——是見依色；死後或有如去或無如去是事實，餘妄語——是見依色；死後非有如去非無如去是事實，餘妄語——是見依色。

申二、例餘蘊

依受、想、行、識亦如是。

午四、結四心

如是，須菩提！佛因般若波羅蜜，眾生出、沒、屈、申如實知。

寅三、示二諦平等皆是一如

卯一、正明二諦如相

辰一、舉五陰如明一如

復次，須菩提！佛知色相。云何知色相？

知色²⁸如——如相²⁹不壞、無分別、無相、無憶、無戲論、無得，色相亦如是。

須菩提！佛知受、想、行、識相。云何知受、想、行、識相？

知識³⁰如——如相³¹不壞、無分別、無相、無憶、無戲論、無得，受、想、行、識相亦如是。

辰二、出眾生如四心如離六十二見體

如是，須菩提！佛知眾生如相及眾生心數出、沒、屈、申如相。

辰三、類推一切法如明一如

是³²五陰如相，諸行如相，即是³³一切法如相。

何等是一切法如相？

所謂六波羅蜜如相，六波羅蜜如相即是三十七品如相，三十七品如相即是十八空如相，十八空如相即是八背捨如相，八背捨如相即是九次第

²⁸ [知色] — 【元】【明】【宮】【聖】(大正 08, 325d, n.1)。

²⁹ [相] — 【宋】【元】【明】【宮】(大正 08, 325d, n.2)。

³⁰ [知識] — 【宋】【宮】【聖】(大正 08, 325d, n.3)。

³¹ [相] — 【聖】(大正 08, 325d, n.4)。

³² [是] — 【宋】【元】【明】【宮】(大正 08, 325d, n.5)。

³³ [是] — 【聖】(大正 08, 325d, n.6)。

定如相，九次第定如相即是佛十力如相，佛十力如相即是四無所畏³⁴、四無礙智、大慈大悲乃至十八不共法如相，十八不共法如相即是一切種智如相，一切種智如相即是善法不善法、世間法出世間法、有漏法無漏法如相，有漏法³⁵無漏法如相即是過去、未來、現在諸法如相，過去、未來、現在諸法如相即是有為法無為法如相，有為法無為法如相即是須陀洹果如相，須陀洹果如相即是斯陀含果如相，斯陀含果如相即是阿那含果如相，阿那含果如相即是阿羅漢果如相，阿羅漢果如相即是辟支佛道如相，辟支佛道如相即是阿耨多羅三藐三菩提如相，阿耨多羅三藐三菩提如相即是諸佛如相，諸佛如相³⁶皆是一如相，不二不別、不盡不壞——是名一切諸法如相。

卯二、結得二諦如相故名如來能示世間相

佛因般若波羅蜜得是如相，以是因緣故，般若波羅蜜能生諸佛、能示世間相。如是，須菩提！佛知一切法如相——非不如相，不異相；得是如相故，佛名如來。」

壬二、歎般若甚深

癸一、須菩提歎

須菩提白佛言：「世尊！是諸法如相——非不如相，不異相——甚深！世尊！諸佛用是如，為人說阿耨多羅三藐三菩提。」

世尊！誰能信解是者？唯有阿惟越致菩薩及具足正見人、漏盡阿羅漢。何以故？佛得是甚深如法，為人說故³⁷。」

癸二、佛述成

佛告³⁸須菩提：「是如無盡相故甚深。」

須菩提言：「何法無盡相故甚深？」

佛言：「一切法無盡故。如是！須菩提！佛得是一切諸法如已，為眾

³⁴ [四無所畏] — 【聖】(大正 08, 325d, n.7)。

³⁵ [有漏法] — 【聖】(大正 08, 325d, n.8)。

³⁶ [諸佛如相] — 【宮】(大正 08, 325d, n.9)。

³⁷ (佛得是甚深如法為人說故)十一字=(是法甚深故)五字【元】【明】【聖】(大正 08, 325d, n.10)。

³⁸ [佛告] — 【聖】(大正 08, 325d, n.11)。

生說³⁹。」

³⁹ 以上梵. *iti samyaksambuddhasya tathatāvabodha-tatpara-samākhyāna-prajñāpana-jñānāni.* (大正 08, 325d, n.12)。

《摩訶般若波羅蜜經¹》卷 14 〈49²問相品〉冠科³

《摩訶般若波羅蜜經》卷 14 (大正 08, 325b13-327c16)：

庚二、明佛知般若恩報恩

辛一、明般若相⁴

壬一、天子問

爾時，三千大千世界⁵中所有欲界天子、色界天子遙散華香，來至佛所，頂禮佛足，却⁶一面住⁷，白佛言：「世尊！所說般若波羅蜜甚深，何等是深般若波羅蜜相？」

壬二、佛答

癸一、明般若無相相義

佛告欲界、色界諸天子：「諸天子！空相是深⁸般若波羅蜜相，無相、無作，無起、無生無滅、無垢無淨、無所有法、無相、無所依止、虛空相是深般若波羅蜜相。

癸二、明無說說義

諸⁹天子！如是等相是深般若波羅蜜相。
佛為眾生用世間法故說，非第一義。

癸三、歎無相相不可壞

子一、標

諸天子！如¹⁰是諸相，一切世間天、人、阿修羅不能破壞。

¹ [摩訶般若波羅蜜經] — 【明】(大正 08, 325d, n.13)。

² 四十九 = 三十八 【聖】(大正 08, 325d, n.14)。

³ 妙境法師，《摩訶般若波羅蜜經》冠科(下冊)，pp.618-631。

⁴ 對照《大智度論》卷 70 〈49 問相品〉(大正 25, 547c22-549b6)。

⁵ 世界 = 國土 【宋】 【元】 【明】 【宮】(大正 08, 325d, n.15)。

⁶ [却] — 【聖】(大正 08, 325d, n.16)。

⁷ 一面住 = 住一面 【中】(大正 08, 325d, n.17)。

⁸ [深] — 【中】(大正 08, 325d, n.18)。

⁹ 諸 = 識 【中】(大正 08, 325d, n.19)。

¹⁰ [如] — 【元】 【明】 【宮】 【聖】(大正 08, 325d, n.20)。

子二、釋

丑一、人天即相故不可壞

何以故？是一切世間天、人、阿修羅亦是相故。

丑二、四句皆無故無可破

諸天子！相不能破相，相不能知相，相不能知無相，無相不能知相。

子三、結無境無人故無四句

是相、是無相，相無相皆無所有¹¹，謂知¹²相、知¹³者、知法皆不可得故。

癸四、明無相相非起作釋成不可壞義

子一、正明

丑一、非世出世諸法所作

何以故？諸天子！是諸相非色作，非受、想、行、識作；非檀那¹⁴波羅蜜作，非尸羅波羅蜜¹⁵、羼提波羅蜜、毘梨耶波羅蜜、禪那波羅蜜、般若波羅蜜作；非內空作，非外空作，非內外空作，非¹⁶無法空作，非有法空作，非無法有法空作；非四念處作，乃至非一切種智作。

丑二、非人非非人所有

諸天子！是相，非人所有，非非人所有；

丑三、無相故百非

非世間，非出世間；非有漏，非無漏；非有為，非無為。」

子二、舉譬釋成

佛復告諸天子：「譬如有人問：『何等是虛空相？』此人為正問不？」

諸天子言：「世尊！此不正問。何以故？世尊！是虛空無有¹⁷相可說，虛空無為無起故。」

¹¹ 有=知【元】【明】，〔有〕－【宋】【宮】【聖】（大正 08，325d，n.21）。

¹² 〔知〕－【聖】（大正 08，325d，n.22）。

¹³ 〔相知〕－【元】【明】，〔相〕－【宮】【聖】【中】（大正 08，325d，n.23）。

¹⁴ 〔那〕－【聖】（大正 08，325d，n.24）。

¹⁵ 蜜+（作非）【聖】（大正 08，325d，n.25）。

¹⁶ 〔作非〕－【中】（大正 08，325d，n.26）。

¹⁷ 〔有〕－【元】【明】【聖】【中】（大正 08，325d，n.27）。

子三、重釋疑

佛告欲界¹⁸、色界諸天子：「有佛無佛，相性常住。佛得如實相性故，名為如來。」

壬三、諸天悟解

諸天子白佛言：「世尊！世尊所得諸相性甚深，得是相故，得無礙智；住是相中，以般若波羅蜜集諸法自相。」

諸天子言：「希有！世尊！是深般若波羅蜜是諸佛常所行道處，行是道¹⁹得阿耨多羅三藐三菩提；得阿耨多羅三藐三菩提已，通達一切法相——若色相，若受、想、行、識相，乃至一切種智相。」

壬四、佛述成

癸一、正述成

佛言：「如是！如是！諸天子！

惱壞相是色相——佛得是無相；覺者受相，取者想相，起作者行相，了別者識相——佛得是無相。

能捨者檀那波羅蜜相，無熱惱者尸²⁰羅波羅蜜相，不變異者羸提波羅蜜相，不可伏者毘梨耶波羅蜜相，攝心者禪那波羅蜜相，捨離者般若波羅蜜相——佛得是無相。

心無所燒惱者，是四禪、四無量心、四無色定相——佛得是無相。

出世間者，三十七品相——佛得是無相。

苦者，無作脫門²¹相；集²²者，空脫門相；寂滅者，無相脫門相——佛得是無相。

勝者，十力相；不恐怖者，無所畏相；遍知者，四無礙智相；餘人無得者，十八不共法相——佛得是無相。

愍念眾生者，大慈大悲相；實者，無錯謬²³相；無所取者，常捨相；現了知者，一切種智相——佛得是無相。

¹⁸ [界] — 【中】(大正 08, 325d, n.28)。

¹⁹ [道] — 【宮】(大正 08, 325d, n.29)。

²⁰ (乃)+尸【宋】【元】【宮】(大正 08, 325d, n.30)。

²¹ 門=間【中】(大正 08, 325d, n.31)。

²² 集=習【宋】，集=離【元】【明】【聖】【中】(大正 08, 325d, n.32)。

²³ 錯謬=謬錯【中】(大正 08, 326d, n.1)。

癸二、結無礙智名

如是，諸天子！佛得一切諸法無相，以是因緣故，佛名無礙智。」

辛二、明佛知般若恩故報恩²⁴

壬一、佛知母恩依止尊重般若法住

爾時，佛告須菩提：「般若波羅蜜是諸佛母；般若波羅蜜能示世間相，是故佛依止是法行²⁵，供養、恭敬、尊重讚歎是法。何等是法？所謂般若波羅蜜。諸佛依止般若波羅蜜住，恭敬、供養、尊重、讚歎²⁶是般若波羅蜜。何以故？是般若波羅蜜出生諸佛。

壬二、佛知恩報恩中第一

癸一、知般若能開三乘道故愛敬

佛知作人²⁷。若人正問知作人²⁸者，正答無過於佛。

何以故？須菩提！佛知作人故。

須菩提²⁹！佛所乘來法、佛所從來道，得阿耨多羅三藐三菩提。是乘、是道，佛還恭敬、供養、尊重、讚歎，受持守護。

須菩提！是名佛知作人³⁰。

癸二、知一切法無作相故

復次，須菩提！佛知一切法無作相，作者無所有故；一切法無起相³¹，形事不可得故。

須菩提！佛因般若波羅蜜知一切法無作相，以³²是因緣故，佛³³知作人。

辛三、重明般若能作恩成上報恩義

²⁴ 對照《大智度論》卷 70〈49 問相品〉(大正 25, 549b7-551a14)。

²⁵ 是法行=法住【宋】【元】【明】【宮】【聖】(大正 08, 326d, n.2)。

²⁶ [歎]—【聖】(大正 08, 326d, n.3)。

²⁷ 人=者【中】(大正 08, 326d, n.4)。

²⁸ [人]—【中】(大正 08, 326d, n.5)。

²⁹ [須菩提]—【元】【明】【中】(大正 08, 326d, n.6)。

³⁰ 人=者【中】(大正 08, 326d, n.7)。

³¹ [相]—【聖】【中】(大正 08, 326d, n.8)。

³² (亦)+以【元】【明】(大正 08, 326d, n.9)。

³³ 佛+(為)【中】(大正 08, 326d, n.10)。

壬一、明諸法不生故般若能生諸佛

癸一、略明無生生佛

復次，須菩提！佛因般若波羅蜜得一切法不生，以無所得故。以是因緣故，般若波羅蜜能生諸佛，能示世間相。」

癸二、釋無知無見難

子一、須菩提難

須菩提言：「世尊！若一切法無知者³⁴、無見者，云何般若波羅蜜能生諸佛、能示世間相？」

子二、佛答

丑一、無得無知故無所不知生諸佛

佛告須菩提：「如是！如是！一切法實無知者、無見者。

云何無知者、無見者？

一切法空、虛誑、不堅固，是故一切法無知者、無見者。

復次，須菩提！一切法云何無知者、無見者？一切法無依止、無所繫。以是故，一切法無知者、無見者。

丑二、無見不見故示世間相

如是，須菩提！般若波羅蜜能生諸佛、能示世間相。

不見色故示世間相，不見受、想、行、識故示世間相，乃至不見一切種智故，示世間相。

如是，須菩提！般若波羅蜜能生諸佛、能示世間相。」

癸三、結明示義得成

子一、須菩提重審

須菩提言：「世尊！云何不見色故，般若波羅蜜示世間相？不見受、想、行、識乃至一切種智故，示世間相？」

子二、佛答

佛告須菩提：「若不緣色生識，是名不見色相故示；不緣受、想、行、識生識，乃至不緣一切種智生識，是名不見一切種智相故示³⁵。」

³⁴ [者] — 【中】(大正 08, 326d, n.11)。

³⁵ 示=亦【聖】(大正 08, 326d, n.12)。

如是，須菩提！是深般若波羅蜜能生諸佛、能示世間相。

壬二、正明般若能生諸佛示世間相義

癸一、牒問

復次，須菩提！般若波羅蜜云何能生諸佛、能示世間相？

癸二、正釋

子一、總明

丑一、明般若示世間空

須菩提！般若波羅蜜示世間空。云何示世間空？

示五陰³⁶世間空，示十二入³⁷世間空，示十八界世間空，示十二因緣世間空，示我見根本六十二見世間空；

示十善道世間空，示四禪、四無量心、四無色定世間空；

示三十七品世間空，示六波羅蜜世間空；

示內空世間空，示外空世間空，示內外空世間空；

示無法空世間空，示有法空世間空，示無法有法空世間空；

示有為空³⁸世間空，示無為空世間空；

示佛十力世間空，示十八不共法世間空，乃至示一切種智世間空。

如是！須菩提！般若波羅蜜能生諸佛、能示世間相。

丑二、明知諸法空生諸佛

復次，須菩提！佛因是般若波羅蜜示世間空、知世間空、覺世間空、思惟世間空、分別世間空。

如是，須菩提！般若波羅蜜能生諸佛、能示世間相。

丑三、結般若示佛世間空

復次，須菩提！般若波羅蜜示佛世間空。云何示佛³⁹世間空？示五陰世間空，乃至示一切種智世間空。

如是！須菩提！般若波羅蜜能生諸佛、能示世間相。

子二、別明示佛世間九相

³⁶ 陰=眾【聖】【中】(大正 08, 326d, n.13)。

³⁷ 入=處【中】(大正 08, 326d, n.14)。

³⁸ 空=性【宋】【元】【明】【宮】【聖】【中】(大正 08, 326d, n.15)。

³⁹(示佛世間空云何示佛)九字=(云何能生諸佛能示)八字【宮】(大正 08, 326d, n.16)。

丑一、示世間不可思議

復次，須菩提！般若波羅蜜示佛世間不可思議。云何示世間不可思議？示五陰世間不可思議，乃至示一切種智世間不可思議。

丑二、示世間離

復次，須菩提！般若波羅蜜示佛世間離。云何示世間離？示五陰世間離，乃至示一切種智世間離。如是！須菩提！般若波羅蜜示佛世間離。

丑三、示世間寂滅

復次，須菩提！般若波羅蜜示佛世間寂滅。云何示世間寂滅？示五陰世間寂滅，乃至示一切種智世間寂滅。

丑四、示世間畢竟空

復次，須菩提！般若波羅蜜示佛世間畢竟空。云何示世間畢竟空？示五陰世間畢竟空，乃至示一切種智世間畢竟空。

丑五、示世間性空

復次，須菩提！般若波羅蜜示佛世間性空。云何示世間性空？示五陰世間性空，乃至示一切種智世間性空。

丑六、示世間無法空

復次，須菩提！般若波羅蜜示佛世間無法空。云何示世間無法空？示五陰世間無法空，乃至示一切種智世間無法空。

丑七、示世間有法空

復次，須菩提！般若波羅蜜示⁴⁰世間有法空。云何示世間有法空？示五陰世間有法空，乃至示一切種智世間有法空。

丑八、示世間無法有法空

復次，須菩提！般若波羅蜜示佛世間⁴¹無法有法空。云何示世間無法有法空？示五陰世間無法有法空，乃至示一切種智世間無法有法空。

丑九、示世間獨空

復次，須菩提！般若波羅蜜示佛世間獨空。云何示世間獨空？示五陰

⁴⁰ 示+(佛)【宋】【元】【明】【宮】【中】(大正 08, 326d, n.17)。

⁴¹ [示佛世間] - 【聖】【中】(大正 08, 326d, n.18)。

世間獨空，乃至示一切種智世間獨空。

癸三、結示畢竟空離二邊示中道

如是，須菩提！般若波羅蜜能生諸佛、能示佛⁴²世間相。

須菩提！是深般若波羅蜜示世間相，所謂不生今世、後世相。何以故？諸法無可用生今世、後世相故。」

庚三、歎般若能成大事⁴³

辛一、就果門歎

壬一、歎般若能得勝果

癸一、須菩提正歎

須菩提白佛言：「世尊！是般若波羅蜜為大事故起。世尊！是般若波羅蜜為不可思議事故起。世尊！是般若波羅蜜為不可稱事故起。世尊！是般若波羅蜜為無量事故起。世尊！是般若波羅蜜為無等等事故起。」

癸二、如來述歎

子一、牒歎

佛言：「如是！如是！須菩提！般若波羅蜜為大事故⁴⁴起，為不可思議事故起，為不可稱事故起，為無量事故起，為無等等事故起。」

子二、釋歎

丑一、約大事歎

須菩提！云何是般若波羅蜜為大事故起？

須菩提！諸佛大事者，所謂救一切眾生，不捨一切眾生。

丑二、約不可思議事歎

須菩提！云何是般若波羅蜜為不可思議事故起？

須菩提！不可思議事者，所謂諸佛法、如來⁴⁵法、自然人法、一切智人法。

以是故，須菩提！諸佛⁴⁶般若波羅蜜為諸佛⁴⁷不可思議事故起。

⁴² [佛] — 【中】(大正 08, 327d, n.1)。

⁴³ 對照《大智度論》卷 70〈49 問相品〉(大正 25, 551a15-552c14)。

⁴⁴ [故] — 【聖】【中】(大正 08, 327d, n.2)。

⁴⁵ [如來] — 【中】(大正 08, 327d, n.3)。

⁴⁶ [諸佛] — 【聖】(大正 08, 327d, n.4)。

丑三、約不可稱事歎

須菩提！云何般若波羅蜜為不可稱事故起？

須菩提！一切眾生中無有能思惟稱⁴⁸佛法、如來法、自然人法、一切智人法。

以是故，須菩提！般若波羅蜜為不可稱事故起。

丑四、約無量事歎

須菩提！云何般若波羅蜜為無量事故起？

須菩提！一切眾生中無有能量佛法、如來法、自然人法、一切智人法。

以是故，須菩提！般若波羅蜜為不可⁴⁹量事故起。

丑五、約無等等事歎

須菩提！云何般若波羅蜜為無等等事故起？

須菩提！一切眾生中無有能與佛等者，何況過！

以是故，須菩提！般若波羅蜜為無等等事故起。」

壬二、釋始行人疑

癸一、廣解

子一、以果地四法例一切法不二

丑一、總論不二

寅一、須菩提問

須菩提白佛言：「世尊！但佛法、如來法、自然人法、一切智人法，不可思議、不可稱、無有量、無等等事起耶？」

寅二、佛答

卯一、色等諸法不可思議等

佛告須菩提：「如是！如是！佛法、如來法、自然人法、一切智人法，不可思議、不可稱、無有量、無等等。

色亦不可思議、不可稱、無有量、無等等，受、想、行、識亦不可思議、不可稱、無有量、無等等，乃至一切種智、法性、法相，不可思議、不可稱、無有量、無等等。是中，心、心數法不可得。

⁴⁷ [諸佛] - 【宋】【元】【明】【宮】【聖】【中】(大正 08, 327d, n.5)。

⁴⁸ 稱+(量)【元】【明】【聖】(大正 08, 327d, n.6)。

⁴⁹ 不可=無【中】(大正 08, 327d, n.7)。

卯二、不可思議等不可得

復次，須菩提！色不可思議，是亦不可得；乃至色無等等，是亦不可得。受、想、行、識乃至一切種智無等等，是亦不可得。」

丑二、論不二所以

寅一、初問答

須菩提白佛言：「世尊！何因緣色不可思議乃至無等等，是亦不可得？受、想、行、識乃至一切種智無等等，是亦不可得？」

佛語須菩提：「色量不可得故，受、想、行、識量不可得故，乃至一切種智量不可得⁵⁰故。」

寅二、第二問答

須菩提白佛言：「世尊！何因緣色量不可得乃至一切種智量不可得？」佛告須菩提：「色不可思議故乃至色無等等故，量不可得；乃至一切種智不可思議故，乃至一切種智無等等故，量不可得。」

子二、反詰成

丑一、佛反詰

須菩提！於汝意云何？不可思議乃至無等等，寧可得⁵¹不⁵²？色、受、想、行、識乃至一切種智，可得⁵³不？」

丑二、須菩提答

須菩提言：「世尊！不可得。」

丑三、佛結成

「以是故，須菩提！一切法不可思議乃至無等等亦如是。」

癸二、略結

子一、別約二諦明四事

丑一、名字世諦故可思議

⁵⁰ 復次須菩提乃至量不可得百九十二字大異對校甚難故今別附卷末【宋】【元】【明】（大正 08，327d，n.8）。

⁵¹ 寧可得不 = 中【宮】，（中）+ 寧【宋】【元】【明】（大正 08，327d，n.9）。

⁵² [不] - 【聖】【中】（大正 08，327d，n.10）。

⁵³ [可得] - 【聖】，（寧）+ 可【宋】【元】【明】【宮】（大正 08，327d，n.11）。

須菩提！諸⁵⁴佛法不可思議、不可稱、無有量、無等等。
須菩提！是名諸佛法不可思議乃至無等等。

丑二、義趣涅槃不可思議

須菩提！是諸佛法不可思議，過思議相⁵⁵故；不可稱，過稱故；無有量，過量故；無等等，過等等⁵⁶故。

須菩提！是因緣故，一切法亦不可思議乃至無等等。

子二、總列四事二諦明

丑一、不可思議

須菩提！不可思議，名是義不可思議；

丑二、不可稱

不可稱，名是義不可稱；

丑三、無有量

無有量，名是義不可量；

丑四、無等等

無等等名，是義無等等。須菩提！是諸佛法不可思議乃至無等等。

子三、舉虛空譬四事

不可思議，如虛空不可思議；不可稱，如虛空不可稱；無有量，如虛空無有量；無等等，如虛空無等等。須菩提！是亦⁵⁷名諸佛法不可思議乃至無等等。

子四、結世間無能思議稱量者

佛法如是無量⁵⁸，一切世間天及⁵⁹人、阿修羅無能思議籌量者。

壬三、疑除悟道

說是諸佛法不可思議、不可稱，無有量，無等等品時，五百比丘一切

⁵⁴ (是)+諸【宋】【元】【明】【宮】(大正 08, 327d, n.12)。

⁵⁵ [相]—【宋】【元】【明】【宮】(大正 08, 327d, n.13)。

⁵⁶ [等]—【中】(大正 08, 327d, n.14)。

⁵⁷ [亦]—【宋】【元】【明】【宮】(大正 08, 327d, n.15)。

⁵⁸ (有)+量【聖】(大正 08, 327d, n.16)。

⁵⁹ [及]—【宋】【元】【明】【宮】【中】(大正 08, 327d, n.17)。

法不⁶⁰受故，漏盡心解⁶¹脫，得阿羅漢；二十⁶²比丘尼亦不受一切法故，漏盡得阿羅漢；六萬優婆塞、三萬優婆夷諸法中遠塵離垢，諸法中法眼生；二十萬⁶³菩薩摩訶薩得無生法忍，於是賢劫中當受記。⁶⁴

⁶⁰ 不+(可)【中】(大正 08，327d，n.18)。

⁶¹ (得)+解【宋】【元】【明】【宮】(大正 08，327d，n.19)。

⁶² 夾註〔丹千〕—【宋】【元】【明】【宮】【聖】【中】(大正 08，327d，n.20)。

⁶³ 〔萬〕—【宋】【元】【明】【宮】【聖】【中】(大正 08，327d，n.21)。

⁶⁴ 不分卷【聖】【中】，〔摩訶…譯〕—【聖】【中】，以上梵. *ity acintyatādi viśeṣeṇa duḥkhe catvāraḥ kṣānāḥ*. (大正 08，327d，n.22)。

《摩訶般若波羅蜜經》卷 15 〈50 成¹辦品²〉³冠科⁴

《摩訶般若波羅蜜經》卷 15 (大正 08, 328a5-329c5):

辛二、歎般若成辦因行⁵

壬一、須菩提五歎

爾時，須菩提白佛言：「世尊！是深般若波羅蜜為大事故起、不可思議事故起、不可稱事故起、無有量事故起。世尊！是深般若波羅蜜無等等事故起。」

壬二、佛述

癸一、就含受義述成五歎

子一、法

佛告須菩提：「如是！如是！是深般若波羅蜜為大事故起，乃至無等等事故起。

何以故？般若波羅蜜中含受五波羅蜜，般若波羅蜜中含受內空、外空⁶乃至無法有法空，含受四念處乃至八聖道分，是深般若波羅蜜中含⁷受佛十力乃至一切種智。

子二、譬

譬如灌頂王，國土中尊，諸有官事皆委大臣，國王安樂無事⁸自恣⁹。

子三、合

如是，須菩提！所有聲聞、辟支佛法、若菩薩法、若佛法，一切皆在

¹ (大事起)+成【宋】【元】【明】【宮】(大正 08, 328d, n.2)。

² (摩訶般若波羅蜜經大事)+品【聖】，(摩訶般若波羅蜜)+品【中】(大正 08, 328d, n.3)。

³ [丹本大事起品]－【宋】【元】【明】【宮】【聖】(大正 08, 328d, n.4)。

⁴ 妙境法師，《摩訶般若波羅蜜經》冠科(下冊)，pp.632-641。

⁵ 對照《大智度論》卷 71 〈50 大事起品〉(大正 25, 552c23-555b9)。

⁶ [外空]－【聖】【中】(大正 08, 328d, n.5)。

⁷ 含=受【中】(大正 08, 328d, n.6)。

⁸ 安樂無事=無事安樂【宋】【元】【明】【宮】(大正 08, 328d, n.7)。

⁹ [自恣]－【聖】(大正 08, 328d, n.8)。

般若波羅蜜中，般若波羅蜜能成辦其事。

以是故，須菩提！般若波羅蜜為大事故¹⁰起，乃至無等等事故起。

癸二、舉不取著釋成含受

子一、佛正明

復次，須菩提！是般若波羅蜜不取色、不著色故能成辦，受、想、行、識不取、不著故能成辦；乃至一切種智不取、不著故能成辦；須陀洹果乃至阿羅漢果、辟支佛道乃至阿耨多羅三藐三菩提不取、不著故能成辦。」

子二、須提問

須菩提白佛言：「云何色不取、不著故般若波羅蜜能成辦？云何受、想、行、識乃至阿耨多羅三藐三菩提不取、不著故般若波羅蜜能成辦？」

子三、佛以反問答

佛告須菩提：「於汝意云何？頗見是色可取、可著不？」

須菩提言：「不也！世尊！」

「須菩提！於汝意云何？頗見受、想、行、識乃至阿耨多羅三藐三菩提可取、可著不？」

須菩提言：「不也！世尊！」

子四、佛結成

佛言：「善哉，善哉！須菩提！我亦不見是色可取、可著，不見故不取，不取故不著；我亦不見受、想、行、識乃至阿耨多羅三藐三菩提及一切種智可取、可著，不見故不取，不取故不著；須菩提！我亦不見佛法、如來法、自然人法、一切智人法可取、可著¹¹，不見故不取，不取故不著。

以是故，須菩提！諸菩薩摩訶薩，色亦不應取、亦¹²不應著，受、想、行、識乃至佛法、如來法、自然人法、一切智人法亦不應取、亦不應著。」

辛三、雙歎人法

¹⁰ [故] — 【聖】(大正 08, 328d, n.9)。

¹¹ [可取可著] — 【中】(大正 08, 328d, n.10)。

¹² [亦] — 【宋】【元】【明】【宮】【聖】【中】(大正 08, 328d, n.11)。

壬一、諸天歎

癸一、歎法

爾時，欲界¹³、色界諸天子白佛言：「世尊！是¹⁴般若波羅蜜，甚深、難見、難解、不可思惟比類知；微妙、善巧、智慧、寂滅者可知。

癸二、歎人

子一、歎宿習三多

能信是般若波羅蜜者，當知是菩薩多供養諸佛、多種善根、與善知識相隨，能信解深般若波羅蜜。

世尊！若三千大千世界¹⁵中所有眾生皆作信行、法行人、八人、須陀洹、斯陀含、阿那含、阿羅漢、辟支佛——若智若斷，不如是菩薩一日行深般若波羅蜜，忍、欲、思惟、籌量。

子二、釋二乘不及

何以故？是信行、法行人、八人、須陀洹、斯陀含、阿那含、阿羅漢、辟支佛——若智若斷，即是菩薩摩訶薩無生法忍。」

壬二、佛述歎

佛告欲、色界諸天子：「如是！如是！諸天子！若信行、法行人、八人、須陀洹乃至阿羅漢、辟支佛，即是菩薩摩訶薩無生法忍。

諸天子！若善男子、善女人聞是深般若波羅蜜，書、持受¹⁶、讀、誦、說、正憶念，是善男子、善女人疾得涅槃，勝求聲聞、辟支佛乘善男子、善女人遠離深般若波羅蜜行餘經，若一劫、若減一劫。

何以故？是深般若波羅蜜中廣說上妙法，是信行、法行人、八人、須陀洹、斯陀含、阿那含、阿羅漢、辟支佛所應學；菩薩摩訶薩亦所應學，學已得阿耨多羅三藐三菩提。」

壬三、諸天領解重歎各還本處

是時欲、色界諸天子俱發聲言：「世尊！是般若波羅蜜名摩訶波羅蜜。世尊！是般若波羅蜜名不可思議、不可稱、無有量、無等等波羅蜜。信

¹³ [界] — 【宋】【元】【明】【宮】【聖】【中】(大正 08, 328d, n.12)。

¹⁴ [是] — 【聖】(大正 08, 328d, n.13)。

¹⁵ 世界=國土【宋】【元】【明】【宮】(大正 08, 328d, n.14)。

¹⁶ 持受=受持，妙境法師，《摩訶般若波羅蜜經》冠科(下冊)，p.635。

行、法行人、八人學是深般若波羅蜜，得成¹⁷；須陀洹、斯陀含、阿那含、阿羅漢、辟支佛學是深般若波羅蜜，得成；菩薩摩訶薩是深般若波羅蜜中學，得阿耨多羅三藐三菩提。是深般若波羅蜜亦不增、亦不減。」

是時欲、色界諸¹⁸天子頂禮佛足，繞佛而去；去是不遠，忽然不現，各還本處。

丁二、就人門明般若

戊一、正明三根人信般若體之相

己一、略明三根人信德

庚一、須菩提問

須菩提白佛言：「世尊！若菩薩摩訶薩聞是深¹⁹般若波羅蜜即時信解者，從何處終來生是間？²⁰」

庚二、佛答

辛一、明三根人信相

壬一、答上根人三處來

癸一、人中

佛告須菩提：「若菩薩摩訶薩聞是深般若波羅蜜即時信解，不沒、不却、不難、不疑、不悔，歡喜樂聽，聽已憶念，不遠離是深般若波羅蜜，若行、若住、若坐、若臥，終不廢忘，常隨法師——譬如新生犢子不離其母；菩薩摩訶薩亦如是，為聞深般若波羅蜜故，終不遠離法師，乃至得是深般若波羅蜜，口誦、心解，正見通達。

須菩提！當知是菩薩從人道中終還生是間²¹人中。

何以故？是求佛道者前世時聞深般若波羅蜜，書、持²²、恭敬、尊重、讚歎，華香乃至幡²³蓋供養²⁴。以是因緣故，人中命終還生人中，聞是

¹⁷ 成+(就)【宋】【元】【明】【宮】，+(諸)【中】(大正 08，328d，n.15)。

¹⁸ 欲色界諸=諸欲色界【中】【中】(大正 08，328d，n.16)。

¹⁹ [深]—【中】(大正 08，328d，n.17)。

²⁰ [間]—【宋】【宮】(大正 08，328d，n.18)。

²¹ 間=聞【中】(大正 08，328d，n.19)。

²² 持=受【宮】【聖】【中】(大正 08，328d，n.20)。

²³ 幡=幢【中】(大正 08，328d，n.21)。

²⁴ [供養]—【中】(大正 08，328d，n.22)。

深般若波羅蜜，即時信解。」

癸二、他方國土

須菩提白佛言：「世尊！頗有菩薩摩訶薩如是功德成就，他方國土²⁵供養諸佛，於彼命終，來生是間，聞深般若波羅蜜，即時信解，書、持、讀誦、正憶念——有是者不？」

佛言：「有！菩薩如是功德成就，他方國土供養諸佛，於彼命終，來生是間，聞是深般若波羅蜜，即時信解，書、持、讀誦、正憶念。

何以故？是菩薩摩訶薩從他方諸佛所聞是深般若波羅蜜，信解、書、持、讀誦、說、正憶念，於彼間終，來生此間，當知是人是²⁶先世功德成就。

癸三、彌勒菩薩處

復次，須菩提！有菩薩從彌勒菩薩摩訶薩聞是深般若波羅蜜，以是善根因緣故，來生此間。

壬二、答下根人人中來

須菩提！復有菩薩摩訶薩前世時雖聞深般若波羅蜜，不問中事；來生人中，聞是深般若波羅蜜，心有²⁷疑悔，難悟。

須菩提！如是菩薩，當知先世雖聞是深²⁸般若波羅蜜，不問故；今續疑悔難悟。

須菩提！若菩薩先世雖聞禪那波羅蜜²⁹，不問中事；今世聞般若波羅蜜時，不問故，續生³⁰疑悔。

須菩提！若菩薩先世雖聞毘梨耶波羅蜜，不問中事；今世聞³¹般若波羅蜜，不問故，續復疑悔。

須菩提！若菩薩先世雖³²聞羸提波羅蜜，不問中事；今世聞般若波羅

²⁵ 國土＝世界【宋】【元】【明】【宮】(大正 08，329d，n.1)。

²⁶ [是]－【宋】【元】【宮】【聖】(大正 08，329d，n.2)。

²⁷ 有＝續【中】(大正 08，329d，n.3)。

²⁸ [深]－【中】(大正 08，329d，n.4)。

²⁹ 禪那波羅蜜＝禪波羅蜜【聖】(大正 08，329d，n.5)。

³⁰ 生＝復【中】(大正 08，329d，n.6)。

³¹ (雖)+聞【中】(大正 08，329d，n.7)。

³² [雖]－【中】(大正 08，329d，n.8)。

蜜，不問故，續復疑悔。

須菩提！若菩薩先世雖聞尸羅波羅蜜，不問中事；今世聞般若波羅蜜，不問故，續復疑悔。

須菩提！若菩薩先世雖聞檀那波羅蜜³³，不問中事；今世聞般若波羅蜜，不問故，續復疑悔。

復次，須菩提！菩薩摩訶薩先世雖聞內空、外空、內外空乃至無法有法空，不問中事；來生人中，聞是深般若波羅蜜，不問故，續復疑悔，難悟。

復次，須菩提！菩薩摩訶薩先世雖聞四念處乃至八聖道分、四禪、四無量心、四無色定、五神通、佛十力乃至一切種智，不問中事；來生人中，聞是深般若波羅蜜，不問故，續復疑悔，難悟。

壬三、答中根人亦人中來

復次，須菩提！菩薩摩訶薩先世聞深般若波羅蜜，問中事而不行；捨身生時，聞是深般若波羅蜜，若一日、二日、三日、四日、五日，其心堅固無能壞者，若離所聞時便退失。

何以故？先世聞是深般若波羅蜜時，雖問中事，不如說行。是人或時欲聞、或時不欲聞，心輕不固、志亂不定，譬如輕毛隨風東西。

須菩提！當知是菩薩發意不久，不與善知識相隨，不多供養諸佛，先世不書是深般若波羅蜜，不讀、不誦、不正憶念，不學般若波羅蜜、不學禪那波羅蜜、不學毘梨耶波羅蜜、不學羸提波羅蜜、不學尸羅波羅蜜、不學檀那波羅蜜，不學內空乃至無法有法空，不學四念處乃至八聖道分，不學四禪、四無量心、五神通、佛十力，乃至不學一切種智。

如是！須菩提！當知是菩薩摩訶薩新發大乘意，少信、少樂故，不能書是深般若波羅蜜，不能受持、讀、誦、說、正憶念。

辛二、總明中下二人為失

須菩提！若求佛道善男子、善女人不書是深般若波羅蜜，不受持讀誦、不說、不正憶念，亦不為深般若波羅蜜所護，乃至不為一切種智所護；是人亦不如說行深般若波羅蜜，乃至不如說行一切種智，是人或墮二地

³³ 檀那波羅蜜＝檀波羅蜜【聖】下同。(大正 08，329d，n.9)。

——若聲聞地、若辟支佛地。

何以故？是善男子、善女人不書是深般若波羅蜜，不讀、不誦、不說、不正憶念，是人亦不為深般若波羅蜜所護、亦不如說行。以是故，是善男子、善女人於二地中當墮一地。³⁴」

³⁴ 以上梵 *iti Samudāgama viśeṣeṇa nirodhe tritīyaḥ kṣaṇaḥ*。(大正 08，329d，n.10)。

《摩訶般若波羅蜜經》卷 15 〈51 譬喻品〉冠科¹

《摩訶般若波羅蜜經》卷 15 (大正 08, 329c6-331b7) :

己二、廣明三根人行相

庚一、明中下二人行相

辛一、舉法譬勸中下二人捨失修得

壬一、借喻以明得失²

癸一、海中船破譬

子一、舉譬

佛告須菩提：「譬如大海中船破壞，其中人若不取木、不取器物、不取浮囊、不取死尸。須菩提！當知是人不到彼岸，沒海中死。

須菩提！若船破時，其³中人取木、取器物、浮囊、死尸，當知是人終不沒死，安隱無礙，得到彼岸。

子二、合法

丑一、不依二慧不度彼岸

須菩提！求佛道善男子、善女人亦復如是，若但有信樂，不依深般若波羅蜜，不書、不讀、不誦、不正憶念；不依禪那波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜，不書、不讀、不誦、不正憶念；乃至不依一切種智，不書、不讀、不誦、不正憶念。須菩提！當知是善男子中道衰耗，是人未到一切種智，於聲聞、辟支佛地取證。

丑二、依二慧故得度彼岸

須菩提！若有求佛道善男子、善女人為阿耨多羅三藐三菩提故，有信、有忍、有淨心、有深心、有欲、有解、有捨、有精進，是人依深般若波羅蜜，書、持、讀、誦、說、正憶念；是善男子、善女人為阿耨多羅三藐三菩提故，有諸信、忍、淨心、深心⁴、欲、解、捨、精進，為深般

¹ 妙境法師，《摩訶般若波羅蜜經》冠科(下冊)，pp.642-651。

² 對照《大智度論》卷 71 〈51 譬喻品〉(大正 25, 555b11-556b27)。

³ 其=船【聖】(大正 08, 329d, n.12)。

⁴ 心=念【中】(大正 08, 329d, n.13)。

若波羅蜜所護乃至一切種智所護，為深⁶般若波羅蜜守護故乃至一切種智守護故，終不中道衰耗，過聲聞、辟支佛地，能淨佛國⁷土、成就眾生，當得阿耨多羅三藐三菩提。

癸二、持瓶取水譬

子一、持坏瓶取水喻不得二慧失諸功德

丑一、譬說

須菩提！譬如男子、女人持坏瓶取水⁸，當知是瓶不久爛壞。何以故？是瓶未熟故，還歸於地。

丑二、法說

如是！須菩提！善男子、善女人雖有為阿耨多羅三藐三菩提心，有信、有忍、有淨心、有深心、有欲、有解、有捨、有精進，不為般若波羅蜜、方便力所守護，不為禪那波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜所守護，不為內空乃至無法有法空、四念處乃至八聖道分、佛十力乃至一切種智所守護。須菩提！當知是人中道衰耗，墮聲聞、辟支佛地。

子二、持熟瓶取水喻得二慧故得諸功德

丑一、譬說

須菩提！譬如男子、女人持熟瓶取水，若河、若井、若池、若泉⁹，當知是瓶持水安隱。何以故？是瓶成熟故。

丑二、法說

如是，須菩提！善男子、善女人求阿耨多羅三藐三菩提，有諸信、忍、淨心、深心、欲、解、捨、精進，為般若波羅蜜、方便力所護¹⁰，為禪定¹¹、精進、忍辱、持¹²戒、布¹³施乃至一切種智所護故¹⁴。須菩提！當

⁵ (為)+一【宋】【元】【明】【宮】【中】(大正 08, 329d, n.14)。

⁶ (為深)+【中】(大正 08, 329d, n.15)。

⁷ [國]-【中】(大正 08, 329d, n.16)。

⁸ 水+(若河若井若池若泉)八字【宋】【元】【明】【宮】(大正 08, 330d, n.1)。

⁹ [若河若井若池若泉]八字-【聖】(大正 08, 330d, n.2)。

¹⁰ (守)+護【宋】【元】【明】【宮】(大正 08, 330d, n.3)。

¹¹ [定]-【聖】(大正 08, 330d, n.4)。

¹² [辱持]-【聖】(大正 08, 330d, n.5)。

知是人中道衰耗，過聲聞、辟支佛地，能¹⁵淨佛國土、成就眾生，得阿耨多羅三藐三菩提。

癸三、船寶航行譬

子一、船未莊治喻不得二慧不遂本願

丑一、譬說

須菩提！譬如大海邊船未裝¹⁶治，便持財物著上。須菩提！當知是船中道壞沒，人¹⁷、船、財¹⁸物各在一處；是賈¹⁹客無方便力故，亡其重寶。

丑二、法說

如是，須菩提！是求佛道善男子、善女人雖有為阿耨多羅三藐三菩提心，有信、忍、淨心、深心、欲、解、捨、精進，不為般若波羅蜜、方便力所守護²⁰，乃至不為一切種智所守護故，當知是人中道衰耗，失大珍寶。

大珍寶者，所謂一切種智。

衰耗者，墮聲聞、辟支佛地。

子二、船已莊治喻得二慧故得遂本願

丑一、譬說

須菩提！譬如有智、方便裝²¹治海邊大船，然後推著水中，持財物著上，上船²²而去，當知是船不中道沒壞，必得²³安隱到²⁴所至處。

丑二、法說

¹³ [布] - 【聖】(大正 08, 330d, n.6)。

¹⁴ [故] - 【宋】【元】【明】【宮】【聖】(大正 08, 330d, n.7)。

¹⁵ [能] - 【聖】(大正 08, 330d, n.8)。

¹⁶ 裝=莊【宋】【元】【明】【宮】【聖】【中】(大正 08, 330d, n.9)。

¹⁷ [人] - 【聖】【中】(大正 08, 330d, n.10)。

¹⁸ (與)+財【聖】【中】(大正 08, 330d, n.11)。

¹⁹ 賈=估【聖】【中】(大正 08, 330d, n.12)。

²⁰ 護+(故)【聖】【中】(大正 08, 330d, n.13)。

²¹ 裝=[祛-ム+(乏-之+(衣-一))】【中】(大正 08, 330d, n.14)。

²² [上船] - 【聖】【中】(大正 08, 330d, n.15)。

²³ [必得] - 【中】(大正 08, 330d, n.16)。

²⁴ (得)+到【中】(大正 08, 330d, n.17)。

如是，須菩提！善男子、善女人為阿耨多羅三藐三菩提，有信、忍、淨心、深心、欲、解、捨、精進，為般若波羅蜜、方便力所守²⁵護，為禪定、精進、忍辱、持戒、布施乃至一切種智所護故，當知是菩薩得到阿耨多羅三藐三菩提，不中道墮聲聞、辟支佛地。

癸四、耆年起行譬

子一、無人守護喻無二慧不能至佛道

丑一、譬說

須菩提！譬如有人年百二十歲，年²⁶耆根熟，又有風、冷、熱病、若雜病。須菩提！於汝意云何？是人能從床起不？」

須菩提言：「不能。」

佛言：「是人或有能起者，云何？」

須菩提言：「是人雖能起，不能遠行若十里、若二十里，以其老病故。」

丑二、法說

「如是，須菩提！善男子、善女人雖有為阿耨多羅三藐三菩提心，有信、忍、淨心、深心、欲、解、捨、精進，不為般若波羅蜜、方便力所守護，乃至不為一切種智所守護故，當知是人中道墮聲聞、辟支佛地。何以故？不為般若波羅蜜、方便力所守護故。

子二、有人守護喻有二慧故能至佛道

丑一、譬說

須菩提！如向老人百二十歲，年耆根熟，又有風、冷、熱病、若雜病，是人而²⁷欲起行，有兩健人各扶一掖²⁸，語老人言：『莫有所難，隨所欲至，我等二人終不相捨。』

丑二、法說

如是，須菩提！若善男子、善女人為阿耨多羅三藐三菩提，有信、忍、淨心、深心、欲、解、捨、精進，為般若波羅蜜、方便力所護，乃至為

²⁵ [守] — 【中】(大正 08, 330d, n.18)。

²⁶ 年=季【宋】(大正 08, 330d, n.19)。

²⁷ [而] — 【聖】【中】(大正 08, 330d, n.20)。

²⁸ 掖=腋【宋】【元】【明】【宮】【聖】(大正 08, 330d, n.21)。

一切種智所護²⁹，當知是人中道墮聲聞、辟支佛地，能到是處，所謂阿耨多羅三藐三菩提。」

壬二、就法說明無方便令捨有方便勸修³⁰

癸一、明無方便相令捨

子一、以我我所心行道故失

爾時，佛復讚³¹須菩提言：「善哉！善哉！須菩提³²！汝為諸菩薩摩訶薩問佛是事。

須菩提！若有求佛道善男子、善女人，從初發意已³³來，以我、我所心布施、持戒、忍辱、精進、禪定、智慧；

是善男子、善女人布施時作是念：『我是施主，我施是人，我施³⁴是物³⁵。我持戒，我修忍辱³⁶，我精進，我入禪³⁷，我修智慧。』

是善男子、善女人念『有是施，是我施，乃至念『有是慧，是我慧』³⁸。

何以故？檀那波羅蜜中無如是分別，遠離此彼岸是檀那波羅蜜相；尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜中無如是分別。何以故？遠離此彼岸是般若波羅蜜相。

是人不知此岸、不知彼岸，是人為檀那波羅蜜乃至不為一切種智所護故，墮聲聞、辟支佛地，不能到薩婆若。

子二、無方便生自高心故失

須菩提！云何求佛道人無方便？

須菩提！求佛道人從初發心以³⁹來無方便行布施、持戒、忍辱、精進、

²⁹ 護+(故)【宋】【元】【明】【宮】(大正 08, 330d, n.22)。

³⁰ 對照《大智度論》卷 71〈51 譬喻品〉(大正 25, 556b28-557b12)。

³¹ 復讚=語【聖】【中】(大正 08, 330d, n.23)。

³² [須菩提]—【聖】【中】(大正 08, 330d, n.24)。

³³ 已=以【宋】【宮】(大正 08, 330d, n.25)。

³⁴ 施=以【聖】【中】(大正 08, 330d, n.26)。

³⁵ 物+(施)【中】(大正 08, 330d, n.27)。

³⁶ [辱]—【宋】【元】【明】【宮】【聖】(大正 08, 330d, n.28)。

³⁷ 禪+(定)【宋】【元】【明】【宮】(大正 08, 330d, n.29)。

³⁸ 是慧是我慧=智慧是我智慧【中】(大正 08, 330d, n.30)。

³⁹ 以=已【聖】【中】(大正 08, 330d, n.31)。

禪定、修智慧。是人作如是念：『我布施，施是人，以⁴⁰是物施；我持戒、修忍辱⁴¹、勤⁴²精進、入禪定，修智慧——如是修智慧。』

是人念『有是施，是我施』，以是施自高；念『有是⁴³戒，是我戒』，以是戒自高；念『有是忍，是我忍』，以是忍自高；念『有是精進，是我精進』，以是精進自高；念『有是禪定，是我禪定』，以是禪定自高；念『有是慧⁴⁴，是我慧』，以是慧自高。

何以故？檀那波羅蜜中無如是分別，遠離此彼岸是檀那波羅蜜相；遠離此彼岸是尸羅波羅蜜相；遠離此彼岸是羸提波羅蜜相；遠離此彼岸是毘梨耶波羅蜜相；遠離此彼岸是禪那波羅蜜相；遠離此彼岸是般若波羅蜜相。何以故？般若波羅蜜中無是憶念分別。

是求佛道善男子、善女人不知此岸、不知彼岸，是不為檀那波羅蜜所護，不為尸羅波羅蜜、羸提波羅蜜、毘梨耶波羅蜜、禪那波羅蜜、般若波羅蜜所護，乃至不為一切種智所護⁴⁵故，或墮聲聞道中、或墮辟支佛道中，不能得到薩婆若。

如是，須菩提！菩薩摩訶薩不為般若波羅蜜、方便力所守⁴⁶護故，或墮聲聞地，或墮辟支佛地⁴⁷。

癸二、明有方便相勸修

須菩提！云何菩薩摩訶薩為般若波羅蜜、方便力所護故，不墮聲聞、辟支佛道中，疾得阿耨多羅三藐三菩提？

須菩提！菩薩從初已來，以方便力布施，無我、我所心布施，乃至無我、我所心修智慧。是不作是念『我有是施，是我施。』不以是施自高；乃至般若波羅蜜亦如是。

⁴⁰ 以=用【宋】【元】【明】【宮】(大正 08, 330d, n.32)。

⁴¹ [辱] — 【宋】【元】【明】【宮】【聖】【中】(大正 08, 330d, n.33)。

⁴² [勤] — 【聖】(大正 08, 330d, n.34)。

⁴³ [是] — 【中】(大正 08, 330d, n.35)。

⁴⁴ (智)+慧【宋】【元】【明】【宮】(大正 08, 330d, n.36)。

⁴⁵ (守)+護【聖】(大正 08, 331d, n.1)。

⁴⁶ [守] — 【宮】(大正 08, 331d, n.2)。

⁴⁷ 地=道中【宋】【元】【明】【宮】【聖】【中】(大正 08, 331d, n.3)。

是⁴⁸菩薩不念『我布施』，不念『我施是人，用是物施』；不念『我持戒，有⁴⁹是戒』；不念『我忍辱，有是忍辱』；不念『我精進，有是精進』，不念『我禪定，有是禪定』；不念『我修智慧，有是智慧』。

何以故？是檀那波羅蜜中無如是分別，遠離此彼岸是檀那波羅蜜相；遠離此彼岸是尸羅波羅蜜相；遠離此彼岸是羸提波羅蜜相；遠離此彼岸是毘梨耶波羅蜜相；遠離此彼岸是禪那波羅蜜相；遠離此彼岸是般若波羅蜜相。何以故？是般若波羅蜜中無如是憶念分別。

是菩薩摩訶薩知此岸、知⁵⁰彼岸，是人為檀那波羅蜜所護，為尸羅波羅蜜所護，為羸提波羅蜜⁵¹、毘梨耶波羅蜜、禪那波羅蜜、般若波羅蜜所護，乃至為一切種智所護故，不墮聲聞、辟支佛地，得到薩婆若。

如是，須菩提！菩薩摩訶薩為般若波羅蜜、方便力所護故，不墮聲聞、辟支佛地，疾得阿耨多羅三藐三菩提。」⁵²

⁴⁸ [是] — 【聖】(大正 08, 331d, n.4)。

⁴⁹ (我)+有【中】(大正 08, 331d, n.5)。

⁵⁰ [岸知] — 【聖】(大正 08, 331d, n.6)。

⁵¹ 蜜+(所護為)【宋】【元】【明】【宮】【聖】(大正 08, 331d, n.7)。

⁵² 以上梵 *iti Samparigrahaviśeṣeṇa mārga tṛtīyaḥ*。(大正 08, 331d, n.8)。

《摩訶般若波羅蜜經》卷 15 〈52 知識品〉冠科¹

《摩訶般若波羅蜜經》卷 15 (大正 08, 331b8-334a1) :

辛二、勸中下根人依善知識習成妙行

壬一、依善知識習成自行²

癸一、須菩提問

爾時，慧命³須菩提白佛言：「世尊！新學菩薩摩訶薩云何應學般若波羅蜜、禪那波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜？」

癸二、佛答

子一、先當親近供養善知識

佛告須菩提：「新學菩薩摩訶薩若欲學般若波羅蜜，禪那、精進、忍辱、持戒、檀那波羅蜜，先當親近、供養善知識能說是深般若波羅蜜者。

子二、依教奉行

丑一、所有善根迴向佛道

是人作是⁴教：『汝善男子！所有布施，一切迴向阿耨多羅三藐三菩提；善男子！所有持戒、忍辱、精進、禪定、智慧，一切迴向阿耨多羅三藐三菩提。

丑二、不取不貪觀法性空

寅一、明不取

汝莫以色是阿耨多羅三藐三菩提，莫以受、想、行、識是阿耨多羅三藐三菩提；莫以檀那波羅蜜是阿耨多羅三藐三菩提，莫以⁵尸羅波羅蜜、羸提波羅蜜、毘梨耶波羅蜜、禪那波羅蜜、般若波羅蜜是阿耨多羅三藐三菩提；

¹ 妙境法師，《摩訶般若波羅蜜經》冠科(下冊)，pp.652-666。

² 對照《大智度論》卷 71 〈52 善知識品〉(大正 25, 557b14-558a15)。

³ [慧命] - 【中】(大正 08, 331d, n.10)。

⁴ [是] - 【中】(大正 08, 331d, n.11)。

⁵ [是阿…以] 十二字 - 【中】(大正 08, 331d, n.12)。

莫以內空乃至無法有法空是阿耨多羅三藐三菩提；

莫以四念處、四正勤、四如意足、五根、五力、七覺分、八聖道分是阿耨多羅三藐三菩提；

莫以四禪、四無量心、四無色定、五神通是阿耨多羅三藐三菩提；

莫以佛十力乃⁶至十八不共法是阿耨多羅三藐三菩提。

所以者何？不取色便得阿耨多羅三藐三菩提，不取受、想、行、識便得阿耨多羅三藐三菩提；不取檀那波羅蜜乃至般若波羅蜜便得阿耨多羅三藐三菩提；不取內空乃至無法有法空，四念處乃至十八不共法便得阿耨多羅三藐三菩提。

寅二、明不貪

善男子！行是深般若波羅蜜時莫貪色。何以故？善男子！是色非可貪者。莫貪受、想、行、識。何以故？受、想、行、識非可貪者。

善男子！莫貪檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，莫貪內空乃至無法有法空，莫貪四念處乃至八聖道分，莫貪四禪、四無量心、四無色定、五神通，莫貪佛十力乃至一切種智。何以故？一切種智非可貪者。

善男子！莫貪須陀洹果乃至阿羅漢果，莫貪辟支佛道，莫貪菩薩法位，莫貪阿耨多羅三藐三菩提。何以故？阿耨多羅三藐三菩提非可貪者。

寅三、明觀法空

所以者何？諸法性空故。』』

壬二、依善知識習成化他行⁷

癸一、須菩提歎

須菩提白佛言：「世尊！諸菩薩摩訶薩能為難事——於一切性空法中求阿耨多羅三藐三菩提，欲得阿耨多羅三藐三菩提。」

癸二、佛述成

子一、佛可其歎

佛言：「如是！如是！須菩提！菩薩摩訶薩能為難事——於一切性空

⁶〔乃〕－【宮】(大正 08, 331d, n.13)。

⁷對照《大智度論》卷 71〈52 善知識品〉(大正 25, 558a16-559b21)。

法中求阿耨多羅三藐三菩提，欲得阿耨多羅三藐三菩提。

子二、列九門

須菩提！諸菩薩摩訶薩為安隱世間故，發阿耨多羅三藐三菩提心；為樂世間故、為救世間故、為世間歸故、為世間依處故、為世間洲故、為世間究竟道故、為世間將導⁸故、為世間趣故，發阿耨多羅三藐三菩提心⁹。」

子三、釋九門

丑一、為安隱世間

須菩提！云何菩薩摩訶薩為安隱世間故發阿耨多羅三藐三菩提心？

須菩提！菩薩摩訶薩得阿耨多羅三藐三菩提時，拔出六道眾生，著無畏岸涅槃處。

須菩提！是為菩薩摩訶薩為安隱世間故發阿耨多羅三藐三菩提心。

丑二、為樂世間

云何菩薩摩訶薩為樂世間故發阿耨多羅三藐三菩提心？

須菩提！菩薩摩訶薩得阿耨多羅三藐三菩提時，拔出眾生種種憂苦愁惱¹⁰，著無畏岸涅槃處。

須菩提！是為菩薩摩訶薩為樂世間故發阿耨多羅三藐三菩提心。

丑三、為救世間

云何菩薩摩訶薩為救世間故發阿耨多羅三藐三菩提心？

須菩提！菩薩摩訶薩得阿耨多羅三藐三菩提時，救眾生生死中種種苦，亦為斷是苦故，而為說法；眾生聞法，漸以三乘而得度脫。

須菩提！是為菩薩摩訶薩為救世間故發阿耨多羅三藐三菩提心。

丑四、為世間歸

云何菩薩摩訶薩為世間歸故，發阿耨多羅三藐三菩提心？

須菩提！菩薩摩訶薩得阿耨多羅三藐三菩提時，拔出眾生生老病死相、憂悲愁惱法，著無畏岸涅槃處。

⁸ 究竟道故為世間將導＝將導故為世間究竟道【宋】【元】【明】【宮】【聖】【中】(大正 08, 331d, n.14)。

⁹ [心]－【中】(大正 08, 331d, n.15)。

¹⁰ 苦愁惱＝悲苦惱【中】(大正 08, 332d, n.1)。

須菩提！是為菩薩摩訶薩為世間歸故發阿耨多羅三藐三菩提心。

丑五、為世間依處

云何菩薩摩訶薩為世間依處故發阿耨多羅三藐三菩提心？

須菩提！菩薩摩訶薩得阿耨多羅三藐三菩提時，為眾生說一切法無依處。須菩提！是為菩薩摩訶薩為世間依處故發阿耨多羅三藐三菩提心。」

須菩提白佛言：「世尊！云何一切法無依處？」

佛言：「色不相續即是色無生，色無生即是色不滅，色無¹¹滅即是色無依處；受、想、行、識乃至一切種智亦如是。

須菩提！是為菩薩摩訶薩為世間依處¹²故發阿耨多羅三藐三菩提心。

丑六、為世間究竟道

云何菩薩摩訶薩為世間究竟道故發阿耨多羅三藐三菩提心？

須菩提！菩薩摩訶薩得阿耨多羅三藐三菩提時，為眾生說如是法——色究竟相非是色，受、想、行、識乃至一切種智究竟相非是一切種智。

須菩提！如究竟相，一切法相亦如是。」

須菩提言：「世尊！若一切法相¹³如究竟相者，云何¹⁴諸菩薩摩訶薩皆應得阿耨多羅三藐三菩提。何以故？世尊！色究竟相中無有分別，受、想、行、識究竟相中無有分別，乃至一切種智究竟相中無有分別——所謂是色，是受、想、行、識，乃至是一切種智。」

佛告須菩提：「如是！如是！色究竟相中無有分別，受、想、行、識乃至一切種智究竟相中無有分別——所謂是色乃至是一切種智。須菩提！是為菩薩摩訶薩難事。

如是觀諸法寂滅相，而心不沒不却。何以故？菩薩摩訶薩作是念：『是諸深法，我應如是知，得阿耨多羅三藐三菩提；如是寂滅微妙法，當為眾生說。』

¹¹ 無=不【宋】【元】【明】【宮】(大正 08, 332d, n.2)。

¹² [處] - 【中】(大正 08, 332d, n.3)。

¹³ [相] - 【宋】【元】【明】【宮】【中】(大正 08, 332d, n.4)。

¹⁴ [云何] - 【中】(大正 08, 332d, n.5)。

是為菩薩摩訶薩為世間究竟道故發阿耨多羅三藐三菩提心。

丑七、為世間洲

云何菩薩摩訶薩為世間洲故，發阿耨多羅三藐三菩提心？

須菩提！譬如¹⁵江河大海，四邊水斷，是名¹⁶為洲。

須菩提！色亦如是前後際斷，受、想、行、識前後際斷，乃至一切種智前後際斷。以是前後際斷故，一切法亦斷。須菩提！是一切法前後際斷故，即是寂滅、即是妙寶——所謂空、無所得、愛盡無餘、離欲、涅槃。須菩提！若¹⁷菩薩摩訶薩得阿耨多羅三藐三菩提時，以寂滅微妙法為眾生說。

須菩提！是為菩薩摩訶薩為世間洲故發阿耨多羅三藐三菩提心。

丑八、為世間將導

云何菩薩摩訶薩為世間將導故發阿耨多羅三藐三菩提心¹⁸？

須菩提！菩薩摩訶薩得阿耨多羅三藐三菩提時，為眾生說色不生不滅、不垢不淨，說受想行識不生不滅、不垢不淨；說十二入¹⁹、十八界、四念處乃至八聖道分、四禪、四無量心、四無色定、五神通不生不滅、不垢不淨；說須陀洹果乃至阿羅漢果、辟支佛道不生不滅、不垢不淨；說佛十力乃至一切種智不生不滅、不垢不淨。

須菩提！是為菩薩摩訶薩為世間將導故發阿耨多羅三藐三菩提心。

丑九、廣明為世間趣²⁰

寅一、徵

云何菩薩摩訶薩為世間趣故發阿耨多羅三藐三菩提心？

寅二、釋

卯一、空中趣非趣不可得

須菩提！菩薩摩訶薩得阿耨多羅三藐三菩提時，為眾生說色趣空，說

¹⁵ 譬如=若【宋】【元】【明】【宮】【聖】【中】(大正 08, 332d, n.6)。

¹⁶ [名]—【中】(大正 08, 332d, n.7)。

¹⁷ [若]—【聖】【中】(大正 08, 332d, n.8)。

¹⁸ [發阿耨多羅三藐三菩提心]十一字—【聖】【中】(大正 08, 332d, n.9)。

¹⁹ 入=處【聖】【中】(大正 08, 332d, n.10)。

²⁰ 對照《大智度論》卷 71 〈52 善知識品〉(大正 25, 559b22-560c28)。

受、想、行、識趣空，乃至說²¹一切種智趣空。為眾生說色非趣非不趣。何以故？是色空相，非趣非不趣²²。說受、想、行、識²³非趣非不趣。何以故？是受、想、行、識空相，非趣非不趣。乃至一切種智非趣非不趣。何以故？是²⁴一切種智空相，非趣非不趣。如是，須菩提！菩薩摩訶薩為世間趣故發阿耨多羅三藐三菩提心。

何以故？一切法趣空，是趣不過。何以故？空中，趣、不趣²⁵不可得故。

卯二、無相中趣非趣不可得

須菩提！一切法趣無相，是趣不過。何以故？無相中，趣、不趣不可得故。

卯三、無作中趣非趣不可得

須菩提！一切法趣無作，是趣不過。何以故？無作中，趣、不趣不可得故。

卯四、無起中趣非趣不可得

須菩提！一切法趣無起²⁶，是趣不過。何以故？無起中，趣、不趣不可得故。

卯五、無所有等中趣非趣不可得

須菩提！一切法趣無所有、不生不滅，不垢不淨，是趣不過。何以故？無所有、不生不滅、不垢不淨中，趣、不趣不可得故。

卯六、夢幻等中趣非趣不可得

須菩提！一切法趣夢，是趣不過。何以故？夢中，趣、不趣不可得故。
須菩提！一切法趣幻、趣響²⁷、趣影、趣化，是趣不過。何以故？是化等中，趣、不趣不可得故。

²¹ 說=誠【中】(大正 08, 332d, n.11)。

²² 趣+(故)【聖】(大正 08, 332d, n.12)。

²³ 識+(相)【宋】【元】【明】【宮】(大正 08, 332d, n.13)。

²⁴ [是]-【聖】【中】(大正 08, 332d, n.14)。

²⁵ 不趣=非趣【宋】【元】【明】【宮】【聖】【中】下同(大正 08, 332d, n.15)。

²⁶ 起=趣【宋】【宮】(大正 08, 333d, n.1)。

²⁷ 趣響=響【聖】，=趣響【中】(大正 08, 333d, n.2)。

卯七、無量無邊中趣非趣不可得

須菩提！一切法趣無量、無邊，是趣不過。何以故？無量、無邊中，趣、不趣不可得故。

卯八、不與不取等中趣非趣不可得

須菩提！一切法趣不與不取，是趣不過。何以故？不與不取中，趣、非趣不可得故。

須菩提！一切法趣不舉不下，是趣不過。何以故？不舉不下²⁸中，趣、不趣不可得故。

²⁹須菩提！一切法趣不來³⁰不去³¹，是趣不過。何以故？不來不去中，趣、不趣不可得³²故。

須菩提！一切法趣不入³³不出³⁴、不合不散、不著不斷，是趣不過，何以故？不著不斷中，趣、不趣不可得故。

卯九、我見等中趣非趣不可得

須菩提！一切法趣我、眾生、壽命、人、起、使起、作使、作者³⁵、知者、見者，是趣不過。何以故？我乃至知者³⁶、見者³⁷畢竟不可得，云何³⁸當³⁹有趣、不趣！

卯十、四倒中趣非趣不可得

²⁸ 不舉不下＝無增無減【中】(大正 08，333d，n.3)。

²⁹ +須菩提！一切法趣不增不減，是趣不過。何以故？無增無減中，趣非趣不可得故。(參照：妙境法師，《摩訶般若波羅蜜經》冠科(下冊)，p.661。)

³⁰ 來＝增【明】，【聖】(大正 08，333d，n.4)。

³¹ 去＝減【明】，【聖】(大正 08，333d，n.5)。

³² (不來…可得)十一字＝趣非趣中無來無去【中】(大正 08，333d，n.6)。

³³ 入＝來【明】(大正 08，333d，n.7)。

³⁴ 出＝去【明】，出+(是趣不過何以故不來不去中趣非趣不可得故須菩提一切法趣不入不出)三十字【明】【聖】(大正 08，333d，n.8)。

³⁵ [者]－【宋】【元】【明】【宮】【中】(大正 08，333d，n.9)。

³⁶ [者]－【中】(大正 08，333d，n.10)。

³⁷ [者]－【聖】【中】(大正 08，333d，n.11)。

³⁸ 云何＝何況【聖】【中】(大正 08，333d，n.12)。

³⁹ [當]－【聖】(大正 08，333d，n.13)。

須菩提！一切法趣有⁴⁰常，是趣不過。何以故？有常畢竟不可得，云何當有趣、不趣？

須菩提！一切法趣樂、淨、我，是趣不過。何以故？樂、淨、我畢竟不可得，云何當有趣、不趣？

卯十一、四正中趣非趣不可得

須菩提！一切法趣無常、苦、不淨、無我，是趣不過。何以故？無常、苦、不淨、無我畢竟不可得，云何當有趣、不趣？

卯十二、四惑中趣非趣不可得

須菩提！一切法趣欲事，是趣不過。何以故？欲事畢竟不可得，云何當有趣、不趣！

須菩提！一切法趣瞋事、癡事、見事，是趣不過。何以故？瞋事、癡事、見事畢竟不可得，云何當有趣、不趣！

卯十三、如等中趣非趣不可得

須菩提！一切法趣如，是趣不過。何以故？如中無來無去故。

須菩提！一切法趣法性、實際、不可思議性，是趣不過。何以故？法性、實際、不可思議性中無來無去故。

須菩提！一切法趣平等，是趣不過。何以故？平等中，趣、非趣不可得故。

須菩提！一切法趣不動相，是趣不過。何以故？不動相中，趣、不趣不可得故。

卯十四、蘊處界中趣非趣不可得

須菩提！一切法趣色，是趣不過。何以故？色畢竟不可得，云何當有趣、不趣？

須菩提！一切法趣受想行識，是趣不過。何以故？受、想、行、識畢竟不可得，云何當有趣、不趣？十二入、十八界亦如是。

卯十五、六度中趣非趣不可得

⁴⁰ [有] — 【元】【明】【中】(大正 08, 333d, n.14)。

須菩提！一切法趣檀那波羅蜜，是趣不過。何以故？檀那畢竟不可得，云何當有趣、不趣？

須菩提！一切法趣尸羅波羅蜜，是趣不過。何以故？尸羅畢竟不可得故⁴¹，云何當有趣、不趣？

須菩提！一切法趣羸提波羅蜜，是趣不過。何以故？羸提畢竟不可得故，云何當有趣、不趣？

須菩提！一切法趣毘梨耶波羅蜜，是趣不過。何以故？毘梨耶畢竟不可得故，云何當有趣、不趣？

須菩提！一切法趣禪那波羅蜜，是趣不過。何以故？禪那畢竟不可得故，云何當有趣、不趣？

須菩提！一切法趣般若波羅蜜⁴²，是趣不過。何以故？般若波羅蜜⁴³畢竟不可得故⁴⁴，云何當有趣、不趣？

卯十六、十八空中趣非趣不可得

須菩提！一切法趣內空⁴⁵，是趣不過。何以故⁴⁶？內空畢竟不可得故⁴⁷，云何當有趣、不趣？

須菩提！一切法趣外空，是趣不過。何以故？外空畢竟不可得故，云何當有趣、不趣？

須菩提！一切法趣內外空，是趣不過。何以故？內外空畢竟不可得故，云何當有趣、不趣？

乃至一切法趣無法有法空，是趣不過。何以故？無法有法空畢竟不可得故，云何當有趣、不趣？

⁴¹ [故] — 【宋】【元】【明】【宮】(大正 08, 333d, n.15)。

⁴² [般若…法趣] 三十七字 — 【聖】(大正 08, 333d, n.16)。

⁴³ [波羅蜜] — 【宋】【元】【明】【宮】【中】(大正 08, 333d, n.17)。

⁴⁴ [故] — 【宋】【元】【明】【宮】【中】(大正 08, 333d, n.18)。

⁴⁵ 空+(是般若波羅蜜)【聖】(大正 08, 333d, n.19)

⁴⁶ 故+(般若畢竟不可得云何當有趣不趣須菩提一切法趣內空是不可何以故)二十九字【聖】(大正 08, 333d, n.20)。

⁴⁷ [故] — 【宋】【元】【明】【宮】(大正 08, 333d, n.21)。

卯十七、道品乃至一切種智中趣非趣不可得

須菩提！一切法趣四念處乃至八聖道分，是趣不過。何以故？四念處乃至八聖道分畢竟不可得故，云何當有趣、不趣？

須菩提！一切法趣佛十力乃至一切種智，是趣不過。何以故？一切種智中，趣、不趣不可得故。

卯十八、道果中趣非趣不可得

須菩提！一切法趣須陀洹果、斯陀含果、阿那含果、阿羅漢果、辟支佛道，是趣不過。何以故？須陀洹果乃至辟支佛道中，趣⁴⁸、不趣不可得故。

須菩提！一切法趣阿耨多羅三藐三菩提，是趣不過。何以故？阿耨多羅三藐三菩提中，趣、不趣不可得故。

須菩提！一切法趣須陀洹乃至佛，是趣不過。何以故？須陀洹乃至佛中，趣、不趣不可得故。」

壬三、二行既成出信解人相

癸一、出信解人

須菩提白佛言：「世尊！是深般若波羅蜜誰能信解者？」

佛告須菩提：「有菩薩摩訶薩先於諸佛所久行六波羅蜜、善根純熟、供養無數百千萬億諸佛、與善知識相隨，是輩人能信解是⁴⁹深般若波羅蜜。」

癸二、出信解相

須菩提白佛言：「世尊！能信解是深般若波羅蜜⁵⁰者，有何等性、何等相、何等貌？」

佛言：「欲、瞋、癡斷離是性、相、貌，是菩薩摩訶薩則能信解深般若波羅蜜。」

⁴⁸ (是)+趣【中】(大正 08, 333d, n.22)。

⁴⁹ [是]－【聖】(大正 08, 333d, n.23)。

⁵⁰ [須菩…蜜] 十八字－【中】(大正 08, 333d, n.24)。

《摩訶般若波羅蜜經》卷 15 〈53 趣智¹品〉冠科²

《摩訶般若波羅蜜經》卷 15 (大正 08, 334a2-c4) :

辛三、明中下根人趣大果³

壬一、明由般若故趣薩婆若果

癸一、明自行趣果

須菩提白佛言：「世尊！是諸菩薩摩訶薩解深般若波羅蜜者，當趣何所？」

佛告須菩提：「是菩薩摩訶薩解深般若波羅蜜，當趣一切種智。」

癸二、明化他趣果

須菩提白佛言：「世尊！是菩薩摩訶薩⁴，能趣一切種智者，則⁵為一切眾生所歸趣，修般若波羅蜜故。世尊！修般若波羅蜜即是修一切法。」

癸三、釋二趣意

「世尊！無所修是修般若波羅蜜，不受修、壞修是修般若波羅蜜。」

佛告須菩提：「何法壞故，般⁶若波羅蜜為壞修？」

「世尊！色壞故，般若波羅蜜為壞修；受、想、行、識、十二處⁷、十八界壞故，般若波羅蜜為壞修；我乃至知者、見者壞故，般若波羅蜜為壞修。世尊！檀那波羅蜜壞故，般若波羅蜜為壞修；乃至般若波羅蜜壞故，般若波羅蜜為壞修；內空乃至無法有法空、四念處乃至十八不共法、須陀洹果乃至一切種智壞故，般若波羅蜜為壞修。」

佛言：「如是！如是！須菩提！色壞故，般若波羅蜜為壞修；乃至一切種智壞故，般若波羅蜜為壞修。」

¹ (一切)+智【宋】【元】【明】【宮】【聖】(大正 08, 334d, n.2)。

² 妙境法師，《摩訶般若波羅蜜經》冠科(下冊)，pp.667-670。

³ 對照《大智度論》卷 71 〈53 趣一切智品〉(大正 25, 561a1-b20)。

⁴ [摩訶薩]—【中】(大正 08, 334d, n.3)。

⁵ [則]—【中】(大正 08, 334d, n.4)。

⁶ (是)+般【聖】【中】(大正 08, 334d, n.5)。

⁷ 處=入【宋】【元】【明】【宮】(大正 08, 334d, n.6)。

壬二、驗識信般若人相

癸一、於般若無所著

爾時，佛告須菩提：「是深般若波羅蜜中，阿惟越⁸致菩薩摩訶薩應當驗知！

若菩薩摩訶薩，於⁹是深般若波羅蜜中不著，當知是阿惟越致相¹⁰；禪那波羅蜜乃至檀那波羅蜜中不著，四念處乃至一切種智中不著，當知是阿惟越致。

癸二、自證不隨他教¹¹

若阿惟越致菩薩摩訶薩行深般若波羅蜜時，不以他語為堅要，亦不隨他教行。

癸三、雖未得道不為三毒所引

阿惟越致菩薩摩訶薩不為欲心、瞋心、癡心所牽。

癸四、知善法味故常不離六度

若阿惟越致菩薩摩訶薩不遠離六波羅蜜。

癸五、聞深法不怖歡喜奉行

子一、現德

若阿¹²惟越致菩薩摩訶薩聞說深般若波羅蜜時，心不驚、不沒、不怖、不畏、不悔，歡喜樂聞，受持、讀、誦、正憶念、如說行¹³。

子二、宿因

須菩提！當知是菩薩，先世已¹⁴問¹⁵是深般若波羅蜜中事已，受持、讀、誦、說、正憶念。

何以故？是菩薩摩訶薩有大威德故，聞是深般若波羅蜜，心不驚、不

⁸ 惟越=毘跋【宋】【元】【明】【宮】，=鞞跋【聖】【中】(大正 08，334d，n.7)。

⁹ [於] - 【中】(大正 08，334d，n.8)。

¹⁰ [相] - 【元】【明】【宮】【聖】【中】(大正 08，334d，n.9)。

¹¹ 對照《大智度論》卷 71〈53 趣一切智品〉(大正 25，561b21-562b4)。

¹² [阿] - 【中】(大正 08，334d，n.10)。

¹³ (修)+行【聖】【中】(大正 08，334d，n.11)。

¹⁴ 已=以【聖】，[已] - 【中】(大正 08，334d，n.12)。

¹⁵ 問=聞【元】【明】(大正 08，334d，n.13)。

怖、不畏、不沒、不悔，歡喜樂聞，受持、讀、誦、正憶念。」

壬三、明如所驗相便能隨順一切種智

癸一、明隨順一切種智行

子一、隨順一切種智心

須菩提白佛言：「世尊！若菩薩摩訶薩聞深般若波羅蜜，不驚、不怖乃至正憶念。世尊！是菩薩摩訶薩云何行是¹⁶般若波羅蜜？」

佛言：「隨順一切種智心，是菩薩摩訶薩應如是行般若波羅蜜。」

子二、隨順畢竟空等

「世尊！云何名隨順一切種智心，是菩薩摩訶薩應如是行般若波羅蜜？」

佛言：「以空隨順，是為菩薩摩訶薩行深般若波羅蜜；以無相、無作、無所有、不生不滅、不垢不淨隨順，是菩薩摩訶薩應如是行般若波羅蜜；以如夢、幻、焰、響¹⁷、化隨順，是行般若波羅蜜。」

癸二、出所求一切種智相

子一、須菩提問

須菩提白佛言¹⁸：「佛說以空隨順乃至如夢如幻隨順，是¹⁹行般若波羅蜜。世尊！是菩薩摩訶薩行²⁰何法——若色，若受、想、行、識乃至一切種智？」

子二、佛答

丑一、明不行一切法

佛告須菩提：「菩薩摩訶薩不行色，不行受、想、行、識，乃至不行一切種智。」

丑二、正出一切種智相

寅一、無為實法故無作法等

¹⁶ [是] — 【聖】【中】(大正 08, 334d, n.14)。

¹⁷ 響 = 嚮【聖】【中】(大正 08, 334d, n.15)。

¹⁸ [言] — 【中】(大正 08, 334d, n.16)。

¹⁹ (應如) + 是【宋】【元】【明】【宮】(大正 08, 334d, n.17)。

²⁰ 行 = 觀【中】(大正 08, 334d, n.18)。

何以故？是菩薩行處，無作法、無壞法、無所從來、亦無所去、無住處，是法不可數、無有量；若無數、無量，是法不可得——不可以色得，乃至不可以一切種智得。

寅二、色等如即一切種智如

何以故？色即是薩婆若，薩婆若即是色²¹，乃至一切種智即是薩婆若，薩婆若即是一切種智²²。

若²³色如相乃至一切種智如相皆是一如，無二無別。

色如相，薩婆若如相，一如，無二無別，乃至一切種智亦如是²⁴。

²¹ [薩婆若即是色] 六字—【聖】【中】(大正 08，334d，n.19)。

²² [薩婆若即是一切種智] 九字—【聖】【中】(大正 08，334d，n.20)。

²³ [若]—【宮】(大正 08，334d，n.21)。

²⁴ [色如…如是] 二十三字—【聖】【中】(大正 08，334d，n.22)。

《摩訶般若波羅蜜經》卷 16 〈54 大如品〉 冠科¹

《摩訶般若波羅蜜經》卷16（大正08，334c16-339a7）：

辛四、明中下根人如如而學

壬一、歎菩提甚深

癸一、諸天歎佛述成²

子一、甚深歎

丑一、諸天歎

寅一、生信供養

爾時，欲界諸天子、色界諸天子以天末栴檀香，以天青蓮華、赤蓮華、紅蓮華、白蓮華遙散佛上，來至佛所，頂禮佛足，一面住。

寅二、發言歎

卯一、正歎

白佛言：「世尊！諸佛阿耨多羅三藐三菩提甚深、難見、難解、不可思惟知、微妙寂滅，智者能知，一切世間所不能信。

卯二、釋歎

何以故？是深般若波羅蜜中，如是說：色即是薩婆若，薩婆若即是色；乃至一切種智即是薩婆若，薩婆若即是一切種智。色如相、薩婆若如相，是一如，無二無別；乃至一切種智如相、薩婆若如相，一如，無二無別。」

丑二、佛述

寅一、述歎

佛告欲、色界諸天子：「如是！如是！諸天子！色即是薩婆若，薩婆若即是色；乃至一切種智即是薩婆若，薩婆若即是一切種智。色如相乃至一切種智如相，一如，無二無別。

諸天子！以是義故，佛初成道時，心樂默然，不樂說法。

寅二、釋歎

¹ 妙境法師，《摩訶般若波羅蜜經》冠科(下冊)，pp.671-694。

² 對照《大智度論》卷 72 〈54 大如品〉(大正 25，562b12-564c14)。

卯一、釋心樂默然

何以故？是諸法阿耨多羅三藐三菩提法甚深、難見、難解、不可思惟知、微妙寂滅，智者能知，一切世間所不能信。何以故？阿耨多羅三藐三菩提，無得者、無得處、無得時，是名諸法甚深相——所謂無有二法。

卯二、廣舉法譬歎

諸天子！如虛空甚深故，是法甚深；如甚深故，是法甚深；法性甚深、實際甚深、不可思議、無邊甚深故，是法甚深；無來無去甚深故，是法甚深；不生不滅、無垢無淨、無知無得甚深故，是法甚深。

諸天子！我甚深乃至知者、見者甚深故，是法甚深。

諸天子！色甚深、受想行識甚深故，是法甚深；檀波羅蜜甚深乃至般若波羅蜜甚深故，是法甚深；內空乃至無法有法空甚深故，是法甚深；四念處甚深乃至一切種智甚深故，是法甚深。」

子二、無受無捨歎

丑一、諸天歎

爾時，欲、色界諸天子白佛言：「世尊！是所說法，一切世間所不能信。

世尊！是甚深法，不為受色故說，不為捨色故說；不為受受、想、行、識故說，不為捨受、想、行、識故說；不為受須陀洹果故說，不為捨須陀洹果故說；乃至不為受一切種智故說，不為捨一切種智故說。

說³諸世間皆受著行，所謂色是我、是我所，受、想、行、識是我、是我所，乃至十八不共法是我、是我所；須陀洹果是我、是我所，乃至一切種智是我、是我所。」

丑二、佛述

佛告諸天子：「如是！如是！諸天子！是法非為受色故說，非為捨色故說；乃至非為受一切種智故說，非為捨一切種智故說。

諸天子！若有菩薩為受色故行，乃至為受一切種智故行，是菩薩不能修⁴般若波羅蜜，不能修禪波羅蜜、毗梨耶波羅蜜、羸提波羅蜜、尸羅波羅蜜，不能修檀波羅蜜，乃至不能修一切種智。」

³ [說] — 【宋】【元】【明】【宮】(大正 08, 335d, n.1)。

⁴ 修+(行)【宋】【元】【明】【宮】(大正 08, 335d, n.2)。

癸二、須菩提歎

子一、隨順歎

須菩提白佛言：「世尊！是法隨順一切法。云何是法隨順一切法？是法隨順般若波羅蜜，乃至隨順檀波羅蜜；是法隨順內空，乃至隨順無法有法空；是法隨順四念處，乃至隨順一切種智。

子二、無礙歎

是法無礙——不礙於色，不礙受、想、行、識，乃至不礙一切種智。

諸天子！是法名無礙相，如虛空等故，如、法性、法住、實際、不可思議性等故，空、無相、無作等故。

子三、不生歎

是法不生相——色不生，不可得故；受、想、行、識不生，不可得故；乃至一切種智不生，不可得故。

子四、無處歎

是法無處——色處不可得故；受、想、行、識處不可得故，乃至一切種智處不可得故。」

壬二、歎如甚深

癸一、諸天讚須菩提是佛子隨佛生

是時，欲、色界諸天子白佛言：「世尊！須菩提是佛子，隨佛口⁵生。何以故？須菩提所說皆與空合。」

癸二、須菩提廣明如甚深以辨隨生義佛述成現瑞證說

子一、須菩提正明

丑一、略明如相故隨佛生

爾時，須菩提語諸天子：「汝等言：『須菩提是佛子，隨佛生。』云何為隨佛生？諸天子！如相故，須菩提隨佛生。

丑二、十門廣明略明如相故隨佛生

寅一、如不來不去

何以故？如來如相不來不去，須菩提如相亦不來不去，是故須菩提隨佛生。

⁵〔口〕－【宋】【元】【明】【宮】【聖】(大正 08, 335d, n.3)。

寅二、如畢竟空

復次，須菩提從本以⁶來隨佛生。何以故？如來如相即是一切法如相，一切法如相即是如來如相；是⁷如相中亦無如相，是故須菩提為隨佛生。

寅三、如常住相

復次，如來如常住相，須菩提如亦常住相；如來如相無異無別，須菩提如相亦如是⁸無異無別，是故須菩提為隨佛生。

寅四、如無有礙

如來如相無有⁹礙處，一切法如相¹⁰亦無礙處；是如來如相、一切法如相，一如，無二無別。

寅五、如無作者

是如相無作，終不不如，是故是如相一如¹¹，無二無別。是故須菩提為隨佛生。

寅六、如無念無別

如來如相一切處無念無別，須菩提如相亦如是——一切處無念無別；如來如相不異不別、不可得，須菩提如相亦如是。以是故須菩提為隨佛生。

寅七、如不離一切法

如來如相不遠離諸法如相，是如終不不如；是故須菩提如不異故¹²，為隨佛生，亦無所隨。

寅八、如出過三世

復次，如來如相不過去、不未來、不現在，諸法如相亦不過去、不未來、不現在。是故須菩提為隨佛生。

寅九、如不在三世如中

⁶ 以=已【聖】(大正 08, 335d, n.4)。

⁷ 是+(一切法如相一切法如相即是如來如相)十六字【宮】(大正 08, 335d, n.5)。

⁸ [如是]—【宋】【元】【明】【宮】【聖】(大正 08, 335d, n.6)。

⁹ [有]—【聖】(大正 08, 335d, n.7)。

¹⁰ [相]—【聖】(大正 08, 335d, n.8)。

¹¹ [一如]—【聖】(大正 08, 335d, n.9)。

¹² [故]—【聖】(大正 08, 335d, n.10)。

復次，如來如不在過去如中，過去如¹³不在如來如中；如來如不在未來如中，未來如不在如來如中；如來如不在現在如中，現在如不在如來如中。過去未來現在如、如來如，一如，無二無別。

寅十、色如乃至一切種智如如來如一如

色如、如來如，受想行識如、如來如——是色如、受想行識如、如來如，一如，無二無別；我如乃至知者見者如、如來如，一如，無二無別；檀波羅蜜如乃至般若波羅蜜如、內空如乃至無法有法空如、四念處如乃至一切種智如、如來如，一如，無二無別。」

子二、佛述成

「須菩提！菩薩摩訶薩得是如故，名為如來。」

子三、現瑞證說

說是〈如相品〉時，是三千大千世界大地六種振動——東踊¹⁴西沒，西踊東沒；南踊北沒，北踊南沒；中央踊四邊沒，四邊踊中央沒。

癸三、三聖共明如體離相破諸天著情時眾悟道¹⁵

子一、諸天歎

是時，諸欲天子、諸色天子以天末栴檀香散佛上及散須菩提上，白佛言：「未曾有也¹⁶！世尊！須菩提以如來如隨佛生。」

子二、破著

丑一、須菩提以即離二諦四門破

寅一、正破

卯一、約有為明

辰一、五陰世間

巳一、色陰

午一、即門

須菩提復為諸天子說言：「諸天子！須菩提不從色中隨佛生，亦不從色如中隨佛生；

¹³ 如+(亦)【聖】(大正 08, 335d, n.11)。

¹⁴ 踊=涌【宋】【元】【明】【宮】(大正 08, 335d, n.12)。

¹⁵ 對照《大智度論》卷 72 〈54 大如品〉(大正 25, 564c15-566c4)。

¹⁶ [也]—【聖】(大正 08, 335d, n.13)。

午二、離門

不離色隨佛生，亦不離色如隨佛生。

巳二、非色四陰

午一、即門

須菩提不從受、想、行、識中隨佛生，亦不從受、想、行、識如中隨佛生。

午二、離門

不離受、想、行、識隨佛生，亦不離受、想、行、識如隨佛生。

辰二、約出世道法明

巳一、即門

乃至不從一切種智中隨佛生，亦不從一切種智如中隨佛生；

巳二、離門

不離一切種智中隨佛生，亦¹⁷不¹⁸離一切種智如中隨佛生。

卯二、約無為明

辰一、即門

須菩提不從無為中隨佛生，亦不從無為如中隨佛生；

辰二、離門

不離無為中隨佛生，亦不離無為如中隨佛生。

寅二、釋破

何以故？是一切法皆無所有、不可得，無隨生者，亦無隨生法。」

丑二、舍利弗就因果門破

寅一、歎如甚深

爾時，舍利弗白佛言：「世尊！是如實不虛，法相、法住、法位甚深；

寅二、境智因果如不如畢竟不可得

卯一、約五陰世間明

辰一、色陰

¹⁷ [亦] — 【宋】【元】【明】【宮】(大正 08, 336d, n.1)。

¹⁸ [不] — 【聖】(大正 08, 336d, n.2)。

是中色不可得，色如不可得。何以故？色尚不可得，何況色如當可得！

辰二、非色四陰

受、想、行、識不可得，受、想、行、識如不可得。何以故？受、想、行、識尚不可得，何況受、想、行、識如當可得！

卯二、約出世道法明

乃至一切種智不可得，一切種智如不可得。何以故？一切種智尚不可得，何況一切種智如當可得！」

丑三、佛述成舍利弗破

佛告舍利弗：「如是！如是！舍利弗！是如實不虛，法相、法住、法位甚深，是中色不可得，色如不可得。何以故？色尚不可得，何況色如當可得！乃至一切種智不可得，一切種智如不可得。何以故？一切種智尚不可得，何況一切種智如當可得！」

子三、時眾悟道

舍利弗說是如相時，二百比丘不受一切法故，漏盡得阿羅漢；五百比丘尼遠塵離垢，諸法中得法眼，生天、人中；五千菩薩摩訶薩得無生法忍；六十¹⁹菩薩諸法不受故，漏盡，心得解脫，成阿羅漢。

壬三、明得失

癸一、佛正說兼答舍利弗問

子一、法說

丑一、明失

「舍利弗！是六十菩薩先世值五百佛，親近供養，於五百佛法中，行布施、持戒、忍辱、精進、禪定；無般若波羅蜜、無方便力故，行別異相，作是念：『是布²⁰施、是持戒、是忍辱、是精進、是禪定。』無般若波羅蜜、無方便力故，布施、持戒、忍辱、精進、禪定，行別異²¹相；行別異²²相故，不得無異相；不得無異相故，不得入菩薩位；不得入菩

¹⁹ 十=千【元】【明】【宮】(大正 08, 336d, n.3)。

²⁰ [布]—【聖】(大正 08, 336d, n.4)。

²¹ 異別=別異【聖】(大正 08, 336d, n.5)。

²² 異別=別異【宋】【元】【明】【宮】【聖】(大正 08, 336d, n.6)。

薩位故，得須陀洹果乃至得²³阿羅漢果。舍利弗！菩薩摩訶薩雖有道²⁴——若空、若無相、若無作法，遠離般若波羅蜜、無方便力故，便於實際作證，取聲聞乘。」

丑二、明得

寅一、舍利弗問

舍利弗白佛言：「世尊！何因緣故，俱行空、無相、無作法，遠離方便力故²⁵，於實際作證，取聲聞乘？菩薩摩訶薩亦修空、無相、無作法，有方便力故，得阿耨多羅三藐三菩提？」

寅二、佛答

卯一、料簡失

佛告舍利弗：「有菩薩遠離薩婆若心，修空、無相、無作法，無方便力故，取聲聞乘。

卯二、正明得

舍利弗！復有菩薩摩訶薩不遠離薩婆若心，修空、無相、無作法，有方便力故，入菩薩位，得阿耨多羅三藐三菩提。

子二、大鳥無翅譬

丑一、無翅無能上虛空

舍利弗！譬如有鳥，身長百由旬，若二百、²⁶三百由旬，而無有翅，從三十三天，自投閻浮提。舍利弗！於汝意云何？是鳥中道作是念：『欲還上三十三天。』能得還不？」

「不得也！世尊！」

丑二、無翅必受墮地苦

「舍利弗！是鳥復作是願：『到閻浮提，欲使身不痛不惱。』舍利弗！於汝意云何？是鳥得不痛不惱不？」

舍利弗言：「不得也！世尊！是鳥到地，若痛、若惱、若死、若死等

²³ [得] — 【宮】(大正 08, 336d, n.7)。

²⁴ 有道 = 行菩薩道【宋】【元】【明】【宮】(大正 08, 336d, n.8)。

²⁵ 力 + (故)【宋】【元】【明】【宮】(大正 08, 336d, n.9)。

²⁶ (若) + 三【宋】【元】【明】【宮】(大正 08, 336d, n.10)。

苦。何以故？世尊！是鳥身大而無翅故。」

子三、合得失譬

丑一、合無方便失

「舍利弗！菩薩摩訶薩亦如是！雖如恆河沙等劫修布施、持戒、忍辱、精進、禪定，發大事，生大心，為得阿耨多羅三藐三菩提故，受無量願；是菩薩遠離般若波羅蜜、方便力故，若墮阿羅漢，若墮辟支佛道。

何以故？是菩薩遠離薩婆若心，布施、持戒、忍辱、精進、禪定，無般若波羅蜜、無方便力故，墮聲聞地，若辟支佛道中。

舍利弗！菩²⁷薩摩訶薩雖念過去、未來、現在諸佛，持戒、禪定、智慧、解脫、解脫知見，取相受持；是人不知不解諸佛戒、定、慧、解脫、解脫知見，但聞空、無相、無作名字聲，而取名字聲迴向阿耨多羅三藐三菩提。菩薩摩訶薩若如是迴向，住聲聞、辟支佛地中，不能得過。

何以故？遠離般若波羅蜜、方便力，持諸善根迴向阿耨多羅三藐三菩提故。

丑二、合有方便得

舍利弗！有菩薩摩訶薩從初發意以²⁸來，不遠離薩婆若心，行布施、持戒、忍辱、精進、禪定，不遠離般若波羅蜜、方便力故，不取相；於過去、未來、現在諸佛戒、定、慧、解脫、解脫知見²⁹，不取空解脫門相，不取無相、無作解脫門相。舍利弗！當知是菩薩摩訶薩，不墮聲聞、辟支佛道，直至阿耨多羅三藐三菩提。

何以故？是菩薩摩訶薩從初發心³⁰以³¹來行布施不取相，持戒、忍辱、精進、禪定不取相；過去、未來、現在諸佛戒、定、慧、解脫、解脫知見不取相。

舍利弗！是名菩薩方便力，以離相心行布施、持戒、忍辱、精進、禪定，乃至離相心行一切種智。」

²⁷ (若)+菩【宋】【元】【明】【宮】(大正 08, 336d, n.11)。

²⁸ 以=已【元】【明】(大正 08, 336d, n.12)。

²⁹ [解脫知見不取] 六字—【聖】(大正 08, 336d, n.13)。

³⁰ 意=心【宋】【元】【明】【宮】(大正 08, 336d, n.14)。

³¹ 以=已【元】【明】【聖】(大正 08, 336d, n.15)。

癸二、舍利弗領解結勸

子一、領解

舍利弗白佛言：「世尊！如我解佛所說義——若菩薩摩訶薩不遠離般若波羅蜜、方便力，當知是菩薩近阿耨多羅三藐三菩提。

何以故？是菩薩摩訶薩從初發心以來無法可知——若色，若受、想、行、識乃至一切種智。

世尊！有求菩薩道善男子、善女人遠離般若波羅蜜及方便力，當知是人於阿耨多羅三藐三菩提或得、或不得。

何以故？世尊！是求菩薩道善男子、善女人所有布施皆取相，所有持戒、忍辱、精進、禪定皆取相。以是故，是善男子、善女人，於阿耨多羅三藐三菩提不定。

子二、結勸

世尊！以是因緣故，菩薩摩訶薩欲得阿耨多羅三藐三菩提，不應遠離般若波羅蜜、方便力。是菩薩摩訶薩住般若波羅蜜、方便力中，以無得無相心，應布施、持戒、忍辱、精進、禪定；乃至以無得無相心，應修一切種智。」

壬四、明菩提難得³²

癸一、諸天子明菩提難得

子一、自陳所見

爾時，欲、色界諸天子白佛言：「世尊！阿耨多羅三藐三菩提難得！

子二、明二慧難成故

何以故？是菩薩摩訶薩應知一切諸法³³，得阿耨多羅三藐三菩提，是法亦不可³⁴得。」

癸二、佛身證得無得

佛言：「如是！如是！諸天子！阿耨多羅三藐三菩提難得！我亦³⁵得

³² 對照《大智度論》卷 72〈54 大如品〉(大正 25, 566c5-568a1)。

³³ 法+(已得阿耨多羅三[藐-白+白]三菩提)十一字【宋】【元】【明】【宮】(大正 08, 337d, n.1)。

³⁴ [法亦不可]—【聖】(大正 08, 337d, n.2)。

³⁵ 不=亦【宋】【元】【明】【宮】【聖】(大正 08, 337d, n.3)。

一切法、一切種智³⁶，得阿耨多羅三藐三菩提，亦無所得、無能知、無可³⁷知、無知者。何以故？諸法畢竟淨故。」

癸三、須菩提云易得

子一、自陳所見

須菩提白佛言：「世尊！如佛所說『阿耨多羅三藐三菩提難得』，如我解佛所說義，我心思惟：『是阿耨多羅三藐三菩提易得。』」

子二、有無所得方便故

何以故？無有得阿耨多羅三藐三菩提者，亦無可得法。一切法、一切法相空，無法可得、無能得者。何以故？一切法空故，亦無法可增，亦無法可減。所謂布施、持戒、忍辱、精進、禪定乃至一切種智，是法皆無可得者、無能得者。

世尊！以是因緣故，我意謂阿耨多羅三藐三菩提為易得。

何以故？世尊！色色相空，受想行識識相空，乃至一切種智一切種智相空。」

癸四、二聖難論易得

子一、論多有退還故菩提不易得

丑一、舍利弗難

舍利弗語須菩提：「若一切法空如虛空，虛空不作是念：『我當得阿耨多羅三藐三菩提。』若菩薩摩訶薩信解一切諸³⁸法空如虛空，是阿耨多羅三藐三菩提易得者，今³⁹恆河沙等諸菩薩摩訶薩求阿耨多羅三藐三菩提，何以退還？須菩提！以是故，知阿耨多羅三藐三菩提不易得。」

丑二、須菩提義責退

寅一、反責

卯一、約色等法破

辰一、即色等法不退

³⁶ 智+(已得阿耨多羅三[藐-白+白]三菩提)十一字【宋】【元】【明】【宮】(大正 08，337d，n.4)。

³⁷ 可=所【宋】【元】【明】【宮】(大正 08，337d，n.5)。

³⁸ [諸]-【聖】(大正 08，337d，n.6)。

³⁹ 今+(如)【宋】【元】【明】【宮】(大正 08，337d，n.7)。

須菩提語舍利弗：「於意云何？色於阿耨多羅三藐三菩提退還不？」

舍利弗言：「不！」

「受、想、行、識於阿耨多羅三藐三菩提退還不？」

舍利弗言：「不！」

「乃至一切種智於阿耨多羅三藐三菩提退還不？」

舍利弗言：「不！」

辰二、離即色等法不退

「離色，有法於阿耨多羅三藐三菩提退還不？」

舍利弗言：「不！」

「離受、想、行、識有法於阿耨多羅三藐三菩提退還不？」

舍利弗言：「不⁴⁰！」

「乃至離一切種智有法於阿耨多羅三藐三菩提退還不？」

舍利弗言：「不！」

辰三、即色等法如不退

「舍利弗！於⁴¹意云何？色如相於阿耨多羅三藐三菩提退還不？」

舍利弗言：「不。」

「受、想、行、識如相乃至一切種智如相於阿耨多羅三藐三菩提退還不？」

舍利弗言：「不！」

辰四、離即色等法如不退

「離色如相有法於阿耨多羅三藐三菩提退還不？」

舍利弗言：「不！」

「離受、想、行、識如相乃至離一切種智如相有法於阿耨多羅三藐三

⁴⁰ [不] — 【聖】(大正 08, 337d, n.8)。

⁴¹ [於] — 【聖】(大正 08, 337d, n.9)。

菩提退還不？」

舍利弗言：「不！」

卯二、約如等破

辰一、即如等不退

「舍利弗！於意云何？如於阿耨多羅三藐三菩提退還不？」

舍利弗言：「不！」

「法性、法住、法位、實際、不可思議性於阿耨多羅三藐三菩提退還不？」

舍利弗言：「不！」

辰二、離如等不退

「舍利弗！於意云何？離如有法於阿耨多羅三藐三菩提退還不？」

舍利弗言：「不！」

「離法性、法住、法位、實際、不可思議性有法於阿耨多羅三藐三菩提退還不？」

舍利弗言：「不！」

寅二、詰成

須菩提語舍利弗：「若諸法畢竟不可得，何等法於阿耨多羅三藐三菩提退還不？」

子二、論若無退者盡當作佛何以說有三乘

丑一、舍利弗難

舍利弗語須菩提：「如須菩提所說——是法忍中，無有菩薩於阿耨多羅三藐三菩提退還者。若不退還，佛說『求道者有三種：阿羅漢道、辟支佛道、佛道』——是三種為無分別。如須菩提⁴²說，獨有一菩薩摩訶薩求佛道！」

是時，富樓那彌多羅尼子語舍利弗：「應當問須菩提：『為有一菩薩乘不？』」

⁴² (所)+說【宋】【元】【明】【宮】(大正 08, 337d, n.10)。

爾時，舍利弗問須菩提：「須菩提！為欲說有一菩薩乘⁴³？」

丑二、須菩提以如相責成

寅一、反責

卯一、如中無三乘

須菩提語舍利弗：「於諸法如中，欲使有三種⁴⁴乘——聲聞乘、辟支佛乘、佛乘耶？」

舍利弗言：「不也！」

「舍利弗！如中可得分別有三乘不⁴⁵？」

舍利弗言：「不也！」

「舍利弗！是如有若一相、若二相、若三相不？」

舍利弗言：「不也！」

卯二、如中無一乘

「舍利弗！汝欲於如中乃至有一菩薩不？」

舍利弗言：「不也！」

寅二、詰成

「如是四種中，三乘人不可得。舍利弗！云何作是念『是求聲聞乘人，是求辟支佛乘人，是求佛乘人』？」

子三、結明聞是如相不怖能得菩提

舍利弗！菩薩摩訶薩聞是諸法如相，心不驚、不沒⁴⁶、不悔、不疑，是名菩薩摩訶薩能成就阿耨多羅三藐三菩提。」

癸五、佛歎釋疑

子一、歎須菩提

爾時，佛讚須菩提言：「善哉！善哉！須菩提！汝所說者，皆是佛力。」

⁴³ 乘+(不)【宋】【元】【明】【宮】(大正 08, 337d, n.11)。

⁴⁴ 種+(人)【聖】(大正 08, 337d, n.12)。

⁴⁵ 如中可得分別有三乘=三乘分別中有如可得【元】【明】【聖】(大正 08, 337d, n.13)。

⁴⁶ 沒=怖【宋】【元】【明】【宮】(大正 08, 337d, n.14)。

須菩提！若菩薩摩訶薩聞說是如無有諸法別異，心不驚、不怖、不畏、不難、不沒、不悔，當知是菩薩能成就阿耨多羅三藐三菩提。」

子二、釋舍利弗疑

舍利弗白佛言：「世尊！成就何等菩提？」

佛言：「成就佛阿耨多羅三藐三菩提。」

壬五、明修菩提行⁴⁷

癸一、明菩提行

子一、明無礙因

丑一、總明七心

寅一、須菩提問

須菩提白佛言：「世尊！若菩薩摩訶薩欲成就阿耨多羅三藐三菩提，應云何行？」

寅二、佛答

卯一、等心

佛言：「應起等心——於一切眾生亦等心與語，無有偏黨；

卯二、大慈心

於一切眾生中起大慈心，亦以大慈心與語；

卯三、下意心

於一切眾生中下意，亦以下意與語；

卯四、安隱心

於一切眾生中應生安隱心，亦以安隱心與語；

卯五、無礙心

於一切眾生中應生無礙心，亦以無礙心與語；

卯六、無惱心

於一切眾生中應生無惱心，亦以無惱心與語；

卯七、愛敬心

⁴⁷ 對照《大智度論》卷 72 〈54 大如品〉(大正 25, 568a2-570a10)。

於一切眾生中應生愛敬心，如父、如母、如兄、如弟、如姊、如妹、如兒子、如親族、如知識，亦以愛敬心與語。

丑二、廣明四行眾行

寅一、十善

是菩薩摩訶薩應自不殺生，亦教人不殺生，讚⁴⁸不殺生法，歡喜讚歎⁴⁹諸不殺者；乃至自行不⁵⁰邪見，亦教人行不⁵¹邪見，讚歎不邪見法，歡喜讚歎不邪見者。如是，須菩提！菩薩摩訶薩欲成就阿耨多羅三藐三菩提，當如是行。

寅二、四禪、四無量、四空定

卯一、四禪

復次，須菩提！菩薩摩訶薩欲成就阿耨多羅三藐三菩提，應自行初禪，亦教人⁵²行初禪，讚歎行初禪法，歡喜讚歎行初禪者；二禪、三禪、四禪亦如是。

卯二、四無量心

復次，須菩提！菩薩摩訶薩欲成就阿耨多羅三藐三菩提，應自行慈心，亦教人行慈心，讚歎行慈心法，歡喜讚歎行慈心者；悲、喜、捨心亦如是。

卯三、四空定

自行虛空處，亦教人行虛空處，讚歎行虛空處法，歡喜讚歎行虛空處者；識處、無所有處、非有想非無想處亦如是。

寅三、出世道品

自具足檀波羅蜜，亦教人具足檀波羅蜜⁵³，讚歎具足檀波羅蜜⁵⁴法，歡喜讚歎具足檀波羅蜜者；尸羅、羼提、毗梨耶、禪、般若波羅蜜亦如

⁴⁸ 讚+(歎)【宋】【元】【明】【宮】(大正 08, 338d, n.1)。

⁴⁹ [歎]—【聖】(大正 08, 338d, n.2)。

⁵⁰ 不行=行不【宋】【元】【明】【宮】【聖】(大正 08, 338d, n.3)。

⁵¹ 他人不行=人行不【宋】【元】【明】【宮】(大正 08, 338d, n.4)。

⁵² [他]—【宋】【元】【明】【宮】(大正 08, 338d, n.5)。

⁵³ [波羅蜜]—【聖】(大正 08, 338d, n.6)。

⁵⁴ [波羅蜜]—【宋】【元】【明】【宮】【聖】(大正 08, 338d, n.7)。

是。

復次，菩薩摩訶薩欲成就阿耨多羅三藐三菩提，自行內空，亦教人行內空，讚歎行內空法，歡喜讚歎行內空者；乃至無法有法空亦如是。

自行四念處，亦教人行四念處，讚歎行四念處法，歡喜讚歎行四念處者；乃至八聖道分亦如是。

寅四、出世禪等

自修空三昧⁵⁵、無相、無作三昧，亦教人修空、無相、無作三昧，讚歎修空、無相、無作三昧法，歡喜讚歎修空、無相、無作三昧者。

自行八背捨，亦教人行八背捨，讚歎行八背捨法，歡喜讚歎行八背捨者。

自行九次第定，亦教人行九次第定，讚歎行九次第定法，歡喜讚歎行九次第定者。

寅五、諸佛功德

自具足佛十力，亦教人具足佛十力，讚歎具足佛十力法，歡喜讚歎具足佛十力者；自行四無所畏、四無礙智、十八不共法、大慈大悲，亦教人行四無所畏乃至大慈大悲，讚歎行四無所畏乃至大慈大悲法，歡喜讚歎行四無所畏乃至大慈大悲者。

寅六、因緣觀

自逆順觀十二因緣，亦教人⁵⁶行⁵⁷逆順觀十二因緣，讚歎逆順觀十二因緣法，歡喜讚歎逆順觀十二因緣者。

須菩提！菩薩摩訶薩欲成就阿耨多羅三藐三菩提應如是行！

寅七、四諦觀

復次，須菩提！菩薩摩訶薩欲成就阿耨多羅三藐三菩提⁵⁸，自應知苦、斷集、證滅、修道，亦教人知苦、斷集、證滅、修道，讚歎知苦、斷集、證滅、修道法，歡喜讚歎知苦、斷集、證滅、修道者。

寅八、二乘道果

⁵⁵ [三昧] — 【聖】(大正 08, 338d, n.8)。

⁵⁶ (他)+人【聖】(大正 08, 338d, n.9)。

⁵⁷ [行] — 【宋】【元】【明】【宮】【聖】(大正 08, 338d, n.10)。

⁵⁸ [菩薩摩訶薩欲成就阿耨多羅三藐三菩提]十七字—【聖】(大正 08, 338d, n.11)。

卯一、聲聞乘

辰一、初果

巳一、自內不證

自生須陀洹果證智⁵⁹，而⁶⁰不證實際，

巳二、教他歎法歎人

亦教人著須陀洹果中，讚歎須陀洹果法，歡喜讚歎得須陀洹果者；

辰二、例餘三果

斯陀含果、阿那含果、阿羅漢果亦如是。

卯二、辟支佛乘

辰一、自內不證

自生辟支佛道證智，而不證辟支佛道，

辰二、教他歎法歎人

亦教人著辟支佛道中，讚歎得⁶¹辟支佛道法，歡喜讚歎得辟支佛道者。

寅九、大乘道果

自入菩薩位，亦教人入菩薩位，讚歎入菩薩位法，歡喜讚歎入菩薩位者。

自淨佛國土、成就眾生，亦教人淨佛國土、成就眾生，讚歎淨佛國土、成就眾生法，歡喜讚歎淨佛國土、成就眾生者。

自起菩薩神通，亦教人起菩薩神通，讚歎起菩薩神通法，歡喜讚歎起菩薩神通者。

自生一切種智，亦教人生一切種智，讚歎生一切種智法，歡喜讚歎生一切種智者。

自斷一切結使習，亦教人斷一切結使習，讚歎斷一切結使習法，歡喜讚歎斷一切結使習者。

須菩提！菩薩摩訶薩欲成就阿耨多羅三藐三菩提應如是行！

⁵⁹ 智=知【聖】(大正 08, 338d, n.12)。

⁶⁰ 亦=而【宋】【元】【明】【宮】【聖】(大正 08, 338d, n.13)。

⁶¹ [得]—【宋】【元】【明】【宮】【聖】(大正 08, 338d, n.14)。

復次，須菩提！菩薩摩訶薩欲成就阿耨多羅三藐三菩提，
自取壽命成就，亦教人取壽命成就，讚歎取壽命成就法，歡喜讚歎取
壽命成就者。

自成就法住，亦教人成就法住，讚歎成就法住法，歡喜讚歎成就法住
者。

須菩提！菩薩摩訶薩欲成就阿耨多羅三藐三菩提應如是行，亦應如是
學般若波羅蜜方便力！

子二、明得無礙果

是菩薩如是學、如是行時，當得無礙色，得無礙受、想、行、識，乃
至得無礙法住。何以故？是菩薩摩訶薩從本以⁶²來，不受色、不受受、
想、行、識，乃至不受一切種智。何以故？色不受者為非色，乃至一切
種智不受者為非一切種智。」

癸二、明時會得道

說是菩薩行品時，二千菩薩得無生法忍。

⁶² 以=已【元】【明】(大正 08, 339d, n.1)。

《摩訶般若波羅蜜經》卷 16 〈55 不退品〉冠科¹

《摩訶般若波羅蜜經》卷16（大正08，339a8-341b6）：

庚二、明上根人行相²

辛一、正明上根人行相

壬一、明阿鞞菩薩體相

癸一、須菩提問

須菩提白佛言：「世尊！以何等行、何等類、何等相貌³，知是阿惟越⁴致菩薩摩訶薩？」

癸二、佛答

子一、如實知諸地

佛告須菩提：「若菩薩摩訶薩能知凡夫地、聲聞地、辟支佛地、佛地；

子二、入諸法如為正體

是諸地，如相中無二無別，亦不念，亦不分別。入是如中，聞是事，直過無疑。何以故？是如中無一無二相故。

壬二、明阿鞞無生果報相

癸一、明分內成就行

子一、明粗相已成就行

丑一、標二章門

寅一、標行章門

卯一、略述上人三業行相

是菩薩摩訶薩亦不作無益語，但說利益相應語，不視⁵他人長短。須菩提！以是行、類、相貌，知是阿鞞跋致菩薩摩訶薩。」

卯二、重明無相以破著

¹ 妙境法師，《摩訶般若波羅蜜經》冠科(下冊)，pp.695-708。

² 對照《大智度論》卷 73 〈55 阿毘跋致品〉(大正 25，570a19-572c21)。

³ 貌=狼【聖】(大正 08，339d，n.5)。

⁴ 惟越=毘跋【宋】【元】【明】【宮】，=鞞跋【聖】(大正 08，339d，n.6)。

⁵ 視=觀【宋】【宮】(大正 08，339d，n.7)。

須菩提言：「世尊！復以何行、類、相貌知是阿鞞跋致菩薩摩訶薩？」

佛告須菩提：「若⁶菩薩摩訶薩能觀⁷一切法無行、無類、無相貌，當知是名阿鞞跋致菩薩摩訶薩。」

寅二、標轉章門

卯一、須菩提問

須菩提白佛言：「世尊！若一切法無行、無類、無相貌，菩薩於何等法轉名『不轉』？」

卯二、如來略述

佛言：「若菩薩摩訶薩色中轉，受、想、行識中轉，是名菩薩不轉。

復次，須菩提！菩薩摩訶薩，檀波羅蜜中轉乃至般若波羅蜜中轉，內空中乃至無法有法空中轉，四念處中乃至十八不共法中轉，聲聞、辟支佛地中轉乃至阿耨多羅三藐三菩提中轉，當知是⁸名菩薩摩訶薩不轉。何以故？須菩提！色性無，是菩薩何所住？乃至阿耨多羅三藐三菩提性無，是菩薩何所住？

丑二、釋二章門

寅一、釋行章門

卯一、明離內過為上人行相

辰一、不念外道有實智

復次，須菩提！菩薩摩訶薩不觀相⁹外道沙門、婆羅門面貌¹⁰言語，不作是念：『是諸外道——若沙門、若婆羅門，實知實見。』若說正見，無有是事！

辰二、不生戒取邪見等

復次，菩薩不¹¹生疑，不著戒取，不墮邪見，亦不求世俗吉事以為清

⁶〔若〕－【宋】【元】【明】【宮】（大正 08，339d，n.8）。

⁷〔菩薩摩訶薩能觀〕七字－【聖】（大正 08，339d，n.9）。

⁸是+（名）【宋】【元】【明】【宮】（大正 08，339d，n.10）。

⁹〔相〕－【元】【明】【聖】（大正 08，339d，n.11）。

¹⁰貌＝類【聖】（大正 08，339d，n.12）。

¹¹（能）+不【宮】（大正 08，339d，n.13）。

淨，不以華香、瓔珞¹²、旛蓋、伎¹³樂，禮拜供養餘天。須菩提！以是行、類、相貌，當知是名阿鞞跋致菩薩摩訶薩。

辰三、不生下賤八難等

復次，須菩提！阿鞞跋致菩薩摩訶薩常不生下賤家乃至不生八難之處，常不受女人身。須菩提！以是行、類、相貌，當知是名阿鞞跋致菩薩摩訶薩。

辰四、具足四行十善

復次，須菩提！¹⁴菩薩摩訶薩常行十善道——自不殺生，不教人殺生，讚歎不殺生法，歡喜讚歎不殺生者；乃至自不邪見，不教人邪見，不讚歎邪見法，不歡喜讚歎行邪見者。須菩提！以是行、類、相貌，當知是名阿鞞跋致菩薩摩訶薩。

辰五、乃至夢中不行十惡

復次，須菩提！菩薩摩訶薩乃至夢中亦不行十不善道。以是行、類、相貌當知是名阿鞞跋致菩薩摩訶薩。

辰六、為益眾生行六度

復次，須菩提！菩薩摩訶薩為益一切眾生故行檀波羅蜜，乃至為益一切眾生故行般若波羅蜜。須菩提！以是行、類、相貌，當知是名阿鞞跋致菩薩摩訶薩。

辰七、為益眾生行法施

復次，須菩提！菩薩摩訶薩所有諸法¹⁵，受、讀、誦¹⁶、說、正憶念，所謂修妬路¹⁷乃至優¹⁸婆提舍。是菩薩法施時，作是念：『是法施因緣故，滿一切眾生願。以是法施功德，與一切眾生共之，迴向阿耨多羅三藐三菩提。』須菩提！以是行、類、相貌，當知是名阿鞞跋致菩薩摩訶

¹² 瓔珞＝纓絡【聖】(大正 08, 339d, n.14)。

¹³ 伎＝妓【元】【明】(大正 08, 339d, n.15)。

¹⁴ (是)+菩【宋】【元】【明】【宮】(大正 08, 339d, n.16)。

¹⁵ [法]－【聖】(大正 08, 339d, n.17)。

¹⁶ 讀誦＝誦讀【聖】(大正 08, 339d, n.18)。

¹⁷ 妬路＝多羅【宋】【元】【明】【宮】，妬＝妬【聖】(大正 08, 339d, n.19)。

¹⁸ 憂＝優【宋】【元】【明】【宮】(大正 08, 339d, n.20)。

薩。

辰八、於甚深法不疑悔

復次，須菩提！菩薩摩訶薩於甚深法中，不疑、不悔。」

須菩提言：「世尊！菩薩於甚深法中何因緣故不疑、不悔？」

佛言：「是阿鞞跋致菩薩都不見有法可生疑¹⁹處——若色、受、想、行、識乃至阿耨多羅三藐三菩提——不見是法可生疑處²⁰、悔處。

須菩提！以是行、類、相貌，當知是名阿鞞跋致菩薩摩訶薩。

辰九、三業柔軟

復次，須菩提！菩薩摩訶薩身、口、意業柔軟²¹。須菩提！以是行、類、相貌，當知是名阿鞞跋致菩薩摩訶薩。

辰十、慈三業成就

復次，須菩提！菩薩摩訶薩以慈身、口、意業成就。須菩提！以是行、類、相貌，當知是名阿鞞跋致菩薩摩訶薩。

辰十一、不與五蓋俱

復次，須菩提！菩薩摩訶薩不與五蓋俱——淫欲、瞋恚、睡眠、掉²²悔、疑。須菩提！以是行、類、相貌，當知是名阿鞞跋致菩薩摩訶薩。

辰十二、無所愛著處

復次，須菩提！菩薩摩訶薩一切處無所愛著。須菩提！以是行、類、相貌，當知是名阿鞞跋致菩薩摩訶薩。

辰十三、常一心舉止安詳

復次，須菩提！菩薩摩訶薩²³出入去來、坐臥行住常念一心；出入去來、坐臥行住、舉足下足，安隱詳²⁴序，常念一心，視地而行。須菩提！以是行、類、相貌，當知是名阿鞞跋致菩薩摩訶薩。

¹⁹ 疑+(悔)【宋】【元】【明】【宮】(大正 08, 339d, n.21)。

²⁰ [處]—【宋】【元】【明】【宮】(大正 08, 339d, n.22)。

²¹ 軟=濡【聖】(大正 08, 339d, n.23)。

²² 掉=忪【聖】(大正 08, 339d, n.24)。

²³ 薩+(不亂心)【宋】【宮】，薩+(心不散亂)【聖】(大正 08, 339d, n.25)。

²⁴ 詳=庠【元】【明】(大正 08, 339d, n.26)。

辰十四、好樂淨潔少疾病

復次，須菩提！菩薩摩訶薩所著衣服及諸臥具，人不惡穢，好樂淨潔，少於疾病。須菩提！以是行、類、相貌，當知是名阿鞞跋致菩薩摩訶薩。

辰十五、身無八萬戶蟲

復次，須菩提！常人身中有八萬戶蟲侵食其身，是阿鞞跋致菩薩摩訶薩身無是蟲。何以故？是菩薩功德出過²⁵世間，以是故，是菩薩無是戶蟲。是菩薩功德增益，隨其功德，得身清淨、得心清淨。須菩提！以是行、類、相貌，當知是名阿鞞跋致菩薩摩訶薩。」

須菩提白佛言：「世尊！云何菩薩摩訶薩得身清淨、得心清淨？」

佛言：「菩薩摩訶薩隨其所得，增益善根，滅除心²⁶曲、心邪²⁷。須菩提！是名菩薩摩訶薩身清淨、心清淨。以是身、心清淨故，能過聲聞、辟支佛地，入菩薩位中。須菩提！以是行、類、相貌，當知是名阿鞞跋致菩薩摩訶薩。」

辰十六、貴究竟佛道

復次，須菩提！菩薩摩訶薩不貴利養，雖行十二頭陀，不貴阿蘭²⁸若法，乃至不貴但²⁹三衣法。須菩提！以是行、類、相貌，當知是名阿鞞跋致菩薩摩訶薩。

辰十七、不生煩惱惡心

復次，須菩提！菩薩摩訶薩常不生慳貪心，不生破戒心、瞋動心、懈怠心、散亂心，不生愚癡心，不生嫉妒心。須菩提！以是行、類、相貌，當知是名阿鞞跋致菩薩摩訶薩。

辰十八、心定智深所見聞與般若合

復次，須菩提！菩薩摩訶薩心住不動，智慧深入，一心聽受，所從聞法及世間事皆與般若波羅蜜合。是菩薩摩訶薩不見產業之事不入法性者；

²⁵ 出過＝過出【聖】(大正 08, 339d, n.27)。

²⁶ 心＝身【聖】(大正 08, 340d, n.1)。

²⁷ 邪＝耶【聖】(大正 08, 340d, n.2)。

²⁸ 蘭＝練【宋】【元】【明】【宮】(大正 08, 340d, n.3)。

²⁹ 但＋(受)【宋】【元】【明】【宮】(大正 08, 340d, n.4)。

是事一切皆見與般若波羅蜜合。以是因緣故，須菩提！是名阿鞞跋致菩薩³⁰阿鞞跋致相。

卯二、明離外惡為上人行相³¹

辰一、授地獄記令捨行願

巳一、出魔事

復次，須菩提！若惡魔於阿鞞跋致菩薩前化作八大地獄，一一地獄中，有千億萬菩薩皆被燒煮，受諸辛酸苦毒，語菩薩言：『是諸菩薩皆是阿鞞跋致，佛所授記，墮大地獄中。汝若為佛授阿鞞跋致記者，當入是大地獄中；佛為授汝地獄記，汝不如還捨菩薩心，可得不墮地獄，得生天上。』

巳二、上人心正念不動

須菩提！若是菩薩見是事、聞是事，心不動、不疑、不驚，作是念：『阿鞞跋致菩薩若墮地獄、畜生、餓鬼中，終無是處！』

須菩提！以是行、類、相貌，當知是名阿鞞跋致菩薩摩訶薩。

辰二、勸捨前所修行願

巳一、出魔事

復次，須菩提！惡魔化作比丘被服，來至菩薩所，語菩薩言：『汝先聞應如是淨修六波羅蜜乃至應如是淨修得阿耨多羅三藐三菩提，是事汝疾悔捨！汝先於過去、未來、現在諸佛所，從初發心乃至法住，於其中間所作善根，隨喜、迴向阿耨多羅三藐三菩提，是³²事汝亦疾³³放捨！若汝疾捨，我當語汝真佛法。汝先所聞，皆非佛法、非佛教，皆是文飾合集作耳！我所說是真佛法。』

巳二、未受記者心驚疑悔

若是菩薩聞作是說心驚、疑、悔，當知是菩薩未得諸佛授³⁴記、未定住阿鞞跋致性中。

³⁰ 薩+ (摩訶薩) 【宋】【元】【明】【宮】(大正 08, 340d, n.5)。

³¹ 對照《大智度論》卷 73 〈55 阿毘跋致品〉(大正 25, 572c22-574c7)。

³² 是+(一切) 【宋】【元】【明】【宮】(大正 08, 340d, n.6)。

³³ [疾] - 【聖】(大正 08, 340d, n.7)。

³⁴ 授=受 【聖】(大正 08, 340d, n.8)。

巳三、上人心不動依止無生法

午一、法說

若是菩薩心不動、不驚、不疑、不悔，隨順依止無作無生法，不信他語、不隨他行——行六波羅蜜時，不隨他語；乃至行阿耨多羅三藐三菩提時，亦不隨他語。

午二、舉阿羅漢譬

須菩提！譬如漏盡阿羅漢，不信他語、不隨他行，現見³⁵諸法實相，惡魔不能轉。

午三、合譬

如是，須菩提！阿鞞跋致菩薩摩訶薩亦如是，求聲聞道、辟支佛道人不能破壞，不能折伏其心。須菩提！是菩薩摩訶薩必定住阿鞞跋致地中，不隨他語；乃至佛語不直信取，何況求聲聞、辟支佛人及惡魔、外道梵志語！終無是處！

午四、釋所以

何以故？是菩薩不見有法可隨信者，所謂若色，若³⁶受、想、行、識，若色如乃至識如，乃至不見若阿耨多羅三藐三菩提，阿耨多羅三藐三菩提如。

須菩提！以是行、類、相貌，當知是名阿鞞跋致菩薩摩訶薩。

辰三、說三界繫法令捨行願

巳一、說似道法

復次，須菩提！魔³⁷作比丘身來到菩薩所，語菩薩言：『汝所行者，是生死法，非薩婆若道，汝今身取苦盡證！』是時惡魔為菩薩用世間行說似道法，是³⁸似道法³⁹三界繫——所謂骨相⁴⁰，若初禪乃至非有想非無想，語善男子：『用是道、用是行，當得須陀洹果，乃至當得阿羅漢果。

³⁵ 見=在【聖】(大正 08, 340d, n.9)。

³⁶ 若色=若色若【宋】【元】【明】【宮】，=色若【聖】(大正 08, 340d, n.10)。

³⁷ (惡)+魔【宋】【元】【明】【宮】(大正 08, 340d, n.11)。

³⁸ 是=此【宋】【元】【明】，=行【聖】(大正 08, 340d, n.12)。

³⁹ (是)+三【宋】【元】【明】(大正 08, 340d, n.13)。

⁴⁰ 相=想【聖】(大正 08, 340d, n.14)。

汝行⁴¹是道，今世苦盡；汝用受生死中種種苦惱為？今是四大身，尚不用受，何況當更受來身！』

巳二、上人得知似道法於真道不退

須菩提！若是菩薩摩訶薩心不驚、不疑、不悔，作是念：『是比丘益我不少，為我說似道法。行是似道法，不⁴²至須陀洹果證，不得至阿羅漢、辟支佛道證，何況得至阿耨多羅三藐三菩提！』是菩薩摩訶薩益復歡喜，作是念：『是比丘益我不少，為我說障⁴³道法。我知是障道法，是⁴⁴不⁴⁵障學三乘道。』

辰四、取餘人證令捨行願

巳一、化無量菩薩久行不證薩婆若

午一、出魔事

是時惡魔知菩薩歡喜，作是言：『善男子！汝欲見是菩薩摩訶薩供養如恆河沙等諸佛衣被⁴⁶、飲食、臥具、醫藥、資生所須；亦於如恆河沙等諸佛所行檀波羅蜜、尸羅波羅蜜、羼提波羅蜜、毗梨耶波羅蜜、禪波羅蜜、般若波羅蜜；亦親近如恆河沙等諸佛，咨問⁴⁷菩薩摩訶薩道：「世尊！菩薩摩訶薩云何住菩薩摩訶薩乘？云何行檀波羅蜜、尸羅⁴⁸波羅蜜、羼提波羅蜜、毗梨耶波羅蜜、禪波羅蜜、般若波羅蜜、四念處乃至大慈大悲？」是菩薩摩訶薩如佛所教，如是住、如是行、如是修。是菩薩摩訶薩如是教、如是學，尚不能⁴⁹得阿耨多羅三藐三菩提、不得薩婆若，何況汝當得阿耨多羅三藐三菩提！』

午二、上人得知似道法於真道不退

若菩薩摩訶薩聞是事，心不異、不驚，益復歡喜，作是念：『是比丘

⁴¹ 行=用【宋】【元】【明】【宮】(大正 08, 340d, n.15)。

⁴² 不+(得)【宋】【元】【明】【宮】(大正 08, 340d, n.16)。

⁴³ 遮=障【宋】【元】【明】【宮】【聖】(大正 08, 340d, n.17)。

⁴⁴ [是] - 【聖】(大正 08, 340d, n.18)。

⁴⁵ [不] - 【宋】【元】【明】【宮】(大正 08, 340d, n.19)。

⁴⁶ 被=服【聖】(大正 08, 340d, n.20)。

⁴⁷ 問=聞【宮】(大正 08, 340d, n.21)。

⁴⁸ [羅] - 【聖】(大正 08, 340d, n.22)。

⁴⁹ [能] - 【聖】(大正 08, 341d, n.1)。

益我不少，為我說障道法；是障道法，不得須陀洹道，乃至不得阿羅漢、辟支佛道，何況得阿耨多羅三藐三菩提！」

巳二、化多比丘久行佛道證阿羅漢

午一、出魔事

是時惡魔知是菩薩心不沒、不驚，即於是處化作多比丘，語菩薩言：『此皆是發意求佛道菩薩，今皆住阿羅漢地；是輩尚不能得阿耨多羅三藐三菩提，汝云何能得？』

午二、上人得知似道法於真道不退

若菩薩摩訶薩即作是念：『此是惡魔說⁵⁰似道行⁵¹，菩薩摩訶薩行般若波羅蜜，不應轉阿耨多羅三藐三菩提心，亦不應墮聲聞、辟支佛道中。』復作是念：『行檀波羅蜜、尸羅波羅蜜、羸提波羅蜜、毗梨耶波羅蜜、禪波羅蜜、般若波羅蜜乃至一切種智，不得阿耨多羅三藐三菩提，無有是處！』

須菩提！以是行、類、相貌，當知是⁵²阿鞞跋致菩薩摩訶薩。

卯三、雙結

辰一、結離內過

復次，須菩提！菩薩摩訶薩作是念：『若菩薩能如佛所說，不遠離般若波羅蜜心乃至一切種智，是菩薩終不退阿耨多羅三藐三菩提。』

辰二、結離外惡

若菩薩覺知魔事，亦不失阿耨多羅三藐三菩提。』以是行、類、相貌，當知是名阿鞞跋致菩薩摩訶薩相。」

寅二、釋轉章門

卯一、正明轉不轉

須菩提白佛言：「世尊！於何法轉名為不轉？」

佛言：「於色相轉，於受想行識相轉，於十二入相、十八界相、淫欲瞋恚愚癡相、邪見相、四念處相乃至聲聞、辟支佛相，乃至佛相轉。以

⁵⁰ 說+(相)【宋】【元】【明】【宮】(大正 08, 341d, n.2)。

⁵¹ 行=法【元】【明】(大正 08, 341d, n.3)。

⁵² 是+(名)【宋】【元】【明】【宮】，〔是〕—【聖】(大正 08, 341d, n.4)。

是故，名為不退轉菩薩摩訶薩相。何以故？是阿鞞跋致菩薩摩訶薩以是自相空法入菩薩位，得無生法忍。何以故名無生法忍⁵³？是中⁵⁴乃至少許法不可得，不可得故不作，不作⁵⁵故無⁵⁶生，是名無生法忍。

菩薩摩訶薩以是行、類、相貌，當知是名阿鞞跋致菩薩摩訶薩。」

⁵³ 法忍=忍法【宋】【元】【明】【宮】(大正 08，341d，n.6)。

⁵⁴ [得無生法忍何以故名無生法忍是中]十五字—【聖】(大正 08，341d，n.5)。

⁵⁵ 作+(作)【聖】(大正 08，341d，n.7)。

⁵⁶ 無=不【元】【明】【聖】(大正 08，341d，n.8)。

《摩訶般若波羅蜜經》卷 17 〈56 堅固¹品〉冠科²

《摩訶般若波羅蜜經》卷 17 (大正 08, 341b10-343c14)：

卯二、明外惡緣不能動

辰一、正明³

巳一、出魔事

午一、毀薩婆若空無所有

復次，須菩提！惡魔到菩薩所，壞其心，作是言：『薩婆若與虛空⁴等，空⁵無所有相；諸法亦與虛空等，空無所有相。是虛空等諸法，空無所有相中，無有得阿耨多羅三藐三菩提者，亦無有⁶不得者。是諸法皆如虛空，空⁷無所有相，汝唐受勤苦。

午二、謗所學非佛說

汝所聞阿耨多羅三藐三菩提，皆是魔事，非佛所說；

午三、勸捨行願

汝當放捨是願，汝莫長夜受是不安隱憂苦，墮惡道中⁸。』

巳二、明上人相

午一、覺知魔事

是諸善男子、善女人聞是語⁹時，應如是念：『是惡魔事，壞我阿耨多羅三藐三菩提心。

午二、以自相空莊嚴不壞假名說實相

¹ 不分卷【聖】，堅固=轉不轉【宋】【元】【明】【宮】，(摩訶般若波羅蜜經不轉)十字【聖】(大正 08, 341d, n.12)。

² 妙境法師，《摩訶般若波羅蜜經》冠科(下冊)，pp.709-722。

³ 對照《大智度論》卷 73 〈56 轉不轉品〉(大正 25, 574c9-577a19)。

⁴ 虛空=空虛【明】(大正 08, 341d, n.14)。

⁵ [空] - 【宋】【元】【明】【宮】(大正 08, 341d, n.15)。

⁶ [有] - 【聖】(大正 08, 341d, n.16)。

⁷ [空] - 【宋】【元】【明】【宮】【聖】(大正 08, 341d, n.17)。

⁸ [中] - 【聖】(大正 08, 341d, n.18)。

⁹ 語=呵【宋】【元】【明】【宮】【聖】(大正 08, 341d, n.19)。

諸法雖如虛空，無所有、自相空，而眾生不知、不見、不解；我亦以如虛空等無所有、自相空大誓¹⁰莊嚴得一切種智，為眾生說法，令得解脫，得須陀洹果、斯陀含果、阿那含果、阿羅漢果、辟支佛道、阿耨多羅三藐三菩提。」

午三、久以三心行六度得入位

須菩提！菩薩摩訶薩從初發意已¹¹來，聞如¹²是法，應堅固其心，不動、不轉。菩薩摩訶薩以是堅固心、不動、不轉心行六波羅蜜，當入菩薩位中¹³。

辰二、釋轉不轉疑

巳一、第一番

午一、須菩提問

須菩提白佛言：「世尊！不轉故名阿鞞跋¹⁴致？轉故名阿鞞跋致？」

午二、佛以二諦略答

佛言：「不轉故名阿鞞跋致，轉故亦名阿鞞跋致。」

巳二、第二番

午一、須菩提重審

須菩提白佛言：「世尊！云何不轉故名阿鞞跋致，轉故亦名阿鞞跋致？」

午二、佛詳答

未一、約第一義諦不轉名不轉

佛告須菩提：「若菩薩摩訶薩於聲聞地、辟支佛地不轉，是故名不轉。

未二、約世諦轉名不轉

若菩薩摩訶薩於聲聞地、辟支佛地轉，是故亦名不轉。

辰三、結上人相

須菩提！以是行、類、相貌，當知是名阿鞞跋致菩薩摩訶薩相¹⁵。以

¹⁰ [誓] — 【聖】(大正 08, 341d, n.20)。

¹¹ 已=以【宋】【宮】(大正 08, 341d, n.21)。

¹² [如] — 【聖】(大正 08, 341d, n.22)。

¹³ [中] — 【宋】【元】【明】【宮】【聖】(大正 08, 341d, n.23)。

¹⁴ 惟越=鞞跋【宋】【元】【宮】【聖】，=毘跋【明】(大正 08, 341d, n.24)。

是行、類、相貌故，惡魔不能壞其心¹⁶，令離阿耨多羅三藐三菩提。

卯三、明於善行中得縱任自在

辰一、於定自在

復次，須菩提！阿鞞跋致菩薩¹⁷，若欲入初禪、第二、第三、第四禪，乃至滅¹⁸定禪¹⁹，即得入。

辰二、於諸道果自在

復次，須菩提！阿鞞跋致菩薩摩訶薩，若欲修四念處乃至修²⁰八聖道分，空、無相、無作三昧，乃至五神通，即得²¹修。

是菩薩雖修四念處乃至五神通，是人不受四念處果；雖修諸禪，不受諸禪果，乃至不受滅定禪果；不證須陀洹果，乃至不證辟支佛道。是菩薩故為眾生受身，隨其所應而利益之。

須菩提！以是行、類、相貌，當知是名阿鞞跋致菩薩摩訶薩。

辰三、於諸功德自在

巳一、貴無上道不貴餘德

復次，須菩提！阿鞞跋致菩薩摩訶薩常憶念阿耨多羅三藐三菩提，終不遠離薩婆若心故，不貴色、不貴相，不貴聲聞、辟支佛，不貴檀那²²波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，不貴四禪、四無量心、四無色定，不貴五神通，不貴四念處乃至八聖道分，不貴佛十力乃至²³十八不共法，不貴淨佛國土，不貴成就眾生，不貴見佛，不貴種善根。

巳二、觀諸法自相空

何以故？一切法自相空。不見可貴法、能生貴心者。

¹⁵ [相] — 【聖】(大正 08, 341d, n.25)。

¹⁶ 心=意【宋】【元】【明】【宮】(大正 08, 341d, n.26)。

¹⁷ 薩+(摩訶薩)【宋】【元】【明】【宮】(大正 08, 341d, n.27)。

¹⁸ 滅+(受想)【宋】【元】【明】【宮】*(大正 08, 341d, n.28)。

¹⁹ [禪] — 【聖】*(大正 08, 341d, n.29)。

²⁰ [修] — 【宋】【元】【明】【宮】(大正 08, 341d, n.30)。

²¹ 得=能【宋】【元】【明】【宮】【聖】(大正 08, 341d, n.31)。

²² [那] — 【聖】*(大正 08, 341d, n.32)。

²³ 乃至=不貴【聖】(大正 08, 342d, n.1)。

何以故？是一切法與虛空等，無所有、自相空。

巳三、成就一心不亂

須菩提！是阿鞞跋致菩薩摩訶薩成就是心，於四種身威²⁴儀中，出入來去、坐臥行住，一心不亂。

須菩提！以是行、類、相貌²⁵，當知是阿鞞跋致菩薩摩訶薩。

辰四、於四行六度自在

復次，須菩提！阿鞞跋致菩薩摩訶薩若在居家，以方便力為利益眾生故受五欲；布施眾生，須食與食，須飲與飲，衣服、臥具乃至資生所須盡給與之。

是菩薩自行檀那波羅蜜，教人行檀那²⁶，讚歎²⁷行檀那法，歡喜讚歎行檀那波羅蜜者；尸羅波羅蜜乃至般若波羅蜜亦如是。

須菩提！阿鞞跋致菩薩摩訶薩在家時，能以滿閻浮提珍寶施與眾生，乃至三千大千世界滿中珍寶給施眾生。亦不自為，常修梵行，不陵易虜²⁸掠他人令其憂惱。

須菩提！以是行、類、相貌，當知是名阿鞞跋致菩薩摩訶薩。

辰五、魔等不能壞

復次，須菩提！阿鞞跋致菩薩摩訶薩，執金剛神王常隨逐，作是願：『是菩薩摩訶薩當得阿耨多羅三藐三菩提，我常隨逐。』乃至五性執金剛神常隨守護。以是故，若天、若魔、若梵、若餘世間大力者不能破²⁹壞是³⁰菩薩摩訶薩薩婆若心，乃至得阿耨多羅三藐三菩提。須菩提！是名菩薩摩訶薩阿鞞跋致相。

辰六、具足菩薩五善根

復次，須菩提！菩薩摩訶薩，常具足菩薩五³¹根——信根、精進根、

²⁴ [威] — 【宮】【聖】(大正 08, 342d, n.2)。

²⁵ [貌>貌] = 根 【聖】(大正 08, 342d, n.3)。

²⁶ [那] — 【宮】【聖】*(大正 08, 342d, n.4)。

²⁷ [歎] — 【聖】*(大正 08, 342d, n.5)。

²⁸ 虜 = 鹵 【宋】【宮】(大正 08, 342d, n.6)。

²⁹ [破] — 【聖】(大正 08, 342d, n.7)。

³⁰ [名] — 【宋】【元】【明】【宮】【聖】(大正 08, 342d, n.8)。

³¹ [五] — 【聖】(大正 08, 342d, n.9)。

念根、定根、慧³²根，是名阿鞞跋致相。

辰七、一心行無上道

復次，須菩提！阿鞞跋致菩薩摩訶薩，為上人、不為下人。」

須菩提白佛言：「世尊！云何為上人？」

佛告須菩提：「若菩薩摩訶薩一心行阿耨多羅三藐三菩提心，不散亂，是名上人。以是行、類、相貌，當知是名³³阿鞞跋致相。

辰八、不行邪命

復次，須菩提！阿鞞跋致菩薩一心常念佛道。為淨命故，不作呪術、合和諸藥，不呪鬼神令著男女問其吉凶、男女祿相、壽命長短。

何以故？須菩提！是菩薩摩訶薩知諸法自相空³⁴，不見諸法相故，不行邪命行淨命³⁵。

須菩提！以是行、類、相貌，當知是名阿鞞跋致菩薩摩訶薩相。

子二、明細相已成就行³⁶

丑一、誠聽

復次，須菩提！今當更說阿鞞跋致菩薩摩訶薩行、類、相貌。一心諦聽。

丑二、正明

寅一、無諸戲論

卯一、總約三法

佛告須菩提：「菩薩摩訶薩行般若波羅蜜，常不遠³⁷離阿耨多羅三藐三菩提心故，不說五陰³⁸事，不說十二入事，不說十八界事。何以故？常念觀五陰空相、十二入、十八界空相故。

卯二、別約世事

³² 慧=惠【聖】(大正 08, 342d, n.10)。

³³ 名=為【宋】【元】【明】【宮】*(大正 08, 342d, n.11)。

³⁴ 空+(故)【聖】(大正 08, 342d, n.12)。

³⁵ [行淨命] - 【聖】，(而)+行【宋】【元】【明】【宮】(大正 08, 342d, n.13)。

³⁶ 對照《大智度論》卷 74〈56 轉不轉品〉(大正 25, 577a28-580b1)。

³⁷ [遠] - 【聖】(大正 08, 342d, n.14)。

³⁸ 陰=眾【宮】【聖】*(大正 08, 342d, n.15)。

是菩薩摩訶薩不好說官事。何以故？是菩薩諸法空相中住，不見法若貴、若賤。

不好說賊事，何以故？諸法自相空故，不見若得、若失。

不好說軍事，何以故？諸法自相空故，不見若多、若少。

不好說鬪事，何以故？是菩薩摩訶薩住³⁹諸法如中，不見法有⁴⁰憎、有愛。

不好說婦女事，何以故？住諸法空中，不見好、醜故。

不好說聚落⁴¹事，何以故？諸法自相空故，不見法若合、若散。

不好說城邑事，何以故？住諸法實際中，不見有勝、有負。

不好說國事，何以故？住實際中，不見法有所屬、有不屬。

不好說我事，何以故？法性中住，不見法有⁴²我、無⁴³我，乃至不見知者、見者。

如是等不說種種世間事，但好說般若波羅蜜，不遠離薩婆若心。

寅二、正行六度不為六蔽

若行檀那⁴⁴波羅蜜時，不為慳貪事；行尸羅波羅蜜時，不為破戒事；行羼提波羅蜜時，不為瞋諍事；行毘梨耶⁴⁵波羅蜜時，不為懈怠事；行禪那波羅蜜時，不為散亂事；行般若波羅蜜時，不為愚癡事。

寅三、不起損減近善知識

是菩薩雖行一切法空，而愛樂⁴⁶法。

是菩薩雖⁴⁷行法性，常讚不壞法，而愛樂善知識——所謂諸佛及菩薩、聲聞、辟支佛，諸能教化令樂住阿耨多羅三藐三菩提者。

寅四、隨願受生

³⁹ 住=於【宋】【元】【明】【宮】(大正 08, 342d, n.16)。

⁴⁰ 有=若【宋】【元】【明】【宮】【聖】*(大正 08, 342d, n.17)。

⁴¹ 落=洛【聖】(大正 08, 342d, n.18)。

⁴² 有=是【宋】【元】【明】【宮】(大正 08, 342d, n.19)。

⁴³ (是)+無【宋】【元】【明】【宮】(大正 08, 342d, n.20)。

⁴⁴ [那]—【聖】*(大正 08, 342d, n.21)。

⁴⁵ [耶]—【宋】【元】【宮】(大正 08, 342d, n.22)。

⁴⁶ 愛樂=樂法愛【宋】【元】【明】【宮】(大正 08, 342d, n.23)。

⁴⁷ [雖]—【聖】(大正 08, 342d, n.24)。

是人常願欲見諸佛，聞在所處佛⁴⁸國土中有現在佛，隨願往生。如是心常晝夜行，所謂念佛心。

如是！須菩提！阿鞞跋致菩薩摩訶薩行初禪乃至非有想非無想處，以方便力故起欲界心，若眾生能行十善道者及現在有佛處在中生。

以是行、類、相貌，當知是名阿鞞跋致菩薩摩訶薩。

寅五、於所證無有退轉

卯一、法說

復次，須菩提！阿鞞跋致菩薩摩訶薩，行般若波羅蜜時，住內空、外空乃至無法有法空，住四念處乃至空、無相、無作解脫門；於自地中了了，不⁴⁹疑：『我是阿鞞跋致，非阿鞞跋致。』

何以故？乃至不見少許法於阿耨多羅三藐三菩提中若轉、若不轉。

卯二、法譬合說

辰一、須陀洹譬

巳一、舉譬

須菩提！譬如人⁵⁰得須陀洹果，住須陀洹地中，自了了知，終不疑不悔；

巳二、合法

阿鞞跋致菩薩摩訶薩亦如是，住阿鞞跋致地中，終不疑。

住是地中，淨佛國土、成就眾生。種種魔事起，即時覺知；亦不隨魔事，破壞魔事。

辰二、五逆罪譬

巳一、舉譬

須菩提！譬如有人作五逆罪，五逆罪心乃至死時常逐不捨，雖有異心不能障隔。

巳二、合法

須菩提！阿鞞跋致菩薩摩訶薩亦如是，自住其地，心常不動，一切世

⁴⁸ [佛] - 【聖】(大正 08, 342d, n.25)。

⁴⁹ (知)+不【宋】【元】【明】【宮】(大正 08, 342d, n.26)。

⁵⁰ (有)+人【明】(大正 08, 342d, n.27)。

間天、人、阿修羅不能動轉。

何以故？是菩薩摩訶薩出一切世間天、人、阿修羅上，入正法位中，自證地中住。

癸二、明分外勝進行

子一、住自證地無有疑悔

丑一、具修住菩薩功德

具足諸菩薩神通，能淨佛國土、成就眾生；從一佛國⁵¹至一佛國，於十方佛所，殖⁵²諸善根，親近、諮問諸佛。

丑二、魔事起覺而不隨

是菩薩如是住，種種魔事起，覺而不隨；以方便力處魔事著實際中；自證地中，不疑不悔。何以故？實⁵³際中無疑相故，知是實際非一非二。

丑三、轉身不向二乘地

以是因緣故，是人乃至轉身，終不向聲聞、辟支佛地。

是菩薩摩訶薩，諸法自相空中，不見法若生若滅、若垢若淨。

丑四、轉身不疑自所證

須菩提！是菩薩摩訶薩乃至轉身，亦不疑：『我當得阿耨多羅三藐三菩提？若不得？』

何以故？須菩提！諸法自相空，即是阿耨多羅三藐三菩提。

須菩提！是菩薩摩訶薩住自證地中，不隨他語，無能壞者。何以故？是阿鞞跋致菩薩摩訶薩，成就不動智慧故。

須菩提！以是行、類、相貌，當知是名阿鞞跋致菩薩摩訶薩。

子二、得佛記故魔不能壞

丑一、勸取阿羅漢證

寅一、出魔事

復次，須菩提！菩⁵⁴薩摩訶薩若惡魔作佛身來，語菩薩言：『汝今於

⁵¹ 國=土【宋】【元】【明】【宮】*(大正 08, 343d, n.1)。

⁵² 殖=植【明】(大正 08, 343d, n.2)。

⁵³ (於)+實【宋】【元】【明】【宮】(大正 08, 343d, n.3)。

⁵⁴ (是)+菩【宋】【元】【明】【宮】【聖】(大正 08, 343d, n.4)。

是問取阿羅漢道。汝亦無阿耨多羅三藐三菩提記，汝亦未得無生忍法⁵⁵，汝亦無是阿鞞跋致行、類、相貌，亦無是相得受阿耨多羅三藐三菩提記。』

寅二、上人自知必從諸佛受佛記

須菩提！若菩薩摩訶薩聞是語，心不異、不沒、不驚、不怖⁵⁶、不畏；是菩薩應自知：『我必從諸佛受阿耨多羅三藐三菩提記。何以故？諸菩薩以是法受記，我亦有是法得受記。』

丑二、授二乘記

寅一、出魔事

須菩提！若惡魔、若為魔所使作佛形像來，與菩薩受⁵⁷聲聞、辟支佛記。

寅二、上人覺而不隨

須菩提！是菩薩作是念：『是惡魔、若魔所使作佛形像來。諸佛不應教菩薩遠離阿耨多羅三藐三菩提教，住聲聞、辟支佛道。』

須菩提！以是行、類、相貌，當知是名⁵⁸阿鞞跋致相。

丑三、謗所學非佛說

寅一、出魔事

復次，須菩提！惡魔復⁵⁹作佛身來到菩薩所，作是言：『汝所學經書非佛所說、亦非聲聞說，是魔所說。』

寅二、上人覺而不隨

須菩提！是菩薩摩訶薩當作是知：『是惡魔、若魔所使，教我遠離阿耨多羅三藐三菩提。』須菩提！當知是菩薩已為過去佛所受記，住阿鞞跋致地。

何以故？諸菩薩所有阿鞞跋致行、類、相貌，是菩薩亦有是行、類、相貌，是名阿鞞跋致菩薩相。

⁵⁵ 忍法=法忍【宋】【元】【明】【宮】(大正 08, 343d, n.5)。

⁵⁶ [不怖]—【聖】(大正 08, 343d, n.6)。

⁵⁷ 受=授【宋】【元】【明】【宮】【聖】*(大正 08, 343d, n.7)。

⁵⁸ [名]—【聖】(大正 08, 343d, n.8)。

⁵⁹ [復]—【宋】【元】【宮】(大正 08, 343d, n.9)。

子三、護持佛法不惜身命

復次，須菩提！阿鞞跋致菩薩摩訶薩行般若波羅蜜時，為護持諸法故，不惜身命，何況餘物！

是菩薩護持法故，作是念：『我不為護持一佛法，我為護持三世十方諸佛法故。』

須菩提！云何菩薩摩訶薩護持法故，不惜身命？

須菩提！如佛說⁶⁰：『一切諸法真空。』是時，有愚癡人破壞、不受，作是言：『是非法、非善、非世尊教！』須菩提！菩薩護持如是法故，不惜身命。

菩薩亦應作是念：『未來世諸佛，我亦在是數中，在中受記，是法亦是我法，以⁶¹是⁶²故，不惜身命。』

須菩提！菩薩見是利益故，護持法⁶³，不惜身命。

須菩提！以是行、類、相貌，知是阿鞞跋致相。

子四、得陀羅尼持法不失

復次，須菩提！阿鞞跋致菩薩摩訶薩聞佛說法，不疑、不悔。聞⁶⁴已受持，終不忘失。何以故？得陀羅尼故。」

須菩提言：「世尊！得何等陀羅尼，聞佛所說諸經而不忘失？」

佛告須菩提：「菩薩得聞持等陀羅尼故，佛說諸經，不忘、不失、不疑、不悔。」

須菩提白佛言：「世尊！但聞佛說法不忘、不失⁶⁵、不疑、不悔；聲聞⁶⁶、辟支佛說，天、龍、鬼神、阿修羅、緊那⁶⁷羅、摩睺羅伽說，亦復不忘、不失、不疑不悔耶？」

⁶⁰ (所)+說【宋】【元】【明】【宮】(大正 08, 343d, n.10)。

⁶¹ 以=為【聖】(大正 08, 343d, n.11)。

⁶² 是+(法)【宋】【元】【明】【宮】【聖】(大正 08, 343d, n.12)。

⁶³ (於)+法【宋】【元】【明】【宮】，(正)+法【聖】(大正 08, 343d, n.13)。

⁶⁴ [聞]—【聖】(大正 08, 343d, n.14)。

⁶⁵ [須菩提白佛言世尊但聞佛說法不忘不失]十七字—【聖】(大正 08, 343d, n.15)。

⁶⁶ (聞)+聲【宋】【元】【明】【宮】【聖】(大正 08, 343d, n.16)。

⁶⁷ 那=陀【宋】【元】【宮】【聖】(大正 08, 343d, n.17)。

佛告須菩提：「所有言說眾事，得陀羅尼菩薩皆不忘、不失、不疑、不悔。須菩提！如是行、類、相貌成就⁶⁸，當知是阿鞞跋致菩薩摩訶薩。」

⁶⁸ 就+(故)【宋】【元】【明】【宮】(大正 08, 343d, n.18)。

《摩訶般若波羅蜜經》卷 17 〈57 深奧¹品〉冠科²

《摩訶般若波羅蜜經》卷 17 (大正 08, 343c15-346c27) :

辛二、稱歎阿鞞菩薩行德無邊

壬一、明自行功德無邊

癸一、明因行

子一、正歎菩薩

丑一、正作三歎³

寅一、須菩提歎

須菩提白佛言：「世尊！是阿鞞跋致菩薩摩訶薩大功德成就！世尊！是阿鞞跋致菩薩摩訶薩無量功德成就，無邊功德成就！」

寅二、佛述

佛告須菩提：「如是！如是！是⁴阿鞞跋致菩薩摩訶薩大功德成就！是阿鞞跋致菩薩摩訶薩無量、無邊功德成就。」

丑二、釋成三歎

寅一、舉大智釋深境

卯一、佛歎阿鞞住般若生四智

何以故？是⁵菩薩摩訶薩得無量無邊智慧，不與一切聲聞、辟支佛共故。

阿鞞跋致菩薩住是智慧中，生四無闕智；得是⁶無闕智故，一切世間天及人無能窮盡。」

卯二、須菩提歎佛智無盡阿鞞功德亦無盡

須菩提白佛言：「世尊！佛能以恒⁷河沙等劫歎說阿鞞跋致菩薩摩訶薩

¹ 深奧＝燈炷【聖】，(燈炷)+深【宋】【元】【明】【宮】(大正 08, 343d, n.21)。

² 妙境法師，《摩訶般若波羅蜜經》冠科(下冊)，pp.723-740。

³ 對照《大智度論》卷 74 〈57 燈炷品〉(大正 25, 580b2-582a19)。

⁴ [是]－【聖】(大正 08, 343d, n.23)。

⁵ 是+(阿鞞跋致)【宋】【元】【宮】，是+(阿毘跋致)【明】(大正 08, 343d, n.24)。

⁶ 是+(四)【宋】【元】【明】【宮】(大正 08, 343d, n.25)。

⁷ (如)+恒【宋】【元】【明】【宮】(大正 08, 343d, n.26)。

行、類、相貌。」

寅二、舉理深奧釋

卯一、約空等法明深

辰一、須菩提問

須菩提言：「世尊！何等深奧處，阿鞞跋致菩薩摩訶薩住是中行六波羅蜜時，具足四念處，乃至具足一切種智？」

辰二、佛答

佛讚須菩提：「善哉！善哉！須菩提！汝為阿鞞跋致菩薩摩訶薩問是深奧處。

須菩提！深奧處者，空⁸是其義，無相、無作、無起⁹、無生、無染、寂滅、離¹⁰、如、法性、實際、涅槃。須菩提！如是等法，是為深奧義。」

卯二、正觀一切法如明深

辰一、出一切法明深

須菩提白佛言：「世尊！但空乃至涅槃是深奧，非一切法深奧耶？」

佛言：「一切法亦是深奧義。須菩提！色亦深奧，受、想、行、識亦深奧；眼亦深奧乃至意，色乃至法，眼界乃至意識界，檀那波羅蜜乃至般若波羅蜜，四念處乃至阿耨多羅三藐三菩提亦深奧。」

辰二、正觀一切法如故一切法深

「世尊！云何色深奧乃至阿耨多羅三藐三菩提亦深奧？」

佛言：「色如深奧故，色深奧；受、想、行、識如——乃至阿耨多羅三藐三菩提如深奧故，阿耨多羅三藐三菩提深奧。」

辰三、如不即不離一切法故一切法如深

「世尊！云何色如深奧乃至阿耨多羅三藐三菩提如深奧？」

「須菩提！是色如，非是色、非離色；乃至識如，非是識，非離識；乃至阿¹¹耨多羅三藐三菩提如，非是阿耨多羅三藐三菩提，非離阿耨多

⁸ 者空=空者【宮】(大正 08, 344d, n.1)。

⁹ 起=越【聖】(大正 08, 344d, n.2)。

¹⁰ 寂滅離=離寂滅【宋】【元】【明】(大正 08, 344d, n.3)。

¹¹ (是)+阿【宋】【元】【明】【宮】(大正 08, 344d, n.4)。

羅三藐三菩提。」

卯三、歎方便力令阿鞞不著涅槃不住生死

辰一、須菩提歎佛

須菩提白佛言：「希有！世尊微妙方便力故，令阿鞞跋致菩薩摩訶薩¹²離色處涅槃，亦令離受、想、行、識處涅槃，亦令離一切法——若世間若出世間、若有諍若無諍、若有漏若無漏法處涅槃。」

辰二、佛述成

佛言：「如是！如是！須菩提！佛以微妙方便力故，令阿鞞跋致菩薩離色處涅槃，乃至離有漏、無漏法處涅槃。」

丑三、明稱理修行功德無邊

寅一、法

復次¹³，須菩提！若菩薩摩訶薩如是甚深法與般若波羅蜜相應，觀察、籌量、思惟，作是念：『我應如是行，如般若波羅蜜中教；我應如是學，如般若波羅蜜中說。』

須菩提！若是菩薩摩訶薩能如說行、如說學，如般若波羅蜜中觀，具足勤精進，一念生時，當得無量無邊阿僧祇福德，是菩薩摩訶薩超越無量劫，近阿耨多羅三藐三菩提；何況常行般若波羅蜜，應阿耨多羅三藐三菩提念！

寅二、譬

須菩提！譬如多姪欲人，與端正淨潔女人共期；此女人限闕，不得時往¹⁴。於須菩提意云何？是人所念為在何處？」

「世尊！是人念念常在彼女人所，恒作是念，憶想¹⁵當來與共坐臥歡樂。」

「須菩提！是人一日一夜為有幾念生？」

須菩提言：「世尊！是人一日一夜其念甚多甚多！」

¹² [摩訶薩] — 【宋】【元】【明】【宮】(大正 08, 344d, n.5)。

¹³ [復次] — 【聖】(大正 08, 344d, n.6)。

¹⁴ 往=住【聖】(大正 08, 344d, n.7)。

¹⁵ 想=相(大正 08, 344d, n.8)。

寅三、合

佛告須菩提：「菩薩摩訶薩念般若波羅蜜，如般若波羅蜜中說行是道，一念頃¹⁶超越劫數，亦如彼人一日一夜心念之數。是菩薩摩訶薩行般若波羅蜜，遠離眾罪——所謂離阿耨多羅三藐三菩提罪。

子二、格量顯勝

丑一、自分無所得功德格量

是菩薩摩訶薩行般若波羅蜜，一日所得善根功德，假令滿如恒河沙等三千大千世界¹⁷中功德，猶亦不減；於餘殘功德，百分不及一分，千分千億萬分，乃至算數譬喻所不能及。

丑二、舉他分功德格量¹⁸

寅一、舉有所得財施格

卯一、約供養三寶格

復次，須菩提！若菩薩摩訶薩遠離般若波羅蜜，如恒河沙等劫布施三寶——佛寶、法寶、比丘僧寶。須菩提！於汝意云何？是菩薩摩訶薩以是因緣故，得福多不？」

須菩提言：「世尊！甚多，無量無邊阿僧祇。」

佛告須菩提：「不如菩薩摩訶薩深般若波羅蜜中一日如說修行得福多。何以故？般若波羅蜜是諸菩薩摩訶薩道，乘是道，疾得阿耨多羅三藐三菩提。

卯二、約供養眾聖格

須菩提！若菩薩摩訶薩遠離般若波羅蜜，如恒河沙等劫供養須陀洹、斯陀含、阿那含、阿羅漢、辟支佛及諸佛。於須菩提意云何？是菩薩摩訶薩以是因緣故，得福多不？」

須菩提言：「世尊！甚多！甚多！」

佛言：「不如是菩薩摩訶薩深般若波羅蜜如說修行一日得福多。何以故？菩薩摩訶薩行是般若波羅蜜，過一切聲聞、辟支佛地，入菩薩位，

¹⁶ 頃＝須【聖】(大正 08, 344d, n.9)。

¹⁷ 世界＝國土【聖】(大正 08, 344d, n.10)。

¹⁸ 對照《大智度論》卷 74〈57 燈炷品〉(大正 25, 582a20-584c4)。

漸漸得阿耨多羅三藐三菩提。

卯三、約行六度格

須菩提！菩薩摩訶薩遠離般若波羅蜜，如恒河沙等¹⁹劫，行²⁰布施、持戒、忍辱、精進、禪定、智慧。於汝²¹意云何？是人以是因緣故，得福多不？」

須菩提言：「世尊！甚多！甚多！」

佛言：「不如是菩薩摩訶薩行般若波羅蜜如說修行，一日布施、持戒、忍辱、精進、禪定、智慧得福多。何以故？須菩提！般若波羅蜜是菩薩摩訶薩母故，是般若波羅蜜能生諸菩薩摩訶薩。諸菩薩摩訶薩住般若波羅蜜中，能具足一切佛法故²²。」

寅二、舉有所得法施格

卯一、約行法施格

須菩提！若菩薩摩訶薩遠離般若波羅蜜，如恒河沙劫壽行法施。須菩提！於汝意云何？是人得福多不？」

須菩提言：「甚多²³！世尊！」

佛言：「不如是善男子、善女人深般若波羅蜜如說修行乃至一日法施得福多。何以故？須菩提！是菩薩摩訶薩不遠離般若波羅蜜，則不遠離一切種智；不遠離一切種智，則不遠離般若波羅蜜。以是故，須菩提！菩薩摩訶薩欲得阿耨多羅三藐三菩提，不當遠離般若波羅蜜。」

卯二、約行二乘菩提分乃至一切種智格

須菩提！若菩薩摩訶薩如恒河沙等劫，遠離般若波羅蜜，修行四念處乃至八聖道分、內空乃至一切種智。須菩提！於汝意云何？是善男子、善女人得福多不？」

須菩提言：「世尊！甚多！甚多！」

¹⁹ [等] — 【聖】(大正 08, 344d, n.11)。

²⁰ [行] — 【宋】【元】【明】【宮】【聖】(大正 08, 344d, n.12)。

²¹ [汝] — 【聖】(大正 08, 344d, n.13)。

²² [故] — 【聖】(大正 08, 344d, n.14)。

²³ 甚多世尊=(世尊甚多甚多)六字【宋】【元】【明】【宮】(大正 08, 344d, n.15)。

佛言：「不如是善男子、善女人深般若波羅蜜如說一日修行四念處乃至一切種智得福多。

何以故？須菩提！若菩薩摩訶薩不遠離般若波羅蜜，於薩婆若轉者，無有是處！

須菩提！若菩薩摩訶薩遠離般若波羅蜜，於薩婆若轉，則有是處。

須菩提！以是故，菩薩摩訶薩常不應遠離般若波羅蜜行。

寅三、舉有所得隨喜迴向格

卯一、約福德迴向格

須菩提！若菩薩摩訶薩遠離般若波羅蜜，如恒河沙等²⁴劫壽財施、法施及禪定福德，迴向阿耨多羅三藐三菩提。於汝意云何？是人得福多不？」

須菩提言：「世尊！甚多！甚多！」

佛言：「不如是善男子、善女人深般若波羅蜜如說修行，乃至一日財施、法施、禪定福德，迴向阿耨多羅三藐三菩提得福多。何以故？是第一迴向，所謂般若波羅蜜迴向。若遠離般若波羅蜜迴向，是不名迴向。

須菩提！以是故，若²⁵菩薩摩訶薩欲得阿耨多羅三藐三菩提，應方便學般若波羅蜜迴向。

卯二、約隨喜迴向格

須菩提！若善男子、善女人遠離般若波羅蜜，如恒河沙²⁶劫壽過去、未來、現在諸佛及弟子善根和合隨喜，迴向阿耨多羅三藐三菩提。須菩提！於汝意云何？是人得福多不？」

須菩提言：「世尊！甚多，甚多！」

佛言：「不如是善男子、善女人深般若波羅蜜如說修行乃至一日隨喜善根，迴向阿耨多羅三藐三菩提得福多。須菩提！以是故，菩薩摩訶薩欲得阿耨多羅三藐三菩提，應學般若波羅蜜中方便，迴向阿耨多羅三藐三菩提。」

²⁴ [等] — 【宋】【元】【明】【宮】【聖】(大正 08, 345d, n.1)。

²⁵ [若] — 【聖】(大正 08, 345d, n.2)。

²⁶ 沙+(等)【宋】【元】【明】【宮】(大正 08, 345d, n.3)。

子三、釋成勝義

丑一、正明

寅一、須菩提問

須菩提白佛言：「世尊！如佛所說：『因緣²⁷起法從妄想生，非實。』云何善男子、善女人得大福德？世尊！以²⁸是因緣起法，不應得正見、入法位，不應得須陀洹果，乃至不應得阿耨多羅三藐三菩提果²⁹。」

寅二、佛答

卯一、印有為虛誑無勝德

佛告須菩提：「如是！如是！須菩提！以是因緣起法，不應得正見、入法位，乃至不應得阿耨多羅三藐三菩提。

須菩提！行般若波羅蜜菩薩摩訶薩，知因緣起法亦空、無堅固，虛誑不實。

卯二、釋菩薩善學故德勝

辰一、善學十八空不著虛妄有

何以故？須菩提！是菩薩摩訶薩善學內空乃至善學無法有法空故。

辰二、雖觀畢竟空漸集諸福德

是菩薩摩訶薩住是十八空，種種觀作法空，即不遠離般若波羅蜜。若菩薩摩訶薩如是漸漸不離³⁰般若波羅蜜，漸漸得無數、無量、無邊福德。」

丑二、破著

寅一、菩薩福德三無即畢竟空

須菩提白佛言：「世尊！無數、無量、無邊，有何等異？」

「須菩提！無數者，名不墮數中——若有為性中、若無為性中。無量者，量不可得——若過去、若未來、若現在。無邊者，諸法邊不可得。」

²⁷ 起+(作)【宋】【元】【明】【宮】(大正 08, 345d, n.4)。

²⁸ 以=用【聖】(大正 08, 345d, n.5)。

²⁹ [果]—【聖】(大正 08, 345d, n.6)。

³⁰ (遠)+離【宋】【元】【明】【宮】【聖】(大正 08, 345d, n.7)。

寅二、五陰三無即畢竟空

須菩提言：「世尊！頗有色亦無數、無量、無邊？頗有受、想、行、識亦無數、無量、無邊？」

「須菩提！有因緣，色亦無數、無量、無邊，受、想、行、識亦無數³¹、無量、無邊。」

「世尊³²！何等因緣故，色亦無數、無量、無邊？受、想、行、識亦無數、無量、無邊？」

佛告須菩提：「色空故，無數、無量、無邊；受、想、行、識空故，無數、無量、無邊。」

寅三、一切法四無即畢竟空

「世尊！但色空、受想行識空，非一切法空耶？」

「須菩提！我不常³³說一切法空耶？」

須菩提言：「世尊！佛³⁴說一切法空。」

世尊！諸法空即是不可盡、無有數、無量、無邊。

世尊！空中數不可得，量不可得，邊不可得。以是故，世尊！是不可盡、無數、無量、無邊，義無有是³⁵異。」

寅四、結空相不可說世諦安立分別說

佛告須菩提：「如是！如是！是法義無別異。須菩提！是法不可說，佛以方便力故分別說——所謂不可盡、無數、無量、無邊、無著、空、無相、無作、無起、無生、無滅、無染³⁶、涅槃。佛種種因緣，以方便力說。」

癸二、明得菩提果

子一、就不增減義明得

³¹ [無數] — 【聖】(大正 08, 345d, n.8)。

³² [世尊何等因緣故色亦無數無量無邊] 十五字 — 【聖】(大正 08, 345d, n.9)。

³³ 不常 = 常不 【聖】(大正 08, 345d, n.10)。

³⁴ [佛] — 【聖】(大正 08, 345d, n.11)。

³⁵ [是] — 【宋】【元】【明】【宮】【聖】(大正 08, 345d, n.12)。

³⁶ 染 = 深 【聖】(大正 08, 345d, n.13)。

丑一、標空不可說即無增減義

須菩提白佛言：「希有！世尊！諸法實相不可說，而佛以方便力故說。世尊！如我解佛所說義，一切法亦不可說。」

佛言：「如是！如是！須菩提！一切法不可說。一切法不可說相即是空，是空不可說。」

「世尊！不可說義有增有減不？」

佛言：「不也，須菩提！不可說義無增無減。」

丑二、須菩提難

「世尊！若不可說義無增無減，檀那³⁷波羅蜜亦當無增無減，乃至般若波羅蜜亦當無增無減；四念處乃至八聖道分亦當無增無減；四禪、四無量心、四無色定、五神通、八背捨、八勝處、九次第定、佛十力、四無所畏、四無闍智、十八不共法，亦當無增無減。

世尊！若菩薩摩訶薩，六波羅蜜不增乃至十八不共法不增者，云何菩薩摩訶薩得阿耨多羅三藐三菩提？」

丑三、佛答

寅一、不取內外諸法行諸善行

佛言：「如是！如是！須菩提！不可說義無增無減。

菩薩摩訶薩習行般若波羅蜜有方便力故，不作是念：『我增般若波羅蜜乃至增檀那波羅蜜。』當作是念：『但名字故，名檀那波羅蜜。』

寅二、如無上道正迴向

是菩薩摩訶薩行檀那波羅蜜時，是心及諸³⁸善根，如阿耨多羅三藐三菩提相迴向；乃至行般若波羅蜜時，是心及諸³⁹善根，如阿耨多羅三藐三菩提相迴向。」

寅三、觀諸法如得無上道

須菩提白佛言：「世尊！何等是阿耨多羅三藐三菩提？」

³⁷〔那〕－【聖】(大正 08, 345d, n.14)。

³⁸〔諸〕－【聖】(大正 08, 345d, n.15)。

³⁹〔諸〕－【聖】(大正 08, 345d, n.16)。

佛言：「一切法如相，是名阿耨多羅三藐三菩提。」

須菩提白佛言：「世尊！何等是一切法如相是阿耨多羅三藐三菩提？」

佛告須菩提：「色如相，受、想⁴⁰、行、識如相，乃至涅槃如相，是阿耨多羅三藐三菩提是如相。」

寅四、觀如相亦不增減

是如相亦不增不減。

須菩提！是菩薩摩訶薩不離般若波羅蜜，常觀是如法，不見有增有減。

寅五、結無增減應般若行

以是因緣故，須菩提！不可說義無增無減，檀那波羅蜜亦不增不減，乃至十八不共法亦不增不減。

須菩提！菩薩摩訶薩以是不增不減法故，應般若波羅蜜行。」

子二、就無增減增減義明得⁴¹

丑一、須菩提難

寅一、雙定二門

須菩提白佛言：「世尊！菩薩摩訶薩用初心得阿耨多羅三藐三菩提？用後心得阿耨多羅三藐三菩提？」

寅二、釋難

世尊！是初心不至後心，後心不在初心。

寅三、正難

世尊！如是心心數法不具⁴²，云何善根增益？若善根不增，云何當得阿耨多羅三藐三菩提？」

丑二、佛釋

寅一、譬門釋

佛告須菩提：「我當為汝說譬喻，智者得譬喻，則⁴³於義易解。須菩

⁴⁰ 想=相【聖】(大正 08, 346d, n.1)。

⁴¹ 對照《大智度論》卷 75〈57 燈炷品〉(大正 25, 584c13-587b20)。

⁴² 具=俱【宋】【元】【明】【宮】【聖】(大正 08, 346d, n.2)。

⁴³ 則=明【宮】(大正 08, 346d, n.3)。

提！譬如然燈，為用初焰燋炷？為用後焰燋炷？」

須菩提言：「世尊！非初焰燋炷，亦非離初焰。世尊！非後焰燋炷，亦非離後焰。」

「須菩提！於汝意云何？炷為燋不？」

「世尊！炷實燋。」

寅二、法門釋

卯一、即離二心四句不得

佛告須菩提：「菩薩摩訶薩如是，不用初心得阿耨多羅三藐三菩提，亦不離初心得阿耨多羅三藐三菩提；不用後心得阿耨多羅三藐三菩提，亦不離後心得阿耨多羅三藐三菩提——

卯二、因緣假名得

而得阿耨多羅三藐三菩提。

寅三、重就法門明得義

卯一、略標

須菩提！是中菩薩摩訶薩從初發意行般若波羅蜜，具足十地，得阿耨多羅三藐三菩提。」

卯二、明具足十地得

須菩提白佛言：「世尊！何等是十地，菩薩具足已，得阿耨多羅三藐三菩提？」

佛言：「菩薩摩訶薩具足乾慧地、性地、八人地、見地、薄地、離欲地、已作地、辟支佛地、菩薩地、佛地——具足是地，得阿耨多羅三藐三菩提。」

卯三、結四句不得得

須菩提！菩薩摩訶薩學是十地已，非初心得阿耨多羅三藐三菩提，亦不離初心得阿耨多羅三藐三菩提；非後心得阿耨多羅三藐三菩提，亦非⁴⁴離後心得阿耨多羅三藐三菩提；而得阿耨多羅三藐三菩提。」

⁴⁴ 非=不【宋】【元】【明】【宮】(大正 08, 346d, n.4)。

癸三、明離二邊中道行

子一、釋聲聞人生滅疑

丑一、須菩提稱歎生疑

須菩提言：「世尊！是因緣法甚深，所謂非初心、非離初心，非後心、非離後心得阿耨多羅三藐三菩提，而得阿耨多羅三藐三菩提。」

丑二、佛反問答釋

寅一、釋生滅疑

卯一、心滅不更生

佛告須菩提：「於汝意云何？若心滅已，是心更生不？」

「不也，世尊！」

卯二、心生是滅相

「須菩提！於汝意云何，心生，是滅相不？」

「世尊！是滅相。」

卯三、心滅相非滅

「須菩提！於汝意云何？心滅相是滅不？」

「不也，世尊！」

寅二、釋住疑

卯一、心如如住

佛告須菩提：「於汝意云何，亦如是住不？」

須菩提言：「世尊！亦如是住，如『如』住。」

卯二、不證實際

佛告須菩提：「於汝意云何，若是心如『如』住，當⁴⁵作實際證不？」

「不也，世尊！」

寅三、歎如甚深

佛告須菩提：「於汝意云何？是『如』甚深不？」

「世尊！甚深！甚深！」

⁴⁵ 作實際證 = 證際【聖】(大正 08, 346d, n.5)。

寅四、釋心如不即不離

卯一、即如不是心

「須菩提！於汝意云何，但『如』是心不？」

「不也！世尊！」

卯二、離如不是心

「離『如』是心不？」

「不也！世尊！」

寅五、釋如無分別

「須菩提！於汝意云何？『如』見『如』不？」

「不也！世尊！」

寅六、結能如是行為行深般若

「須菩提！於汝意云何，若菩薩⁴⁶能如是行，為行深般若波羅蜜不？」

須菩提言：「世尊！若菩薩摩訶薩能如是行，為行深般若波羅蜜。」

子二、破始行菩薩有無二見執

丑一、正明

寅一、住如中行實無所行破有見

「須菩提！於汝意云何？若菩薩摩訶薩如是行，是何處行？」

須菩提言：「世尊！若菩薩摩訶薩作⁴⁷如是行，為無處所行。何以故？菩薩⁴⁸摩訶薩行般若波羅蜜，住諸法如中，無如是念，無念處亦無念者。」

寅二、第一義中無行行破無見

佛告須菩提：「若菩薩摩訶薩如是行，為何處行？」

須菩提言：「世尊！是⁴⁹菩薩摩訶薩如是行，為⁵⁰第一義中行，二行不可得故。」

⁴⁶ 薩+(摩訶薩)【宋】【元】【明】【宮】(大正 08, 346d, n.6)。

⁴⁷ [作]—【聖】(大正 08, 346d, n.7)。

⁴⁸ (若)+菩【宋】【元】【明】【宮】【聖】(大正 08, 346d, n.8)。

⁴⁹ [是]—【聖】*(大正 08, 346d, n.9)。

⁵⁰ 為=處【宋】【元】【明】【宮】(大正 08, 346d, n.10)。

丑二、責破

寅一、破有見

「須菩提！於汝意云何？若菩薩第一義無念中行，為行相不？」

「不也！世尊！」

寅二、破無見

「於汝意云何？是菩薩摩訶薩壞相不？」

「不也！世尊！」

丑三、結中道行

寅一、不壞法相行諸行

佛告須菩提：「云何名不⁵¹壞相？」

須菩提言：「世尊！是菩薩摩訶薩行般若波羅蜜，不作是念：『我當壞諸法相。』」

世尊！菩薩摩訶薩行般若波羅蜜，未具足佛十力、四無所畏、四無礙智、大慈大悲、十八不共法，不得阿耨多羅三藐三菩提。

寅二、以自相空方便不著有無

世尊！菩薩摩訶薩以方便力故，於諸法亦不取相，亦不壞相。何以故？世尊！是菩薩摩訶薩，知一切諸法自相空故。」

壬二、明化他功德無邊

癸一、明為眾生起行

子一、明起三三昧行

丑一、標

菩薩摩訶薩住是自相空中，為眾生故入三三昧，用是三三昧成就眾生。」

丑二、徵

須菩提言：「世尊！云何菩薩摩訶薩入三三昧成就眾生？」

丑三、釋

寅一、無作三昧

佛言：「菩薩住是三三昧，見眾生作法中行——菩薩以方便力教令得

⁵¹ [不] — 【聖】(大正 08, 346d, n.11)。

無作；

寅二、空三昧

見眾生我相中行——以方便力，教令行空；

寅三、無相三昧

見眾生一切相中行——以方便力故，教令行無相。

丑四、結

如是！須菩提！菩薩摩訶薩行般若波羅蜜，入三三昧，以三三昧成就眾生。」⁵²

⁵² 以上梵. *ity uktah śaikṣāvaivartiko ganaḥ*. (大正 08，346d，n.12)。

《摩訶般若波羅蜜經》卷 17 〈58 夢行¹品〉冠科²

《摩訶般若波羅蜜經》卷 17 (大正 08, 346c28-349b11) :

子二、論辨起行義³

丑一、論夢中行有益無益

寅一、舍利弗問

爾時，舍利弗問須菩提：「若菩薩摩訶薩夢中入三三昧——空、無相、無作三昧，寧有益於般若波羅蜜不？」

寅二、須菩提以般若正觀離覺夢益無益二邊答

須菩提報舍利弗：「若菩薩晝日入三三昧有益於般若波羅蜜，夜夢中亦當有益。何以故？晝夜夢中等無有⁴異。舍利弗！若菩薩摩訶薩晝日行般若波羅蜜有益⁵，是菩薩夢中行般若波羅蜜亦應有益。」

丑二、論夢中業集不集成

寅一、破如夢難

卯一、舍利弗難

辰一、正難

舍利弗問須菩提：「菩薩摩訶薩若夢中所作業，是業有集成不？」

辰二、釋難

如佛所⁶說：『一切法如夢。』以是故不應集成。何以故？夢中無有法集成。若覺時憶想分別，應有集成！」

卯二、須菩提反詰

須菩提語舍利弗：「若人夢中殺眾生，覺已憶念，取相分別：『我殺是快耶？』舍利弗！是事云何？」

¹ 夢行=夢中入三昧【聖】(大正 08, 346d, n.14)。

² 妙境法師，《摩訶般若波羅蜜經》冠科(下冊)，pp.741-755。

³ 對照《大智度論》卷 75 〈58 夢中入三昧品〉(大正 25, 587b22-588c27)。

⁴ [有] - 【聖】(大正 08, 347d, n.1)。

⁵ 益+(般若波羅蜜)五字【宋】【元】【明】【宮】(大正 08, 347d, n.2)。

⁶ [所] - 【聖】(大正 08, 347d, n.3)。

卯三、舍利弗答

辰一、無緣不生

舍利弗言：「無緣業不生，無緣思不生；

辰二、假因緣生

有緣業生，有緣思生。」

卯四、須菩提述成

辰一、可其言

「舍利弗！如是！如是！無緣業不生，無緣思不生；有緣業生，有緣思生。

辰二、假覺四因緣故夢中業集成

於見聞覺知法中心生，不從不見聞覺知法中心生，是中心有淨有垢。以是故，舍利弗！有緣⁷故業生，不從無緣生；有緣故思生，不從無緣生。」

寅二、破空義難

卯一、舍利弗難

舍利弗語須菩提：「如佛說：『一切諸業、諸思自相離。』云何言『有緣故⁸業生，無緣業⁹不生；有緣故思生，無緣思¹⁰不生』？」

卯二、須菩提答

辰一、取相故業集成

須菩提語舍利弗：「取相故，有緣業生，不從無緣生；

辰二、取相故思集成

取相故，有緣思生，不從無緣生。」

丑三、論夢中成不成迴向

寅一、舍利弗以有所得難

舍利弗語須菩提：「若菩薩摩訶薩夢中有布施、持戒、忍辱、精進、

⁷ (因)+緣【聖】(大正 08, 347d, n.4)。

⁸ [故]－【聖】(大正 08, 347d, n.5)。

⁹ [業]－【宋】【元】【明】【宮】(大正 08, 347d, n.6)。

¹⁰ [思]－【宋】【元】【明】【宮】(大正 08, 347d, n.7)。

禪定、智¹¹慧，是善根福德迴向阿耨多羅三藐三菩提，是實迴向不？」

寅二、須菩提仰推彌勒

須菩提語舍利弗：「彌勒菩薩今現在前，佛授不退轉記，當作佛；當問彌勒，彌勒當答。」

寅三、舍利弗請彌勒

舍利弗白彌勒菩薩：「須菩提言：『彌勒菩薩今現在前，佛授不退轉記，當作佛；彌勒當答！』」

寅四、彌勒就異門答

卯一、以名體真俗反責

彌勒菩薩語舍利弗：「當以彌勒名答耶？若色、受、想、行、識答耶？若色空答耶？若受、想、行、識空答耶？」

卯二、正明名體真俗不可得

辰一、不見能答所答

是色不能答，受、想、行、識不能答；色空不能答，受、想、行、識空不能答。我不見是法可答，不見能答者；

辰二、不見受記三法

我不見是人受記，亦不見法可受記者，亦不見受記處。是一切法皆無二無別。」

寅五、破不著如所說證即有能答所答難

舍利弗語彌勒菩薩：「如仁者所說，如是為得法作證不？」

彌勒¹²答舍利弗：「如我所說法，如是不證。」

寅六、舍利弗心念歎彌勒

爾時，舍利弗作是念：「彌勒菩薩智慧甚深，久行檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，用無所得故，能如是說。」

寅七、佛責舍利弗成不見證義

¹¹ 智+(修)【宮】(大正 08, 347d, n.8)。

¹² 勒+(菩薩)【宋】【元】【明】【宮】(大正 08, 347d, n.9)。

爾時，佛告舍利弗：「於汝意云何？汝用是法得阿羅漢，見是法不？」

舍利弗言：「不見也。」

「舍利弗！菩薩摩訶薩行般若波羅蜜亦如是，不作是念：『是法當得受記，是法已受記，是法當得阿耨多羅三藐三菩提。』如是，舍利弗！菩薩摩訶薩行般若波羅蜜，不疑我若得、若不得，自知實得阿耨多羅三藐三菩提。」¹³

癸二、明為眾生起佛土願¹⁴

子一、正明發大誓願

丑一、別約六度發六願

寅一、布施願

佛告須菩提：「有菩薩摩訶薩行檀那波羅蜜時，若見眾生飢寒凍餓，衣服弊壞，菩薩摩訶薩當作是願：『我隨爾所時行檀那波羅蜜，我得阿耨多羅三藐三菩提時，令我國土眾生無如是事。衣服、飲食、資生之具，當如四天王天、三十三天、夜摩天、兜率陀天、化樂天、他化自在天。』須菩提！菩薩摩訶薩作如是行，能具足檀那波羅蜜，近阿耨多羅三藐三菩提。」

寅二、持戒願

復次，須菩提！菩薩摩訶薩行尸羅波羅蜜時，見眾生殺生乃至邪見，短命¹⁵多病，顏色不好，無有威德，貧乏財物，生下賤家，形殘醜陋，當作是願：『我隨爾所時行尸羅波羅蜜，如我得佛時，令我國土眾生無如是事。』須菩提！菩薩摩訶薩作如是行，能具足尸羅波羅蜜，近阿耨多羅三藐三菩提。」

寅三、忍辱願

復次，須菩提！菩薩摩訶薩行羼提波羅蜜時，見諸眾生互相瞋恚罵詈，刀杖瓦石共相殘害奪命，當作是願：『我隨爾所時行羼提波羅蜜，我作

¹³ 以上大般若第二會第五十六夢行終.梵. *ity nktā bhava śānti samatā*. (大正08, 347d, n.10)。

¹⁴ 對照《大智度論》卷75〈58 夢中入三昧品〉(大正25, 588c28-591a19)。

¹⁵ 命=壽【宋】【元】【明】【宮】【聖】(大正08, 347d, n.11)。

佛時¹⁶，令我國土眾生無如是事。相視如父、如母、如兄、如弟、如姊妹¹⁷、如善知識，皆行慈悲。』須菩提！菩薩摩訶薩作如是行，能具足羸提波羅蜜，近阿耨多羅三藐三菩提。

寅四、精進願

復次，須菩提！菩薩摩訶薩行毘梨耶波羅蜜時，見眾生懈怠，不勤精進，棄捨三乘——聲聞、辟支佛、佛乘，當作是願：『我隨爾所時行毘梨耶波羅蜜，如我得阿耨多羅三藐三菩提時，令我國土眾生無如是事。一切眾生勤修精進，於三乘道各得度脫。』須菩提！菩薩摩訶薩作如是行，能具足毘梨耶波羅蜜，近阿耨多羅三藐三菩提。

寅五、禪定願

復次，須菩提！菩薩摩訶薩行禪那波羅蜜時，見眾生為五蓋所覆——婬欲¹⁸、瞋恚、睡眠、調¹⁹悔、疑，失於初禪乃至第四禪，失慈、悲、喜、捨、虛空處、識處、無所有處、非有想非無想處，當作是願：『我隨爾所時行禪那波羅蜜，如我得阿耨多羅三藐三菩提時，令我國土眾生無如是事。』須菩提！菩薩摩訶薩作如是行，能具足禪那波羅蜜，近阿耨多羅三藐三菩提。

寅六、般若願

復次，須菩提！菩薩摩訶薩行般若波羅蜜時，見眾生愚癡，失世間、出世間正見——或說無業、無業因緣，或說神常、或說斷滅，或說無所有，當作是願：『我隨爾所時行般若波羅蜜，淨佛國土、成就眾生，如我得阿耨多羅三藐三菩提時，令我國土眾生無如是事。』須菩提！菩薩摩訶薩作如是行，能具足般若波羅蜜，疾²⁰近一切種智。

丑二、總約六度發願

寅一、無邪聚願

復次，須菩提！菩薩摩訶薩行六波羅蜜時，見眾生住於三聚：一者、

¹⁶ [我作佛時] — 【宋】【元】【明】【宮】【聖】(大正 08, 347d, n.12)。

¹⁷ (如)+妹 【宋】【元】【明】【宮】(大正 08, 347d, n.13)。

¹⁸ 欲=慾 【宋】【元】【明】【宮】【聖】(大正 08, 347d, n.14)。

¹⁹ 調=掉 【元】【明】【聖】(大正 08, 347d, n.15)。

²⁰ [疾] — 【宋】【元】【明】【宮】【聖】(大正 08, 348d, n.1)。

必正聚，二者、必邪聚，三者、不定聚，當作是願：『我隨爾所時行六波羅蜜，淨佛國土、成就眾生，我得佛時，令我國土眾生無邪聚，乃至無其名。』須菩提！菩薩摩訶薩作如是行，能具足六波羅蜜，疾近一切種智。

寅二、無惡道願

復次，須菩提！菩薩摩訶薩行六波羅蜜時，見地獄中眾生，畜生、餓鬼中眾生，當作是願：『我隨爾所時行六波羅蜜，淨佛國土、成就眾生，我得佛時，令我國土中乃至無三惡道名。』須菩提！菩薩摩訶薩作如是行，能具足六波羅蜜，近一切種智。

寅三、國土平正願

復次，須菩提！菩薩摩訶薩行六波羅蜜時，見是大地株杌²¹、荊棘²²、山陵、溝坑、穢惡之處，當作是願：『我隨爾²³所時行六波羅蜜，淨佛國土、成就眾生，我作佛時，令我國土無如是惡，地平如掌。』須菩提！菩薩摩訶薩作如是行，能具足六波羅蜜，近一切種智。

寅四、金沙布地願

復次，須菩提！菩薩摩訶薩行六波羅蜜時，見是大地純土，無有金銀珍寶，當作是願：『我隨爾所時行六波羅蜜，淨佛國土、成就眾生，我作佛時，令我國土以黃²⁴金沙布地。』須菩提！菩薩摩訶薩作如是行，能具足六波羅蜜，近一切種智。

寅五、眾生無著願

復次，須菩提！菩薩摩訶薩行六波羅蜜時，見眾生有所戀著，當作是願：『我隨爾所時行六波羅蜜，淨佛國土、成就眾生，我作佛時，令我國土眾生無所戀著。』須菩提！菩薩摩訶薩作如是行，能具足六波羅蜜，近阿耨多羅三藐三菩提。

寅六、四姓無別願

²¹ 杌=兀【宋】【宮】【聖】(大正 08, 348d, n.2)。

²² 棘=棘【聖】(大正 08, 348d, n.3)。

²³ 爾=於【宋】【元】(大正 08, 348d, n.4)。

²⁴ [黃]—【聖】(大正 08, 348d, n.5)。

復次，須菩提！菩薩摩訶薩行六波羅蜜時，見四姓眾生——剎帝²⁵利、婆羅門、毘²⁶舍、首陀羅，當作是願：『我隨爾所時行六波羅蜜，淨佛國土、成就眾生，我作佛時，令我國土眾生無四姓之名。』須菩提！菩薩摩訶薩作如是行，能具足六波羅蜜，近阿耨多羅三藐三菩提。

寅七、家無優劣願

復次，須菩提！菩薩摩訶薩行六波羅蜜時，見眾生有下、中、上，下中、上、家，當作是願：『我隨爾所時行六波羅蜜，淨佛國土、成就眾生，我作佛時，令我國土眾生無如是優²⁷劣。』須菩提！菩薩摩訶薩作²⁸如是行，能具足六波羅蜜，近一切種智。

寅八、妙色成就願

復次，須菩提！菩薩摩訶薩行六波羅蜜時，見眾生種種別異色，當作是願：『我隨爾所時行六波羅蜜，淨佛國土、成就眾生，我作佛時，令²⁹我國土眾生無種種別異色，一切眾生皆端正淨潔，妙色成就。』須菩提！菩薩摩訶薩³⁰作如是行，能具足六波羅蜜，近一切種智。

寅九、眾生無主願

復次，須菩提！菩薩摩訶薩行六波羅蜜時，見眾生有主，當作是願：『我隨爾所時行六波羅蜜，淨佛國土、成就眾生，我作佛時，令我國土眾生無有主名，乃至無其³¹形像——除佛法王。』須菩提！菩薩摩訶薩作如是行，能具足六波羅蜜，近一切種智。

寅十、同修道品願

復次，須菩提！菩薩摩訶薩行六波羅蜜時，見眾生有六道別異，當作是願：『我隨爾所時行六波羅蜜，淨佛國土、成就眾生，我作佛時，令我國土眾生無六道之名——是³²地獄，是畜生，是餓鬼，是神³³，是天，

²⁵ [帝] — 【宋】【宮】(大正 08, 348d, n.6)。

²⁶ 毘 = 鞞【聖】(大正 08, 348d, n.7)。

²⁷ 優 = 憂【聖】(大正 08, 348d, n.8)。

²⁸ 作 = 行【宮】(大正 08, 348d, n.9)。

²⁹ 令 = 爾【聖】(大正 08, 348d, n.10)。

³⁰ [摩訶薩] — 【聖】(大正 08, 348d, n.11)。

³¹ 其 = 異【宋】【元】【明】【宮】(大正 08, 348d, n.12)。

³² [是] — 【聖】(大正 08, 348d, n.13)。

是人；一切眾生皆同一業——修四念處乃至八聖道分。』須菩提！菩薩摩訶薩作如是行，能具足六波羅蜜，疾近一切種智。

寅十一、等一化生願

復次，須菩提！菩薩摩訶薩行六波羅蜜時，見眾生有四生——卵生、胎生、濕生、化生，當作是願：『我隨爾所時行六波羅蜜，淨佛國土、成就眾生，我作佛時，令我國土眾生無三種生，等一化生。』須菩提！菩薩摩訶薩作如是行，能具足六波羅蜜，近一切種智。

寅十二、皆得五通願

復次，須菩提！菩薩摩訶薩行六波羅蜜時，見眾生無五神通，當作是願：『我隨爾所³⁴時行六波羅蜜，淨佛國土、成就眾生，我作佛時，令我國土眾生一切³⁵皆得五³⁶通。』——乃至疾近一切種智。

寅十三、無便利患願

復次，須菩提！菩薩摩訶薩行六波羅蜜時，見眾生有大小便患³⁷，當作是願：『我作佛時，令我國土中³⁸眾生，皆以歡喜為食，無有便利之患。』——乃至近一切種智。

寅十四、身具光明願

復次，須菩提！菩薩摩訶薩行六波羅蜜時，見眾生無有光明，當作是願：『我作佛時，令我國土中眾生皆有光明。』——乃至近一切種智。

寅十五、無有歲節願

復次，須菩提！菩薩摩訶薩行六波羅蜜時，見有日月、時節、歲數，當作是願：『我作佛時，令我國土中無有日月、時節、歲數之名。』——乃至近一切種智。

寅十六、壽命無量願

復次，須菩提！菩薩摩訶薩行六波羅蜜時，見眾生短命，當作是願：

³³ 神=阿修羅【聖】(大正 08, 348d, n.14)。

³⁴ 所=許【宮】【聖】(大正 08, 348d, n.15)。

³⁵ [一切] - 【聖】(大正 08, 348d, n.16)。

³⁶ 五+(神)【宋】【元】【明】【宮】【聖】(大正 08, 348d, n.17)。

³⁷ [患] - 【宋】【宮】(大正 08, 348d, n.18)。

³⁸ [中] - 【聖】(大正 08, 348d, n.19)。

『我作佛時，令我國土中眾生壽命無量劫。』——乃至近一切種智。

寅十七、相好成就願

復次，須菩提！菩薩摩訶薩行六波羅蜜時，見眾生無有相好，當作是願：『我作佛時，令我國土中眾生皆有三十二相成就。』——乃至近一切種智。

寅十八、善根成就願

復次，須菩提！菩薩摩訶薩行六波羅蜜時，見眾生離諸善根，當作是願：『我作佛時，令我國土中眾生諸善根成就，以是善根故³⁹，能供養諸佛。』——乃至近一切種智。

寅十九、無惑業苦願

復次，須菩提！菩薩摩訶薩行六波羅蜜時，見眾生有三毒、四病，當作是願：『我作佛時，令我國土眾生無四種病——冷、熱、風病、三種雜病及三毒病。』——乃至近一切種智。

寅二十、純一大乘願

復次，須菩提！菩薩摩訶薩行六波羅蜜時，見眾生有三乘，當作是願：『我作佛時，令我國土中眾生無二乘之名，純一大乘。』——乃至近一切種智。

寅二十一、無增上慢願

復次，須菩提！菩薩摩訶薩行六波羅蜜時，見眾生有增上慢，當作是願：『我作佛時，令我國土中眾生無增上慢之名。』——乃至近一切種智。

寅二十二、壽等無量願

復次，須菩提！菩薩摩訶薩行六波羅蜜時，應作是願：『若我光明、壽命有量，僧⁴⁰數有限，當作是願：「我行六波羅蜜，淨佛國土、成就眾生，我作佛時，令我光明、壽命無量，僧數無限。」』——乃至近⁴¹一切種智。

³⁹ 善根故＝福德【宋】【元】【明】【宮】【聖】（大正 08，349d，n.1）。

⁴⁰ 僧＝增【明】（大正 08，349d，n.2）。

⁴¹〔近〕－【聖】（大正 08，349d，n.3）。

寅二十三、國土無量願

復次，須菩提！菩薩摩訶薩行六波羅蜜時，應作是願：『若我國土有量，當作是願：「我隨爾所時行六波羅蜜，淨佛國土、成就眾生，我作佛時，令我一國土如恒河沙等諸佛國土。」』須菩提！菩薩摩訶薩作如是行，能具足六波羅蜜，近一切種智。

子二、防始行菩薩退心

丑一、觀生死眾生如虛空

復次，須菩提！菩薩摩訶薩行六波羅蜜時，當作是念：『雖生死道長、眾生性多，爾時應如是正憶念——生死邊如虛空，眾生性邊亦如虛空，

丑二、空中生死解脫不可得

是中實無生死往來，亦無解脫者。』

丑三、如是行近一切種智

菩⁴²薩摩訶薩作如是行，能具足六波羅蜜近一切種智。」⁴³

⁴² (須菩提)+ 菩【宋】【元】【明】【宮】(大正 08，349d，n.4)。

⁴³ 梵此處無區分(大正 08，349d，n.5)。

《摩訶般若波羅蜜經》卷 18 〈59 河天¹品〉冠科²

《摩訶般若波羅蜜經》卷 18 (大正 08, 349b18-350a4) :

癸三、明願行成得受記³

子一、明願行成

丑一、陳悟

爾時，有一女⁴人，字恆伽提婆⁵，在眾中坐。是女人從座起，偏⁶袒右肩，右膝著地，合掌⁷白佛言：「世尊！我當行六波羅蜜⁸，取淨佛國土，如佛般若波羅蜜中所說，我盡當行。」

丑二、供養

是時，女人以金銀華及水陸生華、種種莊嚴供養之具，金縷織成氎兩張以散佛上；散已，於佛頂上虛空中化成四柱寶臺，端正嚴好。

丑三、迴向

是女人持是功德，與一切眾生共之，迴向阿耨多羅三藐三菩提。

子二、得受記

丑一、現瑞

爾時，世尊知是女人深心因緣，即時微笑⁹。如諸佛法種種色光從口中出，青、黃、赤、白、紅、縹，徧照十方無量無邊佛國，還繞佛三匝，從頂上入。

丑二、問瑞所由

¹ 河天=恆伽提婆【宋】【元】【明】【宮】，=摩訶般若波羅蜜經恆伽提婆【聖】(大正 08, 349d, n.8)。

² 妙境法師，《摩訶般若波羅蜜經》冠科(下冊)，pp.756-758。

³ 參照《大智度論》卷 75 〈59 恆伽提婆品〉(大正 25, 591a21-592a10)。

⁴ (一)+女【元】【明】(大正 08, 349d, n.9)。

⁵ Gaṅgādevā. (大正 08, 349d, n.10)。

⁶ 偏=徧【聖】(大正 08, 349d, n.11)。

⁷ 手=掌【聖】(大正 08, 349d, n.12)。

⁸ 蜜+(行)【聖】。(大正 08, 349d, n.13)。

⁹ 笑=咲【聖】(大正 08, 349d, n.14)。

爾時，阿難從座起，右膝著地，合掌¹⁰白佛：「佛何因緣微笑？諸佛法不以無因緣而笑！」

丑三、正授記

寅一、如來現瑞為授記

佛告阿難：「是恆伽提婆姊未來世中當作佛，劫名星宿，佛號金華。阿難！是女人畢是¹¹女身，受男子形，當生阿閼佛阿毗¹²羅提國土，於彼淨修梵行。阿難！是菩薩在彼國土，亦號金華。是金華菩薩於彼壽終，復至他方佛國¹³；從一佛國至一佛國，不離諸佛。譬如轉輪聖王，從一觀至一觀，從生至終，足不蹈地。阿難！是金華菩薩摩訶薩亦如是，從一佛國至一佛國，乃至阿耨多羅三藐三菩提，未嘗¹⁴不見佛。」

寅二、阿難歎妙，佛印成

時，阿難作是念言¹⁵：「是金華菩薩摩訶薩後作佛時，諸菩薩摩訶薩會，當知為如佛會。」

佛知阿難意所念，告阿難言：「如是！如是！金華佛時菩薩摩訶薩會，當知為如佛會。阿難！是金華佛比丘僧無量無邊、不可數¹⁶不可稱¹⁷，若干百千萬¹⁸億那由他。阿難！是金華菩薩作佛時，其國土無有是諸眾惡¹⁹，如上所說。」

子三、出往因釋得記由

阿難白佛言：「世尊！是女人從何處殖²⁰德²¹本、種善根？」

¹⁰ 手=掌【宋】【元】【明】【宮】【聖】(大正 08, 349d, n.15)。

¹¹ [是]—【宋】【元】【明】，是=此【聖】(大正 08, 349d, n.16)。

¹² 鞞=毗【宋】【元】【明】(大正 08, 349d, n.17)。

¹³ 國=土【宋】【元】【明】【宮】(大正 08, 349d, n.18)。

¹⁴ 常=嘗【元】【明】(大正 08, 349d, n.19)。

¹⁵ [言]—【聖】(大正 08, 349d, n.20)。

¹⁶ 稱=數【宋】【元】【明】【宮】(大正 08, 349d, n.22)。

¹⁷ 數=稱【宋】【元】【明】【宮】(大正 08, 349d, n.23)。

¹⁸ [僧無量無邊不可稱不可數若干百千萬]十六字—【聖】(大正 08, 349d, n.21)。

¹⁹ 有+(是諸)【宋】【元】【明】【宮】【聖】(大正 08, 349d, n.24)。

²⁰ 殖=植【明】(大正 08, 349d, n.25)。

²¹ (眾)+德【聖】(大正 08, 349d, n.26)。

佛告阿難：「是女人從然燈佛種善根，初發阿耨多羅三藐三菩提心，以是功德，迴向阿耨多羅三藐三菩提；亦以金華散然燈佛上，求阿耨多羅三藐三菩提。阿難！如我爾時以五華散然燈佛上，求阿耨多羅三藐三菩提。然燈佛知我善根成就，與我授²²阿耨多羅三藐三菩提記。是女人聞我受記，發心言：『願²³我當來世亦如是菩薩，得受阿耨多羅三藐三菩提記。』阿難！當知是女人於然燈佛初發心。」

阿難白佛言：「世尊！是女人久習行阿耨多羅三藐三菩提。」

佛言：「如是！如是！是女人久習行阿耨多羅三藐三菩提。²⁴」

²² 受=授【宋】【元】【明】【宮】【聖】(大正 08，349d，n.27)。

²³ [願]—【聖】(大正 08，349d，n.28)。

²⁴ 以上梵. ity uktā kṣetraśuddhir anuttarā. (大正 08，350d，n.1)。

《摩訶般若波羅蜜經》卷 18 〈60 不證品¹〉 冠科²

《摩訶般若波羅蜜經》卷 18 (大正 08, 350a5-351c6) :

壬三、雙明二行得成³

癸一、明學空不證

子一、明始行人學空入空

丑一、須菩提問

須菩提白佛言：「世尊！若菩薩摩訶薩欲行般若波羅蜜，云何學空三昧？云何入空三昧？云何學無相、無作三昧？云何入無相、無作三昧？云何學四念處？云何修四念處？乃至云何學八聖道分？云何修八聖道分？」

丑二、佛答

寅一、觀三界一切法空入深定

佛告須菩提：「菩薩摩訶薩行般若波羅蜜時，應觀色空、受想行識空，十二入、十八界空⁴，乃至應觀欲、色、無色界空。作是觀時，不令心亂。

寅二、定深慧利不見空不作證

是菩薩摩訶薩若心不亂，則不見是法；若不見是法，則不作證。何以故？是菩薩摩訶薩善學自相空故，不有餘、不有分，證⁵法、證者皆不可見。」

子二、明菩薩薩不證空

丑一、須菩提問

須菩提白佛言：「世尊！如佛所說，菩薩摩訶薩不應空法作證。世尊！云何菩薩住空法中而不作證？」

¹ (學空)+不【明】，(行空中)+不【聖】(大正 08, 350d, n.3)。

² 妙境法師，《摩訶般若波羅蜜經》冠科(下冊)，pp.759-768。

³ 對照《大智度論》卷 76 〈60 學空不證品〉(大正 25, 592a20-594c23)。

⁴ [空] - 【聖】(大正 08, 350d, n.5)。

⁵ (不作證)+證【明】【宮】【聖】(大正 08, 350d, n.6)。

丑二、佛答

寅一、正明

卯一、具足觀空

佛告須菩提：「若菩薩摩訶薩具足觀空，

卯二、先作願

先作是願：『我今不應空法作證；我今學時，非是證時。』

卯三、不專攝心於空

菩薩摩訶薩不專攝心繫在緣中，

寅二、結

⁶是故菩薩摩訶薩於阿耨多羅三藐三菩提中不退，亦不取漏盡證。

癸二、明不證故二行成

子一、明自行成

須菩提！若菩薩摩訶薩如是大善妙法成就。何以故？住是空中，作是念：『我今是學時，非是證時。』

須菩提！菩薩摩訶薩應如是念：『我是學檀那波羅蜜時，非是證時；學尸羅波羅蜜、羼提波羅蜜、毗梨耶波羅蜜、禪那⁷波羅蜜時，修四念處時乃至修八聖道分時，非是證時；修空三昧、無相三昧、無作三昧時，非是證時。修佛十力、四無所畏、四無礙智、十八不共法、大慈大悲時，非是證時。我今學一切種智時，非是得須陀洹果證，乃至阿羅漢果⁸、辟支佛道證時。』

如是！須菩提！菩薩摩訶薩行般若波羅蜜，學空觀，住空中；學無相、無作觀，住無相、無作中；修四念處不證四念處，乃至修八聖道分不證八聖道分。是菩薩雖學三十七品、雖行三十七品，而不作須陀洹果證乃至辟支佛道。

子二、明化他行成

丑一、舉壯夫譬

⁶〔以〕－【聖】(大正 08, 350d, n.7)。

⁷〔那〕－【聖】下同(大正 08, 350d, n.8)。

⁸〔果〕－【聖】(大正 08, 350d, n.9)。

須菩提！譬如壯夫勁勇猛健，善於兵法，六十四能，堅持器仗⁹，安立不動，巧諸伎¹⁰術，端正淨潔，人所愛敬；少修事業，得報利多。以是因緣故，眾所恭敬、尊重讚歎；見人敬重，倍復歡喜。少有因緣，當至他處，扶將老弱，過諸險難恐怖之處；安慰父母，曉喻妻子：『莫有恐懼！我能過此，必無所苦。』險難道中，多有怨賊潛伏劫害，其人智力具足故，能度惡道，還歸本處，不遇賊害，歡喜安樂。

丑二、合法

須菩提！菩薩摩訶薩亦如是，於一切眾生中，慈、悲、喜、捨心遍滿足。

爾時，菩薩摩訶薩住四無量心，具足六波羅蜜，不取漏盡證；學一切種智，入空、無相、無作解脫門。是時，菩薩不隨一切諸相，亦不證無相三昧；以不證無相三昧故，不墮聲聞、辟支佛地。

子三、兩譬雙釋二行成

丑一、鳥翼譬

寅一、舉譬

須菩提！譬如有翼之鳥，飛騰虛空而不墮墜，雖在空中，亦不住空。

寅二、合法

須菩提！菩薩摩訶薩亦如是，學空解脫門，學無相、無作解脫門，亦不作證；以不¹¹證故，不墮聲聞、辟支佛地；未具足佛十力、大慈大悲、無量諸佛法、一切種智，亦不證空、無相、無作解脫門。

丑二、善射譬

寅一、舉譬

須菩提！譬如健人，學諸射法，善於射術，仰¹²射空中，復以後箭射於前箭，箭箭相拄¹³，不令前墮¹⁴，隨意自在；若欲令墮，便止後箭，

⁹ 器仗=品杖【聖】(大正 08, 350d, n.10)。

¹⁰ 伎=技【元】【明】(大正 08, 350d, n.11)。

¹¹ 不+(作)【宋】【元】【明】【宮】(大正 08, 350d, n.12)。

¹² 仰=御【聖】(大正 08, 350d, n.13)。

¹³ 拄=注【聖】(大正 08, 350d, n.14)。

¹⁴ 前墮=墮地【宋】【元】【明】【宮】(大正 08, 350d, n.15)。

爾乃墮地。

寅二、合法

須菩提！菩薩摩訶薩亦如是。行般若波羅蜜，以方便力故，為阿耨多羅三藐三菩提，諸善根未具足，不於實際作證；若¹⁵善根成就，是時便於實際作證。

以是故，須菩提！菩薩摩訶薩行般若波羅蜜時，應如是觀諸法法¹⁶相！」

癸三、二行既成稱歎希有

須菩提白佛言：「世尊！菩薩摩訶薩所為甚難。何以故？雖學是諸法相、學實際、學如、學法性、學畢竟空，乃至學自相空及三解脫門，終不中道墮落。世尊！是甚希有！」

戊二、歎釋三根人依信修行二慧既成方便利物

己一、明三根人方便利物故不證空

庚一、總明

辛一、大悲本願所持雖行空不作證

佛告須菩提：「是菩薩摩訶薩不捨一切眾生故，作如是願。

須菩提！若是¹⁷菩薩摩訶薩作是念：『我不應捨一切眾生！一切眾生沒在無所有法中，我應當度！』爾時，即入空解脫門、無相解脫門、無作解脫門。須菩提！當知是菩薩摩訶薩成就方便力，未得一切種智，行是解脫門，亦不中道取實際證。

辛二、先生悲心入諸觀門不證實際不墮二乘

復次，須菩提！菩薩摩訶薩欲觀是諸甚深法，所謂內空乃至無法有法空，四念處乃至三解脫門。爾時，菩薩摩訶薩應生如是心：『是諸眾生長夜行我相乃至知者、見者相，著於得法；為眾生斷是諸相故，得阿耨多羅三藐三菩提時¹⁸，當說法。』

¹⁵〔若〕－【聖】(大正 08, 350d, n.16)。

¹⁶〔法〕－【聖】(大正 08, 350d, n.17)。

¹⁷〔是〕－【宋】【元】【明】【宮】(大正 08, 350d, n.18)。

¹⁸〔時〕－【聖】(大正 08, 350d, n.19)。

爾時，菩薩行空解脫門，無相、無作解脫門，亦不¹⁹取實際證；以不證故，不墮須陀洹果乃至辟支佛道。

辛三、不證實際不失諸德諸根猛利勝於二乘

須菩提！是菩薩摩訶薩以是心，欲成就善根故，不中道實際作證，不失四禪、四無量心、四無色定，四念處乃至八聖道分，空、無相、無作，佛十力、四無所畏、四無礙智、大慈大悲、十八不共法。

是時，菩薩摩訶薩成就一切助道法，乃至阿耨多羅三藐三菩提，終不耗減。是菩薩有方便力故，常增益善法，諸根通利，勝於阿羅漢、辟支佛根。

庚二、別明行三空不作證

辛一、明修無作三昧

復次，須菩提！若菩薩摩訶薩作是念：『眾生長夜著四顛倒——常相、樂相、淨相、我相；為是眾生故，求薩婆若。我得阿耨多羅三藐三菩提時，為說無常法，苦、不淨、無我法。』是菩薩成就是心，以方便力行般若波羅蜜，不得佛三昧，未具足佛十力、四無所畏、四無礙智、大慈大悲、十八不共法，亦不實際作證。爾時，菩薩修無作解脫門，雖未得阿耨多羅三藐三菩提，亦不實際作證。

辛二、明修空三昧

復次，須菩提！若菩薩摩訶薩作是念：『眾生長夜著得法——所謂我、眾生乃至知者、見者，是色、是受想行識、是人、是界，是四禪、四無量心、四無色定；我如是行，如我得阿耨多羅三藐三菩提時，令眾生無是得法。』

菩薩是心成就，以方便力行般若波羅蜜，未具足佛十力、四無所畏、四無礙智、大慈大悲、十八不共法，不於實際作證。爾時，菩薩具足修空三昧。

辛三、明修無相三昧

復次，須菩提！若菩薩摩訶薩作是念：『眾生長夜行諸相——所謂男相、女相、色相、無色相；我如是行，如我得阿耨多羅三藐三菩提時，

¹⁹〔應〕—【宋】【元】【明】【宮】【聖】(大正 08, 350d, n.20)。

令眾生無是諸相過失！』

是心成就，以方便力行般若波羅蜜，未具足佛十力，乃至十八不共法，不於實際作證。爾時，菩薩摩訶薩具足修無相三昧。

己二、明得失

庚一、略明

辛一、正明

壬一、明智慧成就者得

須菩提！若菩薩摩訶薩學六波羅蜜，學內空乃至無法有法空，學四念處乃至空、無相、無作解脫門，學佛十力、四無所畏、四無礙智、大慈大悲，學十八不共法；如是智慧成就，若著作法、若住三界，無有是處！

壬二、明未得記者失

癸一、行助道前先試問

是菩薩摩訶薩學助道法、行助道法時，應當試問：『菩薩摩訶薩欲得阿耨多羅三藐三菩提，云何學是法，觀空，不證²⁰實際？以不證故，不墮須陀洹果乃至辟支佛道；觀無相、無作、無起、無生、無所有，亦不²¹證²²，而修行般若波羅蜜。』應如是問！

癸二、不說方便學相故未為諸佛所授記

須菩提！若諸菩薩摩訶薩若試問時，是菩薩若如是答：『菩薩摩訶薩但應觀空，但應觀無相、無作、無起、無生、無所有，是菩薩摩訶薩不應學空、無相、無作、無起、無生、無所有，不應學是助道法。』須菩提！當知是菩薩，諸佛未授²³阿耨多羅三藐三菩提記²⁴。何以故？是人不能說阿鞞跋²⁵致菩薩所學相，不能示、不能答。

壬三、明阿鞞菩薩得

若是菩薩摩訶薩能說、能示、能答阿鞞跋致所學相，當知是菩薩摩訶

²⁰ [空] — 【宋】【元】【明】【宮】【聖】(大正 08, 351d, n.1)。

²¹ [取] — 【宋】【元】【明】【宮】【聖】(大正 08, 351d, n.2)。

²² [實際] — 【聖】(大正 08, 351d, n.3)。

²³ 授=記【聖】(大正 08, 351d, n.4)。

²⁴ [記] — 【聖】(大正 08, 351d, n.5)。

²⁵ 惟越=鞞跋【宋】【元】【宮】【聖】，=毗跋【明】(大正 08, 351d, n.6)。

薩已習學菩薩道、入薄地，如餘阿鞞跋致菩薩摩訶薩阿鞞跋致地。」

王四、明未得記者得

須菩提白佛言：「世尊！頗有未得阿鞞跋致菩薩，能如是答不？」

佛言：「有！須菩提！是菩薩摩訶薩，六波羅蜜若聞、若不聞，能如是答，如阿鞞跋致菩薩摩訶薩。」

辛二、料簡

須菩提言：「世尊！多有菩薩求佛道，少有菩薩能如是答如阿鞞跋致菩薩摩訶薩學道、無學道中。」

佛語須菩提：「如是！如是！是菩薩甚少！何以故？菩薩摩訶薩少有如是得受記阿鞞跋致慧²⁶地；若有得受記，是人能如是答。是人善根明了，諸天世人所不能壞。²⁷」

²⁶ (乾)+慧【宋】【元】【明】，〔慧〕－【聖】(大正 08，351d，n.7)。

²⁷ 以上梵. ity uktā kṣetraśuddhir anuttarā. (大正 08，351d，n.8)。

《摩訶般若波羅蜜經》卷 18 〈61 夢誓¹品〉冠科²

《摩訶般若波羅蜜經》卷 18 (大正 08, 351c7-355c9) :

庚二、廣明³

辛一、廣明得

壬一、約夢中願行辨

癸一、約夢中起行

子一、不貪二乘及三界相

佛告須菩提：「若菩薩摩訶薩乃至夢中不貪聲聞、辟支佛地，亦不貪三界，觀諸法如夢、如幻、如響⁴、如焰、如化亦不作證。

須菩提！當知是阿鞞跋致菩薩摩訶薩阿鞞跋致相。

子二、聞法解義隨法行

復次，須菩提！菩薩摩訶薩夢中見佛與無數百千萬億比丘、比丘尼、優婆塞、優婆夷、天、龍、鬼神、緊那⁵羅等說法；從佛聞法，即解中義，隨法行。

須菩提！當知是阿鞞跋致菩薩摩訶薩阿鞞跋致相。

子三、見佛相好

復次，須菩提！菩薩摩訶薩夢中見佛三十二相、八十隨形好，放⁶大光明，踊在虛空，於大比丘僧中說法；現大神力，化作化人，到他國⁷土施作佛事。

須菩提！當知是阿鞞跋致菩薩摩訶薩阿鞞跋致相。

癸二、約夢中發願

子一、成就眾生願

¹ 夢誓=夢中不證【宋】【元】【明】【宮】【聖】(大正 08, 351d, n.10)。

² 妙境法師，《摩訶般若波羅蜜經》冠科(下冊)，pp.769-791。

³ 對照《大智度論》卷 76 〈61 夢中不證品〉(大正 25, 594c25-598c15)。

⁴ 響=響【聖】(大正 08, 351d, n.12)。

⁵ 那=陀【宋】【元】【明】【宮】【聖】(大正 08, 351d, n.13)。

⁶ 〔放〕—【宮】【聖】(大正 08, 351d, n.14)。

⁷ 國=佛【宋】【元】【明】【宮】阿鞞跋致(大正 08, 351d, n.15)。

復次，須菩提！若菩薩摩訶薩夢中見兵起若⁸破聚落、若破城邑，若失火時，若見虎、狼、師子猛害之獸，若見欲來級⁹其頭者，若見父母喪亡，兄弟、姊妹及諸親友、知識死者——見如是等種種愁苦之事，¹⁰不驚、不怖，亦不憂惱；從夢覺已，即時思惟：『三界虛妄，皆如夢耳！我得阿耨多羅三藐三菩提時，亦當為眾生說三界如夢。』

須菩提！當知是阿鞞跋致菩薩摩訶薩阿鞞跋致相。

子二、淨佛國土願

復次，須菩提！云何當知是阿鞞跋致菩薩摩訶薩得阿耨多羅三藐三菩提時，國中無三惡道？

須菩提！菩薩摩訶薩若夢中見地獄、畜生、餓鬼，作是念：『我當勤精進，得阿耨多羅三藐三菩提時，令我國中無一切三惡道。』何以故？是夢及諸法，無二無別。

須菩提！當知是阿鞞跋致菩薩摩訶薩阿鞞跋致相。

壬二、約相辨

癸一、約火滅不滅辨

子一、約夢中火辨

復次，須菩提！菩薩摩訶薩夢中見地獄火燒眾生，作是誓：『若我實是阿鞞跋致者，是火當滅！』是火即滅。若地獄火即滅，是阿鞞跋致相。

子二、約覺時火辨

復次，若菩薩晝日見城郭¹¹火起，作是念：『我夢中見阿鞞跋致行、類、相貌。我今¹²實有是¹³者，自立誓言：是火當滅。』若火滅者，當知是菩薩得受阿耨多羅三藐三菩提記，住阿鞞跋致地。

若火不滅，燒一家，置一家，燒一里，置一里。須菩提！當知被燒家破法業因緣厚集，以是故，燒一家，置一家，是諸眾生今世受破法餘殃故被燒。

⁸ [若] — 【聖】(大正 08, 351d, n.16)。

⁹ (級)+斷【宋】【元】，斷=級【明】【宮】【聖】(大正 08, 351d, n.17)。

¹⁰ [而] — 【聖】(大正 08, 351d, n.18)。

¹¹ 郭=[口*郭]【聖】(大正 08, 352d, n.1)。

¹² 今=念【聖】(大正 08, 352d, n.2)。

¹³ [是] — 【聖】(大正 08, 352d, n.3)。

須菩提！以是因緣故，當知是阿鞞跋致菩薩摩訶薩阿鞞跋致相。」

癸二、約非人去不去辨

佛告須菩提：「今當更為汝說阿鞞跋致行、類、相貌。

須菩提！若男子、若女人為非人所持；是時，菩薩摩訶薩作是念：『若我為過去諸佛所授記，我心清淨求阿耨多羅三藐三菩提，行清淨正道，遠離聲聞、辟支佛心，遠離聲聞、辟支佛念，應當成阿耨多羅三藐三菩提。我必得阿耨多羅三藐三菩提，非不得；十方國土中現在無量諸佛無所不知、無所不見、無所不解、無所不證。諸佛知我深心審定，必當得阿耨多羅三藐三菩提。』以是至誠誓故，是男子、女人為非人所持、為非人所惱，是非人當遠去。

須菩提！是菩薩摩訶薩如是誓，若非人不去者，當知是菩薩摩訶薩未從過去諸佛受阿耨多羅三藐三菩提記。

須菩提！若¹⁴菩薩摩訶薩如是誓，若非人去者，當知是菩薩摩訶薩已從過去諸佛受阿耨多羅三藐三菩提記。

須菩提！以是行、類、相貌，當知是阿鞞跋致菩薩摩訶薩阿鞞跋致相。

辛二、廣明失

壬一、空誓失

癸一、外緣密亂失

復次，須菩提！菩薩摩訶薩遠離六波羅蜜及方便力，不久行四念處，乃至不久行空、無相、無作三昧，未入菩薩位，是菩薩為惡魔所燒。

菩薩作是誓：『若我實從諸佛授記者，是非人當去。』

是時，惡魔即作方便，勅非人令去。惡魔有威力，勝諸非人故，非人即去。

癸二、內因失

是時，菩薩作是念：『以我誓力故，非人去。』不知是惡魔力；恃¹⁵是證故，輕弄毀懷諸餘菩薩，作是言：『我已從諸佛授記，汝等未得。』用是空誓，無方便力故，生增上慢。

¹⁴ 若=是【宮】(大正 08, 352d, n.4)。

¹⁵ 恃=持【聖】(大正 08, 352d, n.5)。

癸三、失果

以是事故，遠離薩婆若，遠離阿耨多羅三藐三菩提。

須菩提！當知是人墮於二地——若聲聞地、若辟支佛地。

以是誓因緣故，起於魔事。是人以不親近依止善知識，不問阿鞞跋致相故，為魔所縛益復堅固。所以者何？是菩薩不久行六波羅蜜，無方便力故。

須菩提！當知是為菩薩魔事。

壬二、說先所經事失

癸一、外緣三事顯亂失

子一、說先世事

須菩提！云何菩薩摩訶薩不久行六波羅蜜，乃至未入菩薩位，為惡魔所嬈？

須菩提！惡魔變化作種種身，語菩薩言：『汝於諸佛所得受阿耨多羅三藐三菩提記：汝字某¹⁶，汝父字某，汝母字某，汝兄弟、姊妹字某，汝七世父母名字如是；汝在某方、某國、某城、某聚落中生。』

子二、說性行

若見菩薩性行和柔，語菩薩言：『汝先世亦復柔和¹⁷。』

若見急性卒暴，便言¹⁸：『汝先世亦爾。』

子三、讚頭陀德

若見菩薩修阿蘭若行，語言：『汝先世亦修阿蘭若行。』

若見菩薩乞食、納衣、中後不飲漿、一坐食、一鉢而¹⁹食、死尸間住、露地住、樹下止、常坐不臥、如敷座²⁰、但受三衣、若少欲、若知足、若遠離住、若不塗腳、若少言語，便語²¹菩薩言²²：『汝先世亦有是行。

¹⁶ 某=其【聖】(大正 08, 352d, n.6)。

¹⁷ 柔和=和柔【宋】【元】【明】【宮】(大正 08, 352d, n.7)。

¹⁸ (語)+言【宋】【元】【明】【宮】(大正 08, 352d, n.8)。

¹⁹ 他=而【宋】【元】【明】(大正 08, 352d, n.9)。

²⁰ 如敷座=加敷坐【宋】【元】，=加趺坐【明】(大正 08, 352d, n.10)。

²¹ 語+(菩薩)【宋】【元】【明】【宮】(大正 08, 352d, n.11)。

²² [言]-【聖】(大正 08, 352d, n.12)。

何以故？汝今有此頭陀功德，汝先世亦必²³有是功德。』

癸二、內因失

是菩薩聞是先世事及名姓²⁴，聞今讚頭陀功德，即歡喜生憍慢心。

是時，惡魔語菩薩言：『汝有如是功德、如是相，汝實從諸佛受阿耨多羅三藐三菩提記。』

須菩提！惡魔或作比丘被服、或作居士形、或作父母身，來到菩薩所，如是言：『汝已得受阿耨多羅三藐三菩提記。何以故？是阿鞞跋致功德相，汝盡具足有之。』

癸三、結失

須菩提！我所說實阿鞞跋致行、類、相貌，是人永無。

須菩提！當知是菩薩摩訶薩為魔所持。何以故？是阿鞞跋致行、類、相貌，是人永無。以聞是名字故生憍慢心，輕弄毀壞餘人。

須菩提！是名菩薩摩訶薩為魔所持，當知是為菩薩魔事。

壬三、說其宿念失

癸一、明無內因不知人法

復次，須菩提！菩薩摩訶薩不久行六波羅蜜，不知名字相，不知色相，不知受、想、行、識相²⁵。

癸二、受外亂

惡魔來語言：『汝當來世得阿耨多羅三藐三菩提時，有如是名字。』隨其本念，說其名號。

是無智、無方便菩薩作是念：『我先亦有是成佛名號念，是人如我所念說，是人所說合我本念²⁶，我²⁷必為諸佛所授記。』

癸三、失果

須菩提！我所說阿鞞跋²⁸致行、類、相貌，是人永無，但以空名字輕

²³ [必] — 【宋】【元】【明】【宮】(大正 08, 352d, n.13)。

²⁴ 姓=性 【聖】(大正 08, 352d, n.14)。

²⁵ 相=想 【聖】(大正 08, 352d, n.15)。

²⁶ 念=心 【聖】(大正 08, 353d, n.1)。

²⁷ [我] — 【聖】(大正 08, 353d, n.2)。

²⁸ 惟=維 【宋】【元】【明】【宮】(大正 08, 353d, n.3)。

弄毀憊餘人；以是事故，遠離阿耨多羅三藐三菩提。

是菩薩摩訶薩遠離般若波羅蜜、無方便力、遠離善知識、與惡知識相得，故墮二地——聲聞、辟支佛地。

癸四、料簡

子一、即此身悔

若有即是身悔過²⁹，久久往來生死中，然後還依止般若波羅蜜，若值善知識，常隨逐親近故，當³⁰得阿耨多羅三藐三菩提。

子二、若轉身悔

是人於是身，若不即悔，當墮二地——若阿羅漢地、若辟支佛地。

癸五、舉況譬

子一、罪重四禁譬

丑一、舉況

須菩提！譬如比丘於四重禁法，若犯一事，非沙門、非釋子，是人現身不得四沙門果。

丑二、合法

須菩提！是菩薩³¹著空名字菩薩心亦如是，輕弄毀憊餘人故，當知是罪重於比丘四禁。

子二、罪過五逆譬

丑一、舉況

須菩提！置是重罪，其罪過於五逆。

丑二、合法

以受是名字故，生高心，輕弄毀憊餘人；若生是心，當知其罪甚重！如是名字等微細魔事，菩薩皆³²當覺知。

壬四、恃空閒失

癸一、料簡二遠離法

²⁹ [有即是身悔過] 六字—【聖】(大正 08, 353d, n.4)。

³⁰ [當]—【聖】(大正 08, 353d, n.5)。

³¹ [菩薩]—【聖】(大正 08, 353d, n.6)。

³² [皆]—【聖】(大正 08, 353d, n.7)。

子一、但在空閒處為空遠離

復次，須菩提！菩薩在空閒山澤曠遠之處，魔來到菩薩所，讚歎遠離法，作是言：『善男子！汝所行者³³，是佛所稱譽遠離法。』

須菩提！我不讚是遠離——所謂但在空閒山澤曠遠之處，名為遠離³⁴。」

子二、心離二乘三界是真遠離

須菩提言：「世尊！若空閒山澤曠遠之處非遠離法者，云何更有異遠離法³⁵？」

佛告須菩提：「若菩薩摩訶薩遠離聲聞、辟支佛心，住³⁶空閒山澤曠遠之處，是佛所許遠離法。須菩提！如是遠離法，菩薩摩訶薩應所修行，晝夜行是遠離法，是名遠離行菩薩。」

癸二、明失

子一、內因失

須菩提！若惡魔所說遠離法——空閒山澤曠遠之處；是菩薩心在憤鬧³⁷，所謂不遠離³⁸聲聞、辟支佛心，不勤修般若波羅蜜，是菩薩摩訶薩不能具足一切種智。

是菩薩行惡魔所說遠離法，心不清淨，而輕餘菩薩城傍心淨，無聲聞、辟支佛憤鬧心，亦無諸餘雜惡心，具足禪定、解脫、智慧、神通者。

是離般若波羅蜜、無方便菩薩摩訶薩，雖在絕曠百由旬外，禽獸、鬼神、羅刹所住之處，若一歲、百千萬億歲、若過³⁹萬億歲，不知是菩薩遠離法——所謂諸菩薩以是遠離法，深心發阿耨多羅三藐三菩提不雜行。是菩薩憤鬧行而依受⁴⁰著是遠離，是人所行，佛所不許。

³³ [者] — 【聖】(大正 08, 353d, n.8)。

³⁴ [名為遠離] — 【聖】(大正 08, 353d, n.9)。

³⁵ [法] — 【宮】【聖】(大正 08, 353d, n.10)。

³⁶ 住=在【宋】【元】【明】【宮】(大正 08, 353d, n.11)。

³⁷ 鬧=丙【聖】(大正 08, 353d, n.12)。

³⁸ [離] — 【聖】(大正 08, 353d, n.13)。

³⁹ 過=千【聖】(大正 08, 353d, n.14)。

⁴⁰ 憤鬧行而依受六字=(依受憤鬧行)五字【宋】【元】【明】【宮】(大正 08, 353d, n.15)。

須菩提！我所說實遠離法，是菩薩不在是中，亦不見是遠離相。何以故？但行是空遠離故。

子二、外緣失

爾時，惡魔來在虛空中住，讚言：『善哉！善哉⁴¹！善男子！此是佛所說真遠離法，汝行是遠離，疾得阿耨多羅三藐三菩提。』

子三、合內外失

是菩薩摩訶薩念著是遠離，而輕易諸餘求佛道清淨比丘以為憤鬧，以憤鬧為不憤鬧，以不憤鬧為憤鬧，應恭敬而不恭敬，不應恭敬而恭敬。是菩薩作是言：『非人念我、來稱讚我，我所行者，是真遠離；住城傍者，誰當稱美汝？』以是因緣故，輕餘菩薩摩訶薩。

須菩提！當知是名菩薩旃陀羅，污染諸菩薩；是人似⁴²像菩薩，實是天上人中之大賊，亦是沙門被服中賊。如是人，諸求佛道者所不應親近，不應供養恭敬。何以故？須菩提！當知是人墮增上慢。

癸三、結勸善覺勉出

以是故，若菩薩摩訶薩欲不捨一切智，欲得阿耨多羅三藐三菩提，一心欲求阿耨多羅三藐三菩提，欲利益一切眾生，不應親近是人，恭敬供養。

菩薩摩訶薩法——常應勤求自利，厭患世間，心常遠離三界；於是人當起慈、悲、喜、捨心：『我行菩薩道，不應生如是過罪⁴³；若生，當疾滅！』須菩提！菩薩摩訶薩當善覺⁴⁴是事，是事中善自勉⁴⁵出。

己三、明親近善知識

庚一、出善友

辛一、明人善友

復次，須菩提！菩薩摩訶薩深心，欲得阿耨多羅三藐三菩提者，當親近恭敬供養善知識。」

⁴¹ [善哉] — 【聖】(大正 08, 353d, n.16)。

⁴² 以=似【宋】【元】【明】【宮】【聖】(大正 08, 353d, n.17)。

⁴³ 過罪=罪過【宋】【元】【明】【宮】(大正 08, 353d, n.18)。

⁴⁴ 覺=學【聖】(大正 08, 353d, n.19)。

⁴⁵ 勉=免【宋】【宮】，=挽【聖】(大正 08, 353d, n.20)。

須菩提白佛言：「世尊！何等是菩薩摩訶薩善知識？」

佛告須菩提：「諸佛是菩薩摩訶薩善知識，諸菩薩摩訶薩亦是菩薩善知識。須菩提！阿羅漢亦是菩薩善知識——是⁴⁶為菩薩摩訶薩善知識。

辛二、明法善友

壬一、通明一切法為善友

癸一、明三法善友

子一、正行

復次，須菩提！六波羅蜜亦是菩薩善知識，

子二、徧行

四念處乃至十八不共法亦是菩薩善知識。

子三、妙行

須菩提！如、實際、法性亦是菩薩善知識。

癸二、稱歎

須菩提！六波羅蜜是菩薩⁴⁷。世尊！六波羅蜜是菩薩摩訶薩⁴⁸道，六波羅蜜是大明，六波羅蜜是炬，六波羅蜜是智，六波羅蜜是慧，六波羅蜜是救，六波羅蜜是歸，六波羅蜜是洲，六波羅蜜是究竟道，六波羅蜜是父是母。四念處乃至一切種智，亦如是。

癸三、釋善友

何以故？六波羅蜜及三十七⁴⁹道法亦是過去諸佛父母，六波羅蜜及三⁵⁰十七道法亦是未來、現在十方諸佛父母。

何以故？須菩提！六波羅蜜、三十七道法中生過去、未來、現在十方諸佛故。

癸四、勸親近

以是故，須菩提！菩薩摩訶薩欲得阿耨多羅三藐三菩提，淨佛國土、

⁴⁶ (須菩提)+是【宋】【元】【明】【宮】(大正 08, 353d, n.21)。

⁴⁷ [菩薩]—【元】【明】【聖】(大正 08, 353d, n.22)。

⁴⁸ [菩薩摩訶薩]五字—【宋】【元】【明】【宮】【聖】(大正 08, 353d, n.23)。

⁴⁹ (及)+三【宋】【元】【明】【宮】(大正 08, 353d, n.24)。

⁵⁰ (及)+三【聖】(大正 08, 353d, n.25)。

成就眾生，當學六波羅蜜、三十七道法，及四攝法攝取眾生。何等四？布施、愛語、利益、同事。

須菩提！以是利益故，我言：『六波羅蜜及三十七道法是諸菩薩摩訶薩。世尊，是道，是大明，是炬，是智，是慧，是救，是歸，是洲，是究竟道，是父，是母。』

壬二、別明般若為善友

癸一、勸親近

須菩提！以是故，菩薩摩訶薩欲不隨他人教住，欲斷一切眾生疑，欲淨佛國土、成就眾生，當學是般若波羅蜜！所以者何？是般若波羅蜜中廣說諸法，是菩薩摩訶薩所應學處。」

癸二、出善友相⁵¹

子一、正出般若相例諸法相

爾時，須菩提白佛言：「世尊！何等是般若波羅蜜相？」

佛告須菩提：「如虛空相，是般若波羅蜜相。須菩提！般若波羅蜜無所有相。」

須菩提白佛言：「世尊！頗有因緣如般若波羅蜜相，諸法相亦如是耶⁵²？」

佛告須菩提：「如是！如是！如般若波羅蜜相，諸法相亦如是。何以故？須菩提！一切法離相、自性⁵³空相。」

以是因緣故，須菩提！如般若波羅蜜相，諸法相亦如是，所謂離相、空相故。」

子二、釋難

丑一、須菩提難

寅一、牒佛語

須菩提白佛言：「世尊！若一切法一切法離，一切法一切法空，

寅二、正難

⁵¹ 對照《大智度論》卷 77 〈61 夢中不證品〉(大正 25，598c24-602b25)。

⁵² [耶] — 【宋】【宮】【聖】(大正 08，354d，n.1)。

⁵³ [自性] — 【元】【明】【聖】(大正 08，354d，n.2)。

卯一、難無垢淨

云何知眾生若垢、若淨？世尊！離相法無垢、無淨，空相法無垢、無淨；

卯二、難無菩提可得

離相、空相法不能得阿耨多羅三藐三菩提，離相、空相無法可得。世尊！離相中、空相中，無有菩薩得阿耨多羅三藐三菩提者。

寅三、結難

世尊！我云何當知佛所說義？」

丑二、佛釋初難

寅一、釋無垢難

佛告須菩提：「於汝意云何？是眾生長夜行我、我所心不？」

「如是！世尊！眾生長夜行我、我所心。」

「於汝意云何？是我、我所心離相不？空相不？」

須菩提言：「世尊！我、我所心離相、空相。」

「於汝意云何？以此我、我所心，眾生往來生死中不？」

「如是！世尊！以此我、我所心，眾生往來生死中。」

「如是！須菩提！眾生往來生死中故，知有垢惱。」

寅二、釋無淨難

須菩提！若眾生無我我所心、無⁵⁴著心，是眾生不復往來生死中；若不往來生死中，則無垢惱。如是！須菩提！眾生有淨。」

庚二、明親近法善友

辛一、正明親近

壬一、自行具足故得果

癸一、自行具足

須菩提白佛言：「世尊！若菩薩摩訶薩如是行，為不行色，不行受、想、行、識，為不行四念處乃至八聖道分，為不行內空乃至無法有法空，

⁵⁴ 無+(垢)【聖】(大正 08, 354d, n.3)。

為不行佛十力乃至一切種智。何以故？是法不可得，亦無行者，亦無行處，亦無行法。

癸二、得佛道果

子一、世無能降伏

世尊！菩薩摩訶薩如是行，一切世間諸天、人、阿修羅不能降伏。

子二、二乘不能及

是菩薩摩訶薩，一切聲聞、辟支佛所不能及。何以故？所住處無能及故，所謂菩薩位。世尊！是菩薩摩訶薩行應薩婆若心，無能及者！」

子三、疾近薩婆若

「須菩提！菩薩摩訶薩如是行，疾近薩婆若。

壬二、化他行具足故得果

癸一、舉乃至教三千得人身後方作佛格

須菩提！於汝意云何？若閻浮提眾生盡得人身，得人身已，皆得阿耨多羅三藐三菩提；若有善男子、善女人盡其形壽供養、恭敬、尊重、讚歎，持是善根迴向阿耨多羅三藐三菩提——是人以是因緣，得福多不？」

須菩提言：「甚多！世尊！」

佛言：「不如是善男子、善女人於大眾中說是般若波羅蜜，出⁵⁵示、分別，照明、開演，亦應般若波羅蜜行正憶念，其福多。

乃至三千大千世界⁵⁶中眾生亦如是。

癸二、舉乃至教三千得二乘後方作佛格

須菩提！於汝意云何？閻浮提中眾生一時皆得人身，得人身已，若善男子、善女人教行十善道、四禪、四無量心、四無色定，教令得須陀洹道乃至阿羅漢、辟支佛道，教令得阿耨多羅三藐三菩提，持是善根迴向阿耨多羅三藐三菩提。須菩提！於汝意云何，是善男子、善女人得福多不？」

須菩提言：「甚多！世尊！」

⁵⁵ 顯=出【宮】【聖】(大正 08, 354d, n.4)。

⁵⁶ 世界=國土【聖】(大正 08, 354d, n.5)。

佛言：「不如是善男子、善女人以是甚深般若波羅蜜為眾生說，出⁵⁷示、分別，照明、開演，亦不離薩婆若，得福多。

乃至三千大千世界亦如是。

壬三、雙結二行所得功德

癸一、得次佛至福田邊

是菩薩摩訶薩不遠離應薩婆若心，則到一切福田邊。何以故？除諸佛，無有餘法如菩薩摩訶薩勢力。

癸二、得諸法平等忍行空生四無量心

何以故？諸菩薩摩訶薩行般若波羅蜜時，於一切眾生中起大慈心；見諸眾生趣死地故，而起大悲；行是道時，歡悅而生大喜；不與想俱，便得大捨。須菩提！是為菩薩摩訶薩大智光明。大智明者，所謂六波羅蜜。

癸三、能為眾生作福田

須⁵⁸菩提！是諸善男子、善女人⁵⁹雖未作佛，能為一切眾生作大福田，於阿耨多羅三藐三菩提亦不轉；

癸四、應般若心報施主恩

所受供養——衣服、飲食、臥床、疾藥、資生所須，行應般若波羅蜜念，能畢⁶⁰報施主之恩，疾近薩婆若。

辛二、結勸修行

壬一、正勸

癸一、法說

子一、總明常行般若

以是故，須菩提！若菩薩摩訶薩欲不虛食國中施、欲示眾生三乘道、欲為眾生作大明、欲拔出三界牢獄、欲與一切眾生眼，應常行般若波羅蜜。

子二、別明

⁵⁷ 顯=出【聖】(大正 08, 354d, n.6)。

⁵⁸ (是)+須【宋】【宮】(大正 08, 354d, n.7)。

⁵⁹ [善女人]—【聖】(大正 08, 354d, n.8)。

⁶⁰ 必=畢【聖】(大正 08, 354d, n.9)。

丑一、聖說法

⁶¹行般若波羅蜜時，若欲有所⁶²說，但說般若波羅蜜；

丑二、聖默然（入正觀）

說般若波羅蜜已，常憶念般若波羅蜜；

丑三、一心應般若行

常憶念般若波羅蜜已，常行般若波羅蜜，不令餘念得生，晝夜勤行般若波羅蜜相應念，不息不休。

癸二、法譬合

子一、貧人失寶譬

須菩提！譬如士夫未曾得摩尼珠，後時得，得已，大歡喜踊躍；後復失之，便大憂愁，常憶念是摩尼珠，作是念：『我奈何忽亡⁶³此大寶！』

子二、合法

須菩提！菩薩摩訶薩亦如是！常憶念般若波羅蜜，不離薩婆若心。」

壬二、明修行

癸一、明無所念

子一、明「應薩婆若念之般若行」

丑一、須菩提問

須菩提白佛言：「世尊！一切念性自離，一切念性自空，云何菩薩摩訶薩行般若波羅蜜，不離應薩婆若念？是遠離空法中無菩薩，亦無念、無應薩婆若。」

丑二、佛答

佛告須菩提：「若菩薩摩訶薩如是知：『一切法性自離、一切法性自⁶⁴空，非聲聞、辟支佛作，亦非佛作；諸法相常住、法相、法住、法位、如、實際。』是名菩薩行般若波羅蜜不離薩婆若念。何以故？般若波羅蜜性自離、性自空，不增不減故。」

⁶¹ [常] — 【元】【明】【聖】（大正 08，354d，n.10）。

⁶² [所] — 【聖】（大正 08，354d，n.11）。

⁶³ 忘=亡【宋】【元】【明】（大正 08，355d，n.1）。

⁶⁴ 性自=自性【聖】（大正 08，355d，n.2）。

子二、明「正行般若不增不減，得無上道」

丑一、須菩提問

須菩提白佛言：「世尊！若般若波羅蜜性自離、性自空，云何菩薩摩訶薩與般若波羅蜜等，得阿耨多羅三藐三菩提？」

丑二、佛答

佛告須菩提：「菩薩摩訶薩與般若波羅蜜等，不增不減。何以故？如、法性、實際，不增不減故。

所以者何？般若波羅蜜非一非異故。

若菩薩聞如是般若波羅蜜相，心不驚、不沒、不畏、不怖、不疑。須菩提！當知是菩薩摩訶薩行般若波羅蜜，當知是菩薩摩訶薩必住阿鞞跋致地中。」

癸二、明無所行

子一、略就四門破

丑一、即空不行

須菩提白佛言：「世尊！般若波羅蜜空無所有，不堅固，是行般若波羅蜜不？」

「不也！須菩提！」

丑二、離空不行

「世尊！離空，更有法行般若波羅蜜不？」

「不也！須菩提！」

丑三、即般若不行

「世尊！是般若波羅蜜，行般若波羅蜜不？」

「不也！須菩提！」

丑四、離般若不行

「世尊！離般若波羅蜜，行般若波羅蜜不？」

「不也！須菩提！」

子二、廣一切法破

丑一、即有為法不行

寅一、即五陰不行

「世尊！色是行般若波羅蜜不？」

「不也！須菩提！」

「世尊！受、想、行、識是行般若波羅蜜不？」

「不也！須菩提！」

寅二、即大小乘法不行

「世尊！六波羅蜜，是行般若波羅蜜不？」

「不也！須菩提！」

「世尊！四念處乃至十八不共法，是⁶⁵行般若波羅蜜不？」

「不也！須菩提！」

丑二、即無為法不行

「世尊！色空相、虛誑不實、無所有、不堅固相，色如相、法相、法住、法位、實際，是行般若波羅蜜不？」

「不也！須菩提！」

「世尊！受、想、行、識乃至十八不共法空相、虛誑不實、無所有、不堅固相、如相、法相、法住、法位、實際是行般若波羅蜜不？」

「不也！須菩提！」

子三、結無行行

丑一、須菩提問

「世尊！若是諸法皆不行般若波羅蜜，云何行名菩薩摩訶薩行般若波羅蜜？」

丑二、佛答

寅一、不見行般若者

佛告須菩提：「於汝意云何，汝見有法行般若波羅蜜者不？」

「不也！世尊！」

⁶⁵〔是〕－【聖】(大正 08, 355d, n.3)。

寅二、不見行般若處

「須菩提！汝見般若波羅蜜菩薩摩訶薩可行處不？」

「不也！世尊！」

寅三、不見法亦不可得

「須菩提！汝所不見法，是法可得不？」

「不也！世尊！」

寅三、不可得法亦無生

「須菩提！若法不可得，是法當生不？」

「不也！世尊！」

癸三、明無得記

子一、明得無生忍記

「須菩提！是名菩薩摩訶薩無生法忍。菩薩摩訶薩成就是忍，得受阿耨多羅三藐三菩提記。須菩提！是名諸佛無所畏、無礙智。

菩薩摩訶薩行是法勤精進，若不得大智、一切種智——所謂阿耨多羅三藐三菩提智。若不得⁶⁶者，無有是處！何以故？是菩薩摩訶薩得無生法忍故，乃⁶⁷至阿耨多羅三藐三菩提不減不退。」

子二、破得記

丑一、正明

寅一、無生法不得記

須菩提白佛言：「世尊！諸法無生相，此中得阿耨多羅三藐三菩提記不？」

「不也！須菩提！」

寅二、生法不得記

「世尊！諸法生相，此中得阿耨多羅三藐三菩提記不？」

「不也！須菩提！」

⁶⁶ [若不得] — 【聖】(大正 08, 355d, n.4)。

⁶⁷ [乃] — 【聖】(大正 08, 355d, n.5)。

寅三、生不生法不得記

「世尊！諸法⁶⁸非生非不生相，得⁶⁹阿耨多羅三藐三菩提記不？」

「不也！須菩提！」

丑二、就諸法寂滅相結成

「世尊！諸菩薩摩訶薩云何知諸法得阿耨多羅三藐三菩提記？」

佛告須菩提：「汝見有法得阿耨多羅三藐三菩提記不？」

「不也！世尊！我不見有法得阿耨多羅三藐三菩提記，我亦不見法有得者、得處。」

子三、結成般若無所分別乃得道

佛言：「如是！如是！須菩提！若菩薩摩訶薩於一切法無所得時，不作是念：『我當得阿耨多羅三藐三菩提，用⁷⁰是事得阿耨多羅三藐三菩提，是名⁷¹阿耨多羅三藐三菩提處。』

何以故？諸菩薩摩訶薩行般若波羅蜜，無諸憶想分別。

所以者何？般若波羅蜜中，無諸分別憶想故。」

⁶⁸ 法+(生無生相此中得阿耨多羅三藐三菩提記不不也須菩提世尊諸法)二十七【元】
【明】(大正 08, 355d, n.6)。

⁶⁹ (此中)+得【宋】【元】【明】【宮】(大正 08, 355d, n.7)。

⁷⁰ 用=因【聖】(大正 08, 355d, n.8)。

⁷¹ [名]-【聖】(大正 08, 355d, n.9)。

《摩訶般若波羅蜜經》卷 19 〈62 魔愁品〉冠科¹

《摩訶般若波羅蜜經》卷 19 (大正 08, 355c16-357a7):

庚三、明親近善友得無邊功德²

辛一、明不雜心得大功德

壬一、歎述

癸一、天主歎

爾時，釋提桓因白佛言：「世尊！是般若波羅蜜甚深難見³，無諸憶想分別，畢竟離故。世尊！是眾生聞是般若波羅蜜能持、讀、誦、說、正憶念、親近、如說行，乃至阿耨多羅三藐三菩提不雜餘心心數法者，不從小功德來。」

癸二、佛述

子一、正述

佛言：「如是！如是！聞是深般若波羅蜜，乃至不雜餘心心數法者，不從小功德來。」

子二、格量

憍尸迦！於汝意云何？若閻浮提眾生成就十善道、四禪、四無量心、四無色定，復有善男子、善女人受持深般若波羅蜜，讀、誦、親近、正憶念、如說行，勝於閻浮提眾生成就十善道乃至四無色定百倍、千倍、千萬億倍，乃至算數譬喻所不能及。」

壬二、歎述格勝釋疑述成

癸一、比丘歎

爾時，有一比丘語釋提桓因⁴：「憍尸迦！是善男子、善女人行般若波羅蜜功德勝於仁者。」

癸二、天主述

¹ 妙境法師，《摩訶般若波羅蜜經》冠科(下冊)，pp.792-798。

² 對照《大智度論》卷 77 〈62 同學品〉(大正 25, 602b27-604c1)。

³ 〔甚深難見〕－【聖】。(大正 08, 355d, n.15)。

⁴ 因+(言)【宋】【元】【明】【宮】。(大正 08, 356d, n.1)。

子一、格量顯勝歎

丑一、歎菩薩一發心便勝帝釋

釋提桓因言：「是善男子、善女人一發心勝⁵於我，何況聞是般若波羅蜜，書、持、讀、誦、正憶念、如說行！」

丑二、如所行菩薩，超勝凡夫、二乘，乃至行般若無方便者

是善男子、善女人行般若波羅蜜，非但勝我，亦勝一切世間天及人、阿修羅；非但勝一切世間天及人、阿修羅，亦勝諸須陀洹、斯陀含、阿那含、阿羅漢、辟支佛；非但勝是須陀洹乃至辟支佛，亦勝菩薩行五波羅蜜、遠離般若波羅蜜者；非但勝菩薩行五波羅蜜、遠離般若波羅蜜者，亦勝菩薩行般若波羅蜜無方便力者。

丑三、菩薩如說行般若故，不斷佛種

是菩薩摩訶薩如說行般若波羅蜜，不斷佛種，常見諸佛，疾近道場。菩薩如是行，為欲拔出眾生沈沒長流者。是菩薩如是學，為不學聲聞、辟支佛學。

子二、歎行深般若菩薩現未功德

菩薩如是學，四天王天來至菩薩所，如是言：『善男子！當勤疾學，坐道場成阿耨多羅三藐三菩提時，如過去諸佛所受四鉢，亦當應受，我當持來奉上菩薩。』及諸餘天——四天王天、三十三天、夜摩天、兜率陀天、化樂天、他化自在天、梵天乃至首陀會天，亦當供養。

十方諸佛亦常念是菩薩摩訶薩如說行是深般若波羅蜜者。

是菩薩諸所有世間危難勤苦之事永無復有；一切世間有四百四病，是菩薩身中無是諸病。

以行深般若波羅蜜故，得是現世功德。」

癸三、阿難疑

爾時，阿難作是念：「釋提桓因自以力說耶？以佛神力說乎？」

癸四、天主釋疑

釋提桓因知阿難意所念，語阿難言：「我之所說，皆佛威神。」

癸五、佛述成

⁵ (尚)+勝【宋】【元】【明】【宮】。(大正 08, 356d, n.2)。

佛告阿難：「如是！如是！如釋提桓因所說，皆佛威神。

辛二、明巧學般若令魔驚怖

阿難！是菩薩摩訶薩習學是深般若波羅蜜時，三千大千世界中諸惡魔皆生狐疑：『今是菩薩為當得阿耨多羅三藐三菩提？當中道於實際作證，墮聲聞、辟支佛地⁶？』

復次，阿難！若菩薩摩訶薩不離般若波羅蜜時，魔復⁷大愁毒，如箭入心。是時，魔復放大火風，四方俱起，欲令菩薩心沒、恐怖、懈怠，於薩婆若中乃至起一亂念。」

辛三、廣明留難令行者識知

壬一、阿難問

阿難白佛言：「世尊！魔為都燒亂諸菩薩？有不燒亂者？」

壬二、佛略答

佛告阿難：「有燒者，有不燒者。」

壬三、阿難重審

阿難白佛言：「世尊！何等菩薩為惡魔所燒？」

壬四、佛答

癸一、心不信解

佛言：「有菩薩摩訶薩先世聞是深般若波羅蜜，心不信解。如是菩薩魔得其便。

癸二、生疑

復次，阿難！菩薩聞說是深般若波羅蜜時，意疑：『是般若波羅蜜，為實有？為實無？』如是菩薩，魔得其便。

癸三、為惡友所攝

復次，阿難！有菩薩遠離善知識，為惡知識所攝故，不聞深般若波羅蜜，不聞故不知、不見，不問：『云何應行般若波羅蜜？云何應修般若波羅蜜？』是菩薩，惡魔得其便。

⁶ 地+(耶)【聖】。(大正 08, 356d, n.3)。

⁷ [復] - 【元】【明】【聖】。(大正 08, 356d, n.4)。

癸四、常行惡法

復次，阿難！若菩薩遠離般若波羅蜜，受惡法，是菩薩為惡魔得便。魔作是念：『是輩當有伴黨，當滿我願。』是菩薩自墮二地，亦使他人墮於二地。

癸五、以己不解故斷他

復次，阿難！若菩薩聞說深般若波羅蜜時，語他人言：『是般若波羅蜜甚深，我尚不能得底，汝復用聞、用學是般若波羅蜜為？』如是菩薩，魔得其便。

癸六、自謂己得輕慢餘人

復次，阿難！若菩薩輕餘菩薩言：『我行般若波羅蜜，行遠離空；汝無是功德。』是時，惡魔大歡喜踊躍。

若有菩薩自恃名姓、多人知識故，輕餘行善菩薩，是人無實阿惟越⁸致行、類、相貌功德；無是功德故，生諸煩惱；但著虛名故，輕賤餘人言：『汝不在如我所得法中。』

爾時，惡魔作是念：『今我境界宮殿不空，增益三惡道。』

惡魔助其威力，令餘人信受其語；信受其語故，受行其經，如說修學；如說修⁹學時，增益諸結使。是諸人心顛倒故，身、口、意業所作皆受惡報；以是因緣，增益三惡道，魔之眷屬宮殿益多。

阿難！魔見是利故，大歡喜踊躍。

癸七、與聲聞人共鬪諍

阿難！若行菩薩道者與求聲聞道家共鬪諍，魔作是念：『是遠離薩婆若。』

癸八、與菩薩共鬪諍

阿難！若菩薩、菩薩共鬪諍，瞋恚罵詈，是時惡魔便大歡喜踊躍言：『兩離薩婆若遠。』

癸九、未受記者向得記菩薩生惡心

子一、正明過罪

⁸ 惟越=鞞跋【宋】【元】【明】【宮】(大正 08, 356d, n.5)。

⁹ 修+(行)【聖】。(大正 08, 356d, n.6)。

復次，阿難！若未受記菩薩向得記菩薩生惡心，諍鬪罵詈，隨起念多少劫¹⁰，若干劫數，若不捨一切種智，然後乃補爾所劫大莊嚴。」

子二、料簡罪出不出

丑一、阿難問

阿難白佛言：「世尊！是惡心乃經爾所劫數，於其中間，寧得出除不？」

丑二、佛答

寅一、不出者

佛言¹¹阿難：「我雖說求菩薩道及聲聞人得出罪，阿難！若求菩薩道人共諍鬪、瞋恚、罵詈、懷恨、不悔、不捨者，我不說有出。

寅二、得出者

卯一、述懺罪之行

必當更¹²爾所劫數，若不捨一切種智，然後乃大莊嚴。

卯二、辨破瞋因緣

阿難！若是菩薩鬪諍、瞋恚、罵詈，便自改悔，作是念：『我為大失！我當為一切眾生下屈，今世、後世皆使和解，我當忍受一切眾生履踐如橋梁，如聾、如瘖，云何以惡語報人？我不應壞是甚深阿耨多羅三藐三菩提心；我得阿耨多羅三藐三菩提時，應當度是一切苦惱眾生，云何當起瞋恚！』」

己四、明親近二忍

庚一、親近生忍

辛一、阿難問

阿難白佛言：「世尊！菩薩菩薩共住云何？」

辛二、佛答

壬一、相視如世尊

佛告阿難：「菩薩、菩薩共住，相視當如世尊。

何以故？是菩薩摩訶薩應作是念：『是我真伴，共乘一舡¹³，彼學我

¹⁰ 劫=却【宮】。(大正 08, 356d, n.7)。

¹¹ 言=告【宋】【元】【明】【宮】。(大正 08, 356d, n.8)。

¹² 更=(受)【明】【聖】。(大正 08, 356d, n.9)。

學，所謂檀那¹⁴波羅蜜乃至一切種智。

壬二、知捨惡習善

若是菩薩雜行，離薩婆若心，我不應如是學；若是菩薩不雜行、不離薩婆若心，我亦應如是學。』

壬三、結成

菩薩摩訶薩如是學者，是為同學¹⁵。」

¹³ 舡＝船【宋】【元】【明】【宮】【聖】。(大正 08，357d，n.1)。

¹⁴ [那]－【聖】。(大正 08，357d，n.2)。

¹⁵ 大般若第二會第六十一同學品終，梵無區分。(大正 08，357d，n.3)。

《摩訶般若波羅蜜經》卷 19 〈63 等學品〉冠科¹

《摩訶般若波羅蜜經》卷 19 (大正 08, 357a8-358b16):

庚二、親近法忍²

辛一、示平等體

壬一、須菩提問

須菩提白佛言：「世尊！何等是菩薩摩訶薩等法，菩薩所應學？」

壬二、佛答

癸一、明等空破不等

「須菩提！內空是菩薩等法，外空乃至無法有法³空是菩薩等法。

癸二、舉自相空釋平等

須菩提！色、色相空，受、想、行、識、識相空，乃至阿耨多羅三藐三菩提、阿耨多羅三藐三菩提相空。須菩提！是名菩薩摩訶薩等法。

癸三、顯所得益

住是等法，得阿耨多羅三藐三菩提。」

辛二、教平等學

壬一、明除顛倒行

癸一、須菩提陳

須菩提白佛言：「世尊！若菩薩摩訶薩為色盡故學，為學薩婆若？為色離故學、為色滅故學，為學薩婆若？為色不生故學，為學薩婆若？受、想、行、識亦如是。修行四念處乃至十八不共法盡、離、滅、不生故學，為學薩婆若？」

癸二、佛述成

佛告須菩提：「如須菩提所說，為色盡、離、滅、不生故學，為學薩婆若；受、想、行、識乃至十八不共法，盡、離、滅、不生故學，為學

¹ 妙境法師，《摩訶般若波羅蜜經》冠科(下冊)，pp.799-806。

² 對照《大智度論》卷 77 〈63 等學品〉(大正 25, 604c3-607c16)。

³ 無法有法=自相【聖】。(大正 08, 357d, n.4)。

薩婆若。」

壬二、明究竟行

癸一佛問

佛告⁴須菩提：「於汝意云何？色如，受、想、行、識如，乃至阿耨多羅三藐三菩提如、佛如——是諸如盡、滅、斷不？」

癸二、須菩提答

須菩提言：「不也！世尊！」

癸三、佛結成

佛告須菩提：「菩薩摩訶薩如是學『如』⁵，為學薩婆若。是『如』，不作證、不滅、不斷。

辛三、明等學利

壬一、略明學利

須菩提！菩薩摩訶薩如是學如，為學薩婆若。

須菩提！菩薩摩訶薩如是學，為學六波羅蜜，為學四念處乃至十八不共法。若學六波羅蜜乃至十八不共法，為學薩婆若。須菩提！如是學，為盡⁶諸學邊。

壬二、廣明學利

癸一、明等學益

如是學，魔、若魔天所不能壞；如是學，直到阿鞞跋致地；如是學，為學佛所行道；如是學，為得擁護法⁷，為學大慈大悲，為學淨佛國土、成就眾生。

須菩提！如是學，為學⁸三轉十二行法輪⁹故；如是學，為學度眾生；如是學，為學不斷佛種；如是學，為學開甘露門；如是學，為學欲示無為性。

⁴ 告=言【聖】。(大正 08, 357d, n.5)。

⁵ 如+(是)【聖】。(大正 08, 357d, n.6)。

⁶ 盡+(度)【聖】。(大正 08, 357d, n.7)。

⁷ [法]—【聖】。(大正 08, 357d, n.8)。

⁸ [學]—【聖】。(大正 08, 357d, n.9)。

⁹ 輪+(轉)【宋】【元】【明】【宮】【聖】。(大正 08, 357d, n.10)。

癸二、舉劣顯勝

須菩提！下劣之人不能作是學；如是學者，為欲拔沈沒生死眾生。

菩薩摩訶薩如是學，終不墮地獄、餓鬼、畜生中¹⁰，終不生邊地，終不生旃陀羅家；終不聾盲、瘖¹¹瘂、拘癡¹²，諸根不缺；眷屬成就，終不孤窮。菩薩如是學，終不殺生乃至終不邪見；如是學，不作邪命活，不攝惡人及破戒者。

如是學，以方便力故，不生長壽夭。何等是方便力？如《般若波羅蜜品》中所說。菩薩摩訶薩以方便力故，入四禪、四無量心、四無色定，不隨禪、無量、無色定生。

癸三、得化他益

須菩提！菩薩如是學，一切法中得清淨，所謂淨聲聞、辟支佛心。」

須菩提白佛言：「世尊！一切法本性清淨，云何言菩薩一切法中得清淨？」

佛告須菩提：「如是！如是！一切諸法本性清淨，若菩薩摩訶薩於是法中心通達、不沒，即是般若波羅蜜。如是諸法，一切凡夫人¹³不知不見。菩薩摩訶薩為是眾生故，行檀那¹⁴波羅蜜乃至般若波羅蜜，行四念處乃至一切種智。須菩提！菩薩如是學，於一切法中得智、力、無所畏；如是學，為了知一切眾生心所趣向。」

辛四、結歎勸修

壬一、結歎

癸一、般若希有少人能學

譬如大地，少所處出金銀珍寶；須菩提！眾生亦如是，少所人能學般若波羅蜜，多墮聲聞、辟支佛地。

須菩提！譬如少所人受行轉輪聖王業，多受行小王業；如是，須菩提！少所眾生行般若波羅蜜，求一切智，多行聲聞、辟支佛道。

¹⁰ [中] — 【宋】【元】【明】【宮】。(大正 08, 357d, n.11)。

¹¹ [瘖] — 【聖】。(大正 08, 357d, n.12)。

¹² 癡=辟 【宋】【宮】【聖】，=癡 【元】【明】。(大正 08, 357d, n.13)。

¹³ [人] — 【聖】。(大正 08, 357d, n.14)。

¹⁴ [那] — 【聖】。(大正 08, 357d, n.15)。

須菩提！諸菩薩摩訶薩發心求阿耨多羅三藐三菩提中，少有如說行，多住聲聞、辟支佛地；多有菩薩摩訶薩行般若波羅蜜無方便力故，少所人住阿鞞跋致地。須菩提！以是故，菩薩摩訶薩欲在¹⁵阿鞞跋致地、欲在¹⁶阿鞞跋致數中，應當學是深般若波羅蜜。

癸二、歎學般若攝諸功德

子一、不生煩惱過失心

復次，須菩提！菩薩摩訶薩學是般若波羅蜜時，不生慳貪心，不生破戒、瞋恚、懈怠、散亂、愚癡心，不生諸餘過失心。

子二、不取相著心集菩薩行

不生取色相心¹⁷、取受想行識相心，不生取四念處相心，乃至不生取阿耨多羅三藐三菩提相心。何以故？是菩薩摩訶薩行是深般若波羅蜜，無有法可得；以不可得故，於諸法不生心取相。

子三、總攝諸度

丑一、法說

須菩提！菩薩摩訶薩如是學深般若波羅蜜，總攝諸波羅蜜，令諸波羅蜜增長，諸波羅蜜悉隨從。何以故？須菩提！是深般若波羅蜜，諸波羅蜜悉入中。

丑二、合譬

寅一、我見譬

卯一、舉譬

須菩提！譬如我見中，悉攝六十二見；

卯二、合法

如是，須菩提！是深般若波羅蜜悉攝諸波羅蜜。

寅二、命根盡譬

卯一、舉譬

須菩提！譬如人死，命根滅故，餘根悉隨滅；

¹⁵ 在=住【元】【明】。(大正 08, 357d, n.16)。

¹⁶ 在=住【明】。(大正 08, 357d, n.17)。

¹⁷ [心] - 【聖】。(大正 08, 357d, n.18)。

卯二、合法

如是！須菩提！菩薩摩訶薩行深般若波羅蜜時，諸波羅蜜悉隨從。
須菩提！菩薩摩訶薩欲令諸波羅蜜度彼岸，應學深般若波羅蜜。

壬二、勸修

癸一、略格功德勸

子一、法說

須菩提！菩薩摩訶薩學是深般若波羅蜜者，出一切眾生之上。

子二、舉喻明理

須菩提！於汝意云何？三千大千世界¹⁸中眾生多不？」

須菩提言：「一閻浮提中眾生尚多，何況三千大千世界！」

佛告須菩提：「若三千大千世界中眾生一時皆得人身，悉得阿耨多羅三藐三菩提；若有菩薩盡形壽供養爾所佛衣服、飲食、臥具、湯藥、資生所須。須菩提！於汝意云何？是人以是因緣故，得福德多不？」

須菩提言：「甚多！甚多！」

佛言：「不如是善男子、善女人學般若波羅蜜，如說行、正憶念，得福多。何以故？般若波羅蜜有勢力，能令菩薩摩訶薩得阿耨多羅三藐三菩提。

子三、結說

須菩提！以是故，菩薩摩訶薩欲出一切眾生之上，當學般若波羅蜜。

癸二、廣舉功德勸

子一、得諸善功德

欲為無救護眾生作救護，欲與無歸依眾生作歸依，欲與無究竟道眾生作究竟道，欲與¹⁹盲者作目，欲得佛功德，欲作諸佛自在遊戲，欲作諸²⁰佛師子吼，欲撞擊佛鐘鼓，欲吹佛貝，欲昇佛高座說法，欲斷一切眾生疑，當學深般若波羅蜜。

¹⁸ 世界＝國土【聖】。(大正 08, 358d, n.1)。

¹⁹ 與＝為【宋】【元】【明】【宮】。(大正 08, 358d, n.2)。

²⁰ [諸]－【宮】。(大正 08, 358d, n.3)。

須菩提！菩薩摩訶薩若學深般若波羅蜜，諸善功德無事不得。」

子二、雖得二乘功德但直入菩薩位

須菩提白佛言：「世尊！寧復得聲聞、辟支佛功德不²¹？」

佛言：「聲聞、辟支佛功德皆能得，但不於中住；以智觀已，直過入菩薩位中。」

子三、疾得無上菩提

須菩提！菩薩摩訶薩如是學，近薩婆若，疾得阿耨多羅三藐三菩提。

子四、堪作世間福田

須菩提！菩薩摩訶薩如是學，為一切世間天及人、阿修羅作福田。須菩提！菩薩摩訶薩如是學，過諸聲聞、辟支佛福田之上，疾近薩婆若。

子五、遠離二乘，疾近佛乘

須菩提！菩薩摩訶薩如是學，是名不捨不離般若波羅蜜，常行般若波羅蜜。

須菩提！菩薩摩訶薩如是學深般若波羅蜜，當知是不退轉菩薩，疾近薩婆若，遠離聲聞、辟支佛，近阿耨多羅三藐三菩提。

辛五、明等學得失

壬一、著心取相失

須菩提！是²²菩薩摩訶薩行般若波羅蜜時，若作是念：『是般若波羅蜜，我以是般若波羅蜜得一切種智。』若如是念，不名行般若波羅蜜。

壬二、破是著相得

須菩提！若不作是念：『是般若波羅蜜，是人²³般若波羅蜜；是般若波羅蜜法，是²⁴人行是般若波羅蜜，得阿耨多羅三藐三菩提。』是名行般若波羅蜜。

壬三、破邪著說實相得

須菩提！若菩薩作是念：『無是般若波羅蜜，無人²⁴有是般若波羅蜜；

²¹ [不] — 【宋】【元】【明】【宮】【聖】。(大正 08, 358d, n.4)。

²² [是] — 【宮】【聖】。(大正 08, 358d, n.5)。

²³ 人+(有)【元】【明】。(大正 08, 358d, n.6)。

²⁴ [是] — 【聖】。(大正 08, 358d, n.7)。

無有行是般若波羅蜜得阿耨多羅三藐三菩提。』何以故？一切法如、法性、實際常住故。』

如是行，是為菩薩摩訶薩行般若波羅蜜。」²⁵

²⁵ 以上梵. *iti śoḍaśī vivṛddhir ukta vṛdhiḥ.*。(大正 08，358d，n.8)。

《摩訶般若波羅蜜經》卷 19 〈64 淨願品〉冠科¹

《摩訶般若波羅蜜經》卷 19 (大正 08, 358b16-360b8)：

己五、明菩薩功行成就眾生稱歎²

庚一、明隨喜功德無邊得大果報

辛一、天主隨喜發願供養

壬一、天主歎發無上菩提

爾時，釋提桓因作是念：「菩薩摩訶薩行般若波羅蜜、禪那³波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜乃至十八不共法時，出一切眾生之上，何況得阿耨多羅三藐三菩提時！

是諸眾生聞是薩婆若信解⁴者，得人中之善利、壽命中最，何況發阿耨多羅三藐三菩提意！

是眾生能發阿耨多羅三藐三菩提意者，其餘眾生應當願樂。」

壬二、天主以散華福德，願求三乘者皆得具足

爾時，釋提桓因以天文⁵陀羅華而散佛上，發是言：「以是⁶福德，若有求阿耨多羅三藐三菩提者，令此人具足佛法、具足一切智、具足自然法；若求聲聞者，令具足聲聞法。世尊！若有菩薩發阿耨多羅三藐三菩提意者，我終不生一念令其轉還，我亦不生一念令其轉還墮聲聞、辟支佛地。

世尊！我願諸菩薩倍復精進於阿耨多羅三藐三菩提，見眾生⁷生死中種種苦惱，欲利益安樂一切世間天及人、阿修羅。以是心作是願：『我既自度，亦當度未度者；我既自脫，當脫未脫者；我既安隱，當安未安者；我既滅度，當使未入滅度者得滅度。』

¹ 妙境法師，《摩訶般若波羅蜜經》冠科(下冊)，pp.807-817。

² 對照《大智度論》卷 78 〈64 願樂品〉(大正 25, 607c24-612a3)。

³ [那] — 【聖】。(大正 08, 358d, n.11)。

⁴ [解] — 【聖】。(大正 08, 358d, n.12)。

⁵ 文=曼【元】【明】。(大正 08, 358d, n.13)。

⁶ 是=此【聖】。(大正 08, 358d, n.14)。

⁷ [眾生] — 【聖】。(大正 08, 358d, n.15)。

辛二、明隨喜功德福無邊

壬一、總論

癸一、天主問

世尊！善男子、善女人於初發意菩薩功德隨喜心，得幾許福德？於久發意菩薩功德隨喜心，得幾許⁸福德？於阿鞞跋致菩薩功德隨喜心，得幾許福德？於一生補處菩薩功德隨喜心，得幾許福德？」

癸二、佛況譬答

佛告釋提桓因言⁹：「僑尸迦！四天下國土，可稱知斤兩，是隨喜福德不可稱量。

復次，僑尸迦！是三千大千世界¹⁰，皆可稱知斤兩，是隨喜心福德不可稱量。

復次，僑尸迦！三千大千世界滿中海水，取一髮破為百分，以一分髮滌取海水，可知滌數，是隨喜心福德不可數知。」

癸三、天主勸學

釋提桓因白佛言：「世尊！若眾生心不隨喜阿耨多羅三藐三菩提者，皆是魔眷屬；諸心不隨喜者，從魔中來生。何以故？世尊！是諸發隨喜¹¹心菩薩，為破魔境界故生。

是故欲愛敬三尊者，應生隨喜心；隨喜已，應迴向阿耨多羅三藐三菩提，以不一不二相故。」

壬二、正明

癸一、得隨喜果

佛言：「如是！如是！僑尸迦！若有人於菩薩心¹²能如是隨喜迴向者，常值諸佛；終不見惡色，終不聞惡聲，終不嗅惡香，終不食惡味，終不觸惡觸，終無¹³不隨念¹⁴；終不遠離諸佛，從一佛土¹⁵至一佛土，親近諸

⁸ 許=所【宋】【宮】。(大正 08, 358d, n.16)。

⁹ [言] - 【聖】。(大正 08, 358d, n.17)。

¹⁰ 世界=國土【宋】【元】【明】【宮】【聖】。(大正 08, 358d, n.18)。

¹¹ [隨喜] - 【聖】。(大正 08, 358d, n.19)。

¹² [心] - 【聖】。(大正 08, 358d, n.20)。

¹³ [無] - 【明】。(大正 08, 359d, n.1)。

¹⁴ (惡)+念【元】【明】。(大正 08, 359d, n.2)。

佛種善根。

癸二、舉因緣釋

子一、於勝福田生隨喜

何以故？善男子、善女人為無量阿僧祇初發意菩薩諸善根隨喜迴向，為無量阿僧祇第二地、第三地乃至第十地、一生補處諸菩薩摩訶薩善根，隨喜迴向阿耨多羅三藐三菩提。以是善根因緣故，疾近阿耨多羅三藐三菩提。是諸菩薩得阿耨多羅三藐三菩提已，度無量無邊阿僧祇眾生。

子二、以般若心隨喜

憍尸迦！以是因緣故，善男子、善女人於初發意菩薩善根，應隨喜、迴向阿耨多羅三藐三菩提，非心、非離心；於久發意、阿惟¹⁶越致、一生補處善根，隨喜、迴向阿耨多羅三藐三菩提，非心、非離心。」

庚二、明正觀成就得菩提果

辛一、明無所得因

壬一、須菩提與佛論因得果義

癸一、破非心難

子一、須菩提難

須菩提白佛言：「世尊！是心如幻，云何能得阿耨多羅三藐三菩提？」

子二、佛三番反問破

丑一、破空心

佛告須菩提：「於汝意云何？汝見是心如幻不？」

「不也！世尊！我不見幻，亦不見心如幻。」

丑二、破有無戲論見

「須菩提！於汝意云何？若無幻，亦無心如幻，汝見是心不？」

「不也！世尊！」

丑三、破離有無外別有得道者

「須菩提！於汝意云何？離幻、離心如幻，汝見更有法得阿耨多羅三

¹⁵ 土＝國【明】【聖】。(大正 08, 359d, n.3)。

¹⁶ 惟＝維【宋】【元】【明】【宮】。(大正 08, 359d, n.4)。

藐三菩提不？」

「不也！世尊！我不見離幻、離心如幻，更有法得阿耨多羅三藐三菩提。

世尊！我不見更有法，何等法可說若有若無。是法相畢竟離故，不墮有、不墮無。

癸二、破斷見難

子一、須菩提難

若法畢竟離者，不能得阿耨多羅三藐三菩提；無所有法，亦不應得阿耨多羅三藐三菩提。何以故？世尊！一切法無所有，是中無垢者、無淨者。世尊！以是故，般若波羅蜜畢竟離，禪那波羅蜜、毘梨耶波羅蜜、羼提波羅蜜、尸羅波羅蜜、檀那波羅蜜畢竟離，乃至阿耨多羅三藐三菩提亦畢竟離。若法畢竟離，則不應修、不應壞。行般若波羅蜜，亦無有法可得，畢竟離故。

世尊！若般若波羅蜜畢竟離者，云何因般若波羅蜜得阿耨多羅三藐三菩提？阿耨多羅三藐三菩提亦畢竟離，二離中云何能有所得？」

子二、佛答

丑一、可其言

佛告須菩提：「善哉！善哉！是般若波羅蜜畢竟離，禪那波羅蜜、毘梨耶波羅蜜、羼提波羅蜜、尸羅波羅蜜、檀那波羅蜜畢竟離，乃至一切種智畢竟離。

丑二、正明

寅一、因離故得離果

須菩提！若般若波羅蜜畢竟離乃至一切種智畢竟離，以是故能得阿耨多羅三藐三菩提。

寅二、因不離不名因

須菩提！若般若波羅蜜非畢竟離乃至一切種智非畢竟離，是不名般若波羅蜜，不名禪¹⁷波羅蜜乃至一切種智。

寅三、亦不以離得離

¹⁷ 禪+(那)【宋】【元】【明】【宮】。(大正 08, 359d, n.5)。

須菩提！若般若波羅蜜畢竟離乃至一切種智畢竟離。以是故，須菩提！非不因般若波羅蜜得阿耨多羅三藐三菩提，亦不以離得離，而得阿耨多羅三藐三菩提，非不因般若波羅蜜。」

癸三、歎菩薩所行甚深論難不難

子一、須菩提歎

須菩提白佛言：「世尊！菩薩摩訶薩所行義甚深！」

子二、佛述

丑一、可其歎

佛言：「如是！須菩提！菩薩摩訶薩所行義甚深。」

丑二、以世諦言難

須菩提！諸菩薩摩訶薩能為難事——所謂行是深義，而不證聲聞、辟支佛地。」

子三、須菩提述

丑一、以第一義諦言不難

須菩提白佛言：「世尊！如我從佛聞義，菩薩摩訶薩所行不為難。」

丑二、釋所以

何以故？是菩薩摩訶薩不得是義可作證，亦不得般若波羅蜜作證，亦無作證者。

丑三、明菩薩無所得行

寅一、不可得故不見一切法

世尊！若一切法不可得，何等是義可作證？何等是般若波羅蜜作證？何等是作證者？作證已得阿耨多羅三藐三菩提？世尊！是名菩薩摩訶薩無所得行。菩薩行是，於一切法皆得明了。

寅二、聞是法心不驚沒怖畏

世尊！若菩薩摩訶薩聞是法，心不驚、不沒、不怖、不畏，是名為行般若波羅蜜。」

寅三、住實相中無所分別

卯一、法說

是菩薩摩訶薩行般若波羅蜜時，不見我行般若波羅蜜，亦不見是般若

波羅蜜，亦不見我當得阿耨多羅三藐三菩提。何以故？菩薩摩訶薩行般若波羅蜜時，不作是念：『聲聞、辟支佛地去我遠，薩婆若去我近。』

卯二、舉譬釋成

辰一、虛空譬

世尊！譬如虛空不作是念：『有法去我遠，去我近。』何以故？世尊！虛空無分別故。

世尊！行般若波羅蜜菩薩亦不作是念：『聲聞、辟支佛地去我遠，薩婆若去我近。』何以故？般若波羅蜜中無分別故。

辰二、幻人譬

世尊！譬如幻人不作是念：『幻師去我近，觀人去我遠。』何以故？幻人無分別故。

行般若波羅蜜菩薩不作是念：『聲聞、辟支佛地去我遠，薩婆若去我近。』

辰三、鏡像譬

世尊！譬如鏡中像不作是念：『所因者去我近，餘者去我遠。』何以故？像無分別故。

行般若波羅蜜菩薩亦不作是念：『聲聞、辟支佛地去我遠，薩婆若去我近。』何以故？般若波羅蜜中無分別故。

辰四、如佛譬

世尊！行般若波羅蜜菩薩無愛無憎。何以故？般若波羅蜜自性不可得故。

世尊！譬如佛無愛無憎，行般若波羅蜜菩薩無愛無憎亦如是。何以故？般若波羅蜜中無憎無愛故。

世尊！譬如佛一切分別想斷；行般若波羅蜜菩薩亦如是，一切分別想斷，畢竟空故。

辰五、化等譬

世尊！譬如佛所化人不作是念：『聲聞、辟支佛去我遠，阿耨多羅三藐三菩提去我近。』何以故？佛所化人無分別故。

行般若波羅蜜菩薩亦如是，不作是念：『聲聞、辟支佛去我遠，阿耨多羅三藐三菩提去我近。』

世尊！譬如¹⁸有所為故作化，所化¹⁹事無分別。

世尊！般若波羅蜜亦如是，有所為事而修是事成就，而般若波羅蜜亦無分別。

辰六、木人譬

世尊！譬如工匠、若工匠弟子，有所為故作木人，若男、若²⁰女、象、馬、牛、羊，是所作²¹亦能有所作，是²²亦無²³分別。

世尊！般若波羅蜜亦如是，有所為故說是事成就，而般若波羅蜜亦無分別。」

壬二、舍利弗與須菩提論因得果義

癸一、舍利弗難

舍利弗問須菩提：「但般若波羅蜜無分別，禪那波羅蜜乃至檀那波羅蜜亦無分別？」

須菩提語舍利弗：「禪那波羅蜜無分別，乃至檀那波羅蜜亦無分別。」

舍利弗問須菩提：「色無分別乃至識亦無分別？眼乃至意無分別？色乃至法無分別？眼識觸乃至意識觸無分別？眼觸因緣生受乃至意觸因緣生受，四禪、四無量心、四無色定，四念處乃至八聖道分，空、無相、無作，佛十力、四無所畏、四無礙智、大慈大悲、十八不共法，阿耨多羅三藐三菩提，無為性，亦無分別？」

須菩提！若色無分別乃至無為性無分別——若一切法無分別，云何分別有六道生死——是地獄、是餓鬼、是畜生、是天、是人、是阿修羅？云何分別是須陀洹、斯陀含、阿那含、阿羅漢、辟支佛、諸佛？」

癸二、須菩提答

子一、不悟無分別故有六道

¹⁸ 如+(人)【明】【聖】。(大正 08, 360d, n.1)。

¹⁹ 所化=化所作【宋】【元】【明】【宮】【聖】。(大正 08, 360d, n.2)。

²⁰ [若]—【聖】。(大正 08, 360d, n.3)。

²¹ 作+(事)【聖】。(大正 08, 360d, n.4)。

²² 是=亦【聖】。(大正 08, 360d, n.5)。(大正 08, 360d, n.6)。

案：《釋論》：是+(牛馬)【元】【明】。(大正 25, 609d, n.6)

²³ (亦)+無【宋】【元】【明】【宮】。(大正 08, 360d, n.7)。

須菩提報舍利弗：「眾生顛倒因緣故，造作身口意業，隨欲本業報，受六道身——地獄、餓鬼、畜生、人、天²⁴、阿修羅身。

子二、由悟無分別故有三乘

如²⁵汝言：『云何分別有須陀洹乃至佛道？』舍利弗！須陀洹即是無分別故有，須陀洹果亦是無分別故有，乃至阿羅漢、阿羅漢果、辟支佛、辟支佛道、佛、佛道，亦是無分別故有。

舍利弗！過去諸佛亦是無分別，斷分別故有。以是故，舍利弗！當知一切法無有分別、不壞相、諸法如、法性、實際故。」

辛二、明無所得果

壬一、明得果

舍利弗！如是菩薩摩訶薩應行無分別般若波羅蜜；行無分別般若波羅蜜已，便得無分別阿耨多羅三藐三菩提。²⁶」

²⁴ 人天=天人【聖】。(大正 08，360d，n.8)。

²⁵ [如]—【聖】。(大正 08，360d，n.9)。

²⁶ 以上梵. iti Samasta nirvṛtti pakṣā' dhiṣṭānodvitiyo grāhya vikalpaḥ.。(大正 08，360d，n.10)。

《摩訶般若波羅蜜經》卷 19 〈65 度空品〉冠科¹

《摩訶般若波羅蜜經》卷 19 (大正 08, 360b9-362a3) :

壬二、泯虛實心明智體無相²

癸一、舍利弗問

舍利弗語須菩提：「菩薩摩訶薩行般若波羅蜜，為行真實法？為行無真實法？」

癸二、須菩提答

子一、以虛破實

須菩提報舍利弗：「菩薩摩訶薩行般若波羅蜜，為行無真實法。何以故？是般若波羅蜜無真實，乃至一切種智無真實故。」

子二、虛實俱息

菩薩摩訶薩行般若波羅蜜，無真實不可得，何況真實！乃至行一切種智，無真實法不可得，何況真實法³！」

庚三、明菩薩所行甚深

辛一、諸天心念作禮

爾時，欲、色界諸天子作是念：「諸有善男子、善女人發阿耨多羅三藐三菩提意，如深般若波羅蜜所說義，行於等法，不作實際證，不墮聲聞、辟支佛地，應當為作禮！」

辛二、須菩提歎菩薩難事

壬一、正歎

須菩提語諸天子：「諸菩薩摩訶薩於等法不證聲聞、辟支佛地，不⁴為難。諸菩薩摩訶薩大莊嚴：『我當度無量無邊阿僧祇眾生。』知眾生畢竟不可得而度眾生，是乃為難！」

諸天子！諸菩薩摩訶薩發阿耨多羅三藐三菩提心，作是願：『我當度

¹ 妙境法師，《摩訶般若波羅蜜經》冠科(下冊)，pp.818-826。

² 對照《大智度論》卷 78 〈65 稱揚品〉(大正 25, 612a5-613b20)。

³ [法] — 【聖】。(大正 08, 360d, n.14)。

⁴ 不+(足)【聖】。(大正 08, 360d, n.15)。

一切眾生。』眾生實不可得，是人欲度眾生，如⁵欲度虛空。

壬二、釋歎

癸一、明眾生空故大誓空

何以故？虛空離故，當知眾生亦離；虛空空故，當知眾生亦空；虛空無堅固，當知眾生亦無堅固；虛空虛誑，當知眾生亦虛誑。

諸天子！以是因緣故，當知菩薩所作為難。

為利益無所有眾生故而大莊嚴，是人為眾生結誓，為欲與虛空共鬪。是菩薩結誓已，亦不得眾生，而為眾生結誓⁶。何以故？眾生離故，當知大誓亦離；眾生虛誑故，當知大誓亦虛誑。

若菩薩摩訶薩聞是深⁷法，心不驚、不沒，當知是菩薩摩訶薩行般若波羅蜜。」

癸二、明法空即眾生空

何以故？色離，即是眾生離；受、想、行、識離，即是眾生離。

色離，即是六波羅蜜離；受、想、行、識離，即是六波羅蜜離。乃至一切種智離，即是六波羅蜜離。

若菩薩摩訶薩聞是一切諸法離相，心不驚、不沒、不怖、不畏，當知是菩薩摩訶薩行般若波羅蜜。」

癸三、明般若空

子一、佛問

佛告須菩提：「何因緣故，菩薩摩訶薩於深般若波羅蜜中心不沒？」

子二、須菩提答

須菩提白佛言：「世尊！般若波羅蜜無所有故不沒，般若波羅蜜離故不沒，般若波羅蜜寂滅故不沒。世尊！以是因緣故，菩薩於深般若波羅蜜中心不沒。」

癸四、明所觀境空

何以故？是菩薩不得沒者、不得沒事、不得沒處——是一切法皆不可

⁵〔如〕－【聖】。(大正 08, 360d, n.16)。

⁶〔結誓…眾生〕十七字－【聖】。(大正 08, 360d, n.17)。

⁷〔深〕－【宋】【元】【明】【宮】【聖】。(大正 08, 360d, n.18)。

得故。

世尊！若菩薩摩訶薩聞是法，心不驚、不沒、不怖、不畏，當知是菩薩為行般若波羅蜜。何以故？沒者、沒事、沒處——是法皆不可得故。

庚四、諸天三業禮敬諸佛所護所歎

辛一、諸天身業禮敬

菩薩摩訶薩如是行般若波羅蜜，諸天⁸及釋提桓因天、梵天王天及世界主天，皆為作禮。」

佛告須菩提：「不但釋提桓因諸天、梵王及諸天、世界主及諸天，禮是菩薩摩訶薩行般若波羅蜜者，過是上光音天、遍淨天、廣果天、淨居天，皆為是菩薩摩訶薩作禮。

辛二、諸佛護念魔不能壞

壬一、正明護念

須菩提！今現在十方無量諸佛，亦念是行般若波羅蜜菩薩摩訶薩。當知是菩薩為如佛。

須菩提！若如⁹恒河沙等國土¹⁰中眾生悉使為魔，是一一魔復化作魔——如恒河沙等魔，是一切魔不能留難菩薩行般若波羅蜜。

壬二、別出因緣¹¹

癸一、觀一切法空，不捨一切眾生

須菩提！菩薩摩訶薩成就二法，魔不能壞。何等二？觀一切法空，不捨一切眾生。須菩提！菩薩成就此二法，魔不能壞。

癸二、所作如所言，為諸佛護念

復次，須菩提！菩薩摩訶薩復有二法成就，魔不能壞。何等二？所作如所言，亦為諸佛所念。菩薩成就此二法，魔不能壞。」

辛三、諸天口業稱歎

須菩提！菩薩如是行，是諸天皆來到菩薩所，親近、諮問、勸¹²喻、

⁸ 天+(子)【聖】。(大正 08, 360d, n.19)。

⁹ [如] - 【聖】。(大正 08, 361d, n.1)。

¹⁰ 國土=世界【宋】【元】【明】【宮】。(大正 08, 361d, n.2)。

¹¹ 對照《大智度論》卷 79 〈65 稱揚品〉(大正 25, 613b29-616a10)。

安慰，作是言：『善男子！汝疾得阿耨多羅三藐三菩提不久。善男子！汝常當行是空、無相、無作行。何以故？善男子！汝行是行，無護眾生汝為作護，無依眾生為作依，無救眾生為作救，無究竟道眾生為作究竟道，無歸眾生為作歸，無洲眾生為作洲，冥¹³者為作明，盲者為作眼。』

辛四、佛口業稱歎

壬一、明十方佛自稱揚讚歎

癸一、歎大菩薩

何以故？是菩薩摩訶薩行般若波羅蜜，十方現在無量阿僧祇諸佛在大眾中說法時，自讚歎稱揚是菩薩摩訶薩名姓，言：『某甲菩薩成就般若波羅蜜功德。』

須菩提！如我今說法時，自稱揚寶相菩薩、尸棄菩薩。

復有諸菩薩摩訶薩在阿閼佛國中行般若波羅蜜、淨修梵行，我亦稱揚是菩薩名姓。

須菩提！亦如東方現在諸佛說法時，是中有菩薩摩訶薩淨修梵行，佛亦歡喜，自稱揚讚歎是菩薩；南西北方、四維、上下亦如是。

癸二、歎一切菩薩

復有菩薩從初發意欲具足佛道乃至得一切種智；諸佛說法時，亦歡喜自稱揚讚歎是菩薩。何以故？是諸菩薩摩訶薩所行甚難，不斷佛種行。」

壬二、釋何等菩薩為佛所歎

癸一、德行勝故佛歎

須菩提白佛言：「世尊！何等菩薩摩訶薩，諸佛說法時自讚歎稱揚？」

佛告須菩提：「阿鞞跋致菩薩，諸佛說法時，自讚歎稱揚。」

須菩提言：「何等阿鞞跋致菩薩為佛所讚¹⁴？」

佛言：「如阿閼佛為菩薩時所行所¹⁵學，諸菩薩亦如是學；是諸阿鞞

¹² 勸=歡【聖】。(大正 08, 361d, n.3)。

¹³ 冥=暝【宋】【宮】。(大正 08, 361d, n.4)。

¹⁴ 讚+(嘆)【聖】。(大正 08, 361d, n.5)。

¹⁵ [所]-【聖】。(大正 08, 361d, n.6)。

跋致菩薩，諸佛說法時，歡喜¹⁶讚歎。

癸二、智慧力勝故佛歎

復次，須菩提！有菩薩行般若波羅蜜，信解一切法無生，未得無生忍法；信解一切法空，未得無生忍法；信解一切法虛誑不實、無所有¹⁷、不堅固，未得無生忍法。須菩提！如是等諸菩薩摩訶薩，諸¹⁸佛說法時，歡喜自讚歎稱揚名字¹⁹。

須菩提！若諸菩薩摩訶薩，諸佛說法時，歡喜自讚歎者，是菩薩滅聲聞、辟支佛地，當得阿耨多羅三藐三菩提記。

須菩提！若菩薩摩訶薩，諸佛說法時，歡喜自讚歎者，是菩薩當住阿鞞跋致地；住是地已，當得薩婆若。

癸三、信根力勝故佛歎

子一、正明

復次，須菩提！菩薩摩訶薩聞是深般若波羅蜜²⁰，其心明利，不疑不悔，作是念：『是事如佛所說。』是菩薩亦當於阿閼佛及諸菩薩所，廣聞是深般若波羅蜜，亦信解；信解已，如佛所說，當住阿鞞跋致地。

子二、況餘

如是！須菩提！但聞般若波羅蜜，得大利益，何況信解！信解已，如說住、如說行；如說住²¹、如說行已，住一切種智中。」

庚五、再論得果義天主重稱歎

辛一、再論得果義

壬一、須菩提難如中不可住亦無果可得

須菩提白佛言：「世尊！若佛說『菩薩摩訶薩如所說住、如所說行，住薩婆若。』若菩薩摩訶薩無所得法，云何住薩婆若？」

佛告須菩提：「菩薩摩訶薩住諸法如中，住薩婆若。」

¹⁶ 喜+(自)【宋】【元】【明】【宮】。(大正 08, 361d, n.7)。

¹⁷ [無所有]—【聖】。(大正 08, 361d, n.8)。

¹⁸ [諸]—【聖】。(大正 08, 361d, n.9)。

¹⁹ 字=姓【宋】【元】【明】【宮】【聖】。(大正 08, 361d, n.10)。

²⁰ 蜜+(時)【宋】【元】【明】【宮】。(大正 08, 361d, n.11)。

²¹ [住如說]—【聖】。(大正 08, 361d, n.12)。

須菩提言：「世尊！除如，更無法可得，誰住如中？住²²如中已，當得阿耨多羅三藐三菩提？誰住如中當說法？如尚不可得，何況住如得²³阿耨多羅三藐三菩提！誰住如中而說法？無有是處！」

壬二、佛述成須菩提所說

癸一、牒問

佛告須菩提：「如汝所言：『除如更無法²⁴，誰住如中？住如中已，當得阿耨多羅三藐三菩提？誰住如中當說法？如尚不可得，何況住如得²⁵阿耨多羅三藐三菩提！誰住如中而說法？無有是處！』」

癸二、述成

佛言：「如是，如是！須菩提！除如，更無有法可得，誰住如中？住如中已，當得阿耨多羅三藐三菩提？誰住如中當說法？如尚不可得，何況住如得²⁶阿耨多羅三藐三菩提！誰住如中而說法？

何以故？是如生不可得，滅不可得，住、異不可得；若法生、滅、住、異不可得，是中誰當住如？誰當住如已，得阿耨多羅三藐三菩提？誰當住如²⁷而說法？無有是處！」

辛二、天主重稱歎

壬一、稱歎菩薩深行

癸一、天主正歎

釋提桓因白佛言：「世尊！諸菩薩摩訶薩所為甚難——深般若波羅蜜中欲得阿耨多羅三藐三菩提。何以故？世尊！無有如中住者，亦無當得阿耨多羅三藐三菩提者，亦無說法者。菩薩摩訶薩於是處，心不驚、不沒、不怖、不畏、不疑、不悔。」

癸二、須菩提反責顯深

爾時，須菩提語釋提桓因：「汝憍尸迦說菩薩摩訶薩所為甚難，是甚

²² (誰)+住【聖】。(大正 08, 361d, n.13)。

²³ (當)+得【聖】。(大正 08, 361d, n.14)。

²⁴ (有)+法【聖】，法+(可得)【明】。(大正 08, 361d, n.15)。

²⁵ (當)+得【聖】。(大正 08, 361d, n.16)。

²⁶ (中當)+得【聖】。(大正 08, 361d, n.17)。

²⁷ 如+(中)【聖】。(大正 08, 361d, n.18)。

深法中，心不驚、不沒、不怖、不畏、不疑、不悔。僑尸迦！諸法空中，誰驚、誰沒？誰怖、誰畏？誰疑、誰悔？」

王二、稱歎須菩提解空無礙

癸一、正歎

是時，釋提桓因語須菩提：「須菩提所說，但為空事，無²⁸罣礙。」

癸二、譬歎

譬如仰射空中，箭去無礙；須菩提說法無礙亦如是。」

²⁸ 無+(所)【宋】【元】【明】【宮】【聖】。(大正 08, 362d, n.1)。

《摩訶般若波羅蜜經》卷 20 〈66 累教品¹〉冠科²

《摩訶般若波羅蜜經³》卷 20⁴（大正 08，362a7-364a27）：

丙二、付囑流通實相般若⁵

丁一、印述二人格量勸修

戊一、印述二人

己一、印述天主

爾時，釋提桓因白佛言：「世尊！我如是說、如是答，為隨順法不？為正答不？」

佛告釋提桓因言：「憍尸迦！汝所說、所答，實皆隨順。」

釋提桓因言：「希有！世尊！須菩提所樂說皆是為空、為無相、為⁶無作，為四念處乃至為阿耨多羅三藐三菩提。」

己二、印成須菩提

佛告釋提桓因⁷：「須菩提比丘行空時，檀那⁸波羅蜜不可得，何況行檀那波羅蜜者！乃至般若波羅蜜不可得，何況行般若波羅蜜者！

四念處不可得，何況修四念處者！乃至八聖道分不可得，何況修八聖道分者！禪、解脫、三昧定不可得，何況修禪、解脫、三昧定者！

佛十力不可得，何況修佛十力者！四無所畏不可得，何況能生四無所畏者！四無礙智不可得，何況生四無礙智者！大慈大悲不可得，何況行大慈大悲者！十八不共法不可得，何況生十八不共法者！

阿耨多羅三藐三菩提不可得，何況得阿耨多羅三藐三菩提者！一切智

¹ 累教=囑累【宋】【元】【明】【宮】，=摩訶般若波羅蜜經中囑累【聖】。（大正 08，362d，n.6）。

² 妙境法師，《摩訶般若波羅蜜經》冠科(下冊)，pp.827-839。

³ [摩訶…譯]—【聖】。（大正 08，362d，n.4）。

⁴ 二十=二十二【宋】【元】【明】【宮】。（大正 08，362d，n.5）。

⁵ 對照《大智度論》卷 79〈66 囑累品〉（大正 25，616a12-620c12）。

⁶ [為]—【宋】【元】【明】【宮】【聖】。（大正 08，362d，n.8）。

⁷ 因+(言)【宋】【元】【明】【宮】【聖】。（大正 08，362d，n.9）。

⁸ [那]—【聖】。（大正 08，362d，n.10）。

不可得，何況得一切智者！如來不可得，何況當作如來者！無生法不可得，何況得無生法作證者！

三十二相不可得，何況得三十二相者！八十隨形好不可得，何況得八十隨形好者！

何以故？憍尸迦！須菩提比丘一切法離行、一切法無所得行、一切法空行、一切法無相行、一切法無作行。

戊二、格量顯勝

己一、明優劣

憍尸迦！是為須菩提比丘所行，欲比菩薩摩訶薩般若波羅蜜行者，百分不及一，千分、千萬億分，乃至算數、譬喻所不能及。

何以故？除佛行，是菩薩摩訶薩行般若波羅蜜於聲聞、辟支佛諸行中最尊、最妙、最上。

以是故，菩薩摩訶薩欲得於一切眾生中最上，當行是般若波羅蜜行。

何以故？憍尸迦！諸菩薩摩訶薩行般若波羅蜜時，過聲聞、辟支佛地，入菩薩位，能具足佛法，得一切種智，斷一切煩惱習，作佛。」

己二、明得利

庚一、諸天散花供養

是⁹會中，諸三十三天以天曼¹⁰陀羅華散佛及僧。

庚二、佛授記八百比丘成佛

辛一、八百比丘發願行無上菩薩道

是時，八百比丘從座起，以華散佛，偏袒右肩，合掌，右膝著地，白佛言：「世尊！我等當行是無上行——聲聞、辟支佛所不能行。」

辛二、佛為現瑞授記

爾時，佛知諸比丘心行，便微笑。如諸佛法，種種色光——青、黃、赤、白、紅、縹，從口¹¹中出，遍照三千大千世界，繞佛三匝，還從頂入。

⁹〔時〕—【宋】【元】【明】【宮】【聖】。(大正 08, 362d, n.11)。

¹⁰曼=文【宋】【宮】【聖】。(大正 08, 362d, n.12)。

¹¹(佛)+口【聖】。(大正 08, 362d, n.13)。

爾時，阿難偏袒右肩，右膝著地，白佛言：「世尊！何因緣微笑？諸佛不以無因緣而笑！」

佛告阿難：「是八百比丘於星宿劫中當得阿耨多羅三藐三菩提，佛名散華，皆同一字，比丘僧、國土、壽命皆等。各各過十萬歲，出家作佛。是時，諸國土常雨五色天華。」

戊三、結勸修行

己一、總明

以是故，阿難！菩薩摩訶薩欲行最上行，應當行般若波羅蜜。」

己二、歎菩薩能行，並勸修

庚一、明「能行深般若者之德相」

辛一、能行深般若者，從人道或兜率天上來

佛告阿難：「若有善男子、善女人能行是深般若波羅蜜，當知是菩薩人中死、此間生，若兜率天上死，來生此間，若人中、若兜率天上廣聞是深般若波羅蜜。阿難！我見是諸菩薩摩訶薩能行是深般若波羅蜜。」

辛二、親從佛聞般若、種善根，並以般若教化他人

阿難！若有善男子、善女人聞是深般若波羅蜜，受持、讀、誦、親近、正憶念，轉復以般若波羅蜜教¹²行菩薩道者，當知是菩薩面從佛聞深般若波羅蜜，乃至親近，亦從諸佛種善根。

善男子、善女人當作是念：『我等非聲聞所種善根，亦不從聲聞所聞是深般若波羅蜜。』

阿難！若有善男子、善女人受持是深般若波羅蜜，讀、誦、親近、隨義隨法行¹³，當知是善男子、善女人則為面見佛。

辛三、供養諸佛、多種善根、善知識守護故，信心清淨不可破壞

阿難！若有善男子、善女人聞是深般若波羅蜜，信心清淨，不可沮壞，當知是善男子、善女人曾供養佛、種善根、與善知識相得。

庚二、欲以三乘得解脫、得無上菩提，應了了行六度乃至一切種智

阿難！於諸佛福田種善根雖不虛誑，要得聲聞、辟支佛、佛而得解脫，

¹² 教+(化)【宋】【元】【明】。(大正 08, 362d, n.14)。

¹³ [隨]—【聖】。(大正 08, 362d, n.15)。

應當深了了行六波羅蜜乃至一切種智。

阿難！若菩薩深了了行六波羅蜜，乃至一切種智，是人若住聲聞、辟支佛道，不得阿耨多羅三藐三菩提，無有是處！

丁二、正明囑累

戊一、付囑流通

己一、正付囑

是故，阿難！我以般若波羅蜜囑累汝。

己二、誠莫忘失

庚一、格量失罪

阿難！汝若受持一切法，除般若波羅蜜，若忘若失，其過小小，無有大罪。

阿難！汝受持深般若波羅蜜，若失¹⁴一句，其過甚大。

阿難！汝若受持深般若波羅蜜，還忘失，其罪甚多。

庚二、勸善受持

以是故，阿難！囑累汝！是深般若波羅蜜，汝當善受持、讀誦令利。

庚三、舉四事反釋失之得大罪

辛一、若受持則為受持三世佛菩提

阿難！若有善男子、善女人受持般若波羅蜜，則為受持過去、未來、現在諸佛阿耨多羅三藐三菩提。

辛二、若供養即為供養三世如來

阿難！若善男子、善女人現在供養我，恭敬、尊重、讚歎、華香、瓔珞、擣香、澤香、衣服、旛蓋，應當受持般若波羅蜜，讀、誦、說、親近、供養、恭敬、尊重、讚歎、華香乃至旛蓋¹⁵。

阿難！供養般若波羅蜜，則為供養我，亦供養過去、未來、現在佛已。

辛三、若信心愛樂則信心愛樂三世佛

若有善男子、善女人聞說深般若波羅蜜，信心清淨恭敬愛樂，則為信心清淨恭敬愛樂過去、未來、現在諸佛已。

¹⁴ (忘)+失【元】【明】。(大正 08，362d，n.16)。

¹⁵ 幡蓋=幢幡【聖】。(大正 08，363d，n.1)。

阿難！汝愛樂佛，不捨離，當愛樂般若波羅蜜，莫捨離！

辛四、般若即世尊

阿難！深般若波羅蜜乃至一句，不應令失！

阿難！我說囑累因緣甚多，今但略說：如我為世尊，般若波羅蜜亦是世尊。

己三、重付囑

以是故，阿難！種種因緣囑累汝般若波羅蜜。阿難！今我於一切世間天、人、阿修羅中囑累汝！諸欲不捨佛、不捨法¹⁶、不捨僧、不捨過去、未來、現在諸佛阿耨多羅三藐三菩提者，慎莫捨般若波羅蜜！阿難！是我所教化弟子法。

戊二、修行流通

己一、稱歎勸修

庚一、勸為他說

阿難！若善男子、善女人受持深般若波羅蜜，讀、誦、說、正憶念，復為他人種種廣說其義，開示、演暢、分明，令易解，是善男子、善女人疾得阿耨多羅三藐三菩提，疾近薩婆若。何以故？般若波羅蜜中生諸佛阿耨多羅三藐三菩提。阿難！過去、未來諸佛阿耨多羅三藐三菩提，皆從般若波羅蜜中生¹⁷；今現在東方、南方、西方、北方、四維、上下諸佛阿耨多羅三藐三菩提，亦從般若波羅蜜生。

庚二、勸學六度

以是故，阿難！諸菩薩摩訶薩欲得阿耨多羅三藐三菩提，應當學六波羅蜜。

何以故？阿難¹⁸！六波羅蜜是菩薩摩訶薩母，生諸菩薩故。阿難！若有菩薩摩訶薩學是六波羅蜜，皆得¹⁹阿耨多羅三藐三菩提。

以是故，我以六波羅蜜倍復囑累汝！

阿難！是六波羅蜜是諸佛無盡法藏。阿難！十方諸佛現在說法，皆從

¹⁶ 法=如【聖】。(大正 08，363d，n.2)。

¹⁷ (出)+生【聖】。(大正 08，363d，n.3)。

¹⁸ [阿難]—【宋】【元】【明】【宮】。(大正 08，363d，n.4)。

¹⁹ (當)+得【宋】【元】【明】【宮】【聖】。(大正 08，363d，n.5)。

六波羅蜜法藏中出。過去諸佛亦從六波羅蜜中學，得阿耨多羅三藐三菩提；未來諸佛亦從六波羅蜜中學，得阿耨多羅三藐三菩提；過去、未來、現在諸佛弟子，皆從六波羅蜜中學，得滅度——已得、今²⁰得、當得滅度²¹。

庚三、格量顯勝

辛一、正格量

阿難！汝為聲聞人說法，令三千大千世界中眾生皆得阿羅漢果證，猶未為我弟子事；汝若以般若波羅蜜相應一句義²²教菩薩摩訶薩，則為我弟子事，我亦歡喜，勝教三千大千世界中眾生令得阿羅漢。

復次，阿難！是三千大千世界中眾生不前不後、一時皆得阿羅漢果證；是諸阿羅漢行布施功德，持戒、禪定功德，是功德多不？」

阿難言：「甚多！世尊！」

佛言：「不如弟子²³以般若波羅蜜相應法為菩薩摩訶薩說，乃至一日，其福甚多！置一日，但半日；置半日，但一食頃；置一食頃，但須臾間說，其福甚多！」

辛二、顯勝稱歎

何以故？菩薩摩訶薩善根，勝一切聲聞、辟支佛故。菩薩摩訶薩自欲得阿耨多羅三藐三菩提，亦示教利喜他人，令得阿耨多羅三藐三菩提。阿難！如是菩薩行六波羅蜜，行四念處乃至行一切種智，增益善根，若不得阿耨多羅三藐三菩提，無有是處！」

己二、現瑞引證釋時眾疑

庚一、現攝神足顯阿闍佛會如幻無所著

說是〈般若波羅蜜品〉時，佛在四眾中，天、人、龍、鬼神、緊陀²⁴羅、摩睺羅伽等，於大眾前而現神足變化——一切大眾皆見阿闍佛，

²⁰ 今得當得=當得今【聖】。(大正 08, 363d, n.6)。

²¹ [滅度]—【聖】。(大正 08, 363d, n.7)。

²² [義]—【元】【明】【宮】【聖】。(大正 08, 363d, n.8)。

²³ 弟子=善男子【聖】。(大正 08, 363d, n.9)。

²⁴ 陀=那【宋】【元】【明】【宮】【聖】。(大正 08, 363d, n.10)。

比丘僧圍繞，說法；大眾譬如大海水，皆是阿羅漢——漏已盡、無²⁵復煩惱，皆得自在，得俱²⁶解脫——心解脫，慧解脫；其心調柔，譬如大象；所作已辦，逮得己利，盡諸有結，正智得解脫；一切心、心數法中得自在；及諸菩薩摩訶薩無量功德成就。

爾時，佛攝神足，一切大眾不復見阿闍佛、聲聞人、菩薩摩訶薩及其國土²⁷，不與眼作對。何以故？佛攝神足故。

庚二、引證釋疑

辛一、佛付囑無所著

爾時，佛告阿難：「如是！阿難！一切法不與眼作對，法法不相見、法法不相知。

如是！阿難！如阿闍佛、弟子、菩薩、國土，不與眼作對；如是！阿難！一切法不與眼作對，法法不相知²⁸、法法不相見²⁹。何以故？一切法無知、無見、無作、無動、不可捉、不可思議，如幻人無受、無覺、無真實。

菩薩摩訶薩如是行，為行般若波羅蜜，亦不著諸法。

辛二、以大慈悲讚般若

阿難！菩薩摩訶薩如是學，名為學般若波羅蜜。

欲得諸波羅蜜，當學般若波羅蜜。何以故？如是學，名為第一學、最上學、微妙學；如是學，安樂利益一切世間，無護者為作護，如³⁰是³¹學³²諸佛所³³學。

諸佛住是學中，能以右手舉三千大千世界，還著本處，是中眾生無覺知者。何以故？

²⁵ 漏已盡無復＝諸漏盡無【宋】【元】【明】【宮】，－【聖】。(大正 08，363d，n.11)。

²⁶ 俱＝好【宋】【元】【明】【聖】。(大正 08，363d，n.12)。

²⁷ 國土＝世界【聖】。(大正 08，363d，n.13)。

²⁸ 知＝見【宋】【元】【明】【宮】。(大正 08，363d，n.14)。

²⁹ 見＝知【宋】【元】【明】【宮】。(大正 08，363d，n.15)。

³⁰ [如]－【聖】。(大正 08，363d，n.16)。

³¹ [學]－【聖】。(大正 08，363d，n.17)。

³² (是)+諸【宋】【元】【明】【宮】。(大正 08，363d，n.18)。

³³ 所＝許【聖】。(大正 08，363d，n.19)。

阿難！諸佛學是般若波羅蜜，過去、未來、現在法中，得無闕智³⁴見。
阿難！般若波羅蜜於諸學中最尊、第一、微妙、無上。

己三、歎般若無量成付囑義

庚一、正說

阿難！有人欲得般若波羅蜜邊際，為欲得虛空邊際。
何以故？阿難！般若波羅蜜無有量，我初不說般若波羅蜜量；名眾、句眾、字眾是有量，般若波羅蜜無有量。」

庚二、釋因由

阿難白佛言：「世尊！般若波羅蜜何以故無有量？」

佛告阿難：「般若波羅蜜無盡故無有量，般若波羅蜜離故無有量。阿難！過去諸佛皆學是³⁵般若波羅蜜得度，是般若波羅蜜故不盡；未來世諸佛亦學是般若波羅蜜得度，是般若波羅蜜故不盡；現在十方諸佛皆學是般若波羅蜜得度，是般若波羅蜜故不盡——已不盡、今不盡、當不盡。

阿難！欲盡般若波羅蜜，為欲盡虛空。般若波羅蜜不可盡——已不盡、今不盡、當不盡，禪那³⁶波羅蜜乃至檀那波羅蜜不可盡——已不盡、今不盡、當不盡，乃至一切種智亦如是。

何以故？是一切法皆無生，若法無生，云何有盡？」

己四、出舌相證勸信受持

爾時，佛出覆面舌相，告阿難：「從今日，於四眾中廣演、開示、分別般若波羅蜜，當令分明易解。何以故？是深般若波羅蜜中廣說諸法相。是中求聲聞、辟支佛，求佛者，皆當於中學；學已，各得成就。」

己五、廣說般若功德

庚一、能入文字陀羅尼、得樂說辯才

阿難！是深般若波羅蜜則是一切字門；行是深般若波羅蜜，能入陀羅尼³⁷門；學是陀羅尼諸菩薩，得一切樂說辯才。

³⁴ 闕智 = 礙智【宋】【元】， = 礙知【明】。(大正 08，363d，n.20)。

³⁵ [是] - 【聖】。(大正 08，364d，n.1)。

³⁶ [那] - 【聖】。(大正 08，364d，n.2)。

³⁷ 羅 = 隣【宋】【元】【明】【宮】。(大正 08，364d，n.3)。

庚二、能持三世諸佛無上菩提

阿難！般若波羅蜜是三世諸佛妙法。以是故，阿難！我為汝了了說，若有人受持深般若波羅蜜，讀、誦、親近，是人則能持³⁸三世諸佛阿耨多羅三藐三菩提。

庚三、能總持一切佛法

阿難！我說般若波羅蜜是行者足，汝持是般若波羅蜜得³⁹陀羅尼故，則能持一切諸⁴⁰法。」⁴¹

³⁸ (總) + 持【聖】。(大正 08，364d，n.4)。

³⁹ [得] - 【聖】。(大正 08，364d，n.5)。

⁴⁰ [諸] - 【聖】。(大正 08，364d，n.6)。

⁴¹ 以上梵. ity uktam mahābodhau sampratyaaya kāraṇam。(大正 08，364d，n.7)。

《摩訶般若波羅蜜經》卷 20 〈67 無¹盡品〉冠科²

《摩訶般若波羅蜜經³》卷 20（大正 08，364a28-365a25）：

乙二、方便道⁴

丙一、正明方便因果大用

丁一、明方便體用稱歎令行

戊一、明方便慧體妙窮法實

己一、論般若無盡

爾時，須菩提作是念：「是諸佛阿耨多羅三藐三菩提甚深，我當問佛。」
作是念已，白佛言：「世尊！是般若波羅蜜不可盡？」

佛言：「虛空不可盡故，般若波羅蜜不可⁵盡。」

己二、論般若生

庚一、正明

辛一、約五陰無生無盡明

「世尊！云何應生般若波羅蜜？」

佛言：「色不可盡故，般若波羅蜜應生；受、想、行、識不可盡故，般若波羅蜜應生。」

辛二、約六度乃至一切種智無生無盡明

檀那波羅蜜不可盡故，般若波羅蜜應生；尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜不可盡故，般若波羅蜜應生；乃至一切種智不可盡故，般若波羅蜜應生。

辛三、約十二因緣空無盡明

復次，須菩提！癡空不可盡故，菩薩摩訶薩般若波羅蜜應生；行

¹ [無盡品第六十七] — 【聖】，無=不可【宋】【元】【明】【宮】。(大正 08，364d，n.9)。

² 妙境法師，《摩訶般若波羅蜜經》冠科(下冊)，pp.840-845。

³ 經+(三十)【聖】。(大正 08，364d，n.8)。

⁴ 對照《大智度論》卷 80 〈67 無盡方便品〉(大正 25，620c20-623b6)。

⁵ [可] — 【聖】。(大正 08，364d，n.10)。

空不可盡故，菩薩般若波羅蜜應生；識空不可盡故，菩薩般若波羅蜜應生；名色空不可盡故，菩薩般若波羅蜜應生；六處空不可盡故，菩薩般若波羅蜜應生；六觸空不可盡故，菩薩般若波羅蜜應生；受空不可盡故，菩薩般若波羅蜜應生；愛空不可盡故，菩薩般若波羅蜜應生；取空不可盡故，菩薩般若波羅蜜應生；有空不可盡故，菩薩般若波羅蜜應生；生空不可盡故，菩薩般若波羅蜜應生；老、死、憂、悲、苦、惱空不可盡故，菩薩般若波羅蜜應生。

如是！須菩提！菩薩摩訶薩般若波羅蜜應生。

庚二、出方便慧體

須菩提！是⁶十二因緣是獨菩薩法，

戊二、明方便慧用除惡積善

己一、明惡無不除

庚一、明除內惡

辛一、除顛倒

能除諸邊顛倒；坐道場時，應如是觀，當得一切種智。

辛二、離二乘

須菩提！若有菩薩摩訶薩以虛空不可盡法，行般若波羅蜜，觀十二因緣，不墮聲聞、辟支佛地，住阿耨多羅三藐三菩提。

須菩提！若求菩薩道而轉還者，皆⁷離般若波羅蜜念故；是人不知云何行般若波羅蜜，應⁸以虛空不可盡法觀十二因緣。

須菩提！若求菩薩道而轉還者，皆不得是方便力故，於阿耨多羅三藐三菩提而轉還。

須菩提！若菩薩摩訶薩於阿耨多羅三藐三菩提不轉還者，皆得是方便力故。

須菩提！菩薩摩訶薩應以虛空不可盡法觀⁹般若波羅蜜，應以虛空不可盡法生般若波羅蜜。

⁶ (如)+是【宋】【元】【明】【宮】。(大正 08, 364d, n.11)。

⁷ [皆] - 【聖】。(大正 08, 364d, n.12)。

⁸ [應] - 【宋】【元】【明】【宮】【聖】。(大正 08, 364d, n.13)。

⁹ (應)+觀【聖】。(大正 08, 364d, n.14)。

辛三、離邪見

如是！須菩提！菩薩摩訶薩觀十二因緣時，不見法無因緣生，不見法常不滅。

辛四、離我見

不見法有我、人、壽者、命者、眾生，乃至知者、見者。

辛五、離法見

壬一、正明

癸一、除八倒

不見法無常，不見法苦，不見法無我，不見法寂滅、非寂滅。

如是！須菩提！菩薩摩訶薩行般若波羅蜜，應如是觀十二因緣。

須菩提！若菩薩摩訶薩能如是行般若波羅蜜，是時不見色——若常、若無常，若苦、若樂，若我、若無我，若寂滅、若非寂滅；受、想、行、識亦如是。

癸二、緣觀淨

須菩提！菩薩摩訶薩是時亦不見般若波羅蜜，亦不見以是法見般若波羅蜜；禪那波羅蜜，乃至阿耨多羅三藐三菩提，亦不見阿耨多羅三藐三菩提，亦不見以是法見阿耨多羅三藐三菩提。

壬二、結

如是！須菩提！一切法不可得故，是為應般若波羅蜜行。

庚二、明除外惡

若菩薩行無所得般若波羅蜜時，惡魔愁毒，如箭入心。

譬如人新喪父母；如是！須菩提！是惡¹⁰魔見菩薩行無所得般若波羅蜜時，便大愁毒，如箭入心。」

須菩提白佛言：「世尊！但一魔愁毒，三千大千世界中魔亦復愁毒？」

佛告須菩提：「三千大千世界中諸惡魔皆愁毒，如箭入心，各於其座不能自安。」

¹⁰ (是)+惡【宋】【元】【明】【宮】【聖】。(大正 08, 364d, n.15)。

須菩提！菩薩摩訶薩能如是行般若波羅蜜，是時一切世間天及人、阿修羅，不能得其便，令其憂惱。

須菩提！以是故，菩薩摩訶薩欲得阿耨多羅三藐三菩提，當行是般若波羅蜜。

己二、明善無不積

庚一、明令六度各得滿足

辛一、正說

菩薩摩訶薩行般若波羅蜜時¹¹，具足修檀那波¹²羅蜜、尸羅¹³波羅蜜、羼提波羅蜜、毗梨耶波羅蜜、禪波羅蜜、般若波羅蜜。須菩提！菩薩摩訶薩行般若波羅蜜時，具足諸波羅蜜。」

辛二、示修

壬一、須菩提問

須菩提白佛言：「世尊！菩薩摩訶薩行般若波羅蜜時，云何具足檀那波羅蜜、尸羅波羅蜜、羼提波羅蜜、毗梨耶波羅蜜、禪那波羅蜜、般若波羅蜜？」

壬二、佛答

佛告須菩提：「菩薩摩訶薩所有布施，皆迴向薩婆若。如是！須菩提！菩薩摩訶薩行般若波羅蜜時，具足檀那波羅蜜。

須菩提！菩薩摩訶薩所有持戒，皆迴向薩婆若，是為具足尸羅波羅蜜。

菩薩摩訶薩所有忍辱，皆迴向薩婆若，是為具足羼提波羅蜜。

菩薩摩訶薩所有精進，皆迴向薩婆若，是為具足毗梨耶波羅蜜。

菩薩摩訶薩所有禪定，皆迴向薩婆若，是為具足禪那波羅蜜。

菩薩摩訶薩所有智慧，皆迴向薩婆若，是為具足般若波羅蜜。

如是！須菩提！菩薩摩訶薩行般若波羅蜜，具足六波羅蜜。¹⁴

¹¹ (行)+時【宮】。(大正 08, 365d, n.1)。

¹² [那] - 【聖】*。(大正 08, 365d, n.2)。

¹³ [羅] - 【聖】*。(大正 08, 365d, n.3)。

¹⁴ 梵無區分。(大正 08, 365d, n.4)。

《摩訶般若波羅蜜經》卷 20 〈68 攝五品¹〉冠科²

《摩訶般若波羅蜜經》卷 20 (大正 08, 365a26-368c2):

庚二、明一一度中具足六度³

辛一、約布施明

壬一、布施攝戒

須菩提白佛言：「世尊！云何菩薩摩訶薩住檀那波羅蜜取尸羅波羅蜜？」

佛告須菩提：「菩薩摩訶薩布施時，持是布施迴向薩婆若，於眾生中住慈身口意業。是為菩薩住檀那波羅蜜取尸羅波羅蜜。」

壬二、布施攝忍

「世尊！云何菩薩住檀那波羅蜜取羸提波羅蜜？」

佛告須菩提：「菩薩布施時，受者瞋恚罵辱，惡言加之；是時菩薩忍辱，不生瞋恚⁴心，是為菩薩住檀那波羅蜜取羸提波羅蜜。」

壬三、布施攝勤

「世尊！云何菩薩住檀那波羅蜜取毘梨耶波羅蜜？」

佛言：「菩薩布施時，受者瞋恚罵辱、惡言加之；菩薩增益布施，心作是念：『我應當施，不應有所惜。』即時生身精進、心精進。是為菩薩住檀那波羅蜜取毘梨耶波羅蜜。」

壬四、布施攝禪

「世尊！云何菩薩摩訶薩住檀那波羅蜜取禪那波羅蜜？」

佛言：「菩薩布施時，迴向薩婆若，不趣聲聞、辟支佛地，但一心念薩婆若。是為菩薩住檀那波羅蜜取禪那波羅蜜。」

壬五、布施攝慧

¹ 攝五=六度相攝【宋】【元】【明】【宮】【聖】。(大正 08, 365d, n.5)。

² 妙境法師，《摩訶般若波羅蜜經》冠科(下冊)，pp.846-863。

³ 對照《大智度論》卷 80 〈68 六度相攝品〉(大正 25, 623b7-625b21)。

⁴ [恚] - 【聖】。(大正 08, 365d, n.7)。

「世尊！云何菩薩摩訶薩住檀那波羅蜜取般若波羅蜜？」

佛言：「菩薩布施時，知布施空如幻，不見為眾生布施有益、無益。是為菩薩住檀那波羅蜜取般若波羅蜜。」

辛二、約持戒明

壬一、持戒攝施

須菩提白佛言：「世尊！云何菩薩摩訶薩住尸羅波羅蜜取檀那波羅蜜、羼提⁵波羅蜜、毘梨耶波羅蜜、禪那波羅蜜、般若波羅蜜？」

佛告須菩提：「菩薩摩訶薩住尸羅波羅蜜中，身、口、意生布施福德，助阿耨多羅三藐三菩提；持是功德，不取聲聞、辟支佛地。

住尸羅波羅蜜中，不奪他命、不劫奪⁶他物、不行邪婬、不妄語、不兩舌、不惡口、不綺語、不貪嫉、不瞋恚、不邪見。

所有布施，飢者與食，渴者與飲，須乘與乘，須衣與衣，須香與香，須瓔珞與瓔珞，塗香、臥具、房舍、燈燭、資生所須盡給與之。

持是布施與眾生共之，迴向阿耨多羅三藐三菩提。如是迴向，不墮聲聞、辟支佛地。須菩提！是為菩薩摩訶薩住尸羅波羅蜜取檀那波羅蜜。」

壬二、持戒攝忍

「世尊！云何菩薩摩訶薩住尸羅波羅蜜取羼提波羅蜜？」

佛言：「菩薩摩訶薩住尸羅波羅蜜中，若有眾生來節節支解，菩薩於是中不生瞋恚心乃至一念。作是言：『我得大利，眾生來取我支⁷節用⁸，我無一念瞋恚。』是為菩薩住尸羅波羅蜜中取羼提波羅蜜。」

壬三、持戒攝勤

「世尊！云何菩薩摩訶薩住尸羅波羅蜜取毘梨耶波羅蜜。」

佛言：「若菩薩摩訶薩身精進、心精進，常不捨，作是念：『一切眾生在生死中，我當拔著甘露地。』是為菩薩住尸羅波羅蜜中取毘梨耶波羅蜜。」

⁵〔羼提…羅蜜〕二十一字一【聖】。(大正 08, 365d, n.8)。

⁶〔奪〕一【聖】。(大正 08, 365d, n.9)。

⁷支=肢【宋】【元】【宮】。(大正 08, 365d, n.10)。

⁸〔用〕一【宋】【元】【明】。(大正 08, 365d, n.11)。

壬四、持戒攝禪

「世尊！云何菩薩摩訶薩住尸羅波羅蜜取禪那波羅蜜？」

佛言：「菩薩入初禪、第二、第三、第四禪，不貪聲聞、辟支佛地，作是念：『我當住禪那波羅蜜中，度一切眾生生死。』是為菩薩住尸羅波羅蜜取禪那波羅蜜。」

壬五、持戒攝慧

「世尊！云何菩薩摩訶薩住尸羅波羅蜜，取般若波羅蜜？」

佛言：「菩薩住尸羅波羅蜜中，無有法可見——若作⁹法，若無作法，若數法，若相法，若有、若無；但見諸法不過如相。以般若波羅蜜、漚耜拘舍羅¹⁰力故，不墮聲聞、辟支佛地。是為菩薩住尸羅波羅蜜取般若波羅蜜。」

辛三、約忍辱明¹¹

壬一、忍辱攝施

須菩提白佛言：「世尊！云何菩薩摩訶薩住羼提波羅蜜取檀波羅蜜？」

佛言：「菩薩從初發心¹²乃至道場，於其中間，若一切眾生來瞋恚罵詈、若節節支解，菩薩住於忍辱，作是念：『我應布施一切眾生，不應不與；是眾生須食與食、須飲與飲，乃至資生所須盡皆與之。持是功德與一切眾生共之，迴向阿耨多羅三藐三菩提。』

是菩薩迴向時，不生二心：誰迴向者？迴向何處？

是為菩薩住羼提波羅蜜取檀波羅蜜。」

壬二、忍辱攝戒

「世尊！云何菩薩摩訶薩住羼提波羅蜜取尸羅波羅蜜？」

佛言：「菩薩從初發心乃至道場，於其中間，終不奪他命、不與不取，乃至不邪見，亦不貪聲聞、辟支佛地。」

⁹ 作法若無作法=有為【聖】。(大正 08, 365d, n.12)。

¹⁰ 漚耜拘舍羅=方便【宋】【元】【明】【宮】。(大正 08, 365d, n.13)。

¹¹ 對照《大智度論》卷 81 〈68 六度相攝品〉(大正 25, 626a7-632b10)。

¹² 心=意【聖】。(大正 08, 366d, n.1)。

持是功德與一切眾生共之，迴向阿耨多羅三藐三菩提。是¹³菩薩迴向時，三種心不生：誰迴向阿耨多羅三藐三菩提？用何法迴向？迴向何處？是為菩薩住羸提波羅蜜取尸羅波羅蜜。」

壬三、忍辱攝勤

「世尊！云何菩薩摩訶薩住羸提波羅蜜取毘梨耶波羅蜜？」

佛言：「菩薩住羸提波羅蜜生精進，作是念：『我當往¹⁴一由旬¹⁵，若十由旬、百千萬億由旬，過一國土¹⁶乃至過百千萬億國土，乃至教一人令持五戒，何況令得須陀洹果乃至阿羅漢果、辟支佛道、阿耨多羅三藐三菩提！持是功德與一切眾生共之，迴向阿耨多羅三藐三菩提。』

是為菩薩住羸提波羅蜜取毘梨耶波羅蜜。」

壬四、忍辱攝禪

「世尊！云何菩薩摩訶薩住羸提波羅蜜取禪那波羅蜜？」

佛言：「菩薩住羸提波羅蜜，離欲、離惡不善法，有覺有觀，離生喜樂入初禪，乃至入第四禪。是諸禪中淨心、心數法，皆迴向薩婆若；迴向時，是菩薩諸禪及禪支¹⁷皆不可得。

是為菩薩住羸提波羅蜜取禪那波羅蜜。」

壬五、忍辱攝慧

「世尊！云何菩薩摩訶薩住羸提波羅蜜取般若波羅蜜？」

佛言：「菩薩住羸提波羅蜜，觀諸法若離相、若寂滅相、若無盡相，不以寂滅相作證，乃至坐道場，得一切種智，從道場起便轉法輪。

是為菩薩住羸提波羅蜜取般若波羅蜜，不¹⁸取不捨故。」

辛四、約精進明

壬一、精進攝施

¹³〔是〕－【聖】。(大正 08, 366d, n.2)。

¹⁴往＝住【聖】。(大正 08, 366d, n.3)。

¹⁵旬＝延【宮】。(大正 08, 366d, n.4)。

¹⁶國土＝世界【宋】【元】【明】【宮】。(大正 08, 366d, n.5)。

¹⁷支＝枝【聖】。(大正 08, 366d, n.6)。

¹⁸〔不取不捨故〕－【宮】。(大正 08, 366d, n.7)。

須菩提白佛言：「世尊！云何菩薩摩訶薩住毘梨耶波羅蜜取檀那波羅蜜？」

佛告須菩提：「菩薩住毘梨耶波羅蜜，身心精進，不懈不息，作是念：『我必當應¹⁹得阿耨多羅三藐三菩提，不應不得。』」

是菩薩為利益眾生故，往一由旬，若百千萬億由旬，若過一國土，若過百千萬億國土，住毘梨耶波羅蜜中，若不得一人教令入佛道中、若聲聞道中、若辟支佛道中，或得一人教令行十善道，精進不懈，法施²⁰及以財施令具足。

持是功德與眾生共之，迴向阿耨多羅三藐三菩提，不迴²¹向聲聞、辟支佛地。是為菩薩住毘梨耶波羅蜜取檀那波羅蜜。」

王二、精進攝戒

「世尊！云何菩薩摩訶薩住毘梨耶波羅蜜取尸羅波羅蜜？」

佛言：「菩薩住毘梨耶波羅蜜，從初發意乃至坐道場，自不殺生，不教他殺，讚²²不殺生法，歡喜讚歎不殺生者；乃至自遠離邪見，教他遠離邪見，讚不邪見法，歡喜讚歎不邪見者。

是菩薩行²³尸羅波羅蜜因緣，不求欲界、色界、無色界福，不求聲聞、辟支佛地。

持是功德與眾生共之，迴向阿耨多羅三藐三菩提²⁴，不生三種心：不見迴向者、不見迴向法、不見迴向處。

是為菩薩住毘梨耶波羅蜜取尸羅波羅蜜。」

王三、精進攝忍

「世尊！云何菩薩摩訶薩住毘梨耶波羅蜜取羼提波羅蜜？」

佛言：「菩薩住毘梨耶波羅蜜，從初發意乃至坐道場，於其中間，若人、若非人來節節支解，菩薩作是念：『割我者誰？截我者誰？奪我者

¹⁹ 當應=應當【宋】【元】【明】【宮】【聖】。(大正 08, 366d, n.8)。

²⁰ (作是)+法【宋】【明】，(是)+法【聖】。(大正 08, 366d, n.9)。

²¹ [迴]—【宮】。(大正 08, 366d, n.10)。

²² 讚+(嘆)【聖】。(大正 08, 366d, n.11)。

²³ 行=住【元】【明】。(大正 08, 366d, n.12)。

²⁴ 提+(菩薩)【宋】【元】【明】【宮】。(大正 08, 366d, n.13)。

誰？」復作是念：「我大得善利，我為眾生故受身，眾生還自來取。」
是時菩薩正憶念諸法實相。

持是功德與眾生²⁵共之，迴向阿耨多羅三藐三菩提，不向聲聞、辟支佛地。

是為菩薩住毘梨耶波羅蜜取羸提波羅蜜。」

壬四、精進攝禪

「世尊！云何菩薩摩訶薩住毘梨耶波羅蜜取禪那波羅蜜？」

佛言：「菩薩住毘梨耶波羅蜜，離欲、離惡不善法，有覺有觀，離生喜樂，第二、第三、第四禪，入慈、悲、喜、捨，乃至入非有想非無想處。

持是禪、無量²⁶、無色定，不受果報，生於利益眾生之處，以六波羅蜜成就眾生，所謂檀那波羅蜜乃至般若波羅蜜，從一佛國²⁷至一佛國，親近供養諸佛，種善根故²⁸。

是為菩薩住毘梨耶波羅蜜取禪那波羅蜜。」

壬五、精進攝慧

「世尊！云何菩薩摩訶薩住毘梨耶波羅蜜取般若波羅蜜？」

佛言：「菩薩住毘梨耶波羅蜜，不見檀那波羅蜜法，不見檀那波羅蜜相；乃至不見禪那波羅蜜法，不見禪那波羅蜜相；四念處乃至一切種智，亦不見法，亦不見相。見一切法非法、非非法；於法中無所著，是菩薩所作如所言。

是為菩薩住毘梨耶波羅蜜取般若波羅蜜。」

辛五、約禪定明

壬一、禪定攝施

須菩提白佛言：「世尊！云何菩薩摩訶薩住禪那波羅蜜取檀那波羅蜜？」

²⁵ (一切)+眾【聖】。(大正 08, 366d, n.14)。

²⁶ 量+(心)【聖】。(大正 08, 366d, n.15)。

²⁷ 國=土【宋】【元】【明】【宮】。(大正 08, 366d, n.16)。

²⁸ [故]-【聖】。(大正 08, 366d, n.17)。

佛言：「菩薩摩訶薩住禪那波羅蜜，離諸欲、離惡不善法，有覺有觀，離生喜樂入初禪，第二、第三、第四禪，入慈、悲、喜、捨，乃至非有想非無想處；住禪那波羅蜜中，心不亂，行二施以施眾生：法施、財施；自行二施，教他行二施，讚歎二施法，歡喜讚歎行二施者。

持是功德與眾生共之，迴向阿耨多羅三藐三菩提，不向聲聞、辟支佛地。是為菩薩住禪那波羅蜜取檀那波羅蜜。」

壬二、禪定攝戒

「世尊！云何菩薩摩訶薩住禪那波羅蜜取尸羅波羅蜜？」

佛言：「菩薩住禪那波羅蜜，不生婬慾³⁰、瞋恚、愚癡心，不生惱他心，但修³¹行一切智相應心。

持是功德與眾生共之，迴向阿耨多羅三藐三菩提，不向聲聞、辟支佛地。

是為菩薩住禪那波羅蜜取尸羅波羅蜜。」

壬三、禪定攝忍

「世尊！云何菩薩摩訶薩住禪那波羅蜜取羼提波羅蜜？」

佛言：「菩薩住禪那波羅蜜，觀色如聚沫，觀受如泡，觀想如野馬，觀行如芭蕉，觀識如幻；作是觀時，見五陰無堅固³²相，作是念：『割我者誰？截我者誰？誰受、誰想、誰行、誰識？誰罵者？誰受罵者？誰生瞋恚？』

是為菩薩住禪那波羅蜜取羼提波羅蜜。」

壬四、禪定攝勤

癸一、須菩提問

「世尊！云何菩薩摩訶薩住禪那波羅蜜取毘梨耶波羅蜜？」

癸二、佛答

子一、依定發五通，嚴土熟生

²⁹ [摩訶薩] — 【宋】【元】【明】【宮】【聖】。(大正 08, 367d, n.1)。

³⁰ 慾 = 欲 【宋】【元】【明】【宮】【聖】。(大正 08, 367d, n.2)。

³¹ [修] — 【聖】。(大正 08, 367d, n.3)。

³² 固 + (空) 【聖】。(大正 08, 367d, n.4)。

丑一、依定發五通

佛言：「菩薩住禪那波羅蜜，離欲、離惡不善法，有覺有觀，離生喜樂入初禪，第二、第三、第四禪。是諸禪及支不³³取相，生種種神通—

寅一、神足通

履水如地，入地如水，如先說。

寅二、天耳通

天耳聞二種聲——若天、若人。

寅二、他心通

知他心：若攝心、若亂心，乃至有上心、無上心。

寅二、宿命通

憶種種宿命，如先說。

寅二、天眼通

以天眼淨過人眼，見眾生乃至如業受報，如先說。

丑二、住五神通，遊諸佛國嚴土熟生

菩薩住是五神通，從一佛國至一佛國，親近供養諸佛，種善根，成就眾生、淨佛國土。

子二、功德與眾生共，迴向無上道

持是功德與眾生共之，迴向阿耨多羅三藐三菩提。是為菩薩住禪那波羅蜜取毘梨耶波羅蜜。」

壬五、禪定攝慧

「世尊！云何菩薩摩訶薩住禪那波羅蜜，取般若波羅蜜？」

佛言：「菩薩³⁴住禪那波羅蜜，不得色、不得受、想、行、識；不得檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜，不得般若波羅蜜；不得四念處，乃至不得一切種智；不得諸法³⁵有為性、

³³ [不] — 【宋】【元】【明】【宮】【聖】。(大正 08, 367d, n.5)。

³⁴ 薩+(摩訶薩)【聖】。(大正 08, 367d, n.6)。

³⁵ [諸法] — 【元】【明】【聖】。(大正 08, 367d, n.7)。

不得諸法無為性。不得故不作，不作故不生，不生故不滅。

何以故？有佛、無佛，是³⁶如、法相、法性常住，不生不滅。

常一心應薩婆若行。

是為菩薩住禪那波羅蜜取般若波羅蜜。」

辛六、約般若明

壬一、般若攝施

癸一、住於十四空，觀法不可得

須菩提白佛言：「世尊！云何菩薩摩訶薩住般若波羅蜜取檀那波羅蜜？」

佛言：「菩薩住般若波羅蜜，內空、內空不可得，外空、外空不可得，內外空、內外空不可得，空空、空空不可得，乃至一切法空、一切法空不可得。

菩薩住是十四空中，不得色相若空、若不空，不得受、想、行、識相若空、若不空，不得四念處若空、若不空，乃至不得阿耨多羅三藐三菩提若空、若不空，不得有為性、無為性若空、若不空。

癸二、悟三輪體空，不生慳著心

是菩薩摩訶薩如是住般若波羅蜜中，有所布施——若飲食、衣服、種種資生之具，觀是布施空。何等空？施者、受者及財物³⁷空，不令慳著心生。

何以故？菩薩摩訶薩行般若波羅蜜，從初發意乃至坐道場，無有妄想分別。如諸佛得阿耨多羅三藐三菩提時無慳著心，菩薩摩訶薩亦如是，行般若波羅蜜時無慳著心。

是菩薩所可尊者，般若波羅蜜是。

是為菩薩住般若波羅蜜取檀那波羅蜜。」

壬二、般若攝戒

「世尊！云何菩薩摩訶薩住般若波羅蜜取尸羅波羅蜜？」

癸一、知諸法不可得，不生二乘心

³⁶ [是] — 【宋】【元】【明】【宮】。(大正 08, 367d, n.8)。

³⁷ [物] — 【聖】。(大正 08, 367d, n.9)。

佛言：「菩薩住般若波羅蜜，不生聲聞、辟支佛心。

何以故？是菩薩，聲聞、辟支佛地不可得，趣向聲聞、辟支佛心亦不可得。

癸二、依四種正行修十善道，不取著戒相

是菩薩摩訶薩從初發意乃至坐道場，於其中間，自不殺生，不教他殺，讚不殺法，歡喜讚歎不殺生者；乃至自不邪見，不教他邪見，讚歎³⁸不邪見法，歡喜讚歎不邪見者。

以是持戒因緣³⁹，無法可取——若聲聞、若辟支佛地，何況餘法！是為菩薩住般若波羅蜜取尸羅波羅蜜。」

壬三、般若攝忍

「世尊！云何菩薩摩訶薩住般若波羅蜜取羸提波羅蜜？」

癸一、隨順法忍生，不取定法相

佛言：「菩薩住般若波羅蜜，隨順法忍生⁴⁰，作是念：『諸⁴¹法中無有法若起、若滅，若生、若死，若受罵詈、若受惡口，若割、若截，若破、若縛，若打、若殺。』

癸二、假使一切眾生皆來加害，能忍心不動

是菩薩從初發意乃至⁴²道場，若一切眾生來罵詈惡口、刀杖瓦石、割截傷害，心不動恚⁴³，作是念：『甚可怪！此法中無有法受罵詈、惡口、割截、傷害者，而眾生受諸⁴⁴苦惱。』

是為菩薩住般若波羅蜜取羸提波羅蜜。」

壬四、般若攝勤

「世尊！云何菩薩摩訶薩住般若波羅蜜取毘梨耶波羅蜜？」

佛言：「菩薩住般若波羅蜜，為眾生說法，令行檀那波羅蜜、尸羅波

³⁸ [歎] — 【宋】【元】【明】【宮】。(大正 08, 367d, n.10)。

³⁹ [因緣] — 【聖】。(大正 08, 367d, n.11)。

⁴⁰ [生] — 【聖】。(大正 08, 367d, n.12)。

⁴¹ 諸=此 【元】【明】【聖】。(大正 08, 367d, n.13)。

⁴² 至+(坐) 【宋】【元】【明】。(大正 08, 367d, n.14)。

⁴³ [恚] — 【宋】【元】【明】【聖】。(大正 08, 367d, n.15)。

⁴⁴ [諸] — 【宋】【元】【宮】【聖】，=是【明】。(大正 08, 368d, n.1)。

羅蜜、羸提波羅蜜、毘梨耶波羅蜜、禪那波羅蜜、般若波羅蜜，教令行四念處乃至八聖道分，令得須陀洹果、斯陀含⁴⁵、阿那含、阿羅漢果、辟支佛道，令得阿耨多羅三藐三菩提。

不住有為性中，不住無為性中。

是為菩薩住般若波羅蜜取毘梨耶波羅蜜。」

壬五、般若攝禪

癸一、總明攝餘一切三昧

「世尊！云何菩薩摩訶薩住般若波羅蜜取禪那波羅蜜？」

佛言：「菩薩住般若波羅蜜，除諸佛三昧，入餘一切三昧——若聲聞三昧、若辟支佛三昧、若菩薩三昧，皆行、皆入。

癸二、別明攝諸三昧

子一、八背捨

是菩薩住諸三昧，逆順出入八背捨。何等八？

內有色相外觀色，是初背捨；

內無色相外觀色，二背捨；

淨背捨身作⁴⁶證，三背捨；

過一切色相滅有對相，不念種種相故，入無量虛空處，四背捨；

過一切虛空處，入無邊識處，五背捨；

過一切識處，入無所有處，六背捨；

過一切無所有處，入非有想非無想處，七背捨；

過一切非有想非無想處，入滅受想處⁴⁷，八背捨。

子二、九次第定

於是八背捨，逆順出入九次第定。

何等九？離諸欲、離諸惡不善法，有覺有觀，離生喜樂入初禪；乃至過非有想非無想處，入滅受想定。是名九次第定，逆順出入。

子三、師子奮迅三昧

⁴⁵ 含+(果)【宋】【元】【明】【宮】。(大正 08, 368d, n.2)。

⁴⁶ [作]—【聖】。(大正 08, 368d, n.3)。

⁴⁷ 處=定【宋】【元】【明】，—【聖】。(大正 08, 368d, n.4)。

是菩薩依八背捨、九次第定，入師子奮迅三昧。

云何名師子奮迅三昧？須菩提！菩薩離欲、離惡不善法，有覺有觀，離生喜樂入初禪；乃至入滅受想定；從滅受想定起，還入非有想非無想處；非有想非無想處起，乃至還入初禪。

子四、超越三昧

丑一、超入

是菩薩依師子奮迅三昧，入超越三昧。

云何為超越三昧？須菩提！

菩薩離欲、離諸惡不善法，有覺有觀，離生喜樂入初禪，從初禪起，乃至入非有想非無想處；非有想非無想處起，入滅受想定。

滅受想定起還入初禪，從初禪起入滅受想定；滅受想定起入二禪，二禪起入滅受想定；滅受想定起入三禪，三禪起入滅受想定；滅受想定起入四禪，四禪起入滅受想定；滅受想定起入空處，空處起入滅受想定；滅受想定起入識處，識處起入滅受想定；滅受想定起入無所有處，無所有處起入滅受想定；滅受想定起入非有想非無想處，非有想非無想處起入滅受想定。

丑二、超出

滅受想定起入散心中。

散心中起入滅受想定，滅受想定起還入散心中；散心中起入非有想非無想處，非有想非無想處起還住散心中；散心中起入無所有處，無所有處起住散心中；散心中起入識處，識處起住散心中；散心中起入空處，空處起住散心中；散心中起入第四禪中⁴⁸，第四禪中起住散心中；散心中起入第三禪中，第三禪中起住散心中；散心中起入第二禪中，第二禪中起住散心中；散心中起入初禪中，初禪中起住散心中。

是菩薩摩訶薩住超越三昧，得諸法等相。

癸三、結

是為菩薩住般若波羅蜜，取禪那波羅蜜。⁴⁹

⁴⁸ [中] — 【聖】。(大正 08, 368d, n.5)。

⁴⁹ 以上梵. *ity ukta bhāvanā mārgaḥ*. (大正 08, 368d, n.6)。

《摩訶般若波羅蜜經》卷 21 〈69¹方便²品〉冠科³

《摩訶般若波羅蜜經》卷 21 (大正 08, 368c8-373a8):

戊三、歎釋勸修⁴

己一、歎昔因久遠行方便人

庚一、發心時遠

爾時須菩提白佛言：「世尊！是菩薩摩訶薩如是方便力⁵成就者，發意以來⁶幾時？」

佛告須菩提：「是菩薩摩訶薩能成就方便力者，發意以來無量億阿僧祇劫。」

庚二、行深

辛一、供養如恆河沙等佛

須菩提言：「世尊！是菩薩摩訶薩如是成就方便力者，為供養幾佛？」

佛言：「是菩薩成就方便力者，供養如恆河沙等諸佛。」

辛二、種具足六度善根

須菩提白佛言：「世尊！菩薩得如是方便力者，種何等善根？」

佛言：「菩薩成就如是方便力者，從初發意以來，於檀那⁷波羅蜜無不具足，於尸羅⁸波羅蜜、羼提波羅蜜、毘梨耶波羅蜜、禪那⁹波羅蜜、般若波羅蜜無不具足。」

¹ 六十九=六十八【聖】(大正 08, 368d, n.12)。

² 方便=大方便【宋】【元】【明】【宮】，=摩訶般若波羅蜜經方便【聖】(大正 08, 368d, n.11)。

³ 妙境法師，《摩訶般若波羅蜜經》冠科(下冊)，pp.864-887。

⁴ 對照《大智度論》卷 82 〈69 大方便品〉(大正 25, 632b14-639b29)。

⁵ [力] - 【聖】(大正 08, 368d, n.13)。

⁶ 以來=已來【元】【明】【聖】(大正 08, 368d, n.14)。

⁷ 檀那=檀【聖】(大正 08, 368d, n.15)。

⁸ 尸羅=尸【聖】(大正 08, 368d, n.16)。

⁹ 禪那=禪【聖】(大正 08, 368d, n.17)。

須菩提白佛言：「世尊！菩薩摩訶薩成就如是方便力者，甚希有！」

佛言：「如是！如是！須菩提！菩薩摩訶薩成就如是方便力者，甚希有。」

己二、歎方便妙用窮能善巧

庚一、歎導達方便

辛一、舉譬歎為眾行之首

壬一、日月照天下譬

須菩提！譬如日月周行，照四天下，多有所益；般若波羅蜜亦如是，照五波羅蜜，多有所益。

壬二、具輪寶為聖王譬

須菩提！譬如轉輪聖王，若無輪寶，不得名為轉輪聖王；輪寶成就故，得名¹⁰轉輪聖王；五波羅蜜亦如是，若離般若波羅蜜，不得波羅蜜名字；不離般若波羅蜜故，得波羅蜜名字。

壬三、無夫婦人易可侵譬

須菩提！譬如無夫婦人，易可¹¹侵陵；五波羅蜜亦如是，遠離般若波羅蜜，魔、若魔天壞之則易。

壬四、有夫婦人難可侵譬

譬如有夫婦人，難可侵陵；五波羅蜜亦如是，得般若波羅蜜，魔、若魔天不能沮¹²壞。

壬五、軍將具足鎧仗譬

須菩提！譬如軍將，鎧仗具足，隣國強敵所不能壞；五波羅蜜亦如是，不遠離般若波羅蜜，魔、若魔天、若增上慢人，乃至菩薩旃陀羅所不能壞。

壬六、小王朝宗聖王譬

須菩提！譬如諸小國王，隨時朝侍轉輪聖王；五波羅蜜亦復¹³如是，

¹⁰ 名+(為)【宋】【元】【明】(大正 08, 368d, n.18)。

¹¹ 可=為【聖】(大正 08, 369d, n.1)。

¹² 沮=俎【聖】(大正 08, 369d, n.2)。

¹³ [復]—【宋】【元】【明】【宮】【聖】(大正 08, 369d, n.3)。

隨順般若波羅蜜。

壬七、萬流隨河入海譬

譬如眾川萬流，皆入於恒河¹⁴，隨入大海；五波羅蜜亦如是，般若波羅蜜所守護故，隨到薩婆若。

壬八、右手作事方便譬

譬如人之右手，所作事便，般若波羅蜜亦如是；如人左手，造事不便，五波羅蜜亦如是。

壬九、眾流入海合一味譬

譬如眾流，若大、若小，俱入大海，合為一味；五波羅蜜亦如是，為般若波羅蜜所護，隨般若波羅蜜入薩婆若，得波羅蜜名字。

壬十、輪寶前導不離其處譬

譬如轉輪聖王四種兵，輪寶在前導，王意欲住，輪則為住，令四種兵滿其所願，輪亦不離其處；般若波羅蜜亦如是，導五波羅蜜到薩婆若，常是中住，不過其處。

譬如轉輪聖王常¹⁵四種兵，輪¹⁶寶在前導；般若波羅蜜亦如是，導五波羅蜜到薩婆若住。

般若波羅蜜亦不分別：『檀那¹⁷波羅蜜隨從我，尸羅波羅蜜、羼提波羅蜜、毘梨耶波羅蜜、禪那¹⁸波羅蜜不隨我¹⁹。』

檀那波羅蜜亦不分別：『我隨從般若波羅蜜，尸羅波羅蜜、羼提波羅蜜、毘梨耶波羅蜜、禪那波羅蜜不隨從。』

尸羅波羅蜜、羼提波羅蜜、毘梨耶波羅蜜、禪那波羅蜜亦如是。

何以故？諸波羅蜜性，無所能作、自性空，虛誑、如野馬。」

辛二、法說歎有導達之能

壬一、正明導達之能

¹⁴ 於恒河＝於海【宋】【宮】，＝恒河【聖】(大正 08，369d，n.4)。

¹⁵ [常]－【元】【明】【聖】(大正 08，369d，n.5)。

¹⁶ 輪＝三【聖】(大正 08，369d，n.6)。

¹⁷ 檀那＝檀【宋】【元】【明】【宮】【聖】下同(大正 08，369d，n.7)。

¹⁸ 禪那＝禪【宋】【元】【明】【宮】【聖】下同(大正 08，369d，n.8)。

¹⁹ (從)+我【元】【明】(大正 08，369d，n.9)。

癸一、因般若故六度行滿得成菩提

子一、總明以方便力為眾生行六度

爾時，須菩提白佛言：「世尊！若一切法自性空，云何菩薩摩訶薩行六波羅蜜，當得阿耨多羅三藐三菩提？」

佛告須菩提²⁰：「菩薩摩訶薩行六波羅蜜時，作是念：『是世間心皆顛倒，我若不行方便力，不能度脫眾生²¹死。我當為眾生故行檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜。』

子二、別明

丑一、施度

是菩薩為眾生故，捨內外物，捨時作是念：『我無所捨。何以故？是物必當壞敗。』菩薩作如是思惟，能具足檀那波羅蜜。

丑二、戒度

為眾生故，終不破戒。何以故？菩薩作是念：『我為眾生發阿耨多羅三藐三菩提，若殺生，是所不應；乃至我為眾生發阿耨多羅三藐三菩提，若作邪見，若貪著聲聞、辟支佛地，是所不應！』菩薩摩訶薩如是思惟，能具足尸羅波羅蜜。

丑三、忍度

菩薩為眾生故不瞋心²²，乃至不生一念。菩薩如是思惟：『我應利益眾生，云何而起瞋心？』菩薩如是，能具足羼提波羅蜜。

丑四、勤度

菩薩為眾生故，乃至阿耨多羅三藐三菩提，常不生懈怠心。菩薩如是行，能具足毘梨耶波羅蜜。

丑五、禪度

菩薩為眾生故，乃至得阿耨多羅三藐三菩提，不生散亂心。菩薩如是行，能具足禪那波羅蜜。

²⁰ (佛告)+須【明】(大正 08, 369d, n.10)。

²¹ 生+(生)【聖】(大正 08, 369d, n.11)。

²² [心]-【宮】【聖】(大正 08, 369d, n.12)。

丑六、慧度

菩薩為眾生故，乃至阿耨多羅三藐三菩提，終不離智慧。何以故？除智慧，不可以餘法度脫眾生故。菩薩如是行，能具足²³般若波羅蜜。」

癸二、明般若於五度中最妙最上

子一、釋諸度無差別相難

丑一、須菩提難

須菩提白佛言：「世尊！若諸波羅蜜無差別相，云何般若波羅蜜於五波羅蜜中第一、最上、微妙？」

丑二、佛釋

寅一、法說

佛告須菩提：「如是！如是！諸波羅蜜雖無差別，若無般若波羅蜜，五波羅蜜不得波羅蜜名字；因般若波羅蜜，五波羅蜜得波羅蜜名字。

寅二、須彌山王譬

須菩提！譬如種種色身²⁴，到須彌山王邊，皆同一色。

寅三、合法

五波羅蜜亦如是，因般若波羅蜜到薩婆若中，一種無異；不分別是檀那波羅蜜、是尸羅波羅蜜、是羼提波羅蜜、是毘梨耶波羅蜜、是禪那波羅蜜、是般若波羅蜜。何以故？是諸波羅蜜無自性故。以是因緣故，諸波羅蜜無差別。」

子二、釋隨實義無分別難

丑一、須菩提難

須菩提白佛言：「世尊！若隨實義無分別，云何般若波羅蜜於五波羅蜜中最上、微妙？」

丑二、佛釋

寅一、法說

佛言：「如是！如是！須菩提！雖實義中無有分別，但以世俗法故假²⁵

²³ 足+(行)【聖】(大正 08, 369d, n.13)。

²⁴ 身=鳥【元】【明】(大正 08, 369d, n.14)。

²⁵ 〔假〕-【宋】【元】【明】【宮】(大正 08, 369d, n.15)。

說檀那波羅蜜、尸羅波羅蜜、羶提波羅蜜、毘梨耶波羅蜜、禪那波羅蜜、般若波羅蜜。為欲度眾生生死，是眾生實不生不死，不起不退。須菩提！眾生無所有故，當知一切法無所有。

以是因緣故，般若波羅蜜於五波羅蜜中最上、最妙。

寅二、玉女寶譬

須菩提！譬如閻浮提眾女人中，玉女寶第一、最上、最妙。

寅三、合法

般若波羅蜜亦如是，於五波羅蜜中第一、最上、最妙。」

癸三、明般若不住故具導達之能

子一、明無取捨故能導達

須菩提白佛言：「世尊！佛以²⁶何意故，說般若波羅蜜最上、最妙？」

佛告須菩提：「是般若波羅蜜取一切善法到薩婆若中住，不住故。」

須菩提白佛言：「世尊！般若波羅蜜有法可取可捨不？」

佛言：「不也！須菩提！般若波羅蜜無法可取，無法可捨。何以故？一切法不取不捨故。」

「世尊！般若波羅蜜於何等法不取不捨？」

佛言：「般若波羅蜜於色不取不捨，於受想行識，乃至阿耨多羅三藐三菩提不取不捨。」

「世尊！云何不取色，乃至不取阿耨多羅三藐三菩提？」

佛言：「若菩薩不念色，乃至不念阿耨多羅三藐三菩提，是名不取色乃至不取阿耨多羅三藐三菩提。」

子二、明不念不著故能導達

丑一、正明

須菩提言：「世尊！若不念色乃至不念阿耨多羅三藐三菩提，云何得增益善根？善根不增，云何具足諸波羅蜜？若不具足諸波羅蜜，云何得阿耨多羅三藐三菩提？」

²⁶ [以] — 【宮】【聖】(大正 08, 369d, n.16)。

佛告須菩提：「若菩薩不念色乃至不念阿耨多羅三藐三菩提，是時善根增益；善根增益故，具足諸波羅蜜；諸波羅蜜具足故，得阿耨多羅三藐三菩提。何以故？不念色乃至不念阿耨多羅三藐三菩提時，便得阿耨多羅三藐三菩提。」

丑二、釋所以

「世尊！何因緣故，色不念時乃至阿耨多羅三藐三菩提不念時，便得阿耨多羅三藐三菩提？」

佛言：「以念故著欲界、色界、無色界，不念故無所著。如是！須菩提！菩薩摩訶薩行般若波羅蜜，不應有所著。」

子三、結明不住般若行

「世尊！菩薩摩訶薩如是行般若波羅蜜，當住何處？」

佛言：「菩薩摩訶薩如是行，不住色，乃至不住一切種智。」

「世尊！何因緣故，色中不住，乃至一切種智中不住？」

佛言：「不著故不住。何以故？是菩薩不見有法可著可住。如是！須菩提！菩薩摩訶薩以不著不住法，行般若波羅蜜。」

壬二、明學般若有所得失

癸一、明失

子一、著人法空失

須菩提！若菩薩摩訶薩作是念：『若能如是行、如是修，是行般若波羅蜜；我今行般若波羅蜜，修般若波羅蜜。』

若如是取相，則遠離般若波羅蜜；若遠離般若波羅蜜，則遠離檀那波羅蜜乃至遠離一切種智。何以故？般若波羅蜜無有著處、亦無著者，自性無故。

子二、著般若無性失

菩薩摩訶薩若復如是取相，則於般若波羅蜜退；若退般若波羅蜜，則是退阿耨多羅三藐三菩提，不得受記。

子三、著菩薩道失

菩薩摩訶薩復作是念：『住是般若波羅蜜，能生檀那波羅蜜，乃至能生大悲。』

若作是念，則為失般若波羅蜜；失般若波羅蜜者，則不能生檀那波羅蜜乃至不能生大悲。

子四、著佛道起佛見失

菩薩若復作是念：『諸佛知諸法無受相²⁷故，得阿耨多羅三藐三菩提。』菩薩若作如是演說、開示、教詔²⁸，則失般若波羅蜜。

何以故？諸佛於諸法無所知、無所得，亦無法可說，何況當有所得！無有是處！」

癸二、明得

子一、對失明得

丑一、正明無取著行得

須菩提白佛言：「世尊！菩薩行般若波羅蜜，云何無是過失？」

佛言：「若菩薩摩訶薩行般若波羅蜜，作是念：『諸法無所有、不可取；若法無所有、不可取，則無所得。若如是行，為行般若波羅蜜。』

丑二、反顯著無所有法失

若菩薩摩訶薩著無所有法，則遠離般若波羅蜜。何以故？般若波羅蜜中無有著法故。」

子二、論離自相不著云何行得

丑一、須菩提問

須菩提白佛言：「世尊！般若波羅蜜遠離般若波羅蜜耶？檀那波羅蜜遠離檀那波羅蜜耶？乃至一切種智遠離一切種智耶？」

世尊！若般若波羅蜜遠離般若波羅蜜，乃至一切種智遠離一切種智，菩薩云何得²⁹般若波羅蜜乃至得一切種智？」

丑二、佛答

寅一、正明一切法不生般若等生

卯一、破人法著

佛言：「菩薩摩訶薩行般若波羅蜜時，不生色——是色、誰色；乃至

²⁷ 相=想【宋】【元】【明】【宮】(大正 08, 370d, n.1)。

²⁸ 詔=照【聖】(大正 08, 370d, n.2)。

²⁹ 得=生【聖】(大正 08, 370d, n.3)。

一切種智不生——是一切種智，誰一切種智。如是菩薩能生般若波羅蜜乃至能生一切種智。

卯二、破顛倒見

復次，須菩提！菩薩摩訶薩行般若波羅蜜時，不觀色若常若無常、若苦若樂、若我若非我、若空若不空、若離若非離。

寅二、釋所以

何以故？自性不能生自性。
乃至一切種智亦如是。

寅三、結行得

若菩薩摩訶薩行般若波羅蜜，如是觀色乃至觀一切種智，能生般若波羅蜜乃至能生一切種智。

辛三、舉譬結歎般若勝義

壬一、四兵隨聖王譬

譬如轉輪聖王有所至處，四種兵皆隨從；般若波羅蜜亦如是，有所至處，五波羅蜜皆悉隨從到薩婆若中住。

壬二、善御駕駟譬

譬如善御駕駟，不失平道，隨意所至；般若波羅蜜亦如是，御五波羅蜜不失正道，至薩婆若。」

庚二、明起行方便

辛一、明將修行故先簡道非道

壬一、簡道是非

須菩提言：「世尊！何等是菩薩摩訶薩道？何等是非道³⁰？」

佛言：「聲聞道非菩薩道，辟支佛道非菩薩道；一切智道是菩薩摩訶薩道。須菩提！是名菩薩摩訶薩道、非道。」

壬二、歎般若能乘道

須菩提言：「世尊！諸菩薩摩訶薩般若波羅蜜，為大事故起³¹，所謂

³⁰ (菩薩)+道【聖】(大正 08, 370d, n.4)。

³¹ 興=起【元】【明】【聖】(大正 08, 370d, n.5)。

示是道、是非道。」

佛言：「如是！如是！須菩提！般若波羅蜜為大事故起，所謂示是道、是非道。

須菩提！是般若波羅蜜為度無量眾生故起，為利益阿僧祇眾生故起。

般若波羅蜜雖作是利益，亦不受色，亦不受受、想、行、識，亦不受聲聞、辟支佛地。

須菩提！般若波羅蜜是諸菩薩摩訶薩導³²，示阿耨多羅三藐三菩提，能令遠³³離聲聞、辟支佛地，住薩婆若。般若波羅蜜無所生、無所滅，諸法常住故。」

壬三、明道無生滅不妨萬行成

癸一、須菩提問

須菩提言：「世尊！若般若波羅蜜無所生、無所滅³⁴，菩薩摩訶薩行般若波羅蜜時應云何³⁵布施？云何應持戒？云何應忍辱³⁶？云何應勤精進？云何應入禪定？云何應修智慧？」

癸二、佛答

子一、應薩婆若念行六度

佛告須菩提：「菩薩摩訶薩念薩婆若應布施，念薩婆若應持戒、忍辱、精進、禪定³⁷、智慧。

子二、正迴向無上菩提

是菩薩摩訶薩，持是功德與眾生共之，應³⁸迴向阿耨多羅三藐三菩提。

若如是迴向，則具足修六波羅蜜，及慈悲心諸功德。

須菩提！若菩薩摩訶薩不遠離六波羅蜜，則不遠離薩婆若。

³² 導=道【聖】(大正 08, 370d, n.6)。

³³ [遠] - 【宋】【元】【明】【宮】(大正 08, 370d, n.7)。

³⁴ 滅+(云何)【宋】【元】【明】【宮】【聖】(大正 08, 370d, n.8)。

³⁵ 應云何=云何應【宋】【元】【明】，[云何] - 【宮】【聖】(大正 08, 370d, n.9)。

³⁶ 忍辱=修忍【宋】【元】【明】【宮】【聖】(大正 08, 370d, n.10)。

³⁷ [定] - 【聖】(大正 08, 371d, n.1)。

³⁸ [應] - 【宮】【聖】(大正 08, 371d, n.2)。

壬四、結勸令行

以是故，須菩提！菩薩摩訶薩欲得阿耨多羅三藐三菩提，應學應行六波羅蜜；菩薩摩訶薩行六波羅蜜，具足一切善根，當得阿耨多羅三藐三菩提。

以是故，須菩提！菩薩摩訶薩應習行六波羅蜜。」

辛二、識道是非故正修行

壬一、須菩提問

須菩提言：「世尊！云何菩薩摩訶薩，應習行六波羅蜜？」

壬二、佛答

癸一、不合散習

佛言：「菩薩摩訶薩應如是觀——色不合不散，受、想、行、識不合不散，乃至一切種智不合不散。是名菩薩摩訶薩習行六波羅蜜。」

癸二、無住習

復次，須菩提！菩薩摩訶薩應作是念：『我當³⁹不住色中，不住受、想、行、識中，乃至不住一切種智中。如是應習行六波羅蜜。何以故？是色無所住，乃至薩婆若無所住。』如是！須菩提！菩薩摩訶薩以無住法習行六波羅蜜，應當得阿耨多羅三藐三菩提。

辛三、明得果更勸學

壬一、明得果

癸一、土夫種樹譬

須菩提！譬如土夫欲食菴⁴⁰羅果、若波那婆果，當種其子，隨時溉灌、守護，漸漸生長，時節和合，便有果實得而食之。

癸二、合法

子一、正明

丑一、欲得無上菩提果

須菩提！菩薩摩訶薩亦如是，欲得阿耨多羅三藐三菩提，

丑二、以六度為緣因

³⁹ [當] — 【聖】(大正 08, 371d, n.3)。

⁴⁰ 菴=掩【聖】(大正 08, 371d, n.4)。

當學六波羅蜜，以布施攝取眾生，持戒、忍辱、精進、禪定、智慧攝取眾生，

丑三、以度生為正因

度眾生生死。

子二、結得

如是行，當得阿耨多羅三藐三菩提⁴¹。

壬二、更勸學

癸一、不隨他行當學

以是故，須菩提！菩薩摩訶薩欲不隨他人語，當學般若波羅蜜。

癸二、欲成佛德當學

欲淨佛國土、成就眾生，欲坐道場，欲轉法輪，當學般若波羅蜜。」

癸三、欲於法自在當學

須菩提白佛言：「世尊！應如是學般若波羅蜜耶？」

佛言：「菩薩應如是學般若波羅蜜。欲於諸法得自在，當學般若波羅蜜。何以故？學是般若波羅蜜，於一切諸法中得自在故。」

癸四、欲得三乘道當學

子一、大海譬

復次，須菩提⁴²！般若波羅蜜於一切諸法中最大。譬如大海，於萬川中最大；

子二、合法

般若波羅蜜亦如是，於一切諸法中最大。以是故，諸欲求聲聞、辟支佛及菩薩道，應當學般若波羅蜜、檀那波羅蜜乃至一切種智。

癸五、欲勝諸魔怨當學

子一、射師執如意弓箭譬

須菩提！譬如射師，執如意弓箭，不畏怨敵；

子二、合法

⁴¹ [如是…提] 十四字－【宮】(大正 08, 371d, n.5)。

⁴² [須菩提]－【宮】【聖】(大正 08, 371d, n.6)。

菩薩摩訶薩亦如是，行般若波羅蜜乃至一切種智，魔、若魔天所不能壞。

以是故，須菩提！菩薩摩訶薩欲得阿耨多羅三藐三菩提，應學般若波羅蜜。

癸六、為十方佛念

子一、正明佛念

是行般若波羅蜜菩薩，為十方諸佛所念。」

子二、別明諸佛念菩薩行不可得念

須菩提白佛言：「世尊！云何十方諸佛念是菩薩摩訶薩？」

佛告須菩提：「菩薩摩訶薩行檀那波羅蜜時，十方諸佛皆念；行尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜時，十方諸佛皆念。

云何念？布施不可得，持戒、忍辱、精進⁴³、禪定、智慧不可得，乃至一切種智不可得。

菩薩能如是不得諸法故，諸佛念是菩薩摩訶薩。

子三、結佛無念而念菩薩亦無學而學

復次，須菩提！諸佛不以色故念，不以受、想、行、識故念，乃至不以一切種智故念。」

須菩提言：「世尊！菩薩摩訶薩多有所學，實無所學？」

佛言：「如是！如是！須菩提！菩薩多有所學，實無所學。

何以故？是菩薩所學諸法皆不可得。」

庚三、歎釋照達方便

辛一、明照達深義勸令依學

壬一、就教明略廣

須菩提白佛言：「世尊！佛所說法，若略、若廣；於此法中，諸菩薩摩訶薩欲求阿耨多羅三藐三菩提，六波羅蜜若略、若廣，應當受持、親近、讀、誦；讀誦已，思惟、正觀，心、心數法不行故。」

⁴³ 進+(不可得)【聖】(大正 08, 371d, n.7)。

佛⁴⁴告須菩提：「如是！如是！菩薩摩訶薩略廣學六波羅蜜，當知一切法略廣相。」

壬二、就悟四法明略廣

癸一、約如明

子一、總明知一切法如

須菩提言：「世尊！云何菩薩摩訶薩知一切法略廣相？」

佛言：「知色如相，知受、想、行、識乃至知一切種智如相，如是能知一切法略廣相。」

子二、別明知如不生滅住異

須菩提言：「世尊！云何色如相？云何受、想、行、識乃至一切種智如相？」

佛告須菩提：「是色如——無生、無滅、無住異，是名色如相；乃至一切種智如相——無生、無滅、無住異，是名一切種智如相。是中菩薩摩訶薩應學。」

癸二、約實際明

子一、總明知諸法實際

復次，須菩提！菩薩摩訶薩知諸法實際時，知一切法略廣相。」

子二、別明知無際是實際

「世尊！何等是諸法實際？」

佛言：「無際是名實際。菩薩學是際⁴⁵，知一切諸法略廣相。」

癸三、約法性明

子一、總明知諸法法性

須菩提！若菩薩摩訶薩知諸法法性，是菩薩能知一切法略廣相。」

子二、別明知法性無分無非分

「世尊！何等是諸法法性？」

佛言：「色性是名法性，是性無分、無非分。須菩提！菩薩摩訶薩知

⁴⁴ 佛+(言)【聖】(大正 08, 371d, n.8)。

⁴⁵ (實)+際【明】(大正 08, 371d, n.9)。

法性故，知一切法略廣相。」

癸四、約不合不散明

子一、總明知諸法不合不散

須菩提白佛言：「世尊！復云何應知一切法略廣相？」

佛言：「若菩薩摩訶薩知一切法不合不散。」

子二、別明知諸法自性無故不合不散

須菩提言：「世尊！何等法不合不散？」

佛言：「色不合不散，受、想、行、識不合不散，乃至一切種智不合不散。有為性、無為性不合不散。

何以故？是諸法自性無，云何有合散⁴⁶？若法自性無，是為非法，非法⁴⁷與非法不合不散。如是，應當知一切法略廣相。」

壬三、結勸修學

須菩提言：「世尊！是名菩薩摩訶薩略攝般若波羅蜜。

世尊！是略攝般若波羅蜜中，初發意菩薩摩訶薩應學，乃至十地菩薩摩訶薩亦應學。是菩薩摩訶薩學是略攝般若波羅蜜，則知一切法略廣相。

辛二、明是門無礙學者皆入⁴⁸

壬一、須菩提說

世尊！是門，利根菩薩摩訶薩所⁴⁹入。」

壬二、佛說

癸一、明能入者

佛言：「鈍根菩薩亦可入是⁵⁰門，中根菩薩、散心菩薩亦可入是門——是門無礙，若菩薩摩訶薩一心學者，皆入是門。

懈怠、少精進、妄憶念、亂心者所不能入，精進、不懈怠、正憶念、

⁴⁶ (有)+散【宋】【元】【明】(大正 08, 371d, n.10)。

⁴⁷ (非)+法【宮】【聖】(大正 08, 372d, n.1)。

⁴⁸ 對照《大智度論》卷 83 〈69 方便品〉(大正 25, 639c3-641c5)。

⁴⁹ 所=能【元】【明】(大正 08, 372d, n.2)。

⁵⁰ 是=此【聖】(大正 08, 372d, n.3)。

攝心者能入。

欲住阿惟越⁵¹致地，欲逮一切種智者能入。

癸二、如般若所說行六度者當得一切智

是菩薩摩訶薩如般若波羅蜜所說當學，如禪波羅蜜所說當學⁵²，乃至如檀波羅蜜所說當學，是菩薩摩訶薩當得一切智。」

己三、歎果勸修

庚一、歎得功德

辛一、正歎

是菩薩摩訶薩行般若波羅蜜，所有魔事欲起即滅。

以是故，菩薩摩訶薩欲得方便力，當行般若波羅蜜。

若菩薩摩訶薩如是行、如是習、如是修般若波羅蜜，是時無量阿僧祇國土中現在諸佛，念是行般若波羅蜜菩薩。何以故？是般若波羅蜜中生過去、未來、現在諸佛故。

以是故，菩薩摩訶薩應如是思惟：『過去、未來、現在諸佛所得法，我亦當得。』

如是！須菩提！菩薩摩訶薩應習般若波羅蜜！

若如是習般若波羅蜜，疾得阿耨多羅三藐三菩提。以是故，菩薩摩訶薩常應不遠離薩婆若念。

若菩薩摩訶薩如是行般若波羅蜜，乃至彈指頃，是菩薩福德甚多。

辛二、格量

壬一、舉教化三千得二乘道果格

若有人教三千大千國土⁵³中眾生自恣布施，教令持戒、禪定、智慧，教令得解脫、得⁵⁴解脫知見，教令得須陀洹果乃至阿羅漢果、辟支佛道，不如是菩薩修般若波羅蜜，乃至彈指頃。何以故？是般若波羅蜜中生布施、持戒、禪定、智慧、須陀洹果乃至辟支佛道。十⁵⁵方現在諸佛亦從

⁵¹ 惟越＝鞞跋【宋】【元】【明】【宮】【聖】(大正 08, 372d, n.4)。

⁵² [如禪…學] 九字一【宋】【元】【明】【宮】(大正 08, 372d, n.5)。

⁵³ 國土＝世界【聖】(大正 08, 372d, n.6)。

⁵⁴ [得]－【宋】【元】【明】【宮】【聖】(大正 08, 372d, n.7)。

⁵⁵ (今)+十【聖】(大正 08, 372d, n.8)。

般若波羅蜜中生，過去、未來諸佛亦從般若波羅蜜中生故。

壬二、舉教化十方得二乘道果格

復次，須菩提！菩薩摩訶薩應薩婆若念，行般若波羅蜜，若須臾時、若半日、若一日、若一月、若百日，若一歲、若百歲、若一劫、若百劫，乃至無量無邊阿僧祇劫；是菩薩修是般若波羅蜜福德甚多；勝於教十方恒河沙等世界中眾生布施、持戒、禪定、智慧、解脫、解脫知見，教令得須陀洹果乃至辟支佛道。

何以故？諸佛從般若波羅蜜中生，說是布施、持戒、禪定、智慧、解脫、解脫知見，須陀洹果乃至辟支佛道。

辛三、結歎

若有菩薩摩訶薩如般若波羅蜜所說住，

當知是菩薩摩訶薩是阿鞞跋致，為諸佛所念，如是方便力成就；

當知是菩薩親近、供養無量千萬億諸佛，種善根，與善知識相隨，久行六波羅蜜，久修十八空、四念處乃至八聖道分，佛十力乃至一切種智；

當知是菩薩住法王子地，滿足諸願，常不離諸佛、不離諸善根，從一佛國至一佛國；

當知是菩薩辯才無盡，具足得⁵⁶陀羅尼⁵⁷，身色具足，受記具足，故為眾生受身。

庚二、歎得智慧

當知是菩薩

善知字門，善知非字門；

善於言，善於不言；

善於一言，善於二言，善於多言；

善知女語，善知男語；

善知色乃至識；

善知世間性，善知涅槃性；

善知法相，善知有為相，善知無為相；

善知有法，善知無法；

⁵⁶ [得] — 【宋】【元】【明】【宮】【聖】(大正 08, 372d, n.9)。

⁵⁷ 陀羅 = 陀隣【聖】(大正 08, 372d, n.10)。

善知自性，善知他性；
善知合法，善知散法；
善知相應法，善知不相應法，善知相應不相應法；
善知如⁵⁸，善知不如；
善知法性，善知法位；
善知緣，善知無緣；
善知陰，善知界，善知入；
善知四諦，善知十二因緣⁵⁹；
善知四禪，善知四無量心，善知無⁶⁰色定；
善知六波羅蜜，善知四念處，乃至善知一切種智；
善知有為性，善知無為性；
善知有性，善知無性；
善知色觀，善知受想行識觀，乃至善知一切種智觀；
善知色、色相空，善知受、想⁶¹、行、識、識相空，乃至善知菩提、
⁶²菩提相空；
善知捨道，善知不捨道；
善知生，善知滅，善知住、異；
善知欲，善知瞋，善知癡；
善知不欲，善知不瞋，善知不癡；
善知見，善知不見；
善知邪見，善知正見，善知一切見；
善知名，善知色，善知名色；
善知因緣，善知次第緣，善知緣緣，善知增上緣；
善知行相；
善知苦，善知集，善知滅，善知道；
善知地獄，善知餓鬼，善知畜生；善知人；善知天；

⁵⁸ 如=知【宮】(大正 08, 372d, n.11)。

⁵⁹ [因]—【聖】(大正 08, 372d, n.12)。

⁶⁰ (四)+無【聖】(大正 08, 372d, n.13)。

⁶¹ 想=相【聖】(大正 08, 372d, n.14)。

⁶² 提=薩【聖】(大正 08, 372d, n.15)。

善知地獄趣，善知餓鬼趣善，知畜生趣，善知人趣，善知天趣；
善知須陀洹，善知須陀洹果，善知須陀洹道；
善知斯陀含，善知斯陀含果，善知斯陀含道；
善知阿那含，善知阿那含果，善知阿那含道；
善知阿羅漢，善知阿羅漢果，善知阿羅漢道；
善知辟支佛，善知辟支佛果，善知辟支佛道；
善知佛，善知一切智⁶³，善知一切智道；
善知諸根，善知諸根具足；
善知慧，善知疾慧，善知有力慧，善知利慧，善知出慧，善知達慧，
善知廣慧，善知深慧，善知大慧，善知無等慧，善知實⁶⁴慧；
善知過去世，善知未來世、善知現在世；
善知方便，善知待眾生；
善知心，善知深心；
善知義，善知語；
善知分別三乘。
須菩提！菩薩摩訶薩行般若波羅蜜，生般若波羅蜜，修般若波羅蜜，
得如是等利益。」

⁶³ 一切智＝一切種智【明】【聖】(大正 08，372d，n.16)。

⁶⁴ 實＝寶【聖】(大正 08，373d，n.1)。

《摩訶般若波羅蜜經》¹卷 21 〈70²三慧品〉冠科³

《摩訶般若波羅蜜經》卷 21 (大正 08, 373a9-376c24) :

丁二、明修方便因行⁴

戊一、先明修行軌模

己一、明三慧

庚一、略明

辛一、明三慧體

壬一、須菩提問

須菩提白佛言：「世尊！菩薩摩訶薩云何行般若波羅蜜？云何生般若波羅蜜？云何修般若波羅蜜？」

壬二、佛答

癸一、就五陰寂滅明行義

佛言：「色寂滅故，色空故，色虛誑故，色不堅實故，應行般若波羅蜜；受、想、行、識亦如是。」

癸二、就空如虛空明生義

如汝所⁵問：『云何生般若波羅蜜？』如虛空生故，應生般若波羅蜜。

癸三、就壞一切明修義

如汝所問⁶：『云何修般若波羅蜜？』修諸法破壞故，應修般若波羅蜜。」

辛二、明修時節

須菩提言：「世尊！行般若波羅蜜、生般若波羅蜜、修般若波羅蜜，應幾時？」

佛言：「從初發意⁷乃至坐道場，應行、應生、應修般若波羅蜜。」

¹ 卷第三十一首【宮】，〔摩訶般若波羅蜜經〕－【明】(大正 08, 373d, n.3)。

² 七十=六十九【聖】(大正 08, 373d, n.4)。

³ 妙境法師，《摩訶般若波羅蜜經》冠科(下冊)，pp.888-910。

⁴ 對照《大智度論》卷 83 〈70 三慧品〉(大正 25, 641c7-645b2)。

⁵ 〔所〕－【宮】【聖】(大正 08, 373d, n.5)。

⁶ (所)+問【宋】【元】【明】(大正 08, 373d, n.6)。

辛三、明修方法

須菩提白佛言：「世尊！次第心應行般若波羅蜜。」

佛言：「常不捨薩婆若心，不令餘念得入，為行般若波羅蜜，為生般若波羅蜜，為修般若波羅蜜。」

若心、心數法不行故，為行般若波羅蜜，為生般若波羅蜜，為修般若波羅蜜。」

庚二、廣明

辛一、明修慧

壬一、取相著心四句不得

須菩提白佛言：「世尊！菩薩摩訶薩修般若波羅蜜，當得薩婆若不？」

佛言：「不！」

「世尊！不修般若波羅蜜，得薩婆若不？」

佛言：「不！」

「世尊！修不修，得薩婆若不？」

佛言：「不！」

「世尊！非修非不修，得薩婆若不？」

佛言：「不！」

壬二、明得無所得

癸一、如如相得

「世尊！若不爾，云何當得薩婆若？」

佛言：「菩薩摩訶薩得薩婆若，如如相。」

癸二、如實際得

「世尊！云何如如相？」

「如實際。」

癸三、如通達法性得

⁷ 意=應【宋】(大正 08, 373d, n.7)。

「云何如實際？」

「如法性。」

癸四、如我等畢竟空性得

子一、正明

「云何如法性？」

「如我性、眾生性、壽命性。」

子二、反責

「世尊！云何我性、眾生性、壽命性？」

佛告須菩提：「於汝意云何，我、眾生、壽命法，可得不？」

須菩提言：「不可得。」

子三、詰成

佛言：「若我、眾生、壽命不可得，云何當說有我性、眾生性、壽命性？」

壬三、結行不可說法當得

若般若波羅蜜中不說有一切法，當得一切種智。」

辛二、明生慧

壬一、明一切法不可說

須菩提言：「世尊！但般若波羅蜜是不可說？禪那波羅蜜乃至檀那波羅蜜亦不可說？」

佛告須菩提：「般若波羅蜜不可說，檀那波羅蜜乃至一切法——若有為、若無為、若聲聞法、若辟支佛法、若菩薩法、若佛法、亦不可說。」

壬二、論若法不可說云何說五道三乘

癸一、須菩提問

「世尊！若一切法不可說，云何說是地獄、是畜生、是餓鬼、是人、是天？是須陀洹，是斯陀含、阿那含、阿羅漢、辟支佛，是諸佛？」

癸二、佛答

子一、眾生無定法一切但假名

佛告須菩提：「於汝意云何，是眾生名字實可得不？」

須菩提言⁸：「世尊！不可得！」

佛言：「若眾生不可得，云何當說有地獄、餓鬼、畜生、人、天、須陀洹乃至佛？」

子二、勸學不可說般若

如是！須菩提！菩薩摩訶薩行般若波羅蜜時，應當學一切法不可說。」

辛三、明行慧

壬一、明無所行

癸一、總論如是學不增不減

子一、須菩提問

須菩提言：「世尊！菩薩摩訶薩行般若波羅蜜時，應學色，應學⁹受、想、行、識，乃至應學一切種智？」

子二、佛答

佛告須菩提：「菩薩摩訶薩學般若波羅蜜時，應學色不增不減，乃至應學一切種智不增不減。」

癸二、別論云何學不增不減

子一、學無相解脫門

須菩提言：「世尊！云何色不增不減學？乃至一切種智不增不¹⁰減學？」

佛言：「不生不滅故學。」

子二、學無作解脫門

「世尊！云何名不生不滅學？」

佛言：「不起不作諸行業若有、若無故。」

子三、學空解脫門

丑一、總明

⁸ 〔須菩提言〕－【宮】【聖】(大正 08，373d，n.8)。

⁹ 〔應學〕－【宋】【元】【明】【宮】【聖】(大正 08，373d，n.9)。

¹⁰ 〔不〕－【宋】【元】【明】【宮】(大正 08，373d，n.10)。

「世尊！云何名不起不作諸行業若有、若無？」

佛言：「觀諸法自相空¹¹故。」

丑二、別明

寅一、須菩提問

「世尊！云何應觀諸法自相空？」

寅二、佛答

卯一、正觀

辰一、陰界入空

佛言：「應觀色、色相空，應觀受想行識、識相空；應觀眼、眼相空，乃至意，色乃至法，眼識界乃至意識界、意識界相空；

辰二、諸空觀空

應觀內空、內空相空，乃至應觀自相空、自相空相空；

辰三、世出世禪空

應觀四禪、四禪相空，乃至滅受想定、滅受想定相空；

辰四、道品道果空

應觀四念處、四念處相空，乃至阿耨多羅三藐三菩提、阿耨多羅三藐三菩提相空。

卯二、結勸

如是，須菩提！菩薩行般若波羅蜜時，應行諸法自相空。」

丑三、釋疑

寅一、不行是名行般若

「世尊！若色、色相空，乃至阿耨多羅三藐三菩提、阿耨多羅三藐三菩提相空，云何菩薩摩訶薩應行般若波羅蜜？」

佛言：「不行，是名行般若波羅蜜。」

寅二、由二空一切戲論不可得故行不行般若

「世尊！云何不行是行般若波羅蜜？」

¹¹ 相=性【宋】【元】【明】【宮】(大正 08, 373d, n.11)。

佛言：「般若波羅蜜不可得故，菩薩不可得，行亦不可得，行者、行法、行處亦¹²不可得故，是名菩薩摩訶薩行不行般若波羅蜜，一切諸戲論不可得故。」

壬二、明無所得行

癸一、以不二平等釋無所得

子一、正明

丑一、明發心即學無所得

「世尊！若不行是菩薩摩訶薩行般若波羅蜜，初發意菩薩云何行般若波羅蜜？」

「須菩提！菩薩從初發意以來¹³，應學空無所得法。是菩薩用無所得法故布施、持戒、忍辱、精進、禪定，用¹⁴無所得法故修智慧，乃至一切種智亦如是。」

丑二、料簡有得無得義

須菩提白佛言：「世尊！云何名有所得？云何名無所得？」

佛告須菩提：「諸有二者，是有所得；無有二者，是無所得。」

「世尊！何等是二有所得？何等是不二無所得？」

佛言：「眼、色為二，乃至意、法為二，乃至阿耨多羅三藐三菩提、佛為二——是名為二。」

丑三、見有得無得二還是有得

「世尊！從有所得中無所得？從無所得中無所得？」

佛言：「不從有所得中無所得，不從無所得中無所得。」

丑四、有得無得平等始是無所得

須菩提！有所得、無所得平等，是名無所得。

子二、勸學

如是！須菩提！菩薩摩訶薩於有所得、無所得平等法中應學！

¹² [亦] — 【宋】【元】【明】【宮】(大正 08, 373d, n.12)。

¹³ 以來=已來【宋】【元】【明】【宮】(大正 08, 373d, n.13)。

¹⁴ 用=以【聖】(大正 08, 373d, n.14)。

須菩提！菩薩摩訶薩如是學般若波羅蜜，是名無所得者，無有過失。」

癸二、行無得般若故能從一地至一地

須菩提白佛言：「世尊！若菩薩行般若波羅蜜，不行有所得、不行無所得，云何從一地至一地，得一切種智？」

佛告須菩提：「菩薩摩訶薩行般若波羅蜜時，不住有所得中，從一地至一地。何以故？有所得中住，不能從一地至一地。何以故？須菩提！無所得是¹⁵般若波羅蜜相，無所得是阿耨多羅三藐三菩提相，無所得亦是行般若波羅蜜者相。須菩提！菩薩摩訶薩應如是行般若波羅蜜。」

癸三、明諸法無得故行般若具諸善法

子一、行般若故不得諸法相

須菩提白佛言：「世尊！若般若波羅蜜不可得，阿耨多羅三藐三菩提亦不可得，行般若波羅蜜者亦不可得，云何菩薩摩訶薩分別諸法相——是色，是受、想、行、識，乃至是阿耨多羅三藐三菩提？」

佛告須菩提：「菩薩摩訶薩行般若波羅蜜時，不得色，不得受、想、行、識，乃至不得阿耨多羅三藐三菩提。」

子二、行不可得行故具諸善法

「世尊！若菩薩摩訶薩行般若波羅蜜，色不可得，乃至阿耨多羅三藐三菩提不可得，云何具足檀那波羅蜜乃至具足般若波羅蜜，入菩薩法位中；入已，淨佛國土、成就眾生，得一切種智；得一切種智已，轉法輪、作佛事，度眾生生死？」

佛告須菩提：「菩薩摩訶薩不為色故，行般若波羅蜜，乃至不為阿耨多羅三藐三菩提故，行般若波羅蜜。」

壬三、明無為無作行

癸一、正明無為無作

須菩提白佛言：「世尊！菩薩為何事故，行般若波羅蜜？」

佛言：「無所為故行般若波羅蜜。何以故？一切諸法無所為、無所作，般若波羅蜜亦無所為、無所作，阿耨多羅三藐三菩提亦無所為、無所作，

¹⁵ 是=即【聖】(大正 08, 374d, n.1)。

菩薩亦無所為、無所作。

如是！須菩提！菩薩摩訶薩應行般若波羅蜜，無所為、無所作。」

癸二、釋分別三乘疑¹⁶

子一、須菩提難

須菩提白佛言：「世尊！若諸法無所為、無所作，不應分別有三乘：聲聞、辟支佛、佛乘？」

子二、佛答

丑一、印成其問

佛告須菩提：「諸法無所為、無所作中¹⁷無有分別；有所為、有所作中有分別。

丑二、呵不應生凡夫疑

何以故？凡夫愚人不聞聖法，著五受陰，所謂色、受、想、行、識，著檀那波羅蜜，乃至著阿耨多羅三藐三菩提。是人念有是色，得是色，乃至念有是阿耨多羅三藐三菩提，得是阿耨多羅三藐三菩提。

是菩薩作是念：『我當得阿耨多羅三藐三菩提、我當度眾生生死。』

丑三、更釋凡夫疑所以

須菩提！我以五眼觀，尚不得色，乃至阿耨多羅三藐三菩提。

何況¹⁸是狂愚人無目，而欲得阿耨多羅三藐三菩提，度脫眾生生死。」

癸三、釋分別三聚疑

子一、須菩提問

須菩提白佛言：「世尊！若佛以五眼觀不見眾生生死中可度者，今世尊云何得阿耨多羅三藐三菩提，分別眾生有三聚：正定、邪定、不定？」

子二、佛答

丑一、第一義中無三聚

「須菩提！我得阿耨多羅三藐三菩提，初不得眾生三聚：若正定、若邪定、若不定。

¹⁶ 對照《大智度論》卷 84 〈70 三慧品〉(大正 25, 645b11-651c2)。

¹⁷ [中] — 【聖】(大正 08, 374d, n.2)。

¹⁸ [何況] — 【元】【宮】【聖】(大正 08, 374d, n.3)。

丑二、世諦破倒分別三

須菩提！以眾生無法有法想，我以¹⁹除其妄著，世俗法故說有得，²⁰非第一義。」

壬四、明不住行

癸一、正明不住

子一、二處不住

「世尊！非住第一義，得阿耨多羅三藐三菩提耶？」

佛言：「不也！」

「世尊！住顛倒得阿耨多羅三藐三菩提耶？」

佛言：「不也！」

子二、實得佛菩提但無所住

「世尊！若不住第一義中得，亦不住顛倒中得，將無世尊不得阿耨多羅三藐三菩提耶？」

佛言：「不也！我實得阿耨多羅三藐三菩提，無所住若有為相、若無為相。」

癸二、舉化佛譬

子一、舉譬

須菩提！譬如佛所化人不住有為相，不住無為相，化人亦有來有去、亦坐亦立。

須菩提！是²¹化人若行檀那波羅蜜，行尸羅波羅蜜、羸提波羅蜜、毘梨耶波羅蜜、禪那波羅蜜、般若波羅蜜，行四禪、四無量心、四無色定、五神通，行四念處乃至行八聖道分，入空三昧、無相三昧、無作三昧，行內空乃至無法有法空，行八背捨、九次第定、佛十力、四無所畏、四無礙智、大慈大悲，得阿耨多羅三藐三菩提、轉法輪。

是化人化作無量眾生，有三聚。

¹⁹〔以〕－【宋】【宮】，以＝已【元】【明】（大正 08，374d，n.4）。

²⁰〔說有得〕－【宮】【聖】（大正 08，374d，n.5）。

²¹〔是〕－【宮】（大正 08，374d，n.6）。

須菩提！於汝意云何？是化人有²²行檀那波羅蜜，乃至有三聚眾生不？」

須菩提言：「不也！」

子二、合法

「須菩提！佛亦如是，知諸法如化，如化人度化眾生，無有實眾生可度。

如是！須菩提！菩薩摩訶薩行般若波羅蜜，如佛所化人行。」

子三、廣明化事

丑一、明化佛真佛所作無異

須菩提白佛言：「世尊！若一切法如化，佛與化人有何等差別？」

佛告須菩提：「佛與化人無有差別。何以故？佛能有所作，化人亦能有所作。」

丑二、明無真佛化佛獨能有所作

寅一、標問略答

「世尊！若無佛，化²³獨能有所作不？」

佛言：「能有所作。」

寅二、重問譬答

卯一、須菩提重問

須菩提言：「世尊！云何無佛，化能有所作？」

卯二、佛舉譬答釋

辰一、須扇多佛化佛譬

「須菩提！譬如過去有佛名須扇多，為欲度菩薩故，化作佛²⁴，而自滅度；是化佛住半²⁵劫作佛事，授應菩薩行者記已，滅度；一切世間眾生，謂²⁶佛實滅度。

²² [有] — 【聖】(大正 08, 374d, n.7)。

²³ 化+(人)【聖】(大正 08, 374d, n.8)。

²⁴ 佛+(已)【聖】(大正 08, 374d, n.9)。

²⁵ 半=中【宮】(大正 08, 374d, n.10)。

²⁶ 謂=知【聖】(大正 08, 374d, n.11)。

辰二、合法勸信

須菩提！化人實無生無滅。

如是，須菩提！菩薩行般若波羅蜜，當信知諸法如化。」

丑三、明供養二佛福田無異

寅一、須菩提問

「世尊！若佛、佛所化人無差別者，云何令布施清淨？如人供養佛，是眾生乃至無餘涅槃，福德不盡；若供養化佛，是人乃至無餘涅槃，福德亦應不盡耶？」

寅二、佛答

卯一、正明諸法實相故二佛福田無異

佛語須菩提：「佛以諸法實相故，與一切眾生——天及人作福田；化佛亦以諸法實相故，與一切眾生——天及人作福田。」

卯二、舉三事念佛明福田無量故其福亦無盡

辰一、別明三事念佛

巳一、敬心念佛

佛告須菩提：「置是化佛及於化佛所種福德，若有善男子、善女人但以敬心念佛，是善根因緣，乃至畢苦，其福不盡。」

巳二、散華念佛

須菩提！置是敬心念佛；若有善男子、善女人但以一華散虛空中念佛，乃至畢苦，其福不盡。

巳三、稱南無佛

須菩提！置是敬心念佛、散華念佛，若有人一稱南無佛，乃至畢苦，其福不盡。

辰二、結田勝故福無量

如是！須菩提！佛福田中種²⁷其福無量。

丑四、結諸法實相故二佛無異

以是故，須菩提！當知佛與化佛無有差別，諸法相²⁸無異故。

²⁷ 種+(福)【宮】(大正 08, 375d, n.1)。

癸三、結勸行等心入諸法實相

須菩提！菩薩摩訶薩應如是行般若波羅蜜，入諸法實相中。

壬五、明假名行

癸一、假名說諸法不壞諸法相

子一、佛正述

是諸法實相不應壞——所謂般若波羅蜜相，乃至阿耨多羅三藐三菩提相不應壞²⁹。」

子二、須菩提問

須菩提白佛言：「世尊！若諸法實相不應壞，佛何以壞諸法相，言『是色，是受、想、行、識，是內法、是外法，是善法、是不善法，是有漏、是無漏，是世間、是出世間，是有諍法、是無諍法，是有為法、是無為法』等？世尊！將無壞諸法相？」

子三、佛答

佛告須菩提：「不也！以名字相故示諸法，欲令眾生解；佛不壞諸法相。」

癸二、名相無著處故應觀無實

子一須菩提問

須菩提白佛言：「世尊！若以名字相故說諸法令眾生解；世尊！若一切法無名無相，云何以名相示眾生欲令解？」

子二、佛答

丑一、正明

佛告須菩提：「隨世俗法有名相，實無著處。」

丑二、舉譬

須菩提！如凡人聞說苦，著名、隨相。須菩提！諸佛及弟子不著名、不隨相。

丑三、反顯

須菩提！若名著名、相著相，空亦應著空，無相亦應著無相，無作亦

²⁸ (法)+相【宋】【元】【明】【宮】(大正 08, 375d, n.2)。

²⁹ 相+(不應壞)【元】【明】(大正 08, 375d, n.3)。

應著無作，實際亦應著實際，法性亦應著法性，無為性亦應著無為性。

丑四、正成

須菩提！是一切法但有名相，是法不住名相中。

丑五、結勸

如是！須菩提！菩薩摩訶薩但名相中住，應行般若波羅蜜，是名相中亦不應著。」

癸三、行中道般若故發心行道度化眾生

子一、須菩提問

「世尊！若一切有為法但名相者，菩薩摩訶薩為誰故發阿耨多羅三藐三菩提心，受種種勤苦——菩薩行道時，布施、持戒、行忍辱、勤³⁰精進，入禪定、修智慧。行四禪、四無量心、四無色定、四念處乃至八聖道分，行空、行無相、行無作，行佛十力乃至具足大慈³¹悲³²？」

子二、佛答

丑一、牒問

佛言：「如須菩提所說：『若一切有為法但有名相者，菩薩摩訶薩為誰故行菩薩道？』

丑二、正明

寅一、如中名相畢竟空

須菩提！若有為法但有³³名相等，是名相、名相亦³⁴空。

寅二、離有無行中道成佛度眾生

以是故，菩薩摩訶薩行菩薩道，得一切種智；得一切種智已，轉法輪；轉法輪已，以三乘法度脫眾生。是名相亦無生、無滅，無住異。」

己二、明三智

庚一、明智優劣

³⁰ 勤+〔苦〕【聖】(大正 08, 375d, n.4)。

³¹ 〔慈〕—【聖】(大正 08, 375d, n.5)。

³² (大)+悲【宋】【元】【明】【宮】(大正 08, 375d, n.6)。

³³ 〔有〕—【聖】(大正 08, 375d, n.7)。

³⁴ 亦=相【聖】(大正 08, 375d, n.8)。

辛一、略釋

爾時，須菩提白佛言：「世尊！世尊說一切種智？」

佛告須菩提：「我說一切種智。」

須菩提言：「佛說一切智、說道種智、說一切種智——是三種智有何差別？」

佛告須菩提：「薩婆若是一切聲聞、辟支佛智，道種智是菩薩摩訶薩智，一切種智是諸佛智。」

辛二、別釋

壬一、一切智

須菩提白佛言：「世尊！何因緣故，薩婆若是聲聞、辟支佛智？」

佛告須菩提：「『一切』名所謂內外法，是聲聞、辟支佛能知，不能用一切道、一切種智³⁵。」

壬二、道種智

癸一、明菩薩應具足諸道

須菩提言：「世尊！何因緣故，道種智是諸菩薩摩訶薩智？」

佛告須菩提：「一切道，菩薩摩訶薩應知——若聲聞道、辟支佛道、菩薩道，應具足知；亦應用是道度³⁶眾生，

癸二、未成就前不取證

亦不作實際證³⁷。」

須菩提白佛言：「世尊！如佛說『菩薩摩訶薩應具足佛³⁸道，不應以是道實際作證』耶？」

佛告須菩提：「是菩薩未淨佛土³⁹、未成就眾生，是時不應實際作證。」

癸三、辨菩薩住何處實際作證

³⁵ [智] — 【宋】【元】【明】【宮】【聖】(大正 08, 375d, n.9)。

³⁶ 度+(脫)【聖】(大正 08, 375d, n.10)。

³⁷ (作)+證【聖】(大正 08, 375d, n.11)。

³⁸ 佛=諸【元】【明】(大正 08, 375d, n.12)。

³⁹ (國)+土【聖】(大正 08, 375d, n.13)。

子一、明不住四句證實際

須菩提白佛言：「世尊！菩薩住道中，應實際作證⁴⁰？」

佛言：「不也！」

「世尊！住非道中，實際作證？」

佛言：「不也。」

「世尊！住道非道，實際作證？」

佛言：「不也！」

「世尊！住非道亦非非道，實際作證？」

佛言：「不也！」

子二、明菩薩無所住而證

丑一、須菩提問

「世尊！菩薩摩訶薩住何處，應實際作證？」

丑二、佛以四句反問其證

佛告須菩提：「於汝意云何？汝住道中，不受諸法故，漏盡得⁴¹解脫不？」

須菩提言：「不也！世尊！」

「汝住非道，漏盡得解脫不？」

「不也！世尊！」

「汝住道非道，漏盡得解脫不？」

「不也！世尊！」

「汝住非道亦非非道，漏盡得解脫不？」

「不也！世尊！我無所住，不受諸法，漏盡心得解脫。」

丑三、正顯菩薩無住而證

佛告須菩提：「菩薩摩訶薩亦如是，無所住，應實際作證。」

⁴⁰ 證+(不)【宋】【元】【明】【宮】(大正 08, 375d, n.14)。

⁴¹ 漏盡得=漏盡心得【元】【明】【聖】(大正 08, 375d, n.15)。

壬三、一切種智

癸一、須菩提問

須菩提言：「世尊！云何為一切種智相？」

癸二、佛答

子一、正明

丑一、通達諸法寂滅相

佛言：「一相故名一切種智，所謂一切法寂滅相。

丑二、通達諸法名相言說

復次，諸法行類相貌、名字顯示說，佛如實知。

子二、結名

以是故名一切種智。」

庚二、明斷差別

辛一、出二斷別

壬一、須菩提問

須菩提白佛言：「世尊！一切智、道種智、一切種智——是三智⁴²結斷有差別，有盡有餘不？」

壬二、佛答

癸一、總明

子一、明斷煩惱無別

佛言：「煩惱斷無差別；

子二、明斷習有別

諸佛煩惱習一切悉斷，聲聞、辟支佛煩惱習不悉斷⁴³。」

癸二、別示

子一、明三種斷皆無為

「世尊！是諸人不得無為法得斷煩惱耶？」

佛言：「不也！」

⁴² 三智=三種智【宋】【元】【明】(大正 08, 375d, n.16)。

⁴³ [斷] - 【聖】(大正 08, 375d, n.17)。

子二、明無為中無差別

「世尊！無為法中可得差別不？」

佛言：「不也！」

子三、料簡斷習差別

丑一、須菩提問

「世尊！若無為法中不可得差別，何以故說是人煩惱習斷、是人煩惱習不斷？」

丑二、佛答

寅一、二乘煩惱習不盡

佛告須菩提：「習，非煩惱。是聲聞、辟支佛身口有似婬欲、瞋恚、愚癡相，凡夫愚人為之得罪；

寅二、佛無煩惱習

是三毒習，諸佛無有。」

辛二、明無為同證世俗言說故有別

壬一、無為同證

須菩提白佛言：「世尊！若道無⁴⁴法，涅槃亦無法，何以故分別說是須陀洹、是斯陀含、是阿那含、是阿羅漢、是辟支佛、是菩薩、是佛？」

佛告須菩提：「是皆以無為法而有分別是須陀洹、是斯陀含、是阿那含、是阿羅漢、是辟支佛、是菩薩、是佛。」

壬二、世俗言說故有別第一義中無分別

「世尊！實以無為法故，分別有須陀洹乃至佛？」

佛告須菩提：「世間言說故有差別，非第一義，第一義中無有分別說。何以故？第一義中無言說道，斷結故說後際。」

辛三、結諸法自相空中證斷不可得

壬一、須菩提陳

須菩提言：「世尊！諸法自相空中，前際不可得，何況說有後際！」

⁴⁴ 道無=無道【宋】【宮】(大正 08, 376d, n.1)。

壬二、佛述

癸一、可其意

佛告須菩提：「如是！如是！諸法自相空中，無有前際，何況有後際！無有是處！

癸二、正述

須菩提！以眾生不知諸法自相空故，為說是前際、是後際；諸法自相空中，前際、後際不可得。

癸三、結勸

子一、以自相空行般若

如是！須菩提！菩薩摩訶薩應以自相空法，行般若波羅蜜。

子二、行時不著一切法

須菩提！若菩薩行自相空法，則無所著——若內法、若外法，若⁴⁵有為法⁴⁶、若無為法，若聲聞法、若⁴⁷辟支佛法、若佛法。」

巳三、釋般若

庚一、能到彼岸名般若波羅蜜

辛一、就智行明

須菩提白佛言：「常說般若波羅蜜，般若波羅蜜以⁴⁸何義故名般若波羅蜜？」

佛言：「得第一⁴⁹度，一切法到彼岸，以是義故名般若波羅蜜。

辛二、就果德明

復次，須菩提！諸佛、菩薩、辟支佛、阿羅漢，用是般若波羅蜜得度彼岸，以是義故名般若波羅蜜。

辛三、就境以明

壬一、就二諦辨

⁴⁵ (若內外法)+ 若【聖】(大正 08, 376d, n.2)。

⁴⁶ [法] — 【宮】(大正 08, 376d, n.3)。

⁴⁷ [若] — 【宋】【元】【明】【宮】【聖】(大正 08, 376d, n.4)。

⁴⁸ [以] — 【宮】【聖】(大正 08, 376d, n.5)。

⁴⁹ [義] — 【宮】(大正 08, 376d, n.6)。

復次，須菩提！分別、籌量破壞一切法，乃至微塵，是中不得堅實，以是義故名般若波羅蜜。

復次，須菩提！諸法如、法性、實際皆入般若波羅蜜中，以是義故名般若波羅蜜。

壬二、就一實辨

復次，須菩提！是⁵⁰般若波羅蜜無有法若合若散、若有色若無色、若可見若不可見、若有對若無對、若有漏若無漏、若有為若無為。何以故？是般若波羅蜜無色、無形、無對，一相所謂無相。

庚二、生善滅惡

復次，須菩提！是般若波羅蜜，能生一切法，一切樂說辯，一切照明。

須菩提！是⁵¹般若波羅蜜，魔、若魔天，聲聞⁵²、辟支佛人及餘異道梵志、怨讎惡人，不能壞菩薩行般若波羅蜜。何以故？是人輩，般若波羅蜜中皆不可得故。

須菩提！是⁵³菩薩摩訶薩應如是行般若波羅蜜義。

庚三、成諸觀義

復次，須菩提！菩薩摩訶薩欲行深般若波羅蜜義，應行無常義、苦義、空義、無我義，亦⁵⁴應行苦智義、集智義、滅智義、道智義，法智義、比智義，世智義、他心智義、盡智義、無生智義，如實智義。

如是！須菩提！菩薩摩訶薩為般若波羅蜜義故，應行般若波羅蜜。」

庚四、義非義兩捨

辛一、論行因得果義

壬一、須菩提問

須菩提白佛言：「世尊！是深般若波羅蜜中，義與非義皆不可得，云何菩薩為深般若波羅蜜義故應行般若波羅蜜？」

壬二、佛答

⁵⁰ 是+(故)【聖】(大正 08, 376d, n.7)。

⁵¹ [是] - 【宮】，是+(故)【聖】(大正 08, 376d, n.8)。

⁵² [求] - 【宮】【CB】(大正 08, 376d, n.9)。

⁵³ [是] - 【宋】【元】【明】【宮】【聖】(大正 08, 376d, n.10)。

⁵⁴ [亦] - 【宋】【宮】(大正 08, 376d, n.11)。

癸一、正明

子一、約煩惱辨

丑一、為實相般若

佛告須菩提：「菩薩摩訶薩為深般若波羅蜜義故，

丑二、行觀照般若破分別

應如是念：『貪欲非義，如是義不應行；瞋恚、愚癡非義，如是義不應行；一切邪見無⁵⁵義，如是義不應行。』

丑三、入如相中無有義非義

何以故？三毒如相，無有義，無有非義；一切邪見如相，無有義，無有非義。

子二、例善無記法

復次，須菩提！菩薩摩訶薩應作是念：『色非義、非非義，乃至識非義、非非義，檀那波羅蜜乃至阿耨多羅三藐三菩提非義、非非義。』

癸二、引證

何以故？須菩提！佛得阿耨多羅三藐三菩提時，無有法可得若義、若非義。

癸三、結勸釋疑

子一、結明實相

須菩提！有佛無佛，諸法法相常住，無有義、無有非義。

子二、勸兩捨

如是！須菩提！菩薩摩訶薩行般若波羅蜜，應離義及非義。」

子三、釋疑

須菩提白佛言：「世尊！何以故般若波羅蜜非義、非非義？」

佛告須菩提：「一切有為法無作相，以是故，般若波羅蜜非義、非非義。」

辛二、論無為為義

壬一、須菩提問

⁵⁵ 無=非【明】(大正 08, 376d, n.12)。

「世尊！一切賢聖——若佛、若佛、弟子，皆以無為為義，云何佛言『般若波羅蜜無有義、非義』？」

壬二、佛答

癸一、法說

佛言：「雖一切賢聖——若佛、若佛弟子，皆以無為為義，亦不以增、亦不以損。」

癸二、譬說

須菩提！譬如虛空如，不能益眾生、不能損眾生；

癸三、合法

如是！須菩提！菩薩摩訶薩般若波羅蜜無有增、無有損。」

辛三、論得無得義

壬一、須菩提問

「世尊！菩薩摩訶薩不學無為般若波羅蜜得一切種智耶？」

壬二、佛答

癸一、可其言

佛言：「如是！如是！須菩提！菩薩摩訶薩學是無為般若波羅蜜，當得一切種智，

癸二、正明不以二法得

不以二法故。」

癸三、別明

子一、不以不二法得

「世尊！不二法能得不二法耶？」

佛言：「不也！」

子二、不以二法得

須菩提言：「二法能得不二法耶⁵⁶？」

佛言⁵⁷：「不也！」

⁵⁶ 耶=不【宮】(大正 08, 376d, n.13a)。

⁵⁷ [佛言]—【宮】(大正 08, 376d, n.13b)。

癸四、結無得即得

須菩提言⁵⁸：「世尊！菩薩摩訶薩若不以二法，不以不二法，云何當得一切種智？」

「須菩提！無所得即是得，以是得無所得。」

⁵⁸ [言] — 【宋】【元】【明】【宮】【聖】(大正 08, 376d, n.14)。

《摩訶般若波羅蜜經》卷 22 〈71 道樹品〉冠科¹

《摩訶般若波羅蜜經》卷 22 (大正 08, 377a2-378c18) :

戊二、正明發心修行²

己一、明自行

庚一、明發心修行次第漸增

辛一、歎明菩薩依無所得發菩提心

壬一、歎方便起心

癸一、須菩提喻歎

須菩提白佛言：「世尊！是般若波羅蜜甚深。世尊！諸菩薩摩訶薩不得眾生，而為眾生求阿耨多羅三藐三菩提，是為甚難！

世尊！譬如人欲於虛空中種樹，是為甚難。世尊！菩薩摩訶薩亦如是，為眾生故，求阿耨多羅三藐三菩提，眾生亦不可得。」

癸二、佛述成釋歎

子一、述成

佛告須菩提：「如是！如是！諸菩薩摩訶薩所為甚難，為眾生故，求阿耨多羅三藐三菩提，度著吾我顛倒眾生。」

子二、釋歎

丑一、法喻合說

須菩提！譬如人種樹，不識樹根、莖、枝、葉、華、果，而愛護溉灌，漸漸長大，華、葉、果實成就，皆得用之。

如是，須菩提！諸菩薩摩訶薩為眾生故，求阿耨多羅三藐三菩提，漸漸行六波羅蜜，得一切種智成³佛樹，以葉、華⁴、果實⁵益眾生。

丑二、別釋

寅一、葉益眾生：離三惡道

¹ 妙境法師，《摩訶般若波羅蜜經》冠科(下冊)，pp.911-921。

² 對照《大智度論》卷 85 〈71 道樹品〉(大正 25, 651c10-654c23)。

³ 成+(就)【宋】【元】【明】【宮】(大正 08, 377d, n.4)。

⁴ 葉華=華葉【宋】【元】【明】【宮】(大正 08, 377d, n.5)。

⁵ [實]—【宋】【宮】(大正 08, 377d, n.6)。

須菩提！何等為葉益眾生？

因菩薩摩訶薩得離三惡道，是為葉益眾生。

寅二、華益眾生：受人天樂

何等為華益眾生？

因菩薩⁶得生刹利大姓、婆羅門大姓、居士大家、四天王天處，乃至非有想非無想處⁷，是為華益眾生。

寅三、果益眾生：得聖道果

何等為果益眾生？

是菩薩得一切種智，令眾生得須陀洹果、斯陀含果、阿那含果、阿羅漢果、辟支佛道、佛道；是眾生漸漸以三乘法，於無餘涅槃而般涅槃，是為果益眾生。

丑三、結成

是菩薩摩訶薩不得眾生實法而度眾生，令離我顛倒著，作是念：『一切諸法中無眾生，我所為眾生求一切種智，是眾生實不可得。』」

壬二、如佛歎

癸一、須菩提作斷惡歎

須菩提白佛言：「世尊！當知是菩薩為如佛。

所以者何⁸？是菩薩因緣故，斷一切地獄種、一切畜生種、一切餓鬼種，斷一切諸難，斷一切貧窮下賤道，斷一切欲界、色界、無色界。」

癸二、佛述成釋歎

子一、約生善斷惡說如佛

佛言：「如是！如是！須菩提！當知是菩薩摩訶薩如佛。須菩提！若菩薩摩訶薩不發心求阿耨多羅三藐三菩提，世間則無過去、未來、現在諸佛，世間亦無辟支佛、阿羅漢、阿那含、斯陀含、須陀洹；三惡趣及三界亦無斷時。

子二、約體如故說如佛

⁶ 薩+(摩訶薩)【宋】【元】【明】【宮】(大正 08, 377d, n.7)。

⁷ (天)+處【宋】【元】【明】【宮】(大正 08, 377d, n.8)。

⁸ 所以者何=何以故【宋】【元】【明】【宮】【聖】(大正 08, 377d, n.9)。

須菩提！汝⁹所說：『是菩薩摩訶薩當知如佛。』

如是！如是！須菩提！當知是菩薩實如佛。何以故？以如故說如來，以如故說辟支佛、阿羅漢、一切賢聖；以如故說為色乃至識，以如故說一切法，乃至有為性、無為性。是諸如，如實無異，以是故說名為如。

諸菩薩摩訶薩學是如，得一切種智，得名如來。

以是因緣¹⁰故，說菩薩摩訶薩當知如佛，以如相故。

壬三、勸學如

如是！須菩提！菩薩摩訶薩應學如¹¹般若波羅蜜¹²。

菩薩學如般若波羅蜜，則能學一切法如；學一切法如，則得具足一切法如；具足一切法如已，住一切法如得自在；住一切法如得自在已，善知一切眾生根；善知一切眾生根已，知一切眾生根具足，知¹³一切眾生根具足已，亦知一切眾生業因緣；知一切眾生業因緣已，得願智具足；得願智具足已，淨三世慧；淨三世慧已，饒益一切眾生；饒益一切眾生已，淨佛國土；淨佛國土已，得一切種智；得一切種智已，轉法輪；轉法輪已，安立眾生於三乘，令人無餘涅槃。

壬四、勸發心

癸一、正歎勸

如是！須菩提！菩薩摩訶薩欲得一切功德，自利利¹⁴人，應發阿耨多羅三藐三菩提心。」

須菩提白佛言：「世尊！是諸菩薩摩訶薩能如說行深般若波羅蜜，一切世間天及人、阿修羅應當為作禮。」

佛告須菩提：「如是！如是！菩¹⁵薩摩訶薩能如說行般¹⁶若波羅蜜，一切世間天及人、阿修羅應當為作禮。」

⁹ (如)+汝【宋】【元】【明】【宮】(大正 08, 377d, n.10)。

¹⁰ 緣+(以是相)【宋】【元】【明】【宮】(大正 08, 377d, n.11)。

¹¹ [如]—【宋】【宮】(大正 08, 377d, n.12)。

¹² 蜜+(如)【宋】【宮】(大正 08, 377d, n.13)。

¹³ [知…已]九字—【宋】【元】【明】【宮】(大正 08, 377d, n.14)。

¹⁴ 利利=為為【宮】(大正 08, 377d, n.15)。

¹⁵ (是)+菩【宋】【元】【明】【宮】(大正 08, 377d, n.16)。

¹⁶ (深)+般【宋】【元】【明】【宮】(大正 08, 377d, n.17)。

癸二、格量勸

子一、舉發二乘意格

「世尊！是初發意菩薩摩訶薩為眾生故，求阿耨多羅三藐三菩提，得幾所福德？」

佛告須菩提：「若千世界¹⁷中眾生皆發聲聞、辟支佛意，於汝意云何？其福多不？」

須菩提言：「甚多無量！」

佛告須菩提：「其福不如初發意菩薩摩訶薩，百倍、千倍、巨億萬倍，乃至算數譬喻所不能及。何以故？發聲聞、辟支佛意者，皆因菩薩出故，菩薩終不因聲聞、辟支佛出；二千世界、三千大千世界中亦如是。」

子二、舉住乾慧地格

置是三千大千世界中，發意求聲聞、辟支佛者¹⁸。若三千大千世界中眾生皆住乾慧地，其福多不？」

須菩提言：「甚多無量。」

佛言：「不如初發意菩薩百倍、千倍、巨億萬倍，乃至算數譬喻所不能及。」

子三、舉住餘地及二乘地格

置是住乾慧地眾生；若三千大千世界中眾生皆住性地、八人地、見地、薄地、離欲地、已辦地、辟支佛地，是一切福德，欲比初發意菩薩百倍、千倍、巨億萬倍，乃至算數譬喻所不能及。

子四、舉入法位菩薩格

須菩提！若三千大千世界中初發意菩薩，不如入法位菩薩，百倍千¹⁹倍、巨億萬倍，乃至算數譬喻所不能及。

子五、舉向佛道菩薩格

若三千大千世界中入法位菩薩，不如向佛道菩薩，百千萬倍、巨億萬

¹⁷ 世界=國土【宋】【元】【明】【宮】【聖】下同(大正 08, 377d, n.18)。

¹⁸ 發意求聲聞辟支佛者=住聲聞辟支佛地者【聖】(大正 08, 377d, n.19)。

¹⁹ 倍千=千萬【宋】【元】【明】【宮】(大正 08, 377d, n.20)。

倍，乃至算數譬喻所不能及。

子六、舉佛功德格

若三千大千世界中向佛道菩薩，不如佛功德，百千萬倍、巨億萬倍，乃至算數譬喻所不能及。」

壬五、明始行所念

癸一、標念佛果

須菩提白佛言：「世尊！初發心菩薩摩訶薩當念何等法？」

佛言：「應念一切種智。」

癸二、示種智性空

須菩提言：「何等是一切種智？一切種智何等緣？何等增上？何等行？何等相？」

佛告須菩提：「一切種智，無所有、無念、無生、無示。如須菩提所²⁰問：『一切種智何等緣？何等增上？何等行？何等相？』須菩提！一切種智無法緣，念為增上，寂滅為行，無相為相。須菩提！是名一切種智緣、增上、行、相。」

癸三、明一切法亦無法

須菩提白佛言：「世尊！但一切種智無法，色、受、想、行、識亦無法？內外法亦無法？四禪、四無量心、四無色定，四念處、四正勤、四如意足、五根、五力、七覺分、八聖道分，空三昧、無相三昧、無作三昧，八背捨、九次第定，佛十力、四無所畏、四無礙智，十八不共法、大慈大悲、大喜大捨，初神通、第二、第三、第四、第五、第六神通，有為相、無為相亦無法？」

佛告須菩提：「色亦無法，乃至有為相、無為相亦無法。」

癸四、明自性無故名無法

須菩提言：「世尊！何因緣故，一切種智無法，色無法，乃至有為、無為相亦無法？」

佛言：「一切種智自性無故，若法自性無，是名無法。色乃至有為、

²⁰〔所〕－【聖】(大正 08, 378d, n.1)。

無為相亦如是。」

癸五、明緣生無性空故一切法無性

「世尊！何因緣故，諸法自性無？」

佛言：「諸法和合因緣生，法中無自性，若無自性是名無法。以是故，須菩提！菩薩摩訶薩當知一切法無性。何以故？一切法性空故，以是故當知一切法無性。」

壬六、明起行方便

癸一、須菩提問

須菩提白佛言：「世尊！若一切法無性，初發意菩薩以何等方便力，能行檀那²¹波羅蜜，淨佛國土、成就眾生？能行尸羅波羅蜜、羸提波羅蜜、毘梨耶波羅蜜、禪那波羅蜜、般若波羅蜜，行初禪乃至第四禪，行慈心乃至捨心，行空處乃至非有想非無想處，內空乃至無法有法空，四念處乃至八聖道分，空三昧、無相三昧、無作三昧，八背捨、九次第定，佛十力、四無所畏、四無礙智、十八不共法、大慈大悲，能行一切種智，淨佛國土、成就眾生？」

癸二、佛答

子一、於無所有中起方便力行萬行

丑一、因中不著有無果

佛告須菩提：「菩薩摩訶薩能學諸法無性，亦能淨佛國土、成就眾生，知國土、眾生亦無性，即是方便力。」

須菩提！是菩薩摩訶薩行檀那²²波羅蜜修學佛道，行尸羅²³波羅蜜修學佛道，行²⁴羸提波羅蜜、毘梨耶波羅蜜、禪那²⁵波羅蜜、般若波羅蜜修學佛道，乃至行一切種智修學佛道，亦知佛道無性。是菩薩摩訶薩行六波羅蜜修學佛道，乃至未成就佛十力、四無所畏、四無礙智、十八不共法、大慈大悲、一切種智，是為修學佛道，能具足是佛道因緣已，以

²¹ [那] — 【聖】(大正 08, 378d, n.2)。

²² 檀那 = 檀【聖】下同(大正 08, 378d, n.3)。

²³ 尸羅 = 尸【聖】(大正 08, 378d, n.4)。

²⁴ [行] — 【宋】【元】【明】【宮】(大正 08, 378d, n.5)。

²⁵ 禪那 = 禪【聖】下同(大正 08, 378d, n.6)。

²⁶一念相應慧得一切種智。

丑二、得佛時畢竟空

爾時，一切煩惱習永盡，以不生故。

是時，以佛眼觀三千大千世界，無法尚不可得，何況有法！

子二、勸學方便行無所有般若

如是！須菩提！菩薩摩訶薩應行無性般若波羅蜜。

須菩提！是名菩薩摩訶薩方便力。

無法尚不可得，何況有法！

須菩提！是菩薩摩訶薩若布施時，布施——無法尚不可知，何況有法！受者及菩薩心——無法尚不可知，何況有法！乃至一切種智得者、得法、得處——無法尚不可知，何況有法！

何以故？一切法本性爾。非佛作，非聲聞、辟支佛作，亦非餘人作，一切法無作者故。」

壬七、明諸法無所有不失常知義

癸一、標諸法無所有

須菩提白佛言：「世尊！諸法、諸法性離耶？」

佛言：「如是！如是！諸法、諸法性離。」

癸二、論知無所有菩薩云何分別法有無

子一、須菩提問

「世尊！若諸法、諸法性離，云何離法能知離法若有、若無？何以故無法不能知無法，有法不²⁷能知有法，無法不能知有法，有法不能知無法？世尊！如是一切法無所有相，云何菩薩摩訶薩作是分別，是法若有、若無？」

子二、佛答

丑一、略標以世諦示有無

佛言：「菩薩摩訶薩以世諦故示眾生若有、若無，非以第一義。」

丑二、別明

²⁶ 以=用【宋】【元】【明】【宮】(大正 08, 378d, n.7)。

²⁷ 不=有【宮】(大正 08, 378d, n.8)。

寅一、二諦如無異

「世尊！世諦、第一義諦有異耶？」

「須菩提！世諦、第一義諦無異也。何以故？世諦如即是第一義諦如。

寅二、眾生不知見如故菩薩示

以眾生不知、不見是如²⁸故，菩薩摩訶薩以世諦示²⁹若有、若無。

寅三、眾生著相故菩薩示

復次，須菩提！眾生於五受陰中有著相故，不知無所有；為是眾生故，示若有、若無，令知清淨無所有。

丑三、勸學

如是！須菩提！菩薩摩訶薩應當作是行般若波羅蜜³⁰。」

²⁸ 是如=如是【聖】(大正 08, 378d, n.9)。

²⁹ 示+(眾生)【宋】【元】【明】(大正 08, 378d, n.10)。

³⁰ 以上梵. *iti satyadvaya vipratipattiḥ*.(大正 08, 378d, n.11)。

《摩訶般若波羅蜜經》卷 22 〈72 道行品〉¹冠科²

《摩訶般若波羅蜜經》卷 22 (大正 08, 378c19-379c20):

辛二、明正行成就³

壬一、正明菩薩行

癸一、明菩薩行

子一、總標無上菩提

須菩提白佛言：「世尊！世尊說菩薩行。何等是菩薩行？」

佛言：「菩薩行者，為阿耨多羅三藐三菩提行，是名菩薩行。」

子二、約悲智不二心行明

「世尊！云何菩薩摩訶薩為阿耨多羅三藐三菩提行，是名菩薩行⁴？」

佛言：「若菩薩摩訶薩行色空，行受、想、行、識空；行眼空乃至意，行色空乃至法，行眼界空乃至意識界；

行檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜；

行內空、行外空、行內外空、行空空、行大空⁵、第一義空、有為空、無為空、畢竟空、無始空、散空、諸法空、性空、自相空、無法空、有法空、無法有法空；

行初禪、第二、第三、第四禪，

行慈、悲、喜、捨，

行無量虛空處、無⁶量識處、無所有處、非有想非無想處；

行四念處、四正勤、四如意足、五根、五力、七覺分、八聖道分；

行空三昧、行無相三昧、行⁷無作三昧；

¹ 道行品 = 菩薩行品【宋】【元】【明】【宮】【聖】(大正 08, 378d, n.13)。

² 妙境法師，《摩訶般若波羅蜜經》冠科(下冊)，pp.922-927。

³ 對照《大智度論》卷 85 〈72 菩薩行品〉(大正 25, 654c24-657b15)。

⁴ 〔是名菩薩行〕 - 【聖】(大正 08, 378d, n.14)。

⁵ 行大空 = 行【宋】【元】【明】【宮】， = 行大空行【聖】(大正 08, 378d, n.16)。

⁶ (行) + 無【宋】【元】【明】【宮】(大正 08, 379d, n.1)。

⁷ 〔三昧行〕 - 【宋】【元】【明】【宮】【聖】(大正 08, 379d, n.2)。

行八背捨、九次第定；
行佛十力、行四無所畏、行四無礙智、行十八不共法、行大慈大悲；
行淨佛國土、行成就眾生；
行諸辯才、行文字入無文字、行諸陀羅尼門；
行有為性、行無為性，如阿耨多羅三藐三菩提不作⁸二。

如是！須菩提！菩薩摩訶薩行般若波羅蜜，名為『阿耨多羅三藐三菩提行』，是名菩薩行⁹。」

癸二、明得果

子一、明得佛

須菩提¹⁰白佛言：「世尊！說¹¹言佛，何義故名佛？」

佛告須菩提：「知諸法實義故名為佛。復次，得諸法實相故名為佛。復次，通達實義故名為佛。復次，如實知一切法故名為佛。」

子二、明菩提

丑一、須菩提問

須菩提言：「何義故名菩提？」

丑二、佛答

寅一、第一義諦智為菩提

「須菩提！空義是菩提義，如義、法性義、實際義是菩提義。

寅二、知世諦為菩提

復次，須菩提！名相言說是菩提義¹²。

寅三、內絕念想為菩提

菩提實義不可壞、不可分別是菩提義。

寅四、外即如相為菩提

復次，須菩提！諸法實相不誑不異是菩提義。

⁸ 作=行【宋】【元】【明】(大正 08, 379d, n.3)。

⁹ [是名菩薩行] - 【聖】(大正 08, 379d, n.4a)

¹⁰ [須菩提] - 【聖】(大正 08, 379d, n.4b)

¹¹ (世尊)+說【宋】【元】【明】【宮】(大正 08, 379d, n.6)。

¹² 義=義須菩提【宋】【元】【明】，=須菩提【聖】(大正 08, 379d, n.7)。

以是故名菩提。

寅五、舉人釋法

卯一、菩提為佛所有

復次，須菩提！是菩提是諸佛所有，故名菩提。

卯二、簡異二乘菩薩

復次，須菩提！諸佛正遍知故名菩提。」

癸三、問答料簡

子一、明菩薩心無失

須菩提白佛言：「世尊！若菩薩摩訶薩為是菩提行六波羅蜜乃至行一切種智，於諸法何得何失、何增何減、何生何滅、何垢何淨？」

佛告須菩提：「若菩薩摩訶薩為菩提行六波羅蜜乃至行一切種智，於諸法無得無失，無增無減，無生無滅，無垢無淨。何以故？菩薩摩訶薩行般若波羅蜜，不為得失、增減、生滅、垢淨故出。」

子二、明行般若不以二行

須菩提¹³言：「世尊！若菩薩摩訶薩行般若波羅蜜，若¹⁴不為得失，乃至不為淨垢¹⁵故出，菩薩摩訶薩云何行般若波羅蜜，能取檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜？云何行內空乃至無法有法空？云何行禪、無量心、無色定？云何行四念處乃至八聖道分？云何行空、無相、無作解脫門？云何行佛十力、四無所畏、四無礙智、十八不共法、大慈大悲？云何行菩薩十地？云何過聲聞、辟支佛地，入菩薩位中？」

佛告須菩提：「菩薩摩訶薩行般若波羅蜜時，不以二法故，行檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜。不以二法乃至行一切種智。」

子三、功行滿足外惡不干

丑一、行不二法，增益善根

¹³ 提+(白佛)【元】【明】(大正 08, 379d, n.8)。

¹⁴ [若]—【元】【明】(大正 08, 379d, n.9)。

¹⁵ 淨垢=垢淨【宋】【元】【明】【宮】(大正 08, 379d, n.10)。

須菩提言：「世尊！若菩薩摩訶薩不以二法故行檀那波羅蜜乃至般若波羅蜜，不以二法故乃至行一切種智；菩薩從初發意乃至後意，云何善根增益？」

佛告須菩提：「若行二法者，善根不得增益。何以故？一切凡夫¹⁶人皆依二法，不得增益善根。菩薩摩訶薩行不二法，從初發意乃至後意，於其中間增益善根。

丑二、無人能壞菩薩令墮二乘

以是故，菩薩摩訶薩，一切世間天及人、阿修羅無能伏、無能壞其善根，令墮聲聞、辟支佛地；

丑三、諸惡不善法不能壞六度等諸善行

及諸眾¹⁷惡不善法，不能制菩薩令不能行檀那波羅蜜、增益善根，乃至般若波羅蜜亦如是。

丑四、結

須菩提！菩薩摩訶薩應如是行般若波羅蜜。」

子四、善惡兩捨行名正觀

丑一、須菩提問

「世尊！菩薩摩訶薩為善根故行般若波羅蜜不？」

丑二、佛答

寅一、用無破有明兩捨

佛言：「不也，須菩提！菩薩亦不為善根故，行般若波羅蜜，亦不為非善根故行般若波羅蜜。

寅二、明貴佛道究竟故

何以故？須菩提！菩薩摩訶薩法，未供養諸佛、未具足善根、未得真知識，不能得一切種智。」

寅三、勸行三多得一切種智

卯一、須菩提問

¹⁶ [夫] — 【聖】(大正 08, 379d, n.11)。

¹⁷ [眾] — 【宋】【元】【明】【宮】(大正 08, 379d, n.12)。

須菩提言：「世尊！云何菩薩摩訶薩供養諸佛、具足善根、得真知識能得一切種智？」

卯二、佛答

辰一、明三事

己一、供養諸佛

佛告須菩提：「菩薩摩訶薩從初發意供養諸佛。

己二、具足善根

諸佛所說十二部經，修妬路¹⁸乃至憂¹⁹波提舍，是菩薩聞持誦利，心觀了達；了達故，得陀羅尼；得陀羅尼故，能起無礙智；起無礙智故，所生處乃至薩婆若，終不忘失。亦於諸佛所種善根，為是善根所護，終不墮惡道諸難；以是善根因緣故，得深心清淨；得深心清淨故，能淨佛國土，成就眾生。

己二、親近善知識

以善²⁰根所護故，常不離真知識，所謂諸佛、諸菩薩摩訶薩及諸聲聞能讚歎佛法眾者。

辰二、結勸應修

如是！須菩提！菩薩摩訶薩應供養諸佛，種善根，親近善知識。」

¹⁸ 妬路=多羅【宋】【元】【明】【宮】(大正 08, 379d, n.13)。

¹⁹ 憂=優【宋】【元】【明】【宮】(大正 08, 379d, n.14)。

²⁰ (是)+善【宋】【元】【明】(大正 08, 379d, n.15)。

《摩訶般若波羅蜜經》卷 22 〈73 三善品〉¹冠科²

《摩訶般若波羅蜜經》卷 22 (大正 08, 379c21-380b19):

王二、明方便善成³

癸一、論具足善根義

子一、舉有破無以明行三多尚難得道況不行

須菩提白佛言：「世尊！菩薩摩訶薩若不供養諸佛、不具足善根、不得真知識，當得薩婆若不？」

佛告須菩提：「菩薩摩訶薩供養諸佛、種善根、得真知識，一切種智尚難得，何況不供養諸佛、不種善根、不得真知識！」

子二、明無方便有所得故難得道

須菩提白佛言：「世尊！菩薩摩訶薩供養諸佛、種善根、得真知識，何以故不能⁴得一切種智？」

佛告須菩提：「是菩薩摩訶薩遠離方便力，不從諸佛聞方便力，所種善根不具足，不常隨善知識教。」

癸二、正明方便善成

子一、問

「世尊！何等是方便力？菩薩摩訶薩行是方便力，得一切種智？」

子二、答

丑一、舉施度明

寅一、以有無為方便

卯一、因有不著無

佛言：「菩薩摩訶薩從初發意行檀那波羅蜜，應薩婆若念。布施佛、若辟支佛、若聲聞、若人、若非人，

¹ 三善品=種善根品【宋】【元】【明】【宮】【聖】(大正 08, 379d, n.17)。

² 妙境法師，《摩訶般若波羅蜜經》冠科(下冊)，pp.928-931。

³ 對照《大智度論》卷 85 〈73 種善根品〉(大正 25, 657b16- 658b21)。

⁴ 不能=難【宮】【聖】(大正 08, 379d, n.19)。

卯二、因無不著有

是時不生布施想、受者想。

卯三、如是觀入諸法實相

何以故？觀一切法自相空，無生、無定相、無所轉，入諸法實相，所謂一切法無作無起相。

卯四、增益善根嚴土熟生

菩薩以是方便力故，增益善根；增益善根故，行檀那波羅蜜，淨佛國土、成就眾生。

寅二、以大悲為本願不受世間果報

布施不受世間果報，但欲救度一切眾生故行檀那波羅蜜。

丑二、例餘度

寅一、戒度

復次，須菩提！菩薩摩訶薩從初發意行尸羅波羅蜜，應薩婆若念。

持戒時，不墮婬怒癡中，亦不墮諸煩惱纏縛及諸不善破道法——若慳貪、破戒、瞋恚、懈怠、亂意、愚癡、慢、大慢、慢慢、我慢、增上慢、不如慢、邪慢，若聲聞心，若辟支佛心。何以故？是菩薩摩訶薩觀一切法自相空，無生、無定相、無所轉，入諸法實相，所謂一切法無作無起相。

菩薩成就是方便力故，增益善根；增益善根故，行尸羅波羅蜜，淨佛國土、成就眾生。

持戒不受世間果報，但欲救度一切眾生故行尸羅波羅蜜。

寅二、忍度

復次，須菩提！菩薩摩訶薩從初發意行羼提波羅蜜，應薩婆若念。

方便力成就故，行見諦道、思惟道，亦不取須陀洹果、斯陀含、阿那含、阿羅漢果。何以故？是菩薩摩訶薩知諸法自相空，無生、無定相、無所轉，雖行是助道法，而過聲聞，辟支佛地。須菩提！是名菩薩無生法忍。

寅三、勤度

復次，須菩提！菩薩摩訶薩從初發意行毘梨耶波羅蜜，入初禪乃至入

第四禪，入四無量心、四無色定，雖出入諸禪而不受果報。何以故？是菩薩成就是方便力故，知諸禪定自相空，無生、無定相、無所轉，淨佛國土、成就眾生。

精進不受世間果報，但欲救度一切眾生故，行毘梨耶波羅蜜。

寅四、禪度

復次，須菩提！菩薩摩訶薩從初發意行禪那波羅蜜，應薩婆若念，入八背捨、九次第定。

亦不證須陀洹果，乃至不證阿羅漢果。何以故？是菩薩摩訶薩知諸法自相空，無生、無定相、無所轉。

寅五、慧度

復次，須菩提！菩薩摩訶薩從初發意行般若波羅蜜，學佛十力、四無所畏、四無礙智、十八不⁵共法、大慈大悲，乃至未得一切種智、未淨佛國土、未成就眾生，於其中間應如是學。何以故？是菩薩摩訶薩知諸法自相空，無生、無定相、無所轉。

須菩提！菩薩摩訶薩應如是行般若波羅蜜，不受果報。」

⁵ 不=下【聖】(大正 08，380d，n.1)。

《摩訶般若波羅蜜經》卷 22 〈74 遍學品〉冠科¹

《摩訶般若波羅蜜經》卷 22 (大正 08, 380b20-383c4) :

辛三、明學諸道²

壬一、歎方便具足不受世間果報

癸一、標歎

子一、須菩提歎

爾時，須菩提白佛言：「世尊！是菩薩摩訶薩大智慧成就，行是深法亦不受果報？」

子二、佛述歎

丑一、牒歎

佛告須菩提：「如是！如是！菩薩摩訶薩大智慧成就，行是深般若波羅蜜，亦不受果報。

丑二、示於諸法性中不動故成其歎

何以故？是菩薩摩訶薩，諸法性中不動故。」

癸二、釋歎

子一、須菩提問

「世尊！何等諸法性中不動？」

子二、佛答

丑一、明於無所有性及色等性中不動

佛言：「於無所有性中不動。

復次，須菩提！菩薩摩訶薩色性中不動，受、想、行、識性中不動；檀那波羅蜜性中不動，尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜性中不動；四禪性中不動，四無量³性中不動，四無色定性中不動；四念處性中不動，乃至八聖道分性中不動；空三昧、

¹ 妙境法師，《摩訶般若波羅蜜經》冠科(下冊)，pp.932-949。

² 對照《大智度論》卷 86 〈74 遍學品〉(大正 25, 658c2- 664b25)。

³ 量+(心)【宋】【元】【明】【宮】(大正 08, 380d, n.3)。

無相三昧⁴、無作三昧，乃至大慈大悲性中不動。

丑二、釋行正法性不受世間果

何以故？須菩提！是諸法性即是無所有。

壬二、明離諸戲論得出世果

癸一、明得佛果

子一、以四句戲論不能得道

丑一、不能以無所有法得所有法

須菩提！以無所有法不能得所有法。」

丑二、不能以所有法得所有法

須菩提言：「世尊！所有法能得所有法不？」

佛言：「不也。」

丑三、不能以所有法得無所有法

「世尊！所有法能得無所有法不？」

佛言：「不也。」

丑四、不能以無所有法得無所有法

「世尊！無所有法能得無所有法不？」

佛言：「不也！」

子二、若離四句戲論，即是道

「世尊！若無所有不能得所有，所有不能得所有，所有不能得無所有，無所有不能得無所有，將無世尊不得道耶？」

佛言：「有得，不以此四句，世尊！云何有得？」

佛言：「非所有、非無所有，無諸戲論，是名得道。」

癸二、明入菩薩位

子一、明戲論

丑一、須菩提問

須菩提白佛言：「世尊！何等是菩薩摩訶薩戲論？」

⁴〔三昧〕－【宋】【元】【明】【宮】（大正 08，380d，n.4）。

丑二、佛答

佛告須菩提：「菩薩摩訶薩觀色若常、若無常，是為戲論；
觀受、想、行、識若常、若無常，是為戲論；
觀色若苦、若樂，受、想、行、識若苦、若樂，是為戲論；
觀色若我、若非我，受、想、行、識若我、若非我；
色若寂滅、若不寂滅，受、想、行、識若寂滅、若不寂滅，是為戲論。
苦聖諦應見、集聖諦應斷、滅聖諦應證、道聖諦應修，是為戲論。
應修四禪、四無量心、四無色定，是為戲論；
應修四念處、四正勤、四如意足、五根、五力、七覺分、八聖道分，
是為戲論；
應修空解脫門、無相解脫門、無作解脫門，是為戲論；
應修八背捨、九次第定，是為戲論。
我當過須陀洹果、斯陀含果、阿那含果、阿羅漢果、辟支佛道，是為
戲論。

我當具足菩薩十地，是為戲論；我當入菩薩位，是為戲論。
我當淨佛國土，是為戲論；我當成就眾生，是為戲論。
我當生佛十力、四無所畏、四無礙智、十八不共法，是為戲論；
我當得一切種智，是為戲論；我當斷一切煩惱習，是為戲論。

子二、明離戲論

丑一、總標

須菩提！是菩薩摩訶薩行般若波羅蜜時，色若常、若無常不可戲論故
不戲論；受、想、行、識若常、若無常不可戲論故不戲論；乃至一切種
智不可戲論故不戲論。

丑二、明緣生假名無戲論

何以故？性不戲論性，無性不戲論無性；離性、無性，更無法可得，
所謂戲論者、戲論法、戲論處。以是故，須菩提！色無戲論，受想行識
乃至一切種智無戲論。

丑三、勸行

如是！須菩提！菩薩摩訶薩應行無戲論般若波羅蜜。」

⁵ (若)+菩【宋】【元】【明】【宮】(大正 08, 380d, n.5)。

丑四、明無性故不可戲論

須菩提白佛言：「世尊！云何色不可戲論，乃至一切種智不可戲論？」

佛告須菩提：「色性無，乃至一切種智性無。須菩提！若法性無，即是無戲論。

以是故，色不可戲論，乃至一切種智不可戲論。

子三、結入菩薩位

須菩提！若菩薩摩訶薩能如是行無戲論般若波羅蜜，是時得入菩薩位。」

壬三、正明學諸道

癸一、論法無戲論行何道入菩薩位

子一、須菩提問

須菩提白佛言：「世尊！若諸法無有性，菩薩行何等道入菩薩位？為用聲聞道？為用辟支佛道？為用佛道？」

子二、佛答

丑一、明理

佛告須菩提：「不以聲聞道、不以辟支佛道、不以佛道得入菩薩位，菩薩摩訶薩遍學諸道，得入菩薩位。

丑二、小乘見諦譬

須菩提！譬如八人先學諸道然後入正位，未得果而先生果道。

丑三、合法

菩薩亦如是，先遍學諸道然後入菩薩位，亦未得一切種智而先生金剛三昧。爾時，以一念相應慧得一切種智。」

癸二、釋徧學難

子一、須菩提難

丑一、領徧學

寅一、領諸道各異

須菩提白佛言：「世尊！若菩薩摩訶薩遍學諸道入菩薩位者，八人向

須陀洹、得⁶須陀洹，向斯陀含、得斯陀含，向阿那含、得阿那含，向阿羅漢、得阿羅漢，辟支佛道，佛道，是諸道各各異。

寅二、領佛徧學

世尊！若菩薩摩訶薩徧學諸道，然後入菩薩位者，

丑二、正難徧學

是菩薩若生八道，應作八人！生見道，應作須陀洹！生思惟道，應作斯陀含、作阿那含、作阿羅漢！若生辟支佛道，作辟支佛！

世尊！若菩薩摩訶薩作八人，然後入菩薩位，無有是處！

不入菩薩位，得一切種智，亦無是處！

作須陀洹乃至作辟支佛，然後入菩薩位，亦無是處！

不入菩薩位，得一切種智，亦無是處！

丑三、結所不解

世尊！我云何當知菩薩摩訶薩徧學諸道得入菩薩位？」

子二、佛答

丑一、印其難

佛告須菩提：「如是！如是！若菩薩摩訶薩作八人，得須陀洹果乃至得阿羅漢果、得辟支佛道，然後入菩薩位，無有是處！不入菩薩位，當得一切種智，無有是處！

丑二、釋其難

寅一、以實諦無生滅智觀過八地

須菩提！若菩薩摩訶薩從初發意行六波羅蜜時，以智觀過八地。何等八地？乾慧地、性地、八人地、見地、薄地、離欲地、已辦地、辟支佛地。

寅二、以道種智入位

直過⁷，以道種智入菩薩位。

寅三、以一切種智斷一切煩惱習

入菩薩位已，以一切種智斷一切煩惱習。

⁶〔向須陀洹得〕－【聖】(大正 08, 381d, n.1)。

⁷〔直過〕－【元】【明】【聖】(大正 08, 381d, n.2)。

丑三、明二乘智斷是菩薩忍

須菩提！是八人若智若斷，是菩薩無生法忍；須陀洹若智若斷、斯陀含若智若斷、阿那含若智若斷、阿羅漢若智若斷、辟支佛若智若斷皆是菩薩無生忍⁸。

菩薩學如是聲聞、辟支佛道，以道種智入菩薩位；入菩薩位已，以一切種智斷一切煩惱習，得佛道。

丑四、結勸學

如是！須菩提！菩薩摩訶薩遍學諸道具足，應得阿耨多羅三藐三菩提；得阿耨多羅三藐三菩提已，以果⁹饒益眾生。」

壬四、舉道種智勸修

癸一、正舉勸修

子一、須菩提問

須菩提白佛言：「世尊！世尊所說道——聲聞道、辟支佛道、佛道，何等是菩薩道種智？」

子二、佛答

丑一、正明

寅一、自得道種淨智

佛告須菩提：「菩薩摩訶薩應生一切道種淨智。

須菩提！何等是道種淨智？若諸法相貌所可顯示法，菩薩應正知；

寅二、復為眾生說

卯一、總明解一切聲語說法而不著

正知己，為他¹⁰演說、開示，令諸眾生得解。是菩薩摩訶薩應解一切音聲語言，以是音聲說法，遍滿三千大千世界¹¹，如響相。

卯二、別明善觀根緣隨緣施教

辰一、遮惡道

⁸ 無生忍=無生法忍【宋】【元】【明】，=忍【聖】(大正 08，381d，n.3)。

⁹ 果=是【明】(大正 08，381d，n.4)。

¹⁰ 他+(人)【聖】(大正 08，381d，n.5)。

¹¹ 世界=國土【聖】(大正 08，381d，n.6)。

以¹²是故，須菩提！菩薩摩訶薩應先具足學一切道，道智具足已，應分別知眾生深心。所謂地獄眾生、地獄道、地獄因、地獄果，應知、應障；畜生餓鬼道、畜生餓鬼因，畜生餓鬼果，應知、應障；諸龍、鬼神、犍¹³闍婆、緊陀¹⁴羅、摩睺羅伽、阿修羅道，因、果，應知、應障。

辰二、開善道

人道因果應知，諸天道因果應知——四天王天、三十三天、夜摩天、兜率陀天、化樂天、他化自在天，梵天、光音天、遍淨天、廣果天、無想天、阿婆羅呵天、無熱天、易見天、熹見天、阿迦尼吒天道，因果應知；無邊虛空處、無邊識處、無所有處、非有想非無想處道，因、果，應知。

辰三、示助道法

四念處、四正勤、四如意足、五根、五力、七覺分、八聖道分，因果應知；空解脫門、無相解脫門、無作解脫門；佛十力、四無所畏、四無礙智、十八不共法、大慈大悲，因、果，應知。

辰四、令人聖位

菩薩以是道，令眾生入須陀洹道，乃至阿羅漢、辟支佛道，乃至阿耨多羅三藐三菩提道。

丑二、結名

須菩提！是名菩薩摩訶薩淨道種智。

菩薩學是道種智已，入眾生深心相；入已，隨眾生心，如應說法，所言不虛。

何以故？是菩薩摩訶薩善知眾生根相，知一切眾生心、心數法生死所趣。

丑三、勸行道慧般若

須菩提！菩薩摩訶薩如是應行般若波羅蜜。

¹² 以=似【明】(大正 08, 381d, n.7)。

¹³ 犍=乾【宋】【元】【明】(大正 08, 381d, n.8)。

¹⁴ 陀=那【宋】【元】【明】【宮】(大正 08, 381d, n.9)。

何以故？一切諸助善¹⁵道法皆入般若波羅蜜中，諸菩薩摩訶薩、聲聞、辟支佛所應行。」

癸二、明諸法性空不妨修道

子一、明不妨修道

丑一、須菩提問

須菩提白佛言：「世尊！若四念處，乃至阿耨多羅三藐三菩提——是一切法皆不合不散、無色、無形、無對，一相，所謂無相。世尊！云何是助道法能取阿耨多羅三藐三菩提？世尊！是不合不散、無色、無形、無對，一相，所謂無相法，無所取、無所捨，譬如虛空無取無捨。」

丑二、佛答

寅一、印其問

佛言：「如是！如是！須菩提！諸法自相空，無所取、無所捨。」

寅二、欲令眾生悟空

卯一、分別道品令得菩提

須菩提！有眾生不知諸法自相空，為是眾生故，顯示助道法令¹⁶至阿耨多羅三藐三菩提。

卯二、示一切法亦畢竟空

復次，須菩提！所有色、受、想、行、識，所有檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，所有內空、外空乃至無法有法空，初禪乃至非有想非無想處，四念處乃至八聖道分，三解脫門，八背捨、九次第定，佛十力、四無所畏、四無礙智、十八不共法、大慈大悲、一切種智等諸法，於是聖法中皆不合不散、無色、無形、無對，一相，所謂無相。

寅三、以世諦為眾生說

以世俗法故，為眾生說令解，非以第一義。

子二、勸如道而學

丑一、勸學聖法

¹⁵ 助善 = 善法助【宋】【元】【明】【宮】 = 善助【聖】(大正 08, 382d, n.1)。

¹⁶ 令 = 能【聖】(大正 08, 382d, n.2)。

寅一、總標

須菩提！於是一切法中，菩薩摩訶薩以智、見如法應學；學已，分別諸法應用不應用。」

寅二、料簡

卯一、須菩提問

須菩提言：「世尊！何等法菩薩分別已，應用、不應用？」

卯二、佛答

辰一、二乘法知而不應用

佛言：「聲聞、辟支佛法，分別知，不應用；

辰二、一切種智知而應用

一切種智，分別知，應用。

辰三、勸學

如是，須菩提！菩薩摩訶薩於是聖法中應學般若波羅蜜。」

丑二、釋聖法義

寅一、須菩提問

須菩提白佛言：「世尊！何以故說名聖法¹⁷？何等是聖法？」

寅二、佛答

卯一、於一切法不合不散是為聖法

佛告須菩提：「諸聲聞、辟支佛法¹⁸，諸菩薩摩訶薩及諸佛，於欲、瞋、癡不合不散；身見、戒取、疑不合不散；欲染、瞋恚不合不散；色染、無色染、悼¹⁹、慢、無明不合不散；初禪乃至第四禪不合不散，慈悲喜捨、虛空處乃至非有想非無想處不合不散；四念處乃至八聖道分不合不散；內空乃至大悲、有為性、無為性不合不散。

卯二、以無相故說名聖法

何以故？是一切法皆無色、無形、無對，一相，所謂無相。

¹⁷ 法=云【宮】(大正 08, 382d, n.3)。

¹⁸ [法]—【宋】【元】【明】【宮】(大正 08, 382d, n.4)。

¹⁹ 悼=掉【宋】【元】【明】，=調【聖】(大正 08, 382d, n.5)。

無色法與無色法不合不散，無形法與無形法不合不散，無礙²⁰法與無礙法不合不散，一相法與一相法不合不散，無相法與無相法不合不散。

須菩提！是無色、無形、無礙，一相，所謂無相般若波羅蜜，諸菩薩摩訶薩應學；學已，不得諸法相。」

子三、勸修無相

丑一、明不以有相修般若

寅一、須菩提舉諸相問

須菩提白佛言：「世尊！菩薩摩訶薩不學色相耶？不學受、想、行、識相耶？不學眼相乃至意²¹相，不學色相乃至法相，不學地種相乃至識種相，不學檀那波羅蜜相、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜相，不學內空²²乃至無法有法空；不學初禪相乃至第四禪相，不學慈相乃至捨相，不學無邊空相乃至非有想非無想相，不學四念處相乃至八聖道分相，不學空三昧相、無相、無作三昧相，不學八背捨、九次第定相，不學佛十力相、四無所畏相、四無礙²³智相、十八不共法相、大慈²⁴大悲相，不學苦聖諦相、集、滅、道聖諦相，不學逆順十二因緣相，不學有為性相、無為性相耶？

世尊！若不學諸法相，菩薩摩訶薩云何學諸法相若有為、若無為，學已，過聲聞、辟支佛地？若不過聲聞、辟支佛地，云何入菩薩位？若不入菩薩位，云何當得一切種智？若不得一切種智，云何當轉法輪？若不轉法輪，云何以三乘度眾生生死？」

寅二、佛答

卯一、例應學

佛告須菩提：「若諸法實有相，菩薩應學是相。」

卯二、以菩薩正觀破一切有所得相

辰一、明一切法無相

²⁰ 無礙=無對【宋】【元】【明】【宮】【聖】(大正 08, 382d, n.6)。

²¹ 意=竟【宮】(大正 08, 382d, n.7)。

²² 空+(相)【宋】【元】【明】【宮】(大正 08, 382d, n.8)。

²³ 無礙=無對【聖】(大正 08, 382d, n.9)。

²⁴ [大慈]-【聖】(大正 08, 382d, n.10)。

須菩提！以一切法實無相，無色、無形、無礙²⁵，一相，所謂無相。

辰二、示不學相無相

以是故，須菩提！菩薩摩訶薩不學相、不學無相。
何以故？有佛、無佛，諸法一相，性常住。」

丑二、正明以無相修般若

寅一、論一切法非相無相云何修

卯一、須菩提問

須菩提白佛言：「世尊！若一切法非有相、非無相，菩薩摩訶薩云何修般若波羅蜜？若不修般若波羅蜜，不能過聲聞、辟支佛地；若不過聲聞、辟支佛地，不能入菩薩位；若不入菩薩位、不得無生法忍；若不得無生法忍，不能得諸菩薩神通；若不得菩薩神通，不能淨佛國土、成就眾生；若不淨佛國土、成就眾生，不能得一切種智；若不得一切種智，不能轉法輪；若不轉法輪，不能令眾生得須陀洹果、斯陀含、阿那含、阿羅漢果、辟支佛道，不能令得阿耨多羅三藐三菩提，亦不能令眾生得布施福，亦不能令得持戒、修定福。」

卯二、佛答

辰一、可其言

佛告須菩提：「如是！如是！

辰二、標修無相

諸法無相，非一相，非異相；若修無相，是修般若波羅蜜。」

寅二、論修無相

卯一、須菩提問

須菩提言：「世尊！云何修無相是修般若波羅蜜？」

卯二、佛答

佛言：「修諸法壞，是修般若波羅蜜。」

寅三、論修諸法壞

卯一、須菩提問

²⁵ 無礙＝無對【宋】【元】【明】【宮】【聖】(大正 08，382d，n.11)。

「世尊！云何修諸法壞，是修般若波羅蜜？」

卯二、佛答

辰一、修陰入界壞

佛言：「修色壞，是修般若波羅蜜；修受、想、行、識壞，是修般若波羅蜜；修眼壞、耳、鼻、舌、身、意法壞，是修般若波羅蜜；修色法壞、聲、香、味、觸、法壞，是修般若波羅蜜。

辰二、乃至修斷一切煩惱習壞

修不淨觀壞，是修般若波羅蜜。修初禪壞，第二、第三、第四禪壞，是修般若波羅蜜。修慈、悲、喜、捨壞，是修般若波羅蜜。修無邊空²⁶處、無邊識處、無所有處、非有想非無想處壞，是修般若波羅蜜。

修念佛、念法、念僧、念戒、念捨、念天、念滅、念阿那般那²⁷壞，是修般若波羅蜜。修無常相、苦相、無我相、空相，集相、因相、生相、緣相，閉相、滅相、妙相、出相，道相、正相、跡相、離相壞，是修般若波羅蜜。

修十二因緣壞，修我相、眾生、壽命相壞²⁸，乃至修知者、見者相壞，是修般若波羅蜜。

修常相、樂相、淨相、我相壞，是修般若波羅蜜。

修四念處乃至修八聖道分壞，是修般若波羅蜜。

修空三昧、無相三昧、無作三昧壞，是修般若波羅蜜。

修八背捨、九次第定壞，是修般若波羅蜜。

修有覺有觀三昧、無覺有觀三昧、無覺無觀三昧壞，是修般若波羅蜜。

修苦聖諦、集聖諦、滅聖諦、道聖諦壞，是修般若波羅蜜。

修苦智、集智、滅智、道智壞，是修般若波羅蜜。修盡智、無生智壞，是修般若波羅蜜。修法智、比智、世智、他心智壞，是修般若波羅蜜。

修檀那波羅蜜壞，是修般若波羅蜜；修尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜壞，是修般若波羅蜜。

修內空、外空、內外空、空空、大空、第一義空、有為空、無為空、

²⁶ (虛)+空【聖】(大正 08, 383d, n.1)。

²⁷ 阿那般那=安那波那【聖】(大正 08, 383d, n.2)。

²⁸ [壞]—【宋】【元】【明】【宮】(大正 08, 383d, n.3)。

畢竟空、無始空、散空、性空、諸法空、自相空、不可得空、無法空、有法空、無法有法空壞，是修般若波羅蜜。

修佛十力、四無所畏、四無礙智、十八不共法壞，是修般若波羅蜜。修須陀洹果、斯陀含果、阿那含果、阿羅漢果、辟支佛道壞，是修般若波羅蜜。修一切智壞，是修般若波羅蜜。修斷一切煩惱習壞，是修般若波羅蜜。」

寅四、論修諸法壞是修般若

卯一、須菩提問

須菩提白佛言：「世尊！云何名修色壞乃至修斷一切煩惱習壞，是修般若波羅蜜？」

卯二、佛答不念一切有法是修般若

佛告須菩提：「菩薩摩訶薩行般若波羅蜜時，不念有色法，是修般若波羅蜜；不念有受、想、行、識，乃至不念有斷一切煩惱習法，是為²⁹修般若波羅蜜。

子四、廣出取相之失成無相之得

丑一、明著有相者不得道果

何以故？有法念者，不修般若波羅蜜。

須菩提！有法念者，不修檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜。

何以故？須菩提！是人著法，不行檀那波羅蜜乃至般若波羅蜜。

如是著者，無有解脫、無有道、無有涅槃。

有法念者，不修四念處、四正勤、四如意足、五根、五力、七覺分、八聖道分，不修空三昧，乃至不修一切種智。

何以故？是人著法故。」

丑二、料簡有法無法

寅一、標徵

須菩提白佛言：「世尊！何等是有法？何等是無法？」

²⁹ [為] — 【宋】【元】【明】【宮】(大正 08, 383d, n.4)。

佛告須菩提：「二³⁰是有法，不二是無法。」

寅二、別明有法失

卯一、須菩提問

「世尊！何等是二？」

卯二、佛答

辰一、取相為二

佛言：「色相是二，受、想、行、識相是二，眼相乃至意相是二，色相乃至法相是二，檀那波羅蜜乃至佛相、阿耨多羅三藐三菩提相，有為無為性相是二。」

辰二、二是有法

須菩提！一切相皆是二，一切二皆是有法；

辰三、有法流轉生死

適有有法便有生死，適有生死不得離生、老、病、死、憂悲苦惱。

辰四、二相則無三乘道果

以是因緣故，須菩提！當知二相者，無有檀那波羅蜜乃至般若波羅蜜，無有道、無有果；乃至無有順忍，何況見色相，乃至見一切種智相！若無修道，云何得須陀洹果，乃至阿羅漢果、辟支佛道、阿耨多羅三藐三菩提，及斷一切煩惱習。」

³⁰ 二+(者)【宮】(大正 08，383d，n.5)。

《摩訶般若波羅蜜經》卷 23 〈75 三次¹品〉冠科²

《摩訶般若波羅蜜經》卷 23 (大正 08, 383c9-386b9) :

辛四、明次第漸增入菩薩位³

壬一、明大乘順忍之相顯無生忍

癸一、正顯大乘順忍

子一、論無法相者得

丑一、須菩提問

爾時，須菩提白佛言：「世尊！若有法相者，尚不得順忍，何況得道！

世尊！若無法相者，當得順忍不？

若乾慧地、若性地、若八人地、若見地、若薄地、若離欲地、若已辦地、若辟支佛地、若菩薩地、若佛地，若修道，因是修道，當斷煩惱不？以是煩惱故，不得過聲聞、辟支佛地，入菩薩位；若不入菩薩位，則不得一切種智；不得一切種智，則不能得斷一切煩惱習。

世尊！若無有法相，是諸法則不生；若不生是諸法，則不能得一切種智。」

丑二、佛印可

佛告須菩提：「如是！如是！若無有法者，則有順忍乃至斷一切煩惱習。」

子二、論菩薩行般若有無法相

丑一、須菩提問

須菩提白佛言：「世尊！菩薩摩訶薩行般若波羅蜜時，有法相不？所謂色相乃至識相，眼相乃至意相，色相乃至法相，眼界相乃至意識界相，四念處相乃至一切種智相；若色相、若⁴色斷相，乃至識相、識斷相；十二入、十八界亦如是；若無明相、若無明斷相，乃至憂悲愁惱相、憂悲愁惱斷相；若欲相、若欲斷相，若瞋相、若瞋斷相，若癡相、若癡斷

¹ 次+(第行)【宋】【元】【明】【宮】【聖】(大正 08, 383d, n.9)。

² 妙境法師，《摩訶般若波羅蜜經》冠科(下冊)，pp.950-964。

³ 對照《大智度論》卷 86 〈75 次第學品〉(大正 25, 664b27- 666a22)。

⁴ [若] - 【宋】【元】【明】【宮】(大正 08, 383d, n.11)。

相；若苦相、若苦斷相，若集相、若集斷相，若盡⁵相、若盡斷相，若道相、若道斷相，乃至一切種智相，斷一切煩惱習相。」

丑二、佛答

寅一、明不見有無

佛言：「不也！須菩提！菩薩摩訶薩行般若波羅蜜時，無有法相、非法相，即是菩薩順忍。若無有法相，無有非法相，即是修道，亦是道果。」

寅二、明道果是無生忍

須菩提！菩薩摩訶薩，有法是菩薩道，無法是菩薩果。以是因緣故，當知一切法無所有性。」

癸二、如來引己所證顯修行之方

子一、論佛於無所有性得成佛於法得自在

丑一、須菩提問

須菩提白佛言：「世尊！若一切法無所有性，佛云何知一切法無所有性故得成佛、於一切法得自在力？」

丑二、佛答

寅一、可一切法無所有性

佛告須菩提：「如是！如是！一切法無所有性。」

寅二、以無所有智合行一切法能斷一切著得菩提

我本行菩薩道⁶，修六波羅蜜，離諸欲，離惡不善法，有覺有觀，離生喜樂入初禪，乃至入第四禪；於是諸禪及支⁷不取相，不念有是禪，不受禪味，不得是禪，無染清淨行四禪，我於是諸禪不受果報。

依四禪住，起五神通——身通、天耳、知他人⁸心、宿命通、天眼通；於諸神通不⁹取相，不念有是神通，不受神通味，不得是神通，我於是五神通不分別行。

須菩提！我爾時用一念相應慧得阿耨多羅三藐三菩提，所謂是苦聖諦，

⁵ 盡=滅【宋】【元】【明】【宮】(大正 08, 384d, n.1)。

⁶ 道+(時)【宋】【元】【明】【宮】(大正 08, 384d, n.2)。

⁷ 支=枝【宋】【元】【明】【宮】【聖】(大正 08, 384d, n.3)。

⁸ [人]—【宋】【元】【明】【宮】(大正 08, 384d, n.4)。

⁹ [不]—【宮】〔不取〕—【聖】(大正 08, 384d, n.5)。

是集、是滅、是道聖諦，成就十力、四無所畏、四無礙智、十八不共法、大慈大悲，得作佛，分別三聚眾生：正定、邪定、不定。¹⁰」

子二、論於無所有中起禪定神通等

丑一、須菩提問

須菩提白佛言：「云何世尊於諸法無所有性中起四禪、六¹¹神通，亦無眾生而分別作三聚？」

丑二、佛答

寅一、觀五欲等空入禪不著禪起諸神通

佛告須菩提：「若諸欲、惡不善法若¹²有性——若自性、若他性，我本為菩薩行時，不能觀諸欲、惡不善法無所有性入初禪；以諸欲、惡不善法無有性——若自性、若他性，皆是無所有性故，我本行菩薩道時，離諸欲、惡不善法入初禪，乃至入第四禪。

寅二、觀神通無所有性得無上菩提

須菩提！若諸神通有性——若自性、若他性，我不能知是神通無所有性，得阿耨多羅三藐三菩提。須菩提！以神通無有¹³性——若自性、若他性，皆是¹⁴無所有性，以是故，諸佛於神通知無所有性，得阿耨多羅三藐三菩提。」

壬二、為始行菩薩開行次第¹⁵

癸一、須菩提問

須菩提言：「世尊！若菩薩摩訶薩知諸法無所有性，因四禪、五神通，得阿耨多羅三藐三菩提。世尊！新學菩薩摩訶薩，云何於諸法無所有性中次第行、次第學、次第道，以是次第行、次第學、次第道，得阿耨多

¹⁰ 以上梵. *ity ukto mūrdhābhisamayāḥ, Abhisamayālamkāraṇusāreṇa Mūrdhābhisamayādhikāra śikṣā pariśuddhi parivartaḥ pañcamāḥ.* (大正 08, 384d, n.6)。以下至第七六一念品中。梵. *Anupūrvābhisamayādhikāro anukrama śikṣā parivartaḥ ṣaṣṭaḥ.* (大正 08, 384d, n.7)。

¹¹ 六=五【明】(大正 08, 384d, n.8)。

¹² 若=當【聖】(大正 08, 384d, n.9)。

¹³ (所)+有【宋】【元】【明】【宮】(大正 08, 384d, n.10)。

¹⁴ [皆是]—【聖】(大正 08, 384d, n.11)。

¹⁵ 對照《大智度論》卷 87〈75 次第學品〉(大正 25, 666b7-670b23)。

羅三藐三菩提？」

癸二、佛答

子一、約發心明

丑一、正明

寅一、但從聖人邊聞無所著法

佛告須菩提：「菩薩摩訶薩若初從諸佛聞，若從多供養諸佛菩薩聞，若諸阿羅漢、若諸阿那含、若諸斯陀含、若諸須陀洹所聞：『得無所有故是佛，得無所有故是阿¹⁶羅漢、阿那含、斯陀含、須陀洹，一切賢聖皆以¹⁷得無所有故有名。一切有為作法，無所有性，乃至無有如毫末許所有。』

寅二、思籌諸法雖畢竟空為度眾生決定發無上菩提心

是菩薩摩訶薩聞是已，作是念：『若一切法無有性¹⁸，得無所有性故是佛，乃至得無所有性故是須陀洹；我若當得阿耨多羅三藐三菩提、若不得，一切法常無有性，我何以不發心得阿耨多羅三藐三菩提？得阿耨多羅三藐三菩提已，一切眾生行於有相，當令¹⁹住無所有中。』

丑二、結

須菩提！菩薩摩訶薩如是思惟已，發阿耨多羅三藐三菩提心，為度一切眾生故，菩薩摩訶薩所行次第行、次第學、次第道者，如過去諸菩薩摩訶薩所行道，得阿耨多羅三藐三菩提。」

子二、約六度明

丑一、總明

是新發意菩薩應學六波羅蜜，所謂檀那²⁰波羅蜜、尸羅波羅蜜、羼提波羅蜜、毘梨耶波羅蜜、禪那²¹波羅蜜、般若波羅蜜。

丑二、別明

¹⁶ 阿=故【聖】(大正 08, 384d, n.12)。

¹⁷ [以]—【聖】(大正 08, 384d, n.13)。

¹⁸ [性]—【聖】(大正 08, 384d, n.14)。

¹⁹ 令+(得)【宋】【元】【明】【宮】(大正 08, 384d, n.15)。

²⁰ 檀那=檀【聖】下同(大正 08, 384d, n.16)。

²¹ 禪那=禪【聖】下同(大正 08, 384d, n.17)。

寅一、布施

卯一、正明

辰一、行四行因

是菩薩摩訶薩若行檀那波羅蜜時，自行布施，亦教人布施，讚歎布施功德，歡喜讚歎行布施者：

辰二、得財物果

以是²²布施因緣故，得大財富。

辰三、離慳心隨眾生意施

是菩薩遠離慳心，布施眾生食飲²³、衣服、香華、瓔珞、房舍、臥具、燈燭，種種資生所須，盡給與之。

辰四、得尊貴果

菩薩摩訶薩行是布施及持戒，生天、人中，得大尊貴。

辰五、漸成五眾德

以是持戒、布施故，得禪定眾；以是布施、持戒、禪定故，得智慧眾、解脫眾、解脫知見眾。

辰六、以五眾德入菩薩位

是菩薩因是布施、持戒、禪定眾、智慧眾、解脫眾、解脫知見眾故，過聲聞、辟支佛地，入菩薩位：

辰七、二行滿成佛轉法輪

入菩薩位已，得淨佛國土²⁴、成就眾生²⁵，得一切種智；得一切種智已，轉法輪；

辰八、以三乘法度眾生

轉法輪已，以三乘法度脫眾生生死。

卯二、結性空故三次不可得

²² [是] — 【聖】(大正 08, 384d, n.18)。

²³ 食飲=飲食【宋】【元】【明】【宮】(大正 08, 384d, n.19)。

²⁴ 土+(淨佛國土已成就眾生)【宋】【元】【明】【宮】(大正 08, 384d, n.20)。

²⁵ 生+(已)【宋】【元】【明】【宮】(大正 08, 384d, n.21)。

如是！須菩提！菩薩²⁶以是布施次第行、次第學、次第道——是事²⁷皆不可得。何以故？自性無所有故。

寅二、持戒

卯一、正明

辰一、行四行因

復次，須菩提！菩薩摩訶薩從初發意以來²⁸，自行持戒，教人持戒，讚歎持戒功德，歡喜讚歎行持戒者。

辰二、得尊貴果

持戒及布施²⁹因緣故，生天、人中，得大尊貴。

辰三、攝五眾德應機施教

見貧窮者施以財物，不持戒者教令持戒，亂意者教令禪定，愚癡者教令智慧，無解脫者教令解脫，無解脫知見者教令解脫知見。

辰四、以五眾德入菩薩位

以是持戒、禪定、智慧、解脫、解脫知見故，過聲聞³⁰、辟支佛地，入菩薩位；

辰五、二行滿成佛轉法輪

入菩薩位已，得淨佛國土；淨佛國土已，成就眾生；成就眾生已，得一切種智；得一切種智已，轉法輪；

辰六、以三乘法度眾生

轉法輪已，以三乘法度脫眾生。

卯二、結性空故三次不可得

如是！須菩提！菩薩以是持戒次第行、次第學、次第道——是事³¹皆不可得。何以故？一切法自性無所有故。

²⁶ 薩+ (摩訶薩) 【聖】 (大正 08, 384d, n.22)。

²⁷ [事] — 【宋】【元】【明】【宮】【聖】 (大正 08, 384d, n.23)。

²⁸ 以來=已來【元】【明】，以來=已來【聖】，[以來] — 【聖】 (大正 08, 384d, n.24)。

²⁹ [及布施] — 【宋】【元】【明】【宮】【聖】 (大正 08, 384d, n.25)。

³⁰ 聲聞=阿羅漢【聖】 (大正 08, 384d, n.26)。

³¹ [事] — 【聖】 (大正 08, 385d, n.1)。

寅三、忍辱

卯一、正明

辰一、行四行因

復次，須菩提！菩薩摩訶薩從初已來³²，自行羸提波羅蜜，教人行羸提，讚歎羸提功德，歡喜讚歎行羸提者。

辰二、攝五眾德應機施教

行羸提波羅蜜時，布施眾生各令滿足，教令持戒、教令禪定乃至解脫知見。

辰三、以五眾德入菩薩位

以是布施、持戒、禪定、智慧因緣故，過阿羅漢³³、辟支佛地，入菩薩位中；

辰四、二行滿成佛轉法輪

入菩薩位中已，得淨佛國土；得淨佛國土已，成就眾生；成就眾生已，得一切種智；得一切種智已，轉法輪；

辰五、以三乘法度眾生

轉法輪已，以三乘法度脫眾生生死³⁴。

卯二、結性空故三次不可得

如是！須菩提！菩薩以羸提波羅蜜次第行、次第學、次第道——是事皆不可得。何以故？一切法自性無所有故。

寅四、精進

卯一、行四行因

復次，須菩提！菩薩摩訶薩從初已來，自行毘梨耶³⁵，教人行毘梨耶，讚歎行毘梨耶功德，歡喜讚歎行毘梨耶者；

卯二、例結

³² 以來＝已來【元】【明】【宮】【聖】下同（大正 08，385d，n.2）。

³³ 阿羅漢＝聲聞【宋】【元】【明】【宮】（大正 08，385d，n.3）。

³⁴ [生死]－【聖】（大正 08，385d，n.4）。

³⁵ 耶＋（波羅蜜）【宋】【元】【明】【宮】【聖】（大正 08，385d，n.5）。

乃至是事皆³⁶不可得，自性無所有故。

寅五、禪定

卯一、正明

辰一、行四行因

復次，須菩提！菩薩摩訶薩從初已來³⁷，自入禪、入無量心、入無色定，亦教人入禪、入無量心、入無色定，讚歎入禪、入無量心、入無色定功德，歡喜讚歎行禪、無量心、無色定者。

辰二、攝五眾德應機施教

是菩薩住諸禪定、無量心，布施眾生，各令滿足；教令持戒，教令禪定、智慧。

辰三、以五眾德入菩薩位

以是布施、禪定、智慧、解脫、解脫知見因緣故，過聲聞³⁸、辟支佛地，入菩薩位；

辰四、二行滿成佛轉法輪

入菩薩位已，淨佛國土；淨佛國土已，成就眾生；成就眾生已，得一切種智；得一切種智，已轉法輪；

辰五、以三乘法度眾生

轉法輪已，以三乘法度脫一切眾生。

卯二、例結

乃至是事皆³⁹不可得，自性無所有故。

寅六、般若

卯一、正明

辰一、攝五眾德應機施教

復次，須菩提！菩薩摩訶薩從初以來，行般若波羅蜜，布施眾生各令滿足，教令持戒、禪定、智慧、解脫、解脫知見。

³⁶ [皆] — 【聖】(大正 08, 385d, n.6)。

³⁷ 已來=以來【宋】下同(大正 08, 385d, n.7)。

³⁸ 聲聞=阿羅漢【聖】(大正 08, 385d, n.8)。

³⁹ [皆] — 【聖】(大正 08, 385d, n.9)。

辰二、四行六度

是菩薩行般若波羅蜜時，自行六波羅蜜，亦教他人令行六波羅蜜，讚歎六波羅蜜功德，歡喜讚歎行六波羅蜜者。

辰三、以六度方便力入菩薩位

是菩薩以是檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜因緣及方便力，過聲聞、辟支佛地，入菩薩位；

卯二、例結

乃至是事不可得，自性無所有故。

丑三、結

須菩提！是名初發意菩薩摩訶薩次第行、次第學、次第道。

子三、約六念明

丑一、總明

復次，須菩提！菩薩摩訶薩次第行、次第學、次第道，菩薩摩訶薩從初已來，以一切種智相應心，信解諸法無所有性，修六念，所謂念佛、念法、念僧、念戒、念捨、念天。

丑二、別明無念為念

寅一、念佛

卯一、正明

辰一、不念五陰

巳一、徵

須菩提！云何菩薩摩訶薩修念佛？

巳二、標

菩薩摩訶薩念佛，不以色念，不以受、想、行、識念。

巳三、釋

午一、所緣無

何以故？是色自性無，受、想、行、識自性無。若法自性無，是為無所有。

午二、分別無

何以故？無憶故，

巳四、結

是為念佛。

辰二、不念相好

巳一、標

復次，須菩提！菩薩摩訶薩念佛，不以三十二相念，亦不念金色身、不念丈光、不念八十隨形好。

巳二、釋

午一、所緣無

何以故？是佛身自性無故。若法無性，是為無所有。

午二、分別無

何以故？無憶故，

巳三、結

是為念佛。

辰三、不念五眾德

巳一、標

復次，須菩提！不應以戒眾⁴⁰念佛，不應以定眾、智慧眾、解脫眾、解脫知見眾念佛。

巳二、釋

午一、所緣無

何以故？是眾無有自性。若法無自性，是為無所有。

午二、分別無

何以故？無憶故⁴¹，

巳三、結

是為念佛。

辰四、不念佛功德

巳一、標

⁴⁰ 眾 = 品【宋】【宮】(大正 08, 385d, n.10)。

⁴¹ 無所有何以故無憶故 = 非法無所念【聖】(大正 08, 385d, n.11)。

復次，須菩提！不應以十力念佛，不應以四無所畏、四無礙智、十八不共法念佛，不應以大慈大悲念佛。

巳二、釋

午一、所緣無

何以故？是諸法自性無。若法自性無，是為非法。

午二、分別無

無所念⁴²，

巳三、結

是為念佛。

辰五、不念十二因緣法

巳一、標

復次，須菩提！不應以十二因緣法⁴³念佛。

巳二、釋

午一、所緣無

何以故？是因緣法自性無。若法自性無，是為非法。

午二、分別無

無所念，

巳三、結

是為念佛。」

卯二、結勸

如是！須菩提！菩薩摩訶薩行般若波羅蜜時，應念佛——是為菩薩初發意次第行、次第學、次第道。

是菩薩摩訶薩次第行、次第學、次第道中住，能具足四念處、四正勤、四如意足、五根、五力、七覺分、八聖道分，修行空三昧、無相、無作三昧，乃至一切種智。諸法性無所有故。

是菩薩知諸法性無所有，是中無有性、無無性。

⁴² 非法無所念＝無所有何以故無憶故【宋】【元】【明】【宮】。(大正 08, 385d, n.12)。

⁴³ 法＝故【宮】(大正 08, 385d, n.13)。

寅二、念法

卯一、正明

辰一、徵

須菩提！云何菩薩摩訶薩應修念法？

辰二、標

須菩提！菩薩摩訶薩行般若波羅蜜時，不念善法、不念不善法，不念⁴⁴有⁴⁵記法、不念無記法，不念世間法、不念出世間法，不念淨法、不念不淨法，不念聖法、不念凡夫法，不念有漏法、不念無漏法，不念欲界繫法、色界繫法、無色界繫法，不念有為法、無為法。

辰三、釋

巳一、所緣無

何以故？是諸法自性無，若法自性無，是為非法。

巳二、分別無

無所念，

辰四、結

是為念法。

卯二、結勸

念法中學無所有性故，乃至當得一切種智。

是菩薩得阿耨多羅三藐三菩提時，得諸法無所有性；是無所有性中非有相、非無相。

如是！須菩提！菩薩摩訶薩應修念法，於是法中，乃至無少許念，何況念法！

寅三、念僧

卯一、徵

須菩提！菩薩摩訶薩云何應修念僧？

卯二、釋

辰一、所緣無

⁴⁴ [不念有記法] — 【聖】(大正 08, 385d, n.14)。

⁴⁵ [有] — 【宋】【元】【明】【宮】(大正 08, 385d, n.15)。

須菩提！菩薩摩訶薩念僧無為法故，分別有佛弟子眾，

辰二、分別無

是中乃至無少許念，

卯三、結勸

何況念僧！如是，菩薩摩訶薩應念僧。

寅四、念戒

卯一、徵

須菩提！菩薩摩訶薩云何應修念戒？

卯二、標

須菩提！菩⁴⁶薩摩訶薩從初發意已來，應念聖戒——無缺戒、無隙戒、無瑕戒、無濁戒、無著戒、自在戒、智者所讚戒、具足戒、隨定戒。

卯三、釋

辰一、所緣無

應念是戒無所有性，

辰二、分別無

乃至無少許念，

卯四、結

何況念戒！

寅五、念捨

卯一、標

須菩提！菩薩摩訶薩從初發意已來，應念捨⁴⁷——若自念捨、若念他捨、若捨財、若捨法、若捨煩惱；

卯二、釋

辰一、所緣無

觀是捨不可得故，

辰二、分別無

⁴⁶ (若)+菩【宮】(大正 08，386d，n.1)。

⁴⁷ [捨]—【宋】【宮】(大正 08，386d，n.2)。

乃至無少許念，

卯三、結勸

何況念捨！如是！須菩提！菩薩摩訶薩應念捨。

寅六、念天

卯一、徵

須菩提！云何菩薩摩訶薩應念天？

卯二、標

須菩提！菩薩⁴⁸作是念：『四天王諸天所有信、戒、施、聞、慧，此間命終，生彼天處，我亦有是信、戒、施、聞、慧；乃至他化自在天所有信、戒、施、聞、慧，此間命終，生彼天處，我亦有是信、戒、施、聞、慧。』

卯三、釋

辰一、所緣無

如是！須菩提！菩薩摩訶薩應念是天無所有性中，

辰二、分別無

尚無少許念，

卯四、結

何況念天！

丑三、總結

須菩提！菩薩摩訶薩行是六念，是名次第行、次第學、次第道。」

壬三、須菩提為來世著空者問佛欲使教通無礙

癸一、須菩提問

爾時，須菩提白佛言：「世尊！若一切法無所有性，所謂念色乃至識、眼乃至意、色乃至法⁴⁹；眼界乃至意識界，是無所有性；檀那波羅蜜乃至般若波羅蜜，內空乃至無法有法空，四念處乃至八聖道分，佛十力乃至一切種智，是無所有性。世尊！若一切法無所有性者，是則無道、無

⁴⁸ 薩+ (摩訶薩) 【宋】【元】【明】【宮】 (大正 08, 386d, n.3)。

⁴⁹ 法+ (是無所有性) 【宋】【元】【明】【宮】【聖】 (大正 08, 386d, n.4)。

智、無果。」

癸二、佛反質

佛告須菩提：「汝見是色性實有不？乃至一切種智性⁵⁰實有不？」

須菩提言：「不見也！世尊！」

佛告須菩提：「汝若不見諸法實有，云何作是問？」

癸三、明問意

子一、自無所疑

須菩提言：「世尊！我於是法不敢有疑，

子二、愍來世著空者失故問

但為當來世諸比丘求聲聞、辟支佛道、菩薩道者。是人當如是言：『若一切法無所有性，誰垢誰淨？誰縛誰解？』是不知不解故，而破於戒、破正見、破威儀、破淨命；是人破此事故，當墮三惡道。世尊！我畏當來世有如是事，以是故問佛。

子三、重陳不壞信

世尊！我於是法中信，不疑不悔。⁵¹」

⁵⁰ [性] — 【聖】(大正 08, 386d, n.5)。

⁵¹ 梵無區分。(大正 08, 386d, n.6)。

《摩訶般若波羅蜜經》卷 23 〈76 一念¹品〉冠科²

《摩訶般若波羅蜜經》卷 23 (大正 08, 386b9-389c28) :

庚二、明行純熟故一念眾德斯備³

辛一、依法說明一念具足萬行歎其功能

壬一、明無所有中起行

癸一、明發菩提心

子一、須菩提問

須菩提白佛言：「世尊！若一切法性無所有，菩薩見何等利益故，為眾生發阿耨多羅三藐三菩提？」

子二、佛答

丑一、法性無所有為眾生故發菩提心

佛告須菩提：「以一切法性無所有故，菩薩以是故⁴為眾生求阿耨多羅三藐三菩提。

丑二、明著有者無有道果

何以故？須菩提！諸有得、有著者，難可解脫。

須菩提！諸得相者，無有道、無有果、無阿耨多羅三藐三菩提。⁵」

癸二、明修行得果

子一、略標無得道果

丑一、須菩提問

須菩提白佛言：「世尊！無得相者，有道、有果、有阿耨多羅三藐三菩提不？」

丑二、佛答

寅一、無所得即道果菩提

¹ 一念=無漏六度【宮】，=一心具萬行【聖】(大正 08, 386d, n.7)。

² 妙境法師，《摩訶般若波羅蜜經》冠科(下冊)，pp.965-984。

³ 對照《大智度論》卷 87 〈76 一心具萬行品〉(大正 25, 670b25-675a13)。

⁴ [以是故] - 【聖】(大正 08, 386d, n.9)。

⁵ 無+(有)【宋】【元】【明】【宮】(大正 08, 386d, n.10)。

「須菩提！無所得即是道、即是果、即是阿耨多羅三藐三菩提，法性不壞故。

寅二、著無所得則壞法性

若無所得法欲得道、欲得果、欲得阿耨多羅三藐三菩提，為欲壞法性。」

子二、別論修行得果

丑一、論無所有即是道果云何有十地等菩薩法

寅一、須菩提問

須菩提白佛言：「世尊！若無所得法即是道、即是果、即是阿耨多羅三藐三菩提，云何有菩薩初地乃至十地？云何有無生法忍⁶？云何有報得神通？云何有報得布施、持戒、忍辱、精進、禪定⁷、智慧？住是果報法中能成就眾生、能淨佛國土及供養諸佛衣服、飲食、香華、瓔珞、房舍、臥具、燈燭，種種資生所須⁸之具，乃至得阿耨多羅三藐三菩提，不斷是福德？乃至般涅槃後舍利及弟子得供養，爾乃滅盡？」

寅二、佛答無得故有菩薩等法

佛告須菩提：「以諸法無所得相故，得菩薩初地乃至十地，有報得神通⁹、布施、持戒、忍辱、精進、禪定、智慧、成就眾生、淨佛國土，亦以善根因緣故，能利益眾生，乃至般涅槃後舍利及弟子得供養。」

丑二、論若無所得布施乃至諸神通有何差別

寅一、須菩提問

須菩提白佛言：「世尊！若諸法無所得相，布施、持戒、忍辱、精進、禪定、智慧、諸神通，有何差別？」

寅二、佛答

卯一、萬行不二無差別

佛告須菩提：「無所得法，布施、持戒、忍辱、精進、禪定、智慧、神通無有差別。

⁶ 法忍=忍法【宋】【元】【明】【宮】(大正 08, 386d, n.11)。

⁷ 禪定=神通【聖】(大正 08, 386d, n.12)。

⁸ [所須]—【聖】(大正 08, 386d, n.13)。

⁹ (五)+神【宋】【元】【明】【宮】【聖】(大正 08, 386d, n.14)。

卯二、眾生著故有差別

以眾生著布施乃至神通故分別說。」

丑三、論云何能得無差別行

寅一、須菩提問

「世尊！云何無所得法布施乃至神通無有¹⁰差別？」

寅二、佛答行時不見三事

「須菩提！菩薩摩訶薩行般若波羅蜜時，不得布施，施¹¹者、受者皆不可得而行布施，不得戒而持戒，不得忍而行忍¹²，不得精進而行精進，不得禪而行禪¹³，不得智慧而行智慧；不得神通而行神通；不得四念處而行四念處，乃至不得八聖道分而行八聖道分；不得空三昧、無相、無作三昧而行空、無相、無作三昧；不得眾生而成就眾生，不得淨¹⁴佛國土而淨佛國土；不得諸佛法而得阿耨多羅三藐三菩提。

子三、顯益勸修

如是¹⁵，須菩提！菩薩摩訶薩應如是行¹⁶無所得般若波羅蜜！菩薩摩訶薩行是無所得般若波羅蜜時，魔、若魔天不能破壞¹⁷。」

壬二、明一念中具萬行

癸一、論云何能具

子一、須菩提問

須菩提白佛言：「世尊！云何菩薩摩訶薩行般若波羅蜜時，一念中具足¹⁸六波羅蜜、四禪、四無量心、四無色定、四念處、四正勤、四如意

¹⁰ [有] - 【聖】(大正 08, 386d, n.15)。

¹¹ [施] - 【宋】【元】【明】(大正 08, 386d, n.16)。

¹² 忍+(辱)【宋】【元】【明】(大正 08, 386d, n.17)。

¹³ 禪+(定)【聖】(大正 08, 386d, n.18)。

¹⁴ [淨] - 【宮】(大正 08, 386d, n.19)。

¹⁵ [如是] - 【聖】(大正 08, 386d, n.20)。

¹⁶ 如是行=行是【宋】【元】【明】(大正 08, 386d, n.21)。

¹⁷ 以上梵. Anupūrvābhisamayādhikāro anukrama śikṣā parivartaḥ ṣaṣṭaḥ. (大正 08, 386d, n.22)。以下至第七十六喻品終。梵. Ekakṣaṇābhisamayādhikāraḥ śikṣāparisamāpti parivataḥ saptamaḥ.(大正 08, 386d, n.23)。

¹⁸ 足+(行)【宋】【元】【明】【宮】(大正 08, 386d, n.24)。

足、五根、五力、七覺分、八聖道分、三解脫門、佛十力、四無所畏、四無礙智、十八不共法、大慈大悲、三十二相、八十隨形好？」

子二、佛答不離般若行

佛告須菩提：「菩薩摩訶薩所有布施，不遠離般若波羅蜜；所修持戒、忍辱、精進、禪定，不遠離般若波羅蜜；四禪、四無量心、四無色定，修四念處乃至八十隨形好，不遠離般若波羅蜜。」

癸二、論云何不離

子一、須菩提問

須菩提白佛言：「世尊！云何菩薩摩訶薩不遠離般若波羅蜜¹⁹，一念中具足行六波羅蜜乃至八十隨形好？」

子二、佛答以不二相行

佛言：「菩薩行般若波羅蜜時，所有布施不遠離般若波羅蜜以²⁰不二相，持戒時亦不二相，修忍辱、勤精進、入禪定亦不二相，乃至八十隨形好亦不二相。」

癸三、論云何不二

子一、須菩提問

須菩提白佛言：「世尊！云何菩薩摩訶薩布施時不二相，乃至修八十隨形好不二相？」

子二、佛答稱其先願攝諸度

「須菩提！菩薩摩訶薩行般若波羅蜜時，欲具足檀那波羅蜜，檀那波羅蜜中攝諸波羅蜜及四念處乃至八十隨形好。」

癸四、論云何攝義

子一、須菩提問

「世尊！云何菩薩布施時攝諸無漏法？」

子二、佛答以無相無漏心行

佛告須菩提：「若菩薩摩訶薩行般若波羅蜜時，住無漏心布施，於無

¹⁹ 蜜+(故)【宋】【元】【明】【宮】(大正 08, 387d, n.1)。

²⁰ [以]—【聖】(大正 08, 387d, n.2)。

漏心中不見相——所謂誰施？誰受？所施何物²¹？

以是無相心、無漏心，斷愛、斷慳貪心而行布施，是時不見布施，乃至不見阿耨多羅三藐三菩提法。

是菩薩無²²相心、無漏心持戒，不見是戒，乃至不見一切佛法。

無相心、無漏心忍辱，不見是忍辱²³，乃至不見一切佛法。

以²⁴無相心、無漏心精進，不見是精進，乃至不見一切佛法。

以無相心、無漏心入禪定，不見是禪定，乃至不見一切佛法。

以無相心、無漏心修智慧，不見是智慧，乃至不見一切佛法。

以無相心、無漏心修四念處，不見是四念處乃至八²⁵十隨形好。」

壬三、明行三空具萬行

癸一、須菩提問

「世尊！若諸法無相、無作，云何具足檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜？云何具足四念處、四正勤、四如意足、五根、五力、七覺分、八聖道分？云何具足空三昧、無相三²⁶昧、無作三昧、佛十力、四無所畏、四無礙智、十八不共法、大慈大悲？云何具足三十二相、八十隨形好？」

癸二、佛約六度答

子一、約布施

丑一、標

佛告須菩提：「菩薩摩訶薩行般若波羅蜜，以無相心、無漏心布施，須食與食，乃至種種所須，盡給與之；若內若外——若支解其身、若國城、妻子，布施眾生。

丑二、釋

寅一、自體具足

若有人來語菩薩言：『何用是布施為？是無所益！』

²¹ [何物] - 【聖】(大正 08, 387d, n.3)。

²² (以)+無【宋】【元】【明】【宮】(大正 08, 387d, n.4)。

²³ [辱] - 【聖】(大正 08, 387d, n.5)。

²⁴ [以] - 【聖】(大正 08, 387d, n.6)。

²⁵ (不見)+八【宋】【元】【明】(大正 08, 387d, n.7)。

²⁶ [三] - 【宋】【元】【明】【宮】【聖】(大正 08, 387d, n.8)。

行般若波羅蜜菩薩作是念：『是人雖來呵我布施，我終不悔！我當勤行布施，不應不與。』施已，與一切眾生共之，迴向阿耨多羅三藐三菩提，亦不見是相——誰施？誰受？所施何物？迴向者誰？何等是迴向法？何等是迴向處——所謂阿耨多羅三藐三菩提？是相皆不可見。何以故？一切法以內空故空，外空故空，內外空故空，空空、有為空、無為空、畢竟空、無始空、散空、性空、一切法空、自相空故空。

如是觀，作是念：『迴向者誰？迴向何處？用何法迴向？』是名正迴向。

寅二、攝諸功德

爾時，菩薩能成就眾生、淨佛國土，能具足檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，乃至三十七助道法，空、無相、無作三昧乃至十八不共法。

是菩薩如是具足檀那波羅蜜而不受世間果報。

譬如他化自在諸天，隨意所須，即皆得之；菩薩亦如是，心生所願，隨意即得。

是菩薩摩訶薩以是布施果報故，能供養諸佛，

寅三、兼濟眾生

亦能滿足一切眾生、天及人²⁷、阿修羅。是菩薩以檀那波羅蜜攝取眾生，用方便力，以三乘法度脫眾生生死。²⁸

丑三、結

如是，須菩提！菩薩摩訶薩於無相、無得、無作諸法中具足檀那波羅蜜。

子二、約持戒

丑一、徵

須菩提！菩薩摩訶薩云何於無相、無得、無作法中具足尸羅波羅蜜？

丑二、標

須菩提！是菩薩摩訶薩行尸羅波羅蜜時，持種種戒，所謂聖無漏入八

²⁷ 及人=人及【宋】【元】【明】【宮】(大正 08, 387d, n.9)。

²⁸ [生死] - 【聖】(大正 08, 387d, n.10)。

聖道分戒、自然戒、報得戒、受得戒、心生戒，如是等不缺、不破、不雜、不濁、不著、自在戒、智所讚戒。

丑三、釋

寅一、自體具足

用是戒，無所取——若色、若受、想、行、識；若三十二相、八十隨形好；若刹利大姓、若²⁹婆羅門大姓、居士大家；若四天王天、三十三天、夜摩天、兜率陀天、化樂天、他化自在天，梵眾天、光音天、遍淨天、廣果天、無想天³⁰、無煩天、無熱天、妙見天、喜見天、阿迦膩³¹吒天，虛空處天、識處天、無所有處天、非有想非無想處天；若須陀洹果、若斯陀含果、若阿那含果、若阿羅漢果、若辟支佛道；若轉輪聖王、若天王。但為一切眾生共之，迴向阿耨多羅三藐三菩提，以無相、無得、無二迴向，為世俗法故，非第一實義。

寅二、攝諸功德

是菩薩具足尸羅波羅蜜，以方便力起四禪，不味著故，得五神通。

寅三、兼濟眾生

因四禪得天眼；是菩薩住二種天眼：修得、報得。

得³²天眼已，見東方現在諸佛，乃至得阿耨多羅三藐三菩提，如所見事不失；南、西、北方、四維、上下現在諸佛，乃至得阿耨多羅三藐三菩提，如所見不失。

是菩薩用天耳淨過於人耳，聞十方諸佛說法，如所聞不失，能自饒益，亦益他人。

是菩薩以³³知他心智，知十方諸佛心及知一切眾生心；亦能饒益一切眾生。

是菩薩用宿命智，知過去諸業因³⁴緣，是業因緣不失故，是眾生在在

²⁹ [若] — 【宋】【元】【明】【宮】(大正 08, 387d, n.11)。

³⁰ 無想天無煩天=無煩天少廣天【宋】【元】【明】，=無想天無廣天【宮】【聖】(大正 08, 387d, n.12)。

³¹ 膩=尼【宋】【元】【明】【聖】(大正 08, 387d, n.13)。

³² [得] — 【聖】(大正 08, 387d, n.14)。

³³ 以知=知【宋】【元】【明】，=以【宮】(大正 08, 388d, n.1)。

³⁴ [因] — 【聖】(大正 08, 388d, n.2)。

處處所生悉知。

是菩薩用是漏盡智，令眾生得須陀洹果，乃至阿羅漢果、辟支佛道，在在處處皆³⁵令眾生入善法中。

丑四、結

如是，須菩提！菩薩摩訶薩於諸法無相、無得、無作中³⁶，具足尸羅波羅蜜。」

子三、約忍辱

丑一、徵

「世尊！云何諸法無相、無作、無得，菩薩摩訶薩能具足羸提波羅蜜？」

丑二、標

「須菩提！菩薩摩訶薩從初發意以³⁷來乃至坐道場，於其中間，若一切眾生來，以瓦、石、刀杖加是菩薩，菩薩是時不起瞋心，乃至不生一念。

爾時，菩薩應修二種忍：一者、一切眾生惡口罵詈，若加刀杖瓦石，瞋心不起；二者、一切法無生。

丑三、釋

寅一、自體具足

無生法忍菩薩，若人來惡口罵詈或以瓦石刀杖加之，爾時，菩薩應如是思惟：『罵我者誰？譏訶者誰？誰打擲者？誰有受者？』即³⁸時菩薩應思惟諸法實性，所謂畢竟空，無法、無眾生；諸法尚不可得，何況有眾生！如是觀諸法相時，不見罵者、不見割截者。是菩薩如是觀諸法相時，即得無生法忍。

云何名無生法忍？知諸法相常不生，諸煩惱從本以來³⁹亦常不生。

寅二、攝諸功德

是菩薩摩訶薩住是二忍⁴⁰，能具足四禪、四無量心、四無色定、四念

³⁵ 皆=能【宋】【元】【明】(大正 08, 388d, n.3)。

³⁶ [中]—【宮】【聖】(大正 08, 388d, n.4)。

³⁷ 以=已【明】【聖】(大正 08, 388d, n.5)。

³⁸ 即=是【宋】【元】【明】【宮】(大正 08, 388d, n.6)。

³⁹ 以來=已來【元】【明】【聖】下同(大正 08, 388d, n.7)。

處乃至八聖道分、三解脫門、佛十力、四無所畏、四無礙智、十八不共法、大慈大悲。

是菩薩住是聖無漏出世間法，不共一切聲聞、辟支佛，具足聖神通。

寅三、兼濟眾生

住聖神通已，以天眼見東方諸佛，是人得念佛三昧，乃至阿耨多羅三藐三菩提，終不斷絕；南西北方、四維、上下亦復⁴¹如是。

是菩薩用天耳，聞十方諸佛所說法，如所聞為眾生說。

是菩薩亦知十方諸佛心，及知一切眾生念，知已，隨其心而說法。

是菩薩以宿命智，知一切眾生宿世善根，為眾生說法，令其歡喜。

是菩薩以漏盡神通，教化眾生，令得三乘。

寅四、行化願成得果

是菩薩摩訶薩行般若波羅蜜，以方便力成就眾生，具足一切種智，得阿耨多羅三藐三菩提，轉法輪。

丑四、結

如是！須菩提！菩薩摩訶薩無相、無得、無作法中，具足羸提波羅蜜。」

子四、約精進

丑一、徵

須菩提言：「世尊！菩薩摩訶薩云何於諸法無相、無作、無得法中⁴²能具足毘梨耶波羅蜜？」

丑二、標

佛告須菩提：「菩薩摩訶薩行般若波羅蜜時，成就身精進、心精進，入初禪乃至入第四禪，受種種神通力，能分一身為多身，乃至手捫摸日月。

丑三、釋

寅一、自體具足

卯一、身精進

⁴⁰ 忍=思【宮】(大正 08, 388d, n.8)。

⁴¹ [復]—【聖】(大正 08, 388d, n.9)。

⁴² [法中]—【聖】(大正 08, 388d, n.10)。

成就身精進故，飛至⁴³東方，過無量百千萬諸佛世界，供養諸佛飲食、衣服、醫藥、臥具、華香、瓔珞種種所須，乃至阿耨多羅三藐三菩提，福德果報終不減盡。

是菩薩得阿耨多羅三藐三菩提時，一切世間天及人勤設供養衣服、飲食，乃至入無餘涅槃後舍利及弟子得供養。

亦以是神通力故，至諸佛所，聽受法教，乃至阿耨多羅三藐三菩提，終不違失。

是菩薩修一切種智時，淨佛國土、成就眾生。

如是，須菩提！菩薩摩訶薩行般若波羅蜜，成就身精進，能具足毘梨耶波羅蜜。」

卯二、心精進

須菩提！云何菩薩成就心精進，能具足毘梨耶波羅蜜？

須菩提！菩薩摩訶薩心精進，以是心精進聖無漏入八聖道分⁴⁴，不令身、口不善業得入。

亦不取諸法相若常、若無常，若苦、若樂，若我、若無我，若有為、若無為，若欲界、若色界、若無色界，若有漏性、若無漏性，若初禪乃至第四禪，若慈、悲、喜、捨，若無邊虛空處乃至非有想非無想處，若四念處、四正勤、四如意足、五根、五力、七覺分、八聖道分，若空、無相、無作，若佛十力乃至十八不共法。

不取相若常、若無常，若苦、若樂，若我、若無我，若須陀洹果、若斯陀含果、若阿那含果、若阿羅漢果、若辟支佛道、若菩薩道⁴⁵、若阿耨多羅三藐三菩提，若是須陀洹、斯陀含、阿那含、阿羅漢，若是辟支佛，是菩薩，是佛。

不取相是眾生斷三結故得須陀洹，是眾生三毒薄故得斯陀含，是眾生斷下⁴⁶分結故得阿那含，是眾生斷上分結故得阿羅漢，是眾生以辟支佛道故作⁴⁷辟支佛，是眾生行道種智故名菩薩——亦不取是諸法相。

⁴³ 至=到【宋】【元】【明】【宮】【聖】(大正 08, 388d, n.11)。

⁴⁴ 分+(精進)【宋】【元】【明】【宮】【聖】(大正 08, 388d, n.12)。

⁴⁵ [道]—【宮】(大正 08, 388d, n.13)。

⁴⁶ [分]—【聖】(大正 08, 388d, n.14)。

⁴⁷ 作=得【明】(大正 08, 388d, n.15)。

何以故？不可以性取相，是性無故。

是菩薩以是心精進故，廣利益眾生，亦不得⁴⁸眾生，是為菩薩具足毘梨耶波羅蜜。具足諸佛法、淨佛國土、成就眾生，不可得故。

寅二、攝諸功德

是菩薩身精進、心精進成就故，攝取一切諸善法；

寅三、兼濟眾生

是法亦不著故。

從一佛國至一佛國，為利益眾生，所作神通，隨意無礙，若雨諸華、若散諸香⁴⁹、若作伎樂、若動大地、若放光明、若示七寶莊嚴國土⁵⁰、若現種種身、若放大智光明，令知聖道，令遠離殺生乃至邪見；或以布施利益眾生，或以持戒，或以⁵¹支解身體，或以妻子，或以國土⁵²，或以己身給施，隨所方便，利益眾生。

丑四、結

如是！須菩提！菩薩摩訶薩行般若波羅蜜，無相、無作、無得諸法中，用身心精進，能具足毘梨耶波羅蜜。」

子五、約禪定

丑一、徵

「世尊！云何菩薩摩訶薩行般若波羅蜜，住無相、無作、無得法中，能具足禪那波羅蜜？」

丑二、標

「須菩提！菩薩摩訶薩，除佛諸禪定，餘一切諸禪三昧皆能具足。是菩薩離諸欲、諸惡不善法，離生喜樂，有覺有觀入初禪，乃至入第四禪。以是慈、悲、喜、捨心，遍滿一方乃至十方，一切世間遍滿。是菩薩過一切色相，滅有對相，不念別異相故，入無邊空⁵³處；乃至入非

⁴⁸ 得+(是)【宋】【元】【明】【宮】(大正 08, 388d, n.16)。

⁴⁹ (名)+香【聖】(大正 08, 388d, n.17)。

⁵⁰ 國土=世界【宋】【元】【明】【宮】(大正 08, 389d, n.1)。

⁵¹ [以]-【宋】【元】【明】【宮】【聖】(大正 08, 389d, n.2)。

⁵² 土=城【宋】【元】【明】【宮】(大正 08, 389d, n.3)。

⁵³ (虛)+空【宋】【元】【明】【宮】(大正 08, 389d, n.4)。

有想非無想處。

是菩薩於禪那波羅蜜中住，逆順入八背捨、九次第定，入空三昧、無相、無作三昧，或時入無相三昧，或時入如電光三昧，或時入聖正三昧，或時入如金剛三昧。

丑三、釋

寅一、攝諸功德

是菩薩住禪那波羅蜜中，修三十七助道法，用道種智入一切禪定，過乾慧地、性地、八人地、見地、薄地、離欲地、已辦地、辟支佛地，入菩薩位；入菩薩位已，具足佛地。是諸地中行，乃至阿耨多羅三藐三菩提，不中道取道果。

是菩薩住是禪那波羅蜜中，從一佛國至一佛國，供養諸佛，從諸佛所殖⁵⁴諸善根，淨佛國土。

寅二、兼濟眾生

從一國⁵⁵至一國，利益眾生。以⁵⁶布施攝取眾生，或以持戒、或以三昧、或以智慧、或以解脫、或以解脫知見攝取眾生；教眾生令得須陀洹果、斯陀含果、阿那含果、阿羅漢果、辟支佛道。諸有善法能令眾生得道，皆教令得。

寅三、自體具足

是菩薩住此禪那波羅蜜中，能生一切陀羅尼門，得四無礙智、報⁵⁷得諸神通。

是菩薩終不入母人胞胎，終不受五欲，無生不生；雖生，不⁵⁸為生法所污。何以故？是菩薩見一切作法如幻，而利益眾生，亦不得眾生及一切法，教眾生令得無所得處——是世俗法故，非第一實義。

住是禪那波羅蜜，一切行⁵⁹禪定、解脫、三昧，乃至阿耨多羅三藐三菩提，終不離禪那波羅蜜。

⁵⁴ 殖=植【宋】【元】【明】【宮】(大正 08, 389d, n.5)。

⁵⁵ 國=土【宋】【元】【明】【宮】(大正 08, 389d, n.6)。

⁵⁶ (或)+以【宋】【元】【明】【宮】(大正 08, 389d, n.7)。

⁵⁷ (得)+報【宋】【元】【明】【宮】(大正 08, 389d, n.8)。

⁵⁸ (亦)+不【宋】【元】【明】【宮】(大正 08, 389d, n.9)。

⁵⁹ 一切行=行一切【宋】【元】【明】【宮】(大正 08, 389d, n.10)。

寅四、行化願成得果

是菩薩行如是道種智時，得一切種智，斷一切煩惱習；斷已，自益其身，亦益他人；自益益他已，為一切世間天及人⁶⁰、阿修羅作福田。

丑四、結

如是，須菩提！菩薩摩訶薩行般若波羅蜜時，能具足無相禪那波羅蜜。」

子六、約般若

丑一、徵

「世尊！云何菩薩摩訶薩行般若波羅蜜時，住無相、無作⁶¹、無得法中，修具足般若波羅蜜？」

丑二、標

「須菩提！菩薩摩訶薩行般若波羅蜜時，於諸法不見定實相。

丑三、釋

寅一、自體具足

是菩薩見色不定、非實相，乃至見識不定、非實相。不見色生乃至不見識生；若不見色生乃至不見識生，一切法若有漏、若無漏，不見來處，不見去處，亦不見集處。如是觀時，不得色性乃至識性，亦不得有漏、無漏法性。

是菩薩行般若波羅蜜時，信解一切諸法無所有性⁶²；

寅二、攝諸功德

如是信解已，行內空乃至無法有法空，於諸法無所著，若色，若受想行識，乃至阿耨三藐三菩提。

是菩薩行無所有般若波羅蜜，能⁶³具足菩薩道——所謂六波羅蜜，乃至三十七助道法，佛十力、四無所畏、四無礙智、十八不共法、三十二相、八十隨形好。

寅三、兼濟眾生

⁶⁰ [人] — 【聖】(大正 08, 389d, n.11)。

⁶¹ 作=得【宋】(大正 08, 389d, n.12)。

⁶² 性=相【宋】【元】【明】【宮】(大正 08, 389d, n.13)。

⁶³ [能] — 【聖】(大正 08, 389d, n.14)。

是菩薩住空淨佛道中，所謂六波羅蜜、三十七助道法、報得神通，以是法饒益眾生——宜以布⁶⁴施攝，教令布施；宜以持⁶⁵戒攝，教令持戒；宜以禪定、智慧、解脫、解脫知見攝，教令⁶⁶修禪定、智慧、解脫、解脫知見；宜以諸道法教者，教令得須陀洹果、得⁶⁷斯陀含果、阿那含果、阿羅漢果、辟支佛道；宜以佛道化者，教令得菩薩道，具足佛道——如是等，隨其所應道地而教化之，各令得所。

是菩薩現種種神通力時，過無量恒⁶⁸河沙等⁶⁹國土，度脫眾生生死⁷⁰，隨其所須，皆供⁷¹給之，各各⁷²滿足。

寅四、行化願成得果

從一國土至一國土，見淨妙國土，以自莊嚴己佛國土。譬如他化自在天中資生所須，隨意自至；亦如諸淨佛國，離於求欲。

是人以是報得檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，報得五神通，行菩薩道、道⁷³種智，成就一切功德，當得阿耨多羅三藐三菩提。

是菩薩爾時不受色法⁷⁴乃至識，不受一切法若善若不善、若世間若出世間、若有漏若無漏、若有為若無為，如是一切法皆不受。

是菩薩得阿耨多羅三藐三菩提時，國土一切所有資生之物皆無有主。何以故？是菩薩行一切法不受，以不可得故。

丑四、結

如是！須菩提！菩薩摩訶薩無相法中，能具足般若波羅蜜。」⁷⁵

⁶⁴ [布] — 【宋】【元】【明】【宮】(大正 08, 389d, n.15)。

⁶⁵ [持] — 【宋】【元】【明】【宮】【聖】(大正 08, 389d, n.16)。

⁶⁶ [令] — 【聖】(大正 08, 389d, n.17)。

⁶⁷ [得] — 【宋】【元】【明】【宮】(大正 08, 389d, n.18)。

⁶⁸ (如)+恒 【宋】【元】【明】【宮】(大正 08, 389d, n.19)。

⁶⁹ [等] — 【宋】【元】【明】【宮】(大正 08, 389d, n.20)。

⁷⁰ [生死] — 【聖】(大正 08, 389d, n.21)。

⁷¹ 供=化 【聖】(大正 08, 389d, n.22)。

⁷² 各=令 【宋】【元】【明】【宮】【聖】(大正 08, 389d, n.23)。

⁷³ [道] — 【聖】(大正 08, 389d, n.24)。

⁷⁴ (行)+法 【聖】(大正 08, 389d, n.25)。

⁷⁵ 卷第二十五終 【宋】【元】【明】【宮】，卷第三十四終 【聖】，以上梵. iti Vipāka

《摩訶般若波羅蜜經》卷 23¹〈77 六喻品²〉冠科³

《摩訶般若波羅蜜經》卷 23（大正 08，389c29-392b5）：

辛二、就譬說明無作而積應眾德顯無所失⁴

壬一、須菩提作四事問

須菩提白佛言：「世尊！云何無相、不可分別、自相空諸法中，具足修六波羅蜜，所謂檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜？世尊！云何無異法中而分別說異相？云⁵何般若波羅蜜攝檀、尸、羼⁶、精進、禪？云何行異相法，以一相道得果？」

壬二、佛答四事

癸一、舉喻釋空有無礙總答

子一、住如夢幻等五陰行六度

佛告須菩提：「菩薩摩訶薩住五陰，如夢、如響、如影、如焰、如幻、如化，住是中，行布施、持戒、修忍辱、勤精進、入禪定、修智慧。

子二、六度四事如夢幻等無相

知是五陰實如夢、如響、如影、如焰、如幻、如化——五陰如夢無相，乃至如化無相。何以故？夢無自性，響、影、焰、幻、化皆無自性。若法無自性，是法無相；若法無相，是法一相，所謂無相。

癸二、約六度四事無相別答

子一、約布施答

丑一、釋

寅一、自體具足

¹ 卷第二十六首【宋】【元】【明】【宮】（大正 08，389d，n.27）。

² [丹夢...品] — 【宋】【元】【明】【宮】【聖】（大正 08，389d，n.28）。

³ 妙境法師，《摩訶般若波羅蜜經》冠科(下冊)，pp.985-998。

⁴ 對照《大智度論》卷 88〈77 六喻品〉（大正 25，675a22-677c25）。

⁵ (世尊)+云【宋】【元】【明】【宮】（大正 08，390d，n.1）。

⁶ 羼+(提)【宋】【元】【明】【宮】（大正 08，390d，n.2）。

以是因緣故，須菩提！當知菩薩布施無相、施者無相、受者無相。

寅二、攝諸功德

能如是知布施，是能具足檀那波羅蜜乃至能具足般若波羅蜜，能具足四念處乃至八聖道分，能具足內空乃至無法有法空，能具足空三昧、無相、無作三昧，能具足八背捨、九次第定、五神通、五百陀羅尼門，能具足佛十力、四無所畏、四無礙智、十八不共法。

是菩薩住是報得無漏法中，飛到東方無量國土，供養諸佛衣服、飲食，乃至隨其所須而供養之。

寅三、兼濟眾生

亦利益眾生——應以布施攝者，而布施攝之；應以持戒攝者，教令持戒；應以忍辱、精進、禪定、智慧攝者，教令忍辱、精進、禪定、智慧而攝取之；乃至應以種種善法攝者，以種種善法而攝取之。

是菩薩成就是一切善法，受世間身，不為世間生死所污；為眾生故，於天上⁷、人中受尊貴富樂，以是尊貴富樂攝取眾生。」

寅四、行化願成得果

是菩薩以⁸知一切法無相故，知須陀洹果亦不於中住，知斯陀含果、阿那含果、阿羅漢果亦不於中住，知辟支佛道亦不於中住。

何以故？是菩薩用一切種智知一切法已，應當得一切種智，不與聲聞、辟支佛共。

丑二、結無相

如是！須菩提！菩薩摩訶薩知一切法無相已，知六波羅蜜無相，乃至知一切佛法無相。

子二、約持戒答

丑一、標

復次，須菩提！是⁹菩薩摩訶薩住五陰如夢、如響、如影、如焰、

⁷〔上〕－【聖】(大正 08，390d，n.3)。

⁸〔以〕－【宋】【元】【明】【宮】(大正 08，390d，n.4)。

⁹〔是〕－【元】【明】【聖】(大正 08，390d，n.5)。

如幻、如化，能具足無相尸羅波羅蜜。具足¹⁰戒不缺、不破，不雜、不著，聖人所讚無漏戒，入八聖道分；住是戒中，持一切戒，所謂名字戒、自然戒、律儀戒，作戒、無作戒、威儀戒、非威儀戒。

丑二、釋

寅一、自體具足

是菩薩摩訶薩¹¹成就諸戒，不作是願：『我以此戒因緣故，生剎利大姓、婆羅門大姓、居士大家、若小王家、若轉輪聖王家，若四天王天¹²處¹³生，若三十三天、夜摩天、兜率陀天、化樂天、他化自在天。』

不作是願：『我持戒因緣故，當得須陀洹果、斯陀含果、阿那含果、阿羅漢果、辟支佛道。』

何以故？一切法無¹⁴相，所謂一¹⁵相。無相法¹⁶不能得無相法，有相¹⁷法不能得有相法；無相法不能得有相法，有相法不能得無相法。

寅二、攝諸功德

如是！須菩提！菩¹⁸薩摩訶薩行般若波羅蜜時，能具足無相尸羅波羅蜜而入¹⁹菩薩位；入菩薩位已，得無生法忍；行道種智，得報得五神通；住五百陀羅尼門，得四無闕²⁰智。從一佛國至一佛國，供養諸佛，

寅三、兼濟眾生

卯一、法

¹⁰ 具足=是【宋】【元】【明】(大正 08, 390d, n.6)。

¹¹ [摩訶薩]—【聖】(大正 08, 390d, n.7)。

¹² [天]—【聖】(大正 08, 390d, n.8)。

¹³ [生]—【宋】【元】【明】【宮】(大正 08, 390d, n.9)。

¹⁴ 無=一【聖】(大正 08, 390d, n.10)。

¹⁵ 一=無【聖】(大正 08, 390d, n.11)。

¹⁶ [法]—【宮】(大正 08, 390d, n.12)。

¹⁷ [相]—【聖】(大正 08, 390d, n.13)。

¹⁸ (是)+菩【宋】【元】【明】【宮】(大正 08, 390d, n.14)。

¹⁹ 入+(波羅蜜)【聖】(大正 08, 390d, n.15)。

²⁰ 闕=礙【宋】【元】【明】【宮】(大正 08, 390d, n.16)。

成就眾生、淨佛國土。雖入五²¹道中，生死業報不能染污。

卯二、譬

須菩提！譬如化轉輪聖王，雖坐臥行住，不見來處，不見去處，不見住處、坐處、臥處，而能利益眾生，亦不得眾生；

卯三、合

菩薩亦如是。

寅四、譬說成佛利生

須菩提！譬如須扇多佛，得阿耨多羅三藐三菩提，為三乘轉法輪，無有得菩薩記者；化作佛已，捨身²²壽命，入無餘涅槃。

丑三、結

須菩提！菩薩亦如是，行般若波羅蜜時，能具足尸羅波羅蜜；能²³具足尸羅波羅蜜已，攝一切善法。

子三、約忍辱答

丑一、標

復次，須菩提！菩薩摩訶薩行般若波羅蜜時，住五陰如夢、如響、如影、如焰、如幻、如化，具足無相羸提波羅蜜。」

丑二、徵

「世尊！云何菩薩摩訶薩具足無相羸提波羅蜜？」

丑三、釋

寅一、自體具足

「須菩提！菩薩摩訶薩住二忍中，能具足羸提波羅蜜。何等二忍？生忍、法忍。

從初發意乃至坐道場，於其中間，若一切眾生來罵詈辱惡語，或以瓦石、刀杖加是菩薩，是菩薩欲具足羸提波羅蜜故，乃至不生一念惡。

²¹ 五=六【聖】(大正 08, 390d, n.17)。

²² [身] - 【聖】(大正 08, 390d, n.18)。

²³ [能] - 【聖】(大正 08, 390d, n.19)。

是菩薩如是思惟：『罵我者誰？割我者誰？以惡言加我者誰²⁴？以瓦石刀杖害我者誰？』何以故？是菩薩於一切法得無相忍故，云何²⁵作是念：『是人罵我、害我！』

寅二、攝諸功德

卯一、得無生法忍

辰一、正明

若菩薩摩訶薩如是行，能具足羸提波羅蜜。以是羸提波羅蜜具足故，得無生法忍。」

須菩提白佛言：「世尊！云何為無生法忍？是忍何所斷、何所知？」

佛告須菩提：「得法忍，乃至不生少許不善法，是故名無生忍。

一切菩薩所斷煩惱盡，是名斷；用智慧知一切法不生，是名知。」

辰二、料簡

須菩提白佛言：「世尊！諸聲聞、辟支佛無生法忍，菩薩²⁶無生法忍，有何等異？」

佛告須菩提：「諸須陀洹若智、若斷，是名菩薩忍；斯陀含若智、若斷²⁷，是名菩薩忍；阿那含若智、若斷，是名菩薩忍；阿羅漢若智、若斷，是名菩薩忍；辟支佛若智、若斷，是名菩薩忍；是為異。

卯二、攝餘功德

須菩提！菩薩摩訶薩成就是忍，勝一切聲聞、辟支佛。

住是報得無生忍中，行菩薩道，能具足道種智；具足道種智故，常不離三十七助道法及²⁸空、無相、無作三昧，常不離五神通；

寅三、兼濟眾生

不離五神通故，能成就眾生、淨佛國土；

寅四、行化願成得果

²⁴ [者誰] — 【聖】(大正 08, 390d, n.20)。

²⁵ 云何 = 菩薩【聖】(大正 08, 390d, n.21)。

²⁶ 薩 + (摩訶薩)【宋】【元】【明】(大正 08, 390d, n.22)。

²⁷ 斷 = 斯【聖】(大正 08, 391d, n.1)。

²⁸ 及 = 乃至【宋】【元】【明】(大正 08, 391d, n.2)。

能²⁹成就眾生、淨佛國土已，當得一切種智。

丑四、結

如是！須菩提！菩薩摩訶薩具足無相羸提波羅蜜。

子四、約精進答

丑一、標

復次，須菩提！菩薩摩訶薩住無相五陰如夢、如響、如影、如焰、如幻、如化，行身精進、心精進。

丑二、釋

寅一、自體具足

卯一、身精進

以身精進故起神通；起神通故，到十方國土³⁰，供養諸佛、饒益眾生；以身精進力教化眾生，令住三乘。

如是！須菩提！菩薩摩訶薩行般若波羅蜜，能具足無相精進³¹波羅蜜。」

卯二、心精進

是菩薩以心精進、聖無漏精進，入八聖道分中，能具足毘梨耶波羅蜜。

寅二、攝諸功德

是毘梨耶波羅蜜皆攝一切善法——所謂四念處、四正勤、四如意足、五根、五力、七覺分、八聖道分³²，四禪、四無量心、四無色定，八背捨、九次第定，佛十力、四無所畏、四無礙智、十八不共法。

寅三、行化願成得果

是中菩薩行是法，應具足一切種智；具足一切種智已，斷一切煩惱習，具足滿三十二相身，放無等無量光明；

寅四、兼濟眾生

²⁹ [能] — 【宋】【元】【明】【宮】(大正 08, 391d, n.3)。

³⁰ 國土 = 世界【宋】【元】【明】【宮】， = 國主【聖】(大正 08, 391d, n.4)。

³¹ 精進 = 毘梨耶【宋】【元】【明】【宮】(大正 08, 391d, n.5)。

³² [分] — 【宋】【元】【明】【宮】(大正 08, 391d, n.6)。

放光明已，三轉十二行法輪；法輪³³轉故，三千大千國土³⁴六種震³⁵動，光明遍照三千大千國土；三千大千國土中眾生聞說法聲，皆以三乘法而得度脫。

丑三、結

如是！須菩提！菩薩摩訶薩住精進波羅蜜中，能大饒益及能具足一切種智。

子五、約禪定答

丑一、標

復次，須菩提！菩薩住無相五陰如夢、如響、如影、如焰、如幻、如化，能具足禪那波羅蜜。」

丑二、徵

「世尊！云何菩薩住五陰如夢、如響、如影、如焰、如幻、如化，能具足禪那波羅蜜？」

丑三、釋

寅一、自體具足

卯一、正明

「須菩提！菩薩摩訶薩入初禪乃至入第四禪，入慈、悲、喜、捨入³⁶無量心，入無邊虛空處，乃至非³⁷有想非無想處，入空三昧、無相、無作三昧，入如電光三昧，入如金剛三昧，入聖正三昧；除諸佛三昧，諸餘三昧——若共聲聞、辟支佛三昧，皆證皆入。亦不受三昧味，亦不受三昧果。

卯二、釋所以

何以故？是菩薩知³⁸是三昧無相、無所有性，當云何於無相法受無

³³ 法輪＝輪法【聖】(大正 08, 391d, n.7)。

³⁴ 國土＝世界【宋】【元】【明】【宮】【聖】(大正 08, 391d, n.8)。

³⁵ [震]－【聖】(大正 08, 391d, n.9)。

³⁶ [入]－【聖】(大正 08, 391d, n.10)。

³⁷ (入)+非【宋】【元】【明】【宮】(大正 08, 391d, n.11)。

³⁸ 知＝如【宮】(大正 08, 391d, n.12)。

相法³⁹味、無所有法受無所有法味？

若不受味，則不隨禪定力生，若色界、若無色界。

何以故？是菩薩不見是二界，亦不見是禪，亦不見入禪者，亦不見用是⁴⁰法入禪者，不見入⁴¹禪處。

若不得是法，爾時菩薩⁴²能⁴³具足無相禪那波羅蜜。

寅二、攝諸功德

卯一、過二乘地

辰一、總說

菩薩用是禪那波羅蜜，能過聲聞、辟支佛地。」

辰二、正明

巳一、須菩提問

須菩提白佛言：「世尊！云何菩薩具足無相禪那波羅蜜故能過聲聞、辟支佛地？」

巳二、佛答

佛告須菩提：「是菩薩善學內空，善學外空，乃至善學無法有法空；於是諸空，無法可住處——若須陀洹果、斯⁴⁴陀含⁴⁵、阿那含、阿羅漢果，乃至一切種智；是諸法⁴⁶空亦空。菩薩摩訶薩行如是諸⁴⁷空，能入菩薩位中。」

辰三、料簡

巳一、位非位

須菩提白佛言：「世尊！云何菩薩摩訶薩位？云何非位？」

³⁹ [法] — 【宋】【元】【明】(大正 08, 391d, n.13)。

⁴⁰ [是] — 【聖】(大正 08, 391d, n.14)。

⁴¹ 不見入[佛>禪]處 = 即【聖】(大正 08, 391d, n.15)。

⁴² [爾時菩薩] — 【聖】(大正 08, 391d, n.16)。

⁴³ (即) + 能【宋】【元】【明】【宮】(大正 08, 391d, n.17)。

⁴⁴ (若) + 斯【聖】(大正 08, 391d, n.18)。

⁴⁵ 含 + (果)【宋】【元】【明】【宮】【聖】(大正 08, 391d, n.19)。

⁴⁶ [法] — 【聖】(大正 08, 391d, n.20)。

⁴⁷ 諸 + (法)【宋】【元】【明】(大正 08, 391d, n.21)。

「須菩提！一切有⁴⁸所得是⁴⁹非菩薩位，一切無所得是菩薩位。」

巳二、有得無得

「世尊！何等是有所得？何等是無所得？」

午一、非菩薩位——有法有所得

「須菩提！色是有所得，受、想、行、識是有所得；眼、耳、鼻、舌、身、意乃至一切種智是⁵⁰有所得——是非菩薩位。」

午二、菩薩位——於法不可示、不可說

須菩提！菩薩位者，是諸法不可示、不可說。

何等法不可示、不可說？

若色乃至一切種智。何以故？須菩提！色性是不可示、不可說，乃至一切種智性是不可示、不可說。

辰四、結入菩薩位

須菩提！如是名菩薩位。

卯二、攝餘功德

是菩薩入位中，一切禪定、三昧具足，尚不隨禪定、三昧力生，何況住淫、怒、癡，於中起罪業生！

寅三、兼濟眾生

菩薩但住如幻法中饒益眾生，亦不得眾生，亦不得幻。

若無所得，是時，能成就眾生、淨佛國土。

寅四、成佛轉法輪

如是！須菩提！是名菩薩具足無相禪那波羅蜜，乃至能轉法輪，所謂不可得法輪。

子六、約般若答

丑一、標

復次，須菩提！菩薩摩訶薩行般若波羅蜜，知一切法如夢、如響、

⁴⁸〔有〕—【聖】(大正 08, 391d, n.22)。

⁴⁹〔是〕—【聖】(大正 08, 391d, n.23)。

⁵⁰〔是〕—【宋】【元】【明】【宮】【聖】(大正 08, 391d, n.24)。

如影、如焰、如幻、如化。」

丑二、釋

寅一、自體具足

卯一、明六喻淨

辰一、須菩提問

須菩提白佛言：「世尊！菩薩摩訶薩云何知一切法如夢、如響、如影、如焰、如幻、如化？」

辰二、佛答

巳一、正明六喻淨

「須菩提！菩薩摩訶薩行般若波羅蜜時，不見夢、不見見夢者，不見響、不見聞響者，不見影、不見見影者，不見焰、不見見焰者，不見幻、不見見幻者，不見化、不見見化者。

巳二、明法無所有故六喻淨

何以故？是夢、響、影、焰、幻、化，皆是凡夫愚人顛倒法故。阿羅漢不見夢、不見見夢者，乃至不見化、不見見化者；辟支佛、菩薩摩訶薩、諸佛亦不見夢、亦不見見夢者，乃至不見化、亦不見見化者。

何以故？一切法無所有性，不生不定。

卯二、例萬法淨

若法無所有性，不生、不定，菩薩摩訶薩當云何行般若波羅蜜，是中取生相、定相？是處不然！

何以故？若諸法少多有性、有生、有定，不名般若波羅蜜。

如是，須菩提！菩薩摩訶薩行般若波羅蜜，不著色乃至不著識，不著欲、色、無色界，不著諸禪、解脫、三昧，不著四念處乃至八聖道分，不著空三昧、無相、無作三昧，不著檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜。

寅二、攝諸功德

卯一、正明

辰一、具足菩薩十地而不生著

不著故，能⁵¹具足菩薩初地，於初地⁵²中亦不生著。何以故？是菩薩不得是地，云何生著？乃至十地亦如是。

辰二、行般若亦得般若，諸法與般若無二無別

是菩薩⁵³行般若波羅蜜，亦不得般若波羅蜜；若行般若波羅蜜時，不得般若波羅蜜，是時見一切法皆入般若波羅蜜中，亦不得是法。何以故？是諸法與般若波羅蜜，無二無別。

何以故？諸法入如、法性、實際，故無分別。」

卯二、釋疑

辰一、須菩提問

須菩提白佛言：「世尊！若諸法無相、無分別，云何說是善是不善、是有漏是無漏、是世間是出世間、是有為是無為？」

辰二、佛反質

「須菩提！於汝意云何？諸法實相中，有法可說是善、是不善，乃至是有為、是無為，是須陀洹果乃至阿羅漢⁵⁴、是辟支佛、是菩薩、是阿耨多羅三藐三菩提不？」

「世尊！不可說也。」

辰三、佛正答

「須菩提！以是因緣故，當知一切法無相、無分別、無生、無定、不可示。

須菩提！我本行菩薩道時，亦無有法可得性⁵⁵——若色、若受想行識乃至若有為、若無為，須陀洹果，乃至阿耨多羅三藐三菩提。

卯三、勸學

如是！須菩提！菩薩摩訶薩行般若波羅蜜，從初發意乃至阿耨多羅三藐三菩提，應善學諸法性。善學諸法性⁵⁶，是名阿耨多羅三藐三

⁵¹ 〔能〕－【聖】(大正 08, 392d, n.1)。

⁵² 〔中〕－【聖】(大正 08, 392d, n.2)。

⁵³ 薩+(摩訶薩)【宋】【元】【明】(大正 08, 392d, n.3)。

⁵⁴ 漢+(果)【宋】【元】【明】【宮】(大正 08, 392d, n.4)。

⁵⁵ 〔性〕－【聖】(大正 08, 392d, n.5)。

⁵⁶ 性+(故)【元】【明】(大正 08, 392d, n.6)。

菩提道。

寅三、兼濟眾生

行是道，能具足六波羅蜜，成就眾生、淨佛國土；

寅四、行化願成得果

住是法中，得阿耨多羅三藐三菩提，以三乘法度脫眾生，亦不著三乘。

丑三、勸學無相般若

如是！須菩提！菩薩摩訶薩以無相法，應學般若波羅蜜。⁵⁷」

⁵⁷ 以上梵.Ekokoṣaṇābhisamayādhikāraḥ sikṣā parisamāpti parivartaḥ saptamaḥ.，不分卷。
【宋】【元】【明】【宮】【聖】(大正 08，392d，n.7)。

《摩訶般若波羅蜜經》卷 24 〈78 四¹攝品〉冠科²

《摩訶般若波羅蜜經》卷 24 (大正 08, 392b12-398a6):

己二、明化他行³

庚一、總明化德

辛一、明化道無方

壬一、明菩薩化物無邊為益無量

癸一、明生身菩薩方便益物

子一、須菩提問

須菩提白佛言：「世尊！若諸法如夢、如響⁴、如影、如焰、如幻、如化，無有實事、無所有性、自相空者，云何分別是善法、是不善法，是世間法、是出世間法，是有漏法、是無漏法，是有為法、是無為法，是法能得須陀洹果、斯陀含果、阿那含果、阿羅漢果，能得辟支佛道，能得阿耨多羅三藐三菩提？」

子二、佛答

丑一、約眾生述失

佛告須菩提：「凡夫愚人得夢、得見夢者，乃至得化、得見化者，起身口意善業、不善業、無記業，起福業、若罪業，作不動業⁵。

丑二、明菩薩化之

寅一、住二空中舉譬說法

卯一、示實相正觀

是菩薩摩訶薩行般若波羅蜜，住二空中——畢竟空、無始空，為眾生說法，作是言：『諸眾生！是色空無所有，受、想、行、識空無所有，十二入、十八界空無所有。』

¹ (摩訶般若波羅蜜經)+四【宋】【元】【明】【宮】【聖】，以下至八十七如化品終。梵. Dharmakāyādhikārah śikṣā parivartah aṣṭamaḥ. (大正 08, 392d, n.8)。

² 妙境法師，《摩訶般若波羅蜜經》冠科(下冊)，pp.999-1031。

³ 對照《大智度論》88〈78 四攝品〉(大正 25, 677c27-684b4)。

⁴ 響=響【聖】(大正 08, 392d, n.9)。

⁵ 業+(是業)【宮】(大正 08, 392d, n.10)。

色是夢，受、想、行、識是夢，十二入、十八界是夢。
 色是響、是影、是焰、是幻、是化，受、想、行、識亦如是。
 十二入、十八界是夢、是響、是影、是焰、是幻、是化。
 是中無陰、入、界，無夢亦無見夢者，無響亦無聞響者，無影亦無見影者，無焰亦無見焰者，無幻亦無見幻者，無化亦無見化者。
 一切法無根本，實性無所有。

卯二、呵顛倒取相

汝等於無陰中見有陰、無入見有入、無界見有界。是一切法皆從因緣和合生，以顛倒心起，屬業果報，汝等何以故於諸法空無根本中而取根本相？』

寅二、令離惡生善

卯一、以福捨罪

是時，菩薩摩訶薩行般若波羅蜜，以方便力故，於慳法中⁶拔出眾生，教行檀那⁷波羅蜜；持是布施功德，得大福報。

從大福報拔出，教令⁸持戒；持戒功德，生天上尊貴處。

復拔出，令住初禪；初禪功德，生梵天處。

二禪、三禪、四禪、無邊空處、識處、無所有處、非有想非無想處亦如是。

卯二、以捨捨福

眾生行是布施及布施果報，持戒及持戒果報，禪定及禪定果報，種種因緣⁹拔出，安置無餘涅槃及涅槃道中，所謂四念處、四正勤、四如意足、五根、五力、七覺分、八聖道分、空解脫門、無相、無作解脫門、八背捨、九次第定、佛十力、四無所畏、四無礙智、十八不共法，安隱眾生，令¹⁰住聖無漏法——無色¹¹、無形、無礙¹²法中。

⁶ [中] — 【宮】【聖】(大正 08, 392d, n.11)。

⁷ [那] — 【宋】【元】【明】【宮】【聖】(大正 08, 392d, n.12)。

⁸ 令+(或)【聖】(大正 08, 392d, n.13)。

⁹ 種種因緣=因緣種種【宋】【元】【明】【宮】【聖】(大正 08, 392d, n.14)。

¹⁰ [令] — 【宮】(大正 08, 392d, n.15)。

¹¹ (及)+色【宮】(大正 08, 392d, n.16)。

¹² 礙=對【宋】【元】【明】【宮】【聖】(大正 08, 392d, n.17)。

卯三、令證聖果

有可得須陀洹果者，安隱教化，令住須陀洹果；可¹³得斯陀含果、阿那含果、阿羅漢果、辟支佛道者，令住¹⁴斯陀含果、阿那含果、阿羅漢果、辟支佛道；可得阿耨多羅三藐三菩提者，安隱教化、令住阿耨多羅三藐三菩提中。」

子三、稱歎述成

丑一、須菩提領解稱歎

須菩提白佛言：「世尊！諸菩薩摩訶薩甚希有難及，能行是深般若波羅蜜，諸法無所有性，畢竟空、無始空，而分別諸法是善、是不善，是有漏、是無漏，乃至是有為、是無為。」

丑二、如來述成

佛告須菩提：「如是！如是！諸菩薩摩訶薩甚希有難及，能行是深般若波羅蜜，諸法無所有性，畢竟空、無始空，而分別諸法。

須菩提！汝等若知是菩薩摩訶薩希有難及法，則知一切聲聞、辟支佛不能報，何況餘人？」

癸二、明法身菩薩化物無邊

子一、正明法身利物

丑一、通明菩薩財法二施攝取眾生

須菩提白佛言：「世尊！何等是菩薩摩訶薩希有難及法，諸聲聞、辟支佛所無有？」

佛告須菩提：「一心諦聽！有菩薩摩訶薩行般若波羅蜜，住報得六波羅蜜中，及住報得五神通、三十七助道法，住諸陀羅尼、諸無礙智，到十方國土，可以布施度者，以布施攝之；可以持戒度者，以持戒攝之；可以忍辱、精進、禪定、智慧度者，隨其所應而攝取之。

可以初禪度者，以初禪攝之；可以二禪、三禪、四禪、無邊空處、無邊識處、無所有處、非有想非無想處度者，隨其所應而攝取之。

可以慈心¹⁵、悲、喜、捨心度者，以慈、悲、喜、捨心而攝取之。

¹³ (有)+可【宋】【元】【明】【宮】(大正 08, 392d, n.18)。

¹⁴ 住=得【聖】(大正 08, 392d, n.19)。

¹⁵ [心] - 【明】【聖】(大正 08, 393d, n.1)。

可以四念處、四正勤、四如意足、五根、五力、七覺分、八聖道分、空三昧、無相、無作三昧度者，隨¹⁶而攝¹⁷之。」

丑二、別明布施攝取眾生

寅一、明外施

卯一、正明平等施為得

「世尊！菩薩摩訶薩云何以布施饒益眾生？」

「須菩提！菩薩行般若波羅蜜時布施，隨其所須飲食、衣服、車馬、香華、瓔珞¹⁸，種種所須，盡給與之。若供養佛、辟支佛、阿羅漢、阿那含、斯陀含、須陀洹等無異；若施入正道中人及凡人，下至禽獸，皆無分別，等一布施。何以故？一切法不異不分別故。

是菩薩無異、無別¹⁹布施已，當得無分別法報，所謂一切種智。

卯二、明簡擇施為失

須菩提！若菩薩摩訶薩見乞丐者，若生是心：『佛是福田，我應供養；禽獸非福田，不應供養。』是非菩薩法，何以故？菩薩摩訶薩發阿耨多羅三藐三菩提心，不作是念：『是眾生應以布施饒益，是不應布施²⁰。』

是眾生布施因緣故，生剎利大姓、婆羅門大姓、居士大家，乃至以是布施因緣，以三乘法度之，令人無餘涅槃。

若²¹眾生來從菩薩乞，亦不生異心分別：『應與是，不應與是。』

何以故？是菩薩為是眾生故發阿耨多羅三藐三菩提心；若分別簡擇，便墮諸佛、菩薩、辟支佛、學無學人、一切世間天及人呵責處：『誰請汝救一切眾生？汝為一切眾生舍、一切眾生護、一切眾生依，而分別簡擇應與、不應與？』

寅二、明內施

卯一、明平等施

¹⁶ 隨+(其所應)【明】(大正 08, 393d, n.2)。

¹⁷ 攝+(取)【明】(大正 08, 393d, n.3)。

¹⁸ [瓔珞]—【聖】(大正 08, 393d, n.4)。

¹⁹ (分)+別【元】【明】【聖】(大正 08, 393d, n.5)。

²⁰ [布施]—【聖】(大正 08, 393d, n.6)。

²¹ 若+(有)【聖】(大正 08, 393d, n.7)。

復次²²，若²³菩薩摩訶薩行般若波羅蜜時，若人、若非人來，欲求乞菩薩身體支節，是時²⁴不應生二心：『若與？若不與？』何以故？是菩薩摩訶薩為眾生故受身，眾生來取，何可不與？

我以饒益眾生故受是身，眾生不乞，自應與之，何況乞而不與！
菩薩摩訶薩行般若波羅蜜，應如是學。

卯二、正明內施

復次，須菩提！若菩薩摩訶薩見有乞者，應生是念：『是中誰與？誰受？所施何物？是一切法自性皆不可得，以畢竟空故；空相法²⁵，無與、無奪。』

何以故？畢竟空故，內空²⁶、外空、內外空、大空、第一義空、自相空故。

住是諸空布施，是時具足檀那波羅蜜。具足檀那波羅蜜故，若斷內外法時，作是念：『截我者誰？割我者誰？』

子二、佛自引所見為證廣明化物

丑一、化地獄道

復次，須菩提！我以佛眼見東方如恒河沙等諸菩薩摩訶薩入大地獄，令火滅湯冷，以三事教化：一者、神通，二者、知他心，三者、說法。是菩薩以神通力令大地獄火滅湯冷；知他心；以慈、悲、喜、捨隨意說法。

是眾生於菩薩生清淨心，從地獄得脫，漸以三乘法得盡苦際。
南西北方、四維、上下亦如是。

丑二、化畜生道

復次，須菩提！我以佛眼觀十方世界，見如恒河沙等國土中諸菩薩為諸佛給使，供給諸佛，隨意愛樂尊²⁷敬；若諸佛所說，盡能受持，乃至阿耨多羅三藐三菩提，終不忘失。

²² 次+(須菩提)【聖】(大正 08, 393d, n.8)。

²³ [若]—【宋】【元】【明】【宮】【聖】(大正 08, 393d, n.9)。

²⁴ 時+(即)【聖】(大正 08, 393d, n.10)。

²⁵ 法=去【宮】(大正 08, 393d, n.11)。

²⁶ 空+(故)【宋】【元】【明】【宮】【聖】(大正 08, 393d, n.12)。

²⁷ 尊=恭【聖】(大正 08, 393d, n.13)。

復次，須菩提！我以佛眼觀十方如恒河沙等國土中諸菩薩摩訶薩，為畜生故，捨其壽命，割截身體，分散諸方。諸有眾生食是諸菩薩摩訶薩肉者，皆愛敬菩薩；以愛敬故，即得離畜生道，值遇諸佛，聞佛說法，如說修²⁸行，漸以三乘：聲聞、辟支佛、佛法，於無餘涅槃而般涅槃。如是，須菩提！諸菩薩摩訶薩所益甚多——教化眾生令發阿耨多羅三藐三菩提心，如說修行，乃至於無餘涅槃而般涅槃。

丑三、化餓鬼道

復次，須菩提！我以佛眼見十方如恒河沙等國土中諸菩薩摩訶薩除諸餓鬼飢渴苦，是諸餓鬼皆愛敬菩薩；以愛敬故，得離餓鬼道，值遇諸佛，聞諸佛說法，如說修行，漸以三乘——聲聞、辟支佛、佛法²⁹而般涅槃，乃至無餘涅槃。

如是，須菩提！菩薩摩訶薩為度眾生故，行大悲心。

丑四、化欲界天

復次，須菩提！我以佛眼見諸菩薩摩訶薩在四天王天上說法，在三十三天、夜摩天、兜率陀天、化樂天、他化自在天上說法；諸天聞菩薩說法，漸以三乘而得滅度。

須菩提！是諸天眾中有耽³⁰著五欲者，是菩薩示現火起，燒其宮殿，而為說法，作是言：『諸天！一切有為法悉皆無常，誰常³¹安者？』

丑五、化諸梵天

復次，須菩提！我以佛眼觀十方世界，見如恒河沙等國土中諸梵天著於邪見，諸菩薩摩訶薩教令遠離邪見，作是言：『汝等云何於空相虛妄諸法中而生邪見？』

如是，須菩提！菩薩摩訶薩住大慈心，為眾生說法。

須菩提！是為諸菩薩希有難及法。

子三、別明四攝利物

丑一、總標

²⁸ [修] — 【宮】【聖】(大正 08, 393d, n.14)。

²⁹ 法 = 乘 【聖】(大正 08, 393d, n.15)。

³⁰ 耽 = 貪 【聖】(大正 08, 393d, n.16)。

³¹ 常 = 得 【宋】【元】【明】【宮】【聖】(大正 08, 394d, n.1)。

復次，須菩提！我以佛眼觀十方世界如恒河沙等國土中，諸菩薩摩訶薩以四事攝取眾生。

何等四？布施、愛語、利益、同事。

丑二、別釋

寅一、釋布施

卯一、標

云何菩薩以布施攝取³²眾生？

須菩提！菩薩以二種施攝取眾生：財施、法施。

卯二、釋

辰一、釋財施

巳一、正明財施

何等財施攝取眾生？

須菩提！菩薩摩訶薩以金銀、琉璃、頗梨³³、真珠、珂貝、珊瑚等諸寶物，或以飲食、衣服、臥具、房舍、燈燭、華香、瓔珞，若男、若女、若牛、羊、象、馬、車乘，若以己身給施眾生，語眾生言：『汝等若有所須，各來取之；如取己物，莫得疑難！』

巳二、明財施已，後教法施

是菩薩施已，教三歸依：歸依佛、歸依法、歸依僧；或教受五戒，或教一日戒；或教初禪，乃至教非有想非無想定；或教慈、悲、喜、捨；或教念佛、念法、念僧、念戒、念³⁴捨、念天；或教不淨觀，或教安那般那觀，或相、或觸；或教四念處、四正勤、四如意足、五根、五力、七覺分、八聖道分，空三昧、無³⁵相、無作三昧，八背捨、九次第定，佛十力、四無所畏、四無礙智、十八不共法、大慈大悲、三十二相、八十隨形好；或教須陀洹果、斯陀含果、阿那含果、阿羅漢果，或教辟支佛道，或教阿耨多羅三藐三菩提。

巳三、結

³² [取] — 【宋】【元】【明】【宮】【聖】(大正 08, 394d, n.2)。

³³ 頗梨 = 玻瓈【明】(大正 08, 394d, n.3)。

³⁴ [戒念] — 【宮】(大正 08, 394d, n.4)。

³⁵ [無] — 【聖】(大正 08, 394d, n.5)。

如是！須菩提！菩薩摩訶薩行般若波羅蜜，以方便力教眾生，財施已，復³⁶教令得無上安隱涅槃。

須菩提！是名菩薩摩訶薩希有難及法。

辰二、釋法施

巳一、明世間法施

午一、略明世間法施

須菩提！菩薩云何以法施攝取眾生？

須菩提！法施有二種：一者、世間，二者、出世間。

何等為世間法施？

敷演顯示世間法，所謂不淨觀、安那般那念、四禪、四無量心、四無色定，如是等世間法，及³⁷諸餘共凡夫所行法，是名世間法施。

午二、廣明因世間法施得出世法施

未一、總明三乘因果

是菩薩如是世間法施已，種種因緣教化，令遠離世間法；遠離世間法已，以方便力令得聖無漏法及聖無漏法果。

何等是聖無漏法？何等是聖無漏法果？

聖無漏法者，三十七助道法、三解脫門。

聖無漏法果者，須陀洹果乃至阿羅漢果、辟支佛道、阿耨多羅三藐三菩提。

未二、別明菩薩乘因果

申一、正明

復次，須菩提！菩薩摩訶薩聖無漏法；須陀洹果中智慧乃至阿羅漢果中智慧、辟支佛道中智慧、三十七助道法中智慧、六波羅蜜中智慧乃至大慈大悲中智慧——如是等一切法，若世間若出世間智慧、若有漏若無漏、若有為若無為，是法中一切種智，是名菩薩摩訶薩聖無漏法。

何等為聖無漏法果？斷一切煩惱習相續³⁸，是名聖無漏法果。」

申二、料簡

³⁶ 復＝後【宮】(大正 08, 394d, n.6)。

³⁷ [及]－【宋】【元】【明】【宮】【聖】(大正 08, 394d, n.7)。

³⁸ [相續]－【宋】【元】【明】【宮】【聖】(大正 08, 394d, n.8)。

須菩提白佛言：「世尊！菩薩摩訶薩得一切種智不？」

佛言：「如是！如是！須菩提！菩薩摩訶薩得一切種智。」

須菩提言：「菩薩與佛有何³⁹等異？」

佛⁴⁰言：「有異。菩薩摩訶薩得⁴¹一切⁴²種智，是名為佛。

所以者何？菩薩心與佛心無有異。

菩薩住是一切種智中，於一切法無不照明。

是名菩薩摩訶薩世間法施。

午三、結明意趣

須菩提！菩薩摩訶薩因緣⁴³世間法施，得出世間法施。

如是，須菩提！菩薩摩訶薩教眾生令得世間法，以方便力故⁴⁴教令得出世間法。

巳二、明出世法施

午一、列

須菩提！何等是菩薩出世間法不共凡夫法⁴⁵同？

所謂四念處、四正勤、四如意足、五根、五力、七覺分、八聖道分、三解脫門、八背捨、九次第定、佛十力、四無所畏、四無礙智、十八不共法、三十二相、八十隨形好、五百陀羅尼門——是名出世間法。

午二、釋

未一、三十七道品

申一、四念處

須菩提！云何為四念處？

菩薩摩訶薩觀內身循⁴⁶身觀、觀外身循身觀、觀內外身循身觀，勤精

³⁹ [何] — 【聖】(大正 08, 394d, n.9)。

⁴⁰ [佛] — 【聖】(大正 08, 394d, n.10)。

⁴¹ (何)+得【聖】(大正 08, 394d, n.11)。

⁴² 切+(智)【聖】(大正 08, 394d, n.12)。

⁴³ [緣] — 【宋】【元】【明】【宮】【聖】(大正 08, 394d, n.13)。

⁴⁴ [故] — 【宋】【元】【明】【宮】【聖】(大正 08, 394d, n.14)。

⁴⁵ [法] — 【聖】(大正 08, 394d, n.15)。

⁴⁶ 循=順【宮】【聖】(大正 08, 394d, n.16)。

進，以一心智慧觀、觀身集因緣生⁴⁷、觀身滅、觀身集生滅；行是道，無所依，於世間無所受。

受、心、法念處亦如是。

申二、四念處

須菩提！云何為四正勤？

未生惡不善⁴⁸法，為不生故，勤、生欲、精進；

已⁴⁹生惡不善法，為斷故，勤、生欲、精進；

未生善法，為生故，勤、生欲、精進；

已生諸善法，為增長修具足故，勤、生欲、精進——是名四正勤。

申三、四如意足

須菩提！云何為四如意足？

欲三昧斷行成就初如意足，精進三昧、心三昧、思惟三昧斷行成就如意足。

申四、五根

云何為五根？信根、進⁵⁰根、念根、定根、慧根。

申五、五力

云何為五力？信力、精進力、念力、定力、慧力。

申六、七覺分

云何為七覺分？念覺分、擇法覺分、精進覺分、喜覺分、除息⁵¹覺分、定覺分、捨覺分。

申七、八聖道分

云何為八聖道分？正見、正思惟、正語、正業、正命、正精進、正念、正定。

未二、三三昧

⁴⁷〔生〕－【宮】【聖】(大正 08, 394d, n.17)。

⁴⁸惡不善＝不善惡【聖】(大正 08, 394d, n.18)。

⁴⁹已＝未【宮】，〔已〕－【聖】(大正 08, 394d, n.19)。

⁵⁰(精)＋進【宋】【元】【明】【聖】(大正 08, 394d, n.20)。

⁵¹〔息〕－【聖】(大正 08, 394d, n.21)。

云何為⁵²三三昧？空三昧門、無相、無作三昧門。

云何為空三昧？以空行、無我行攝心，是名空三昧。

云何為無相三昧？以寂滅行、離行攝心，是名⁵³無相三昧。

云何為無作三昧？無常行、苦行⁵⁴攝心，是名無作三昧。

未三、八背捨

云何為八解脫⁵⁵？內⁵⁶色相外觀色，是初解脫；內無色相外觀色，是二解脫；淨解脫，是三解脫；過一切色相，滅一切⁵⁷有對相，不念一切異相故，觀無邊虛空，入無邊虛⁵⁸空處；乃至過一切非有想非無想處，入滅受想解脫。是名八解脫。

未四、九次第定

云何九次第定？行者離欲、惡不善法，有覺有觀，離生喜樂入初禪，第二、第三、第四禪⁵⁹；乃至過非有想非無想處，入滅受想定。是名九次第定。

未五、十力

云何為佛十力？是處、不是處，如實知；眾生過去、未來、現在諸業諸法諸受⁶⁰，知造業處，知因緣，知報；諸禪定、解脫、三昧、定，垢淨分別相，如實知；知他眾生諸根上下相；知他眾生種種欲解；知世間種種無數性；知一切到道相；知種種宿命，一世乃至無量劫，如實知；天眼見眾生，乃至生⁶¹善⁶²惡道；漏盡故，無漏心解脫，如實知。是為

⁵² [為] — 【宋】【元】【明】【聖】(大正 08, 394d, n.22)。

⁵³ 名=為【宋】【元】【明】【宮】(大正 08, 394d, n.23)。

⁵⁴ [行] — 【聖】(大正 08, 395d, n.1)。

⁵⁵ 解脫=背捨【宋】【元】【明】【宮】【聖】(大正 08, 395d, n.2)。

⁵⁶ 內+(有)【元】【明】【聖】(大正 08, 395d, n.3)。

⁵⁷ [一切] — 【宋】【元】【明】【宮】【聖】(大正 08, 395d, n.4)。

⁵⁸ [虛] — 【聖】(大正 08, 395d, n.5)。

⁵⁹ [禪] — 【聖】(大正 08, 395d, n.6)。

⁶⁰ 法諸受=法受【宋】【宮】，=受法【元】【明】，=受【聖】(大正 08, 395d, n.7)。

⁶¹ [生] — 【聖】(大正 08, 395d, n.8)。

⁶² 善+(道)【聖】(大正 08, 395d, n.9)。

佛十力。⁶³

未六、四無所畏

云⁶⁴何為四無所畏？

佛作誠言：『我是一切正智人。』若有沙門、婆羅門，若天、若魔、若梵，若復餘眾如實言：『是法不知。』乃至不見是微畏相。『以是故，我得安隱，得無所畏，安住聖主處，在大眾中作⁶⁵師子吼，能轉梵輪；諸沙門、婆羅門，若天、若魔、若梵，若復餘眾實不能轉。』一無所畏⁶⁶。

佛作誠言：『我一切漏盡。』若有沙門、婆羅門，若天、若魔、若梵，若復餘眾，如實言：『是漏不盡。』乃至不見是微畏相。『以是故，我得安隱，得無所畏，安住聖主處，在大眾中作師子吼，能轉梵輪；諸沙門、婆羅門，若天、若魔、若梵，若復餘眾實不能轉。』二無畏也。

佛作誠言：『我說障法。』若有沙門、婆羅門，若天、若魔、若梵、若復⁶⁷餘眾，如實言：『受是法不障道。』乃至不見是⁶⁸微畏相。『以是故，我得安隱，得無所畏，安住聖主處，在大眾中作⁶⁹師子吼，能轉梵輪；諸沙門、婆羅門，若天、若魔、若梵，若復餘眾實不能轉。』三無畏也。

佛作誠言：『我所說聖道，能出世間；隨是行，能盡苦。』若有沙門、婆羅門，若天、若魔、若梵，若復餘眾，如實言：『行是道，不能出世間，不能盡苦。』乃至不見是微畏相。『以是故，我得安隱，得無所畏，安住聖主處，在大眾中師子吼，能轉梵輪；諸沙門、婆羅門，若天、若魔、若梵，若復餘眾實不能轉。』四無畏也。

未七、四無礙智

⁶³ 分卷【宋】【元】【明】【宮】(大正 08, 395d, n.10)。

⁶⁴ (摩訶般若波羅蜜經卷第二十七，四攝品第七十八之餘)+云【宋】【元】【明】【宮】(大正 08, 395d, n.11)。

⁶⁵ [作]－【聖】(大正 08, 395d, n.12)。

⁶⁶ 所畏＝畏也【宋】【元】【明】【宮】，＝畏無【聖】(大正 08, 395d, n.13)。

⁶⁷ [復]－【宋】【宮】(大正 08, 395d, n.14)。

⁶⁸ [是]－【宮】(大正 08, 395d, n.15)。

⁶⁹ [作]－【聖】(大正 08, 395d, n.16)。

云何為四無礙智？一者、義無礙智；二者、法無礙智；三者、辭無礙智；四者、樂說無礙智。

云何為義無礙智？緣義智慧，是為義無礙智。

云何為法無礙智？緣法智慧，是為法無礙智。

云何為辭無礙智？緣辭智慧，是為辭無礙智。

云何為樂說無礙智？緣樂說智慧，是為樂說無礙智。

未八、十八不共法

云何為十八不共法？

一、諸佛身無失，二、口無失，三、念無失，四、無異想，五、無不定心，六、無⁷⁰不知⁷¹已捨心，七、欲無減，八、精進無減，九、念無減，十、慧無減，十一、解脫無減，十二、解脫知見無減，十三、一切身業隨智慧行，十四、一切口業隨智慧行，十五、一切意業隨智慧行，十六、智慧知過去世無礙，十七、智慧知未來世無礙，十八、智慧知現在世無礙。

未九、三十二相

云何三十二相？

一者、足下安平立，平如奩底；二者、足下千輻輳輪，輪相具足；三者、手足指長，勝於餘人；四者、手足柔軟，勝餘身分；五者、足跟⁷²廣，具足滿好；六者、手足指合，縵⁷³網妙好⁷⁴，勝於餘人；七者、足趺高平好，與跟相稱；八者、伊泥⁷⁵延鹿，蹲踞⁷⁶纖好，如伊泥延鹿王；九者、平住，兩手摩膝；十者、陰藏相，如馬王、象王；十一者、身縱⁷⁷廣等，如尼俱盧樹；十二者、一一孔一毛生，色青柔軟而右旋；十三者、毛上向，青色柔軟而右旋；十四者、金色相，其色微妙，勝閻浮檀

⁷⁰ [無] — 【聖】(大正 08, 395d, n.17)。

⁷¹ [已] — 【聖】(大正 08, 395d, n.18)。

⁷² 跟=根【聖】(大正 08, 395d, n.19)。

⁷³ 縵=漫【聖】(大正 08, 395d, n.20)。

⁷⁴ [妙好] — 【宮】【聖】(大正 08, 395d, n.21)。

⁷⁵ 泥=尼【聖】(大正 08, 395d, n.22)。

⁷⁶ 蹲踞=踞踞【宋】【元】【明】【宮】(大正 08, 395d, n.23)。

⁷⁷ 縱=縱【宮】【麗-CB】【CB】(大正 08, 395d, n.24)。

金；十五者、身光面一丈；十六者、皮薄細滑，不受塵垢、不停⁷⁸蚊蚋；十七者、七處滿：兩足下、兩手中、兩肩上、項中皆滿，字相分明；十八者、兩腋下滿；十九者、上身如師子；二十者、身廣端直；二十一者、肩圓好；二十二者、四十齒；二十三者、齒白齊密而根深；二十四者、四牙最白而大；二十五者、方頰車如師子；二十六者、味中得上味，咽中二處津液流出；二十七者、舌大軟薄，能覆面至耳髮際；二十八者、梵音深遠，如迦蘭頻伽聲；二十九者、眼色如金精；三十者、眼睫如牛王；三十一者、眉間白毫相，軟白如兜羅綿；三十二者、頂髻肉骨⁷⁹成。是三十二相，佛身成就。

光明遍照三千大千國土⁸⁰，若欲廣照，則遍滿十方無量阿僧祇國土，為眾生故受丈光；若放無量光明⁸¹，則無日月、時節、歲數。

佛音聲遍滿三千大千國土，若欲大聲，則遍滿十方無量阿僧祇國土，隨眾生⁸²多少，音聲遍至。

未十、八十隨形好⁸³

云何為八十隨形好？

一者、無見頂；二者、鼻直高好，孔不現；三者、眉如初生月，紺琉璃色；

四者、耳輪埵成；五者、身堅實，如那羅延；

六者、骨際如鈎⁸⁴鎖；七者、身一時迴，如象王；八者、行時足去地四寸，而印文現；

九者、爪⁸⁵如赤銅色，薄而潤澤；十者、膝骨堅著圓好；

十一者、身淨潔；十二者、身⁸⁶柔軟；十三者、身不曲；十四者、指長纖圓；

⁷⁸ 停＝亭【宋】(大正 08, 395d, n.25)。

⁷⁹ 肉骨＝皮【聖】(大正 08, 395d, n.26)。

⁸⁰ 國土＝世界【宋】【元】【明】【宮】【聖】(大正 08, 395d, n.27)。

⁸¹ [明]－【宋】【元】【明】【宮】【聖】(大正 08, 395d, n.28)。

⁸² [生]－【聖】(大正 08, 395d, n.29)。

⁸³ 對照《大智度論》89〈78 四攝品〉(大正 25, 684b13-687c17)。

⁸⁴ 鈎＝鈎【聖】(大正 08, 396d, n.1)。

⁸⁵ 爪＝抓【聖】(大正 08, 396d, n.2)。

⁸⁶ [身]－【聖】(大正 08, 396d, n.3)。

十五者、指文莊嚴；十六者、脈深；十七者、踝不現⁸⁷；十八者、身潤澤；

十九者、身自持不透迤⁸⁸；二十者、身滿足；

二十一者、識滿足；二十二者、容儀備足；二十三、住處安，無能動者；

二十四者、威震⁸⁹一切；二十五者、一切樂觀；

二十六者、面不大長；二十七者、正容貌不撓⁹⁰色；二十八者、面具足滿；

二十九者、脣赤如頻婆果色；三十者、音響深；

三十一者、臍深圓好；三十二者、毛右旋；

三十三者、手足滿；三十四者、手足如意；

三十五者、手文明直；三十六者、手文長；三十七者、手文不斷；三十八者、一切惡心眾生見者和悅；三十九者、面廣姝好⁹¹；四十者、面淨滿如月；

四十一者、隨眾生意，和悅與語；四十二者、毛孔出香氣；四十三者、口出無上香；

四十四者、儀容如師子；四十五者、進止如象王；四十六者、行法如鵝王；

四十七者、頭⁹²如摩陀那果；四十八者、一切聲分具足；四十九者、牙利；

五十者、舌色赤；五十一者、舌薄；

五十二者、毛紅色；五十三者、毛潔淨；

五十四者、廣長眼；五十五者、孔門相具；

五十六者、手足赤白如蓮華色；五十七者、臍不出；五十八者、腹不現；五十九者、細腹；

⁸⁷ 現=見【宋】【元】【明】【宮】(大正 08, 396d, n.4)。

⁸⁸ 透迤=委陀【宋】【宮】【聖】(大正 08, 396d, n.5)。

⁸⁹ 震=振【聖】(大正 08, 396d, n.6)。

⁹⁰ 撓=燒【聖】(大正 08, 396d, n.7)。

⁹¹ [好]-【聖】(大正 08, 396d, n.8)。

⁹² 頭=顯【聖】(大正 08, 396d, n.9)。

六十者、身不傾動；六十一者、身持重；六十二者、其身⁹³大；六十三者、身長；

六十四者、手足潔淨軟澤；六十五者、邊⁹⁴光各一丈；六十六者、光照身而行；

六十七者、等視眾生；六十八者、不輕眾生；

六十九者、隨眾生⁹⁵音聲不過不減；七十者、說法不著；七十一者、隨眾⁹⁶語言⁹⁷而為說法；七十二者、一發音報眾聲；七十三者、次第有因⁹⁸緣說法；

七十四者、一切眾生不能盡觀相；七十五者、觀⁹⁹無厭足；

七十六者、髮長好；七十七者、髮不亂；七十八者、髮旋好；七十九者、髮色如青珠；

八十者、手足有德相。

須菩提！是為¹⁰⁰八十隨形好，佛身成就。

卯三、結

如是！須菩提！菩薩摩訶薩以二施攝取眾生，所謂財施、法施，是為菩薩希有難及事。

寅二、釋愛語

云何為菩薩摩訶薩愛語攝取眾生？

菩薩摩訶薩以六波羅蜜為眾生說法，作是言：『汝行六波羅蜜，攝一切善法。』

寅三、釋利行

云何為菩薩摩訶薩利行攝取眾生？

菩薩摩訶薩長夜教¹⁰¹眾生，令行六波羅蜜。

⁹³ 身+(分)【宋】【元】【明】【宮】【聖】(大正 08, 396d, n.10)。

⁹⁴ 邊=圓【宮】(大正 08, 396d, n.11)。

⁹⁵ [生] - 【聖】(大正 08, 396d, n.12)。

⁹⁶ 眾+(生)【宋】【元】【明】【宮】，-【聖】(大正 08, 396d, n.13)。

⁹⁷ (眾)+言【聖】(大正 08, 396d, n.14)。

⁹⁸ [因] - 【宮】(大正 08, 396d, n.15)。

⁹⁹ 觀+(者)【宋】【元】【明】【宮】【聖】(大正 08, 396d, n.16)。

¹⁰⁰ [為] - 【宮】(大正 08, 396d, n.17)。

寅四、釋同事

云何為菩薩摩訶薩同事攝取眾生？

菩薩摩訶薩以五¹⁰²神通力故，種種變化入五道中，與眾生同事。以此四事而攝取之。¹⁰³」

壬二、明菩薩雖能廣利不存化功

癸一、明名字無礙故不可得

子一、佛正明

復次，須菩提！菩薩摩訶薩行般若波羅蜜時，教化眾生：『善男子！當善學分別諸字，亦當善知一字乃至四十二字。一切語言，皆入初字門；一切語言，亦入第二字門；乃至第四十二字門，一切語言皆入其中。一字皆入四十二字，四十二字亦入一字。』

是眾生應如是善學四十二字。

善學四十二字已，能善說字法；善說字法已，善說無字法。

須菩提！如佛善知字¹⁰⁴法、善知字、善知無字，為無字法故¹⁰⁵說字法。何以故？須菩提！過一切名字法故¹⁰⁶，名為佛法。」

子二、破空有相違難

丑一、須菩提難法為眾生

寅一、標二空

須菩提白佛言：「世尊！若眾生畢竟不可得，法亦不可得，法性亦不可得，畢竟空、無始空故。」

寅二、正設難

卯一、以法難法

世尊！菩薩摩訶薩云何¹⁰⁷行般若波羅蜜，行禪那¹⁰⁸波羅蜜、毘梨耶波

¹⁰¹ 教+(化)【宋】【元】【明】【宮】(大正 08, 396d, n.19)。

¹⁰² 五=六【宋】【元】【明】【宮】【聖】(大正 08, 396d, n.20)。

¹⁰³ 如是須菩提…而攝取之百五十一字在次節名為佛法下【明】【宮】。(大正 08, 396d, n.18)。

¹⁰⁴ 〔字〕—【宋】【元】【明】【宮】【聖】(大正 08, 396d, n.21)。

¹⁰⁵ 〔故〕—【聖】(大正 08, 396d, n.22)。

¹⁰⁶ 〔法故〕—【宮】【聖】(大正 08, 396d, n.23)。

¹⁰⁷ 〔云何〕—【聖】(大正 08, 396d, n.24)。

羅蜜、羸提波羅蜜、尸羅波羅蜜、檀那波羅蜜時，行四禪、四無量心、四無色定，三十七助道法、十八空，行空、無相、無作三昧、八解脫、九次第定、佛十力、四無所畏、四無礙智、十八不共法、三十二相、八十隨形好，

卯二、以法難人

云何住報得五神通為眾生說法？

卯三、以人難人

眾生實不可得；眾生不可得故，色不可得，乃至識亦不可得；五陰不可得故，六波羅蜜乃至八十隨形好皆不可得。

是不可得中，無眾生、無色乃至無八十隨形好。世尊！云何菩薩摩訶薩行般若波羅蜜，為眾生說法？

卯四、以人難法

世尊！菩薩行般若波羅蜜時，菩薩尚不可得，何況當有菩薩法！」

丑二、佛合答

寅一、印二空

佛告須菩提：「如是！如是！如汝所言。

眾生不可得故，當知是內空、外空、內外空、空空、大空、第一義空、有為空、無為空、畢竟空、無始空、散空、諸法空、自相空、性空、不可得空、無法空、有法空、無法有法空。

眾生不可得故¹⁰⁹，當知五陰空、十二入¹¹⁰、十八界空¹¹¹，十二因緣空、四諦空，我空，壽者¹¹²、命者、生者、養¹¹³育者、眾數者、人者、作者、使作者、起者、使起者、受者、使受者、知者、見者皆空。

眾生不可得故，當知四禪空、四無量心空、四無色定空，當知四念處空乃至八聖道分空，空空、無相空、無作空，八解脫空、九次第定空。

¹⁰⁸ [那] - 【宋】【元】【明】【宮】【聖】(大正 08, 396d, n.25)。

¹⁰⁹ [眾生不可得故] - 【宮】【聖】(大正 08, 396d, n.26)。

¹¹⁰ 入+(空)【宋】【元】【明】【宮】【聖】(大正 08, 396d, n.27)。

¹¹¹ [空] - 【聖】(大正 08, 396d, n.28)。

¹¹² 空壽者=眾生壽【元】【明】(大正 08, 396d, n.29)。

¹¹³ 養+(者)【宋】【元】【明】【宮】【聖】(大正 08, 396d, n.30)。

眾生不可得故，當知佛十力空、四無所畏空、四無礙智空、十八不共法空，當知須陀洹果空、斯陀含果空、阿那含果空、阿羅漢果空、辟支佛道空，當知菩薩地空，阿耨多羅三藐三菩提空。

寅二、正答空有不二無礙

卯一、明菩薩口說不違心空

辰一、明雖說而無所說

須菩提！菩薩摩訶薩如是見一切法空，為眾生說法，不失諸空相。

是菩薩如是觀時，知一切法無礙；知一切法無礙已，不壞諸法相，不二不分別，但為眾生如實說法。

辰二、如化人雖說竟無所說

譬如佛所化¹¹⁴人，化人復化作無量千萬億人，有教令布施者，有教持戒、有教忍辱、有教精進、有教禪定、有教智慧，有教四禪、四無量心、四無色定者。於汝意云何？佛所化人，有分別破壞諸法不？」

須菩提言：「不也！世尊！是化人無心、無心數法，云何分別破壞諸法？」

辰三、結

「以是故，須菩提！當知菩薩摩訶薩行般若波羅蜜，為眾生如應說法，

卯二、明雖拔眾生意無所拔

辰一、正明

拔出眾生於顛倒地¹¹⁵，令眾生各得如所應住地，以不縛不脫法故。

辰二、釋所以

何以故？須菩提！是¹¹⁶色不縛不脫，受、想、行、識不縛不脫；色無¹¹⁷縛無脫不是色，受、想、行、識無縛無脫不是識。

¹¹⁴〔化〕－【聖】(大正 08, 397d, n.1)。

¹¹⁵〔地〕－【聖】(大正 08, 397d, n.2)。

¹¹⁶〔是〕－【元】【明】【宮】【聖】(大正 08, 397d, n.3)。

¹¹⁷無＝不【聖】(大正 08, 397d, n.4)。

何以故？色¹¹⁸畢竟清淨故，受、想、行、識乃至一切法若有為、若無為，亦畢竟清淨故。

寅三、結歎菩薩心無所住外說無過

如是！須菩提！菩薩摩訶薩為眾生說法，亦不得眾生及一切法。

一切法不可得故，菩薩以不住法故，住諸法相中，所謂色空，乃至有為、無為法空。

何以故？色乃至有為、無為法，自性不可得故，無有¹¹⁹住處。

無所有法不住無所有法，自性法不住自性法，他性法不住他性法。

何以故？是一切法皆不可得故，不可得法當住何處？

如是，須菩提！菩薩摩訶薩行般若波羅蜜，以是諸空，能如是說法，如是行般若波羅蜜，於諸佛及聲聞、辟支佛無有過。

何以故？諸佛及菩薩、辟支佛、阿羅漢得是法已，為眾生說法，亦不轉諸法相。

何以故？如、法性、實際不可轉故。

所以者何？諸法性無故。」

子三、破一見難

丑一、標諸法理無異

須菩提白佛言：「世尊！若法性、如、實際不轉，色與法性異不？色與如、實際異不？受、想、行、識，乃至有為、無為法，世間、出世間，有漏、無漏異不？」

佛言：「不也！色不異法性、不異如、不異實際；受、想、行、識，乃至有漏、無漏亦不異。」

丑二、論不應分別有諸善惡業報及道果

寅一、須菩提問

須菩提白佛言：「世尊！若『色不異法性、不異如、不異實際；受、想、行、識，乃至有漏、無漏不異』者，云何分別黑法有黑報，所謂地獄、餓鬼、畜生；白法有白報，所謂諸天及人；黑白法有黑白報；不黑

¹¹⁸ (是)+色【宋】【宮】(大正 08, 397d, n.5)。

¹¹⁹ 有=為【聖】(大正 08, 397d, n.6)。

不白法有不黑不白報，所謂須陀洹果、斯陀含果、阿那含果、阿羅漢果、辟支佛道、阿耨多羅三藐三菩提？」

寅二、佛答

卯一、世諦有分別

佛告須菩提：「世諦故，分別說有果報，非第一義；

卯二、第一義諦無分別

辰一、正明

第一義中不可說因緣果報。

辰二、釋所以

何以故？是第一義實無有相，無有分別，亦無言說，所謂色乃至有漏、無漏法，不生不滅相，不垢不淨，畢竟空、無始空故。」

丑三、釋凡聖無別難

寅一、須菩提難

須菩提白佛言：「世尊！若『以世諦故分別說有果報，非第一義』者，一切凡夫人應有須陀洹果、斯陀含果¹²⁰、阿那含果、阿羅漢果、辟支佛道、阿耨多羅三藐三菩提！」

寅二、佛答

卯一、凡夫不知二諦故無道果

佛告須菩提：「於汝意云何？凡夫人為知是世諦¹²¹、是第一義諦不？若知，是凡夫人應有須陀洹果乃至阿耨多羅三藐三菩提。

須菩提！以凡夫人實不知世諦、不知第一義諦、不知道、不知分別道果，云何當有諸果？

卯二、聖人知二諦故有諸果

須菩提！聖人知世諦，知第一義諦，有道、有修道，以是故，聖人差別有諸果？」

癸二、明不存化功故得聖果

子一、破異見難

¹²⁰ [果] — 【聖】(大正 08, 397d, n.7)。

¹²¹ 諦+(法)【宮】【聖】(大正 08, 397d, n.8)。

丑一、論修道得果

寅一、須菩提問

須菩提白佛言：「世尊！修道得果不？」

寅二、佛答

卯一、四句不得破著心

佛言：「不也！須菩提！修道不得果，不修道亦不得果，亦不離道得果，亦不住道中得果。」

卯二、世諦分別說

如是，須菩提！菩薩摩訶薩行般若波羅蜜時，為眾生故分別果，

卯三、第一義中無分別

亦不分別是有為性、無為性。」

丑二、論云何有三乘諸果差別

寅一、須菩提問

「世尊！若不分別有為性、無為性得諸果者，云何世尊自說：『三結盡故¹²²，名須陀洹¹²³；婬、怒、癡薄故，名斯陀含果¹²⁴；五此間結盡故，名阿那含果¹²⁵；五彼間結盡故¹²⁶，名阿羅漢¹²⁷；所有集法皆滅散相故，名辟支佛道；一切煩惱習斷故，名阿耨多羅三藐三菩提？』

世尊！我當云何知不分別有為性、無為性得諸果？」

寅二、佛反問答

卯一、明三乘道果是無為

佛告須菩提：「汝以須陀洹果、斯陀含果、阿那含果、阿羅漢果、辟支佛道、阿耨多羅三藐三菩提，是諸果是有為？是無為？」

須菩提言：「世尊！皆是無為！」

¹²² 〔故〕－【宮】【聖】(大正 08, 397d, n.9)。

¹²³ 洹+(果)【聖】(大正 08, 397d, n.10)。

¹²⁴ 〔果〕－【聖】(大正 08, 397d, n.11)。

¹²⁵ 〔果〕－【宋】【元】【明】【宮】【聖】(大正 08, 397d, n.12)。

¹²⁶ 〔故〕－【宋】【元】【明】【宮】【聖】(大正 08, 397d, n.13)。

¹²⁷ 漢+(果)【聖】(大正 08, 397d, n.14)。

卯二、明無為中無分別

「須菩提！無為法中有分別不？」

「不也！世尊！」

卯三、明無相中無二相

「若善男子、善女人通達一切法若有為、若無為，一相，所謂無相，是時，有分別若有為、若無為不？」

「不也，世尊！」

子二、正明不存化功

丑一、以無所著法自行化他無礙

「如是！須菩提！菩薩摩訶薩為眾生說法，不分別諸法，所謂內空故，乃至無法有法空故。是菩薩自得無所著法，亦教人令得無所著法——若檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，初禪乃至第四禪，慈、悲、喜、捨，無邊虛¹²⁸空處乃至非有想非無想處，若四念處乃至一切種智。

是菩薩自不著故，亦教他人¹²⁹令得無所著，無所著故無所礙。

丑二、如化人所作無著

譬如佛所化人布施，亦不受布施報，但為度眾生故；乃至行一切種智，不受一切種智報。

丑三、菩薩善達諸法相

菩薩摩訶薩亦如是，行六波羅蜜，乃至一切法——有漏無漏、有為無為，不住亦不受報，但為度眾生故。何以故？是菩薩摩訶薩善達一切諸法相故。」¹³⁰

¹²⁸〔虛〕—【宋】【元】【明】【宮】【聖】(大正 08, 397d, n.15)。

¹²⁹〔人〕—【明】【宮】【聖】(大正 08, 397d, n.16)。

¹³⁰梵無區分。(大正 08, 398d, n.1)。

《摩訶般若波羅蜜經》卷 24 〈79 善¹達品〉冠科²

《摩訶般若波羅蜜經》卷 24 (大正 08, 398a7-400c15) :

辛二、明為化之能³

壬一、明善達法相故起行

癸一、明菩薩善達之相

子一、寄化人明菩薩妙悟

丑一、須菩提問

須菩提白佛言：「世尊！云何菩薩善達諸法相？」

丑二、佛舉譬答

寅一、如化人不行前境

佛告須菩提：「譬如化人不行姪、怒、癡，不行色乃至識，不行內、外法，不行諸煩惱結使，不行有漏法、無漏法，世間法、出世間法，有為法、無為法，亦無聖果；菩薩亦如是，無有是法⁴，亦不分別是法，是名善⁵達諸法相。」

寅二、如化人內無所修

須菩提言：「世尊！化人云何有修道？」

佛言：「化人修道，不垢不淨，亦不在五道生死。須菩提！於汝意云何？佛所化人，有根本實事不⁶？有垢有淨不？」

須菩提言：「不也！佛所化人，無有根本實事，亦無垢亦無淨，亦不在五道生死。」

「如是！須菩提！菩薩摩訶薩善達諸法相亦如是。」

子二、舉菩薩妙悟例萬法如化

¹ (卷第卅五)+善【聖】(大正 08, 398d, n.2)。

² 妙境法師，《摩訶般若波羅蜜經》冠科(下冊)，pp.1032-1047。

³ 對照《大智度論》89 〈79 善達品〉(大正 25, 687c18-692c8)。

⁴ 法=事【宋】【元】【明】【宮】(大正 08, 398d, n.3)。

⁵ [善]—【宋】【元】【明】【宮】(大正 08, 398d, n.4)。

⁶ [不]—【宋】【元】【明】【宮】(大正 08, 398d, n.5)。

丑一、正明一切法如化

須菩提言：「世尊！一切色如化不？受⁷想行識如化不？」

佛言：「一切色如化，一切受、想、行、識如化。」

丑二、以菩薩所見證成

「世尊！若一切色如化，一切受想行識如化，一切法如化，化人無色⁸、無受想行識、無垢無淨、無五道生死亦無解脫處，菩薩有何等功用？」

佛告須菩提：「於汝意云何？菩薩摩訶薩本行菩薩道時，頗見有眾生從地獄、餓鬼、畜生、天、人⁹中得解脫不？」

須菩提言：「不也！世尊！」

佛言：「如是！如是！須菩提！菩薩摩訶薩亦如是¹⁰，不見眾生從三界得解脫。何以故？菩薩摩訶薩見知一切法如幻、如化。」

癸二、明為益眾生故起行

子一、須菩提問

「世尊！若菩薩摩訶薩見知一切法¹¹如幻、如化，為何事故行六波羅蜜、四禪、四無量心、四無色定、三十七助道法，乃至行大慈悲¹²，淨佛國土、成就眾生？」

子二、佛答

佛告須菩提：「若眾生自知諸法如幻、如化，菩薩摩訶薩終不於阿僧祇劫為眾生行菩薩道。須菩提！以眾生自不知諸法如幻、如化，以是故，菩薩摩訶薩於無量阿僧祇劫，行六波羅蜜，成就眾生、淨佛國土，得阿耨多羅三藐三菩提。」

壬二、明以方便力教眾生遠離住處

癸一、略釋

⁷ (一切)+受【元】【明】(大正 08, 398d, n.6)。

⁸ 色+(無法如化)【宮】(大正 08, 398d, n.7)。

⁹ 天人=人天【宋】【元】【明】【宮】(大正 08, 398d, n.8)。

¹⁰ [亦如是]—【宋】【元】【明】【宮】(大正 08, 398d, n.9)。

¹¹ (諸)+法【宋】【元】【明】【宮】(大正 08, 398d, n.10)。

¹² (大)+悲【宋】【元】【明】【宮】(大正 08, 398d, n.11)。

子一、須菩提問

須菩提白佛言：「世尊！若一切法如夢、如響、如影、如焰、如幻、如化，眾生在何處住，菩薩行六波羅蜜而拔出之？」

子二、佛答

「須菩提！眾生但住名相虛妄憶想分別中，是故菩薩行般若波羅蜜，於名相虛妄中拔出眾生。」

癸二、別釋

子一、須菩提問

須菩提白佛言：「世尊！何等是名？何等是相？」

子二、佛答

丑一、名

寅一、明於名假施設生著

佛言：「此名強作但¹³假施設，所謂此色、此受想行識，此男、此女，此大、此小，此地獄、此畜生、此餓鬼，此人、此天，此有為、此無為，此是須陀洹果、斯陀含果、阿那含果、阿羅漢果、辟支佛道，此佛道。

須菩提！一切和合法皆是假名，以名取諸法，是故為名。

一切有為法但有名相，凡夫愚人於中生著。

寅二、示名空故令遠離

菩薩摩訶薩行般若波羅蜜，以方便力故，於名字中教令遠離，作是言：『諸眾生！是名但有空名，虛妄憶想分別中生，汝等莫著虛妄憶想！此事本末¹⁴皆無，自性空故，智者所不著。』

如是，須菩提！菩薩摩訶薩行般若波羅蜜，以方便力故，為眾生說法。須菩提！是為名。

丑二、相

寅一、明著心取二相

何等為相？

須菩提！有二種相，凡夫人所著處。何等為二？一者、色相，二者、

¹³ [但] — 【元】【明】【宮】(大正 08, 398d, n.12)。

¹⁴ 末=來【明】【宮】(大正 08, 398d, n.13)。

無色相。

須菩提！何等名『色相』？諸所有色，若麤若細、若好若醜，皆是空；是空法中憶想分別，著心取相¹⁵，是名為『色相』。

何等是『無色相』？諸無色法，憶想分別，著心取相故生煩惱，是名『無色相』。

寅二、示無相故令遠離

是菩薩摩訶薩行般若波羅蜜，以方便力故，教眾生遠離是相，著無相法中，令不墮二法，所謂是相、是無相。如是，須菩提！菩薩摩訶薩行般若波羅蜜，教眾生遠離相，令住無相性中。」

壬三、明解法但名相故得大利益

癸一、論法但名相菩薩云何自利利人

子一、須菩提問

須菩提白佛言：「世尊！若一切法但有名相，云何菩薩行般若波羅蜜能自饒益，亦教他人令得善利？云何菩薩具足諸地，從一地至一地，教化眾生令得三乘？」

子二、佛答

丑一、正明

寅一、若法定有無二利

佛告須菩提：「若諸法根本定有、非但名相者，菩薩摩訶薩行般若波羅蜜時，不能自利¹⁶益，亦不能利益他人¹⁷。」

寅二、但名相故有二利

須菩提！諸法無有根本實事、但有名相，是故菩薩行般若波羅蜜時，能具足禪那波羅蜜，無相故；毘梨耶波羅蜜、羸提波羅蜜、尸羅波羅蜜、檀那波羅蜜，無相故；具足四禪波羅蜜、四無量心波羅蜜、四無色定波羅蜜，無相故；具足四念處波羅蜜，無相故；乃至具足八聖道分波羅蜜，無相故；具足內空波羅蜜，無相故；乃至具足無法有法空波羅蜜，無相

¹⁵ [取相] — 【宮】(大正 08, 398d, n.14)。

¹⁶ [利] — 【宋】【元】【明】【宮】(大正 08, 398d, n.15)。

¹⁷ [他] — 【聖】(大正 08, 398d, n.16)。

故；具足解脫波羅蜜，無相故；具足九次第定波羅蜜¹⁸，無相故；具足佛十力波羅蜜，乃至具足十八不共法波羅蜜，無相故。

是菩薩，無相故，自具足是諸善法，亦教¹⁹他人令具足善法，無相故。

丑二、引得佛為證

須菩提！若諸法相當實有如毫釐許者，菩薩摩訶薩行般若波羅蜜時，不能知諸法無相、無憶念得阿耨多羅三藐三菩提，亦教眾生令得無漏法。何以故？一切無漏法無相、無憶念故。

丑三、結

如是，須²⁰菩提！菩薩摩訶薩行般若波羅蜜，以無漏法利益眾生。」

癸二、論若法無相云何分別三乘道果

子一、須菩提問

須菩提白佛言：「世尊！若一切法無相、無憶念，云何數是聲聞法、是辟支佛法、是菩薩法、是佛法？」

子二、佛答

丑一、以反問明三乘不異無相法

佛告須菩提：「於汝意云何？無相法與聲聞法異不？」

「不也！世尊！」

「無相法與辟支佛法、菩薩法、佛法異不？」

「不也！世尊！」

丑二、正明無相法即是三乘法

佛告須菩提：「無相法即是須陀洹果、斯陀含果、阿那含果、阿羅漢果、辟支佛法、菩薩法、佛法。」

須菩提言：「如是！世尊！」

丑三、結

「須菩提！以是因緣故，當知一切法皆是無相。」

¹⁸ [解脫…波羅蜜] 十七字－【聖】(大正 08, 398d, n.17)。

¹⁹ 教+(化)【宋】【元】【明】【宮】(大正 08, 398d, n.18)。

²⁰ [須]－【聖】(大正 08, 399d, n.1)。

壬四、明解法無相故增益善根

癸一、總明增益善根

子一、唯住究竟三脫門

須菩提！菩薩摩訶薩學是一切法無相，得增益善法，所謂六波羅蜜、四禪、四無量心、四無色定、四念處乃至十八不共法。何以故？菩薩不以餘法為要，如三解脫門²¹，所謂空、無相、無作。所以者何？一切善法皆入三解脫門。何以故？一切法自相空，是名空解脫門；一切法無相，是名無相解脫門；一切法無作無起相，是名無作解脫門。

子二、學三脫門攝一切

若菩薩摩訶薩學三解脫門，是時能學五陰相，能學十二入相，能學十八界相，能學四聖諦、十二²²因緣法，能學內空、外空乃至無法有法空，能學六波羅蜜、四念處乃至八聖道分，能學佛十力、四無所畏、四無礙智、十八不共法。」

癸二、別論得法無相能通達一切法

子一、須菩提略問

須菩提白佛言：「世尊！云何菩薩摩訶薩行般若波羅蜜，能學五受陰相？」

子二、佛廣答

丑一、約世間法明

寅一、示五陰三義

卯一、色

辰一、略標

佛告須菩提：「菩薩摩訶薩行般若波羅蜜，知色相、知色生滅、知色如。

辰二、別明

巳一、知色相

云何知色相？知色畢竟空，內分分異、虛、無實，譬如水沫無堅固，

²¹ [門] — 【聖】(大正 08, 399d, n.2)。

²² 二+(分)【宮】(大正 08, 399d, n.3)。

是為知色相。

巳二、知色生滅

云何知色生滅？色生時無所從來、去無所至，若不來不去，是為知色生滅相。

巳三、知色如

云何知色如？是色如不生不滅、不來不去、不增不減、不垢不淨，是名知色如。

須菩提！如名如實不虛，如前，後、中亦爾，常不異，是為知色如。

卯二、受

辰一、標問

云何知受相？云何知受生滅？云何知受如？

辰二、別明

巳一、知受相

菩薩知諸受相如水中泡，一起一滅，是為知受相。

巳二、知受生滅

知受生滅者，是諸²³受無所從來、去無所至，是為知受生滅。

巳三、知受如

知受如²⁴者，是如不生不滅、不來不去、不增不減、不垢不淨，是為知受²⁵如。

卯三、想

辰一、標問

云何知想相？云何知想生滅？云何知想如？

辰二、別明

巳一、知想相

知想相者，是想如焰，水不可得，而妄生水想，是為知想相。

²³〔諸〕－【宋】【元】【明】【宮】(大正 08，399d，n.4)。

²⁴如＝知【聖】(大正 08，399d，n.5)。

²⁵(諸)＋受【聖】(大正 08，399d，n.6)。

巳二、知想生滅

知想生滅者，是想無所從來、去無所至，是為知想生滅。

巳三、知想如

知想如者，諸想如不生不滅、不來不去、不增不減、不垢不淨，不轉於實相，是為知想如。

卯四、行

辰一、標問

云何知行相？云何知行生滅？云何知行如？

辰二、別明

巳一、知行相

知行相者，行如芭蕉，葉葉²⁶除却，不得堅實，是為知行相。

巳二、知行生滅

知²⁷行生滅者，諸行生無所從來、去無所至，是為知行生滅。

巳三、知行如

知行如者，諸行不生不滅、不來不去、不增不減、不垢不淨，是為知行如。

卯五、識

辰一、標問

云何知識相？云何知識生滅？云何知識如？

辰二、別明

巳一、知識相

知識相者，識²⁸如幻師幻作四種兵，無有實，識相²⁹亦如是，是為知識相³⁰。

巳二、知識生滅

²⁶ [葉] — 【宮】(大正 08, 399d, n.7)。

²⁷ 知=如【聖】(大正 08, 399d, n.8)。

²⁸ [識] — 【元】【明】【聖】(大正 08, 399d, n.9)。

²⁹ [相] — 【元】【明】【聖】(大正 08, 399d, n.10)。

³⁰ [是為…相] 五字 — 【聖】(大正 08, 399d, n.11)。

知識生滅者，是識生時，無所從來，滅時無所去，是為知識生滅。

巳三、知識如

知識如者，知識不生不滅、不來不去、不垢不淨、不增不減，是為知識如。

寅二、示入界空

卯一、知十二入空

云何知諸入？眼、眼性空，乃至意、意性空；色、色性空，乃至法、法性空。

卯二、知十八界空

云何知界？眼³¹、眼界空，色、色界空，眼識、眼識界空；乃至意識界亦如是。

丑二、約出世法明

寅一、示四聖諦二義

卯一、知不二

云何知四聖諦？知苦聖諦時，遠離二法，知苦諦不二不別，是名苦聖諦。集、盡、道亦如是。

卯二、知如

云何知苦如？知³²苦聖諦即是如，如即是苦聖諦。集、盡、道亦如是。

寅二、知十二因緣不生相

云何知十二因緣？知十二因緣不生相，是名知十二因緣。」

子三、釋疑

丑一、須菩提問

須菩提白佛言：「世尊！若菩薩摩訶薩行般若波羅蜜時，各各分別知諸法，將無以色性壞法性，乃至一切種智性壞法性耶？」

丑二、佛答

寅一、反顯

³¹ 眼界 = 眼界【宋】【元】【明】【宮】(大正 08, 399d, n.12)。

³² [知] - 【聖】(大正 08, 399d, n.13)。

佛告須菩提：「若法性外更有法者，應壞法性。

寅二、正明

法性外法不可得，是故不壞。

寅三、引證

何以故？須菩提！佛及佛弟子知法性外法不可得³³，不可得³⁴故，不³⁵說法性外有法。

壬五、明學法性即是學一切法

如是！須菩提！菩薩摩訶薩行般若波羅蜜，應學法性。」

須菩提白佛言：「世尊！菩薩摩訶薩若學法性，為無所學？」

佛告須菩提：「菩薩摩訶薩學法性，則學一切法。何以故？一切法即是法性。」

須菩提白佛言：「世尊！何因緣故一切法即是法性？」

佛言：「一切法皆入無相無為性³⁶中，以是因緣故，學法性則學一切法。」

壬六、明諸法雖是法性要須修行

癸一、須菩提問

須菩提白佛言：「世尊！若一切法即是法性，菩薩摩訶薩何以³⁷學般若波羅蜜、禪那波羅蜜、毘梨耶波羅蜜、羸提波羅蜜、尸羅波羅蜜、檀那波羅蜜？

菩薩摩訶薩何以學初禪、第二、第三、第四禪？

菩薩摩訶薩何以學慈、悲、喜、捨？

何以學無邊虛空處、無邊識處、無所有處、非有想非無想處？

何以學四念處、四正勤、四如意足、五根、五力、七覺分、八聖道分？

何以學空、無相、無作解脫門？

³³ 得+（法）【宋】【元】【明】【宮】（大正 08，399d，n.14）。

³⁴ [不可得] - 【聖】（大正 08，399d，n.15）。

³⁵ 不+（可）【宋】【元】【明】（大正 08，399d，n.16）。

³⁶ 性=法【聖】（大正 08，399d，n.17）。

³⁷ 以+（故）【宋】【元】【明】【宮】（大正 08，399d，n.18）。

何以學八背捨、九次第定、佛十力、四無所畏、四無礙智、十八不共法？

何以學六神通？

何以學三十二相、八十隨形好？

何以學生剎利大姓、婆羅門大姓、居士大家？

何以學生四天王天³⁸處、三十三天、夜摩天、兜率陀天、化樂天、他化自在天？

何以學生梵天王住處、光音天、遍淨天、廣果天、無想天³⁹、淨居天？

何以學生無邊空處、生無邊識處、生無所有處、生非有想非無想處？

何以學初發意地，第二、第三、第四、第五、第六、第七、第八、第九、第十地？

何以⁴⁰學聲聞地、辟支佛地、菩薩法位？

何以學成就眾生、淨佛國土？

何以學諸陀羅⁴¹尼？

何以學樂說法？

何以學阿耨多羅三藐三菩提，學已得一切種智，知一切法？

世尊！諸法法性中無是分別。世尊！將無菩薩墮非道中？

何以故？世尊！法性中無如是分別。法性中無色，無受、想、行、識，諸⁴²法性亦不遠離色、受、想、行、識；色即是法性，法性即是色，受、想、行、識亦如是⁴³。一切法亦如是。」

癸二、佛答

子一、明菩薩雖分別諸法而不壞法性

丑一、法

佛告須菩提：「如是！如是！如汝所言：『色即是法性，受、想、行、識即是法性。』須菩提！菩薩摩訶薩行般若波羅蜜時，若法性外見有法

³⁸ [天] - 【聖】(大正 08, 400d, n.1)。

³⁹ 天=定【宮】(大正 08, 400d, n.2)。

⁴⁰ 以+(故)【聖】(大正 08, 400d, n.3)。

⁴¹ 羅=隣【宋】【元】【明】【宮】(大正 08, 400d, n.4)。

⁴² [諸] - 【宋】【元】【明】【聖】(大正 08, 400d, n.5)。

⁴³ 如是=爾【宋】【元】【明】【宮】【聖】(大正 08, 400d, n.6)。

者，為不求阿耨多羅三藐三菩提。菩薩摩訶薩行般若波羅蜜時，知一切法性即是阿耨多羅三藐三菩提；以是故，菩薩摩訶薩行般若波羅蜜時，知一切法即是法性已，以無名相⁴⁴法以名相說，所謂是色，是受、想、行、識，乃至是阿耨多羅三藐三菩提。

丑二、譬

須菩提！譬如工幻師、若幻弟子，多人處立，幻作種種形色——男、女，象、馬，端嚴園林，及諸廬館、流泉、浴池、衣服、臥具、香華、瓔珞、餽膳、飲食，作眾伎樂，以樂眾人。

又復幻作人，令布施、持⁴⁵戒、忍辱、精進、禪定、修智慧⁴⁶。

是幻師復幻作剎利大姓、婆羅門大姓、居士大家、四天王天處、須彌山、三十三天、夜摩天、兜率陀天、化樂天、他化自在天以示眾人，復幻作梵眾天乃至非有想非無想天，又幻作須陀洹、斯陀含、阿那含、阿羅漢、辟支佛。

丑三、合

菩薩摩訶薩從初發意行檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，行初地乃至行十地，入菩薩位，遊戲神通，成就眾生，淨佛國土，遊戲諸禪、解脫、三昧，行佛十力、四無所畏、四無礙智、十八不共法、大慈大悲，具足佛身三十二相、八十隨形好，以示眾人。

是中無智之人歎：『未曾有！是人多能，巧為眾事，娛樂眾人，種種形色，乃至三十二相、八十隨形好莊嚴佛身。』

其中有智之士思惟言：『未曾有也！是中無有實事，而以無所有法娛樂眾人，令有形相，無事事相，無有有相⁴⁷。』

子二、明菩薩以方便力廣修自他利行

如是！須菩提！菩薩摩訶薩不見離法性有法，行般若波羅蜜，以方便

⁴⁴ 相+(是)【宋】【元】【明】【宮】【聖】(大正 08, 400d, n.7)。

⁴⁵ (若)+持【宋】【元】【明】【宮】(大正 08, 400d, n.8)。

⁴⁶ [慧]—【宋】【元】【明】【宮】(大正 08, 400d, n.9)。

⁴⁷ [相]—【聖】(大正 08, 400d, n.10)。

力故，雖不得眾生，而自布施，亦教人布⁴⁸施，讚歎布施法，歡喜讚歎行布施者；

自持戒，亦教人持戒……；自忍辱，亦教人忍辱……；自精進，亦教人精進……；自行禪，亦教人行禪……；自修智慧，亦教人修智慧，讚歎修智慧法，歡喜讚歎修智慧者。

自行十善，亦教他⁴⁹人⁵⁰行十善，讚歎行十善法，歡喜讚歎行十善者。

自受行五戒，亦教他人受行五戒，讚歎五戒法，歡喜讚歎受行五戒者。

自受八戒齋，亦教他人受八戒齋，讚歎八戒齋法，歡喜讚⁵¹歎行八戒齋者。

自行初禪，乃至自行第四禪。……

自行慈、悲、喜、捨。……

自行無邊空處乃至非有想非無想處，亦教他人行。……

自行四念處乃至八聖道分。……

自行三解脫門、佛十力，……乃至自行十八不共法，亦教他人行十八不共法，讚歎十八不共法，歡喜讚歎行十八不共法者。

王七、略釋法性成上修行義

須菩提！若法性前、後、中有異者，是菩薩摩訶薩不能以方便力故⁵²，示法性、成就眾生。

須菩提！以法性前、後、中無異，是故菩薩行般若波羅蜜，為利益眾生故，行菩薩道。」⁵³

⁴⁸ [布] — 【宋】【元】【明】【宮】【聖】(大正 08, 400d, n.11)。

⁴⁹ [他] — 【聖】(大正 08, 400d, n.12)。

⁵⁰ [人] — 【宋】【元】【明】【宮】(大正 08, 400d, n.13)。

⁵¹ [讚] — 【聖】(大正 08, 400d, n.14)。

⁵² [故] — 【聖】(大正 08, 400d, n.15)。

⁵³ 梵無區分。(大正 08, 400d, n.16)。

《摩訶般若波羅蜜經》卷 25¹ 〈80 實際²品〉冠科³

《摩訶般若波羅蜜經》卷 25 (大正 08, 400c22-404b1) :

辛三、明為化之意⁴

壬一、明為建立眾生於實際

癸一、破二際異難

子一、須菩提難

須菩提白佛言：「世尊！若眾生畢竟不可得，菩薩為誰故行般若波羅蜜？」

子一、佛答

丑一、反其倒情

佛告須菩提：「菩薩為實際故行般若波羅蜜。

須菩提！實際、眾生際異者，菩薩不行般若波羅蜜。

丑二、正明二際不異

須菩提！實際、眾生際不異，以是故，菩薩摩訶薩為利益眾生故行般若波羅蜜。

丑三、結令住實際不壞實際

復次，須菩提！菩薩摩訶薩行般若波羅蜜時，以不壞實際法，立眾生於實際中。」

癸二、破二際一難

子一、須菩提難

須菩提白佛言：「世尊！若實際即是眾生際，菩薩則為建立實際於實際。

世尊！若建立實際於實際，則為建立自性於自性。

世尊！不應⁵建立自性於自性。

¹ 五=八【宋】【元】【明】【宮】*(大正 08, 400d, n.18)。

² (摩訶般若波羅蜜經)+實【聖】(大正 08, 400d, n.19)。

³ 妙境法師，《摩訶般若波羅蜜經》冠科(下冊)，pp.1048-1067。

⁴ 對照《大智度論》卷 90 〈80 實際品〉(大正 25, 692c15-699b23)。

世尊！云何菩薩摩訶薩行般若波羅蜜時，建立眾生於實際？」

子一、佛答

丑一、印其難

佛告須菩提：「實際不可建立於實際，自性不可建立於自性。

丑二、明建立

須菩提！今菩薩摩訶薩行般若波羅蜜時，以方便力故，建立眾生於實際；

丑三、結二際畢竟寂滅無戲論相

實際亦不異眾生際，實際、眾生際無二無別。」

壬二、廣明菩薩建立之法

癸一、就因行明令住六度

子一、須菩提問

須菩提白佛言：「世尊！何等是諸菩薩摩訶薩方便力？用是方便力，菩薩摩訶薩行般若波羅蜜時，建立眾生於實際，亦不壞實際相？」

子二、佛答

丑一、令住布施

寅一、教布施拔慳

佛告須菩提：「若菩薩摩訶薩行般若波羅蜜時，以方便力故，建立眾生於布施。

寅二、說空令不著

建立已，說布施先、後際相⁶空⁷，作是言：『如⁸是布施，前際空、後際空、中際亦空，施者亦空、施報亦空、受者亦空。

寅三、教思惟不分別

諸善男子！是一切法實際中不可得，汝等莫念布施異、施者異、施報異、受者異。若汝等不念布施異、施者異、施報異、受者異，

⁵ 應=得【宋】【元】【明】【宮】(大正 08, 401d, n.1)。

⁶〔相〕—【元】【明】(大正 08, 401d, n.2)。

⁷〔空〕—【聖】(大正 08, 401d, n.3)。

⁸〔如〕—【聖】(大正 08, 401d, n.4)。

寅四、趣甘露味果

是時，布施能取⁹甘露味、得甘露味果¹⁰。

寅五、教智果空

汝善男子！以是布施故，莫著色，莫著受、想、行、識。

何以故？是布施、布施相空，施者、施者空，施報、施報空，受者、受者空，空中布施不可得、施者不可得、施報不可得、受者不可得。

何以故？是諸法畢竟自性空故。』

丑二、令住持戒

寅一、教持戒捨十惡

復次，須菩提！菩薩摩訶薩行般若波羅蜜時，以方便力故，教眾生持戒；語眾生言：『汝善男子！除捨殺生法，乃至除捨邪見法¹¹。何以故？善男子！如汝所分別法，是諸法¹²無如是性。汝善男子！當諦思惟，何等是眾生而欲奪命？用何等物奪命？乃至邪見亦如是。』

須菩提！菩薩摩訶薩如是方便力成就眾生。

寅二、說空令不著

是菩薩摩訶薩即為眾生說布施、持戒果報，是布施、持戒果報自性空；知布施、持戒果報自性空已，是中不著；

寅三、教思惟不分別

不著故心不散，能生智慧；

寅四、趣甘露味果

以是智慧斷一切結使煩惱習¹³，入無餘涅槃。

寅五、教智果空

是世俗法，非第一實義。何以故？空中無有滅，亦無使滅者。諸法畢竟空，即是涅槃。

⁹ 取=趣【宋】【元】【明】【宮】(大正 08, 401d, n.5)。

¹⁰ 果=異【宮】(大正 08, 401d, n.6)。

¹¹ [法] - 【聖】(大正 08, 401d, n.7)。

¹² [是諸法] - 【宋】【元】【明】【宮】【聖】(大正 08, 401d, n.8)。

¹³ [習] - 【宋】【元】【明】【宮】【聖】(大正 08, 401d, n.9)。

丑三、令住忍辱

寅一、明教法

卯一、教忍辱除瞋恚

復次，須菩提！菩薩摩訶薩見眾生瞋恚惱心，教言：『汝善男子來！修行忍辱，作忍辱人，當樂忍辱。』

卯二、說空令不著

汝所瞋者自性空。

汝來，善男子！如是思惟：「我於何所法中瞋？誰為瞋者？所瞋者誰？」是法皆空，是性空法無不空時。是空非諸佛作，非辟支佛、聲聞作¹⁴，非菩薩摩訶薩作，非諸天、鬼神、龍王、阿修羅、緊陀¹⁵羅、摩睺羅伽，非四天王天乃至非他化自在天，非梵眾天乃至非淨居天，非無邊空處，乃至非有想非無想¹⁶諸天所作。

卯三、教思惟不分別

汝當如是思惟：「瞋誰？誰是瞋者？何等是瞋事？」是一切法性¹⁷空，性空法¹⁸無有所瞋。』

卯四、趣甘露味果

如是！須菩提！菩薩摩訶薩行般若波羅蜜時，以是¹⁹因緣²⁰，建立眾生於性空，次第漸漸示、教、利、喜，令得阿耨多羅三藐三菩提。

卯五、教智果空

是世俗法，非第一實義。何以故？是性空中無有得者、無有得法、無有得處。

寅二、結

須菩提！是名實際性空法。

¹⁴ [作] — 【聖】(大正 08, 401d, n.10)。

¹⁵ 陀=那【宋】【元】【明】【宮】(大正 08, 401d, n.11)。

¹⁶ 想+(處)【宋】【元】【明】【宮】(大正 08, 401d, n.12)。

¹⁷ 性=相【宋】【元】【明】(大正 08, 401d, n.13)。

¹⁸ [法] — 【聖】(大正 08, 401d, n.14)。

¹⁹ [是] — 【聖】(大正 08, 401d, n.15)。

²⁰ 緣+(法)【宋】【元】【明】【宮】(大正 08, 401d, n.16)。

菩薩摩訶薩為眾生故行是法，眾生亦不可得。何以故？一切法離眾生相。

丑四、令住精進

寅一、教二精進除懈怠

卯一、為滅惡

復次，須菩提！菩薩摩訶薩行般若波羅蜜時，方便力故，見眾生懈怠，教令身精進、心精進；作是言：『諸善男子！諸法性空中無懈怠法、無懈怠者、無懈怠事。是一切法性皆空，無過性空者。』

卯二、為生善

汝等生身精進、心精進，為生善法故，莫懈怠！善法者若布施、若持戒、若忍辱、若精進、若禪定、若智慧，若諸禪定、解脫、三昧，若四念處乃至八聖道分，若空解脫門、無相、無作解脫門，乃至十八不共法，莫懈怠！

寅二、說空令不著

諸善男子！是一切法性空中，當知無礙相，無礙法中無懈怠者，無懈怠法。』

如是！須菩提！菩薩摩訶薩行般若波羅蜜時，教眾生令住性空，不墮二法。

何以故？是性空中無二無別故。是無二法則無可著²¹處。

寅三、教思惟不分別

復次，須菩提！菩薩摩訶薩行性空般若波羅蜜時，教眾生令精進，作是言：『諸善男子！勤精進，若布施、若持戒、若忍辱、若精進、若禪定、若智慧，若禪定、解脫、三昧，若四念處乃至八聖道分，若空解脫門、無相、無作解脫門，若佛十力、若四無所畏、若四無礙智、若十八不共法、若大慈大悲。是諸法，汝等莫念二相，莫念不二相。』

何以故？是法性皆空。是性空法不應用二相念、不應用不二相念。』

寅四、趣甘露味果

如是，須菩提！菩薩摩訶薩行般若波羅蜜，以方便力故，成就眾生。

²¹ 著=瞋【聖】(大正 08, 401d, n.17)。

成就眾生已，次第教令得須陀洹果、斯陀含果、阿那含果、阿羅漢果、辟支佛道、菩²²薩位，令得阿耨多羅三藐三菩提。

丑五、令住禪定

寅一、明教法

卯一、教修禪定除亂心

復次，須菩提！菩薩摩訶薩行般若波羅蜜時，見眾生亂心，以方便力，為利益眾生故，作是言：『諸善男子！當修禪定。汝莫生亂想，當生一心。

卯二、說空令不著

何以故？是法性皆空，

卯三、教思惟不分別

性空中無有法可得若亂、若一心。

卯四、趣甘露味果

汝等住是三昧，所有作業若身、若口、若意，若布施、若持戒、若行忍辱、若勤精進、若行禪定、若修智慧，若行四念處乃至若行八聖道分，若行²³諸解脫、次第定，若行佛十力、四無所畏、四無礙智、十八不共法、大慈大悲、三十二相、八十隨形好，若聲聞道、若辟支佛道、若菩薩道、若佛道，若須陀洹果、斯陀含果、阿那含果、阿羅漢果、辟支佛道，若一切種智，若成就眾生、若淨佛國土，汝等皆當應隨所願得；

卯五、教智果空

住性空故。』

寅二、明教利益

如是，須菩提！菩²⁴薩摩訶薩行般若波羅蜜方便力，為利益眾生故，從初發意終不懈廢，常求善法，利益眾生，從一佛國至一佛國，供養諸佛，從諸佛聞法，捨身、受身，乃至阿耨多羅三藐三菩提，終不忘失。

²² (人)+菩【元】【明】(大正 08, 401d, n.18)。

²³ [行]—【聖】(大正 08, 402d, n.1)。

²⁴ (若)+菩【宋】【元】【明】【宮】*(大正 08, 402d, n.2)。

是菩薩常得諸陀羅²⁵尼法²⁶，諸根具足，所謂身根、語根、意根。

何以故？是菩薩摩訶薩常修一切種智；修一切種智故，一切諸道皆修——若聲聞道、若辟支佛道、若菩薩神通道；行神通道菩薩，常利益眾生，終不忘失。

是菩薩住報得神通，利益眾生，入生死五道，終不耗減。

寅三、結

如是，須菩提！菩薩摩訶薩行般若波羅蜜住性空，以禪定利益眾生。

丑六、令住般若

寅一、正教般若

卯一、明教法

辰一、教觀法性空

復次，須菩提！菩薩摩訶薩行般若波羅蜜，住性空，以方便力故，利益眾生，作是言：『汝等諸善男子！觀一切法性空！

辰二、趣甘露味果

善男子！汝等當作諸業——若身業、若口業、若意業，取甘露味，得甘露果。

辰三、教智果空

性空中無有法退。何以故？性空不退，亦無退者；以性空非法亦非非法，於無所有法中，云何當有退？』

卯二、勸修

須菩提！菩薩摩訶薩行般若波羅蜜時，如是教眾生常不懈廢。

寅二、別攝萬行

卯一、自行化他

是菩薩自行十善，亦教他人行十善；五戒、八戒成就齋²⁷亦如是。

自行初禪，亦教他人令行初禪；乃至第四禪亦如是。

常自行慈心，亦教他人令行慈心；乃至捨心亦如是。

²⁵ 羅=隣【宋】【元】【明】【宮】(大正 08, 402d, n.3)。

²⁶ [法]—【宋】【元】【明】【宮】【聖】(大正 08, 402d, n.4)。

²⁷ [成就齋]—【聖】(大正 08, 402d, n.5)。

自行無邊空處；亦教他人令行無邊空處；乃至非有想非無想處亦如是。

自行四念處，亦教他人令行四念處；乃至八聖道分，佛十力乃至八十隨形好亦如是。

自於²⁸須陀洹果中生智慧，亦不住是中，亦教他人令得須陀洹果；乃至阿羅漢亦如是。

自於辟支佛道中生智慧，亦不住是中，亦教他人令得辟支佛道。

自生²⁹阿耨多羅三藐三菩提道，亦教他人令生³⁰阿耨多羅三藐三菩提道。

卯二、勸修

如是，須菩提！菩薩摩訶薩行菩薩道時³¹方便力故，終不懈廢。」

癸二、就果德明令住種智

子一、令於一切種智得實觀照

丑一、明諸法雖空不妨行因得果無有斷絕

寅一、由性空故成菩提

須菩提白佛言：「世尊！若諸法性常空，常空中眾生不可得，法、非法亦不可得，菩薩摩訶薩云何求一切種智？」

佛告須菩提：「如是！如是！如汝所言：『諸法性皆空，空中眾生不可得，法、非法亦不可得。』」

須菩提！若一切法性不空，菩薩摩訶薩不依性空成阿耨多羅三藐三菩提、

寅二、為眾生說性空法

卯一、明有不可得

為眾生說性空法。

須菩提！色性空，受、想、行、識性空；菩薩摩訶薩行般若波羅蜜時，說五陰性空法，說十二入、十八界性空法；說四禪、四無量心、四無色

²⁸ [於] — 【宮】【聖】 * (大正 08, 402d, n.6)。

²⁹ 生 = 至 【宋】【元】【明】【宮】 * (大正 08, 402d, n.7)。

³⁰ [令生] — 【聖】，生 = 至 【宋】【元】【明】【宮】 (大正 08, 402d, n.8)。

³¹ 菩薩道時 = 般若波羅蜜 【宋】【元】【明】 (大正 08, 402d, n.9)。

定，四念處乃至八聖道分性空法；說三解脫門、八背捨、九次第定，佛十力、四無所畏、四無礙智、十八不共法、大慈大悲、三十二相、八十隨形好性空法；說須陀洹果、斯陀含果、阿那含果、阿羅漢果、辟支佛道、一切種智、斷煩惱習性空法。

卯二、明空不可得

須菩提！若內空性不空，外空乃至無法有法空性不空者，則壞空性。是性空不常不斷，何以故？是性空無住處，亦無所從來，亦無所從去。須菩提！是名法住相。

是中無法，無聚無散、無增無減、無生無滅、無垢無淨、是為諸法相。

寅三、由性空故發心

菩薩摩訶薩住是中，發阿耨多羅三藐三菩提心，不見法有所發，無發無住，是名法住相。

寅四、由體性空故不退轉

是菩薩摩訶薩行般若波羅蜜時，見一切法性空，不轉阿耨多羅三藐三菩提。何以故？是菩薩不見有法能障礙，當何處生疑？是名阿耨多羅三藐三菩提。

丑二、明諸法雖空而能除諸顛倒得大利益

寅一、由悟空性故能化眾生除諸顛倒

卯一、法說明性空無所有

性空不得眾生、不得我、不得人、不得壽、不得命，乃至不得知者、見者；性空中色不可得，受、想、行、識不可得，乃至八十隨形好不可得。

卯二、譬說明住空為物如化人說

須菩提！譬如佛化作四眾：比丘、比丘尼、優婆塞、優婆夷，常為是諸眾說法，千萬億劫不斷。」

佛告須菩提：「是諸化眾，當得須陀洹果、斯陀含果、阿那含果、阿羅漢果，得³²阿耨多羅三藐三菩提記不？」

³² [得] — 【聖】(大正 08, 402d, n.10)。

須菩提言：「不也！世尊！何以故？是諸化眾無有根本實事³³故。一切諸法性空，亦無根本實事。何等是眾生得須陀洹果乃至阿羅漢果³⁴、得阿耨多羅三藐三菩提記？」

卯三、合說

辰一、正明拔眾生倒

「須菩提！菩薩摩訶薩亦如是，為眾生說性空法，是眾生實不可得，以眾生墮³⁵顛倒故，拔眾生令住不顛倒。

辰二、明倒不倒不二

顛倒即是無顛倒；

辰三、明於緣成二故多倒

顛倒、不顛倒雖一相，而多顛倒、少不顛倒。

辰四、明諸法性空為無倒

無顛倒處中，則無我、無眾生，乃至無知者、見者；無顛倒處中³⁶，亦無色，無受、想、行、識，無十二入，乃至無阿耨多羅三藐三菩提——是名諸法性空。

辰五、結悟不二名拔

菩薩摩訶薩住是中，行般若波羅蜜時，於眾生相顛倒中拔出眾生，所謂無眾生、有眾生相中拔出，乃至知者、見者相中拔出。於無色色相中、無受想行識受想行識相中拔出眾生。十二入、十八界，乃至一切有漏法亦如是。

寅二、歎性空為眾行本

須菩提！亦有諸無漏法，所謂四念處、四正勤、四如意足、五根、五力、七覺分、八聖道分；如是等法，雖無漏法，亦不如第一義相³⁷。

第一義相者，無作、無為、無生、無相、無說，是名第一義，亦名性

³³ [事] — 【聖】(大正 08, 402d, n.11)。

³⁴ [果] — 【聖】(大正 08, 402d, n.12)。

³⁵ [墮] — 【聖】(大正 08, 402d, n.13)。

³⁶ [中] — 【聖】(大正 08, 403d, n.1)。

³⁷ 相+(者)【宮】(大正 08, 403d, n.2)。

空，亦名諸佛道。

是中不得眾生，乃至不得知者、見者；不得色、受、想、行、識，乃至不得八十隨³⁸形好。

何以故？菩薩摩訶薩非為道法³⁹故求阿耨多羅三藐三菩提心⁴⁰，為諸法實相性空故求阿耨多羅三藐三菩提。

是性空，前際亦是性空，後際亦是性空，中際亦是性空；常性空，無不性空時。

寅三、歎性空能成化他行

菩薩摩訶薩行是性空般若波羅蜜，為眾生種種著⁴¹相欲拔出故，求道種智。求道種智時，遍行一切道——若聲聞道、若辟支佛道、若菩薩道。

是菩薩具足一切道，拔出眾生於邪想著，淨佛國土已，隨其壽命，得阿耨多羅三藐三菩提。

寅四、由悟性空故得道果

卯一、正明

須菩提！過去十方諸佛道，所謂⁴²性空；未來、現在十方諸佛道亦⁴³性空。離性空，世間無道、無道果。要從親近諸佛，聞是諸法性空，行是法，不失薩婆若⁴⁴。」

卯二、歎述

辰一、須菩提領解稱歎

須菩提白佛言：「世尊！甚希有！諸菩薩摩訶薩有行是性空法，亦不壞性空相——所謂色與性空異，受、想、行、識與性空異，乃至阿耨多羅三藐三菩提與性空異。」

辰二、佛述成

³⁸ 隨=種【宮】(大正 08, 403d, n.3)。

³⁹ [法]—【聖】(大正 08, 403d, n.4)。

⁴⁰ [心]—【宋】【明】【宮】【聖】(大正 08, 403d, n.5)。

⁴¹ 種種著=著眾生【元】【明】【聖】(大正 08, 403d, n.6)。

⁴² [所謂]—【聖】(大正 08, 403d, n.7)。

⁴³ 亦=所謂【宋】【元】【明】【宮】(大正 08, 403d, n.8)。

⁴⁴ 薩婆若=一切種智【宋】【元】【明】【宮】(大正 08, 403d, n.9)。

巳一、正述

「須菩提！色即是性空、性空即是色；乃至阿耨多羅三藐三菩提，阿耨多羅三藐三菩提即是性空，性空即是阿耨多羅三藐三菩提。」

巳二、釋所以

午一、法

佛告須菩提：「若色與性空異，若受、想、行、識與性空異，乃至阿耨多羅三藐三菩提與性空異，菩薩摩訶薩不能得一切種智。

須菩提！今色不異性空，乃至阿耨多羅三藐三菩提不異性空；以是故，菩薩摩訶薩知一切法性空，發意求阿耨多羅三藐三菩提。何以故？是中無有法若實、若常，但凡夫著色受、想、行、識。

凡夫取色相，取受、想、行、識相，有我心著內外法⁴⁵故，受後身色、受、想、行、識；以⁴⁶是因緣故，不得脫生老病死愁憂苦惱，往來五⁴⁷道。

以是事故，菩薩摩訶薩行性空波羅蜜，不壞色等諸法相若空、若不空。何以故？色性空相，不壞色，所謂是色、是空，是⁴⁸受、想、行、識，乃至阿耨多羅三藐三菩提亦如是。

午二、譬

譬如虛空不壞虛空，內虛空不壞外虛空，外虛空不壞內虛空。

午三、合

如是！須菩提！色不壞色空相，色空相不壞色。何以故？是二法無有性能有所壞，所謂是空、是非空；乃至阿耨多羅三藐三菩提亦如是。

子二、令於菩提證平等正道

丑一、歎菩提寂滅離分別取捨

寅一、正述歎

卯一、須菩提問

須菩提白佛言：「世尊！若一切法空無分別，云何菩薩摩訶薩從初發

⁴⁵ 法＝物【聖】(大正 08，403d，n.10)。

⁴⁶ [以是因緣]－【聖】(大正 08，403d，n.11)。

⁴⁷ 五＝六【聖】(大正 08，403d，n.12)。

⁴⁸ [是受想…如是]十九字－【聖】(大正 08，403d，n.13)。

意以⁴⁹來作是願：『我當得阿耨多羅三藐三菩提？』世尊！若一切法無分別，云何菩薩發心言：『我當得阿耨多羅三藐三菩提？』

世尊！若分別諸法，不能得⁵⁰阿耨多羅三藐三菩提。」

卯二、佛答

辰一、正述

巳一、分別取二相者不得

佛告須菩提：「如是，如是！若菩薩摩訶薩行二相者，無阿耨多羅三藐三菩提；若分別作二分者，無阿耨多羅三藐三菩提。」

巳二、不分別諸法者得

若不二、不分別諸法，則是阿耨多羅三藐三菩提⁵¹。

辰二、正歎

菩提是不二相、不壞相。

須菩提！是菩提不色中行，不受、想、行、識中行，乃至菩提亦不菩提中行。

何以故？色即是菩提，菩提即是色，不二、不分別；乃至十八不共法亦如是。

辰三、結

是菩提非取故行，非捨故行。」

寅二、舉譬釋疑

卯一、化人譬

須菩提白佛言：「世尊！若菩薩摩訶薩菩提非取故行、非捨故行，菩薩摩訶薩菩提何處行？」

佛告須菩提：「於汝意云何？如佛所化人在何處行——若取中行⁵²？若捨中行？」

須菩提言：「世尊！非取中行，非捨中行。」

⁴⁹ 以=已【元】【明】【聖】*(大正 08, 403d, n.14)。

⁵⁰ [得] - 【聖】(大正 08, 403d, n.15)。

⁵¹ 提+(須菩提)【宮】(大正 08, 403d, n.16)。

⁵² [行] - 【聖】(大正 08, 403d, n.17)。

佛言：「菩薩摩訶薩菩提亦如是，非取中行、非捨中行。」

卯二、羅漢夢譬

須菩提！於汝意云何，阿羅漢夢中菩提何處行——若取中行？若捨中行不？」

「不也⁵³！世尊！非取中行、非捨中行。世尊⁵⁴！阿羅漢畢竟不眠，云何夢中菩提若取中行、若捨中行？」

「須菩提！菩薩摩訶薩阿耨多羅三藐三菩提亦如是，非取中行、非捨中行，所謂色中行乃至一切種智中行。」

丑二、明菩提雖寂滅須具萬行方乃得之

寅一、要具萬行方得菩提

卯一、須菩提問

「世尊！將無菩薩摩訶薩不行十地，不行六波羅蜜，不行三十七助道法，不行十四空，不行諸禪定、解脫、三昧，不行佛十力乃至八十隨形好、住五神通、淨佛國土、成就眾生，得阿耨多羅三藐三菩提？」

卯二、佛答

辰一、正明具足萬行乃得菩提

佛告須菩提：「如是！如是！如汝所言。今菩薩離⁵⁵菩提無處行，若不具足十地、六波羅蜜、四禪、四無量心、四無色定、四念處，乃至八聖道分，空、無相、無作⁵⁶，佛十力乃至八十隨形好、常捨行、不誑法⁵⁷、不錯謬法——不具足是諸法，終不得阿耨多羅三藐三菩提。」

是菩薩摩訶薩住色相中，住受、想、行、識相中，乃至住阿耨多羅三藐三菩提相中，能具足十地，乃至得阿耨多羅三藐三菩提。是相常寂滅，無有法能增能減、能生能滅、能垢能淨、能得道、能得果。

辰二、簡以世諦故說非第一義

⁵³ [不] — 【聖】(大正 08, 403d, n.18)。

⁵⁴ 世尊=何以故【宋】【元】【明】【宮】(大正 08, 403d, n.19)。

⁵⁵ 離=雖【宋】【元】【明】【宮】(大正 08, 403d, n.20)。

⁵⁶ 作+(解脫)【宋】【元】【明】【宮】(大正 08, 404d, n.1)。

⁵⁷ [行不誑] — 【聖】(大正 08, 404d, n.2)。

世諦法故，菩薩摩訶薩得阿耨多羅三藐三菩提，非第一實義。

何以故⁵⁸？第一義中，無有色乃至無阿耨多羅三藐三菩提，亦無行阿耨多羅三藐三菩提者。是一切法，皆以世諦故說，非第一義。

須菩提！菩薩摩訶薩從初發意以來，行阿耨多羅三藐三菩提，菩提亦不增、眾生亦不減，菩薩亦不⁵⁹增減。

辰三、以須菩提所證反問明

巳一、反問成

須菩提！於⁶⁰意云何？若人初得道時⁶¹，住無間三昧，得無漏根成就，若須陀洹果、若斯陀含果、若阿那含果、若阿羅漢果，汝爾時有所得若夢、若心、若道、若道果不？」

須菩提言：「世尊！不得也！」

佛言⁶²：「須菩提！云何當知得阿羅漢道者？」

「世尊！世諦⁶³法故分別名阿羅漢道。」

巳二、正述成

佛言：「如是！如是！須菩提！世諦故說名菩薩，說名色、受、想、行、識，乃至一切種智。是菩提中無法可得若增、若減，以諸法性空故。

諸法性空尚不可得，何況得初地心乃至十地心，六波羅蜜、三十七助道法、空三昧、無相無作三昧，乃至一切佛法當有所得？無有是處！

如是！須菩提！菩薩摩訶薩行阿耨多羅三藐三菩提，得阿耨多羅三藐三菩提⁶⁴，利益眾生。⁶⁵」

⁵⁸ [故] — 【聖】(大正 08, 404d, n.3)。

⁵⁹ 不=無【宋】【元】【明】【宮】【聖】(大正 08, 404d, n.4)。

⁶⁰ 於+(汝)【宋】【元】【明】【宮】(大正 08, 404d, n.5)。

⁶¹ [時] — 【聖】(大正 08, 404d, n.6)。

⁶² 言=告【宋】【元】【明】【聖】(大正 08, 404d, n.7)。

⁶³ 諦=俗【宋】【宮】(大正 08, 404d, n.8)。

⁶⁴ 提+(法)【宋】【元】【明】(大正 08, 404d, n.9)。

⁶⁵ 以上梵. iti Sāṃkōtika jñāna vivcāna karma.(大正 08, 404d, n.10)。

《摩訶般若波羅蜜經》卷 25 〈81 具足¹品〉冠科²

《摩訶般若波羅蜜經》卷 25 (大正 08, 404b2-407b2):

寅二、以方便故具菩薩道能得佛道度眾生³

卯一、明方便故具菩薩道能得佛道

辰一、須菩提問

須菩提白佛言：「世尊！若菩薩摩訶薩行六波羅蜜、十八空、三十七助道法，佛十力、四無所畏、四無礙智、十八不共法，不具足菩薩道，不能得阿耨多羅三藐三菩提。

世尊！菩薩摩訶薩當云何具足菩薩道，能得阿耨多羅三藐三菩提？」

辰二、佛答

巳一、舉檀明行方便義

午一、不見三事不墮有

佛告須菩提：「若菩薩摩訶薩行般若波羅蜜時，以方便力故，行檀那波羅蜜，不得施、不得施者、不得受者，

午二、不離是事不墮無

亦不遠離是法行檀那波羅蜜，是則照明菩薩道。

巳二、結

如是，須菩提！菩薩以方便力故，具足菩薩道；具足已，能得阿耨多羅三藐三菩提。

持戒、忍辱、精進、禪定、智慧，乃至十八不共法亦如是。」

卯二、明習般若故成方便

辰一、論云何習

巳一、舍利弗問

舍利弗白佛言：「世尊！云何菩薩摩訶薩習般若波羅蜜？」

¹ 具足=照明【宮】，(卷第廿六)+具足【聖】(大正 08, 404d, n.11)。

² 妙境法師，《摩訶般若波羅蜜經》冠科(下冊)，pp.1068-1084。

³ 對照《大智度論》卷 91 〈81 照明品〉(大正 25, 699c2-705b14)。

巳二、佛答

午一、明習不壞不隨行

佛告舍利弗：「若菩薩摩訶薩行般若波羅蜜，以方便力故，不壞色、不隨色。

午二、明諸法性無故

何以故？是色性無故不壞、不隨，乃至受想行識亦如是。

舍利弗！菩薩摩訶薩行般若波羅蜜，以方便力故，檀那⁴波羅蜜不壞、不隨。何以故？檀那波羅蜜性無故。乃至十八不共法亦如是。

辰二、論習般若得佛道

巳一、舍利弗問

舍利弗白佛言：「世尊！若諸法無自性可壞、可隨者，云何菩薩摩訶薩能習般若波羅蜜、諸菩薩摩訶薩所學處？何以故？菩薩摩訶薩不學般若波羅蜜，不能得阿耨多羅三藐三菩提。」

巳二、佛答

午一、可其問

佛告舍利弗：「如汝所言：『菩薩不學般若波羅蜜，不能得阿耨多羅三藐三菩提。』」

午二、標宗

不離方便力故可得。

舍利弗！若菩薩摩訶薩行般若波羅蜜，若有一法性⁵可得，應當取；若不可⁶得，何所取？所謂此是般若波羅蜜、是禪那波羅蜜、是毘梨耶波羅蜜、是羸提波羅蜜、尸羅波羅蜜、檀那波羅蜜，是色、受、想、行、識，乃至是阿耨多羅三藐三菩提。

午三、勸習無得無取行

舍利弗！是般若波羅蜜不可取相，乃至一切諸佛法不可取相。

舍利弗！是名不取般若波羅蜜乃至佛法，是菩薩摩訶薩所應學。

⁴〔那〕－【聖】(大正 08, 404d, n.13)。

⁵〔性〕－【聖】(大正 08, 404d, n.14)。

⁶〔可〕－【元】【聖】(大正 08, 404d, n.15)。

菩薩摩訶薩於是中學時，學相亦不可得，何況般若波羅蜜、佛法、菩薩法、辟支佛法、聲聞法、凡夫人法！何以故？舍利弗！諸法無一法有性。

如是無性諸法，何等是凡夫人、須陀洹、斯陀含、阿那含、阿羅漢、辟支佛、菩薩、佛？

若無是諸賢聖，云何有法？以⁷是法故，分別說是凡夫人、須陀洹、斯陀含、阿那含、阿羅漢、辟支佛、菩薩、佛？」

辰三、論云何知是凡夫乃至佛

巳一、舍利弗問

舍利弗白佛言：「世尊！若諸法無性、無實、無根本，云何知是凡夫人乃至是佛？」

巳二、佛答

午一、明凡夫顛倒著相

佛告舍利弗：「凡夫人所著處色，有性、有實不？」

「不也！世尊！但以顛倒心故。受、想、行、識乃至十八不共法亦如是。」

午二、明菩薩見法無性發無上心

「舍利弗！菩薩摩訶薩行般若波羅蜜時，以方便力故，見諸法無性、無根本故，能發阿耨多羅三藐三菩提心。」

辰四、論菩薩見法無性發無上心

巳一、舍利弗問

舍利弗白佛言：「世尊！⁸云何菩薩摩訶薩行般若波羅蜜時，以方便力故，見諸法無性、無根本故，能⁹發阿耨多羅三藐三菩提心？」

巳二、佛答

午一、深行諸法性空故不懈退

佛告舍利弗：「菩薩摩訶薩行般若波羅蜜時，不見諸法根本住中退

⁷ 以=知【元】【明】(大正 08, 404d, n.16)。

⁸ [世尊] - 【聖】(大正 08, 404d, n.17)。

⁹ [能] - 【宋】【元】【明】【宮】【聖】(大正 08, 404d, n.18)。

沒、生懈怠心。

午二、愍眾生顛倒著陰界入

舍利弗！今¹⁰諸法根本實無我、無所有、性常空；但顛倒愚癡故，眾生著陰、入、界。

卯三、以般若成就故能度眾生而無所度

辰一、以方便力為眾生說法

巳一、明方便說法

午一、為說世間善法

是菩薩摩訶薩見諸法無所有、性常空、自相空時，行般若波羅蜜，自立如幻師，為眾生說法——慳者為說布施法，破戒者為說持戒法，瞋者為說忍辱法，懈怠者為說精進法，亂者為說禪定法，愚癡者為說智慧法。令眾生住布施乃至智慧，

午二、為說出世法

然後為說聖法能出苦；用是法故，得須陀洹果，乃至得阿羅漢果、辟支佛道，乃至阿耨多羅三藐三菩提。」

巳二、明無有有所得過

舍利弗白佛言：「世尊！菩¹¹薩摩訶薩得是眾生無所有，教令布施、持戒乃至智慧，然後為說聖法能出苦；以是法故，得須陀洹果乃至阿耨多羅三藐三菩提？」

佛告舍利弗：「菩薩摩訶薩行般若波羅蜜時，無有¹²有所得過罪。何以故？舍利弗！是菩薩摩訶薩行般若波羅蜜時，不得眾生，但空法相續故名為眾生。

巳三、以二諦為方便令離有無二邊

舍利弗！菩薩摩訶薩住¹³二諦中，為眾生說法：世諦、第一義諦。舍利弗！二諦中眾生雖不可得，菩薩摩訶薩行般若波羅蜜，以方

¹⁰ [今] — 【聖】(大正 08, 404d, n.19)。

¹¹ (是)+菩【聖】(大正 08, 405d, n.1)。

¹² [有] — 【聖】(大正 08, 405d, n.2)。

¹³ 住=注【聖】(大正 08, 405d, n.3)。

便力故，為眾生說法。眾生聞是法，今世吾我尚不可得，何況當得阿耨多羅三藐三菩提者¹⁴及所用法！

如是，舍利弗！菩薩摩訶薩行般若波羅蜜時，以方便力故，為眾生說法。」

辰二、舍利弗領解稱歎

舍利弗白佛言：「世尊！是菩薩摩訶薩心曠大！無有法可得若一相、若異相、若別相，而能如是大誓¹⁵莊嚴。用是莊嚴故，不生欲界，不生色界，不生無色界；不見有為性，不見無為性，而於三界中度脫眾生，亦不得眾生。

何以故？眾生不縛不解；眾生不縛不解故，無垢無淨；無垢無淨故，無分別五¹⁶道；無分別五道故，無業無煩惱；無業無煩惱故，亦不應有果報——以是果報故，生三界中。」

辰三、佛述成

巳一、法

午一、舉失

佛告舍利弗：「如是！如是！如汝所言。若眾生先有後無，諸佛、菩薩則¹⁷有過罪。諸法、五道生死亦如是，若先有後無，¹⁸諸佛、菩薩則有過罪。

午二、顯得

舍利弗！今有佛、無佛，諸法相常住不異，是法相中尚無我、無眾生、無壽命，乃至無知者、無見者，何況當有色、受、想、行、識！若無是法，云何當有五道往來，拔出眾生處？

舍利弗！是諸法性¹⁹常空，以是故，諸菩薩摩訶薩從過去佛聞是法相，發阿耨多羅三藐三菩提意。是中無有法我當得，亦無有眾生定

¹⁴〔者〕－【聖】(大正 08, 405d, n.4)。

¹⁵〔誓〕－【元】【明】【聖】(大正 08, 405d, n.5)。

¹⁶五=六【聖】(大正 08, 405d, n.6)。

¹⁷〔則〕－【聖】(大正 08, 405d, n.7)。

¹⁸有後無=無有後【聖】(大正 08, 405d, n.8)。

¹⁹〔性〕－【宮】(大正 08, 405d, n.9)。

著處法不可²⁰出，但以眾生顛倒故著。

以是故，菩薩摩訶薩發大誓莊嚴，常不退阿耨多羅三藐三菩提。是菩薩不疑：『我當不得阿耨多羅三藐三菩提？』我必當得阿耨多羅三藐三菩提，得阿耨多羅三藐三菩提已，用實法利益眾生，令出顛倒。

巳二、譬

舍利弗！譬如幻師幻作百千萬億人，與種種飲食令飽滿，歡喜唱言：『我得大福！』²¹於汝意云何？是中有人食飲飽滿不？」

「不也，世尊！」

巳三、合

佛言：「如是！舍利弗！菩薩摩訶薩從初發意以來，行六波羅蜜，四禪、四無量心、四無色定，四念處乃至八聖道分，十四空、三解脫門、八背捨、²²九次第定，佛十力乃至十八不共法，具足菩薩道，成就眾生、淨佛國土，無眾生法可度。」

庚二、別明二種要行

辛一、略明

須菩提白佛言：「世尊！何等是菩薩摩訶薩道？菩薩行是道，能成就眾生，淨佛國土？」

佛告須菩提：「菩薩摩訶薩從初發意以來，行檀那波羅蜜，行尸羅、²³羼提、²⁴毘梨耶、²⁵禪那、²⁶般若波羅蜜，乃至行十八不共法，成就眾生、淨佛國土。」

辛二、廣明

壬一、明成就眾生

²⁰ [可] — 【聖】(大正 08, 405d, n.10)。

²¹ 福+(我得大福)【宋】【元】【明】【宮】(大正 08, 405d, n.11)。

²² 背捨=解脫【宋】【元】【明】【宮】【聖】(大正 08, 405d, n.12)。

²³ 羅+(波羅蜜)【宋】【元】【明】【宮】(大正 08, 405d, n.13)。

²⁴ 提+(波羅蜜)【宋】【元】【明】【宮】(大正 08, 405d, n.14)。

²⁵ 耶+(波羅蜜)【宋】【元】【明】【宮】(大正 08, 405d, n.15)。

²⁶ 那+(波羅蜜)【宋】【元】【明】【宮】(大正 08, 405d, n.16)。

癸一、正明成就眾生

子一、別約六度廣化眾生

丑一、明行施說三事空令得道果

須菩提白佛言：「世尊！云何菩薩摩訶薩行檀那波羅蜜，成就眾生？」

佛告須菩提：「有菩薩摩訶薩行檀那波羅蜜時，自布施，亦教眾生布施，作是言：『諸善男子！汝等莫著布施！汝著布施故當更受身，受²⁷身故多受眾苦。諸善男子！諸法相中無所施、無施者、無受者，是三法性皆²⁸空，是性空法不可取，不可取相是性空。』

如是！須菩提！菩薩摩訶薩行檀那波羅蜜時，布施眾生，是中不得布施，不得施者，不得受者。何以故？無所得波羅蜜，是名為檀那波羅蜜。

是菩薩不得是三法故，能教眾生，令得須陀洹果，乃至令得阿羅漢果、辟支佛道，阿耨多羅三藐三菩提。

如是！須菩提！菩薩摩訶薩行檀那波羅蜜時，成就眾生。

是菩薩自行布施，亦教他人行²⁹布施，讚歎布施法，歡喜讚歎行布施者。

丑二、明住布施果以四事攝取眾生

是菩薩如是布施已，生剎利大姓、婆羅門大姓、居士大家，若作小王、若轉輪聖王，是時，以四事攝取眾生。何等四？布施、愛語、利行、同事。

是四事攝取眾生已，眾生漸漸住於戒，四禪、四無量心、四無色定，四念處、八聖道分，空、無相、無作三昧，得入正位中，得須陀洹果乃至得阿羅漢果，若³⁰得辟支佛道，若教令得阿耨多羅三藐三菩提，作是言：『諸善男子！汝等當發阿耨多羅三藐三菩提心，是³¹阿

²⁷ (更)+受【宋】【元】【明】【宮】(大正 08, 405d, n.17)。

²⁸ 性皆=皆性【宋】【元】【明】【宮】(大正 08, 405d, n.18)。

²⁹ (令)+行【宋】【元】【明】【宮】(大正 08, 405d, n.19)。

³⁰ [若]—【聖】(大正 08, 405d, n.20)。

³¹ [心是]—【聖】(大正 08, 405d, n.21)。

耨多羅三藐三菩提易得耳！³²何以故？無有定法，眾生所著處，但顛倒故眾生著處³³。是故汝等自離生死，亦當教他離生死；汝等當發心，能自利益，亦當得³⁴利益他人。』

須菩提！菩薩摩訶薩應如是行檀那波羅蜜！

丑三、重明住果成就眾生

是行檀那波羅蜜因緣故，從初發意以來，終不墮惡道，常作轉輪聖王。何以故？隨其所種得大果報。

是菩薩作轉輪聖王時，見有乞者，不作是念：『我³⁵為餘事故，受轉輪聖王果，但為利益一切眾生故。』

是時，作是言：『此是汝物，汝自取之。莫有所難，我無所惜！我為眾生故受生死，憐愍汝等故，具足大悲。』

行是大悲，饒益眾生，亦不得實定眾生相，但³⁶有假名字³⁷故，可說是眾生；是名字亦空，如響³⁸聲，實不可說相。

須菩提！菩薩摩訶薩應如是行檀那波羅蜜，於眾生中無所惜，乃至不惜自身肌肉，何況外物！以是法故，能出眾生死。何等是法？所謂檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，乃至十八不共法，令眾生從生死中得脫。

丑四、明住檀中攝五度成就眾生

寅一、約攝持戒

復次，須菩提！菩薩摩訶薩住檀那波羅蜜中布施已，作是言：『諸善男子！汝等持戒來，³⁹我當供給汝等，令無所乏短，衣、食、臥具乃至資生所須，盡當給汝；汝等乏少故破戒，我當給汝所須，令無

³² 耳=取【聖】(大正 08, 405d, n.22)。

³³ [處] - 【聖】(大正 08, 405d, n.23)。

³⁴ [得] - 【宋】【元】【明】【宮】【聖】(大正 08, 406d, n.1)。

³⁵ 我+(不)【元】【明】【聖】(大正 08, 406d, n.2)。

³⁶ (空)+但【聖】(大正 08, 406d, n.3)。

³⁷ [字] - 【宋】【元】【明】【宮】【聖】(大正 08, 406d, n.4)。

³⁸ 響=響【聖】(大正 08, 406d, n.5)。

³⁹ 持戒來=來持戒【宋】【元】【明】【宮】【聖】(大正 08, 406d, n.6)。

所乏，若飲食乃至七寶。汝等住是戒律儀中，漸漸當得盡苦，成⁴⁰於三乘而得度脫——若聲聞乘、辟⁴¹支佛乘、佛⁴²乘。』

寅二、約攝忍辱

復次，須菩提！菩薩摩訶薩住檀那波羅蜜中，若見眾生瞋惱，作是言：『諸善男子！汝等以何因⁴³緣故瞋惱？我當與汝所須，汝等所欲，從我取之，悉當給汝令無所乏——若飲食、衣服乃至資生所須。』

是菩薩住檀那波羅蜜中，教眾生忍辱，作是言：『一切法中無有堅實，汝等所瞋，是因緣亦⁴⁴空無堅實，皆從虛妄憶想生，汝以⁴⁵無⁴⁶根本，瞋恚壞心，惡口罵詈，刀杖相加，以至害命！汝等莫以是虛妄法起瞋故，墮地獄、畜生、餓鬼中及餘惡道，受無量苦。汝等莫以是虛妄無實諸法故而作罪業；以是罪業故，尚不得人身，何況得生佛世！諸人！佛世難值、人身難得，汝等莫失好時！若失好時，則不可救。』

是菩薩摩訶薩如是教化眾生，自行忍辱，亦教他人令行忍辱，讚歎忍辱法，歡喜讚歎行忍辱者。

是菩薩令眾生住忍辱中，漸以三乘得盡眾苦。

如是，須菩提！菩薩摩訶薩住檀那波羅蜜，令眾生住忍辱。」

寅三、約攝精進

須菩提！云何菩薩摩訶薩住檀那波羅蜜，令眾生精進？

須菩提！菩薩見眾生懈怠，如是言：『汝等何以懈怠？』

眾生言：『因緣少故。』

是菩薩行檀那波羅蜜時，語諸人言：『我當令汝因緣具足，若布施、若持戒、若忍辱，如是等因緣故，⁴⁷令汝具足。』

⁴⁰ 成=乘【宋】【元】【明】【宮】(大正 08, 406d, n.7)。

⁴¹ (若)+辟【宋】【元】【明】(大正 08, 406d, n.8)。

⁴² (若)+佛【宋】【元】【明】【宮】(大正 08, 406d, n.9)。

⁴³ 因=以【聖】(大正 08, 406d, n.10)。

⁴⁴ [亦]—【宋】【元】【明】【宮】【聖】(大正 08, 406d, n.11)。

⁴⁵ 汝以=無【聖】，汝+(等)【三】【宮】(大正 08, 406d, n.12)。

⁴⁶ 無+(有)【宋】【元】【明】【宮】，無=有【聖】(大正 08, 406d, n.13)。

⁴⁷ [故]—【聖】(大正 08, 406d, n.14)。

是眾生得菩薩利益因緣故，身精進、口精進、心精進；身精進、口精進、心精進故，一切善法具足，修聖無漏法；修聖無漏法故，當得須陀洹果，乃至阿羅漢果、辟支佛道，若得阿耨多羅三藐三菩提。

如是，須菩提！菩薩摩訶薩行檀那波羅蜜時，住精進波羅蜜攝取眾生。

寅四、約攝禪定

須菩提！云何菩薩摩訶薩行檀那波羅蜜時，教化眾生令修禪那波羅蜜？」

佛告須菩提言：⁴⁸「菩薩見眾生亂心，作是言：『汝等可修禪定！』」

眾生言：『我等因緣不具足故。』

菩薩言：『我當與汝等作因緣，以是因緣故，令汝心不隨覺觀，心不馳散。』

眾生以是因緣故，斷覺觀入初禪、二禪、三禪、四禪，行慈、悲、喜、捨心。眾生以是禪、無量心因緣故，能修四念處，乃至八聖道分；修三十七助道法時，漸入三乘而般⁴⁹涅槃，終不失道。

如是，須菩提！菩薩摩訶薩行檀那波羅蜜時，以檀⁵⁰那波羅蜜攝取眾生，令行禪那波羅蜜。

寅五、約攝般若

須菩提！云何菩薩摩訶薩行檀那波羅蜜，以般若波羅蜜攝取眾生？須菩提！菩薩見眾生愚癡無有智慧，作是言：『汝等何以⁵¹故不修智慧？』

眾生言：『因緣未具足⁵²故。』

菩薩住檀那波羅蜜中，作是言：『汝等所須得智慧具足，從我取之，

⁴⁸ [言] — 【聖】(大正 08, 406d, n.15)。

⁴⁹ 般=得【元】【明】【聖】(大正 08, 406d, n.16)。

⁵⁰ 檀=禪【宋】【元】【明】【宮】【聖】(大正 08, 406d, n.17)。

⁵¹ [以] — 【宋】【元】【明】【宮】【聖】(大正 08, 406d, n.18)。

⁵² [足] — 【聖】(大正 08, 406d, n.19)。

所謂布施、持戒、忍辱、精進、入⁵³禪定。是因緣具足已，汝等⁵⁴如是思惟：「思惟般若波羅蜜時，有法可得不可得？若我、若眾生、若壽命乃至知者、見者可得不可得？若色受想行識，若欲界、色界、無色界，若六波羅蜜、若三十七助道法，若須陀洹果、若斯陀含、阿那含、阿⁵⁵羅漢果、辟支佛道，若阿耨多羅三藐三菩提可得不可得？」」

是眾生如是思惟時，於般若波羅蜜中，無有法可得可著處；若不著諸法，是時不見法⁵⁶有生有滅、有垢有淨；不分別——是地獄、是畜生、是餓鬼、是阿修羅眾、⁵⁷是天、是人，是持戒、是破戒，是須陀洹、是斯陀含、是阿那含、是阿羅漢、是辟支佛、是佛。

如是，須菩提！菩薩摩訶薩行檀那波羅蜜時，以般若波羅蜜攝取眾生。

子二、總明六度道品成就眾生

須菩提！云何菩薩摩訶薩住檀那波羅蜜中，以尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，乃至三十七助道法攝取眾生？

須菩提！菩薩摩訶薩住檀那波羅蜜中，以供養具利益眾生。

以是利益因緣故，眾生能修四念處、四正勤、四如意足、五根、五力、七覺分、八聖道分；眾生行是三十七助道法，於生死中得解脫。

如是，須菩提！菩薩摩訶薩以無漏聖法攝取眾生。

子三、明展轉傳化

丑一、舉布施

復次，須菩提！菩薩摩訶薩教化眾生時，如是言：『諸善男子！汝等從我取所須物，若飲食、衣服、臥具、香華乃至七寶等種種資生所須，⁵⁸汝當⁵⁹以是攝取眾生，汝等長夜利益安樂。莫作是念：「是物

⁵³ [入] — 【宋】【元】【明】【宮】(大正 08, 406d, n.20)。

⁵⁴ 汝等=作【聖】(大正 08, 406d, n.21)。

⁵⁵ (若)+阿【宋】【元】【明】(大正 08, 406d, n.22)。

⁵⁶ (諸)+法【聖】(大正 08, 406d, n.23)。

⁵⁷ [眾] — 【宋】【元】【明】【宮】(大正 08, 406d, n.24)。

⁵⁸ 資生所須=所須資生之物【宋】【元】【明】【宮】(大正 08, 407d, n.1)。

非我所有。」我長夜為眾生故，集此諸物；汝等當取是物，如己物無異。』

教化眾生令行布施、持戒、忍辱、精進、禪定、智慧，乃至令得三十七助道法、⁶⁰佛十力乃至十八不共法，亦令得諸無漏果，⁶¹所謂須陀洹果⁶²乃至阿羅漢果，辟支佛道，阿耨多羅三藐三菩提。

如是，須菩提！菩薩摩訶薩行檀那波羅蜜時，應如是教化眾生，令得離三惡道及一切生死往來苦。⁶³

丑二、例餘度

寅一、舉持戒

復次，須菩提！菩薩摩訶薩住尸羅波羅蜜教化眾生，作是語：『⁶⁴眾生！汝等少何因緣故破戒？我當與汝作具足因緣——若布施乃至智慧及種種資生所須。』

是菩薩摩訶薩住尸羅波羅蜜，利益眾生，令行十善、遠離十不善道。

是諸眾生持諸戒，不破戒、不缺戒、不濁戒、不雜戒、不取戒，漸以三乘而得盡苦。

寅二、例餘四

尸羅波羅蜜為首，如檀那波羅蜜說，餘四波羅蜜亦如是。」⁶⁵

⁵⁹ 當=等【明】(大正 08, 407d, n.2)。

⁶⁰ [法]—【宮】(大正 08, 407d, n.3)。

⁶¹ 果=法【宋】【元】【明】【宮】(大正 08, 407d, n.4)。

⁶² [果]—【宋】【元】【明】【宮】【聖】(大正 08, 407d, n.5)。

⁶³ (之)+苦【宋】【元】【明】【宮】【聖】(大正 08, 407d, n.6)。

⁶⁴ 語=言【宋】【元】【明】【宮】【聖】(大正 08, 407d, n.7)。

⁶⁵ 梵無區分。(大正 08, 407d, n.8)。

《摩訶般若波羅蜜經》卷 26 〈82 淨土¹品〉冠科²

《摩訶般若波羅蜜經》卷 26 (大正 08, 407b9-409b12):

癸二、明菩薩自住勝道教眾生無住共證菩提³

子一、明自住勝道

丑一、明菩薩所行道

寅一、須菩提心念

爾時，須菩提作是念：「何等是菩薩摩訶薩道？菩薩住是道，能作如是大誓⁴莊嚴？」

寅二、佛答

卯一、生身菩薩所行

佛知須菩提心所念，告須菩提：「六波羅蜜是菩薩摩訶薩道，三十七助道法是菩薩摩訶薩道，十八空是菩薩摩訶薩道，八背捨⁵、九次第定是菩薩摩訶薩道，佛十力乃至十八不共法是菩薩摩訶薩道。

卯二、法身菩薩所行

一切法亦是菩薩摩訶薩道。

須菩提！於汝意云何？頗有法菩薩所不學能得阿耨多羅三藐三菩提不？須菩提！無有法菩薩所不應學者。

何以故？若⁶菩薩不學一切法，不能得一切種智。」

丑二、明菩薩住空無戲論道為眾生故分別諸法

寅一、須菩提問

須菩提白佛言：「世尊！若一切法空，云何言『菩薩學一切法？』將無世尊無戲論中作戲論耶？所謂是⁷此、是彼，是世間法、是出世間法，

¹ 淨土=淨佛國【宋】【元】【明】【宮】(大正 08, 407d, n.10)。

² 妙境法師，《摩訶般若波羅蜜經》冠科(下冊)，pp.1085-1096。

³ 對照《大智度論》卷 92 〈82 淨佛國土品〉(大正 25, 705b22-709b11)。

⁴ [誓] - 【聖】(大正 08, 407d, n.12)。

⁵ 解脫=背捨【元】【明】【聖】(大正 08, 407d, n.13)。

⁶ [若] - 【聖】(大正 08, 407d, n.14)。

⁷ 法是非法=此是彼【宋】【元】【明】【宮】【聖】(大正 08, 407d, n.15)。

是有漏、是無漏，是有為、是無為，是凡夫人法、是阿羅漢法、是辟支佛法、是佛法！」

寅二、佛答

卯一、標宗

佛告須菩提：「如是！如是！一切法實空。

須菩提！若一切法不空者，菩薩摩訶薩不得阿耨多羅三藐三菩提。

須菩提！今一切法實空故，菩薩摩訶薩能得阿耨多羅三藐三菩提。

卯二、牒問

須菩提！如汝所言，若一切法空，將無⁸佛於無戲論中作戲論：分別此彼，是世間法、是出世間法乃至是佛法？

卯三、釋所以

須菩提！若世間眾生知一切法空，菩薩摩訶薩不學一切法、得一切種智。

須菩提！今眾生實不知一切法空，以是故，菩薩摩訶薩得阿耨多羅三藐三菩提已，分別諸法為眾生說。

子二、明菩薩見住勝道

須菩提！於是菩薩道，從初以⁹來，應如是思惟：『一切諸法中定性不可得，但從和合因緣起法故有名字諸法。

我當思惟諸法實性無所著——若六波羅蜜性、若三十七助道法、若須陀洹果乃至阿羅漢果、若辟支佛道、若阿耨多羅三藐三菩提。

何以故？一切法¹⁰、一切法性空，空不著空，空亦不可得，何況空中有著！』

子三、明教眾生令傳化

丑一、住是學中觀其心行

須菩提！菩薩摩訶薩如是思惟，不著一切法，而學一切法。

⁸ 將無=云何【聖】(大正 08, 407d, n.16)。

⁹ 以=已【元】【明】【聖】(大正 08, 407d, n.17)。

¹⁰ 法+(空)【聖】(大正 08, 407d, n.18)。

住是學中，觀眾生心行——是眾生心在何處行？知眾生虛¹¹妄不實中行。是時，菩薩作是念：『是眾生著不實虛妄法，易度耳！』

丑二、教令行道亦無所著

寅一、正明無住

卯一、方便示導眾生行菩薩道亦莫執著

是時，菩薩摩訶薩¹²住般若波羅蜜中，以方便力故，如是教化眾生言¹³：『汝諸眾生！當行布施，可得饒財，亦莫恃布施果而自¹⁴高。何以故？是中無堅實法。持戒、忍辱、精進¹⁵、禪定、智慧亦如是。諸眾生！行是法，可得須陀洹果乃至阿羅漢果、辟支佛道、佛道——莫念有是法。』如是教化¹⁶，行菩薩道而無所著，是中無有堅實故。

卯二、行道得果亦不住

若如是教化，是名行菩薩道，於諸法無所著¹⁷。何以故？一切法無著相，以性無故，性空故。

須菩提！是¹⁸菩薩摩訶薩如是行菩薩道時，無所住。是菩薩用不住法故，行檀那波羅蜜亦不住是中，行尸羅波羅蜜亦不住是中，行羼提波羅蜜亦不住是中，行毗梨耶波羅蜜亦不住是中，行禪波羅蜜亦不住是中，行般若波羅蜜亦不住是中。

行初禪，亦不住是中。何以故？是初禪初禪相空，行禪者亦空，所用法亦空；第二、第三、第四禪亦如是。慈悲喜捨、四無色定、八背捨¹⁹、九次第定亦如是。得須陀洹果，亦不住是中；得斯陀含果、阿那含果、阿羅漢果，亦不住是中；得辟支佛道，亦不住是中。」

¹¹ 虛=處【宮】(大正 08, 407d, n.19)。

¹² [摩訶薩] — 【聖】(大正 08, 407d, n.20)。

¹³ [眾生言] — 【聖】(大正 08, 407d, n.21)。

¹⁴ [貢] — 【宮】【聖】(大正 08, 407d, n.22)。

¹⁵ [忍辱精進] — 【宮】【聖】(大正 08, 407d, n.23)。

¹⁶ 化+(行菩薩道而無所著是中無有堅實故若如教化)十九字【聖】(大正 08, 407d, n.24)。

¹⁷ 故 +(是中無有堅實故若如是教化是名行菩薩道於諸法無所著故)廿五字【宋】【元】【明】【宮】(大正 08, 407d, n.25)。

¹⁸ 是 +(名)【宮】(大正 08, 407d, n.26)。

¹⁹ 解脫=背捨【宋】【元】【明】，【宮】【聖】(大正 08, 408d, n.1)。

寅二、釋不住因緣

須菩提白佛言：「世尊！何因緣故，不住是中？」

佛言：「二因緣故，不住是中。何等二？一者、諸道果性空，無住處，亦無所用法，亦無住者；二者、不以少事為足。作是念：『我不應不得須陀洹果，我必應當得須陀洹果，我但不應是中住；乃至辟支佛道，我不應不得，我必應當得，我²⁰但不應是中住。乃至得²¹阿耨多羅三藐三菩提不應住。何以故？我從初發意以²²來，更無餘心，一心向阿耨多羅三藐三菩提。』」

子四、明了悟無生共證菩提

丑一、明一心故能生菩提

須菩提！菩薩一心向阿耨多羅三藐三菩提中，遠離餘心，所作身、口、意業，皆應阿耨多羅三藐三菩提。

須菩提！是菩薩摩訶薩住是一心，能生菩提道。」

丑二、諸法無生愍眾生不知故起菩提道

須菩提白佛言：「世尊！若一切諸法不生，云何菩薩摩訶薩能生菩提道？」

佛告須菩提：「如是！如是！一切法無生。云何無生？無所作、無所起者，一切法不生²³故。」

須菩提白佛言：「世尊！有佛、無佛，諸法法相不常住耶？」

佛言：「如是！如是！有佛、無佛，是諸法法相常住。以眾生不知²⁴是法住法相，為是²⁵故，菩薩摩訶薩為眾生故生菩提道，用是道拔出眾生生死。」

丑三、菩提道因果不一不異

²⁰ 我=辟支佛道【宋】【元】【明】【宮】(大正 08, 408d, n.2)。

²¹ (未)+ 得【宋】【宮】(大正 08, 408d, n.3)。

²² 以=已【宋】【元】【明】【宮】【聖】*(大正 08, 408d, n.4)。

²³ 生+(故)【聖】(大正 08, 408d, n.5)。

²⁴ 知=如【聖】(大正 08, 408d, n.6)。

²⁵ 是=度【聖】(大正 08, 408d, n.7)。

寅一、四句不得破異見

須菩提白佛言：「世尊！用生道得菩提？」

佛言：「不也！」

「世尊！用不生道得菩提？」

佛言：「不也。」

「世尊！用不生非不生²⁶得菩提？」

佛言：「不也²⁷。」

寅二、明因果不異

須菩提言：「世尊！云何當得菩提？」

佛言：「非用道得菩提，亦不用非道得菩提。須菩提！菩提即是道，道即是菩提。」

寅三、破不異難

卯一、須菩提難

須菩提白佛言：「世尊！若菩提即是道，道即是菩提²⁸者，今菩薩未²⁹作佛時³⁰，應當得阿耨多羅三藐三菩提！云何說諸佛、多陀阿伽度、阿羅訶、三藐三佛陀，有三十二相、八十種隨形好、十力、四無所畏、四無礙智、十八不共法、大慈大悲？」

卯二、佛答

辰一、破人法異見

佛告須菩提：「於汝意云何？佛得菩提不？」

「不也！世尊！佛不得菩提。何以故？佛即是菩提，菩提即是佛。」

辰二、破因果不異

「如須菩提所問：『菩薩時亦應得菩提！』

²⁶ 不生非不生 = 生不生道【聖】(大正 08, 408d, n.8)。

²⁷ 也 + (世尊用不生非不生得菩提佛言不也)【聖】(大正 08, 408d, n.9)。

²⁸ [若爾] - 【聖】(大正 08, 408d, n.10)。

²⁹ 未 + (得)【聖】(大正 08, 408d, n.11)。

³⁰ [時] - 【聖】(大正 08, 408d, n.12)。

須菩提！是菩薩摩訶薩具足六波羅蜜、³¹三十七助道法，具足佛十力、四無所畏、四無礙智、十八不共法，具足住如金剛三昧，用一念相應慧，得阿耨多羅三藐三菩提，是時名為佛，一切法中得自在。」

壬二、明淨佛國土

癸一、明淨土因

子一、明無惡因

丑一、略標無三障惡

須菩提白佛言：「世尊！云何菩薩摩訶薩淨佛國土？」

佛言：「有菩薩從初發意以來，自除身粗業、除口粗業、除意粗業，亦淨他人身、口、意粗業。」

丑二、別釋粗業相

寅一、須菩提問

「世尊！何等是菩薩摩訶薩身粗業、口粗業、意粗業？」

寅二、佛答

卯一、十不善業

佛告須菩提：「不善業——若殺生乃至邪見，是名菩薩摩訶薩身、口、意粗業。」

卯二、六蔽心

復次，須菩提！慳貪心、破戒心、瞋心、懈怠心、亂心、愚癡心，是名菩薩意粗³²業。

卯三、戒不淨

復次，戒不淨，是名菩薩身、口粗業³³。

卯四、隨世間心

復次，須菩提！若菩薩遠離四念處行，是名菩薩粗業；遠離四正勤、四如意足、五根、五力、七覺分、八聖道分、空三昧、無相、無作三昧，亦名菩薩粗業。

³¹〔具足〕－【宋】【元】【明】【宮】【聖】(大正 08, 408d, n.13)。

³²意麤＝麤意【聖】(大正 08, 408d, n.14)。案：麤＝粗。

³³〔麤〕－【聖】(大正 08, 408d, n.15)。

卯五、貪二乘果

復次，須菩提！菩薩摩訶薩貪須陀洹果證³⁴，乃至貪阿羅漢果證，辟支佛道，是名菩薩摩訶薩粗業。

卯六、取相著心³⁵

復次，須菩提！菩薩取³⁶色相、受想行識相，眼相、³⁷耳鼻舌身意相，色聲香味觸法相，男相、女相，欲界相、色界相、無色界相，善法相、不善法相，有為法相、無為法相——是名菩薩粗業。

丑三、結

菩薩摩訶薩皆遠離如是粗業相。

子二、明有善因

丑一、總約六度明行善

自布施，亦教他人布施，須食與食，須衣與衣，乃至種種資生所須，盡給與之；亦教他人種種布施。持是福德與一切眾生共之，迴向淨佛國土故。持戒、忍辱、精進、禪定、智慧亦如是。

丑二、別明發願

寅一、因財以發願

卯一、七寶願

是菩薩摩訶薩或以三千大千國土滿中珍寶施與三尊，作是願言：『我以善根因緣故，令我國土皆以七寶成。』

卯二、天樂願

復次，須菩提！菩薩摩訶薩以天妓樂樂佛及³⁸塔，作是願言：『以是善根因緣³⁹故，令⁴⁰我國土中常聞天樂。』

卯三、天香願

³⁴ [證] — 【宋】【明】【宮】【聖】(大正 08, 408d, n.16)。

³⁵ 對照《大智度論》卷 93 〈82 淨佛國土品〉(大正 25, 709b20-712c18)。

³⁶ [取] — 【宋】【元】【明】【宮】(大正 08, 408d, n.17)。

³⁷ 眼 + (相) 【宋】【元】【明】【宮】【聖】(大正 08, 408d, n.18)。

³⁸ 塔 = 僧 【聖】(大正 08, 408d, n.19)。

³⁹ 緣 + (故) 【宋】【元】【明】(大正 08, 408d, n.20)。

⁴⁰ [令] — 【聖】(大正 08, 408d, n.21)。

復次，須菩提！菩薩摩訶薩以三千大千國土滿中天香供養諸佛及諸佛塔⁴¹，作是願言：『以是善根因緣，令我國土中常有天香。』

卯四、百味食願

復次，須菩提！菩薩摩訶薩以百味食施佛及僧，作是願言：『以是善根因緣故，令我國土中眾生，皆得百味食。』

卯五、天香細滑願

復次，須菩提！菩薩摩訶薩以天香細滑施佛及僧，作是願言：『以是善根因緣故，令我國土中一切眾生，受天香細滑。』

卯六、隨意五欲願

復次，須菩提！菩薩摩訶薩以隨意五欲施佛及僧并一切眾生，作是願言：『以是善根因緣故，令我國土中弟子及一切眾生皆得隨意五欲。』

是菩薩以隨意五欲共一切眾生，迴向淨佛國土，作是願言：『我得佛時，是國土中如天五欲應心而至。』

寅二、因法以發願

復次，須菩提！菩薩摩訶薩行般若波羅蜜時，作是願言：『我當自入初禪，亦教一切眾生入初禪、第二、第三、第四禪，慈、悲、喜、捨心，乃至三十七助道法亦如是；我得阿耨多羅三藐三菩提時，令一切眾生不遠離四禪，乃至不遠離三十七助道法。』

寅三、滿足眾願，自他皆成就一切善法、得身端正

如是！須菩提！菩薩摩訶薩能淨佛國土。

是菩薩隨爾所時行菩薩道，滿足⁴²諸願；是菩薩自成就一切善法，亦成就一切眾生善法；是菩薩受身端正，所化眾生亦得端正。所以者何？福德因緣厚故。

丑三、勸學

須菩提！菩薩摩訶薩應如是淨佛國土。

癸二、明淨土果

子一、明無惡果

⁴¹ 諸佛塔 = 僧【聖】(大正 08, 408d, n.22)。

⁴² 足 + (是)【聖】(大正 08, 409d, n.1)。

是國土中乃至無三惡道之名，亦無邪見、三毒、二⁴³乘——聲聞、辟支佛之名；耳不聞有無常、苦、空之聲，亦無我⁴⁴所有乃至無諸結使煩惱之名，亦無分別諸果之名。

子二、明有善果

丑一、常聞諸法實相之音

風吹七寶之樹，隨所應度而出音聲，所謂空、無相、無作，如諸法實相之音——『有佛無佛，一切法⁴⁵一切法相空，空中無有相，無相中則⁴⁶無⁴⁷作。』——出如是法音，若晝、若夜、若坐、若臥、若立、若行，常聞此法。

丑二、眾生聞佛名，必至無上菩提

是菩薩得阿耨多羅三藐三菩提時，十方國土中諸佛讚歎；眾生聞是佛名，必⁴⁸至阿耨多羅三藐三菩提。

丑三、聞法皆信受

是菩薩⁴⁹得阿耨多羅三藐三菩提時說法，眾生聞者，無有不信而生疑，言：『是法？是非法？』何以故？諸法實相中皆是法，無有非法。

子三、重明無惡果

諸有薄福之人，於諸佛及弟子中不種善根、不隨善知識，沒在我見中，乃至沒在一切種種見中，墮在邊見——若斷、若常。如是人⁵⁰以邪見故，非佛言佛，佛言非佛，非法言法，法言非法；如⁵¹是人破法故，身壞命終，墮惡道地獄中。

諸佛得阿耨多羅三藐三菩提時，見此眾生往來五⁵²道，令離邪聚，立

⁴³ 二=三【聖】(大正 08, 409d, n.2)。

⁴⁴ 我+(無我)【宮】(大正 08, 409d, n.3)。

⁴⁵ [相]—【宋】【元】【明】【宮】【聖】(大正 08, 409d, n.4)。

⁴⁶ [則]—【聖】(大正 08, 409d, n.5)。

⁴⁷ [可]—【明】【宮】【聖】(大正 08, 409d, n.6)。

⁴⁸ 必=畢【聖】(大正 08, 409d, n.7)。

⁴⁹ 佛=菩薩【宋】【元】【明】【宮】【聖】(大正 08, 409d, n.8)。

⁵⁰ [如是人]—【聖】(大正 08, 409d, n.9)。

⁵¹ [如]—【聖】(大正 08, 409d, n.10)。

⁵² 五=六【聖】(大正 08, 409d, n.11)。

正定聚中，更不墮惡道。

如是！須菩提！菩薩摩訶薩淨佛國土中眾生，無雜⁵³穢心；若世間法、若出世間法，若有漏、若無漏，若有為、若無為；

子四、重明有善果

乃至是國土中眾生，必至阿耨多羅三藐三菩提。

癸三、結

須菩提！是為菩薩摩訶薩淨佛國土。」

⁵³ 雜＝離【聖】(大正 08，409d，n.12)。

《摩訶般若波羅蜜經》卷 26 〈83 畢定品〉冠科¹

《摩訶般若波羅蜜經》卷 26 (大正 08, 409b13-411b14):

己三、明自他行成位階不退²

庚一、明自行德成

辛一、畢定作佛

壬一、總標

須菩提白佛言：「世尊！是菩薩摩訶薩為畢定³？為不畢定？」

佛告須菩提：「菩薩摩訶薩畢定，非不畢定。」

壬二、別釋

癸一、約所行道辨

「世尊！何處畢定？為聲聞道中？為辟支佛道中？為佛道中？」

佛言：「菩薩摩訶薩非聲聞、辟支佛道中畢定，是佛道中畢定。」

癸二、約求道者辨

須菩提白佛言：「世尊！為初發意菩薩畢定？為最後身菩薩畢定？」

佛言：「初發意菩薩亦畢定，阿惟越⁴致菩薩亦畢定，後身菩薩亦畢定。」

辛二、永無八難

「世尊！畢定菩薩墮惡道中生不？」

「不也，須菩提！於汝意云何？若八人、若須陀洹、斯陀含、阿那含、阿羅漢、辟支佛，生惡道中不？」

「不也，世尊！」

「如是，須菩提！菩薩摩訶薩從初發意已來，布施、持戒、忍辱、精進、行禪定、修智慧，斷一切不善業；若墮惡道、若生長壽夭、若不得

¹ 妙境法師，《摩訶般若波羅蜜經》冠科(下冊)，pp.1097-1108。

² 對照《大智度論》卷 93 〈83 畢定品〉(大正 25, 712c20-715a12)。

³ 定=竟【聖】*(大正 08, 409d, n.14)。

⁴ 惟越=毘跋【宋】【元】【明】【宮】【聖】(大正 08, 409d, n.15)。

修善法處、若生邊國、若生惡邪見家、無作見家，是中⁵無佛名、無法名、無僧⁶名，無有是處！

須菩提！初發意菩薩於阿耨多羅三藐三菩提以深心行十不善道，無有是處！」

庚二、明化他德成

辛一、能化物無染

「世尊！若菩薩摩訶薩有如是善根功德成就，如佛自說本生受不善果報，是時善根為何所在？」

佛告須菩提：「菩薩摩訶薩為利益眾生故，隨而受身，以是身利益眾生。須菩提！菩薩摩訶薩作畜生時，有是⁷方便力，若怨賊欲來殺害，以⁸是⁹無上忍辱、無上慈悲心捨身，不惱惡¹⁰賊；汝諸聲聞、辟支佛無¹¹有是力¹²。

以是故，須菩提！當知菩薩摩訶薩欲具足大慈心、為憐愍利益眾生，故受畜生身。」

辛二、出其化本

壬一、以般若方便力故現生惡道而不染

癸一、明菩薩成就一切白淨無漏法

須菩提白佛言：「世尊！菩薩摩訶薩住何等善根中受如是諸身？」

佛告須菩提：「菩薩摩訶薩從初發意乃至道場，於其中間，無有善根不具足者；具足已，當得阿耨多羅三藐三菩提。

以是故，菩薩摩訶薩從初發意，應當學具足一切善根；學善根已，當得一切種智，當斷一切煩惱習。」

⁵〔是中〕－【聖】。(大正 08, 409d, n.16)。

⁶僧＝眾【宮】【聖】。(大正 08, 409d, n.17)。

⁷是＝大【宋】【元】【明】，〔是〕－【宮】＊。(大正 08, 409d, n.18)。

⁸以是＝中以【聖】。(大正 08, 409d, n.19)。

⁹〔是〕－【宋】【元】【明】【宮】。(大正 08, 409d, n.20)。

¹⁰惡＝怨【宋】【元】【明】【宮】【聖】。(大正 08, 409d, n.21)。

¹¹〔無〕－【宋】【元】【明】【宮】。(大正 08, 409d, n.22)。

¹²力＋(不須菩提言無也)【宋】【元】【明】【宮】。(大正 08, 409d, n.23)。

癸二、以方便力故現生惡道而無染

子一、舉佛證明

須菩提白佛言：「世尊！云何菩薩摩訶薩成就如是白淨無漏法，而生惡道畜生中？」

佛告須菩提：「於汝意云何，佛成就白淨無漏法不？」

須菩提言：「佛一切白淨無漏法成就。」

「須菩提！若佛自化作畜生身，作佛事、度眾生，實是畜生不？」

須菩提言：「不也。」

佛言：「菩薩摩訶薩亦如是，成就白淨無漏法，為¹³度眾生故受畜生身，用是身教化眾生。」

子二、舉變化譬明

佛告須菩提：「如阿羅漢作變化身，能使眾生歡喜不？」

須菩提言：「能。」

佛言：「如是！如是！須菩提！菩薩摩訶薩用是白淨無漏法，隨應¹⁴度眾生而受身，以是身利益眾生，亦不受苦¹⁵。」

子三、舉幻事譬明

須菩提！於汝意云何？幻師幻作種種形，若象馬、牛羊、男女如是¹⁶等，以示眾生¹⁷。須菩提！是象馬、牛羊、男女等，有實不？」

須菩提言：「不¹⁸也！世尊！」

佛言：「如是！須菩提！菩薩摩訶薩白淨無漏法成就，現作種種身，以示眾生故，以是身饒益一切，亦不受苦¹⁹。」

¹³ [為度眾生] — 【聖】。(大正 08, 409d, n.24)。

¹⁴ [應] — 【聖】。(大正 08, 409d, n.25)。

¹⁵ 苦+(痛)【宋】【元】【明】【宮】。(大正 08, 410d, n.1)。

¹⁶ [如是] — 【宋】【元】【明】【宮】。(大正 08, 410d, n.2)。

¹⁷ 生=人【宋】【元】【明】【宮】【聖】。(大正 08, 410d, n.3)。

¹⁸ 不+(實)【宋】【元】【明】【宮】【聖】。(大正 08, 410d, n.4)。

¹⁹ (眾)+苦【宋】【元】【明】【宮】。(大正 08, 410d, n.5)。

壬二、以般若方便力起神通

癸一、明由實慧起方便

子一、須菩提問

須菩提白佛言：「世尊！菩薩摩訶薩大方便力，得聖無漏智慧，而隨所應度眾生身，而作種種形以度眾生。

世尊！菩薩摩訶薩住何等白淨法，能作如是方便而不受染污？」²⁰

子二、佛答

丑一、住無所得空中得佛菩提

佛言：「菩薩用般若波羅蜜作如是方便力，於十方如恆河沙等國土中饒益眾生，亦不貪著是身。何以故？著者、著法、著處——是三法皆不可得，自性空故。

空不著空，空中無著者，亦無著處。何以故？空中空相不可得²¹故。須菩提！是名不可得空。

菩薩住是中，能得阿耨多羅三藐三菩提。」

丑二、明住般若則住一切法

「世尊！菩薩但住般若波羅蜜中得阿耨多羅三藐三菩提，不住餘法中耶²²？」

「須菩提！頗有法不入般若波羅蜜者不？」

「世尊！若般若波羅蜜自性空，云何一切法皆入般若波羅蜜中？世尊！空中無有法若入、若不入。」

「須菩提！一切法、一切法相空不？」

「世尊！空！」

「須菩提！若一切法²³、一切法相空，云何言『一切法不入空中』？」

癸二、明方便起神通諸行

子一、須菩提問

²⁰ 對照《大智度論》卷 94〈83 畢定品〉(大正 25, 715a20-718b10)。

²¹ 得+(故)【宋】【元】【明】【宮】。(大正 08, 410d, n.6)。

²² [耶]—【聖】。(大正 08, 410d, n.7)。

²³ 法=相【聖】。(大正 08, 410d, n.8)。

須菩提白佛言：「世尊！云何菩薩摩訶薩行般若波羅蜜時，住一切法空中，能起神通波羅蜜；住²⁴是神通波羅蜜中，到十方如恒河沙等國土，供養現在諸佛，聞諸佛說法，於諸佛所種善根？」

子二、佛答

丑一、明由般若起神通

佛告須菩提：「菩薩摩訶薩行般若波羅蜜時，觀是十方如恒河沙等國土皆空，是國土中諸佛性亦²⁵空，但假名字故，諸佛現身所假名字亦空。

若十方國土及諸佛性不空者，空為有偏；以空不偏故，一切法、一切法相空。以是故，一切法、一切法相空。

是故菩薩摩訶薩行般若波羅蜜，用方便力，生神通波羅蜜。

丑二、明起神通自他行成

寅一、明自行成

住是神通波羅蜜中，起天眼、天耳、如意足、知他心、宿命智，知眾生生死。

若菩薩遠離神通波羅蜜，不能得²⁶饒益眾生，亦不能得阿耨多羅三藐三菩提。是菩薩摩訶薩神通波羅蜜，是阿耨多羅三藐三菩提利益²⁷道。

何以故？用是天眼自見諸善法，亦教他²⁸人令得諸善法，於善法亦不著；諸善法自性空故。空無所著，若著則受味，是空中無有味。

是菩薩摩訶薩行般若波羅蜜時，能生如是天眼，用是眼²⁹觀一切法空；見是法空，不取相、不作業；亦為人說是³⁰法，亦不得眾生相，不得眾生名。

如³¹是，菩薩摩訶薩用無所得法故³²起神通波羅蜜，用是神通波羅蜜，

²⁴ 住=作【宮】。(大正 08, 410d, n.9)。

²⁵ 性亦=亦性【宋】【元】【明】【宮】【聖】。(大正 08, 410d, n.10)。

²⁶ 得=轉【元】【明】。(大正 08, 410d, n.11)。

²⁷ [利益] - 【聖】。(大正 08, 410d, n.12)。

²⁸ [他] - 【明】【宮】。(大正 08, 410d, n.13)。

²⁹ (天)+眼【宋】【元】【明】【宮】。(大正 08, 410d, n.14)。

³⁰ (如)+是【聖】。(大正 08, 410d, n.15)。

³¹ [如] - 【宋】【元】【明】【宮】。(大正 08, 410d, n.16)。

³² [用無所得法故] - 【聖】。(大正 08, 410d, n.17)。

神通所應作者能作。

寅二、明化他行成

卯一、略明神通利物

辰一、總明廣說諸法

是菩薩用天眼過於人眼，見十方國土；見已，飛到十方，饒益眾生——或以布施、或以持戒、或以忍辱、或以精進、或以禪定、或以智慧饒益眾生；或以三十七助道法，或以諸禪、解脫、三昧，或以聲聞法、或以辟支佛法、或以菩薩法、或以佛法饒益眾生。

辰二、別明

巳一、教布施

為慳者如是說法：『諸眾生！當行布施。貧窮是苦惱法！貧窮之人自不能益，何能益他？以是故，汝等當勤布施，自身得樂，亦能令他得樂；莫以貧窮故，共相食噉，不得離三惡道。』

巳二、教持戒

為破戒者說法：『諸眾生！破戒法大苦惱！破戒之人自不能益，何能益他？破戒法³³受苦果報——若在地獄，若在餓鬼，若在畜生。汝等墮三惡道中，自不能救，何能救人？以是故，汝等不應墮³⁴破戒心，死時有悔。』

巳三、教忍辱

若有共相瞋諍者，如是說³⁵法：『諸眾生！莫共相瞋！瞋亂心人³⁶，不順善法。汝等今共相瞋亂心，或墮地獄、若餓鬼、畜生中。以是故，汝等不應生一念瞋恚心，何況多！』

巳四、教精進

為懈怠眾生說法，令得精進。

巳五、教禪定

³³ 法+(者)【聖】。(大正 08, 410d, n.18)。

³⁴ 墮=隨【明】【聖】。(大正 08, 410d, n.19)。

³⁵ 如是說=說如是【宋】【元】【明】【宮】【聖】。(大正 08, 410d, n.20)。

³⁶ 人心=心人【聖】。(大正 08, 410d, n.21)。

散亂眾生，令得禪定。

巳六、教智慧

愚癡眾生，令得智慧亦如是。

巳七、教除三毒

行³⁷淫欲者，令觀不淨；瞋恚³⁸者，令觀慈心；愚癡眾生，令觀十二因緣。

巳八、教入正道

行非道眾生，令入正道，所謂聲聞道、辟支佛道、佛道。為是眾生如是說法：『汝³⁹等所著是法性空，性空法中不可得著，不著相是空相。』

辰三、舉譬勸修

如是！須菩提！菩薩摩訶薩行般若波羅蜜時，住神通波羅蜜中，為眾生作利益。

須菩提！菩薩若遠離神通，不能隨眾生意善說⁴⁰法。以是故，須菩提！菩薩摩訶薩行般若波羅蜜時，應起神通。

須菩提！譬如鳥無翅不能高翔；菩薩無神通，不能隨意教化眾生。

以是故，須菩提！菩薩摩訶薩行般若波羅蜜，應起諸神通；起諸神通已，若欲饒益眾生，隨意能益。

卯二、廣明神通利物

辰一、明六通利物

巳一、天眼通

是菩薩用天眼見如恆河沙等諸國土及見是國土中眾生；見已，用⁴¹神通力往到其所，知眾生心，隨其所應而為說法——或說布施，或說⁴²持戒，或說禪定，乃至或說⁴³涅槃法。

³⁷ [行] - 【聖】。(大正 08, 410d, n.22)。

³⁸ 恚+(者)【宋】【元】【明】【宮】【聖】。(大正 08, 410d, n.23)。

³⁹ [如] - 【聖】。(大正 08, 410d, n.24)。

⁴⁰ 善說=說善【聖】。(大正 08, 410d, n.25)。

⁴¹ 以=用【宋】【元】【明】【宮】。(大正 08, 410d, n.26)。

⁴² [說] - 【聖】。(大正 08, 411d, n.1)。

⁴³ (或)+說【宋】【元】【明】【宮】*【聖】。(大正 08, 411d, n.2)。

巳二、天耳通

是菩薩用天耳，聞二種音聲：若人、若非人。用天耳聞十方諸佛所說法，皆能受持；如所聞法為眾生說——或說布施，乃至或說涅槃。

巳三、他心智通

是菩薩淨他心智，用他心智知眾生心，隨其所應而為說法——或說布施，乃至或說涅槃。

巳四、宿命智通

是菩薩宿命智⁴⁴種種本生處憶念⁴⁵，亦自憶、亦憶他人；用是宿命智，念⁴⁶過去在在處處諸佛名字及弟子眾；有眾生信樂宿命者，為現宿命事而為說法——或說布施，乃至或說涅槃。

巳五、如意通

用如意神通力到種種無量諸佛國土，供養諸佛，從諸佛種善根，還來本國。

巳六、漏盡智證通

是菩薩漏盡神通智證，用是漏盡神通智證故，為眾生隨應說法——或說布施，乃至或說涅槃。

辰二、歎苦樂不染

如是，須菩提！菩薩摩訶薩行般若波羅蜜時，應如是起諸神通。

菩薩用修是神通故，隨意受身，苦樂不染；譬如佛所化人，作一切事，苦樂不染。

壬三、以神通力嚴土熟生滿菩提願

癸一、正明嚴土熟生

菩薩摩訶薩行般若波羅蜜時，應如是遊戲神通，能淨佛國⁴⁷土、成就眾生。

復次，須菩提！菩薩摩訶薩不淨佛國土、不成就眾生，不能得阿耨多

⁴⁴ 智+(憶念)【宋】【元】【明】【宮】【聖】。(大正 08, 411d, n.3)。

⁴⁵ [憶念] - 【宋】【元】【明】【宮】【聖】。(大正 08, 411d, n.4)。

⁴⁶ (憶)+念【宋】【元】【明】【宮】。(大正 08, 411d, n.5)。

⁴⁷ [國] - 【聖】*。(大正 08, 411d, n.6)。

羅三藐三菩提。何以故？因緣不具足故，不能得阿耨多羅三藐三菩提。」

癸二、明具諸善法因緣

子一、略明

須菩提白佛言：「世尊！何等是菩薩摩訶薩因緣具足已，得阿耨多羅三藐三菩提？」

佛告須菩提：「一切善法是菩薩阿耨多羅三藐三菩提因緣。」

子二、別明

丑一、須菩提問

須菩提白佛言：「世尊！何等是善法，以是善法故，得阿耨多羅三藐三菩提？」

丑二、佛答

寅一、約檀明

卯一、明不分別三事行檀自利利他

佛告須菩提：「菩薩從初發意已來，檀波羅蜜是善法⁴⁸因緣，是中無分別是布施⁴⁹者、是受者，性空故。用是檀波羅蜜能自利益，亦能利益眾生——從生死拔出，令得涅槃。是諸善法皆是菩薩摩訶薩阿耨多羅三藐三菩提因緣。」

卯二、結三世菩薩行是道度生死

行是道，過去、未來、現在諸菩薩摩訶薩得度生死——已度、今度、當度。

寅二、例餘法

尸羅波羅蜜、羼提波羅蜜、毘梨耶波羅蜜、禪那⁵⁰波羅蜜、般若波羅蜜，四禪、四無量心、四無色定，四念處乃至八聖道分，十八空，八解脫⁵¹，九次第定，陀羅尼門，佛十力、四無所畏、四無礙智、十八不共法——如是等功德，皆是阿耨多羅三藐三菩提道。

⁴⁸ 善法 = 菩薩【聖】。(大正 08, 411d, n.7)。

⁴⁹ [布] - 【宋】【元】【明】【宮】。(大正 08, 411d, n.8)。

⁵⁰ [那] - 【元】【明】。(大正 08, 411d, n.9)。

⁵¹ 解脫 = 背捨【元】【明】【聖】。(大正 08, 411d, n.10)。

癸三、結

須菩提！是名善法。

菩薩摩訶薩具足是善法已，當得一切種智；得一切種智已，當轉法輪；轉法輪已，當度眾生。⁵²」

⁵² 以上梵. *iti Bodhyāṅga niveśanakarma*. (大正 08，411d，n.11)。

《摩訶般若波羅蜜經》卷 26 〈84 差別品〉 冠科¹

《摩訶般若波羅蜜經》卷 26 (大正 08, 411b17- 412b16):

丁三、明方便得果

戊一、明得菩提果²

己一、明差別

庚一、明佛菩薩所行雖同而有當現之異

辛一、須菩提問

須菩提白佛言：「世尊！若是諸法是菩薩法，何等是佛法？」

辛二、佛答

壬一、牒問

佛告須菩提：「如汝所問『是諸法是菩薩法，何等是佛法』者。

壬二、正答

癸一、法

須菩提！菩薩法亦是佛法。

若知一切種，是得一切種智³，斷一切煩惱習，菩薩當得是法；佛以一念相應慧，知一切法已，得阿耨多羅三藐三菩提。

須菩提！是為菩薩、佛之差別。

癸二、譬

譬如向道、得⁴果異，是二人俱為聖人⁵，而有得、向之異⁶。

癸三、合

如是，須菩提！若⁷菩薩摩訶薩無礙⁸道中行，是名菩薩⁹；解脫道中無

¹ 妙境法師，《摩訶般若波羅蜜經》冠科(下冊)，pp.1109-1114。

² 對照《大智度論》卷 94 〈84 四諦品〉(大正 25, 718b11-721b26)。

³ 智+(是得一切種智)【聖】(大正 08, 411d, n.14)。

⁴ (與)+得【宋】【明】【宮】(大正 08, 411d, n.15)。

⁵ 聖人=賢聖【宮】(大正 08, 411d, n.16)。

⁶ [而有得向之異]—【聖】(大正 08, 411d, n.17)。

⁷ [若]—【元】【明】【聖】(大正 08, 411d, n.18)。

⁸ 礙=間【聖】(大正 08, 411d, n.19)。

一切闇蔽，是名¹⁰為佛。」

庚二、明空雖不二迷悟不同

辛一、須菩提問

須菩提白佛言：「世尊！若一切法自相空，自相空法中，云何有差別之異——是地獄、是餓鬼、是畜生，是天、是人，是性地人、是八人地¹¹、是須陀洹人、是斯陀含、阿那含、阿羅漢人、是辟支佛、是菩薩、是多陀阿伽度、阿羅訶、三藐三佛陀？」

世尊！如諸人不可得，業因緣亦不可得，果報亦不可得！」

辛二、佛答

壬一、第一義中無別

佛言：「如是！如是！如汝所言，自相空法中，無眾生、無業因緣、無果報。

壬二、世諦有別

癸一、眾生迷故造業受報

須菩提！若有¹²眾生不知是諸法自相空，是眾生作業因緣——若善¹³、若惡¹⁴、若無動；

罪業因緣故，墮三惡道中；

福¹⁵業因緣故，在人、天中生；

無動業因緣故，色、無色界¹⁶中生。

癸二、菩薩悟故得道益物

是菩薩摩訶薩行檀那¹⁷波羅蜜乃至十八不共法時，盡受行是助道法入

⁹ 薩+(摩訶薩)【宋】【元】【明】【宮】【聖】(大正 08, 411d, n.20)。

¹⁰ [名]—【元】【聖】(大正 08, 411d, n.21)。

¹¹ 人地=地人【宋】【宮】，=人地人【元】【明】【聖】(大正 08, 411d, n.22)。

¹² [若有]—【元】【明】【聖】(大正 08, 411d, n.23)。

¹³ 善=罪【明】【宮】(大正 08, 411d, n.24)。

¹⁴ 惡=福【明】【宮】(大正 08, 411d, n.25)。

¹⁵ (生)+福【宮】(大正 08, 411d, n.26)。

¹⁶ [界]—【元】【明】(大正 08, 411d, n.27)。

¹⁷ [那]—【元】【明】【聖】(大正 08, 411d, n.28)。

18；如金剛三昧得阿耨多羅三藐三菩提；得¹⁹已，饒益眾生。是利當²⁰不失故，不墮五²¹道生死中。」

庚三、佛不得六道為眾生故證得菩提廣說四諦實諦

辛一、略明諸法自相空中無業果差別

須菩提白佛言：「世尊！佛得阿耨多羅三藐三菩提已，得六道生死不？」

佛言：「不得也。」

須菩提言²²：「世尊！得業若黑、若白、若黑白、若不黑不白不？」

佛言：「不也。」

辛二、愍眾生不知性空故菩薩發心求道

壬一、須菩提問

「世尊！若不得，云何說是²³地獄、餓鬼、畜生、人、天、須陀洹乃至阿羅漢、辟支佛、菩薩、諸²⁴佛？」

壬二、佛答

癸一、正說

「須菩提！若眾生知諸法自相空，菩薩摩訶薩不求阿耨多羅三藐三菩提，亦不拔眾生於三惡趣²⁵，乃至五道往來²⁶生死中。

須菩提！以眾生實不知諸法自性空故，不得脫五道生死；是菩薩從諸佛所，聞諸法自相空，發意求阿耨多羅三藐三菩提。

癸二、釋因

須菩提！諸法不爾如凡人所著；

18 [入] — 【宋】【元】【明】【宮】(大正 08, 411d, n.29)。

19 [得] — 【宋】【元】【明】(大正 08, 411d, n.30)。

20 當=常【宮】【聖】(大正 08, 411d, n.31)。

21 五=六【宋】【元】【明】【宮】【聖】*(大正 08, 411d, n.32)。

22 [言] — 【聖】(大正 08, 411d, n.33)。

23 [是] — 【聖】(大正 08, 411d, n.34)。

24 (是)+諸【聖】(大正 08, 411d, n.35)。

25 趣=道【聖】(大正 08, 411d, n.36)。

26 五道往來=往來六道【宋】【元】【明】【宮】【聖】(大正 08, 411d, n.37)。

是眾生於無所有法中，顛倒妄想分別得法——無眾生有眾生相²⁷，無色有²⁸色相，無受想行識，有受想行識相；乃至一切有為法無所有，用顛倒妄想心，作身、口、意業因緣，往來五道生死中，不²⁹得脫。

辛三、明為物故行諸行

是菩薩摩訶薩行般若波羅蜜時，一切善法內般若波羅蜜中，行菩薩道，得阿耨多羅三藐三菩提；

辛四、菩薩成佛道已教化眾生

壬一、說四諦

得阿耨多羅三藐三菩提已，為眾生說四聖諦——苦³⁰、集、苦滅、苦滅道，開示分別。一切助道善法皆入四聖諦中，用是助道善法故，分別有三寶。何等三？佛寶、法寶、僧寶。不信拒逆是三寶故，不得離五道生死。」

壬二、說一乘實諦

癸一、總明四諦平等即是涅槃

子一、須菩提問

須菩提白佛言：「世尊！用苦聖諦得度？用苦智得度？用集聖諦得度？用集智得度？用滅聖諦得度？用滅智得度？用道聖諦得度？用道智得度？」

子二、佛答

佛告須菩提：「非苦聖諦得度，亦非苦智³¹；乃至非道聖諦得度，亦非道智。

須菩提！是四聖諦平等故，我說即是涅槃；不以苦聖諦，不以集、滅、道聖諦，亦不以苦智、不以集、滅、道智得涅槃。」

癸二、別明四諦平等義

子一、須菩提問

²⁷ 相=想【元】【明】*，【聖】(大正 08，411d，n.38)。

²⁸ [有]—【宮】【聖】*(大正 08，411d，n.39)。

²⁹ 不=無【聖】(大正 08，412d，n.1)。

³⁰ (苦)+苦【宋】【元】【明】【宮】【聖】(大正 08，412d，n.2)。

³¹ 智+(得度)【元】【明】*(大正 08，412d，n.3)。

須菩提白佛言：「世尊！何等是四聖諦平等相？」

子二、佛答

丑一、無四諦、四諦智

「須菩提！若無苦、無苦智，無集、無集智，無滅、無滅智，無道、無道智，是名四聖諦平等相³²。

丑二、四諦實相

復次，須菩提！是³³四聖諦如，不異法相、法性、法住、法位³⁴、實際，有佛、無佛，法相常住，為不誑不失故。

庚四、明稟教得悟更能傳化

辛一、總明

是菩薩摩訶薩行般若波羅蜜時，為通達實諦故，行般若波羅蜜。」

辛二、別明

壬一、通達實諦即能過二乘入菩薩位

癸一、須菩提問

須菩提白佛言：「世尊！云何菩薩摩訶薩為通達實諦故，行般若波羅蜜，如通達實諦故，不墮聲聞、辟支佛地，直入菩薩位³⁵中？」

癸二、佛答

子一、辨菩薩內心

丑一、見實諦入菩薩位

佛告須菩提：「若菩薩摩訶薩如實見諸法；見已，得無所有法；得無所有法已，見一切法空——四聖諦所攝、四聖諦所不攝法皆空。

若如是觀，是時便入菩薩位中，是為菩薩住性地中，不從頂墮。

丑二、未悟則墮二乘地

用是頂墮故，墮聲聞、辟支佛地。

子二、明通達實相順向菩提

³² [相] — 【聖】(大正 08, 412d, n.4)。

³³ [是] — 【宮】(大正 08, 412d, n.5)。

³⁴ 位=住【宮】(大正 08, 412d, n.6)。

³⁵ [位] — 【聖】(大正 08, 412d, n.7)。

是菩薩住性³⁶中，能生四禪、四無量心、四無色定。

是菩薩住是初定地中，分別一切諸法，通達四聖諦——知苦，不生緣苦心；乃至知道，不生緣道心。但順阿耨多羅三藐三菩提心，觀諸法如實相。」

壬二、空觀成就以方便力為眾生說法

癸一、明以自相空觀諸法空得佛菩提

「世尊！云何觀諸法如實相？」

佛言：「觀諸法空。」

「世尊！何等空觀？」

佛言：「自相空。是菩薩用如是智慧觀一切法空，無法性可³⁷見住是³⁸性中得阿耨多羅三藐三菩提。」

癸二、明般若非凡聖所作本性清淨

何以故？無性相是阿耨多羅三藐三菩提；非諸佛所作，非辟支佛所作，亦非阿羅漢所作，亦非向道人所作，亦非得果人所作，亦非菩薩所作。

癸三、愍眾生不見實相故以方便力為說法

但眾生不知不見諸法如實相，以是事故，菩薩摩訶薩行般若波羅蜜，以方便力故為³⁹眾生說法。」

³⁶ 性+(地)【宋】【元】【明】【聖】(大正 08, 412d, n.8)。

³⁷ 可=不【聖】(大正 08, 412d, n.9)。

³⁸ 是+(法)【宋】【元】【明】【宮】(大正 08, 412d, n.10)。

³⁹ 為+(是)【宮】(大正 08, 412d, n.11)。

《摩訶般若波羅蜜經》卷 26 〈85 七譬品〉 冠科¹

《摩訶般若波羅蜜經》卷26（大正08，412b18-413c9）：

己二、明平等²

庚一、舉譬明本性清淨

辛一、明諸法本淨迷悟不同故有六道三乘

壬一、須菩提問

癸一、領前旨

須菩提白佛言：「世尊！若諸法性無所有，非佛所作，非辟支佛所作，非阿羅漢所作，非³阿那含、斯陀含、須陀洹所作，非向道人、非得⁴果人、非菩薩所作。

癸二、正設難

子一、列諸道

云何分別有諸法異——是地獄、是畜生、是餓鬼、是人、是天，乃至是⁵非有想非無想天？

用是業因緣故，知有生地獄者；是業因緣故，知有生畜生、餓鬼者；是業因緣故，知有生人中，生四天王天，乃至生非有想非無想天者；

是業因緣故，知有得須陀洹、斯陀含、阿那含、阿羅漢、辟支佛者；是業因緣故，知是諸菩薩摩訶薩；是業因緣故，知是多陀阿伽度、阿羅訶、三藐三佛陀？

子二、難應無諸道異

世尊！無性法中，無有業用。作業因緣故，若墮地獄、餓鬼、畜生，若人⁶、天乃至生非有想非無想天；以是業因緣故，得須陀洹、斯陀含、阿那含、阿羅漢、辟支佛；菩薩摩訶薩行菩薩道，當得一切種智，得一

¹ 妙境法師，《摩訶般若波羅蜜經》冠科(下冊)，pp.1115-1122。

² 對照《大智度論》卷 95 〈85 七喻品〉(大正 25，721c7-724a7)。

³ 含+(所作非)【宋】【元】【明】【宮】(大正 08，412d，n.14)。

⁴ 得=道【宮】(大正 08，412d，n.15)。

⁵ 〔是〕—【宋】【元】【明】【宮】【聖】(大正 08，412d，n.16)。

⁶ 人若=生人【宋】【元】【明】【宮】【聖】(大正 08，412d，n.17)。

切種智故，能拔出眾生⁷於生死中？」

壬二、佛答

癸一、印述所領

佛告須菩提：「如是！如是！無性法中⁸，無⁹業無果報。

癸二、釋難

子一、釋有六道難

須菩提！凡夫人不入聖法，不知諸法無性相，顛倒愚癡故，起種種業因緣，是諸眾生隨業得身：若地獄身，若畜生身，若餓鬼身，若人身，若天身——四天王天身乃至非¹⁰有想非無想天身。

是無性法無業無果報，無性常是無性。

子二、釋有三乘難

丑一、明實慧觀諸法無性

如須菩提所言：『若一切法無性，云何是須陀洹乃至諸佛得一切種智？』須菩提！於汝意云何？道是無性不？須陀洹果，乃至諸佛一切種智是無性不？」

須菩提言：「世尊！道無性，須陀洹果亦¹¹無性，乃至諸佛一切種智亦無性。」

「須菩提！無性法能得無性法不？」

「不也！世尊！」

佛告須菩提：「有性法能得有性法不？」

「不也！世尊！」

「須菩提！無性法及道——是一切法皆不合不散、無色、無形、無對，一相，所謂無相。」

⁷ [出] — 【聖】(大正 08, 412d, n.18)。

⁸ [中] — 【宮】【聖】(大正 08, 412d, n.19)。

⁹ [無] — 【宮】(大正 08, 412d, n.20)。

¹⁰ (若)+非【宮】(大正 08, 412d, n.21)。

¹¹ [亦] — 【聖】(大正 08, 412d, n.22)。

丑二、明方便慧拔出眾生

須菩提！是菩薩摩訶薩行般若波羅蜜時，以方便力，見眾生以顛倒故著五陰¹²——無常中常相、苦中樂相、不淨中淨相、無我中我相，著無¹³所有處。是菩薩以方便力故，於無所有中拔出眾生。」

辛二、明虛實平等真偽不二

須菩提白佛言：「世尊！凡夫人所著，頗有實不異不？著故起業，業因緣故，五道生死中不得脫？」

佛告須菩提：「凡夫人所著起業處，無如毛髮許實事，但顛倒故。」

辛三、明雖有見聞而無垢淨

壬一、正舉七譬

癸一、如夢譬

須菩提！今為汝¹⁴說譬喻，智者以譬喻得解。

須菩提！於汝意云何？如夢中所見人受五欲樂，有實住¹⁵處不？」

須菩提白佛言：「世尊！夢尚虛妄不可得，何況住夢中受五欲樂！」

「於汝意云何？諸法若¹⁶有漏、若無漏，若有為、若無為，頗有不如夢者¹⁷不？」

「世尊！諸法若有漏、若無漏，若有為、若無為，無不如夢者。」

佛告須菩提：「於汝意云何？夢中有五道生死往來不？」

「世尊！無也！」

「於汝意云何？夢中有修道，用是修道若著垢，若得淨不？」

「不也！世尊！何以故？是夢法無有實事，不可說垢淨。」

癸二、如鏡中像譬

¹² 陰=眾【宮】【聖】(大正 08, 412d, n.23)。

¹³ (無)+無【宮】(大正 08, 412d, n.24)。

¹⁴ [為汝]—【聖】(大正 08, 413d, n.1)。

¹⁵ 住=性【宋】(大正 08, 413d, n.2)。

¹⁶ [若]—【聖】(大正 08, 413d, n.3)。

¹⁷ [者]—【聖】(大正 08, 413d, n.4)。

「於汝意云何？鏡中像有實事不¹⁸？能起業因緣，用是業因緣墮地獄、餓鬼、畜生中¹⁹，若人、若天——四天王天處乃至生²⁰非有想非無想天處不？」

須菩提言：「不也！世尊！是像無有實事，但誑小兒，是事云何當有業因緣，用是業²¹當墮地獄乃至生非有想非無想處？」

「於汝意云何？是鏡中像有修道，用是修道，若著垢、若得淨不？」

須菩提言：「不也！世尊！何以故？是像空無實事，不可說垢、淨。」

癸三、如響譬

「於汝意云何？如深澗中有響，是響有業因緣，用是業因緣，若墮地獄，乃至若生非有想非無想處不？」

須菩提言：「不也！世尊！是事空無有實音聲，云何當有業因緣，用是業因緣墮地獄，乃至生非有想非無想處？」

「於汝意云何？是響頗有修道，用是修道，若著垢、若得淨不？」

「不也！世尊！是事無實，不可說是垢、是淨。」

癸四、如箴譬

「於汝意云何？如箴非水水相，非河河相，是箴頗有業因緣，用是業因緣墮地獄乃至生非有想非無想處不？」

「不也！世尊！箴中水畢竟不可得，但誑無智人眼，云何當有業因緣，用是業因緣墮地獄乃至生非有想非無想處？」

「於汝意云何？是箴有修道，用是修道，若著垢、若得淨不？」

「不也！世尊！是箴無有實事，不可說垢、淨。」

癸五、如乾闥婆城譬

「於汝意云何？犍²²闥婆城，如日出時見犍闥婆城，無智人無城有城

¹⁸ [不] — 【聖】(大正 08, 413d, n.5)。

¹⁹ 生+(中)【宋】【元】【明】【宮】(大正 08, 413d, n.6)。

²⁰ (若)+生【宋】【元】【明】【宮】【聖】，〔生〕—【聖】(大正 08, 413d, n.7)。

²¹ 業+(因緣)【宋】【元】【明】【宮】(大正 08, 413d, n.8)。

²² 犍=乾【宋】下同【元】下同【明】(大正 08, 413d, n.9)。

想、無廬館²³有廬館想、無園有園想；是犍闍婆城頗有業因緣，用是業因緣墮地獄乃至生非有想非無想處不？」

「不也！世尊！是犍闍婆城畢竟不可得，但誑愚夫²⁴眼，云何當有業因緣，用是業因緣墮地獄乃至生非有想非無想處？」

「於汝意云何？是²⁵犍闍婆城有修道，用是修道，若著垢、若得淨不？」

「不也！世尊！是犍闍婆城無有實事，不可說垢、淨。」

癸六、如幻譬

「須菩提！於汝意云何？幻師幻作種種物——若象、若馬、若牛、若羊、若男、若女，於汝意云何？是幻有業因緣，用是業因緣墮地獄乃至生非有想非無想處不？」

「不也！世尊！是幻法空無實事，云何當有業因緣，用是業因緣墮地獄乃至生非有想非無想處？」

「於汝意云何？是²⁶幻有修道，用是修道，若著垢、若得淨不？」

「不也！世尊！是法無有實事，不可說垢、淨。」

癸七、如化譬

「須菩提！於汝意云何？如佛所化人，是化人有業因緣，用是業因緣墮地獄乃至生非有想非無想處不？」

「不也！世尊！是化人無有實事，云何當有業因緣，用是業因緣墮地獄乃至生非有想非無想處？」

「於汝意云何？是化人有修道，用是修道，若著垢、若得淨不？」

「不也！世尊！是事無有實，不可說垢、淨。」

壬二、法說結示

佛告須菩提：「於汝意云何？於是空相中，有垢者、有淨者不？」

²³ 館＝觀【宋】【元】【明】【宮】【聖】(大正 08，413d，n.10)。

²⁴ 夫＝大【聖】(大正 08，413d，n.11)。

²⁵ 如＝是【宋】【元】【明】【宮】【聖】【麗-CB】【CB】(大正 08，413d，n.12)。

²⁶ (用)＋是【宋】【元】【明】(大正 08，413d，n.13)。

「不也！世尊！是中無所有，無有著垢者，無有²⁷淨者。」

「須菩提！如無有著垢者，無有得淨者，以是因緣故，亦無垢、淨。何以故？住我、我所眾生有垢、有淨，實見者不垢、不淨。如實見者不垢、不淨，如是²⁸亦無垢、淨。」

²⁷ 有+(得)【宋】【元】【明】【宮】(大正 08，413d，n.14)。

²⁸ 如是=是如【聖】(大正 08，413d，n.15)。

《摩訶般若波羅蜜經》卷 26 〈86 平等品〉冠科¹

《摩訶般若波羅蜜經》²卷 26 (大正 08, 413c10-415b26) :

庚二、明諸法畢竟平等不二³

辛一、略說平等

壬一、須菩提問

癸一、領悟無垢淨

須菩提白佛言：「世尊！見實者不垢不淨，見不實者亦不垢不淨。何以故？一切法性無所有故。」

癸二、重難無垢淨

世尊！無所有中無垢無淨，有⁴所有中亦無垢無淨。

世尊！無所有中有所有中亦無垢無淨。

癸三、難迷悟兩人

世尊！云何如⁵實語者不垢不淨，不實語者亦不垢不淨？」

壬二、佛答

癸一、印述其問

佛告須菩提：「是諸法平等相，我說是淨。」

須菩提！何等是諸法平等？所謂如、不異、不誑，法相、法性、法住、法位、實際，有佛、無佛法性常住，是名淨。

癸二、破著

世諦故說，非最第一義；最第一義，過一切語言論議⁶音聲。」

辛二、明平等行

壬一、須菩提總問

¹ 妙境法師，《摩訶般若波羅蜜經》冠科(下冊)，pp.1123-1133。

² 經+(卷第卅八)【聖】(大正 08, 413d, n.17)。

³ 對照《大智度論》卷 95 〈86 平等品〉(大正 25, 724a8-728b14)。

⁴ 〔有〕—【宋】【元】【明】【宮】(大正 08, 413d, n.18)。

⁵ 〔如〕—【宮】(大正 08, 413d, n.19)。

⁶ 議=義【宋】【宮】(大正 08, 413d, n.20)。

須菩提白佛言：「世尊！若一切法空、不可說，如夢、如響、如焰、如影、如幻、如化。云何菩薩摩訶薩用是如夢、如響、如焰、如影、如幻⁷、如化法？無有根本定實，云何能發阿耨多羅三藐三菩提心，作是願：『我當具足檀那⁸波羅蜜，乃至具足般若波羅蜜；我當具足神通波羅蜜，具足智波羅蜜，具足四禪、四無量心、四無色定、四念處乃至具足八聖道分；我當具足三解脫門、八解脫⁹、九次第定；我當具足佛十力，乃至具足十八不共法；我當具足三十二¹⁰相、八十隨形好；具¹¹足諸陀羅尼門、諸三昧門；我當放大光明，遍照十方，知諸眾生心，如應說法。』？」

壬二、佛別答

癸一、破始行人三義

子一、虛妄法不成發心

佛告須菩提：「於汝意云何？汝¹²所說諸法，如夢、如響、如焰、如影、如幻、如化不？」

須菩提言：「爾！世尊！世尊¹³！」

子二、虛妄法不成修行

若一切法如夢乃至如化，菩薩摩訶薩云何行般若波羅蜜？世尊！是夢乃至化¹⁴，虛妄不實。世尊！不應用不實虛妄法，能具足檀那波羅蜜，乃至十八不共法。」

佛告須菩提：「如是！如是！不實虛妄法不能具足檀那波羅蜜乃至十八不共法。」

子三、虛妄法不得菩提

行是不實虛妄法，不能得阿耨多羅三藐三菩提。

⁷ 如影如幻=如幻如影【宋】【元】【明】【宮】(大正 08, 413d, n.21)。

⁸ [那] - 【宋】【元】【明】【宮】(大正 08, 413d, n.22)。

⁹ 解脫=背捨【宋】【元】【明】【宮】【聖】(大正 08, 413d, n.23)。

¹⁰ 二=一【宮】(大正 08, 414d, n.1)。

¹¹ (我當)+具【宋】【元】【明】【宮】(大正 08, 414d, n.2)。

¹² [汝] - 【宮】(大正 08, 414d, n.3)。

¹³ [世尊] - 【宋】【元】【明】【宮】(大正 08, 414d, n.4)。

¹⁴ (如)+化【元】【明】(大正 08, 414d, n.5)。

須菩提！是一切法皆是憶想思惟作法，用是思惟憶想作法，不能得一切種智。

癸二、破解怠人明三義

子一、別明

丑一、明修行

須菩提！是一切法能助道¹⁵，不能得¹⁶益果，所謂是諸法無生、無出、無相。

菩薩從初發心¹⁷已來，所作善業——若檀那波羅蜜乃至一切種智。何以故？知諸法皆如夢乃至如化。

如是等法不具足檀那波羅蜜乃至一切種智，不能得成就眾生、淨佛國土，得阿耨多羅三藐三菩提。

是菩薩摩訶薩所作善業——檀那波羅蜜乃至一切種智¹⁸，如夢乃至如化；亦知一切眾生如夢中行，乃至知如化中行。

丑二、明得果

是菩薩摩訶薩不取般若波羅蜜是有法，用是不¹⁹取故，得一切種智，知是諸²⁰法如夢無所取，乃至諸法如化無所取。何以故？般若波羅蜜是不可取相，禪那波羅蜜乃至十八不共法是不可取相。

丑三、明發心

是菩薩摩訶薩知一切法是不可取相已，發心求阿耨多羅三藐三菩提。何以故？一切法不可²¹取相，無根本定實，如夢乃至如化；用不可取相法，不能得不可取相法。

子二、合說

丑一、但為眾生發心修行

¹⁵ 道+(法)【宋】【元】【明】【宮】【聖】(大正 08, 414d, n.6)。

¹⁶ [得] - 【宋】【元】【明】【宮】(大正 08, 414d, n.7)。

¹⁷ 心=意【宋】【元】【明】【宮】(大正 08, 414d, n.8)。

¹⁸ 智+(知)【宋】【元】【明】(大正 08, 414d, n.9)。

¹⁹ [不] - 【聖】(大正 08, 414d, n.10)。

²⁰ [諸] - 【聖】(大正 08, 414d, n.11)。

²¹ 可+(得)【宮】(大正 08, 414d, n.12)。

但以眾生不知²²不見如是諸法相，是菩薩摩訶薩為是眾生²³故，求阿耨多羅三藐三菩提。

是菩薩從初發意已來所有布施，為一切眾生故；乃至有所修智慧，皆為一切眾生，不為己身。菩薩摩訶薩不為餘事故求阿耨多羅三藐三菩提，但為一切眾生故。」

丑二、菩薩自得無所著亦教眾生令無著

是菩薩行般若波羅蜜時，見眾生無眾生，但眾生相中住；乃至無知者、無見者，知見相中住。令眾生遠離顛倒；遠離已，置甘露性中；住²⁴是中，無有妄想²⁵，所謂眾生相乃至知者、見者相。是時，菩薩動心、念心、戲論心皆捨，常行不動心、不念心、不戲論心。

須菩提！以是方便力故，菩薩摩訶薩行般若波羅蜜時，自無所著，亦教一切眾生令得無所著。世諦故，非第一義。」

辛三、明平等果

壬一、二法分別即是虛妄無有道果

須菩提白佛言：「世尊！世尊得阿耨多羅三藐三菩提時，得諸佛法，以世諦故得？以第一義中得？」

佛言：「以世諦故說佛得是法，是法中無有法可得、是人得是法。何以故？是人得是法，是為大有所得；用二法，無道無果。」

壬二、諸法平等離諸戲論即是道果

須菩提白佛言：「世尊！若行二法無道無果，行不二法有道有果不？」

佛言：「行二法無道無果，行不二法亦無道無果；若無二法、無不二法，即是道、即是果。何以故？用如是法得道、得果，用如²⁶是法不得道、不得果——是為戲論。諸平等法中，無有戲論；無有戲論²⁷，是諸法平等。」

²² 知=如【明】(大正 08, 414d, n.13)。

²³ 生=法【明】(大正 08, 414d, n.14)。

²⁴ 住+(住)【宋】【元】【明】【宮】(大正 08, 414d, n.15)。

²⁵ 想=相【宋】【元】【明】(大正 08, 414d, n.16)。

²⁶ [如]—【宋】【元】【明】【宮】【聖】(大正 08, 414d, n.17)。

²⁷ 有戲論=戲論相【宋】【元】【明】【宮】(大正 08, 414d, n.18)。

辛四、釋平等義

壬一、明有無平等

須菩提白佛言：「世尊！諸法無所有性，是中何等是平等？」

佛言：「若無有²⁸有法、無有無法，亦不說諸法平等相；除平等，更無餘法離一切法平等相。平等相²⁹者，若凡夫、若聖人，不能行、不能到。」

須菩提白佛言：「世尊！乃至佛亦不能行，亦不能到？」

佛言：「是諸法平等，一切聖人皆不能行，亦³⁰不能到，所謂諸須陀洹、斯陀含、阿那含、阿羅漢、辟支佛、諸菩薩摩訶薩及諸佛。」

壬二、明境智平等

須菩提白佛言：「世尊！佛者一切諸法中行力自在，云何說佛亦不能行，亦不能到？」

佛告須菩提：「若諸法平等與佛有異，應當如是問。須菩提！今諸凡夫人平等，諸須陀洹、斯陀含、阿那含、阿羅漢、辟支佛、諸菩薩摩訶薩、諸佛及聖法皆平等，是一平等無二，所謂是凡夫人、是須陀洹乃至佛——是一切法等³¹中皆不可得。」

須菩提白佛言：「世尊！若諸法等中皆不可得——是凡夫人乃至是佛。世尊！凡夫人、須陀洹乃至佛為無有分別？」

佛告須菩提：「如是！如是！諸法平等中，無有分別是凡夫人、是須陀洹，乃至是佛。」

辛五、明有一切教門

壬一、須菩提總問

「世尊！若³²無分別諸凡夫人、須陀洹乃至佛，云何分別有三寶現於

²⁸ [有] — 【宋】【元】【明】【宮】【聖】(大正 08, 414d, n.20)。

²⁹ [相] — 【宮】(大正 08, 414d, n.21)。

³⁰ [亦] — 【宮】(大正 08, 414d, n.22)。

³¹ (平)+等 【宋】【元】【明】【宮】(大正 08, 414d, n.23)。

³² 若=告 【聖】(大正 08, 414d, n.24)。

世³³——佛寶、法寶、僧寶？」

壬二、佛答

癸一、三寶平等，佛有方便力於無相中分別凡聖

佛言：「於汝³⁴意云何？佛寶、法寶、僧寶與諸法等異不？」

須菩提白佛言：「如我從佛所聞義，佛寶、法寶、僧寶與諸法等無異。世尊！是佛寶、法寶、僧寶即是平等；是法皆不合不散，無色、無形、無對，一相，所謂無相。

佛有是力，能分別無相諸法處所；是凡夫人、是須陀洹、是斯陀含、是阿那含、是阿羅漢、是辟支佛、是菩薩摩訶薩、是諸佛。」

癸二、若佛不為眾生分別諸法相，眾生不能如實知

佛告須菩提：「如是！如是！若³⁵諸佛得阿耨多羅三藐三菩提，不³⁶分別諸法，當³⁷知是地獄、是餓鬼、是畜生、是人、是天——是四天王天³⁸乃至是他化自在天、梵³⁹天乃至是非有想非無想天處⁴⁰；是四念處乃至八聖道分；內⁴¹空乃至無⁴²法有法空；佛⁴³十力乃至十⁴⁴八不共法不？」

須菩提言：「不知也！世尊！」

「以是故，須菩提！當知佛有大恩⁴⁵力，於諸法等中不動，而分別諸法。」

辛六、明一切法平等

³³ 世+(間)【宋】【元】【明】【宮】(大正 08, 414d, n.25)。

³⁴ [汝] - 【宮】(大正 08, 414d, n.26)。

³⁵ [若] - 【宮】【聖】(大正 08, 415d, n.1)。

³⁶ [不] - 【聖】(大正 08, 415d, n.2)。

³⁷ [當知] - 【宮】【聖】(大正 08, 415d, n.3)。

³⁸ [天] - 【聖】(大正 08, 415d, n.4)。

³⁹ (是)+梵【宋】【元】【明】【宮】【聖】(大正 08, 415d, n.5)。

⁴⁰ 天處=處天【元】【明】(大正 08, 415d, n.6)。

⁴¹ (是)+內【宋】【元】【明】【宮】【聖】(大正 08, 415d, n.7)。

⁴² (是)+無【宋】【元】【明】【宮】【聖】(大正 08, 415d, n.8)。

⁴³ (是)+佛【宋】【元】【明】【宮】【聖】(大正 08, 415d, n.9)。

⁴⁴ (是)+十【宋】【元】【明】【宮】【聖】(大正 08, 415d, n.10)。

⁴⁵ 恩=慈【宮】(大正 08, 415d, n.11)。

壬一、須菩提問

癸一、領前旨

須菩提白佛言：「世尊！如佛於諸法平等中不動，凡夫人亦於諸法平等中亦不動，須陀洹乃至辟支佛亦於諸法平等中不動。

世尊！若諸法等相即是凡夫人相、即是須陀洹相，乃至諸佛即是平等相。

癸二、正設難

世尊！今⁴⁶諸法⁴⁷各各相，所謂色相異，受、想、行、識相異；眼相異，耳鼻舌身意相異；地相異，水火風空識相異；欲相異，瞋癡相異；邪見相異，禪相異，無量心相異，無色定相異；

四念處相異，乃至八聖道分相異；檀那波羅蜜相異，乃至般若波羅蜜相異；三解脫門相異，十八空相異，佛十力相異，四無所畏相異，四無礙智相異，十八不共法相異；

有為法相⁴⁸異，無為法相異；是凡夫人相異，乃至佛相異——諸法各各相⁴⁹，云何菩薩摩訶薩行般若波羅蜜時，諸法異相中不作⁵⁰分別？

若不作分別，不能行般若波羅蜜；若不⁵¹行般若波羅蜜，不能從一地至一地；若不從一地至一地，不能入菩薩位；不能入菩薩位故，不能過聲聞、辟支佛地；不能過聲聞、辟支佛地故⁵²，不能具足神通波羅蜜；不具足神通波羅蜜故，不能具足檀那波羅蜜，乃至不能具足⁵³般若波羅蜜；從一佛國至一佛國供養諸佛，於諸佛⁵⁴所種善根，用是善根能成就眾生、淨佛國土。」

壬二、佛答

⁴⁶ 今=令【聖】(大正 08, 415d, n.12)。
⁴⁷ 法+(相)【聖】(大正 08, 415d, n.13)。
⁴⁸ 相=性【宋】【元】【明】【宮】(大正 08, 415d, n.14)。
⁴⁹ 相+(異)【宋】【元】【明】【宮】(大正 08, 415d, n.15)。
⁵⁰ 作+(不)【聖】(大正 08, 415d, n.16)。
⁵¹ 不+(能)【宋】【元】【明】【宮】(大正 08, 415d, n.17)。
⁵² [故] - 【聖】(大正 08, 415d, n.18)。
⁵³ [不能具足] - 【聖】(大正 08, 415d, n.19)。
⁵⁴ [於諸佛] - 【宮】(大正 08, 415d, n.20)。

癸一、牒問

佛告須菩提：「如汝所問：『是諸法相亦是凡夫⁵⁵人，亦是須陀洹乃至佛。世尊！是諸法各各相，所謂色相異，乃至有為、無為法⁵⁶相異，云何菩薩摩訶薩觀一切⁵⁷相不作分別？』」

癸二、釋難

須菩提！於汝意云何？是色相空不？乃至諸佛相空不？」

「世尊！實空。」

「須菩提！空中各各相法可得不？所謂色相乃至諸佛相。」

須菩提言：「不可得！」

佛言：「以是因緣故，當知諸法平等中，非凡夫人、亦不離凡夫人，乃至非佛、亦不離佛。」

辛七、出平等相

壬一、諸法平等相，非有為、非無為

癸一、正說

須菩提白佛言：「世尊！是平等，為是有為法？為是無為法？」

佛言：「非有為法、非無為法。」

癸一、釋因

何以故？離有為法，無為法不可得；離無為法，有為法不可得。

須菩提！是有為性⁵⁸、無為性，是二法不合不散，無色、無形、無對，一相，所謂無相。

壬二、以世諦故說，非以第一義

佛亦以世諦故說，非以第一義。

何以故？第一義中無身行、無口行、無意行，亦不離身、口、意行得第一義。是諸有為法、無為法平等相，即是第一義。

⁵⁵ [夫] — 【聖】(大正 08, 415d, n.21)。

⁵⁶ [法] — 【聖】(大正 08, 415d, n.22)。

⁵⁷ [切] — 【宋】【元】【明】【宮】【聖】(大正 08, 415d, n.23)。

⁵⁸ 性=法【宮】(大正 08, 415d, n.24)。

王三、菩薩於第一義中不動而利益眾生

菩薩摩訶薩行般若波羅蜜時，第一義中不動而行菩薩事饒益眾生。」

《摩訶般若波羅蜜經》卷 26 〈87 如化品〉冠科¹

《摩訶般若波羅蜜經》卷 26 (大正 08, 415b27-416a17):

戊二、明得涅槃果²

己一、約法性平等論化眾生義

庚一、釋說二空明教意

辛一、須菩提問

須菩提白佛言：「世尊！若諸法平等、無可³為作，云何菩薩摩訶薩行般若波羅蜜，於平等法中不動而行菩薩事，以布施、愛語、利益、同事？」

辛二、佛答

壬一、述成

佛告須菩提：「如是！如是！如汝所言：『是諸法平等無所作。』

壬二、眾生無知故，以二空教化

癸一、示眾生空

若是眾生自知諸法平等，佛不用神力，於諸法平等中不動而拔出眾生吾我想⁴；以空度五道生死乃至知者、見者相；

癸二、示法空

度色相乃至識相，眼相乃至意相，地種相乃至識種相；遠離有為性相，令得無為性相——無為性相即是空。」

庚二、明二空所以

須菩提言：「世尊！用何等空故一切法空？」

佛言：「菩薩遠離一切法相，用是空故一切法空。」

己二、正論諸法如化

庚一、明諸法如化無差別

¹ 妙境法師，《摩訶般若波羅蜜經》冠科(下冊)，pp.1134-1137。

² 對照《大智度論》96〈87 涅槃如化品〉(大正 25, 728b18-731a6)。

³ 可=所【元】【明】【宮】【聖】(大正 08, 415d, n.26)。

⁴ 想=相【宋】【元】【明】【宮】【聖】(大正 08, 415d, n.27)。

須菩提！於汝意云何？若有化人作化人，是化頗有實事，不空者不？」

須菩提言：「不也！世尊！是化人無有實事而不空。」

「是空及化人二事不合不散，以空⁵故空，不應分別是空、是化。

何以故？是二事等，空中不可得——所謂是空、是化。

何以故⁶？須菩提！色即是化，受、想、行、識即是化，乃至一切種智即是化。」

庚二、明諸法如化有差別

辛一、須菩提問

須菩提白佛言：「世尊！世⁷間法是化，出世間法亦復是化不⁸？所謂四念處、四正勤、四如意足、五根、五力、七覺分、八聖道分，三解脫門，佛十力、四無所畏、四無礙智、十八不共法，并諸法果；及賢聖人，所謂須陀洹、斯陀含、阿那含、阿羅漢、辟支佛、菩薩摩訶薩、諸佛世尊，是法亦是化不？」

辛二、佛答

壬一、總說諸法空如化

佛告須菩提：「一切法皆是化。

壬二、別辨種種變化的事

於是法中有聲聞法變化，有辟支佛法變化，有菩薩摩訶薩法變化，有諸佛法變化，有煩惱法變化，有業因緣法變化。

壬三、結

以是因緣故，須菩提！一切法皆是變⁹化。」

辛三、須菩提問

須菩提白佛言：「世尊！是諸煩惱斷，所謂須陀洹果、斯陀含果、阿

⁵ 空+(空)【宋】【元】【明】【宮】【聖】(大正 08, 415d, n.28)。

⁶ 何以故=所以者何【元】【明】【聖】(大正 08, 415d, n.29)。

⁷ (若)+世【宋】【元】【明】【宮】【聖】(大正 08, 415d, n.30)。

⁸ [亦復是化不]—【聖】(大正 08, 415d, n.31)。

⁹ [變]—【宮】【聖】(大正 08, 415d, n.32)。

那含果、阿羅漢果、辟支佛¹⁰道；斷諸¹¹煩惱習斷¹²——皆是變化不？」

辛四、佛答

佛告須菩提：「若有法生滅相者，皆是變化。」

庚三、明涅槃不如化

須菩提言：「世尊！何等法非變化？」

佛言：「若法無生無滅，是非變化。」

須菩提言：「何等是不生不滅非變化？」

佛言：「不¹³誑相涅槃，是法非變化。」

庚四、明涅槃如化

辛一、須菩提問

「世尊！如佛自說：『諸法平等，非聲聞作、非辟支佛作、非諸菩薩摩訶薩作、非諸佛作，有佛、無佛諸法性常空。』性空即是涅槃；云何言『涅槃一法非如化』？」

辛二、佛答

壬一、述成空義

佛告須菩提：「如是！如是！諸法平等，非聲聞所作，乃至性空即是涅槃。」

壬二、明理

若¹⁴新發意菩薩聞是一切法¹⁵畢竟性空乃至涅槃亦皆如化，心則驚怖；為是新發意菩薩故，分別生滅者如化，不生不¹⁶滅者不如化。¹⁷」

¹⁰ 佛+(佛)【宮】(大正 08, 416d, n.1)。

¹¹ 斷諸=諸佛【聖】(大正 08, 416d, n.2)。

¹² [斷]—【宮】(大正 08, 416d, n.3)。

¹³ 不=無【宋】【元】【明】【宮】【聖】(大正 08, 416d, n.4)。

¹⁴ 若=為【聖】(大正 08, 416d, n.5)。

¹⁵ 法+(皆)【宋】【元】【明】(大正 08, 416d, n.7)。

¹⁶ [不]—【宮】(大正 08, 416d, n.8)。

¹⁷ (聞是…不如化)四十四字=分別生滅者如化不生滅者不如化若新發意菩薩聞一切畢竟性空乃至涅槃亦如化心則恐怖【聖】(大正 08, 416d, n.6)。

辛三、示新發意菩薩法性本空

須菩提白佛言：「世尊！云何教新發意菩薩，令¹⁸知性空？」

佛告須菩提：「諸法本¹⁹有今無耶？」²⁰

¹⁸ 令+(得)【宮】(大正 08，416d，n.9)。

¹⁹ 本=先【聖】(大正 08，416d，n.10)。

²⁰ 不分卷【聖】，以上梵. Dharmakya dhikārah śikṣā parivartaḥ aṣṭamaḥ. (大正 08，416d，n.11)。

《摩訶般若波羅蜜經》卷 27 〈88 常啼¹品〉冠科²

《摩訶般若波羅蜜經》卷 27 (大正 08, 416a23-421b23) :

丙二、結勸修行³

丁一、明求般若如薩陀波崙

佛告須菩提：「菩薩摩訶薩求般若波羅蜜，應⁴如薩陀波崙菩薩摩訶薩。是菩薩今在大雷音佛所行菩薩道。」

丁二、明其人求般若相

戊一、廣明求法之相

己一、明求法感應

庚一、精誠致感空中聲應

辛一、內忘身命外遺名利

須菩提白佛言：「世尊！薩陀波崙菩薩摩訶薩，云何求般若波羅蜜？」

佛言：「薩陀波崙菩薩摩訶薩，本求般若波羅蜜時，不惜身命，不求名利⁵。」

辛二、勸誡

於空閑林中⁶，聞空中聲言：『汝善男子！從是東行，莫念疲極，莫念睡眠，莫念飲食，莫念晝夜，莫念寒熱，莫念內莫念⁷外。』

善男子！行時莫觀左右，汝行時莫壞身相，莫壞色相，莫壞受、想、行、識相。何以故⁸？若壞是諸相，於⁹佛法中則為¹⁰有礙；若於佛法中¹¹

¹ 不分卷【聖】，常啼=薩陀波崙【宋】【元】【明】【宮】，摩訶般若波羅蜜經薩陀波崙菩薩【聖】，以下梵闕。(大正 08, 416d, n.13)。

² 妙境法師，《摩訶般若波羅蜜經》冠科(下冊)，pp.1138-1167。

³ 對照《大智度論》卷 96 〈88 薩陀波崙品〉(大正 25, 731a8-733c20)。

⁴ (當)+應【宋】【元】【明】【宮】【聖】(大正 08, 416d, n.14)。

⁵ 名利+(求般若波羅蜜時)【聖】(大正 08, 416d, n.15)。

⁶ 林中=處【聖】(大正 08, 416d, n.16)。

⁷ [莫念]-【宋】【元】【明】【宮】【聖】(大正 08, 416d, n.17)。

⁸ [何以故]-【聖】(大正 08, 416d, n.18)。

⁹ (則)+於【聖】(大正 08, 416d, n.19)。

¹⁰ [中則為]-【聖】，[中]-【元】(大正 08, 416d, n.20)。

有礙，便往來五¹²道生死中，亦不能得般若波羅蜜。』

辛三、發願

爾時，薩陀波崙菩薩報空中言¹³：『我當從教！何以故？我欲為一切眾生作大明，欲集一切諸佛法，欲得阿耨多羅三藐三菩提故¹⁴。』

辛四、正勸

壬一、勸重法

癸一、勸信三空

薩陀波崙菩薩復聞空中聲言：『善哉！善哉！善男子！汝¹⁵於空、無相、無作之法，應¹⁶生信心；

癸二、勸離相求

以離相心求般若波羅蜜——離我相乃至離知者、見者相。

壬二、勸尊人

癸一、勸

子一、明真善友相

當遠離惡知識，當親近供養善知識。

何等是善知識？能說空、無相、無作、無生、無滅法及一切種智；令人心入歡喜信樂，是為善知識。

子二、明近善友益

善男子！汝若如是行，不久當聞般若波羅蜜——若從經卷中聞，若從菩薩所說聞。

子三、勸思功念恩

善男子！汝所從聞是般若波羅蜜處，應生心如佛想。

善男子！汝當知恩，應作是念：「所從聞是般若波羅蜜者，即是我善知識。我用聞是法故，疾得不退轉於阿耨多羅三藐三菩提，親近諸佛，

¹¹〔中〕－【宋】【元】【明】【宮】【聖】(大正 08, 416d, n.21)。

¹²五=六【聖】(大正 08, 416d, n.22)。

¹³(聲)+言【宋】【元】【明】【宮】(大正 08, 416d, n.23)。

¹⁴〔故〕－【聖】(大正 08, 416d, n.24)。

¹⁵〔汝〕－【聖】(大正 08, 416d, n.25)。

¹⁶應=當【宮】(大正 08, 416d, n.26)。

常生有佛國土¹⁷中，遠離眾難，得具足無難處。」

善男子！當思惟籌量是功德，於所從聞法處，生心如佛想。

癸二、誡

子一、莫以世利心隨逐法師

汝善男子！莫以世利心故，隨逐法師，但為愛法、恭敬法故，隨逐說法菩薩。

子二、勿見師過

爾時¹⁸，當覺知¹⁹魔事：

若惡魔與說法菩薩作五欲因緣，假為法故令受；若說法菩薩入實法門²⁰，以功²¹德力故²²受而無所染。

又以三事故受是五欲——以方便力故，欲令眾生種善根故，欲與眾生同其事故受。

汝於是中莫生污心，當起淨想！

自念：「我未得²³漚和拘舍羅，大師以方便法，為度眾生、令獲²⁴福德故，受是諸欲；於²⁵菩薩智慧無著無礙，不為欲染。」

子三、當觀實相

善男子！即當觀諸法實相。何等²⁶諸法實相²⁷？所謂一切法不垢不淨。何以故？一切法自性空，無眾生、無人、無我，一切法如幻、如夢、如響、如影、如焰、如化。

善男子！觀是諸法²⁸實相已，當隨法師，汝不久當成就般若波羅蜜。

¹⁷〔土〕－【宋】【元】【明】【宮】(大正 08, 416d, n.27)。

¹⁸〔爾時〕－【聖】(大正 08, 416d, n.28)。

¹⁹〔知〕－【聖】(大正 08, 416d, n.29)。

²⁰明＝門【宮】【麗-CB】【CB】(大正 08, 416d, n.30)。

²¹〔功〕－【聖】(大正 08, 416d, n.31)。

²²〔故〕－【聖】(大正 08, 416d, n.32)。

²³得＝知【聖】(大正 08, 416d, n.33)。

²⁴獲＝得【聖】(大正 08, 416d, n.34)。

²⁵〔於〕－【聖】(大正 08, 416d, n.35)。

²⁶〔何等〕－【元】【明】【宮】【聖】(大正 08, 416d, n.36)。

²⁷相＋(者)【元】【明】【宮】(大正 08, 416d, n.37)。

²⁸法＝汝【聖】(大正 08, 416d, n.38)。

子四、勿於師生怨恨

復次，善男子！汝當復覺知魔事；若說法菩薩見欲受般若波羅蜜人，意不存念；汝不應起心怨恨；汝但當以法故生²⁹恭敬心，莫起厭懈意，常應隨逐法師。』

庚二、悲啼致感空中佛現³⁰

辛一、初感

壬一、法

爾時，薩陀波崙菩薩受是空中教已，從是東行。不久，復作是念：『我云何不問空中聲：「我當何處去？去當遠近？當從誰聞般若波羅蜜？」』是時即住，啼哭憂愁，作是念：『我住是中，過一日一夜，若二、三、四、五、六、七日七夜於此中住³¹，不念疲極，乃至不念飢渴、寒熱，不聞聽受般若波羅蜜因緣，終不起也！』

壬二、譬

須菩提！譬如人有一子卒死，憂愁苦毒，唯懷忮³²惱，不生餘念。

壬三、合

如是，須菩提！薩陀波崙菩薩爾時無有異心，但念：『我何時當³³聞般若波羅蜜？我云何不問空中聲：「我應何處去？去當遠近？當從誰聞般若波羅蜜？」』

辛二、初應

壬一、稱歎安慰

須菩提！薩陀波崙菩薩如是愁念時，空中有佛語薩陀波崙菩薩言：『善哉！善哉！善男子！過去諸佛行菩薩道時，求般若波羅蜜，亦如汝今日。』

壬二、答其三問

癸一、答遠近

²⁹ [生] — 【聖】(大正 08, 416d, n.39)。

³⁰ 對照《大智度論》卷 97 〈88 薩陀波崙品〉(大正 25, 734a7-737c15)。

³¹ [於此中住] — 【聖】(大正 08, 416d, n.40)。

³² 忮 = 愞【宋】【元】【明】【宮】【聖】(大正 08, 416d, n.41)。

³³ 當 + (得)【宋】【元】【明】【宮】【聖】(大正 08, 417d, n.1)。

善男子！汝以是勤精進，愛樂法故，從是東行，去此五百由旬，

癸二、答何處去

子一、明國土

丑一、明通處調眾香城

寅一、明城莊嚴

有城名眾香，其城七重，七寶莊嚴；臺觀、欄³⁴楯，皆以七寶校飾；七寶之塹，七寶行樹，周匝七重。其城縱廣十二由旬，豐樂安靜。人民熾盛；五百市里，街巷相當，端嚴如畫，橋津如地，寬博清淨。七重城上，皆有七寶樓櫓，寶樹行列，以黃金、白銀、碑渠、碼碯、珊瑚³⁵、琉璃、頗梨³⁶，紅色真珠以為枝葉。寶繩連綿，金為鈴網，以覆城上，風吹鈴聲，其音和雅³⁷，譬如巧³⁸作五樂，甚可喜樂。金網寶鈴其音如是³⁹，以樂眾生⁴⁰。

寅二、流池莊嚴

其城四邊，流池清淨，冷暖調適；中有諸船，七寶嚴飾；是諸眾生宿業所致，乘此寶船，娛樂遊戲。諸池水中種種蓮華——青、黃、赤、白眾雜好華遍覆水上，是三千大千國土⁴¹所有眾華皆在其中。

寅三、園觀莊嚴

其城四邊有五百園觀，七寶莊嚴，甚可愛樂。一一園中，各有五百池水，池水各各⁴²縱廣十里，皆以七寶校成，雜色莊嚴。諸池水中，亦有青、黃、赤、白蓮華彌覆水上；是諸蓮華大如車輪，青色青光、黃色黃光、赤色赤光、白色白光。諸池水中鳧鴈、鴛鴦，異類眾鳥，音聲相和。

³⁴ 欄＝蘭【聖】(大正 08, 417d, n.2)。

³⁵ 珊瑚＋(琥魄)【聖】(大正 08, 417d, n.3)。

³⁶ 頗梨＝玻瓈【明】下同(大正 08, 417d, n.4)。

³⁷ 和雅＋(娛樂眾生)【元】【明】【聖】(大正 08, 417d, n.5)。

³⁸ 巧＋(匠)【聖】(大正 08, 417d, n.6)。

³⁹ [金網寶鈴其音如是]八字－【聖】(大正 08, 417d, n.7)。

⁴⁰ [以樂眾生其]－【元】，[以樂眾生]四字－【聖】(大正 08, 417d, n.8)。

⁴¹ 國土＝世界【宋】【元】【明】【宮】(大正 08, 417d, n.9)。

⁴² 池水池水各各＝池池各【元】【明】【聖】(大正 08, 417d, n.10)。

是諸園觀適無所屬，是諸眾生宿業果報⁴³，長夜信樂深法，行般若波羅蜜因緣故，受是果報。

丑二、明別處即法尚宮舍

善男子！是眾香城中，有大高臺，曇無竭⁴⁴菩薩摩訶薩宮舍在上。

其宮縱廣一由旬，皆以七寶校成，雜色莊嚴，甚可熹樂。垣牆七重，皆亦七寶；七寶欄楯，七寶樓閣；寶塹七重，皆以⁴⁵七寶；周匝深塹，七寶累成；七重行樹，七寶枝葉，七重圍繞。

其宮舍中，有四種娛樂園：一名常喜，二名離憂，三名華飾，四名香飾。一一園中，各有八池：一名賢，二名賢上，三名歡喜，四名喜上，五名安隱，六名多安隱，七名遠離，八名阿惟越⁴⁶致。

諸池四邊，面各一⁴⁷寶——黃金、白銀、琉璃、頗梨；玫瑰為池底，其上布金沙。一一池側有八梯陛，種種妙寶以為嚴飾；諸梯陛間，有閻浮檀金芭蕉行樹。

一切池中種種蓮華——青、黃、赤、白彌覆水上；諸池四邊，生好華樹；風吹諸華，墮池水中。其池成就八⁴⁸種功德⁴⁹，香若梅檀，色、味具足，輕且柔軟。

子二、明人物

丑一、明受俗樂

曇無竭菩薩與六萬八千婬女，五欲具足，共相娛樂。及城中男女俱入常喜等園、賢等池中，五欲具足，共相娛樂。

丑二、明受法樂

寅一、敬法供養

善男子！曇無竭菩薩與諸婬女遊戲娛樂已。日三時說般若波羅蜜。

⁴³ 果報=所致【宋】【元】【明】【宮】【聖】(大正 08, 417d, n.11)。

⁴⁴ 曇無竭=法尚【宮】(大正 08, 417d, n.12)。

⁴⁵ 以=亦【宮】【聖】(大正 08, 417d, n.13)。

⁴⁶ 惟越=鞞跋【宋】【元】【明】【宮】(大正 08, 417d, n.14)。

⁴⁷ 一=七【聖】(大正 08, 417d, n.15)。

⁴⁸ 八=種【聖】(大正 08, 417d, n.16)。

⁴⁹ 種功德=功德水【宋】【元】【明】【宮】(大正 08, 417d, n.17)。

眾香城中⁵⁰男女大小，於其城中多聚人處，敷大法座。其座四足，或以黃金、或以白銀、或以琉璃、或以頗梨，敷以綉縵，雜色茵褥，垂諸幃帶；以妙白氈而覆其上，散以種種雜妙華香；座高五里，張白珠帳。其地⁵¹四邊，散五色華，燒眾名香，澤香塗地⁵²，供養、恭敬般若波羅蜜故。

曇無竭菩薩於此座上說般若波羅蜜；彼諸人眾，如是恭敬供養曇無竭，為聞般若波羅蜜故。

寅二、明受法益

於是大會百千萬眾，諸天、世人一處和集，中有聽者，中有受者，中有持者，中有誦者，中有書者，中有正觀者，中有如說行者。

是時，眾生以是因緣故，皆不墮惡道，不退轉於阿耨多羅三藐三菩提。

癸三、答當從誰聞

汝善男子！往詣⁵³曇無竭菩薩所⁵⁴，當聞般若波羅蜜。

善男子！曇無竭菩薩世世是汝善知識，能教汝阿耨多羅三藐三菩提，示、教、利、喜。曇⁵⁵無竭菩薩，本求般若波羅蜜時，亦如汝今⁵⁶。

汝去莫計晝夜，莫生障礙心，汝不久當⁵⁷聞般若波羅蜜！』

辛三、第二感

壬一、法

爾時，薩陀波崙菩薩摩訶薩歡喜心悅，作是念：『我當何時得見是善男子⁵⁸，得聞般若波羅蜜？』

壬二、譬

須菩提！譬如有人為毒箭所中，更無餘念，唯念：『何時當得良醫，

⁵⁰ 中=內【宋】【元】【明】【宮】(大正 08, 417d, n.18)。

⁵¹ 地=池【宮】(大正 08, 417d, n.19)。

⁵² 地+(所以者何)【宮】(大正 08, 417d, n.20)。

⁵³ 詣=趣【宮】【聖】(大正 08, 417d, n.21)。

⁵⁴ [所]—【聖】(大正 08, 417d, n.22)。

⁵⁵ (是)+曇【宋】【元】【明】【宮】(大正 08, 417d, n.23)。

⁵⁶ 今+(日)【聖】(大正 08, 417d, n.24)。

⁵⁷ 當+(得)【宋】【元】【明】【宮】(大正 08, 417d, n.25)。

⁵⁸ 男子=知識【明】(大正 08, 417d, n.26)。

拔出毒箭，除我此苦？」

壬三、合

如是！須菩提！薩陀波崙菩薩摩訶薩更無餘念，但作是願：『我何時當得見曇無竭菩薩，令我得聞般若波羅蜜？我聞是般若波羅蜜，斷諸有心。』

辛四、第二應

是時，薩陀波崙菩薩於是處住，念曇無竭菩薩，一切法中得無礙智見，即得無量三昧門現在前，所謂諸法性觀三昧、諸法性不可得三昧、破諸法無明三昧、諸法不異三昧、諸法不壞自在三昧、諸法能照明三昧、諸法離暗三昧、諸法無異相續三昧、諸法不可得三昧、散華三昧、諸法無我三昧、如幻威勢三昧、得如鏡像三昧、得一切眾生語言三昧、一切眾生歡喜三昧、入分別音聲三昧、得種種語言⁵⁹字句莊嚴三昧、無畏三昧、性常默然三昧、得無礙解脫三昧、離塵垢三昧、名字語句莊嚴三昧、見諸法三昧、諸法無礙頂三昧、如虛空三昧、如金剛三昧、不畏著色三昧、得勝三昧、轉眼三昧、畢法性三昧、能與安隱三昧、師子吼三昧、勝一切眾生三昧、華莊嚴三昧、斷疑三昧、隨一切堅固三昧、出諸法得神通力無畏三昧、能達諸法三昧、諸法財印三昧、諸法無分別見三昧、離諸見三昧、離一切闇⁶⁰三昧、離一切相三昧、解脫一切著三昧、除一切懈怠三昧、得深法明三昧、不可奪三昧、破魔三昧、不著三界三昧、起光明三昧、見諸佛三昧。

如是⁶¹薩陀波崙菩薩住是諸三昧中，即見十方無量阿僧祇諸佛，為諸菩薩摩訶薩說般若波羅蜜。

庚三、得三昧感十方佛現⁶²

辛一、稱歎安慰

是時，十方諸佛安慰薩陀波崙菩薩言：『善哉！善哉！善男子！我等

⁵⁹ 語言+(三昧)【聖】(大正 08, 417d, n.27)。

⁶⁰ 闇=暗，參照妙境法師，《摩訶般若波羅蜜經》冠科(下冊)，p.1148。

⁶¹ [如是]—【聖】(大正 08, 418d, n.1)。

⁶² 對照《大智度論》卷 98〈88 薩陀波崙品〉(大正 25, 737c24-744c7)。

本行菩薩道時⁶³，求般若波羅蜜，得是諸三昧，亦如汝今所得。我等得是諸三昧，善入般若波羅蜜，成就方便力，住阿惟⁶⁴越致地。

辛二、破其著心

壬一、得是般若，不念有是諸法

我等觀是諸三昧性，不見有法出三昧、入三昧者，亦不見行佛道者，亦不見得阿耨多羅三藐三菩提者。善男子！是名般若波羅蜜，所謂不念有是諸法。

壬二、眾德無量，不能取相說盡

善男子！我等於無所念法中住，得是金色身、丈⁶⁵光明、三十二相、八十隨形好、不可思議智慧、無上戒、無上三昧、佛⁶⁶無上智慧，一切功德皆悉具足。一切功德具足故，佛尚不能取相說盡，何況聲聞、辟支佛及諸餘人！

辛三、重勸重法尊人

壬一、明善知識之重要

以是故，善男子！於是佛法中倍應恭敬愛念，生清淨心；於善知識中⁶⁷應生如佛想。

何以故？為善知識守護故，菩薩疾得阿耨多羅三藐三菩提。』⁶⁸

壬二、諸佛示知曇無竭菩薩是善知識

⁶⁹是時，薩陀波崙菩薩白十方諸佛言：『何等是我善知識所應親近供養者？』

十方諸佛告薩陀波崙菩薩言：『汝善男子！曇無竭菩薩世世教化成就汝阿耨多羅三藐三菩提，曇無竭菩薩守護汝，教汝般若波羅蜜、方便力，是汝善知識。汝供養曇無竭菩薩，若一劫、若二、若三⁷⁰，乃至過百劫，

⁶³ 時=昧【聖】(大正 08, 418d, n.2)。

⁶⁴ 惟=維【宋】【元】【明】(大正 08, 418d, n.3)。

⁶⁵ 丈=大【宋】【元】【明】【宮】【聖】(大正 08, 418d, n.4)。

⁶⁶ [佛]—【宮】(大正 08, 418d, n.5)。

⁶⁷ [中]—【聖】(大正 08, 418d, n.6)。

⁶⁸ 卷第三十九終【聖】(大正 08, 418d, n.7)。

⁶⁹ 卷第四十首【聖】(大正 08, 418d, n.8)。

⁷⁰ 二若三=二劫若三劫【宋】【元】【明】【宮】(大正 08, 418d, n.9)。

頂戴恭敬；以一切樂具，三千世界中所有妙色、聲、香、味、觸，盡以供養，未能報須臾之恩。

何以故？曇無竭菩薩摩訶薩因緣故，令汝得如是等諸三昧，得般若波羅蜜、方便力。』

諸佛如是教化安慰薩陀波崙菩薩，令歡喜已，忽然不現。

己二、明求般若尋善友

庚一、因不見佛生疑

是時，薩陀波崙菩薩從三昧起，不復見佛，作是念：『是諸佛從何所來？去至何所？』不見諸佛故，復惆悵⁷¹不樂：『誰斷我疑？』

復作是念：『曇無竭菩薩久遠已⁷²來，常行般若波羅蜜，得方便力及得⁷³諸陀羅尼，於菩薩法中得自在，多供養過去諸佛，世世為我師、常利益我，我當問曇無竭菩薩，諸佛從何所來？去至何處？』

庚二、賣身供養

辛一、作念賣身得財供養善友

爾時，薩陀波崙菩薩於曇無竭菩薩生恭敬、愛樂、尊重心，作是念：『我當以何供養曇無竭菩薩？今我貧窮，無⁷⁴華香、瓔珞、燒香、澤香、衣服、幡蓋、金銀、真珠、琉璃、頗梨、珊瑚、琥珀——無有如是等物可⁷⁵以供養般若波羅蜜及說法師⁷⁶曇無竭菩薩。我法不應空往曇無竭菩薩所，我若空往，喜悅心不生。我當賣身得財，為般若波羅蜜故，供養法師曇無竭菩薩。何以故？我世世喪身無數，無始生死中或死、或賣，或為欲因緣故，世世在地獄中受無量苦惱，未曾為清淨法故、為供養說法師故喪身。』

辛二、魔蔽眾人不聞賣聲以障其事

壬一、魔作念欲壞

是時，薩陀波崙菩薩中道入一大城，至市肆上，高聲唱言：『誰欲須

⁷¹ (大)+惆悵【聖】(大正 08, 418d, n.10)。

⁷² 已=以【宋】【宮】(大正 08, 418d, n.11)。

⁷³ [得]—【宋】【元】【明】【宮】【聖】(大正 08, 418d, n.12)。

⁷⁴ [無]—【聖】(大正 08, 418d, n.13)。

⁷⁵ 可=何【聖】(大正 08, 418d, n.14)。

⁷⁶ (法)+師【聖】(大正 08, 418d, n.15)。

人？誰欲須人？誰欲買人？」

爾時，惡魔作是念：『是薩陀波崙愛法故，欲自賣身，為般若波羅蜜故，供養曇無竭菩薩，當得正問般若波羅蜜及方便力：「云何菩薩摩訶薩行般若波羅蜜，疾得阿耨多羅三藐三菩提？」當得多聞具足，如大海水，是時不可沮壞，得具足一切功德，饒益諸菩薩摩訶薩；為阿耨多羅三藐三菩提故，過我境界，亦教餘人出我境界，得阿耨多羅三藐三菩提。我今當壞其事！』

壬二、城民受魔障，除一長者女

爾時，惡魔隱蔽諸婆羅門、居士，令不聞其自賣之⁷⁷聲；除一長者女，魔不能蔽⁷⁸。

壬三、常啼賣身不成而憂泣

爾時，薩陀波崙賣身不售，憂愁啼哭，在一面立，啼泣⁷⁹而言：『我為大罪，賣身不售。我自賣身，為般若波羅蜜故，供養曇無竭菩薩。』

辛三、天主化身買其血髓以試其心

爾時，釋提桓因作是念：『是薩陀波崙菩薩愛法自賣其身，為般若波羅蜜故，欲供養曇無竭菩薩。我當試之，知是善男子實以深心愛法故，捨是身不？』

是時，釋提桓因化作婆羅門身，在薩陀波崙菩薩邊行⁸⁰，問言：『汝善男子！何以憂愁啼哭，顏色憔悴，在一面立？』

答言：『婆羅門！我愛敬法，自賣身為般若波羅蜜故，欲供養曇無竭菩薩。今我賣身，無有買者，自念薄福，無財寶物，自⁸¹欲⁸²賣身，供養般若波羅蜜及曇無竭菩薩，而無買者。』

爾時，婆羅門語薩陀波崙菩薩言：『善男子！我不須人。我今欲祀⁸³天，

⁷⁷ [之] - 【元】(大正 08, 418d, n.16)。

⁷⁸ 蔽+(以其宿因緣故)【宋】【元】【明】【宮】(大正 08, 418d, n.17)。

⁷⁹ 泣+(流淚)【宋】【宮】(大正 08, 418d, n.18)。

⁸⁰ 行+(已)【宋】【宮】【聖】(大正 08, 418d, n.19)。

⁸¹ [物自] - 【聖】(大正 08, 418d, n.21)。

⁸² 財寶物自欲=有財寶欲自【宋】【元】【明】【宮】(大正 08, 418d, n.20)。

⁸³ 祀=祠【宋】【元】【明】【宮】(大正 08, 419d, n.1)。

當須人心、人血、人髓，汝能賣與我不？」

辛四、菩薩歡喜自割血肉相與

爾時，薩陀波崙菩薩作是念⁸⁴：『我⁸⁵得大利，得⁸⁶第一利！我今便為具足般若波羅蜜方便力，得是買心、髓、血⁸⁷者！』是時，心大歡喜，悅樂無憂；以柔和心語婆羅門言：『汝所須者，我盡與汝！』

婆羅門言：『善⁸⁸男子！汝須何價？』

答言：『隨汝意與我。』

即時薩陀波崙右手執利刀，刺左臂出血，割右髀肉，復⁸⁹欲破骨出髓。

庚三、值善友得財

辛一、長者女遙見其事往問因緣

時有一長者女，在閣上遙見薩陀波崙菩薩自割身體、不惜壽⁹⁰命，作是念：『是善男子以⁹¹何因緣故，困苦其身？我當往問。』

長者女即下閣，到薩陀波崙所問言：『善男子！何因緣困苦其身？用是心、血、髓作何等？』

薩陀波崙答言：『賣與婆羅門，為般若波羅蜜故，供養曇無竭菩薩。』

長者女言：『善男子！作是賣身，欲自出心、髓、血，欲供養曇無竭菩薩，得何等功德利？』

薩陀波崙答言：『善女人！是人善學般若波羅蜜及方便力，是人當為我說菩薩所應作、菩薩所行道。我學是法、學是道，得阿耨多羅三藐三菩提時，為眾生作依止；當得金色身、三十二相、八十隨形好、丈光無量明、大慈、大悲、大喜、大捨、四無所畏、佛十力、四無礙智、十八

⁸⁴ 念+ (我今得是買心血髓者) 【宋】【宮】 (大正 08, 419d, n.2)。

⁸⁵ 我=為 【宋】【宮】 (大正 08, 419d, n.3)。

⁸⁶ (我)+得 【宋】【宮】 (大正 08, 419d, n.4)。

⁸⁷ 髓血=血髓 【宋】【元】【明】【宮】 (大正 08, 419d, n.5)。

⁸⁸ (汝)+善 【宮】 (大正 08, 419d, n.6)。

⁸⁹ [復]- 【聖】 (大正 08, 419d, n.7)。

⁹⁰ 壽=身 【聖】 (大正 08, 419d, n.8)。

⁹¹ [以]- 【宋】【元】【明】【聖】 (大正 08, 419d, n.9)。

不共法、六神通、不可思議清淨戒、禪定、智慧，得阿耨多羅三藐三菩提，於諸法中得無礙一切⁹²智見；以無上法寶分布與一切眾生。如是等諸功德利，我當從彼得之。』

辛二、聞法讚歎恣其所須願相與

是時，長者女聞是上妙佛法，大歡喜，心驚毛豎，語薩陀波崙菩薩言：『善男子！甚希有！汝所說者，微妙難值！為是一一功德法故，應捨如恒河沙等身。何以故？汝所說者，甚大微妙！

汝善男子！汝今所須，盡當相與——金銀、真珠、琉璃、頗梨、琥珀、珊瑚等諸珍寶物，及華香、瓔珞、塗香、燒香⁹³、幡蓋、衣服、伎樂等物⁹⁴供養之具，供養般若波羅蜜及曇無竭菩薩。

汝善男子！莫自困苦其身！我亦欲往曇無竭菩薩所，共汝殖⁹⁵諸善根，為得如是微妙法，如汝所說故。』

辛三、天主讚菩薩令身平如故

爾時，釋提桓因即復本身，讚薩陀波崙菩薩言：『善哉！善哉！善男子！汝堅受是事，其心不動。諸過去佛行菩薩道時，亦如是求般若波羅蜜及方便力，得阿耨多羅三藐三菩提。善男子！我實不用人心、血、髓，但來相試；汝願何等？我當相與。』

薩陀波崙言：『與我阿耨多羅三藐三菩提。』

釋提桓因言：『此非我力所辦，是諸佛境界。必相供養，更索餘願。』

薩陀波崙言：『汝若於此無力，必見供養，令我是身平復如故。』

是時，薩陀波崙身即平復，無有瘡癍⁹⁶，如本不異。

釋提桓因與其願已，忽然不現。

辛四、長者女將歸從父母索須

爾時，長者女語薩陀波崙菩薩言：『善男子！來到我舍，有所須者，

⁹² 無礙一切=一切無礙【宋】【元】【明】【聖】(大正 08, 419d, n.10)。

⁹³ [燒香]—【宮】(大正 08, 419d, n.11)。

⁹⁴ [物]—【聖】(大正 08, 419d, n.12)。

⁹⁵ 殖=植【宋】【元】【明】【宮】下同(大正 08, 419d, n.13)。

⁹⁶ 瘡癍=創瘡【聖】(大正 08, 419d, n.14)。

從我父母索之，盡當相與。我亦當辭我父母，與諸侍從，共汝往供養曇無竭菩薩，為求法故。」

即時⁹⁷薩陀波崙菩薩與長者女俱到其舍，在門外住。

長者女入白父母：『與我眾妙華香及諸瓔珞、塗香、燒香、幡蓋、衣服、金銀、琉璃、頗梨、真珠、琥珀、珊瑚，及諸伎樂供養之具；亦聽我身及五百侍女先所給使，共薩陀波崙菩薩到曇無竭菩薩所，為供養般若波羅蜜故。曇無竭菩薩當為我等說法，我當如說行，當得諸佛法。』

辛五、如所見聞向父母說

女父母語女言：『薩陀波崙菩薩是何等人？』

女言：『是人今在門外。是善男子以深心求阿耨多羅三藐三菩提，欲度一切眾生無量生死苦。是善男子為法故，自賣其身，供養般若波羅蜜——般若波羅蜜名菩薩所學道。為供養般若波羅蜜及供養曇無竭菩薩故，在市肆上高聲唱言：「誰欲⁹⁸須人？誰欲須人？誰欲買人？」賣身不售，在一面立，憂愁啼哭。

是時，釋提桓因化作婆羅門來，欲試之，問言：「善男子！何以憂愁啼哭，在⁹⁹一面立？」

答言：「婆羅門！我欲賣身，為供養般若波羅蜜及曇無竭菩薩摩訶薩故，而我薄福，賣身不售。」

婆羅門語是善男子：「我不須人，我欲祀天，當用人心、人血、人髓，汝能賣不？」

是時，是善男子不復憂愁，其心和悅，語是婆羅門：「如¹⁰⁰汝之所須，我盡相與。」

婆羅門言：「汝須何價？」

答言：「隨汝意與我。」

即時，是善男子右手執利刀，刺左臂出血，割右脾肉，復欲破骨出髓。

⁹⁷〔時〕－【聖】(大正 08, 419d, n.15)。

⁹⁸〔欲〕－【聖】(大正 08, 419d, n.16)。

⁹⁹〔在〕－【聖】(大正 08, 419d, n.17)。

¹⁰⁰〔如〕－【元】【明】【聖】(大正 08, 419d, n.18)。

我在閣上，遙見是事；我爾時作是念：「是人何故困苦其身？我當往問。」

我即下閣往問：「善男子！汝何因緣故自困苦其身？」

是善男子答我言：「姊！我為法故，欲供養般若波羅蜜及曇無竭菩薩說法者。我貧窮無所有，無金、銀、琉璃、碑磔、碼碯、珊瑚、琥珀、頗梨、真珠、華香、伎樂。姊！我為供養法故¹⁰¹，自賣其身。今得買者，須人心、人血、人髓。我用是價，供養般若波羅蜜及曇無竭菩薩說法者。」

我問是善男子：「汝今自出身心、血、髓，欲供養曇無竭菩薩，得何功德？」

是善男子言：「曇無竭菩薩當為我說般若波羅蜜及方便力，此是菩薩所應學、菩薩所應作、菩薩所應¹⁰²行道。我當學是道，得阿耨多羅三藐三菩提，為一切眾生作依止。我當得金色身、三十二相、八十隨形好、丈光無量明、大慈、大悲、大喜、大捨、四無所畏、四無礙智、佛十力、十八不共法、六神通、不可思議清淨戒、禪定、智慧，得阿耨多羅三藐三菩提，於諸法中得無礙一切智見，以無上法寶，分布與一切眾生。如是等微妙大法，我當從彼得之。」

我聞是微妙不可思議法諸佛功德，聞其大願，我心歡喜，作是念：「是¹⁰³清淨微妙最大¹⁰⁴甚¹⁰⁵希有乃如是，為¹⁰⁶一一法故，應捨如恒河沙等身¹⁰⁷。今¹⁰⁸善男子為法能受苦行難事，所謂不惜身命；我多有妙寶，云何而¹⁰⁹不生願求¹¹⁰如是法，供養般若波羅蜜及曇無竭菩薩？」

¹⁰¹ 〔故〕－【宋】【元】【明】【宮】【聖】（大正 08，419d，n.19）。

¹⁰² 〔應〕－【聖】（大正 08，420d，n.1）。

¹⁰³ 是+（大）【宋】【宮】（大正 08，420d，n.2）。

¹⁰⁴ 最大=大願【元】【明】（大正 08，420d，n.3）。

¹⁰⁵ 甚+（大）【宋】【宮】，〔甚〕－【聖】（大正 08，420d，n.4）。

¹⁰⁶ 為+（是）【宋】【元】【明】【宮】（大正 08，420d，n.5）。

¹⁰⁷ 身+（命），參照妙境法師，《摩訶般若波羅蜜經》冠科（下冊），p.1159。

¹⁰⁸ 今=命【宋】【元】【明】【宮】【聖】（大正 08，420d，n.6）。

¹⁰⁹ 〔而〕－【元】【明】【聖】（大正 08，420d，n.7）。

¹¹⁰ （勤）+求【宋】【元】【明】【宮】（大正 08，420d，n.8）。

我如是思惟已¹¹¹，語薩陀波崙菩薩：「汝善男子！莫困苦其身。我當白我父母，多與汝金銀、琉璃、碑渠、瑪瑙、珊瑚、琥珀、頗梨、真珠、華香、瓔珞、塗香、末香、衣服、幡蓋及諸伎樂，供養般若波羅蜜及曇無竭菩薩說法者。我亦求父母，與諸侍女，共汝俱去供養曇無竭菩薩說法者，共汝殖諸¹¹²善根，為得如是等微妙清淨法，如汝¹¹³所說。」

父母今聽我并五百侍女先所給¹¹⁴者，亦聽我持眾妙華香、瓔珞、塗香、末香、衣服、幡蓋、伎樂、金銀、琉璃供養之具，與薩陀波崙菩薩共去，供養般若波羅蜜及曇無竭菩薩說法者！為得如是等清淨微妙諸佛法故。』

辛六、父母隨喜為法精進滿其所願

爾時，父母報女言：『汝所讚者，希有難及！說是善男子為法精進，大樂法相，及是諸佛法不可思議，一切世間最為第一，一切眾生歡樂因緣。是善男子為是法故大誓莊嚴，我等聽汝往見曇無竭菩薩，親近供養。汝發大心，為諸¹¹⁵佛¹¹⁶故如是精進，我等云何當不隨喜？』

是女為供養曇無竭菩薩故，得蒙聽許，報父母言：『我等亦隨是心歡喜，我終不斷人善法因緣。』

庚四、正往香城為法尋善友

辛一、備諸供具，往眾香城

是時，長者女莊嚴七寶車五百乘、身及侍女、種種寶物裝飾¹¹⁷供養之具，持種種水陸生華，及金、銀、寶華、眾色寶衣、好香、搗香、澤香、瓔珞，及¹¹⁸眾味飲食，共薩陀波崙菩薩、五百侍女各載一車，恭敬圍繞，漸漸¹¹⁹東去。

辛二、見眾香城，清淨端嚴

¹¹¹ 〔已〕－【聖】(大正 08, 420d, n.9)。

¹¹² 〔諸〕－【聖】(大正 08, 420d, n.10)。

¹¹³ 〔汝〕－【聖】(大正 08, 420d, n.11)。

¹¹⁴ 給＝經【聖】(大正 08, 420d, n.12)。

¹¹⁵ 諸＝得【宋】【元】【明】【宮】(大正 08, 420d, n.13)。

¹¹⁶ 佛＋(法)【元】【明】(大正 08, 420d, n.14)。

¹¹⁷ 裝飾＝莊嚴【宋】【元】【明】【宮】，〔裝飾〕－【聖】(大正 08, 420d, n.15)。

¹¹⁸ 〔金銀…及〕十七字－【聖】(大正 08, 420d, n.16)。

¹¹⁹ 漸漸＝稍稍【宮】【聖】(大正 08, 420d, n.17)。

見眾香城，七寶莊嚴，七重圍繞；七寶之塹，七寶行樹，皆亦七重。其城縱廣十二由旬，豐樂安靜，甚可熹樂，人民熾盛，五百市里，街巷相當，端嚴如畫，橋津如地¹²⁰，寬博清淨。

庚五、到所至處申二供養

辛一、見師說法眾圍繞，常啼眾等心歡喜

遙見眾香城，既入城中，見曇無竭菩薩坐高臺法座上，無量百千萬億眾，恭敬圍繞說法。

薩陀波崙菩薩見曇無竭菩薩時，心即歡喜，譬如比丘入第三禪，攝心安隱；見已，作是念：『我等儀¹²¹不應載車趣曇無竭菩薩。』作是念已，下車步進。長者女并五百侍女皆亦下車。薩陀波崙菩薩與長者女及五百侍女，眾寶莊嚴，圍繞恭敬，俱到曇無竭菩薩所。

辛二、見眾寶莊嚴供養般若

壬一、見曇無竭菩薩以眾寶莊嚴供養般若

爾時，曇無竭菩薩摩訶薩有七寶臺，赤牛頭栴檀以為莊嚴，真珠羅網以覆臺上，四角皆懸摩尼珠寶以為燈明，及四寶香爐¹²²常燒名香，為供養般若波羅蜜故。其臺中有七寶大床，四寶小床，重敷其上；以黃金牒書《般若波羅蜜》，置小床上，種種幡蓋莊嚴垂覆其上。

薩陀波崙菩薩及諸女人見是妙臺眾寶嚴飾，及見釋提桓因與無量百千萬諸天以天曼陀羅華、碎末栴檀、磨¹²³眾寶屑以散臺上，鼓天伎樂於虛空中娛樂此臺。

壬二、帝釋言般若經尊勝，曇無竭菩薩以七寶印印之

爾時，薩陀波崙菩薩問釋提桓因¹²⁴：『橋尸迦！何因緣故，與無量百千萬諸天以天曼陀羅華、碎末栴檀、磨眾寶屑以散臺上？鼓天伎樂於虛空中娛樂此臺？』

¹²⁰ 如地=方軌【聖】(大正 08, 420d, n.18)。

¹²¹ 儀=義【宋】【元】【明】【宮】【聖】(大正 08, 420d, n.19)。

¹²² 爐=鑪【宋】【宮】(大正 08, 420d, n.20)。

¹²³ 磨=摩【聖】(大正 08, 420d, n.21)。

¹²⁴ 因+(言)【宋】【元】【明】【宮】(大正 08, 420d, n.22)。

釋提桓因答言：『汝善男子不知耶？此是《摩訶般若波羅蜜》，是諸菩薩摩訶薩母，能生諸佛、攝持菩薩。菩薩學是般若波羅蜜，成就一切諸功德，得諸佛法、一切種智。』

是時，薩陀波崙即歡喜悅樂，問釋提桓因言：『憍尸迦！是般若波羅蜜，諸菩薩摩訶薩母，能生諸佛、攝持菩薩。菩薩學是般若波羅蜜，成就一切功德，得諸佛法一切種智，今在何處？』

釋提桓因言：『善男子！是臺中有七寶大床，四寶小床重敷其上；以黃金牒書《般若波羅蜜》，置小床上。曇無竭菩薩以七寶印印之，我等不能得開以示汝¹²⁵。』

辛三、先供養般若，次為法供養說法師，見諸妙相發菩提心

是時，薩陀波崙與長者女及五百侍女取供養具——華香、瓔珞、幡蓋，分¹²⁶作二分：一分供養《般若波羅蜜》，一分供養法座¹²⁷上¹²⁸曇無竭菩薩。

爾時，薩陀波崙菩薩與五百女人持華香、瓔珞、幡蓋、伎樂及諸珍寶，供養般若波羅蜜已，然後到¹²⁹曇無竭菩薩所。

到已，見曇無竭菩薩在法座上坐，以諸華香、瓔珞、搗香、澤香、金銀、寶華、幡蓋、寶衣散曇無竭菩薩上，為法故供養。

是時，諸華香、寶衣，於曇無竭菩薩上虛空中化成華臺；碎末梅檀、寶屑、金銀、寶華化成寶¹³⁰帳；寶¹³¹帳之上所散種種寶衣，化為寶蓋，寶蓋四邊垂諸寶幡。

薩陀波崙及諸女人見¹³²曇無竭菩薩所作變化，大歡喜，作是念：『未曾有也！曇無竭大師神德乃爾！行菩薩道時，神通力尚能如是，何況得

¹²⁵ 示汝=相示【宮】(大正 08, 420d, n.23)。

¹²⁶ [分] - 【聖】(大正 08, 420d, n.24)。

¹²⁷ [法座] - 【聖】(大正 08, 420d, n.25)。

¹²⁸ 上+(坐)【聖】(大正 08, 420d, n.26)。

¹²⁹ 到=向【宋】【元】【明】【宮】(大正 08, 421d, n.1)。

¹³⁰ 寶+(寶)【聖】(大正 08, 421d, n.2)。

¹³¹ [寶] - 【聖】(大正 08, 421d, n.3)。

¹³² 見+(是)【宋】【元】【明】【宮】(大正 08, 421d, n.4)。

阿耨多羅三藐三菩提時！』

是時，長者女及五百女人清淨信心敬重曇無竭菩薩，皆發阿耨多羅三藐三菩提心，作是願言：『如曇無竭菩薩得菩薩諸深法，如曇無竭菩薩供養般若波羅蜜，如曇無竭菩薩於大眾中演說顯示般若波羅蜜義，如曇無竭菩薩得般若波羅蜜、方便力、成就神通、於菩薩事中得自在，我等亦當如是！』

庚六、見善知識陳求法之誠請決所疑

辛一、禮敬善知識

是時，薩陀波崙菩薩及五百女人，香華¹³³、寶物供養般若波羅蜜及曇無竭菩薩¹³⁴已，頭面禮曇無竭菩薩，合掌¹³⁵恭敬，一面立。

辛二、面陳求法之意

一面立已，白曇無竭菩薩言：『我本求般若波羅蜜時，於空閑林中，聞空中聲言：「善男子！汝從是東行，當得聞般若波羅蜜。」』

我受是語東行，東行不久，作是念：「我何不問空中聲：『我當何處去？去是遠近？當從誰聞？』」

我是時大憂愁啼哭，於是處住七日七夜，憂愁故，乃至不念飲食，但念：「我何時當得聞般若波羅蜜？」我如是憂愁，一心念般若波羅蜜，見¹³⁶佛身在虛空中語我言：「善男子！汝¹³⁷大欲、大精進，心莫放捨！以是大欲、大精進心，從是東行，去是¹³⁸五百由旬，有城名眾香，是中有菩薩摩訶薩名曇無竭，從是人所，當得聞般若波羅蜜。是曇無竭菩薩，世世是汝善知識，常守護汝。」我從佛受教誨已，便東行，更無餘念，但念：「我何時當見曇無竭菩薩，為我說般若波羅蜜？」

我爾時中道住，於一切法中得無礙智見、得觀諸法性等諸三昧¹³⁹現在

¹³³ 香華＝華香【宋】【元】【明】【宮】(大正 08, 421d, n.5)。

¹³⁴ [菩薩]－【聖】(大正 08, 421d, n.6)。

¹³⁵ 合掌＝合手【宮】【聖】下同(大正 08, 421d, n.7)。

¹³⁶ 見＝現【宮】(大正 08, 421d, n.8)。

¹³⁷ [汝]－【聖】(大正 08, 421d, n.9)。

¹³⁸ 是＝此【宋】【元】【明】(大正 08, 421d, n.10)。

¹³⁹ 三昧＋(門)【宋】【元】【明】【宮】*(大正 08, 421d, n.11)。

前；住是三昧已，見十方無量阿僧祇諸佛說是般若波羅蜜。

諸佛讚我言：「善哉！善哉！善男子！我本求般若波羅蜜時，得諸三昧，亦如汝今日，得是諸三昧已，遍得諸佛法。」

諸佛為我廣說法，安慰我已，忽然不現。

我從三昧起，作是念：「諸佛從何處來？去¹⁴⁰至何所？」我不見諸佛故大愁憂，復作是念：「曇無竭菩薩供養先佛、殖善¹⁴¹根、久行般若波羅蜜、善知¹⁴²方便力，於菩薩道中得自在，是我善知識，守護我。我當問曇無竭菩薩是事：『諸佛從何所來？去至何所？』」

辛三、請解心中疑惑

我今問大師：『是諸佛從¹⁴³何處來？去至何處？大師！為我說諸佛所從來、所至¹⁴⁴處，令我得知；知已，亦常不離見諸佛。』

¹⁴⁰ (今)+去【宮】(大正 08，421d，n.12)。

¹⁴¹ (眾)+善【宋】【元】【明】(大正 08，421d，n.13)。

¹⁴² 善知=及以【明】(大正 08，421d，n.14)。

¹⁴³ [從]—【聖】(大正 08，421d，n.15)。

¹⁴⁴ 所至=去之【明】(大正 08，421d，n.16)。

《摩訶般若波羅蜜經》卷 27 〈89 法尚品〉冠科¹

《摩訶般若波羅蜜經》卷 27 (大正 08, 421b24-423c20):

戊二、明具足聞法²

己一、斷疑生信報恩供養

庚一、正為斷疑

辛一、廣明佛來去無來去義

壬一、辨法身義破有見

癸一、正明

子一、法說

爾時，曇無竭菩薩摩訶薩語薩陀波崙菩薩言：『善男子！諸佛無所從來，去亦無所至。何以故？諸法如不動相，諸法如即是佛。

善男子！無生法無來無去，無生法即是佛；無滅法無來無去，無滅法即是佛；實際法無來無去，實際法即是佛；空無來無去，空即是佛。善男子！無染無來無去，無染即是佛；寂滅無來無去，寂滅即是佛；虛空性無來無去，虛空性即是佛。

善男子！離是諸法更無佛；諸佛如、諸法如，一如無分別。

善男子！是如常一，無二、無三，出諸數法，無所有故。

子二、舉譬釋疑

丑一、舉燄喻釋

譬如春末月，日中熱時，有人見焰動，逐之求水望得。於汝意云何？是水從何池、何山、何泉來？今何所去？若入東海、西海、南海、北海耶？』

薩陀波崙言：『大師！焰中尚無水，云何當有來處、去處？』

曇無竭菩薩語薩陀波崙菩薩言：『善男子！愚夫無智，為熱渴所逼，見焰動，無水生水想。

善男子！若有人分別諸佛有來有去，當知是人皆是愚夫。何以故？善

¹ 妙境法師，《摩訶般若波羅蜜經》冠科(下冊)，pp.1168-1180。

² 對照《大智度論》卷 99 〈89 曇無竭品〉(大正 25, 744c16-750b16)。

男子！諸佛不可以色身見，諸佛法身無來無去，諸佛來處去處亦如是。

丑二、舉幻喻釋

善男子！譬如幻師幻作種種——若象、若馬、若牛、若羊、若男、若女，如是等種種諸物。於汝意云何？是幻事從何處來？去至何所？』

薩陀波崙菩薩言：『大師！幻事無實，云何當有來³去處？』

『善男子！是⁴人分別佛有來有去亦如是。

丑三、舉夢喻釋

善男子！譬如夢中見若象、若馬、若牛、若羊、若男、若女。於汝意云何？夢中所見有來處、有去處不？』

薩陀波崙言：『大師！是夢中所見虛妄，云何當有來去？』

『善男子！是⁵人分別佛有來有去亦如是。

癸二、結其得失

子一、結失

善男子！佛說諸法如夢。

若有眾生不知諸法如夢⁶，以名字色身是佛⁷，是人分別諸佛有來有去，不知諸法實⁸相故，皆是愚夫無智之數。是諸人數數往來五道，遠離般若波羅蜜，遠離諸佛法。

子二、結得

善男子！佛說諸法如幻、如夢。

若有眾生如實知，是不分別諸法若來若去，若生若滅；若不分別諸法若來若去、若生若滅，則能知佛所說諸法實相。是人行般若波羅蜜，近阿耨多羅三藐三菩提，名為真佛弟子，不虛妄食人信施，是人應受供養，為世間福田。

³ 來+(處)【宋】【元】【明】【宮】。(大正 08, 421d, n.19)。

⁴ 是=若【宮】。(大正 08, 421d, n.20)。

⁵ 是=若【宋】【元】【明】。(大正 08, 421d, n.21)。

⁶ 是=若【宋】【元】【明】。(大正 08, 421d, n.22)。

⁷ [是佛是人]—【聖】。(大正 08, 421d, n.23)。

⁸ 實+(際)【宋】【元】【明】【宮】。(大正 08, 422d, n.1)。

壬二、辨應身義破無見

癸一、舉海寶喻明感應因緣

善男子！譬如大海水中諸寶⁹，不從東方來，不從南方、西方、北方、四維、上下來，眾生善根因緣故，海生此寶。此寶亦不無因無¹⁰緣而生，是寶皆從因緣和合生，是寶若滅亦不去至十方。諸緣合故有，諸緣離故滅。

善男子！諸佛身亦如是，從本業因緣果報生，生時¹¹不從十方來，滅時亦不去至十方；但諸緣合故有，諸緣離故滅。

癸二、舉箜篌聲喻明因緣果

善男子！譬如箜篌聲，出時無來處，滅時無去處。眾緣和合故生——有槽¹²、有頸、有皮、有弦、有柱、有棍、有人以手鼓之，眾緣和合而有是¹³聲；是聲亦不從槽出，不從頸出，不從皮出，不從弦出，不從棍出，亦不從人手出，眾緣和合爾乃有聲。是因緣離時，亦無去¹⁴處。

善男子！諸佛身亦如是，從無量功德因緣生，不從一因一緣一功德生，亦不無因緣有，眾緣和合故有。諸佛身不獨從一事成，來無所從、去無所至。

癸三、結

善男子！應當如是知諸佛來相去相。

辛二、例一切法來去無來去義

善男子！亦當知一切法無來去相。汝若知諸佛及諸法無來無去、無生無滅相，必得阿耨多羅三藐三菩提，亦能行般若波羅蜜及方便力。』

庚二、聞法生信報恩供養

辛一、天主愛樂佛道以華與菩薩令供養法師

爾時，釋提桓因以天曼陀羅華與薩陀波崙菩薩摩訶薩，作是言：『善

⁹ 寶=實【聖】。(大正 08, 422d, n.2)。

¹⁰ [無]—【宋】【元】【明】【宮】【聖】。(大正 08, 422d, n.3)。

¹¹ [生時]—【聖】。(大正 08, 422d, n.4)。

¹² 槽=曹【聖】(大正 08, 422d, n.5)。

¹³ [是]—【聖】。(大正 08, 422d, n.6)。

¹⁴ 去=法【聖】。(大正 08, 422d, n.7)。

男子！以是華供養曇無竭菩薩摩訶薩，我應當守護供養汝。所以者何？汝因緣力故，今日饒益百千萬億眾生，便為¹⁵得¹⁶阿耨多羅三藐三菩提。

善男子！如是善人，甚為難遇！為饒益一切眾生故，無量阿僧祇劫受諸勤苦。』

薩陀波崙菩薩摩訶薩受釋提桓因曼陀羅華，散曇無竭菩薩上。

辛二、常啼以身奉法師

白言：『大師！我從今日以身屬師，供給供養。』如是白已，合掌師前立。

是時，長者女及五百侍女白薩陀波崙菩薩言：『我等從今日亦以身屬師。我等以是善根因緣故，當得如是法，亦如師所得；共師世世供養諸佛，世世常供養師。』

是時，薩陀波崙菩薩語長者女及五百女人：『若汝等以誠¹⁷心屬我者，我當受汝。』

諸女言：『我等以誠心屬師，當隨師教。』

是時，薩陀波崙菩薩與長者女¹⁸及五百女人，并諸莊飾寶物上妙供具及五百乘七寶車，奉上曇無竭菩薩，白言：『大師！我持是五百女人奉給大師，是五百乘車隨師所用。』

爾時，釋提桓因讚薩陀波崙菩薩言：『善哉！善哉！善男子！菩薩摩訶薩捨一切所有，應如是如是布施，疾得阿耨多羅三藐三菩提。作¹⁹如是供養說法人，必得²⁰聞般若波羅蜜及方便力。過去諸佛本行菩薩道時，亦如是住布施中，得聞般若波羅蜜及方便力，得阿耨多羅三藐三菩提。』

爾時，曇無竭菩薩欲令薩陀波崙菩薩善根具足故，受五百乘車、長者²¹女及五百侍女；受已，還與薩陀波崙菩薩。

¹⁵ 便為=使【宋】【元】【明】【宮】【聖】。(大正 08, 422d, n.8)。

¹⁶ [得] - 【聖】。(大正 08, 422d, n.9)。

¹⁷ (至)+誠【宋】【元】【明】【宮】。(大正 08, 422d, n.10)。

¹⁸ [與長者女] - 【宋】【元】【明】【宮】【聖】。(大正 08, 422d, n.11)。

¹⁹ [作] - 【聖】。(大正 08, 422d, n.12)。

²⁰ (能)+得【宋】【元】【明】【宮】。(大正 08, 422d, n.13)。

²¹ (及)+長者【宋】【元】【明】【宮】。(大正 08, 422d, n.14)。

己二、正說般若

庚一、入定為說法緣由

辛一、法尚七歲入諸三昧及行般若

是時，曇無竭菩薩說法，日沒，起，入宮中。

薩陀波崙菩薩摩訶薩作是念：『我為法故來，不應坐、臥，當以二儀²²——若行、若立，以待²³法師從宮中出說法。』

爾時，曇無竭菩薩七歲一心入無量阿僧祇菩薩三昧²⁴，及行般若波羅蜜、方便力。

辛二、常啼七歲一意期師出定說法

薩陀波崙菩薩七歲經行、住立，不坐、不臥，無有睡眠，無欲、恚、惱，心不著味；但念：『曇無竭菩薩摩訶薩何時當從三昧起，出而說法？』

辛三、敬師法故欲淨法座求水不得

薩陀波崙菩薩過七歲已，作是念：『我當為曇無竭菩薩摩訶薩敷說法座，曇無竭菩薩摩訶薩當座上說法。我當灑掃清淨，散種種華，莊嚴是處，為曇無竭菩薩摩訶薩當說般若波羅蜜及方便力故。』

是時，薩陀波崙菩薩與長者女及五百侍女為曇無竭菩薩摩訶薩敷七寶床，五百女人各脫上衣以敷座上，作是念：『曇無竭菩薩摩訶薩當坐此座上，說般若波羅蜜及方便力。』

薩陀波崙菩薩敷座已，求水灑地而不能得。

辛四、惡魔隱蔽令水不現欲壞其心

所以者何？惡魔隱蔽，令水不現。魔作是念：『薩陀波崙菩薩求水不得，於阿耨多羅三藐三菩提乃至²⁵生一念劣心²⁶、異心，則智慧不照，善根不增，於一切智而有稽留。』

辛五、常啼刺身以血灑地魔不得便

²² 儀=義【聖】。(大正 08，422d，n.15)。

²³ 待=侍【聖】(大正 08，422d，n.16)。

²⁴ 昧+(中)【宋】【元】【明】【宮】。(大正 08，422d，n.17)。

²⁵ [乃至]—【聖】。(大正 08，422d，n.18)。

²⁶ [心]—【聖】。(大正 08，422d，n.19)。

爾時，薩陀波崙菩薩作是念：『我當自刺其身，以血灑地，令無塵土來至大師。我何用此²⁷身！此身必當破壞。我從無始生死以來，數數喪身，未曾為法。』即以利刀自刺，出血灑地。

薩陀波崙菩薩²⁸及長者女并五百侍女皆無異心，惡魔亦不能得便。

辛六、天主作念歎其深心愛法如佛

是時，釋提桓因作是念：『未曾有也！薩陀波崙菩薩愛法乃爾，以刀自刺出血灑地！薩陀波崙及眾女人心不動轉，惡魔波旬不能壞其善根。其心堅固，發大莊嚴，不惜身命，以深心欲求阿耨多羅三藐三菩提，當度一切眾生無量生死苦。』

釋提桓因讚薩陀波崙菩薩言：『善哉！善哉！善男子！汝精進力大，堅固難動，不可思議！汝愛法、求法，最為無上！善男子！過去諸佛亦如是，以深心愛法、惜法、重法，集諸功德，得阿耨多羅三藐三菩提。』

辛七、常啼求華欲作供養天主與之

薩陀波崙菩薩作是念：『我為曇無竭菩薩摩訶薩敷法座，掃灑清淨已訖，當於何處得好名華莊嚴此地？若曇無竭菩薩摩訶薩法座上坐說法時，亦當散華供養。』

釋提桓因知薩陀波崙菩薩心所念，即以三千石天曼陀羅華與薩陀波崙。

薩陀波崙受華²⁹，以半散地，留半待曇無竭菩薩摩訶薩坐法座³⁰上說法時當供養。

庚二、起定正為說法

辛一、起定誠聽

爾時，曇無竭菩薩摩訶薩過七歲已，從諸三昧起，為說般若波羅蜜故，與無量百千萬眾恭敬圍繞，往法座上坐。

²⁷ 此=是【宋】【元】【明】【宮】。(大正 08, 422d, n.20)。

²⁸ [菩薩] - 【聖】。(大正 08, 422d, n.21)。

²⁹ 華+(已)【宋】【元】【明】【宮】。(大正 08, 423d, n.1)。

³⁰ [座] - 【聖】。(大正 08, 423d, n.2)。

薩陀波崙菩薩摩訶薩³¹見曇無竭菩薩摩訶薩時，心得悅樂，譬如比丘入第三禪。

爾時，薩陀波崙菩薩摩訶薩及長者女并五百侍女到曇無竭菩薩摩訶薩所，散天曼陀羅華，頭面禮畢，退坐一面。

曇無竭菩薩見其坐已，告薩陀波崙菩薩言：『善男子！諦聽！諦受！今當為汝說般若波羅蜜相。³²』

辛二、正為說法

壬一、就諸法異相以顯般若

善男子！諸法等故，當知般若波羅蜜亦等。
諸法離故，當知般若波羅蜜亦離。
諸法不動故，當知般若波羅蜜亦不動。
諸法無念故，當知般若波羅蜜亦無念。
諸法無畏故，當知般若波羅蜜亦無畏。
諸法一味故，當知般若波羅蜜亦一味。
諸法無邊故，當知般若波羅蜜亦無邊。
諸法無生故，當知般若波羅蜜亦無生。
諸法無滅故，當知般若波羅蜜亦無滅。

壬二、就譬歎般若德無不備

虛空無邊故，當知般若波羅蜜亦無邊。
大海水無邊³³故，當知般若波羅蜜亦無邊。
須彌山莊嚴故，當知般若波羅蜜亦莊嚴。

壬三、明般若無所分別

虛空無分別故，當知般若波羅蜜亦無分別。

壬四、明般若順遠法

色無邊故，當知般若波羅蜜亦無邊；受、想、行、識無邊故，當知般若波羅蜜亦無邊。

³¹ [摩訶薩] — 【宋】【元】【明】【宮】。(大正 08, 423d, n.3)

³² 對照《大智度論》卷 100〈89 曇無竭品〉(大正 25, 750b20-753c26)。

³³ [大海水…亦無邊] 十六字 — 【宮】。(大正 08, 423d, n.4)。

地種無邊故，當知般若波羅蜜亦無邊；水種、火種、風種無邊故，當知般若波羅蜜亦無邊；空種無邊故，當知般若波羅蜜亦無邊。

壬五、明般若無心於物而能斷惑累

如金剛等故，當知般若波羅蜜亦等。
諸法無分別故，當知般若波羅蜜亦無分別。

壬六、明般若性空寂

諸法性不可得故，當知般若波羅蜜性亦不可得。
諸法無所有等故，當知般若波羅蜜亦無所有等。
諸法無作故，當知般若波羅蜜亦無作。

壬七、明般若不可思議

諸法不可思議故，當知般若波羅蜜亦不可思議。』

戊三、明聞法得益

是時，薩陀波崙菩薩摩訶薩，即於坐處得諸三昧，所謂諸法等三昧、諸法離三昧、不動三昧、無念三昧³⁴、諸法無畏三昧、諸法一味三昧、諸法無邊三昧、諸法無生三昧、諸法無滅三昧、虛空無邊三昧、大海水無邊三昧、須彌山莊嚴三昧、虛空無分別三昧、色無邊三昧、受想行識無邊三昧、地種無邊三昧、水種火種風種空種無邊三昧、如金剛等三昧、諸法無分別三昧、諸法不可思議三昧——如是等得六百萬諸三昧門。」

丁三、結勸修行

爾時，佛告須菩提：「如我今於三千大千世界中與諸比丘僧圍繞，以是相、以是像貌、以是名字說般若波羅蜜。

薩陀波崙得是六百萬三昧門，見東方、南西³⁵北方、四維、上下如恒河沙等三千大千世界中諸佛與諸比丘恭敬圍繞，以如是相、如³⁶是像貌、如是名字說是³⁷摩訶般若波羅蜜亦如是。

薩陀波崙菩薩從是以³⁸後，多聞、智慧不可思議，如大海水；常不離

³⁴ [不動…昧] 八字—【宋】【元】【明】【宮】【聖】。(大正 08, 423d, n.5)。

³⁵ 南西=南方西方【宋】【元】【明】【宮】。(大正 08, 423d, n.6)。

³⁶ 如=以【元】【明】。(大正 08, 423d, n.7)。

³⁷ [是]—【聖】。(大正 08, 423d, n.8)。

³⁸ 以=已【元】【明】。(大正 08, 423d, n.9)。

諸佛，生於有佛國中。乃至夢中未曾不見佛時；一切眾難皆悉已斷，在所佛國隨願往生。

須菩提！當知是般若波羅蜜因緣，能成就菩薩摩訶薩一切功德，得一切種智。

以是故，須菩提！諸菩薩摩訶薩若欲學六波羅蜜、欲深入諸佛智慧、欲得一切種智，應受持般若³⁹波羅蜜，讀、誦⁴⁰、正憶念、廣為他人說，亦書寫經卷，供養、尊重、讚歎，香華乃至伎樂。

何以故？般若波羅蜜是過去、未來、現在十方諸佛母，十方諸佛所尊重故。」

³⁹ (是)+般若【宋】【元】【明】【宮】。(大正 08，423d，n.10)。

⁴⁰ 讀誦=誦讀【聖】(大正 08，423d，n.11)。

《摩訶般若波羅蜜經》卷 27 〈90 囑累品〉冠科¹

《摩訶般若波羅蜜經》卷 27 (大正 08, 423c21-424a13):

丙三、明付囑流通方便般若²

丁一、明付囑流通

戊一、殷勤付囑阿難令尊重供養

爾時，佛告阿難：「於汝意云何？佛是汝大師不？汝是佛弟子不？」

阿難言：「世尊！佛是我大師，修伽陀是我大師，我是佛弟子。」

佛言：「如是！如是！我是汝大師，汝是我弟子。若如弟子所應作者，汝已作竟。阿難！汝用身、口、意慈業³供養供給我，亦常如我意，無有違失。

阿難！我身現在，汝愛敬供養供給，心常清淨；我滅度後，是一切愛敬、供養、供給事，當愛敬、供養般若波羅蜜！乃至第二、第三，以般若波羅蜜囑累汝⁴。

戊二、付囑阿難令流通不絕

阿難！汝莫忘失⁵，莫作最後斷種人！

戊三、明付囑之意

阿難！隨爾所時，般若波羅蜜在世⁶，當知爾所時有佛在世說法。

阿難！若有書般若波羅蜜，受持、讀、誦、正憶念、為人廣說，恭敬、尊重、讚歎，華香、幡蓋、寶衣、燈燭種種供養，當知是人離見佛、不離聞法，為常親近佛。」

丁二、大眾歡喜奉行

佛說般若波羅蜜已，彌勒等諸菩薩摩訶薩、慧命須菩提、慧命舍利弗、

¹ 妙境法師，《摩訶般若波羅蜜經》冠科(下冊)，pp.1181-1182。

² 對照《大智度論》卷 100 〈90 囑累品〉(大正 25, 753c29-756c8)。

³ 業=常【宮】。(大正 08, 423d, n.12)。

⁴ [汝] - 【聖】。(大正 08, 424d, n.1)。

⁵ (莫)+失【宋】【元】【明】【宮】【聖】。(大正 08, 424d, n.2)。

⁶ 世+(者)【宋】【元】【明】【宮】。(大正 08, 424d, n.3)。

大目犍連、摩訶迦葉、富樓那彌多羅尼子、摩訶拘絺羅、大⁷迦旃延、阿難等，并一切大眾，及一切世間諸天、人、犍⁸闍婆、阿修羅等，聞佛所說，皆大歡喜。

⁷ 大=摩訶【宋】【元】【明】【宮】。(大正 08，424d，n.4)。

⁸ 犍=乾【宋】【元】【明】。【宮】。(大正 08，424d，n.5)。